

禪宗金書



禪宗全書

宗義部五

(35)

藍吉富 主編

北京圖書館出版社



解題

一、宗門寶積錄

編譯組

全書九三卷。清·山曉本哲編。

山本曉哲，西蜀枳里人，號欬堂，弘覺木陳道忞法嗣，主席天童，後奉詔住持隆安。康熙十五年（西元一六七六）承師命，蒐輯宋元以來諸禪師語錄，刪繁領要，彙爲大集，以補「五燈會元」、「古尊宿語錄」等書之未備。全書費時三年完成，計收八八人之語要。內容主要做「古尊宿語錄」，收上堂、示衆、小參、機緣、拈頌、法語等類。卷首除凡例、目錄及康熙十八年的自序，另有翰林院學士徐元文、河北宛平縣王熙、浙江鄞縣甬江李鄴嗣等當代名士之序文。

本輯依「卍續藏」本，僅收其序文、凡例及目錄部分。

二、禪海十珍

編譯組

全書一卷。明·爲霖道霈集。清康熙二六年（西元一六八七）序刊。

爲霖道霈，福州鼓山湧泉寺永學元賢禪師，青原下三十六世，因有感於「上（智）者以世智論

量大法，下（愚）者甘自守愚……終身役役而不知所歸」，特於禪海中選出十篇法寶，拈其綱宗，論其淵旨，期做為後世學人參禪學道的標準。所謂「十珍」，是指「七佛傳法偈」、「菩提達磨的契」、「入道四行」、三祖的「信心銘」、六祖的「一種三昧」、永嘉的「證道歌」、石頭的「參同契」、臨濟的法語、洞山的「寶鏡三昧」、同安的「十玄談」、浮山的「九帶」。

卷首有清康熙二六年，作者於鼓山聖箭堂所寫的序文。

三、正名錄

編譯組

清代康熙年間禪僧智楷所撰，是對「五燈全書」所載禪宗系譜的批駁。全書凡十四卷。清康熙三十三年原刻本。

清代初年的佛教界，法諍甚烈，禪僧智楷有鑑於當時「五燈全書」所載，紊亂宗支系譜，故奮力廣搜舊章，兼採新條，考證州羣分野、人代後先、師資授受及宗支來源，撰成「正名錄」，作為嚴正之批駁。

本書共十四卷。卷一、卷四為二支（青原思、南嶽讓）五宗（雲門宗、法眼宗、洞山宗、臨濟宗、滄仰宗）來源考。卷五、卷七為洞宗世次備考。卷八、卷十四為濟宗世次備考。其述古辨今，事重言複，在在務以明析法理。當時禪僧法諍之紛，亦可從此書中略見一二。

四、野雲映禪師宗統頌

編譯組

一卷。清·心月燈映撰，性璨錄。康熙三十六年（一六九七）刊行。

本書輯錄自南岳第一世南岳懷讓，至第三十世鐵壁慧機的略傳及頌文。卷末附有「野雲映禪師塔銘」、「野雲禪師行狀」。

五、禪宗直指

編譯組

全書一卷。清·石成金撰。

作者石成金居士，揚州人，字天基，號惺齋。本書為其傳家寶典之一，書內題作「傳家寶禪宗直指」，主旨如內題下所示「明心見性須知成佛成祖要法」，在明示經由參禪工夫而見性得悟、成佛成祖的要法。全書分「密傳參禪要法」及「密傳佛法通旨」兩部分，前者主要列舉四六條參禪工夫要法並詳加說明；後者主要分十項釋明一般對佛法的論難。

六、大事因緣

編譯組

全書一卷。清·揚州石成金（天基）撰。與「禪宗直指」同係為參禪者所編之入門性讀物。然「禪宗直指」主要在點明參禪方法及佛法要義，而「大事因緣」則列大慧杲、雪巖欽、高峯妙、紹巖、瑞鹿、玄沙、徑山等七位禪師之傳略，或開悟因緣、或開示等項內容，以人為主而不是以義理為主。

七、五家宗旨纂要

編譯組

闡述五家宗風的論著。凡三卷。清·三山燈來（一六一四—一六八五）撰，性統編。康熙四十二年（一七〇三）刊行。

本書一名「三山來禪師五家宗旨纂要」，旨在論述五家宗風——臨濟宗是全機大用、棒喝齊施；曹洞宗是君臣道合、正偏相資；潯仰宗是父子一家、師資唱和；雲門宗是出語高古、迴異尋常；法眼宗是聞聲悟道、見色明心。書中除詳列各宗特別著重的法門，並舉出實例，為研究禪門法要者所必讀。

本書雖稱「五家宗旨纂要」，但內容卻偏重在臨濟宗及曹洞宗，書前錄有作者師父——慶忠鐵壁機老人（一六〇三—一六六八）的五宗斷：

用臨濟而不通曹洞則類野狐，用曹洞而不通臨濟則落教網，是必濟洞兼通則雲門、潯仰、法眼在其中矣。

全書三卷，卷上論臨濟宗、卷中論曹洞宗、卷下論潯仰、雲門、法眼三宗。內容除舉示各宗法要外，更一一附上略解及頌。卷末另附「三身四智說」及「八識拈評」。

本書作於順治十四年（一六五七），但四十餘年後（即康熙四十二年）才由門人性統編輯刊行，書後除性統所寫「志略」外，另附有「捐刻芳名」。

八、御製揀魔辨異錄

編譯組

全書八卷。清世宗撰。雍正十一年（西元一七三三）刊行。

清世宗因有鑑於密雲圓悟派下法藏及弘忍所說誑世惑人，有如外魔知見，特作此「揀魔辨異錄」，揀擇彼等語錄及著作「五宗原」、「五宗教」所說，一一加以辯駁，冀後世具正知見者知其魔異，不起他疑。關於撰述的緣由，卷首的「諭告文」有詳細的說明：「……及見密雲悟錄內示其徒法藏闢妄語，其中所據法藏之言，駭其全迷本性，無知妄說，不但不知佛法宗旨，即其本師悟處亦全未窺見，肆其臆誕誑世惑人，此真外魔知見，所以其師一闢再闢……魔嗣弘忍中其毒者，復有五宗教一書一併流傳，冀魔說之不朽，造魔業於無窮，天下後世具眼者少，不知其害。即有知而闢之者，有德無位，一人之言，無徵不信，將使究竟禪宗者懷疑而不知所歸……朕爲天下主，精一執中，以行修齊治平之事，身居局外，並非開堂說法之人，於悟修何有，又於藏忍何有，但既深悉禪宗之旨，洞知魔外之情，灼見現在魔業之大，預識將來魔患之深，實有不得不言，不忍不言者……。」

書中引述法藏、弘忍所說時，均冠以魔忍曰、魔藏曰，或魔藏父子等字，以示分別。

九、宗範

編譯組

全書二卷。清·錢伊庵編。清道光十五年（西元一八三〇）十月起稿，十三年十二月完成，十五年付梓刊行。

本書是就禪門的立場，將宗教的規範、修道的正軌，分十章加以詳述，強調「教禪融合須禪淨雙修」，若依此修習則可為現世人師，來世佛祖，故名「宗範」。所分十章，依次為禪源、徹參、調習、入聖、利人、顯喻、機用、綱宗、示辯、貫教。卷首有清光緒十二年（一八八六）李宗鄴「重刻宗範序」，道光十五年門人諾庵序文，以及凡例。卷末附項皓跋文。

十、大梵天王問佛決疑經（二卷本）

編譯組

十一、大梵天王問佛決疑經（一卷本）

編譯組

本書有二卷本和一卷本兩種。作者不詳，成書年代亦不詳。又名「問佛決疑經」。

本書內容，敘述世尊於靈山會上拈金波羅華，迦葉尊者破顏為笑，世尊乃說我正法眼藏涅槃妙心實相無相付與摩訶迦葉云云。後世禪徒乃謂此事為禪宗的起源。「拈花微笑」的典故，後人即依據本書。

本書已被學術界公認為中國佛教徒所偽託，並非自印度傳入。有關該書偽託之論證，可參閱日本忽滑谷快天「禪學思想史」上卷第二編第一章第十七——二十一節。

十二、禪海塔燈

編譯組

陳健民撰。收在「曲肱齋叢書」之中。

作者爲民國以來遠赴康藏、印度學習密法的太德。此書爲其閉關於印度噶倫堡時所撰。作者以「得箇入處、知個出處、得個用處、知個了處」四層工夫標準，以衡量歷代公案。此外，並以「痛念無常」、「徹底出離」警醒學人。並且舉出歷代之禪病、禪功證量等以供禪宗行人參酌。

目次

解題

壹、宗門寶積錄(僅收序、凡例、目錄).....一

序.....二

凡例.....六

原書目錄.....七

貳、禪海十珍.....一三

序.....一四

原書目錄.....一四

七佛傳法偈.....一四

初祖菩提達磨大師入道四行.....一五

三祖僧璨大師信心銘.....一六

六祖大鑒禪師二種三昧.....一七

永嘉眞覺禪師證道歌.....一八

石頭希遷禪師參同契	二一
鎮州臨濟義玄和尚法語	二一
洞山价禪師寶鏡三昧	二二
同安察禪師十玄談	二三
浮山遠禪師九帶	二四
叁、正名錄	二九
序	三一
卷一	三二
二支五宗來源考之一	三二
卷二	四五
二支五宗來源考之二	四五
卷三	五五
二支五宗來源考之三	五五
卷四	七二
二支五宗來源考之四	七二
卷五	八二
洞宗世次備考之一	八二
卷六	九九

洞宗世次備考之二	卷七	一一一
洞宗世次備考之三	卷八	一三一
濟宗世次備考之一	卷九	一五九
濟宗世次備考之二	卷十	一七二
濟宗世次備考之三	卷十一	一九一
濟宗世次備考之四	卷十二	二〇六
濟宗世次備考之五	卷十三	二一八
濟宗世次備考之六	卷十四	二三九
濟宗世次備考之七	肆、野雲映禪師宗統頌	二五九

南岳第一世——南岳第三十世·····	二六一
野雲映禪師塔銘·····	二六九
野雲禪師行狀·····	二七〇
伍、禪宗直指·····	二七三
密傳參禪要法·····	二七五
密傳佛法通皆·····	二八八
陸、大事因緣·····	二九五
大慧杲禪師·····	二九七
雪巖欽禪師·····	三〇三
高峯妙禪師·····	三〇九
紹巖禪師·····	三一—
瑞鹿大師·····	三一—
玄沙大師·····	三一—
徑山大師·····	三一四
柒、五家宗旨纂要·····	三一七
序·····	三一七
原書目錄·····	三一七
卷上·····	三一七

臨濟宗(濟宗四料揀——臨濟宗旨頌)

卷中

曹洞宗(洞宗偏正五位——曹洞宗旨頌)

卷下

鴻仰宗(圓相起因——總斷)

雲門宗(雲門三句——雲門宗旨頌)

法眼宗(華嚴六相義——法眼宗旨頌)

附錄

三身四智說、八識拈評

志略

捌、御製揀魔辨異錄

序

卷一

「魔忍曰，佛不云乎，吾有正法眼藏……」

卷二

「魔忍曰，祖有信心銘近千言……」

卷三

「魔忍曰，濟用處，如巨靈擘華嶽……」

三四一

三六一

三六六

三七一

三七四

三七八

三七九

三八一

三八七

四〇〇

四一五

卷四……………四二九

「魔忍曰，先師曰，待心死而伏誅……」

卷五……………四四三

「魔忍曰，佛果曰，不疑言句……」

卷六……………四五五

「魔忍曰，臨濟大法，後世得其自受用者……」

卷七……………四七一

「魔忍敍伊師三峯藏事蹟曰……」

卷八……………四八九

「魔藏五宗原曰，嘗見繪事家圖七佛之始……」

玖、宗範……………五〇九

序……………五一—

凡例……………五一三

卷上……………五一四

禪源——顯喻

卷下……………五七四

機用——貫教

拾、大梵天王問佛決疑經（二卷本）……………六四三


凡例·····	六四四
目錄·····	六四四
卷上·····	六四五
初會法付囑品第一·····	六四五
梵王決疑品第二·····	六四六
梵王□悟密意□第三·····	六四七
比丘得道品第四·····	六四七
諸王得益品第五·····	六四九
諸國安靜品第六·····	六四九
佛告般涅槃品第七·····	六五〇
正像末法品第八·····	六五〇
略說邪正戒品第九·····	六五一
辨邪正□品第十·····	六五二
諸法實相品第十一·····	六五四
禪定品第十二·····	六五五
涅槃品第十三·····	六五六
如來病現品第十四·····	六五七
生死品第十五·····	六五八

梵王請益外道品第十六	六六一
卷下	六七一
劫末說法眞僞品第十七	六七二
略說三寶品第十八	六七二
眞如□□品第十九	六七二
佛名義品第二十	六七四
降魔品第二十一	六八〇
業識品第二十二	六八一
囑累品第二十三	六八七
四衆誓願品第二十四	六八八
拾壹、大梵天王問佛決疑經(一卷本)	六九一
原書目次	六九二
序品第一	六九二
拈華品第二	六九四
月輪品第三	六九八
法界品第四	七〇〇
六大品第五	七〇三
降魔品第六	七〇五

往生品第七	七一〇
拾貳、禪海塔燈	七二一
原書目錄	七二三
開場白	七三一
第一章・賸話先說	七三七
第二章・塔燈初層——入處	七五八
第三章・塔燈二層——出處	七八三
第四章・塔燈三層——用處	八一三
第五章・塔燈四層——了處	八五〇
第六章・同案別層之總結	八六三
第七章・一案多層選	八六五
第八章・禪病	八七〇
第九章・禪功證量	八七三
第十章・平實商量	八七八

宗門寶積錄(序、目錄)

清・木哲 編



宗門寶積錄序

釋氏之有古德。猶吾學之有先儒也。先儒以語錄。闡聖人之遺經。古德以語錄。演如來之奧義。凡標旨。樹訓。因源。以致流。由本以達末。其道一也。卽以先儒言之。自兩漢毛鄭。賈服諸家。而門講經之外。其他儒林著作。往往有與六經相爲出入。而周程張朱。後如太極通書。正蒙。東西銘。全書。語類等書。尤爲指不勝屈。卒未聞有人焉。舉先儒之議論。以類相從。而附之聖人之經之後者。迨唐之正義。明之大全。始薈粹諸家。而折衷之。識者猶或致譏。以爲正義興。而漢儒之學。始絕大全作。而宋儒之學。亦亡。蓋其書割截採取。以務合於一人之見。則漢宋諸儒之名。雖存。而僅成爲孔穎達所見之漢儒。楊榮所見之宋儒。固不若各存一編者。其人之面目。旣全。而精神畢露。能使後人讀之。如接其聲。欸而承其指授也。嗚呼。以孔穎達楊榮之學之才。而猶不免于斯弊。況與二公邈不相及者耶。故余謂輯先儒之語錄者。但當汰其重複。以期得其人之真。輯古德之語錄者。惟在云其繁蕪。以獨

存其人之是。固不必推而列諸聖人之書系。諸如來之下。然後爲泗水的傳。靈山正脈也。西蜀獻堂。哲和尚幼讀儒書。長通佛乘。得弘覺之真傳。紹天童之法席。嘗奉

詔住持。隆安爲四方參學所。宗歸而一。瓢一。裨雲流。天空眼光透露。與古宿無以異。使立諸儒者之林。其學識所至。奚止追蹤仲達。方駕勉仁而已哉。廼觀其所譯宗門寶積錄一書。簡當精確。使宋元明以來諸老之聲音笑貌。宛然如覩。非若區區藉祖燈操觚。以銜博采者比。因特表其正大之意。固可爲儒門著書之則。寧僅有功古德已耶。

康熙己未季春中浣

賜進士及第通奉大夫

經筵日講官記注起居翰林院掌院學士兼禮部侍郎

郎加一級崑山徐元文頓首拜譔

宗門寶積錄序

嘗聞古佛謂娑婆世界。以清淨音聞爲教體。故西來

傳心之旨。雖欲掃空諸相。不落言詮。而諸師心心相印。皆有契證之句。一時學者。筆受而寶藏之。又刻諸方冊。以廣流通。而語錄由是興焉。猶涉川之必資于舟楫。求魚兔者之必假于筌蹄也。夫心之本體。卽性也。一法不立。而萬用全彰。迴脫根塵。而真機獨露。其微妙至矣。然衆生爲情見牽纏。鮮能安居正受。于是向上諸師。設立疑情。假縱奪殺活之術。以去其黏縛。而使之透脫。粵及百世而下。有善思惟者。卽心而悟。其機用蓋如此之妙也。欽惟

世祖章皇帝。乘天宮福德之願。執金輪以統御天下。其深仁厚澤。所漸被與如來法化。相爲廣厚。而多生自悟之智。復有契於當日之涅槃妙心。間當萬機暇時。游觀慧海。舉暢宗風。天光下垂。河沙徧照。凡得熏心注耳者。莫不霑慈蒙潤。無異春雷時雨。開滋萬卉之甲蘖。而使之敷榮也。于時弘覺禪師。忝公方以天童嫡子。主法東南。奉

詔而來。屢承顧問。不獨妙悟清機。足以仰符睿旨。卽其送難之際。辭辯風馳。撰述之餘。文采霞燦。

蓋有石門北磻之遺芳焉。其得法上首弟子。獻堂和上。以見地超卓。代師秉拂。入室亦如圓悟之樂。有大慧針鋒相拄。余時隨侍法筵。獲聞實義。雖未能現前發悟。而此心戚戚。識其妙諦。而掩關思入。則又彌覺不可攀躋。間嘗披閱燈錄。思盡死古人之機用。而又以不見全書爲歎。今禪師久歸寂滅。而余亦老矣。乃獻公自南還之後。奉禪師之遺囑。招集唐宋古德及元明後出諸師語錄。凡前人刊布未備者。會粹成編。名爲宗門寶積錄。千里見示。且命爲之序。余撫今追昔。味禪悅而增法喜。輒忘其固陋。願樂有言。以助正信。而又愧未能發明心地法門之萬一也。雖然。寶積經不云乎。如來所演八萬四千聲教。皆名爲文離諸一切語言文字。是名爲義學。學者于茲。錄苟能作如是觀。向無義路處。覲體自見。則歷劫所失之衣珠。不求自得。一彈指頃。而家珍種種流出。豈不快哉。是知獻公之孜孜結集。誠爲善繼先志。發古尊宿潛德之光。而有功于斯道。固不小矣。

康熙歲次癸亥仲冬

宛平王熙熏沐拜撰

序

天童獻堂和尚適撰其宗門寶積錄成。屬余叙之。余謝曰。此禪宗血脈世家所錄。俱第一義。余治儒者。未能闡其宗旨。豈敢爲叙首。雖然。余嘗考釋氏本末。自東漢始傳。四十二章。至於兩晉。而其徒益盛。時江左諸名士。若嵇以文藻自居。至辯析理源。則必從某法師某道人。每標榜諸義。輒數百語。或至數千言。花爛映發。惜無記爲語錄者。然其談理。孝經老子與小品法華經並質。大易與逍遙遊同論。雜曼已極。而釋門諸人。其文字幽深。剗刻與諸名士爭奇流而不已。遂至同弊。于是西竺菩提。不得不折蘆而來。直指本性。爲正法眼藏。盡掃除文字語言。卷翳霧。杲杲日出。此後儒釋二門。使各歸治其學。而議論遂日有不。同。余則獨驗之。凡物之異者。每迭相爲起伏。若寒暑晝夜。一來一往。一長一消。顯然可見。而儒釋二門。則不然。唐人曰。聖人之道。息于晉宋。開于唐。自昌黎先生。請身列孔門弟子。極稱孟子之道。六經墜緒。茫茫復興。而宗門亦自初祖六世至曹溪。教外別傳。花開

徧界。此其同盛一也。及宋諸大儒出。密闡心宗。始明此學。而一時禪宗亦大暢。如張文定所言。馬祖汾陽雪峯巖頭諸公。俱爲釋家收拾。此其同盛復一也。朱陸以後。其學漸分。至近世有姚江之學。有戴山之學。而聖道復著。宗門亦自元末一燈僅續。至後洞有博山來顯。聖澄濟有天童悟磐山修徑山信諸老出。而世復震動。此其同盛復一也。以是知儒釋二門。非有消長。誠以各明本心。自得至道。世人望天梁在南天樞在北。其光明相照。嵩高太華。魁然同仰。所謂道並行而不相悖者也。獻堂和尚爲悟祖長孫。山翁老人。大弟子。主席天童。眞印三世。獻公初承山翁老人之命。使輯宋元以來諸禪宿語錄。刪繁領要。彙爲大集。以補會元尊宿諸書所未備。此其事誠不易。蓋正眼妙心。微笑相授。而欲傳世人。終必寄諸文字。是必後人能以我心。眼直提出前人之妙。使更無密藏處。而後其書始可傳。此非尋常譬說所可見。有如玉中取脂。如石中取髓。如自巨海漉出四大寶珠。如品水先酌。喬漿如從衆艸。采得夜光洞鼻芝。如以玻璃盃獨

盛獅乳如得泰阿一麾。晉鄭之頭畢白。又如入秦無所取。崑崙圖書如馳登常山上。已得寶符。復如一點龍睛躍然欲舞。如於壁上。看畫水勢欲湧出。亦如數十年識得扇門半面。如於煙炭中辨是夏馥。此惟吾歎公心眼。但所指卽星。但所披卽寶。足使從上諸大老本性廓呈面目。畢竟俱若從開卷間。宛然相向其書。遂足傳萬世。山翁老人。端以此事屬公。誠甚重也。余因爲溯述儒釋兩門之盛。而歎公此書。闡提未發。其能善承先志。若此。斯誠釋林之世寶也。是爲序。

甬上學者李鄴嗣杲堂氏頓首拜譔

序

夫正法眼藏。從世尊付囑迦葉。以至達磨東來。直指人心。見性成佛。謂之教外別傳。不立文字。雖云不立文字。然直指之道。非言莫顯。故燦大師信心銘。及六祖壇經。妙演心宗。波瀾益闊。厥後五宗並列。機愈峻而唱愈高。星飛電捲。疾雷醒瞶之言。彙成燈錄。曾元尊宿諸書。後學因之。打失布袋者。不可勝紀。誠起死

回生之良劑。奚得竟以文字目之哉。第道與時運隆替。不恒赫赫。祖燈幾至九鼎一絲。而鈍根膚識之徒。無從扣入。甚至泥文字爲正句。猶執醫方以爲妙藥。不唯活人無驗。將見貽害不淺矣。賴近古老凍膿代興濟世。以楔出楔。以言破言。補偏救弊之語。又不一而足。自會元尊宿語錄輯行之後。然繼輯者不能盡載其全書。卽崛起諸老。僅存其名。而無其錄者。十有八九。如黃龍死。心靈源。瞎堂諸前輩。皆聲光烜赫。震動一時。今求其全錄。咸無有焉。蓋輯書者。僅採掇其英華。而單本集卷失之荒煙蔓草。遂以湮沒。加之陵谷變遷。兵燹相因。或存或亡。又不知其幾幾矣。是以學者不得盡見古人之全書。卽不能盡得古人之機用也。先師弘覺老人。深爲憫之。欲自宋迄今。上下四五百年間。蒐其遺錄。彙成一書。其撰集之體。取衷於古尊宿錄。聚古人於一堂。使學者得以師之。若親聆警歎。瞻其錘拂。讀其語。翫其機。而有所觸發。開悟如靈雲之見桃。香嚴之擊竹。太原聞畫角。佛果聽鷄鳴。物類尚然。何況古人雷霆之舌。劍刃之機。盡存于斯。

而不令打失布袋者乎。倘于此微見古人用處。便可與古人並驅于千載之上矣。則此書當亟成者也。集未半。適應天書之召。未卒其業。因學殘編而授哲曰。汝當成此。嗟乎。荏苒歲月。今已廿餘年矣。晨夕寅惕。惟恐負先師之命。丙辰春。始得擢管從事。蒐羅羣覽。凡三易寒暑。僅得八十八人書。成九十三卷。名之曰宗門寶積錄。成先志也。亦俾後之嗜聽滅却正法眼者。知所自爾。

告

康熙歲次己未元旦。西蜀枳里比丘山曉本哲題於

天童大鑑堂

宗門寶積錄凡例

一編輯是書。由弘覺先師見宋末元明諸祖語錄多散失無傳。使古德法檀不獲昭昭惠世。引爲後學之過。故命哲廣求諸錄。彙成一書。顏曰宗門寶積。俾得此書者。如獲衆寶。且知慧命攸歸淵源有自。第愧蒐羅不備。掛漏頗多。惟冀將來同志補集大

成焉爾

一採集規式。悉依古尊宿錄例。唯收上堂示衆小參機緣拈頌法語等類。其餘雜著。浩繁不遑具載。一歷代宗支不列世次。不折五派。者以五宗共出一祖。何必分門別戶。惟于卷目之下。略贅大鑑下第幾十幾世。以便披閱。知其所自云。一凡尊宿錄中已收者。茲錄俱不更收。然復收南嶽讓青原思者。以見大鑑下綿綿相傳。不出兩支之外耳。

一大鑑下由南嶽至十二世楊岐會及十四世五祖演諸錄。備載尊宿錄中。惟雪峯玄沙西余白雲諸老成屬單本。未經收入。故茲編從南嶽青原下首列雪峯存禪師錄。如圓悟大慧中峯錄。久經入藏。頒行茲亦不收。

一雪峯玄沙及宋末諸祖錄。屢經選訂。行世已久。茲惟去其雜著。餘皆仍舊。若元明及

昭代諸禪師錄。奚止汗牛充棟。故去繁採要。集其大槩。非敢涉私。簡擇任意去留也。

一是編原爲收拾諸祖語錄。非與傳燈續燈諸書專意稽攷譜牒世系者。比故有語錄行世者。收之。其無錄者。不敢具載空名。

一書中諸禪師。或有碩儒名宿所撰塔銘。附後者。卷首不更載其姓氏出處。竟錄上堂等語。

一近代諸錄。止於愚菴孟覺。浪盛及弘覺先師。昆季輩下。此濟濟多賢。未能備列。統俟後之君子起而輯之。惟高明鑒原。

一未詳法嗣。曾經南磧備收續燈存稿中。行世茲不復贅。

宗門寶積錄凡例

宗門寶積錄目錄

卷首

序

卷一大鑑下第一世

凡例

南嶽懷讓禪師

青原行思禪師

卷一之二大鑑下第六世

雪峯義存禪師

卷三大鑑下第七世

立沙師備禪師

卷四大鑑下第十二世

西余淨端禪師

卷五之六大鑑下第十三世

白雲守端禪師

保寧仁勇禪師

卷七大鑑下第十四世

宏智正覺禪師

卷八大鑑下第十六世

虎丘紹隆禪師

卷九之十一大鑑下第十七世至十二卷同

應菴曇華禪師

卷十二

焦山師體禪師

長翁如淨禪師

卷十三之十四大鑑下第十八世

密菴咸傑禪師

卷十五大鑑下第十九世

破菴祖先禪師

無文燦禪師

卷十六大鑑下第二十世至十八卷同

無準師範禪師

天目文禮禪師

卷十七之十八

元叟行端禪師

卷十九之二十大鑑下第二十一世至二十五卷同

雪巖祖欽禪師

卷二十一之二十二

楚石梵琦禪師

卷二十三

愚菴智及禪師

卷二十四之二十五

笑隱大訢禪師

卷二十六之二十七大鑑下第二十二世至三十三卷同

高峯原妙禪師

卷二十八之二十九

古林清茂禪師

卷三十

南石文琇禪師

卷三十一

用彰廷俊禪師

卷三十二

季潭宗勸禪師

卷三十三

鐵關法樞禪師

卷三十四大鑑下第二十三世至四十三卷同

石屋清珙禪師

卷三十五之三十六

恕中無愠禪師

卷三十七之三十八

了菴清欲禪師

卷三十九之四十

月江正印禪師

卷四十一

無見先觀禪師

石門至剛禪師

卷四十二
定岳戒淨禪師

天真惟則禪師

卷四十三

逆川智順禪師

傑峯世愚禪師

卷四十四之四十五
大鑑下第二十四世至四十九卷同

千巖元長禪師

卷四十六之四十八

天如惟則禪師

卷四十九

呆菴普莊禪師

古梅正友禪師

卷五十
大鑑下第二十五世至五十一卷同

萬峯時蔚禪師

卷五十一

松隱德然禪師

卷五十二
大鑑下第二十八世

古溪覺澄禪師

大巍淨倫禪師

卷五十三
大鑑下第三十世

天奇瑞瑞禪師

法舟道濟禪師

卷五十四
大鑑下第三十一世

無聞明聰禪師

無趣如空禪師

卷五十五之五十六
大鑑下第三十二世

笑巖德寶禪師

無幻性冲禪師

卷五十七
大鑑下第三十三世

幻有正傳禪師

卷五十八之六十六
大鑑下第三十四世

密雲圓悟禪師

天隱圓修禪師

語風圓信禪師

抱璞大蓮禪師

卷六十一
大鑑下第三十五世至八十一卷同

無明慧經禪師

五峰如學禪師

卷六十二

漢月法藏禪師

卷六十三

破山海明禪師

卷六十四

費隱通容禪師

石車通乘禪師

卷六十五

朝宗通忍禪師

卷六十六

萬如通微禪師

卷六十七之六十九

弘覺道忞禪師

卷七十

石奇通雲禪師

卷七十一之七十二

牧雲通門禪師

卷七十三

浮石通賢禪師

卷七十四

林野通奇禪師

卷七十五

林臯本豫禪師

卷七十六之七十七

大覺通琇禪師

卷七十八之七十九

箸菴通問禪師

卷八十

山茨通際禪師

卷八十一

古雪通詰禪師

卷八十二大鑑下第三十六世至八十五卷同

湛然圓澄禪師

卷八十三之八十四

無異元來禪師

晦臺元鏡禪師

卷八十五

永覺元賢禪師

卷八十六大鑑下第三十七世至九十一卷同

石雨明方禪師

卷八十七

三宜明孟禪師

卷八十八

爾密明復禪師

瑞白明雪禪師

卷八十九之九十

覺浪道盛禪師

爲霖道霈禪師

卷九十一

雪關道闇禪師

嵩乳道密禪師


卷九十二之九十三

歷傳祖圖贊

宗門寶積錄口錄終

禪海十珍

清・道霽集



集禪海十珍小序

夫別傳之道呵教勸離然而垂手接人則不廢言說故六傳之後二支五派浩浩說禪性海汪洋恒沙法寶聚集其中智者得之不自內出不從外入乃自心本有性功德耳但時當末運人根漸下上者爭以世智論量大法下者甘自守愚菽麥不分且貪多務得終身役役而不知其所歸可不哀耶無已乃特拈此十篇綱宗之言爲來學之標準其言雖約神而明之存乎其人實不在篇什之多耳苟或失旨卽掀翻三藏教海挑盡五燈微言如數他寶於已何益乎故此集之行願與智者共之

康熙丁卯夏首安居日非家叟道霈題於聖簪堂

禪海十珍目錄

七佛偈

初祖菩提達磨大師入道四行

三祖僧璨大師信心銘

六祖大鑒禪師二種三昧

永嘉眞覺禪師證道歌

石頭希遷禪師參同契

鎮州臨濟義玄和尚法語

洞山良价禪師寶鏡三昧

同安察禪師十玄談

浮山遠禪師九帶

禪海十珍

閩鼓山嗣祖沙門 道霈 集

七佛傳法偈

毗婆尸佛偈曰身從無相中受生猶如幻出諸形相
幻人心識本來無罪福皆空無所住
尸棄佛偈曰起諸善法本是幻造諸惡業亦是幻身
如聚沫心如風幻出無根無實性
毗舍浮佛偈曰假借四大以爲身心本無生因境有
前境若無心亦無罪福如幻起亦滅
拘留孫佛偈曰見身無實是佛身了心如幻是佛幻
了得身心本性空斯人與佛何殊別

拘那含牟尼佛偈曰佛不見身知是佛若實有知別無佛智者能知罪性空坦然不怖於生死

迦葉佛偈曰一切衆生性清淨從本無生無可滅卽此身心是幻生幻化之中無罪福

釋迦牟尼佛偈曰幻化無因亦無生皆卽自然見如是諸法無非自化生幻化無生無所畏

論曰七佛世尊傳法各以一偈偈偈皆破身心之見良以衆生無始劫來迷失真性妄認四大爲身六塵緣影爲心既已迷已爲物而復認物爲己從迷入迷展轉差謬沉淪苦海浩爾無涯故佛佛出世力爲道破令卽於身心中究竟悟明身心之性了不可得法身眞智觀體圓明所謂了得身心本性空斯人與佛何殊別是眞語實語讀者不可觀而錯過也或謂七佛偈不見翻譯之師何也曰此乃祖師當時面授二祖者豈假翻譯如祖初見梁武帝一問一答梵語唐言豈有間乎古人謂之禪源知言哉宋景德間道原禪師集傳燈錄而以七佛偈冠於篇首眞得佛祖心法故後代續燈錄者

皆仍之眞萬世法程也

初祖菩提達磨大師入道四行

夫入道多途要而言之不出二種一是理入一是行入理入者謂藉教悟宗深信含生同一眞性但爲客塵妄想所覆不能顯了若也捨妄歸眞凝住壁觀無自無他凡聖等一堅住不移更不隨於文教此卽與理冥符無有分別寂然無爲名之理入行入者謂四行其餘諸行悉入此中何等四耶一報冤行二隨緣行三無所求行四稱法之行云何報冤行謂修道行人若受苦時當自念言我從往昔無數劫中棄本從末流浪諸有多起冤憎違害無限今雖無犯是我宿殃惡業果熟非天非人所能見與甘心忍受都無冤訴經云逢苦不憂何以故識達故此心生時與理相應體冤進道故說言報冤行二隨緣行者衆生無我並緣業所轉苦樂齊受皆從緣生若得勝報榮譽等事是我過去宿因所感今方得之緣盡還無何喜之有得失從緣心無增減喜風不動冥順於道是故說言隨緣行也三無所求行者世人長迷處處貪著名

之爲求智者悟真理將俗反安心無爲形隨運轉萬有斯空無所願樂功德黑暗常相隨逐三界久居猶如火宅有身皆苦誰得而安了達此處故捨諸有息想無求經云有求皆苦無求乃樂判知無求真爲道行故言無所求行也四稱法行性淨之理目之爲法此理衆相斯空無染無著無此無彼經云法無衆生離衆生垢故法無有我離我垢故智者若能信解此理應當稱法而行法體無慳於身命財行檀捨施心無悵惜達解三空不倚不著但爲去垢稱化衆生而不取相此爲自行復能利他亦能莊嚴菩提之道檀施既爾餘五亦然爲除妄想修行六度而無所行是爲稱法行

論曰祖師既傳法而復示以理行二門者蓋欲後人卽其所見而履踐之耳故當時有期城太守楊街之問祖曰西天五印相承爲祖其道如何祖曰明佛心宗解行相應名之曰祖後來六祖問南嶽讓祖曰什麼物恁麼來讓曰說似一物卽不中祖曰還假修證否讓曰修證則不無染汙卽不得以

此觀之豈可徒恃其所見而撥去脩證乎何者蓋見道而不修報冤行體冤入道則有冤必報鼓忿恨風吹心識火可乎苟不修隨緣行當得勝報榮譽等事則心生貪著爲喜風所飄蕩可乎苟不脩無所求行則貪心熾盛四方馳求何時休息乎苟不脩稱法之行則雖不廢脩六度而墮於有爲矣若然則與未見道者何以異乎故見道者當稱法而行貪求永息知緣無生不生執著冤親平等豈求冤報能如是則可謂明佛心宗解行無玷而名圖祖圖庶幾無愧矣故祖師以此四行示人謂一切諸行悉入此中令其卽事入道最爲切要凡真心履道者當一日三復而生生力行之可也

三祖僧璨大師信心銘

至道無難唯嫌揀擇但莫憎愛洞然明白毫厘有差天地懸隔欲得現前莫存順逆違順相爭是爲心病不識玄旨徒勞念靜圓同太虛無欠無餘良由取捨所以不如莫逐有緣勿住空忍一種平懷泯然自盡止動歸止止更彌動唯滯兩邊寧知一種一種不通

兩處失功，遣有沒從空背空，多言多慮，轉不相應。絕言絕慮，無處不通，歸根得旨，隨炤失宗，須臾返炤。勝却前空，前空轉變，皆由妄見，不用求真，唯須息見。二見不住，慎莫追尋，才有是非，紛然失心。二由一有一亦莫守，一心不生，萬法無咎，無咎無法，不生心不能隨境滅境，逐能沉境，由能境能由境能欲知兩段元是一空，一空同兩齊，含萬象不見精粗，寧有偏黨。大道體寬，無易無難，小見狐疑，轉急轉遲，執之失度，必入邪路。放之自然，體無去住，任性合道，逍遙絕惱。繫念乖真，昏沉不好，不好勞神，何用踈親？欲取一乘，勿惡六塵，六塵不惡，還同正覺。智者無爲，愚人自縛。法無異法，妄自愛著，將心用心，豈非大錯？迷生寂亂，悟無好惡。一切二邊，良由斟酌。夢幻空華，何勞把捉？得失是非，一時放却。眼若不睡，諸夢自除。心若不異，萬法一如。一如體立，兀爾忘緣。萬法齊觀，歸復自然。泯其所以，不可方比。止動無動，動止無止。兩既不成，一何有爾？究竟窮極，不存軌則。契心平等，所作俱息。狐疑盡淨，正信調直。一切不留，無可記憶。虛明自炤。

不勞心力，非思量處，誠情難測，眞如法界，無他無自。要急相應，唯言不二，二皆同無，不包容十方智者。皆入此宗，宗非促延，一念萬年，無在不在，在十方目前。極小同大，忘絕境界，極大同小，不見邊表，有即是無，無即是有，若不如是，必不須守。一卽一切，一切卽一，但能如是，何慮不畢。信心不二，不二信心，言語道斷，非去來今。

論曰：三祖信心銘凡五百八十四言，一百四十六句句爲後學直指心體，揀去心病，示歸元之路。興無作之功，令其自信，自肯，不向外求耳。法華經須菩提等四大弟子，一生信解，卽蒙授記。古德云：一入信門，便登祖位。豈虛語哉？雖然，心是何物而可信？信是何物而信心？水不洗水，金不博金，故云信心不二，不二信心。言語道斷，非去來今。若更作義解商量，早是開眼作夢。

六祖大鑒禪師二種三昧

祖一日謂衆曰：諸善知識，汝等各淨心，聽吾說法。汝等諸人，自心是佛，更莫狐疑。外無一物，而能建立。

皆是本心生萬種法故經云心生種種法生心滅種種法滅若欲成就種智須達一相三昧一行三昧若於一切處而不住相彼相中不生憎愛亦無取捨不念利益成壞等事安閒恬靜虛融澹泊此名一相三昧若於一切處行住坐臥純一直心不動道場真成淨土名一行三昧若人具二三昧如地有種能含藏長養成就其實一相一行亦復如是我今說法猶如時雨溥潤大地汝等佛性譬如種子遇茲霑洽悉得發生承吾旨者決獲菩提依吾行者定證妙果

論曰六祖八十生爲善知識示不識文字而宗說圓明二種三昧乃行人日用踐履玄塗之捷徑據祖意一相則於境上洞達實相不住幻相一行則心常質直安住實相不落第二念心境皆空與理冥符謂之三昧文殊般若經云何名一行三昧佛言法界一相繫緣法界是名一行三昧入一行三昧者盡知恒沙諸佛法界無差別相夫法界一相卽一相三昧繫緣法界卽一行三昧是理行之別而祖意二種皆行以冥契於理而究竟無二達者

詳焉

永嘉真覺禪師證道歌

君不見絕學無爲閒道人除妄想不求真無明實性卽佛性幻化空身卽法身法身覺了無一物本源自性天真佛五陰浮雲空去來三毒水泡虛出沒證實相無人法剎那滅却阿鼻業若將妄語誑衆生自招拔舌塵沙劫頓覺了如來禪六度萬行體中圓夢裏明明有六趣覺後空空無大千無罪福無損益寂滅性中莫問覓比來塵鏡未曾磨今日分明須剖析誰無念誰無生若實無生無不生喚取機關木人問求佛施功早晚成放四大莫把捉寂滅性中隨飲啄諸行無常一切空卽是如來大圓覺決定說表真乘有人不肯任情徵直截根源佛所印摘葉尋枝我不能摩尼珠人不識如來藏裏親收得六般神用空不空一顆圓光色非色淨五眼得五力唯證乃知誰可測鏡裏看形見不難水中捉月爭拈得常獨行常獨步達者同遊涅槃路調古神清風自高貌悴骨剛人不顧窮釋子口稱貧實是身貧道不貧貧則身常披

纓褐道卽心藏無價珍無價珍用無盡利物應時終
不慙三身四智體中圓八解六通心地印上士一決
一切了中下多聞多不信但自懷中解垢衣誰能向
外誇精進從他謗任他非把火燒天徒自疲我聞恰
似飲甘露銷融頓入不思議觀惡言是功德此則成
吾善知識不因訕謗起怨親何表無生慈忍力宗亦
通說亦通定慧圓明不滯空非但我今獨達了河沙
諸佛體皆同師子吼無畏說百獸聞之皆腦裂香象
奔波失却威天龍寂聽生欣悅遊江海涉山川尋師
訪道爲參禪自從認得曹谿路了知生死不相干行
亦禪坐亦禪語默動靜體安然縱遇鋒刀常坦坦假
饒毒藥也閒閒我師得見然燈佛多劫曾爲忍辱仙
幾迴生幾迴死生死悠悠無定止自從頓悟了無生
於諸榮辱何憂喜入深山住蘭若岑峯幽邃長松下
優游靜坐野僧家閑寂安居實蕭灑覺卽了不施功
一切有爲法不同住相布施生天福猶如仰箭射虛
空勢力盡箭還墜招得來生不如意爭似無爲實相
門一超直入如來地但得本莫愁末如淨琉璃含寶

月既能解此如意珠自利利他終不竭江月焰松風
吹永夜清宵何所爲佛性戒珠心地印霧露雲霞體
上衣降龍鉢解虎錫兩股金環鳴歷歷不是標形虛
事持如來寶杖親踪跡不求真不斷妄了知二法空
無相無相無空無不空卽是如來眞實相心鏡明鑒
無礙廓然瑩徹周沙界萬象森羅影現中一顆圓明
非內外豁達空撥因果漉漉蕩蕩招殃禍棄有著空
病亦然還如避溺而投火捨妄心取眞理取捨之心
成巧僞學人不了用修行眞成認賊將爲子損法財
滅功德莫不由斯心意識是以禪門了却心頓入無
生知見力大丈夫秉慧劍般若鋒兮金剛鍊非但能
摧外道心早曾落却天魔膽震法雷擊法鼓布慈雲
兮灑甘露龍象蹴蹋潤無邊三乘五性皆惺悟雪山
肥膩更無雜純出醍醐我常納一性圓通一切性一
法徧含一切法一月普現一切水一切水月一月攝
諸佛法身入我性我性還共如來合一地具足一切
地非色非心非行業彈指圓成八萬門剎那滅却三
祇劫一切數句非數句與吾靈覺何交涉不可毀不

可證體若虛空勿涯岸不離當處常湛然覓則知君
不可見取不得捨不得不可得中只麼得默時說
時默大施門開無壅塞有人問我解何宗報道摩訶
般若力或是或非人不識逆行順行天莫測吾早曾
經多劫修不是等閒相誑惑建法幢立宗旨明明佛
勅曹溪是第一迦葉首傳燈二十八代西天記法東
流入此土菩提達磨爲初祖六代傳衣天下聞後人
得道無窮數真不立妄本空有無俱遣不空空二十
空門元不著一性如來體自同心是根法是塵兩種
猶如鏡上痕痕垢盡除光始現心法雙亡性即眞嗟
末法惡時世衆生福薄難調制去聖遠兮邪見深魔
強法弱多怨害聞說如來頓教門恨不滅除令瓦碎
作在心殃在身不須怨訴更尤人欲得不招無間業
莫謗如來正法輪旃檀林無雜樹鬱密深沉師子住
境靜林閒獨自遊走獸飛禽皆遠去師子兒衆隨後
三歲卽能大哮吼若是野干逐法王百年妖怪虛開
口圓頓教勿人情有疑不決直須爭不是山僧逼人
我修行恐落斷常坑非不非是不是差之毫釐失千

里是卽龍女頓成佛非卽善星生陷墜吾早年來積
學問亦曾討疏尋經論分別名相不知休入海算沙
徒自困却被如來苦誨責數他珍寶有何益從來證
證覺虛行多年枉作風塵客種性邪錯知解不達如
來圓頓制二乘精進勿道心外道聰明無智慧亦愚
癡亦小騃空拳指上生實解執指爲月枉施功根境
法中虛捏怪不見一法卽如來方得名爲觀自在了
卽業障本來空未了還須償宿債飢逢王膳不能餐
病遇醫王爭得差在欲行禪知見力火中生蓮終不
壞勇施犯重悟無生早時成佛于今在師子吼無畏
說深嗟懣憤頑皮鞭只知犯重障菩提不見如來開
祕訣有二比丘犯淫殺波離螢光增罪結維摩大士
頓除疑還同赫日銷霜雪不思議解脫力妙用恒沙
也無極四事供養敢辭勞萬兩黃金亦銷得粉骨碎
身未足酬一句了然超百億法中王最高勝河沙如
來同共證我今解此如意珠信受之者皆相應了了
見無一物亦無人亦無佛大千沙界海中漚一切聖
賢如電拂假使鐵輪頂上旋定慧圓明終不失日可

冷月可熱衆魔不能壞眞說象駕崢嶸漫進途誰見
蟾蜍能拒轍大象不遊於兔逕大悟不拘於小節莫
將管見謗蒼蒼未了吾今爲君訣

論曰永嘉眞覺禪師出家徧探三藏精天台
圓妙法門於四威儀中常冥禪觀因讀維摩詰經
廓然大悟乃定宗旨於曹溪觀其振錫遶祖並答
祖數語只於尋常酬酢之間直超格外深入闢奧
祖安得不深肯之哉僅留一宿時號一宿覺非浪
稱也乃作證道歌一首發明禪宗教外別傳之道
揀去權淺之病皆自證心流出其摧邪顯正如出
匣鏡鄒光芒燭天勢不可犯自有宗門以來僅一
見之因思古今得道者衆要如大海水阿修羅以
及魚龍蝦蟇恣其所飲各滿其量而已若永嘉可
謂掀翻大海傾竭無餘眞禪關之樞要別傳之顯
訣傳布西天共美之曰證道經不誣也

石頭希遷禪師參同契

竺士大仙心東西密相付人根有利鈍道無南北祖
靈源明皎潔枝派暗流注執事元是迷契理亦非悟

門門一切境迴互不迴互迴而更相涉不爾依位住
色本殊質象聲元異樂苦暗合上中言明明清濁句
四大性自復如子得其母火熱風動搖水濕地堅固
眼色耳音聲鼻香舌鹹醋然依一一法依根葉分布
本末須歸宗尊卑用其語當明中有暗勿以暗相遇
當暗中有明勿以明相觀明暗各相對此如前後步
萬物自有功當言用及處事存函蓋合理應箭鋒拄
承言須會宗勿自立規矩觸目不會道運足焉知路
進步非近遠迷隔山河固謹白參玄人光陰莫虛度
論曰石頭和尚因讀肇論會萬物爲己之言遂悟
聖人無己靡所不已又夢與六祖同乘靈智遊於
性海此參同契所由作句句皆法蓋欲人承言會
宗觸目會道耳此外別無一法與人也

鎮州臨濟義玄和尚法語

今時學人且要明取自己眞正見解若得自己見解
卽不被生死染去住自由不要求他殊勝自備如今
道流且要不滯於惑要用便用如今不得病在何處
病在不自信處自信不及卽便忙忙狗一切境脫大

德若能歇得念念馳求心便與祖師不別汝欲識祖師麼即汝目前聽法底是學人信不及便向外馳求得者只是文字學與他祖師大遠在莫錯大德此時不遇萬劫千生輪迴三界狗好惡境向驢牛肚裏去也如今諸人與古聖何別汝且欠少什麼六道神光未曾間歇若能如此見是一生無事人一念淨光是汝屋裏法身佛一念無分別光是汝報身佛一念無差別光是汝化身佛此三身即是今日目前聽法底人爲不向外求有此三種功用據教三種名爲極則約山僧道三種是名言故云身依義而立士據體而論法性身法性士明知是光影大德且要議取弄光影人是諸佛本源是一切道流歸舍處大德四大身不解說法聽法虚空不解說法聽法是汝目前歷歷孤明勿形段者解說說法聽法所以山僧向汝道五蘊身田內有無位真人堂堂顯露無絲髮許間隔何不識取心法無形通貫十方在眼曰見在耳曰聞在手執提在足運奔心若不生隨處解脫山僧見處坐斷報化佛頭十地滿心猶如客作兒等妙二覺如擔枷

帶鎖羅漢辟支猶如糞土菩提涅槃繫驢馬轡何以如斯蓋爲不達三祇劫空有此障隔若是眞道流盡不如此如今略爲諸人大約話破自看遠近時光可惜各自努力珍重

論曰溥沱老人法語景德傳燈諸方廣語中僅錄此一篇以是根本之言留作後人入道之捷徑若領悟不眞墮於古人所呵謂認識神則過在後人非師之咎是在智者具擇法眼善自簡擇耳

洞山价禪師寶鏡三昧

如是之法佛祖密付汝今得之宜善保護銀盃盛雪明月藏鷺類之弗齊混則知處意不在言來機亦起動成窠臼差落顛佇背觸俱非如大火聚但形文彩即屬染汙夜半正明天曉不露爲物作則用拔諸苦雖非有爲不是無語如臨寶鏡形影相觀汝不是渠渠正是汝如世嬰兒五相完具不去不來不起不住婆婆和和有句無句終不得物語未正故重離六爻偏正回互疊而爲三變盡成五如荳草味如金剛杵正中妙挾敲唱雙舉通宗通途挾帶挾路錯然則吉

不可犯忤天眞而妙不屬迷悟因緣時節寂然昭著
細入無間大絕方所毫忽之差不應律呂今有顛漸
緣立宗趣宗趣分矣卽是規矩宗通趣極眞常流注
外寂中搖繫駒伏鼠先聖悲之爲法檀度隨其顛倒
以緇爲素顛倒想滅肯心自許要合古轍請觀前古
佛道垂成十劫觀樹如虎之缺如馬之鼻以有下劣
寶几珍御以有驚異鰲奴白牯犁以巧力射中百步
箭鋒相值巧力何預木人方歌石女起舞舞非情識到
寧容思慮臣奉於君子順於父不順非孝不奉非輔
潛行密用如愚若魯但能相續名主中主

論曰寶鏡三昧乃洞宗之源也開端卽曰如是之
法佛祖密付汝今得之宜善保護可見此法爲知
有者言令善保護而已一不善保護卽不相應所
謂毫忽之差不應律呂是也於中立宗趣設規矩
奉順君父滌除法執無非令知有者保護此法如
空中鳥迹迹迹皆空原無實法苟不知有而徒穿
鑿於言句則劍去久矣方乃刻舟悲哉

同安察禪師十玄談

心印

問君心印作何顏心印誰人敢授傳歷劫坦然無變
色呼爲心印早虛言須知本自靈空性將喻紅爐火
裏蓮莫謂無心便是道無心猶隔一重關

祖意

祖意如空不是空玄機爭墮有無功三賢尙未明斯
旨十聖那能達此宗透網金鱗猶滯水回途石馬出
鈔籠殷勤爲說西來意莫問西來及與東

玄機

迢迢空劫勿能收豈爲塵機作繫留妙體本來無處
所通身何更有蹤由靈然一句超羣象迥出三乘不
假修撒手那邊千聖外回程堪作火中牛

塵異

濁者自濁清者清菩提煩惱等空平誰言卞璧無人
鑒我道驪珠到處晶萬法泯時全體現三乘分處假
安名丈夫自有冲天志莫向如來行處行

佛教

三乘次第演金言三世如來亦共宣初說有空人盡

執後非空有衆皆緣龍宮滿藏醫方義鶴樹終譚理
未立眞淨界中纔一念閻浮早已八千年

還鄉曲

勿於中路事空王策杖還須達本鄉雲水隔時居莫
住雪山深處我非忘尋思去日顏如玉嗟歎來時鬢
似霜撒手到家人不識更無一物獻尊堂

破還鄉曲

返本還源事亦差本來無住不名家萬年松逕雪深
覆一帶峰巒雲更遮賓主睦時純是妄君臣合處正
中邪還鄉曲調如何唱明月堂前枯木花

轉位

涅槃城裏尙猶危陌路相逢沒定期權掛垢衣云是
佛却裝珍珍御復名誰木人夜半穿靴去石女天明戴
帽歸萬古碧潭空界月再三撈撈始應知

回機

披毛戴角入塵來優鉢羅花火裏開煩惱海中爲雨
露無明山上作雲雷鑊湯爐炭吹教滅劍樹刀山喝
使摧金鎖立關留不住行於異類且輪迴

正位前亦名一色過後

枯木巖前差路多行人到此盡蹉跎驚鷺立雪非同
色明月蘆花不似他了了時無可了立立處處亦
須訶殷勤爲唱立中曲空裏蟾光撮得麼

論曰十立談前五首徹法源底後五首履踐立塗
與洞山五位冥然契合蓋以慈悲之故於無方便
中垂方便無漸次中立漸次乃炤心之明鏡歸家
之大道禪病之良劑法門之大全且其辭明白簡
易悲哀懇切每風清月白之下時一吟詠不啻耳
提面命令人憤發如善財入慈氏樓閣具見歷劫
修證之事無以異也有志者可不於此洗心滌慮
深自研窮漸次而入以期現證乎

浮山遠禪師九帶

浮山於示徒之際徧舉宗門語句而學者編集乞
師名之師因其類聚目之曰佛禪宗教義九帶集
蓋擬班固九流之作也

佛祖正法眼藏

夫眞實之理證成法身炤用之功作爲報土諸佛之

本因既爾諸祖之洪範亦然五部分宗萬派之精藍
基布一燈分燄十方之法席鱗差又華嚴經云如來
不出世亦無有涅槃昔靈山會上世尊以青蓮目瞬
示四衆無能領其密意惟大迦葉獨領解佛旨經云
佛告大迦葉云吾有正法眼藏涅槃妙心付囑與汝
汝當流布勿令斷絕又臨涅槃告阿難言十二部經
汝當流通告優婆塞言一切戒律汝當奉持付大迦
葉偈云法本法無法無法法亦法今付無法時法法
何曾法於是大迦葉持佛袈裟於雞足山中入寂滅
定待慈氏下生兩手分付

佛法藏帶

夫三乘教外諸祖別傳萬象之中迥然獨露纖塵未
泯阻隔關山擬議差殊千生萬劫三賢未曉十聖那
知截斷衆流如何湊泊聖人曲成萬物而巳刻雕
衆形而無功而況如來藏乎所謂藏者該括三世過
現未來諸佛法藏其間有大小乘小乘爲聲聞緣覺
大乘諸菩薩於中支分爲八謂三藏五乘其三藏謂
經律論五乘謂聲聞緣覺菩薩而兼攝人天然則教

分名數依根所立而不離一乘法華經曰於一乘道
分別說三又曰尙無二乘何況有三又曰唯此一事
實餘二則非眞此名依根立權如華嚴說如來藏以
法界爲體如來藏無前後際無成壞法無修證位絕
對待義所以文殊偈曰一念普觀無量劫無去無來
亦無住如是了知三世事超諸方便成十力聖人說
了義不了義並是依根安立諸佛隨宜說法意趣難
辨三藏五乘各有宗旨於一乘論圓頓半滿並是權
立唯華嚴一經以法界爲體量佛與衆生同一體性
本無修證本無得失無煩惱可斷無菩提可求人與
非人性相平等

理貫帶

夫聲色不到語路難詮今古歷然從來無間以言顯
道曲爲今時豎拂揚眉周遮示誨天然上士豈受提
撕中下之機鈞頭取則投機不妙過在何人更或躊
躇轉加鈍置理貫帶者理卽正位也其正位中而無
一法空同實際其實理地不受一塵

事實帶

夫日月炤臨不到天地覆載不著劫火壞時彼常安萬物泯時全體露隨緣不變處閑常寧一道恩光阿誰無分華嚴經云刹說衆生說三世國土一時說

理事縱橫帶

夫觸目是道佛事門中絕跡無私通貫實際圓融事理運用雙行器量堪任隨機赴感門風露布各在當人建立宗乘強生枝節出門問路指東劃西歷劫頑鄙如何扣發

屈曲垂帶

夫垂者聖人垂機接物也屈曲者脫珍御服著弊垢衣也同安云權掛垢衣云是佛却裝珍御復名誰珍御名不出世垢衣名出世僧問石門徹和尚雲光法師爲甚麼却作牛去徹云陋巷不騎金色馬回途却著破爛衫聖人成佛後却爲菩薩導利衆生是名不住無爲不盡有爲矣文殊師利問維摩詰云菩薩云何通達佛道摩詰云菩薩行於非道是名通達佛道

妙叶兼帶

汝州風穴和尚示衆云夫參學眼目臨機直須大用

現前莫自拘於小節設使言前薦得猶是滯礙迷封縱饒句下情通未免觸途狂見勸汝諸人應是從前依他作解明昧兩岐凡聖疑情一時掃却直教箇箇如師子兒哮吼一聲壁立萬仞誰敢正眼覷著覷著則瞎却渠眼

金鍼雙鎖帶

夫雞足分燈之後少林傳芳以來各闡玄風互興佛事若憑言詮爲據斷滅法門更成造作修功平沉先聖頭頭顯露物物明真不用躊躇直截便道

平懷常實帶

洛浦和尚示衆云末後一句始到牢關把斷要津不通凡聖尋常向汝諸人道任從天下樂忻我獨不肯何故靈龜負圖自取喪身之兆鳳縈金網擬趣霄漢以何期尋常向汝諸人道須於旨外明機莫向言中取則所以道石人機似汝也解唱巴歌汝若似石人雪曲也應和僧問南泉如何是道泉云平常心是道如達平常心是道見山卽是山見水卽是水信手拈來卽無可無不可設使風來樹動水長船高春生

夏長秋取冬藏有何差異但得風調雨順國泰民安
邊方寧靜君臣道合豈在麒麟出見鳳皇來儀方顯
祥瑞哉但得理歸其道事乃平實無聖可求無凡可
捨內外平懷泯然自盡所以諸聖語言不離世諦隨
順世間會則途中受用不會則世諦流布

師云據圓極法門本具十數今此九帶已爲諸人說
了也更有一帶諸人還見麼若也見得親切分明却
請出來說看說得相應則通前九帶圓明道眼若也
見不親切說不相應但依吾語言以爲己解則名謗
法無有是處諸人到此合作麼生衆皆罔措師遂叱
散

論曰浮山立九帶統明佛禪宗教義之大綱格謂
是佛之禪宗教義依主釋也謂正法眼藏帶彰世
尊教外別傳付囑大龜氏之原始及付囑阿難優
波離傳持教律之原始也佛法藏帶明佛一代所
說三藏五乘並是隨宜依根安立唯華嚴以法界
爲體量諸佛衆生皆同一性無修無證性相平等
也理貫帶卽正位事實帶卽偏位言貫者理事貫

通正是卽偏之正偏是卽正之偏理事縱橫帶言
事則唯事言理則唯理縱橫無礙偏正無迹也屈
曲垂帶言聖人脫珍看弊俯應羣機也妙叶兼帶
明臨機之際大用現前不存軌則以風穴語定洞
上宗也金鍼雙鎖帶頭頭顯露物物明真全體現
前不落二邊也平懷常實帶謂如上所立原無玄
妙只在當人日用平常之間也又云據圓極法門
本具十數今此九帶已爲諸人說了也更有一帶
諸人還見麼鼓山謂這一帶阿誰不見唯前九帶
釋迦老子不敢正眼覷著覷著則瞎浮山葉縣之
子首山之孫得道後復依大陽會中最久深得洞
上之道如上理貫事實理事縱橫屈曲垂帶妙叶
兼帶金鍼雙鎖帶力爲發明可見嫡血相承水乳
相合其接投子以續大陽正脉洞上一宗勃然興
起豈偶然哉是必乘願力而來亦猶仰山識臨濟
之道遇大風則止卽發願云將此深心奉塵刹是
則名爲報佛恩當時風穴上堂每至垂涕恐當其
識後得首山其道遂大振於後世蓋首山卽仰山

再來與浮山投子之事若合符節此乃文殊普賢
大人境界非小根魔子於太虛空妄設門戶深自
牢閉者所能窺測也

嘗問之圭山云海寶千般先求如意此十篇乃
從上佛祖綱宗之言真禪海如意也


鼓山老人特拈出以示來學果能卽之於心究竟
悟明何法門而不具且每篇加之以論評如張
僧繇畫龍一經點眼便有破壁飛騰之勢但識
寶波斯不知誰其人耳敬書梓流通以廣
師法施於無盡云

弟子高兆焚香拜書於白雲堂

禪海十珍終

正名錄

清・智楷
述



100

100

100

100

正名錄自序

原本清康熙三十三年
原刻本 校本無

粵自拈花一脈。三十三傳至曹溪六祖。析爲二支。一爲青原思。一爲南嶽讓。思下出曹洞雲門法眼。讓下出臨濟滙仰。斯二支五宗。紀諸燈錄。載在龍藏。其來舊矣。至宋徽宗時。有好事者。突出天王僞碑。紊亂宗支。幸宗門斥其爲誤。元順帝時。妄僧雲壑。瑞援僞碑作心燈錄。以致沮抑不行。逮本朝順治間。妄僧費隱。容亦援僞碑作五燈嚴統。恣臆刪改。駭人心目。幸諸護法公評。有司公討。卒至燬板。罪案久定。稍知有王法者。必不蹈人覆轍也。因想元時心燈僞書。不有護法公關。有司公討。奚能抑之不行耶。奈年深代遠。其公關公討之公論。漸爲泯沒。而彼僞碑。往往爲好事者借爲蠶端。楷嘗憂之。於是裒輯從前諸大老所有公論。成書十卷。命名衛燈錄。非惟見諸公弘法之盛心。抑以見天下之公論。必不可已也。今霽崙永公復將奉憲所燬之僞書。改名五燈全書。素倫亂譜。靡所不至。楷不忍坐視。故述正名錄。併書以勸誡之。而永公堅執我見。確意不回。且謂引證辨解。各有根據。嗟乎。以之自誤。猶可以之誤天下後世。必不可也。楷乃奮力廣搜祖父舊章。兼採後人新條。準以甲子編年。考其州郡之分野。人代之先後。師資之授受。宗支之來源。其間述古辨今。事重言複。不顧繁瑣。務期理明。用壽梨棗。公諸天下。知我罪我。我無辭焉。

昔皇清康熙三十三年歲次甲戌季夏衡陽後學比丘智楷題於潞河旅舍

正名錄卷第一

二支五宗來源考之一

衡陽後學智楷惟直氏述

存誠錄序。康熙三十二年歲次癸酉八月十日。臣僧智朴伏讀當今皇帝御製曰。閑邪存誠。戒欺去妄。綸音一降。儒釋咸該。聖賢仙佛。欽此欽遵。爲齊家治國修因證果之首訓也。蓋凡人之處世。無兩可之間。不正必邪。不誠必僞。不實必欺。不真必妄。故大易著之。佛氏闡之。吾皇上聖諭發明之。以示警示誠也。近有人焉。鹵莽無稽。師心自用。引據僞言。翻亂故典。不以佛心天子衛法之深衷是念。而以全書自命。以嗣祖沙門自署。以修明僧史自任。吁。妄誕極矣。余誠不知僧史之爲何書。嘗聞歷朝以來。充史館之職。必博學廣聞。秉公持正之人。善者善之。惡者惡之。先之後之。毫無紊亂。筆之削之。各有體裁。始成一代之信書。爲千古之龜鑑也。今之修明僧史者。能如是乎。不思存誠去妄。報聖恩於萬一。而反作此詭譎不實之僞書。誑君罔祖以盜名。吾恐斯人非魔。卽魔所使。陰以破壞我法者。茲特述其渾亂宗統之一端。以申明存誠去妄之義云爾。

存誠錄二刻弁言。五宗攸分。其來舊矣。肇自達磨。六傳至大鑑。爲六祖慧能大師。其法嗣二人。曰青原思。曰南嶽讓。原得石頭遷。遷之法嗣曰天皇悟。曰藥山儼。悟得龍潭信。信得德山鑑。鑑得雪峯存。存之法嗣曰玄沙備。曰雲門偃。世所謂雲門宗者。原之七世也。備得羅漢琛。琛得清涼益。世所謂法眼宗者。原之九世也。儼得雲巖晟。晟得洞山价。世所謂洞山宗者。原之五世也。又南嶽讓得馬祖一。一得百丈海。海之法

嗣曰黃檗運。曰瀉山祐。運得臨濟玄。世所謂臨濟宗者。嶽之五世也。祐得仰山寂。世所謂瀉仰宗者。亦嶽之五世也。其上五宗。皆自原嶽之所出。各有根柢。布諸簡策。載在龍藏。六百餘稔。曾無毫髮之假借。今集五燈全書者。不思皇上存誠之聖諭。而反本嚴統。鹵莽之僞說。將雲門法眼二宗。勒馬祖下。且謂引證辨解。各有根據。余誠短昧。固不知其所根何書。所據何典。抑不敢臆爲之辨析。惟據歷朝敕賜之藏典與夫諸家之文獻。不辭繁衍。不憚重沓。謹錄一十四種之節文。以俟天下之明眼者評定焉。其他宗僞繆。姑置弗論。

存誠錄二刻

薊州盤山智朴集字拙庵

宋贊寧智輪同奉敕撰高僧傳曰。唐荊州天皇寺道悟傳。釋道悟。姓張氏。婺州東陽人也。受天粹氣。爲法王子。生而神雋。長而謹愿。年十四。金翅始毛。麒麟方角。啓白尊老。將求出家。慈愛之旨。不見聽許。輒損薄常膳。日唯一食。雖體腹羸餒。彌年益堅。父母不獲已而許之。遂往明州大德剎落。年二十五。依杭州竹林寺大德具戒。以勇猛力。扶牢強心。於六度門。修諸梵行。常以爲療膏育者。資上妙藥。開暗冥者。求善知識。不假舟楫。其濟渡乎。遂蹶然振策。投徑山國一禪師。悟禮足始畢。密受宗要。於語言處。識衣中珠。身心豁然。真妄皆遣。斷諸疑滯。無畏自在。直見佛性。中無縑磷。服勤五載。遂蒙印可。俾其法雨。潤諸叢林。悟蓄力向晦。深入深阻。實冀一飛摩霄。乃轉遁於餘姚大梅山。是時大曆十一年也。層崖絕壑。天籟蕭瑟。夏無鄰落。七日不食。至誠則通。物感乃靈。猱挺穀獲。更饋橡栗。異日埜夫操斧。言伐其楚。偶所遭覩。駭動悚息。馳諭明曹。謂爲神奇。曾不旬朔。詣者成市。憑嵌倚峭。且構危棟。貲糧供具。環遶方丈。猛虎耽耽。侶出族遊。一

來座側。斂折肢體。其類馴擾可知也。夫語法者無階漸。涉功者有淺深。木踰鑽而見火。鑑勤磨而照膽。理必然矣。是以掃塵累。遞巖藪。服形體。遺晝夜。精嚴不息。趣無上道。其有旨哉。如是者三四年矣。將翔雲表。慮羽毛之頽鍛。欲歸寶所。疑道塗之乖錯。故重有諮訪。會其真宗。建中初。詣鍾陵馬大師。二年秋。謁石頭上士。於戲。自徑山抵衡嶽。凡三遇哲匠矣。至此卽造父習御。郢人運斤。兩虛其心。相與脗合。白月暎太陽。齊照。洪河注大海一味。仲尼謂顏子亞聖。然燈與釋迦授記。根果成熟。名稱普聞。如須彌山。特立大海。絲是近佛。恢張勝因。凡諸國土。緣會則答。始卜於澧陽。次居於潯口。終棲於當陽柴紫山。卽五百羅漢翱翔地也。檉松蓊鬱以含風。厓巘巉巖而造天。駕潋灩之紫霞。枕清冷之玉泉。鸞鳳不集於蓬藿。至人必宅於勢勝。誠如是也。洪鐘待叩。童蒙求我。川流星聚。虛往實歸。或接武於林樾。或駢肩於廬舍。戶外之屨爛其室盈矣。荊州雄藩也。都人士女。動億萬計。莫不擊跪稽首嚮風作焉。崇業上首以狀於連帥而邀之。不違願力。聿來赴請。屬及於虛落。錫及於都城。白黑爲之步驟。幡幢爲之轆轤。生難遭想。得未曾有。彼優波鞠多者。夫何足云。有天皇寺者。據郡之左。標異他刹。號爲名藍。困於人火。蕩爲煨燼。僧坊主靈鑑族而謀之。以爲滿人攸居。必能福我。夫荷擔大事。蔑棄小瑕。乃中宵默往。肩輿而至二寺。夕有所失。朝有所得。諍論鋒起。達於尊官。重於返復。畢安其處。江陵尹右僕射裴公。摺紳清重。擁旄統衆。風望眄睇。當時準程。驅車盛禮。問法勤至。悟神氣灑落。安詳自處。徐以輒語爲之獻酬。必中精微。洞過肯綮。又常秉貞操。不修逢迎。一無卑貴。坐而揖對。裴公訝其峻拔。徵其善趣。謂抗俗之志。當徑庭如是邪。悟以爲是法平等。不見主客。豈効世諦。與人居而局狹邪。裴公理冥意會。投誠歸命。旣見仁者。我心則降。如熱得濯。躁憤冰散。自是禪

宗之盛。無如此者。元和丁亥歲。有背痛疾病。弟子先期告終。以夏四月晦。奄然入滅。春秋六十。僧臘三十五。以其年八月五日。葬於郡東隅。靈龕建塔。從僧禮也。悟身長七尺。神韻孤傑。手文魚躍。頂骨犀起。行在於瓔珞。志在於華嚴。度人說法。雄健猛利。其一旨云。垢淨共住。水波同體。觸境迷著。浩然忘歸。三世平等。本來清淨。一念不起。卽見佛心。其悟解超頓。爲若此也。先是。煙燄之末。殿宇不立。顧緇褐且虧。瞻禮密念。結構。罔知權輿。禪晏之際。若值神物。自道。祠舍濱江水焉。凡我彊吟。富於松梓。悉願傾倒。施僧伽藍。命工覘之。宛若符契。於是斬巨棟。幹修楹。撐厓拄壑。雲屯井構。時維秋杪。水用都涸。徒衆斂手。塊然無謀。會一夕雨至。萬株並進。晨發江潯。暮抵寺門。剗剗之際。動無乏者。其餘廊廡牀案。靡非幽贊。事鄰語怪。闕而不書。其感攝靈祇。皆此類也。比丘慧真。文賁等。禪子幽閑。皆入室得悟之者。或繼坐道場。或分枝化導。時太常協律符載。著文頌德焉。世號天皇門風也。又唐澧州龍潭禪院釋崇信。未詳氏族。信在俗爲渚宮胡餅師之子。弱齡宛異。神府寬然。昔天皇寺悟禪師。隱耀藏光。人莫我測。信家居寺巷。恆日提餅筭饋。悟公齋食。食畢。且留一餅曰。吾惠汝。以蔭子孫。信一日自念曰。餅是我持去。何以返遺我邪。莫別有旨乎。遂拱手問焉。悟公曰。是汝持來。復汝何咎。信聞似有驚怪。因投出家。便求攝受。悟公曰。爾昔崇福善。今信吾言。故名之也。繇是躬於井臼。供億服勤。乃問悟曰。未蒙指示心要。悟公曰。時時相示。信凜凜斯言。如遊子之還家。若貧人之得寶。直從荆渚。乃詣澧陽龍潭棲止。因李翱尙書激揚。時乃出世。後德山鑑師出其門。宗風大盛矣。見大藏祿字函第十卷

智朴曰。古稱贊寧釋氏董狐。宋太宗端拱間。奉敕撰高僧傳。其紀天皇龍潭德山公孫師資合爲一傳。一正名錄卷第一 二支五宗來原考之一

千七百二十言。世次彰彰可據。今集五燈全書者。將歷朝皇藏絕未有之天王道悟。捏爲龍潭崇信之師。以雲門法眼兩宗收馬祖下。牽引傳會。溷亂譜牒。詳後辨中。茲不贅。

宋道原景德傳燈錄曰。行思禪師第二世。南嶽石頭希遷禪師法嗣。荊州天皇道悟禪師。婺州東陽人也。姓張氏。神儀挺異。幼而生知。長而神雋。年十四。懇求出家。父母不聽。遂誓志損減飲饌。日中一食。形體羸悴。父母不得已而許之。依明州大德披削。二十五。杭州竹林寺具戒。精修梵行。推爲勇猛。或風雨昏夜。晏坐丘塚。身心安靜。離諸怖畏。一日。遊餘杭。首謁徑山國一禪師。受心法。服勤五載。唐大曆中。抵鍾陵。造馬大師。重印前解。法無異說。依住二夏。乃謁石頭遷大師而致問曰。離卻定慧。以何法示人。頭曰。我者裏無奴婢。離個什麼。曰。如何明得。頭曰。汝還撮得虛空麼。曰。怎麼則不從今日去也。頭曰。未審汝早晚從那邊來。曰。道悟不是那邊人。頭曰。我早知汝來處。曰。師何以賊誣於人。頭曰。汝身現在。曰。雖然如是。畢竟如何。示於後人。頭曰。汝道阿誰是後人。師從此頓悟。於前二哲匠言下。有所得心。罄殫其迹。後至荊州當陽柴紫山。學徒依附。駕肩接迹。都人士女。嚮風而至。時崇業寺上首。以狀聞於連帥。迎入城。郛之左。有天皇寺。乃名藍也。因火而廢。主僧靈鑑將謀修復。乃曰。苟得悟禪師爲化主。必能福我。乃中宵潛往哀請。肩舁而至。遂居天皇。時江陵尹右僕射裴公。稽首問法。致禮勤至。師素不迎送。客無貴賤。皆坐而揖之。裴公愈加歸向。由是石頭法道。盛於此席。僧問。如何是玄妙之說。師曰。莫道我解佛法好。僧曰。爭奈學人疑滯何。師曰。何不問老僧。僧曰。問了也。師曰。去。不是汝存泊處。師元和丁亥四月示疾。命弟子先期告終。至晦日。衆問疾。師醵召典座。座近前。師曰。會麼。對曰。不會。師乃拈枕头拋於地上。即便告寂。壽六十。臘三十五。以其

年八月五日。塔於郡東。

又曰。行思禪師第三世。荊州天皇道悟禪師法嗣。澧州龍潭崇信禪師。本渚宮賣餅家子也。未詳姓氏。少而英異。初悟和尚爲靈鑑潛請居天皇寺。人莫之測。師家居於寺巷。常日以十餅饋之。悟受之。每食畢。常留一餅。曰。吾惠汝。以蔭子孫。師一日自念曰。餅是我持去。何以返遺我邪。其別有旨乎。遂造而問焉。悟曰。是汝持來。復汝何咎。師聞之。頗曉玄旨。因投出家。悟曰。汝昔崇善。今信吾言。可名崇信。由是服勤左右。一日問曰。某自到來。不蒙指示心要。悟曰。自汝到來。吾未嘗不指示汝心要。師曰。何處指示。悟曰。汝擎茶來。吾爲汝接。汝行食來。吾爲汝受。汝和南時。吾便低首。何處不指示心要。師低頭良久。悟曰。見則直下便見。擬思卽差。師當下開解。乃復問。如何保任。悟曰。任性逍遙。隨緣放曠。但盡凡心。別無聖解。師後詣澧陽龍潭棲止。僧問。髻中珠誰人得。師曰。不賞翫者得。僧曰。安著何處。師曰。有處卽道來。尼衆問。如何得爲僧去。師曰。作尼來多少時也。尼曰。還有爲僧時也無。師曰。汝卽今是什麼。尼曰。現是尼身。何得不識。師曰。誰識汝。李翱問。如何是真如般若。師曰。我無真如般若。翱曰。幸遇和尚。師曰。此猶是分外之言。德山問。久嚮龍潭。到來潭又不見。龍又不現。師曰。子親到龍潭山卽休。見大藏公字函第十四卷

智朴曰。道原得法於天台韶。韶嗣法眼益。望龍潭僅八世。原纂傳燈錄。眞宗詔翰林學士楊億爲之較訂。作序文。景德初。敕賜入藏。其紀青原之嗣石頭。石頭之嗣天皇。天皇之嗣龍潭。今荊州城東有天皇寺巷及祖塔現在。卽本鄉之父老小民。亦能述其龍潭饋餅之遺事。府之舊志。亦詳載之也。

宋契嵩傳法正宗記曰。大鑑之三世。曰南嶽石頭希遷禪師。其所出法嗣凡二十一人。一曰荊州天皇道

悟者。一曰澧州藥山惟儼者云云。又曰。大鑑之四世。曰荊州天皇道悟禪師。其所出法嗣一人曰澧州龍潭崇信者。又曰。大鑑之五世曰澧州龍潭崇信禪師。其所出法嗣二人。一曰德山宣鑑者云云。見大藏綺字函第七卷。

又鐔津文集載原宗集序。其略曰。原宗勲師證法於德山遠公。印可於三角澄公。澄遠皆雲門匡真大師之法孫也。雲門秉雪峯存。雪峯承德山鑑。德山續龍潭信。龍潭嗣天皇悟。天皇繼石頭遷大師。石頭紹廬陵思和尚。思和尚受法於六祖大鑑。廣菩提達磨所傳之道。見大藏軻字函第十一卷。

智朴曰。契嵩著傳法正宗記等書。於嘉祐六年詣闕上進。蒙旨入藏。賜號明教大師。嵩嗣洞山聰。聰嗣文殊真。真嗣德山密。密嗣雲門偃。乃雲門五世孫。望龍潭八世也。

宋慧洪禪林僧寶傳。自序曰。曹溪之道至南嶽石頭江西馬祖而分爲兩宗。曹洞雲門法眼皆宗於石頭。臨濟潯仰皆宗於馬祖。天下叢林號爲五家宗派。又命長沙侯延慶作僧寶傳。引曰。覺範謂余曰。自達磨以來。六傳至大鑑。鑑後析爲二宗。其一爲石頭。曹洞雲門法眼宗之。其一爲馬祖。臨濟潯仰宗之。是爲五家宗派。

智朴曰。覺範少恃才技。其著述舛迕居多。至晚年。集禪林僧寶傳。自命侯君作序。告以曹洞雲門法眼三宗。確歸石頭。以自陳其從前之誤。較之始終呶呶而不已者。實霄壤矣。

又按覺範三十七歲出林間錄。當大觀元年丁亥。五十四出僧寶傳。當宣和六年甲辰。五十八示寂。當高宗建炎二年戊申。名慧洪。一曰德洪。字覺範。瑞州人。嗣法於真淨文。臨濟第十世也。

宋建溪宗永宗門統要曰。青原下第三世。荊州天皇道悟禪師。問石頭曰。離卻定慧。以何法示人。頭曰。我者裏無奴婢。離箇什麼。師曰。如何明得。頭曰。汝還撮得虛空麼。師曰。與麼則不從今日去也。頭曰。未審汝早晚從那邊來。師曰。某甲不是那邊人。頭曰。我早知汝來處。師曰。和尚何以賊誣於人。頭曰。汝身現在。師曰。雖然如是。畢竟如何。示於後人。頭曰。汝道阿誰是後人。師從此有省。見大藏惠字函第十一卷。

宋寶鑑法應頌古聯珠集曰。澧州龍潭崇信禪師。未出家時。爲餅舖。住在寺前。每日常供餅十枚上天皇。皇受已。卻留一餅與之。曰。惠汝以蔭子孫。師曰。是某將來。何以返曰惠汝。皇曰。是汝將來。復汝何咎。師因有悟入。遂投出家。佛國惟白頌曰。南嶽石頭見石頭。便歸古岸狎沙鷗。謾分胡餅爲香餌。引得金龍上直鉤。見大藏田字函第八卷。

宋東湖志磐佛祖統紀曰。六祖之後爲二派。一曰青原思。思傳石頭遷。其下爲曹洞雲門法眼。一曰南嶽讓。讓傳馬祖。其下爲臨濟潯仰。是爲五家宗派。道一而已。而言五其宗者。由人世心病益多。故治法屢爲之變。一棒一喝。一唱一和。機用縱橫。殆不可以一律齊。猶應病與藥之義焉。見大藏昆字函二十九卷。

又曰。唐德宗貞元四年。江西馬祖道一禪師亡。師得法於南嶽讓禪師。其後五世。派爲二家。曰潯仰。曰臨濟。又曰。貞元六年。衡山石頭希遷禪師亡。師得法於青原思禪師。其後派爲三家。五世而爲洞山。七世而爲雲門。九世而爲法眼。見大藏池字函第四十一卷。

又曰。唐懿宗咸通六年。朗州德山宣鑑禪師示寂。謚見性禪師。嗣龍潭。青原第五世。又曰。十一年。上素聞雪峯義存禪師名。敕賜眞覺大師。師居山四十年。法席冠天下。衆至一千五百。閩王事以師禮。嗣德山。青

原第六世。又曰。韶州雲門文偃禪師。聚徒千人。漢主召入內殿。時都廣州咨問法要。事以師禮。師得法於雪峯。號雲門宗。青原第七世。又曰。後唐明宗天成三年。漳州羅漢院桂琛禪師示寂。師得法於玄沙備。末帝朝。諡真應禪師。青原第八世。又曰。周世宗顯德四年七月。金陵清涼文益禪師示寂。江南唐後主待以師禮。及終。諡大法眼。學者號法眼宗。嗣羅漢琛。青原第九世。俱見大藏碣字函第四十二卷。

宋如蚤禪宗正脈曰。石頭遷嗣天皇道悟禪師。首謁徑山國一受心法。服勤五載。後參馬祖。重印前解。法無異說。依止二夏。乃謁石頭而致問曰。離卻定慧。以何法示人。頭曰。我者裏無奴婢。離個甚麼。曰。如何明得。頭曰。汝還撮得虛空麼。曰。怎麼則不從今日去也。頭曰。未審汝早晚從那邊來。曰。道悟不是那邊人。頭曰。我早知汝來處也。曰。師何以賊誣於人。頭曰。汝身現在。曰。雖然如是。畢竟如何示於後人。頭曰。汝道誰是後人。師從此頓悟。罄殫前二哲匠。言下有所得心。僧問。如何是玄妙之說。師曰。莫道我解佛法好。曰。爭奈學人凝滯何。師曰。何不問老僧。曰。卽今問了也。師曰。去。不是汝存泊處。又曰。天皇悟嗣龍潭崇信禪師。其家賣餅。師少而英異。初悟和尚爲靈鑑潛請居天皇寺。人莫之測。師家於寺巷。常日以十餅饋之。天皇受之。每食畢。常留一餅。曰。吾惠汝。以蔭子孫。師一日自念曰。餅是我持去。何以返遺我耶。莫別有旨乎。遂造而問焉。皇曰。是汝持來。復汝何咎。師聞之。頗曉玄旨。因投出家。皇曰。汝昔崇福善。今信吾言。可名崇信。由是服勤左右。一日問曰。某自到來。不蒙指示心要。皇曰。自汝到來。吾未嘗不指示汝心要。師曰。何處指示。皇曰。汝擎茶來。吾爲汝接。汝行食來。吾爲汝受。汝和南時。吾便低首。何處不指示心要。師低頭良久。皇曰。見則直下便見。擬思卽差。師當下開解。復問。如何保任。皇曰。任性逍遙。隨緣放曠。但盡凡心。別無聖解。

見大藏勘字函第七卷

雪峯廣錄曰。閩王請師與玄沙入內。問佛法心印。雪峯謂王曰。山僧自從先德山石頭以來。傳此祕密法門云云。

湖廣全省誌第七十四卷三十六葉十五行起。至三十八葉七行止。所載天皇龍潭機緣。與傳燈錄諸書所紀。若合符節。

智朴曰。右大藏諸書中所載。祇見有天道悟下出龍潭崇信。絕未見有天王道悟之名。按正宗記載馬祖法嗣一百三十七人。亦無天道悟之名。其所有之者。始於張無盡議論。洞山德山垂手不同。遂見疑。後突出丘玄素碑。謂天王之嗣馬祖。龍潭之嗣天王。詳載辨中。

智朴道悟真偽辨曰。世之所謂五燈者。乃禪宗之史書也。宋景德元年。道原剏傳燈錄。天聖間。李遵勗述廣燈錄。建中靖國元年。佛國白著續燈錄。淳熙十年。晦翁明輯聯燈會要。嘉泰四年。雷庵受纂普燈錄。理宗景定間。大川濟見燈錄浩瀚。以故折衷五燈之成書而爲會元。其序宗派來源。與前燈錄所紀。并無異說。逮元順帝至元間。雲壑瑞作心燈錄。始引丘符諸碑。案淆宗統。以致沮抑不行。至正二十四年。業海清重刻會元。復引心燈丘符二碑。小注天皇章下。然存疑焉耳。本朝順治中。費隱容撰五燈嚴統。以存疑小注作正文。勒雲門法眼歸馬祖下。以應馬有四足之讖。吁。陋矣哉。夫馬祖之眞爲馬也乎。必欲四足具。乃應其讖乎。繆解之甚。莫甚於此乎。以致諸方公闢。有司公討。卒至燬板廢書。幾四十年。案卷攻書。昭然在目。嗚呼。丘碑之陷人不淺也。丘碑之陷人不淺也。而齊崙在覆盆之下。懂然不之知。悍然不之顧。猶本嚴

統之僞說。譜兩宗之世次。是不得不將前人論定而重述之也。孔子曰。始作俑者。其無後乎。丘碑之謂歟。蓋丘碑之出。始於張無盡與呂夏卿會議宗門中事。乃曰。洞山德山。同出石頭下。因甚垂手處。殺活不同。因而致疑。後於達觀穎處。得丘符二碑。乃徧告諸方。始知吾擇法驗人之不繆耳。符碑與燈錄諸書。脗合。但竊去龍潭崇信。爲作僞碑之張本也。再以丘碑論之。其僞立見。五燈會元小注曰。唐正議大夫戶部侍郎平章事荆南節度使丘玄素所撰。天王道悟禪師碑云。道悟渚宮人。姓崔氏。子玉之後胤也。年十五。依長沙寺曇翥律師出家。二十三。詣嵩山受戒。三十。參石頭。通載作三十三頻沐指示。曾未投機。次謁忠國師。三十四。與國師侍者應真南還。謁馬祖。祖曰。識取自心。本來是佛。不屬漸次。不假修持。體自如如。萬德圓滿。師於言下大悟。祖囑曰。汝若住持。莫離舊處。師蒙旨已。便返荆門。通載作荆州去郭不遠。結艸爲廬。後因節使顧問。左右申其端緒。節使親臨訪道。見其路隘。車馬難通。極目荒榛。曾未修削。覩茲發怒。令人擒師。拋於水中。旌旆纔歸。乃見徧衙火發。內外烘燄。莫可近之。唯聞空中聲曰。我是天王神。我是天王神。節使回心設拜。煙燄都息。宛然如初。遂往江邊。見師在水。都不溼衣。節使重申懺悔。迎請在衙供養。於府西造寺。額號天王。師常云。快活快活。及臨終時。叫苦苦。又云。閻羅王來取我也。院主問曰。和尚當時被節度使拋向水中。神色不動。如今何得恁麼地。師舉枕头云。汝道當時是。如今是。主無對。便入滅。當元和三年戊子十月十三日也。年八十二。坐六十三夏。法嗣一人曰崇信。卽龍潭也。然天王龍潭紀載之譌。且僞者。祇此丘碑。而天皇龍潭證據之多。且確者。不可枚舉。前略述累朝名世之文獻。與夫歷代敕賜之藏典。一十四種。異口同音。紀道悟所居城東之天皇寺。絕無城西之天王寺也。龍潭饋餅。饋城東之道悟。絕無城西之道悟。

也。因家賣餅，故得日以十餅饋之。因常饋餅，故得命名爲崇信。其賣餅寺巷，迄今猶存。縱能改天皇爲天王，必不能移城東寺巷爲城西寺巷也。以是知龍潭之確嗣天皇也明矣。而通載雖有天皇天王之繆說，其紀龍潭與傳燈諸書無異。再論丘碑之僞造，據嘯峯然熄邪辨云：考唐史則荆南節度使之設，始於肅宗至德二載。從此及至唐哀宗天祐丙寅止，共一百五十年。爲荆南節度使者，則有李昌夔等十餘人，并無丘玄素名。碑銜旣稱唐正議大夫戶部侍郎平章事荆南節度使，則又係唐朝宰相兼領藩鎮者。考唐相年表，其以平章兼領荆南節度使者，則有李石、李德裕、鄭肅、本白、敏中、蕭鄴、徐商、劉瞻、孔緯等諸人。其拜罷遷薨皆有月日可據。亦并無丘玄素名。唐史旣無其人，則此碑從何而出。此係後人之僞造明矣。惟直楷云：按廣輿摘要考荆南建置，春秋爲楚郢都。秦拔郢置南郡。漢曰臨江曰荊州。三國初屬蜀漢，後屬吳。晉曰新郡。梁元帝都此。隋唐曰江陵曰南都。宋曰荆南。明曰荊州府。玄素旣爲唐人，碑銜當曰江陵節度使。或曰南都節度使爲是。而曰荆南者，豈有唐時館職預用數百年後之建置乎。此係宋人僞造明矣。按會元指月錄俱載天王悟入滅於元和三年戊子。而林間錄佛祖通載又載入滅於十三年戊戌。然而人僞碑僞，建置僞，入滅僞，并所引之機緣亦僞矣。傳燈錄曰：荊州白馬曇照禪師嗣南泉，常曰快活快活，及臨終時叫苦苦。又曰：閻羅王來取我也。院主問：和尚當時被節度使拋向水中，神色不動，如今何得恁麼地。照舉枕子曰：汝道當時是，如今是。主無對。照擲枕子而逝。丘碑竊之爲天王機緣，豈有一府兩人兩人事，始終不差一字者，無是理乎。况荊州城西祇有白馬寺廢基存焉，絕無所謂天王寺者，則其寺僞又可知矣。再考無盡於達觀穎處得碑之說，據達觀示寂在嘉祐五年，無盡卒於宣和三年，壽七十九，則

生當在慶曆三年癸未也。以慶曆三年至達觀示寂之年。則無盡僅十有八歲矣。是時習舉業之不暇。何暇論及宗門中事乎。至元祐六年。見兜率悅時。年四十有九矣。始知有宗門中事。去達觀示寂已三十二年矣。而會議得碑之說。當在三十二年之後。無盡親言從達觀穎處討得丘符二碑。何無根之甚也。嗚呼。無盡不疑二碑不出。二碑之出。無盡之疑也。無盡之爲人。宋史備悉。余誠不敢論定焉。竊思吾宗貴省事。不貴多事。貴無諍。不貴鬭諍。此辨之出。不過冀其悛過從新。彼此相忘於解脫場中。撫沒弦琴。唱無生曲。卽謂之無一字也可。是朴所終期於永公也已。

與霽崙永禪師書。聞風日久。會晤維艱。法門細大宗趣。不能一一領教也。夏四月。刷印人進山。聞老法兄刊五燈全書。誠爲法門一大盛事。弟獲覩殊遇。慶抃歡呼。七月上旬。有惟直楷公來自都門。詢及此事。驚聞全書引證譌謬。種種辨駁。繫繫有據。痛自悲法門不幸。益何至此。切念法兄道隆德備。年高識廣。自是探討幽旨。考據精核。必不蹈人覆轍。錄人疑案。豈有泛泛成書。而付諸梓人耶。無是理乎。設果有是。惟願法兄當以史書編年。再一詳考。期成千秋不易之信史。以報聖主衛道之深衷也。無可侑函。盤山志一部。拙刻數種。請教。臨書跂望。八月二十五日。

四與永公書。甲戌二月下旬。遣僧持書併存誠錄去。獲公款待優加。歸述所言。殊非雅論。其所言者。悉據洞宗著述。譜五代非臆。剏也。又謂天皇帝王。據佛祖通載。非嚴統也。試問永公洞宗著述。除淨柱烏梅本形僞說之前。更有何說以爲據耶。僞說足據。青州自撰之塔記。反不足據乎。僞說足據。續略以前諸家金石之文獻。反不足據乎。請公此處下一轉語。再問永公。佛祖通載載龍潭崇信果誰屬耶。通載云。信賣餅

家子居天皇寺巷。日以十餅饋天皇。因之賜名。因之得悟。其後出住龍潭。與燈錄諸書所載毫髮無舛。殆本朝順治十年。通容集嚴統出。始翻亂藏典。直據會元小注。收龍潭爲天王之法嗣。援雲門法眼爲馬祖之所出。以致諸山公詰。有司公討。卒至醜態百出。難於爲言。今公集五燈全書。不能救正其非。猶且從而效之。爲是陰懼罪案久定。人所共知。故游易其詞曰。據通載。然通載所載。果如是乎。公於龍潭章中急開睡眠。余埋頭盤山二十餘年。未敢輕易論及法門中事。恐辱宗風。迫不得已。四次寄書與公。苦口勸誡。卽欲殺欲割。亦不敢辭。實無他。惟冀報佛恩祖恩。皇上衛法之深恩於萬一也。存誠錄二刻成寄覽。拙庵和誠錄初刻辨清洞宗五代二刻辨清雲門法眼兩宗述藏典古書十有四種。今錄十一種於前。而會元通載指月三書辨見於後。以下諸書皆智楷所述也。

正名錄一卷終

正名錄卷第二

二支五宗來源考之二

衡陽後學智楷惟直氏述

宋建溪宗永宗門統要集載龍潭因緣三則。一曰青原下第三世澧州龍潭崇信禪師。嗣天皇悟。師未出家時。爲餅舖。住在寺前。日常供餅十枚上天皇。皇受已。卻留一餅與之。曰。惠汝以蔭子孫。師曰。是某持來。何返曰。惠汝。皇曰。是汝持來。復汝何咎。師因有省。遂投出家。又曰。師一日問天皇曰。某自到來。不蒙和尚指示。心要云云。

又曰。師問天皇從上相承底事如何。皇曰。不是明汝來處不得。師曰。這箇眼目幾人具得。皇曰。淺艸易爲長蘆。

宋寶鑑法應頌古聯珠集曰。青原下第三世澧州龍潭崇信禪師。嗣天皇道悟。饋餅機緣。載存誠錄。汾陽昭頌曰。將去將來事不差。龍潭固問勿交加。後來多少爭脣吻。春鳥喃喃罵落花。

白雲端頌曰。十餅每將留一箇。因思何謂蔭兒孫。團團將去還將入。不覺醍醐到頂門。
佛國白頌載存誠錄。

無準範頌曰。持來持去樣團團。覆蔭兒孫義不寒。何似當時休擘破。渾崙留與後人看。

橫川珙頌曰。受惠當思報。將他一餅回。出家緣法到。當下得心灰。

又曰。龍潭問天皇曰。某自到來不蒙指示。心要云云。

白雲端頌曰。脫白投師貴苦辛。擎茶問訊盡躬親。無端再敍三年事。笑倒街頭賣餅人。

月堂昌頌曰。據款結案。得失過半。盡力擔當。上船離岸。無不指示汝。擎茶行食處。聖解凡情不過來。軒軒頭角起風雷。

宋大慧宗杲正法眼藏曰。天皇和尚問石頭。離卻定慧。以何法示人。頭曰。我者裏無奴婢。離箇甚麼。曰。如何明得。頭曰。汝還撮得虛空麼。曰。與麼則不從今日去也。頭曰。未審汝早晚從那邊來。曰。某甲不是那邊人。頭曰。你早知汝來處。曰。和尚何得賊誣於人。頭曰。汝身見在。曰。雖然如是。畢竟如何。示於後人。頭曰。汝道阿誰是後人。天皇從此有省。又曰。龍潭和尚問天皇。某自到來。不蒙和尚指示。心要。皇曰。自汝到來。

吾未嘗不指示汝心要。曰。何處指示。皇曰。汝擎茶來。吾爲汝接。汝行食來。吾爲汝受。汝和南時。吾便低首。何處不指示汝心。要龍潭佇思。問皇曰。見則直下便。見擬思卽。差龍潭當下開。悟乃復問如何保任。皇曰。任性逍遙。隨緣放曠。但盡凡心。別無聖解。

元寶洲覺岸釋氏稽古略曰。澧州龍潭崇信禪師。渚宮人。今荆湖北道荆門州。家居荊州城東天皇寺巷。禮道悟禪師出家。既受具。服勤左右。領悟玄旨。後詣澧陽龍潭棲止焉。師嗣天皇道悟禪師。悟嗣石頭遷禪師。遷嗣青原思禪師。思嗣六祖。尊者信接弟子。曰德山宣鑑。

明瞿汝稷指月錄載德山示衆。其略曰。諸方浩浩地捏怪不休。稱楊稱鄭。道我是馬大師宗徒。德山老漢。且不是你羣隊人。我見石頭和尚不識好惡。老漢所以罵伊。

唐德山鑑禪師塔銘。其略曰。自曹溪至吉州思大師。南嶽石頭。荊州天皇。澧州龍潭。至先和尚諱宣鑑。聞澧州有龍潭大師。則石頭之二葉矣。攝衣往焉。既見。喜而歎曰。窮諸玄辯。如一毫置於太虛云云。受業小師文學撰。

右碑在寺東荆棘中。苔蘚剝蝕。字多漫滅。武陵郡人楊鶴偕男嗣昌禮塔拂拭。因錄出廣其傳。時萬曆四十三年乙卯春日。是也。

百愚和尚彙輯德山語錄。季超居十序之。其略曰。余得德山塔銘。因緣甚奇。余偶讀譚友夏文集。內有喜楊修齡父子遊古德山一詩云。松筠心影內。古塔抱虛寂。螭纏李唐碑。茫茫夕陽歷。龍潭大師號。已被苔蘚食。因緣合天資。精神射蒼壁。父念子眼光。出奇相奪覓。或用口吹雲。或用手畫荻。須臾成誦讀。高音覆

浙瀝。寫寄數千字。難矣。初搜剔。畫劖古今色。氣與全山敵。坐獲異文觀。清明落霹靂。香風電空語。何人節不擊。深山舊法侶。再來建幽績。神僧向晦昧。且止莫盡滌。而詩中有香入其風。電入其空。二語復自註云。此卽銘中句也。余方擬購全文。適濟上一知識曰。果有之。吾曾見其稿於某禪師笥中。直紋爲石頭之三葉也。余亟覓而梓之。附於錄後。以決數百年未定之疑案。與此集全錄共稱一時快事云。雲門道者後學淨超拜書。

宋守頤古尊宿語錄。載鼓山先興聖國師玄要廣集序曰。自少室之花開六葉。曹溪之胤布諸方。爰出石頭。號純金鋪。蓋以格高調古。言簡理幽。厥後子孫。行步闊大。毫釐弗差。則有先興聖國師嗣雪峯。乃石頭下五葉也。

竹庵士珪書玄要廣集後曰。鼓山和尚名神晏。大梁人。姓李氏。衛州白鹿山受業。得法於雪峯存和尚。石頭第六世。五代晉天福中示寂。

宋覺範洪石門文字禪。載蘄州資福院逢禪師碑銘有序。其略曰。自達磨入中國。授二祖心要。而以衣爲信。故六世爲之單傳。至曹溪藏其衣。故諸方得者輩出。其魁壘絕類。碩大光明。有若衡山觀音。廬陵青原者。特爲學者之所宗仰。天下號二甘露門。今逢禪師青原九世之嫡孫。黃龍機公之高弟也。黃龍機乃德山鑑三世孫。又禾山寺記內曰。妙湛大師法安爲雪竇之後。乃青原之遠裔云云。妙湛嗣法雲秀。秀嗣天衣懷。懷嗣雪竇顯。則湛爲青原十三世。

宋道原傳燈錄。玄沙章末曰。師應機接物。僅三十祀。致青原石頭之濬流。逮今不絕。轉導來際。宋覺範洪僧寶傳。玄沙備章末曰。備狀短小。然精神可掬。閩帥王審知爲內外護。審知盡禮。延至安國禪。

院。衆盈七百。石頭之宗至是遂中興之。

宋余靖曹溪法堂記。其略曰。大鑑以諸佛大法眼藏傳青原思。思傳石頭遷。如是展轉相傳。至今長老緣師爲十世矣。緣師得大乘之要於漢東智門祚師。初出世。住南臺。後被朝旨住曹溪。六祖之道。由是中興矣。康定二年十二月日記。師諱寶緣。於宋仁宗明道二年奉旨住曹溪。賜號慈濟大師。建說法堂。郡人余靖記。

又慈濟壽塔銘。其略曰。禪師名寶緣。興元人。遊方至隨州。參智門祚禪師。以心印心。不煩機接。遂爲之嗣。卽雲門之嫡孫也。師與雪竇顯爲伯仲。望龍潭七世。望青原十世。

曹溪通志後跋有曰。南嶽讓之開滄仰。臨濟也。青原思之開雲門。法眼。曹洞也。

唐欽山文邃禪師。嗣洞山价。初與巖頭雪峯同到德山。乃問。天皇也。恁麼道。龍潭也。恁麼道。未審德山作麼生道。德曰。汝試舉。天皇龍潭道底看。欽擬進語。德便打。欽曰。是卽是。打我太煞。

宋眉州化禪師。雲門二世。僧問。天皇也。恁麼道。龍潭也。恁麼道。未審和尚作麼生道。化曰。汝試道看。

宋金山寧禪師。雲門六世。僧問。天皇也。恁麼道。龍潭也。恁麼道。未審和尚作麼生道。寧曰。手握白玉鞭。驪珠盡擊碎。

禪林寶訓合註曰。明教嵩青原下十世。棲賢舜青原下十世。圓通訥青原下十世。大覺璉青原下十四世。云云。數公皆雲門後裔。

道至當不出真僞。言至當不出是非。智者不在是非真僞之內。故能是非真僞之。譬如迷人惑東爲西。智者因而指正。若無迷人。是非之言無所施矣。按高僧傳傳燈錄宗門統要聯珠頌古禪宗正脈正法眼藏洎五

燈會元佛祖通載指月錄九種大典籍。所紀龍潭崇信之傳。皆曰。師本渚宮賣餅家子也。初悟和尚爲靈鑑潛請居天皇寺。人莫之測。師家於寺巷。常日以十餅饋之。天皇受食畢。每留一餅。曰。吾惠汝。以蔭子孫。師一日自念曰。餅是我持去。何返遺我耶。莫別有旨乎。遂造而問焉。皇曰。是汝持來。復汝何咎。師聞之。頗曉立旨。因投出家。皇曰。汝昔崇福善。今信吾言。可名崇信。乃至問心要開悟云云。此係父子親口親言。問答機緣。乃千古不磨之鐵案也。據此。則龍潭嗣天皇明甚。德山龍潭之子也。其示衆自道。不是馬大師宗徒。則龍潭嗣天皇明甚。文學龍潭之孫也。其撰德山塔銘。直述自曹溪青原石頭天皇龍潭至先和尚諱宣鑑。則龍潭嗣龍潭八世孫也。其纂傳燈不必觀全傳。但觀一題目曰。行思禪師第二世南嶽石頭希遷禪師法嗣。荊州天皇道悟禪師。行思禪師第三世荊州天皇道悟禪師法嗣。澧州龍潭崇信禪師。何等顯明昭著。則龍潭嗣天皇明甚。明教龍潭八世孫也。其述正宗記曰。石頭希遷禪師法嗣。凡二十一人。一曰荊州天皇道悟者。荊州天皇道悟禪師法嗣。一人曰澧州龍潭崇信者。則龍潭嗣天皇明甚。又作原宗集序。直序雲門雪峯德山龍潭上嗣天皇石頭青原曹溪以及達磨。則龍潭嗣天皇明甚。佛國龍潭十世孫也。其頌饋餅因緣曰。南嶽山頭見石頭。則以公孫三代授受之事。一頌頌出。則龍潭嗣天皇明甚。此皆龍潭自家一脈骨肉。自敘其家譜。炳如日。有如此。宗門之有頌古。始於汾陽。而汾陽白雲無準橫川月堂諸公。頌饋餅心要公案。燎如指掌。則龍潭嗣天皇明甚。覺範僧寶傳自序曹洞雲門法眼皆宗於石頭。又文字禪敘逢禪師爲青原九世。妙湛爲青原遠裔。則龍潭嗣天皇明甚。志磐佛祖統紀謂青原下出曹洞雲門法眼。又謂石頭後派爲三家。五世

而爲洞山。七世而爲雲門。九世而爲法眼。又謂德山爲青原五世。雪峯爲青原六世。雲門爲青原七世。羅漢爲青原八世。法眼爲青原九世。則龍潭嗣天皇明甚。覺岸稽古略直述龍潭嗣天皇石頭青原六祖。則龍潭嗣天皇明甚。守頤古尊宿載鼓山晏爲石頭下五葉。則龍潭嗣天皇明甚。士珪書玄要集後。謂晏石頭第六世。則龍潭嗣天皇明甚。傳燈立沙章末曰。致青原石頭之濬流。逮今不絕。僧寶傳立沙章末曰。石頭之宗至是遂中興之。則龍潭嗣天皇明甚。曹溪志謂青原開雲門法眼曹洞三宗。則龍潭嗣天皇明甚。眉州金山兩則機緣且置。欽山問天皇龍潭也。恁麼道之話。蓋德山望天皇中間止隔龍潭一代。欽山親及德山之門。備知其來源之事。故有此問。則龍潭嗣天皇明甚。寶訓直註明教諸公爲青原下十世。則龍潭嗣天皇明甚。此皆濟上知識。海內名宿。所紀龍潭出自天皇之事。明之又明有如此。長沙侯延慶僧寶傳引直敘曹洞雲門法眼宗石頭。則龍潭嗣天皇明甚。韶州余靖法堂記直記寶緣爲青原十世。則龍潭嗣天皇明甚。此皆儒家名老。其所紀天皇龍潭來源之清。又如此。今之集全書者。動輒曰。靡不窮搜極討。可曾探討及此乎。又曰。引證辨解。各有根據。可曾根據及此乎。否則請平心和氣。將此諸書折衷參訂。以成千古之信史。不惟爲後人之龜鑑。亦可以報皇上衛道深恩之萬一也。

御製五燈全書序

朕惟天生蒸民。厥有恆性。迨物交私蔽以後。遂不能有善而無惡。故操治世之權者。必兢兢以勸善懲惡爲先務焉。大易著閑邪存誠之義。尙書明福善禍淫之旨。皆所以啓牖下民。使之回心嚮道。而勿卽於匪彝也。間嘗流覽釋氏之書。立教雖主於空寂。而其戒欺去妄。蠲忿窒欲。亦與勸善懲惡之道。蓋無殊指焉。自宗門

教興。曹溪而下五派迭衍。各有撰述。宋景德以後。哀集爲傳燈諸錄。嗣是又舉挈要領。彙成一編。是爲五燈會元。洎乎本朝。沙門海寬念其支派繁衍。自宋金元明數百年來。傳述闕然。乃著續續一書。今聖感寺僧超永復慮譜牒漸勞。聞見不一。用是旁蒐博考。折衷於二編。而參訂之。刪其煩蕪。增所未備。以成全書。其用心也可謂勤矣。至於簡牘所載。互相印證之語。罕譬曲喻。爲說甚夥。而其大指要歸。亦惟欲祛迷惑以復性真。不越乎閑邪存誠。牖人爲善之意。匪僅有裨於禪宗教旨而已也。故爲之序。

景德傳燈紀六祖慧能大師法嗣曰。青原行思禪師。南嶽懷讓禪師。南嶽讓法嗣第一世馬祖道一禪師。南嶽下二世馬祖一法嗣百丈懷海禪師。南嶽下三世百丈海法嗣滄山靈祐禪師。黃檗希運禪師。南嶽下四世滄山祐法嗣仰山慧寂禪師。黃檗運法嗣臨濟義玄禪師。青原思法嗣第一世石頭希遷禪師。青原下二世石頭遷法嗣天皇道悟禪師。藥山惟儼禪師。青原下三世天皇悟法嗣龍潭崇信禪師。藥山儼法嗣雲巖曇晟禪師。青原下四世龍潭信法嗣德山宣鑑禪師。雲巖晟法嗣洞山良价禪師。青原下五世德山鑑法嗣雪峯義存禪師。青原下六世雪峯存法嗣玄沙師備禪師。雲門文偃禪師。青原下七世玄沙備法嗣羅漢桂琛禪師。青原下八世羅漢琛法嗣清涼文益禪師。

按傳燈乃道原禪師所集。其載六祖下出青原南嶽。是爲二支。青原出曹洞雲門法眼。南嶽出臨濟滄仰。是爲五宗。進呈宋眞宗皇帝御覽。命翰林楊億裁定。賜入皇藏。五宗欽遵。從無異議。此二支五宗之源出自六祖。其來舊矣。

五燈會元曰。六祖大鑑禪師法嗣南嶽懷讓禪師。南嶽讓法嗣第一世馬祖道一禪師。南嶽下二世馬祖

一法嗣百丈懷海禪師。南嶽下三世百丈海法嗣黃檗希運禪師。南嶽下四世黃檗運法嗣臨濟義玄禪師。又曰。南嶽下三世百丈海法嗣潯山靈祐禪師。南嶽下四世潯山祐法嗣仰山慧寂禪師。又曰。六祖大鑑禪師法嗣青原行思禪師。青原思法嗣第一世石頭希遷禪師。青原下二世石頭遷法嗣藥山惟儼禪師。青原下三世藥山儼法嗣雲巖曇晟禪師。青原下四世雲巖晟法嗣洞山良价禪師。又曰。青原下二世石頭遷法嗣天皇道悟禪師。青原下三世天皇悟法嗣龍潭崇信禪師。青原下四世龍潭信法嗣德山宣鑑禪師。青原下五世德山鑑法嗣雪峯義存禪師。青原下六世雪峯存法嗣雲門文偃禪師。玄沙師備禪師。青原下七世玄沙備法嗣羅漢桂琛禪師。青原下八世羅漢琛法嗣法眼文益禪師。又列五宗曰。潯仰宗南嶽下四世。臨濟宗南嶽下四世。曹洞宗青原下四世。雲門宗青原下六世。法眼宗青原下八世。

按會元乃大川濟禪師所集。以前諸燈錄會爲一書。故曰五燈會元。既紀青原出曹洞雲門法眼。南嶽出臨濟潯仰。是遵從上五燈之例。其建宗立義。條分縷析。可謂詳矣。

五燈續編曰。曹溪之下兩幹並出。青原居左。南嶽居右。其青原下石頭嗣之。而曹洞雲門法眼。列青原而爲昭。其南嶽下馬祖嗣之。臨濟與夫潯仰。列南嶽而爲穆。

古吳金護法之俊序曰。粵稽少室花開五葉。曹溪胤布諸方。於是直指單提之心要。一本析爲二枝。衡山觀音廬陵青原咸爲學者之所皈依。天下號二甘露門。青原法嗣爲石頭。雲門曹洞法眼宗之。南嶽法嗣爲馬祖。臨濟潯仰宗之。此五家宗派所由始也。

按續續乃涌宇寬禪師所集。其敘二支之昭穆。紀五宗之來源。蓋祖述傳燈。憲章會元。金序又從而申明之。弁於簡端。可謂盡矣。

御序傳燈下有諸錄二字。蓋謂傳燈後有廣燈續燈聯燈普燈泊皇藏諸書故也。茲不一一歷引。惟曰諸錄者。有二意也。一省文也。一該攝包括之詞也。序中雖引傳燈會元續續三書以爲文。其意具含如上所述之諸書。可謂言簡義盡。則知我皇上於宗門裏底纖洪。洞悉無遺。前代帝王留心佛道甚多。未有如我皇上優游法海。高蹈毘廬。則又儒釋融通。善惡昭晰。啓牖生民。同心嚮道。信爲古佛乘願應世。故以斯道覺斯民也。然傳燈會元續續泊前諸書所紀五宗來源。歷然昭著。序中引說以明諭霽崙折衷參訂。以定二支五宗之譜。可謂聖意昭然如揭日月矣。臣儕安敢不欽此欽遵。秉公著述。以期報聖恩於萬一乎。

與聖感霽崙永禪師書

久仰德輝。渴思道範。楷昨抵京華。準擬進山奉訪。無奈他冗所逼。未克如願。悵也何如。茲啓者。郵聞和尚輯五燈全書。進呈御覽。欽賜序文。今古以來。不可多見。欣羨欣羨。但其中條例章次。多本嚴統。嚴統之書。屢經當道有司勘定。燬板廢書。其事昭昭在人耳目。和尚秉公持正。成此僧史。遭逢聖主宸翰簡端。必不蹈此覆轍。爲法門羞。楷與和尚法同骨肉。聞此風言。是驚是懼。故不敢冒進其說。願和尚深垂察焉。外衛燈錄一部。大覺續燈錄一部。洞濟世次備考一冊。辨略草鈔二冊。白巖釋誤篇一冊。源流頌一冊。統塵清覽。惟冀和尚大公無我。取舍同人。成此大全傳遠之書。非惟完和尚一生堅苦之心。抑以報皇上弘宗之勝意也。倘不棄芻蕘之言。法門幸甚。後學幸甚。特啓。癸酉中秋後三日。

正名錄二卷終

正名錄卷第三

衡陽後學智楷惟直氏述

二支五宗來源考之三

五燈全書凡例曰。一天王於馬祖。天皇於石頭。皆前人所定之案。見諸典籍。不啻數十種。悉從龍藏佛祖通載中原本根據。庶令統系無差。

按霽崙自序曰。自康熙癸亥入京。廣徵博採。謹以古今遺集。探其事實。其理不當而言冗僞者。則刪之。其旨不二而機冥合者。則增之。繼而考訂宗派。申明大端。不使金鋤溷雜。務期支緒詳明。引證辨解。各有根據。靡不窮探極討。編成垂二百餘萬言。名曰五燈全書。晒將謂霽崙有多少書。可搜可討。可根可據。以譜雲法二宗於馬祖之下。元來止據通載一書。則此序豈不成自誑以誑世乎。按通載亦惟援丘碑以成傳。余不憚繁瑣。次第辨出。一以曉霽崙之迷。一以供天下後世著述家之所考較云爾。

五燈會元 宋靈隱大川普濟編集 元天衣業海子清重刻 天竺延俊序

重刻五燈會元序。其略曰。至元間雲壑瑞禪師作心燈錄。最爲詳盡。特援丘玄素所製塔銘。以龍潭信公出馬祖下。致人沮抑。不傳於世。識者惜焉。至正二十四年甲辰四月。杭州中天竺延俊序。

青原下二世石頭遷禪師法嗣。荊州天皇道悟禪師。婺州東陽張氏子。神儀挺異。幼而生知。年十四。懇求

出家。父母不聽。遂損減飲膳。日纔一食。形體羸悴。父母不得已而許之。依明州大德披削。二十五詣杭州竹林寺具戒。精修梵行。推爲勇猛。或風雨昏夜。晏坐丘塚。身心安靜。離諸怖畏。一日遊餘杭。首謁徑山國一受心法。服勤五載。後參馬祖。重印前解。法無異說。依止二夏。乃謁石頭。而致問曰。離卻定慧。以何法示人。頭曰。我這裏無奴婢。離箇甚麼。曰。如何明得。頭曰。汝還撮得虛空麼。曰。怎麼則不從今日去也。頭曰。未審汝早晚從那邊來。曰。道悟不是那邊人。頭曰。我早知汝來處也。曰。師何得臆誣於人。頭曰。汝身見在。曰。雖然如是。畢竟如何。示於後人。頭曰。汝道誰是後人。師從此頓悟。罄殫前二哲匠言下有所得心。後卜荊州當陽紫陵山。學徒駕肩接迹。都人士女嚮風而至。時崇業寺上首。以狀聞於連帥。迎入城。郡之左有天皇寺。乃名藍也。因火而廢。主僧靈鑑將謀修復。乃曰。苟得悟禪師爲化主。必能福我。乃中宵潛往哀請。肩舁而至。時江陵尹右僕射裴公稽首問法。致禮勤至。師素不迎送。客無貴賤。皆坐而揖之。裴公愈加歸向。由是石頭法道盛矣。師因龍潭問從上相承底事如何。師曰。不是明汝來處不得。潭曰。這箇眼目。幾人具得。師曰。淺草易爲長蘆。僧問如何是玄妙之說。師曰。莫道我解佛法好。曰。爭奈學人疑滯何。師曰。何不問老僧。曰。卽今問了也。師曰。去。不是汝存泊處。元和丁亥四月示疾。命弟子先期告終。至晦日。大眾問疾。師驚召典座。座近前。師曰。會麼。曰。不會。師拈枕头拋於地上。卽便告寂。壽六十。臘三十五。以其年八月五日。塔於郡東。此下有小註一篇辨見於後

青原下三世天皇悟禪師。法嗣澧州龍潭崇信禪師。渚宮人也。其家賣餅。師少而英異。初悟和尚爲靈鑑潛請居天皇寺。人莫之測。師家於寺巷。常日以十餅饋之。天皇受之。每食畢。常留一餅。曰。吾惠汝。以蔭子。

孫師一日自念曰。餅是我持去。何以返遺我邪。其別有旨乎。遂造而問焉。皇曰。是汝持來。復汝何咎。師聞之。頗曉玄旨。因投出家。皇曰。汝昔崇福善。今信吾言。可名崇信。由是服勤左右。一日問曰。某自到來。不蒙指示心要。皇曰。自汝到來。吾未嘗不指示汝心要。師曰。何處指示。皇曰。汝擎茶來。吾爲汝接。汝行食來。吾爲汝受。汝和南時。吾便低首。何處不指示心要。師低頭良久。皇曰。見則直下便見。擬思卽差。師當下開解。復問如何保任。皇曰。任性逍遙。隨緣放曠。但盡凡心。別無聖解。師後詣豐陽龍潭棲止。僧問。髻中珠誰人得。師曰。不賞玩者得。曰。安著何處。師曰。有處卽道來。有尼問如何得爲僧去。師曰。作尼來多少時也。曰。還有爲僧時也無。師曰。汝卽今是甚麼。曰。現是尼身。何得不識。師曰。誰識汝。李翱刺史問如何是真如般若。師曰。我無真如般若。李曰。幸遇和尚。師曰。此猶是分外之言。載第七卷

佛祖歷代通載 元華亭念常集 出在至正元年

荊州城東天皇道悟禪師。協律郎符載撰碑。其略云。姓張氏。婺州東陽人。十四出家。依明州大德祝髮。二十五。受戒於杭州竹林寺。初參國一服勤五年。大曆十一年。隱於大梅山。建中初。謁江西馬祖。二年。參石頭。乃大悟。遂隱當陽紫陵山。後於荊南城東有天皇寺。頃因火廢。僧靈鑑將謀修復。乃曰。苟得悟禪師爲化主。必能福我。時江陵尹右僕射裴公。稽首問法。致禮迎至。師素不迎送。客無貴賤。皆坐而揖之。裴愈加敬。石頭之道。始盛於此。師患背痛。臨終。大衆問疾。師囑召典座近前。師曰。會麼。對曰。不會。師拈枕头拋於地上。卽便告寂。壽六十。坐三十五夏。法嗣三世曰惠真。曰幽閒。曰文賁。實元和二年四月十三日也。載大

字函二
十卷

元和十三年四月十三日。天王道悟禪師入寂。唐正議大夫戶部侍郎平章事荆南節度使丘玄素撰碑云。道悟渚宮人。姓崔氏。子玉之後胤也。年十五依長沙寺曇翥律師出家。二十三詣嵩山受戒。三十三參石頭頻沐指示。曾未投機。次謁忠國師。三十四與國師侍者應真南還謁馬祖。祖曰識取自心。本來是佛。不屬漸次。不假修持。體自如如。萬德圓滿。師於言下大悟。祖囑曰汝若住持莫離舊處。師蒙旨已便返荊州去郭不遠結草爲廬。後因節使顧問左右申其端緒。節使親臨訪道見其路隘車馬難通極目荒榛未曾修創觀茲發怒令人擒師拋於水中旌旆纔歸乃見徧衙火發內外烘燄莫可近之唯聞空中聲曰我是天王神我是天王神。節使同心設拜烟燄都息宛如如初遂往江邊見師在水都不溼衣節使重申懺悔迎請在衙供養於府西造寺額號天王師常云快活快活及臨終時叫苦苦又云閻羅王來取我也院主問曰和尚當時被節度使拋向水中神色不動如今何得恁麼地師舉枕子云汝道當時是如今是院主無對便入滅壽八十二夏六十三嗣法一人曰崇信即龍潭也論曰寂尊者曰荆州天皇寺道悟具首謁徑山一禪師服勤五年大曆中抵鍾陵謁馬大師經二夏乃造石頭元和中丁亥四月示寂壽六十臘三十五及觀達觀禪師所集五家宗派則曰道悟嗣馬祖引唐丘玄素所撰碑文幾千言略曰師號道悟居宮人姓崔氏即子玉後胤也年十五於長沙寺禮曇翥律師出家二十三日大悟於傳祝羅他日莫離舊處故復還清宮元乃入安親戊戌初四示疾十三日歸寂壽八十臘六十六

正如有道人然玄素所載曰有傳法一和崇信住澧州龍潭南山嶽讓禪師碑唐開人歸登譯列法孫數人於後濟二宗競名圭峯答裴相國宗趣狀列人崇信住澧州龍潭南山嶽讓禪師碑唐開人歸登譯列法孫數人於自曹溪下列爲兩派一笑出林間錄出覺夢堂重校五人原思序出石頭遷吳僧道兼稟徑山今妄以雲門卷八十四員善知內有一百丈海黃檗運大師祐二人運思出臨濟宗祜下出雲門偃號雲門宗次號馮仰宗八十四員善知內有一百丈海黃檗運大師祐二人運思出臨濟宗祜下出雲門偃號雲門宗次

玄沙備出地藏琛琛出清涼益號法眼宗。次石頭遷出藥山。嚴天皇為悟二。人。悟。下。得。惠。真。下。得。幽。閒。玄。下。得。文。貢。三。世。便。絕。唯。出。清。涼。益。號。法。眼。宗。次。石。頭。遷。出。藥。山。嚴。天。皇。為。悟。二。人。悟。下。得。惠。真。下。得。幽。閒。元。和。十。二。年。四。月。十。三。日。同。時。道。大。夫。丘。素。撰。塔。銘。文。幾。千。言。其。略。云。馬。祖。人。也。今。傳。得。惠。真。下。得。幽。閒。塔。銘。二。宮。一。所。載。生。緣。出。天。甚。詳。但。道。者。原。探。集。傳。燈。之。姓。張。氏。一。嗣。石。頭。略。云。馬。祖。人。也。今。傳。得。惠。真。下。得。幽。閒。張。公。可。知。夏。卿。二。景。德。至。今。天。下。四。海。以。道。傳。燈。之。姓。張。氏。一。嗣。石。頭。略。云。馬。祖。人。也。今。傳。得。惠。真。下。得。幽。閒。皇。道。有。悟。人。箇。無。二。金。剛。呵。風。雨。雖。佛。祖。不。敢。娶。符。恐。自。天。皇。處。有。一。誤。宗。略。示。處。作。塔。記。又。誤。教。理。行。果。亦。嘗。疑。之。轉。且。天。笑。其。下。注。然。明。白。偏。信。吾。擇。法。曰。吾。嘗。觀。德。山。禪。師。處。同。出。唐。符。頭。下。因。甚。垂。示。處。作。塔。記。又。誤。教。理。行。果。亦。嘗。疑。之。轉。且。天。笑。其。下。注。然。明。白。偏。信。吾。擇。法。曰。吾。嘗。觀。德。山。禪。師。處。同。出。唐。符。頭。下。因。甚。垂。示。處。作。塔。記。又。誤。教。理。行。果。亦。嘗。疑。之。轉。且。天。

載二十卷

澧州龍潭崇信禪師。本渚宮賣餅家子也。史失其姓。少時英異。初悟禪師居天皇寺。人莫之測。師家於寺巷。日常以十餅饋之。悟受之。每食畢。常留一餅。曰。吾惠汝。以蔭子孫。一日退而省其私。曰。餅是我持去。何以返遺我邪。寧別有旨乎。遂造而問焉。悟曰。是汝持來。復汝何咎。師聞頗曉立旨。因祈出家。悟曰。汝昔崇福善。今信吾言。可名崇信。由是服勤左右。一日問曰。某自到來。不蒙指示心要。悟曰。自汝到來。吾未嘗不指示汝心要。曰。何處指示。悟曰。汝擎茶來。吾為汝接。汝行食來。吾為汝受。汝和南時。吾便低首。何處不指示心要。師低頭良久。悟曰。見即直下便見。擬思即差。師當下開解。乃復問如何保任。悟曰。任性逍遙。隨緣放曠。但盡凡心。別無聖解。師後詣澧陽龍潭棲止。僧問。髻中珠誰人得。師曰。不賞翫者得。僧曰。安著何處。師曰。有處即道來。李翱問。如何是真如般若。師曰。我無真如般若。翱曰。幸遇和尚。師曰。此猶是分外之言。德山問答具本傳。

指月錄萬曆壬寅夏瞿汝稷集
崇禎庚午秋破山海明重刻

荊州天皇道悟禪師據符碑

天王道悟禪師據丘碑
未定宗派二人

澧州龍潭崇信禪師天一德山天二巖頭雪峯天三

南嶽青原宗派未定法嗣

荊州天皇道悟禪師。婺州東陽張氏子。神儀挺異。幼而生知。年十四。懇求出家。父母不許。遂減飲食。父母不得已。許之。及出家。精修梵行。風雨昏夜。晏坐丘塚。離諸怖畏。謁徑山國一受心法。服勤五載。次參馬祖。重印前解。法無異說。依止二夏。後謁石頭而致問曰。離卻定慧。以何法示人。頭曰。我這裏無奴婢離箇甚麼。曰。如何明得。頭曰。汝還撮得虛空麼。曰。恁麼則不從今日去也。頭曰。未審汝早晚從那邊來。曰。道悟不是那邊人。頭曰。我早知汝來處也。曰。師何以賊誣於人。頭曰。汝身現在。曰。雖然如是。畢竟如何。示於後人。頭曰。汝道誰是後人。師從此頓悟。罄殫前二哲匠言下。有所得心。後居天皇。客無貴賤。皆坐而揖。江陵尹右僕射裴公。稽首問法。師接之。無加禮。裴愈歸向。元和丁亥四月。示疾。命弟子先期告終。至晦日。大眾問疾。師驚召典座。座近前。師曰。會麼。曰。不會。師拈枕子。拋於地上。即便告寂。壽六十。臘三十五。東弟子三人。慧真文黃幽閑。協律郎符載撰碑。傳燈所錄。悉同符碑。而誤以龍潭列師法嗣。

天王道悟禪師。渚宮崔氏漢子玉之胤。十五出家。二十三受戒。三十謁石頭。頻沐指示而不契。次謁忠國師。三十四與國師侍者應真南還。謁馬祖。祖曰。識取自心。本來是佛。不屬漸次。不假修持。體自如如。萬德

圓滿。師於言下大悟。祖囑曰。汝若住持。莫離舊處。師蒙旨已。便返荆門。去郭不遠。結艸為廬。節使來訪。師不為加禮。使怒。擒師擲江中。及歸。見徧衙火發。且聞空中天王神瞋責聲。遂哀悔設拜。烟燄頓息。宛然如初。乃躬往江邊迎師。見師在水都不溼衣。益自敬重。於府西造天王寺供師。龍潭信問從上相承底事如何。師曰。不是明汝來處不得。潭曰。這箇眼目幾人具得。師曰。淺艸易為長蘆。僧問如何是玄妙之說。師曰。莫道我解佛法好。曰。爭奈學人疑滯何。師曰。何不問老僧。曰。即今問了也。師曰。去。不是汝存泊處。師常云。快活快活。及臨終時叫苦苦。又云。閻羅王來取我也。院主問曰。和尚當時被節使拋向水中。神色不動。如今何得恁麼地。師舉枕子云。汝道當時是。如今是。院主無對。便入滅。當元和三年林間錄作十三年戊戌。十三日也。年八十二。坐六十三夏。馬祖嗣。佛國白達觀。穎呂夏卿。張無盡。皆著辨證。傳燈之誤。獨相其時。同其地。同其參。謁石頭馬祖。同故。猶不能不闕疑。且石頭參青原。原謂因緣當在馬祖處。頭旋於馬祖處。大悟。而竟嗣原。皆釋迦之胤。何彼此足分析。

耶載第九卷

澧州龍潭崇信禪師。渚宮人也。其家賣餅。師少而英異。初悟和尚為靈鑑。潛請居天皇寺。人莫之測。師家於寺巷。常日以十餅饋之。天皇受之。每食畢。常留一餅。曰。吾惠汝。以蔭子孫。師一日自念曰。餅是我持去。何以返貽我耶。其別有旨乎。遂造而問焉。皇曰。是汝持來。復汝何咎。師聞之。頗曉玄旨。因投出家。皇曰。汝昔崇福善。今信吾言。可名崇信。由是服勤左右。一日問曰。某自到來。不蒙指示心要。皇曰。自汝到來。吾未嘗不指示汝心要。師曰。何處指示。皇曰。汝擎茶來。吾為汝接。汝行食來。吾為汝受。汝和南時。吾便低頭。何處不指示心要。師低頭良久。皇曰。見則直下便見。擬思即差。師當下開解。復問如何保任。皇曰。任性逍遙。

隨緣放曠。但盡凡心。別無聖解。師後詣灋陽龍潭棲止。僧問。髻中珠誰人得。師曰。不賞翫者得。曰。安著何處。師曰。有處。卽道來。有尼問。如何得爲僧去。師曰。作尼來多少時也。曰。還有爲僧時也無。師曰。汝卽今是甚麼。曰。現是尼身。何得不識。師曰。誰識汝。李翱刺史問。如何是真如般若。師曰。我無真如般若。李曰。幸遇和尚。師曰。此猶是分外之言。載十二卷。

一青峯會
住原存元
荆石存小
南頭下註
城所出曰
東自雲按
天出門景
皇不偃德
寺知玄傳
嗣其沙燈
石差備稱
頭誤備青
其所再原
下從傳下
出來爲出
龍久法石
潭矣。眼頭
信道益邊
者悟皆遷
乃同謂下
馬時雲出
祖有門天
下二法皇
天人眼悟
王一二悟
道住宗下
悟荆來出
非南自龍
石城青潭
頭西原信
下天王頭
皇寺。雖出
道嗣二德
悟馬家山
也。祖兒鑑
孫鑑亦下
自出謂雪

一任。南坊。東天皇寺。巖石。頭其下。出龍潭。信者乃馬祖。下天王道悟。非石頭。下天皇道悟也。

宋景定間大川濟公輯會元本傳廣續聯普五燈以成書。故紀青原出三宗。南嶽出兩宗。於天皇章下原無小註。迨元末時。雲壑瑞以丘碑作心燈錄。收雲門法眼於馬祖下。當時宰官護法。秉公斥之。沮抑不行。業海子清重刻會元。引心燈錄中丘符諸碑小註。天皇章下。以存疑案。然於大川原刻正文。未敢擅改一字。此一段係子清入小註作開端。以鋪敘其事。然後入丘符二碑。次引數碑以證其實。末後以數語結斷之。起承轉結。竟成一篇文章。通載小註拙於此多矣。

便被於王令爲持未姓何
入節府神人慮體沒崔以
滅度西節擒後自機氏明
當使造使師因如次子之
元拋寺回拋節如謁玉按
和向額心於使萬忠之唐
三水號設水顧德國後正
年中天拜中問圓師胤議
戊神王烟旌左滿三也夫
子色師燄旆右師十年十
十不常都纔申於四十戶
月動云息歸其言與五部
十如快宛乃端下國依侍
三今活然見緒大師長郎
日何快如徧節悟侍沙平
也得活初銜使祖者寺章
年恁及遂火親囑應疊事
八麼臨往發臨曰真嘉荆
十地終江內訪汝南律南
二師時邊外道若還師節
坐舉叫見烘見住謁出度
六枕苦師燄其持馬家使
十子苦在莫路莫祖二丘
三云又水可險離祖十玄
夏汝云都近車舊曰三素
嗣道閤不之馬處識詣所
法當羅涇唯難師取高撰
一時王衣聞通蒙自山天
人是來節空極旨心受王
曰如取使中目已本戒道
崇今我重聲荒便來三悟
信是也仲曰棹返是十禪
卽院院懺我會荆佛參師
龍主主悔是未門不石碑
潭無問迎天修去屬頭云
也對曰請王削郭漸頻道
和在神覩茲遠不指渚
尙銜我發結假示宮
當供是怒艸修曾人
時養天

是真難掩。是僞不昌。按肅峯然公考唐史荊州節使之設。始於肅宗至德二載。從此以至哀宗天祐丙寅止。共一百五十年。而爲荊州節度使者。則有李昌夔陳少遊張伯儀嚴綬常滋宋浩段彥謨朱若汶陳儒張瓌成炳趙匡明等十餘人。并無丘玄素名。且碑銜既稱唐正議大夫戶部侍郎平章事荊南節度使。則又係唐朝宰相兼領藩鎮者。考唐相年表。其以平章兼領荊州節度使者。則有李石李德裕鄭肅本白敏中蕭鄴徐商劉瞻孔緯等諸人。其拜罷遷薨皆有月日可據。亦并無丘玄素名。唐史既無其人。則此碑從何而出。鴛上維魚子遡源問曰。會元所纂入細註曰。唐正議大夫戶部侍郎平章事荊南節度使於元和三年戊子爲天王悟作碑文。而費隱解惑篇則書丘玄素爲天王悟作碑。係元和十三年戊戌。予於是考唐書國史。上自德宗甲子興元元年起。以及順宗永貞憲宗元和穆宗長慶敬宗寶曆文宗太和武宗會昌三年癸亥止。上下六十年。并無所謂戶部侍郎平章事荊南節度使丘玄素者。則欲據一僞碑僞人。而增一僞天王。是何異於演琵琶記見牛丞相而信有一趙五娘耶。此吾里王先生讀嚴統詩不云乎。細將國史參僧史。玄素碑文槩渺茫。復云。年表唐書昭若日。徑山醉夢引丘符。良有以也。此撰碑之人僞矣。按輿圖摘要。考荊州建置。春秋爲楚郢都。秦拔郢置南郡。漢曰臨江曰荊州。三國初屬蜀漢。後屬吳。晉曰新郡。梁元帝都此。隋唐曰江陵曰南都。宋曰荊南。明曰荊州府。玄素既爲唐人。碑銜當曰江陵節度使。或曰南都節度使爲是。而曰荊南者。豈有唐時館職預用數百年後之建置乎。此碑銜僞矣。

小註謂道悟二十三詣嵩山受戒。三十參石頭。通載謂三十三參石頭。此參訪年歲僞矣。

稽古略註渚宮卽荊門州。屬安陸府管。距荊州二百里。小註曰。汝若住持。莫離舊處。故有便返荊門。結草爲

廬。以應渚宮人姓崔氏之句也。通載謂便返荊州。結草爲廬。此住居僞矣。

拋人於水死罪也。節使去二百里外。親臨訪道。其慕道之心可謂至矣。見其路隘。益生渴仰可也。縱然不悅。迴車不訪可也。道悟不犯法。豈可因路隘處以死罪乎。國法雖嚴。終不罪及無辜。節使爲一方藩鎮。豈有濫刑如此。此訪道拋水之事僞矣。

荊州白馬寺曇照禪師

嗣南泉願

常云快活快活。及臨終時叫苦苦。又曰。閻羅王來取我也。院主問曰。和尚當時

被節度使拋向水中。神色不動。如今何得恁麼地。照舉枕头曰。汝道當時是。如今是。院主無對。照擲枕头而逝。載傳燈諸書。歷歷可考。丘碑像來以爲天王道悟事。此機緣僞矣。

曇照機緣中有節使拋水之句。雖未詳言某節使因某事拋水者。此修燈錄家刪繁取要故也。今城西祇有白馬寺存焉。父老尙能道及曇照叫樂叫苦之事。若天王寺者。絕無形跡。况荊州志亦未見有載及之。然丘碑機緣既屬曇照事。則拋水造寺之事。安知不爲曇照之事乎。或者爭謂必天王事。然一郡之西。豈有兩人之事。始終如一之理乎。此係造碑之人。但改白馬寺爲天王寺耳。此拋水造寺之事僞矣。

小註謂天王入滅。當元和三年戊子十月十三日也。通載謂元和十三年戊戌四月十三日。此入滅年月之事僞矣。

小註通載謂天王壽八十二。坐六十三夏。據十五歲出家。則髮臘六十八。二十三受戒。則坐夏僅五十九。而曰坐六十三夏。此坐夏僞矣。

小註通載俱曰嗣法一人曰崇信。卽龍潭也。龍潭之嗣天皇。具述於前諸書。且置勿論。今卽會元通載辨之。

眞僞立見。按通載紀道悟傳曰。初隱當陽紫陵山。後於荆南城東有天皇寺。頃因火廢。僧靈鑑將謀修復。乃曰。苟得悟律師爲化主。必能福我。時江陵尹右僕射裴公稽首問法。致禮迎至。石頭之道始盛於此。會元曰。天皇寺主僧靈鑑。中宵潛往哀請。肩舁而至云云。會元紀崇信傳曰。青原下三世天皇悟禪師法嗣。澧州龍潭崇信禪師云云。觀此一題目何等明白。通載曰。澧州龍潭崇信禪師。本渚宮賣餅家子也。史失其姓。少時英異。初悟禪師居天皇寺。人莫之測。師家於寺巷。日常以十餅饋之。乃至賜名崇信。問心要開解云云。夫道悟傳中。則曰靈鑑。裴公請居天皇寺。崇信傳中。則曰初悟和尚爲靈鑑。請居天皇寺。因家於城東天皇寺巷。故得日以十餅饋城東天皇道悟。因饋餅故得賜名崇信。則崇信嗣城東天皇明矣。按荆州城南有街名沙市。城東有街名草市。市中有巷曰天皇。進巷南去半里。卽天皇寺。迄今寺塔俱存。城之西北向無街巷。只有往來便路而已。通載小註俱曰極目荒榛。路隘不通。則城西向無街巷明矣。旣無街巷。則崇信家於何處。饋餅何人。則崇信家於寺巷者。是城東天皇寺巷也明矣。符碑曰。荆南城東有天皇巷存焉。以此證崇信家城東寺巷又明矣。饋餅者是饋城東天皇道悟也。則龍潭嗣天皇又明矣。二書縱能竊取崇信爲天王嗣。其能移城東寺巷作城西寺巷乎。其能以靈鑑所請之道悟居城東天皇寺改作居城西天王寺乎。况二書旣紀崇信嗣天皇矣。何又竊嗣天王邪。豈不自相矛盾。况丘碑中初無龍潭問答機緣。會元天皇傳中有皇因龍潭問從上相承底事如何。皇曰。不是明汝來處不得。潭曰。這箇眼目幾人具得。皇曰。淺草易爲長蘆。據此則龍潭出自天皇。其來舊矣。二書旣於正傳正文紀龍潭嗣天皇矣。何又竊嗣天王邪。豈遽忘之耶。抑亦有二龍潭耶。古云盡信書不如無書。此之謂歟。此法嗣僞矣。

拋水造寺節使也。撰碑節使也。不審一人耶。兩人耶。如謂一人。則丘碑內當有引過追悔之詞。如謂兩人。則當明言前任節使某人。拋師水中。以自別白。今碑全無分曉。豈非說鬼說夢乎。此節使僞矣。

城東天皇道悟禪師者。協律郎符載撰碑。乃與景德傳燈合。其碑云。道悟姓張氏。婺州東陽人。十四出家。依明州大德觀。二十五年。受戒於杭州竹林寺。初參國一留五年。大曆十一年。隱於大梅山。建中初。謁江西馬祖。二年。參石頭。乃大悟。遂隱當陽紫陵山。後於荆南城東有天皇廢寺。靈鑑請居之。元和二年。丁亥四月十一日。以背痛入滅。年六十。坐三十五夏。法嗣三人。曰慧真。曰文賁。曰幽閑。今荆南城東有天皇巷存焉。

天皇示寂在元和二年丁亥。符碑撰在丁亥可知矣。過後一百九十年。至宋太宗時。贊寧始作高僧傳。而天皇一傳。本符碑而作也。今之小註。符碑略去全文。所幸有高僧傳存焉。見高僧傳卽所以見符碑之全文也。自元和丁亥至宋眞宗景德甲辰。計二百一十九年。傳燈始出。當云傳燈與符碑合可也。反云符碑與傳燈合。謬矣。按高僧傳以崇信慧眞文賁幽閑四人。悉紀爲天皇法嗣。小註以三人嗣天皇。將崇信竊嗣天王。其僞一。高僧傳傳燈俱曰元和丁亥四月晦入滅。小註謂四月十一日入滅。通載謂十三日入滅。其僞二。高僧傳曰。比丘慧眞文賁等。禪子幽閑。皆入室得悟者。或繼坐道場。或分枝化導。小註曰。法嗣三人。曰慧眞。曰文賁。曰幽閑。是以三人同一世。均嗣天皇也。覺夢堂序謂天皇悟下得惠眞。眞下得幽閑。閑下得文賁。便絕。通載於天皇傳末曰。師患背痛。卽便告寂。壽六十。坐三十五夏。法嗣三世。曰惠眞。曰幽閑。曰文賁。實元和二年四月十三日也。是以三人爲天皇三世也。其僞三。通載曰。荊州城東天皇道悟禪師。協律郎符載撰碑云云。試問通載符碑。畢竟撰於何年。若謂撰於元和二年。何得預載法嗣三世於碑文中邪。又何知三世後便絕邪。若謂撰於三世之後。且三世之後。旣已絕矣。則求碑者何人。又不當紀實元和二年邪。豈三世俱死於元

和二年乎。若於壽六十。坐三十五夏之下。卽當接實元和二年四月十三日也。一句文理乃通。蓋直記告寂之月日也。而今乃於此句之下。竄入法嗣三世曰惠真曰幽閒曰文賁一十三字。而方接實元和二年四月十三日也之句。則惠真等豈皆元和二年四月十三日之人乎。文理不通。文氣不貫。如此僞筆。一覽可見。其僞四。小註符碑後曰。今荆南城東有天皇巷存焉。子清引符碑作小註。以證道悟爲兩人也。今此一筆。不惟證天王之僞。亦適足以自證竊崇信之僞矣。蓋崇信家於寺巷者。城東天皇寺巷也。寺巷旣存。竊崇信嗣天王可乎。此人賊兩獲於此。然以高僧傳較符碑非僞也。第以小註通載引以爲證。故而改頭換尾。以致舛僞層出。

唐聞人歸登撰南嶽讓禪師碑。列法孫數人於後。有天王道悟名。圭峯答裴相國宗趣狀。列馬祖法嗣六人。首曰江陵道悟。權德輿撰馬祖塔銘。載弟子慧海智藏等十一人。道悟其一也。

南嶽讓示寂於天寶三年甲申。通載謂天王入滅於元和十三年戊戌。壽八十二。則生當玄宗開元二十五年丁丑。曰三十四參馬祖。則在代宗大歷五年庚戌。去上天寶甲申。計二十七年矣。其誅茅荆門。不知幾何歲月。後節使訪道造寺。又不知幾何歲月。觀造寺後卽接入滅事。則造於道悟晚年時可知矣。其去天寶甲申遠甚。讓公碑中列法孫道悟名尙不可。何也。以參馬祖時已隔二十七年故也。况列天王道悟名乎。莫是歸登有宿命通。預知數十年後。道悟住天王。故列入乃祖碑中乎。此歸登碑僞矣。

圭峯以裴公問及宗門中事。故引具眼宗師數人成狀用答裴公。故名宗趣狀。初非與馬祖作家譜也。至於首列江陵道悟者。其下圭峯自註曰。兼稟徑山載之林間錄。洎通載內。可考也。小註刪去兼稟徑山之句。其私心畢露矣。夫稟徑山者江陵城東天皇道悟也。小註指爲馬祖法嗣城西天王道悟。何異白日見鬼。夢中

說夢乎。此宗趣狀僞矣。

馬祖示寂於德宗貞元四年戊辰。此時想道悟已住天王矣。銘中止載道悟。不載天王道悟。抑又何耶。按林間錄洎通載述丘碑訖。末附歸登碑宗趣狀二說。德輿銘不聞也。此係小註僞捏明矣。此德輿銘僞矣。

呂夏卿張無盡著書皆稱道悟嗣馬祖。宗門反以爲誤。然佛國白續燈錄敘雪竇顯爲大寂九世孫。祖源通要錄中收爲馬祖之嗣。達觀穎以丘玄素碑證之。疑信相半。蓋獨見丘碑而未見符載碑耳。

夏卿無盡著書。卽覺夢堂序也。序謂無盡夏卿會議宗門中事。得丘符二碑證之。以道悟嗣馬祖者此也。按會議在大觀元年之後。達觀穎示寂在嘉祐五年。相距已五十年矣。無盡親言從達觀處討得二碑。竇以徧示諸方。以顯自己擇法驗人之眼不謬。故諸方斥其爲誤。小註引以爲證。豈非誤中之誤乎。

佛國白乃雪竇顯四世孫。望龍潭十世祖也。其頌饋餅因緣曰。南嶽山頭見石頭。便歸古岸狎沙鷗。謾分胡餅爲香餌。引得金龍上直鉤。見大藏田字函第八卷。則以石頭天皇龍潭公孫三代之世系一頌頌出。何等顯明昭著。夫作頌之時。已知十世祖龍潭出自石頭矣。而續燈之時。反不知四世祖雪竇出自石頭。輒續爲馬祖九世孫。有是理乎。况續燈續五宗諸禪師也。彼雲門法眼兩宗若干人。咸皆續歸石頭。惟以雪竇一人續歸馬祖。又有是理乎。徧考林間錄通載諸書。並無此說。此係小註僞捏明矣。

祖源通要錄係西余拱辰所集。乃達觀穎之法子也。覺夢堂序謂無盡從達觀處討得符碑。又討得丘碑。則二碑俱在達觀處。小註謂獨見丘碑。未見符碑。此何說耶。林間錄謂達觀引丘碑集五家宗派。以道悟嗣馬祖。通要亦以道悟嗣馬祖。是父子書同文也。而達觀以丘碑證之。疑信相半。抑又何耶。旣見疑。是不信丘碑矣。則丘碑之僞可知矣。然則旣本丘碑集五家宗派。又疑丘碑何耶。是知宗派通要皆後人僞造。非達觀拱

辰所集之書也。無乃借名古人耳。夫丘碑通要。達觀既見疑於前。子清咸引註於天皇章下。豈不疑誤天下後世之人乎。古云。始作俑者。其無後乎。達觀子清皆覆宗絕嗣。今人可不戒歟。

今以二碑參合。則應以天皇道悟嗣石頭。以慧真文貴幽閑嗣之。而於馬祖法嗣下。增入天王道悟。以龍潭崇信嗣之。始爲不差誤矣。

此一段係子清作小註結斷之文也。觀增入天王道悟者。則馬祖法嗣中原無此人明矣。按傳燈載馬祖法嗣七十六人。正宗記廣蒐全列至一百三十七人。皆無天王道悟名。二書見在皇藏可據。自馬祖死後五百七十七年。小註始出。乃增一天王道悟於馬祖法嗣中。只恐馬祖未首耳。一百三十七同門未首耳也。余觀馬祖法嗣如百丈南泉赫赫有名者勿論。他如大梅龍山亮座主輩。肥遁深隱。亦有人訪之。尙有片言載之燈錄。彼道悟爲一宰相兼領節使者親臨訪道。乃至拋水發火。空中神現。供養造寺。事出異常。則名播天下可知矣。况又住在通衢之大邦名郡。又爲雲法兩宗之共祖。非肥遁深隱者比。何竟無一人謁之訪之。致留片言載之燈錄。至數百年後。冷灰豆爆。始爲子清增入耶。夫增入小註。可據彼累朝名世之文獻。與夫歷代敕賜之藏典。不啻數十種。反不敵一僞丘碑。而概不可據耶。然著述堂中事。非庸流所預。必也識見高古。眼目圓明。博通古今。至公無我。方典斯職。故王先生詩云。未是獲麟真手筆。莫將魯史漫除刪。此之謂也。今之著述家。請擇斯真僞可也。

通載紀天皇之傳本於符碑。紀天王之傳本於丘碑。二碑之僞辨見於前。其間附小註一篇。前段引林間錄全文。後段引覺夢堂序全文。後段余昔編次衛燈錄時。見無盡從已死五十年之達觀處討得二碑之僞。故直斷爲無盡僞造。蓋據賊以定罪耳。今觀前段謂達觀引丘碑集五家宗派。則又似非無盡僞造也。按覺範

見宗派丘碑以道悟嗣馬祖傳燈以道悟嗣石頭故曰考其二書似有兩人此疑詞耳非判斷確有二道悟語也及見宗趣狀首列江陵道悟其下圭峯自註曰兼稟徑山乃劃然明白知稟徑山之道悟卽嗣石頭之道悟也丘碑以之嗣馬祖顯然知其僞矣彼時雲門臨濟二宗人見宗派丘碑以道悟嗣馬祖以致相競相爭蓋不考道悟原只一人故發覺範一笑於是繼輯禪林僧寶傳以釐正之自序之又命侯君序之皆以雲門法眼宗石頭又立沙章末曰石頭之宗至是遂中興之據此則知向之林間錄特爲辨清宗派丘碑之僞妄非確定有二道悟也會元通載指月三書反引爲證據以作著書張本豈止取笑範覺一人直令天下人絕倒今霽崙又援通載丘碑爲例以譜雲法兩宗於馬祖下不惟取笑天下識者則又違背御序者多矣而又恃御序簡端之勢僥倖苟免犯憲之罪以濟其私心僭改宗譜紊亂倫敘較嚴統之罪倍甚

指月一書以小註丘碑易作正文爲天王傳與天皇並列題曰南嶽青原宗派未定法嗣而目錄天皇名下小註曰據符碑嗣石頭天王名下小註曰據丘碑嗣馬祖未定宗派二人龍潭德山巖頭雪峯名下小註曰天一天二天三使後人可以爲天皇世次可以爲天王世次此所謂伏曖昧之機關亂久定之宗譜至於列龍潭德山巖頭一脈章次傳首悉加天皇二字此又以天皇紀龍潭德山巖頭世次矣則前後自相矛盾一至此也

僧問天皇如何是玄妙之說一則機緣載之傳燈禪宗正脈諸書天皇因龍潭問從上相承底事如何一則機緣載之宗門統要會元一齊收入天皇傳中古今披閱者不知凡幾自宋景德甲辰至明萬歷壬寅計五百七十九年一日爲指月竊入天王傳中以僞丘碑作天王正傳已屬妄誕况又偷天皇機緣作天王機緣

可謂妄誕極矣。

天王傳後附小註一篇。卽會元中之小註。其僞辨見於前。至謂石頭參青原。原謂因緣當在馬祖處。頭旋於馬祖處大悟。此又妄誕極矣。不必別引書以辨其僞。卽指月馬祖傳末曰。貞元四年戊辰示寂。壽八十。則生當唐中宗景龍三年己酉。至立宗開元元年癸丑。乃六祖示寂之年。馬祖僅五歲。石頭於六祖將示滅時。稟命參青原。一見便蒙印可。是一麟足矣之機緣。是時馬祖纔五歲孩童。何妄謂石頭參馬祖大悟邪。何遽有馬祖之稱邪。其僞捏誣枉古人如此。

指月通載會元三書。於天皇天王處用盡心行。至紀崇信傳。異口同音。皆謂崇信家於城東天皇寺巷。饋餅城東天皇道悟。嗣法城東天皇道悟。則前此心行豈非枉用乎。此誠欺不盡之天理。昧不盡之良心。亦天皇龍潭有靈。使之吐實。以皆自證其僞妄也。幸我皇上留心宗門日久。深知傳燈會元續續三書紀雲門法眼來自石頭。故引以爲序。以明諭霽崙折衷參訂。以定二支五宗之譜。今全書獨據一通載丘碑爲例。以譜雲門法眼於馬祖下。試問霽崙爲復是欽遵御序耶。爲復是違背御序耶。故存誠錄斥其誑君罔祖以盜名者此也。吾爲霽崙懼。不忍坐視其自陷於誑君罔祖盜名之罪。故將此是非眞僞之書。悉陳於前。請霽崙置身於是非眞僞之外。然後秉至公無我之心。以是非眞僞而是非眞僞之。何等書理不當言冗僞則刪之。何等書旨不二機冥合則增之。何等書可根可據。何等書不可根據。一一折衷參訂。以成全書之美。庶幾報聖恩於萬一。亦不孤宰官居士助梓之恩。免至以浪費民財。刻此無益之書。則余有補於霽崙。誠非淺矣。

正名錄三卷終

正名錄卷第四

衡陽後學智楷惟直氏述

二支五宗來源考之四

附磧巖黃禪師虎丘徑山長少倫敘考曰。五燈會元載昭覺勤祖法嗣徑山杲居首。虎丘隆次之。蓋會元輯於大川濟公。係妙喜四世孫。推尊其祖。宜乎列徑山於虎丘之前也。嚴統諸書。亦依會元之舊文。先徑山。後虎丘。則不得不引虎丘塔碑。及大慧年譜。詳考二祖之年臘。著爲說以辨正其倫序焉。按塔碑。隆祖遷化於高宗紹興六年丙辰五月八日。住世六十年。坐四十五夏。則隆祖之示生在神宗熙寧十年丁巳也。九歲去家。則元豐八年乙丑也。又六歲受具。則哲宗元祐六年辛未也。又五歲而行脚四方。首參長蘆淨照。次參湛堂。次參死心。最後從圓悟於夾山。當機契悟。參隨二十年。歸和州省親。四衆請開堂於城西開聖寺。以建炎之亂南渡宣城。郡守李尙書光延居彰教。四年而遷虎丘。又三年而示寂。則住虎丘當在紹興四年甲寅。住彰教當在建炎四年庚戌。而出世開聖則在建炎二三年間也。會元諸書皆載圓悟於建炎初遷金山。二年正月奉詔入對揚州。賜號圓悟禪師。今隆祖語錄第一會住開聖。開堂日拈香酬法乳。稱現住金山佛果圓悟禪師。是則正在佛果住金山入對賜號之時也。其參隨圓悟二十年。則當始於徽宗政和之初年也。會元載圓悟崇寧中還里省親。開法昭覺。政和間復出峽南遊。張無盡留居碧巖。卽夾山也。復徙道林。而隆祖塔碑謂趨夾山見圓悟。會圓悟移道林。師從焉。參考羣籍。定其年甲。則隆祖之常隨圓悟。自政和而宣和而靖康而建炎。前後蓋二十年也。此則隆祖之始末。合會元諸書所紀。以證徐

林所撰之塔碑。並無纖毫可疑者也。按年譜大慧生於哲宗元祐四年己巳。則齒少於隆祖一十二年也。出家於徽宗崇寧三年甲申。則後於隆祖脫白一十九年也。請具足戒於崇寧四年乙酉。則後於隆祖得戒一十四年也。政和年間依湛堂於寶峯。至宣和七年乙巳始參圓悟於天寧。則契機圓悟亦在隆祖之後十餘年也。高宗建炎四年庚戌始住海昏雲門庵。則正當隆祖住彰教之年。爾時隆祖先已出世於開聖也。此則悉依大慧門人祖詠宗演所修之年譜。其載筆諒無差謬者也。考諸塔碑年譜以定二祖之倫敘。豈非虎丘爲兄而徑山爲弟乎。年譜載大慧於建炎元年丁未省侍圓悟於金山。偕隆藏主之吳門。少憩寶華。次虎丘。遂館於前資。據塔碑隆祖是時已住開聖。未住虎丘。意者二老皆以省侍圓悟。相遇於金山。遂同遊吳門。館於虎丘耳。他書又載應庵華祖先於彰教親依隆祖。又隆祖遷住虎丘。則華祖爲先馳。意者隆祖於建炎中先已受虎丘之請。至紹興中始來闡法。故華祖爲前驅耳。不然以著艸鞋住院之華祖。豈其居學地時曾爲子夏之先耶。會元載應庵住歸宗日。大慧在梅陽。有僧傳師垂示語句。慧見之極口稱歎。後以偈寄曰。坐斷金輪第一峯。千妖百怪盡潛踪。年來又得真消息。報道楊岐正脈通。其歸重如此。年譜載大慧於紹興二十四年甲戌以頌代書。答歸宗華侄長老。此之謂也。會元又載應庵於室中能鍛鍊耆艾。故世稱大慧與師居處爲二甘露門。又載應庵於虎丘忌日拈香。有二十年來坐曲象木之句。又載應庵於孝宗隆興改元六月十三日奄然而化。年譜載大慧亦於是年八月十日示寂於徑山。則知應庵弘法二十餘年。實與大慧同時行道也。諸書列徑山於虎丘之前。實爲傳誤。久欲正其說以徧告諸方具眼者。適樂讀居士從邦上歸。出其所編指月續錄見示。開卷便見虎丘法嗣列於徑山法嗣之前。觀

其伯仲昭然。頓使鴈行成序。爲功於傳燈無盡矣。敢抒管見。以附不朽。名之曰少長倫敘考云。

長洲繆彤居士曰。予閱圓悟禪師語錄。係宋平江府虎丘山門人紹隆等編。則知虎丘爲圓悟首座也。又閱紫柏大師集。其序應庵和尚語錄云。臨濟正宗大於楊岐會。盛於五祖演。至於圓悟嫡嗣曰虎丘。虎丘嫡嗣爲應庵。則知虎丘爲圓悟嫡嗣也。及閱會元圓悟法嗣三十餘人。首徑山。次虎丘。則不能無疑。今閱槩公辨正一書。其考諸塔銘。按諸年譜。二祖之得法行化年月次序。可謂詳矣。未有一事。徑山在虎丘之先者。虎丘爲兄。徑山爲弟。斷然無疑也。夫兄弟之倫。儒釋一理。古人雖重嫡而輕庶。然庶爲兄。嫡爲弟。長幼之序。猶不可紊。況嫡本兄庶本弟也。而可以顛倒其倫次耶。會元編於大慧之門人。而推崇其祖。是誠有之。如楚石爲大慧五世孫。無相錢居士序其語錄云。圓悟之後分爲二宗。一爲妙喜。一爲虎丘。是亦先徑山而後虎丘者。謠傳日久。幾莫能辨。槩公得法於木陳老人。爲虎丘二十一世孫。辨正二祖倫敘。非爲推崇其祖。實所以較正臨濟之正傳。訂定圓悟之宗派。公也。非私也。彤學識淺劣。於禪宗未窺一二。但宋文憲公爲文苑鉅公。所作禪林碑版之文甚多。若育王約之裕公生塔之碑。龍池佛心寧公舍利塔銘。詳載原委。未有不先虎丘而後徑山者。是可信也。敬書以弁於指月續錄之首。俾僧史之信。從有本云。按居士聶先號樂讀。作續指月錄。以釐正虎丘徑山之先後。適得此二辨。刻載卷首。彰明倫理。古云。物不平則鳴。如此違名犯分。亂倫悖理之事。天下後世自有人爲之釐正。所謂公論難泯也。今三公所辨。皆法門千古之公論也。楷今例此公論。以辨正青原南嶽二祖之倫敘。

嘯峯然禪師作熄邪辨曰。曹溪二派。青原南嶽並列五燈。後世兒孫修燈錄者。往往各私所親。爭先其祖。迄

無定論。然以兩祖本傳及曹溪坐次考之。其序自定。雖孝子慈孫百世不能易也。考青原本傳云。師幼歲出家。每羣居論道。師惟默然。聞曹溪法席。卽往參禮。問當何所務。卽得不落階級。祖曰。汝曾作甚麼來。師曰。聖諦亦不爲。祖曰。落何階級。師曰。聖諦尙不爲。何階級之有。祖深器之。會下學徒雖衆。師居首焉。亦猶二祖不言。少林謂之得髓矣。一日。祖謂師曰。從上衣法雙行。師資遞授。衣以表信。法乃印心。吾今得人。何患不信。衣卽留鎮山門。汝當分化一方。師旣得法。歸住青原。開元二十八年十二月十三日陞座告衆。跏趺而逝。考南嶽本傳云。師謁嵩山安和尚。安指參六祖。祖問甚處來。師曰。嵩山。祖曰。甚麼物。恁麼來。師無語。遂經八載。忽然有省。曰。說似一物。卽不中。祖曰。還假修證否。師曰。修證則不無。污染卽不得。祖曰。祇此不污染。是諸佛之所護念。汝旣如是。我亦如是。西天般若多羅讖。汝足下出一馬駒。踢殺天下人。藏在汝心。不須速說。師執侍一十五年。先天二年住衡嶽。於天寶三年八月十一日圓寂。夫定法嗣之先後者有五。一曰機緣。二曰位次。三曰付囑。四曰出世。五曰入滅。今以機緣論之。豈可以直下之承當後八年之有省。以位次論之。豈可以居首之一座後。雖衆之學徒。以付囑論之。豈可以卽命分化之座元後。不須速說之侍者。以出世論之。豈可以從幼得法。歸住之青原後一十五秋。於先天二年方住之南嶽。以入滅論之。豈可以開元二十八年之坐亡後。天寶三年之圓寂。居今之日。若以兒孫強弱。遂可倒兄弟後先。則泰伯雖以姪賢讓弟。而未嘗貶泰伯爲太季。王季雖以子聖有國。而未嘗進季歷爲伯歷。况青原分化。原非荆蠻之逃。南嶽住居。何得先有邵之嗣耶。故皇藏中景德傳燈錄及傳法正宗記。皆以青原先南嶽。自有確據。而曹溪祖殿坐次。則六祖居上。青原居左。南嶽居右。此又歷朝敕建。千古流傳。萬目共覩者。誰得以私意亂之。續略之先續青原者。蓋以五燈舊

本青原之嗣止於十五世。南嶽之嗣止於十七世。故先續青原之十六七世。後續南嶽之十八世。例合如此。豈如市井小兒。以人我爭先後者比。今費隱僞撰五燈嚴統。乃謂續略爲私尊其所出之祖。而顛倒其所續之書。此何說也。甚至於謂西天震旦馬駒兩識俱主南嶽。而青原無聞。夫識緯之學。雖世儒不屑道。卽如識云。汝足下出一馬駒。踢殺天下人。夫所謂踢殺天下人者。正謂死卻人。聖凡生滅。人我勝負。是非知見之心耳。豈並舉世之人而踢殺之。且并踢殺其嫡祖親傳首座分化之伯父乎。如此人我生滅知見之心不能滅。卻而妄嗣南嶽。噫。甚矣。馬駒之不靈也。若識果足憑。則臨濟一宗識云。遇風卽止。而風穴之嗣何以不至斷絕耶。此邪說之當熄者一也。按繆公謂榮公辨正一書。考諸塔銘。按諸年譜。二祖之得法行化年月次序。可謂詳矣。我嘯公考諸兩家本傳。按諸祖殿坐次。二祖之得法行化年月次序。得不謂詳乎。

淡歸釋禪師復曹溪心照書曰。承諭修曹溪志者。顛倒上祖位次。已悉。尊指濟家主南嶽。洞家主青原。各尊其祖。理則不無。既然稱著述之手。必具著述之眼。便須看此書喚作什麼。今此書喚作曹溪志。則六祖爲主。更無二主。譬如祖翁在上。則青原南嶽各就其位。諸孫肅然。無敢譁者。忽有一孫兒。攘臂而前。說我父不合。讓人。要將伯父降作叔父。無論伯父不冑。祖翁不冑。卽爲之父者。又冑乎。又如堂頭在上。各職事咸侍首座。侍者各就本位。大衆肅然。無敢譁者。忽有一學人。攘臂向前說。我師不合。讓人。要將第一座作第二座。無論首座不冑。堂頭不冑。卽爲之師者。又冑乎。今以己意改舊志。置南嶽於青原之上者。何以異此。大抵一切事先須識主。今以弟先兄。又以父從子。不但失敬宗之禮。又失尊祖之義。不但於青原爲非義之慢。亦於南嶽爲非禮之恭也。卽以著述而論。志者其體裁不出於史。亦惟據實而書。傳信於後耳。志名曹溪。主是六祖。譬

如作韶州府志。則六縣皆其所屬。知府爲主。則各知縣皆其所屬。青原作第一座。卽如曲江某知縣也。忽有英德縣的兒子。欲尊其父。於公見知府時。硬差排曲江做第二縣。此可謂能尊其父矣。爭奈有些說不去。數世之後。此英德縣又有箇孫子來修韶州府志。欲尊其祖。於韶州府職官志內改英德縣作首縣。此可謂能尊其祖矣。爭奈有些寫不去。蓋當初令祖原不是首縣。當初與令祖同寅的。卻是首縣。於公見知府時。在前立在前坐也。青原南嶽之位次。何以異此。近來法門中人。愛炒愛鬧。將謂此一移換先後之間。便足撐拄門庭。光揚法道。其實到某眼中。不值得一聲冷笑。至於雲門法眼向屬青原。近入南嶽。浙中結訟劈板未休。千年已往之嗣續。誰能問之古人。兩家已絕之宗祧。更欲居爲奇貨。大似見鬼。亦如說夢。大丈夫獨往獨來。終不傍人門戶。兒孫尙不靠定祖父。祖父豈得仗著兒孫。若以馬祖得天皇爲重。則馬祖不值半文。且使臨濟置身何地。若以石頭失天皇而輕。則石頭不值半文。卽今曹洞又是何人。作此見解。搆此是非。又將謂此移換彼此之間。更足撐拄門庭。光揚法道。正是屈抑己靈。玷辱先聖。脊間無骨。眼裏無筋。卻又向此狹劣場中。伏曖昧之機關。起瞋忿之劍戟。迷中倍人。深可憐憫。所以古人作者。闕疑遠嫌。貴於體裁不失。亦使心術無偏。如今末流。難足語此。某痛之恥之。幾不欲聞之。卻笑昔有造三教堂。秀才見了。將孔子坐第一位。道士見了。將老子坐第一位。僧家見了。將釋迦佛坐第一位。搬來搬去。搬箇不了。三聖人相視而笑。道我三箇好好的。卻被者夥人搬壞。雪櫃在曹溪方纔搬起。但雪櫃瞎作書。獨不見曹溪舊志上載余靖撰慈濟大師重建法堂記並壽塔記二篇。說得雲門宗派極明。可以家裏話證家裏人。不必別尋證據。法堂記云。大鑑以諸佛大法眼藏傳青原思。思傳石頭遷。如是展轉相傳。至今長老緣師爲十世矣。緣師得大乘之要於漢

東智門祚。又壽塔銘云。師名寶緣。眞元人。遊方至隨州。參智門禪師祚。以心印心。不煩機接。遂爲之嗣。此是雲門兒孫。決無錯認青原作祖宗之理。又何勞濟宗於數百年後從傍訂正耶。噫。出家人喫卻閒飯。了無端向故紙堆中。逞人我。尋是非。癡絕淡絕。按雪樞嗣木陳恣公。恣授意借修志以改伯仲倫序。以致諸山公書斥之。新志成。輒燬板。依舊志也。淡公謂雪樞以己意改舊志。置南嶽於青原之上。霽崙全書何以異此。繆公謂櫟公辨正虎丘大慧倫敘。非爲推崇其祖。實所以較正臨濟之正傳。訂定圓悟之宗派。公也非私也。斯言可謂美矣。善矣。至矣。我嘯淡二公辨正青原南嶽之倫敘。亦非爲推崇其祖。實所以較正六祖之正傳。訂定七祖之宗派。公也非私也。楷更述二祖事實。以補不逮。正霽崙所謂務期支緒詳明。亦見引證辨解各有根據也。按南嶽本傳曰。儀鳳二年丁丑生。卽六祖開法之次年也。曰十五歲出家。在天授二年辛卯也。曰通天二年受戒。是爲丁酉。卽神功元年。行年二十有一矣。曰先天二年住南嶽。時三十有七歲矣。先天二年癸丑卽開元元年。正六祖示寂之年。則南嶽離曹溪在祖寂年可知矣。南嶽侍祖十五年。則參祖之年當在聖歷二年己亥。時年二十三也。經八載有省。則在神龍二年丙午。行年三十也。按青原本傳云。師幼歲出家。聞曹溪法席。卽往參禮六祖。於儀鳳元年丙子出世開法。卽名聞天下。則青原參祖之年。大約在儀鳳之末。調露之初。此時南嶽僅二三歲耳。此青原參見六祖之先南嶽者二十年矣。青原見祖。一言之下。祖深器重。旋命分化。此付囑之先南嶽者二十餘年矣。師旣得法歸住青原。此開法之先南嶽者又三十餘年矣。此青原南嶽事跡之先後如此。按馬祖本傳曰。師於唐德宗貞元四年戊辰二月四日示寂。壽八十。臘六十。夫壽八十。則生年當在中宗景龍三年己酉。至玄宗開元癸丑。六祖寂時。僅五歲耳。曰臘六十。則受戒之年。當在

開元十七年己巳。行年二十有一矣。按諸燈錄。泊寶訓。皆曰南嶽侍六祖一十五秋。馬祖侍讓和尚亦十餘年。讓寂天寶三年甲申。上至開元己巳。僅十六年。則馬祖自四川渝州受戒之後。而雲遊四方。至衡山卓庵習定。不知幾何歲月。迨讓往顧。磨甄啓悟。大約在開元二十年己下事。則離南嶽。確在讓圓寂之後。而旋歸故里。有古今相傳馬祖還鄉道不香之語。正謂此也。復出峽。隱廬山馬祖洞五年。次隱白蓮池十二年。載廬山紀事及通志。次住靜建陽佛跡嶺。次住靜撫州石鞏庵。次住靜贛州龔公山。至大曆中。始開法鍾陵開元寺。按石頭本傳曰。師投六祖出家。祖將示寂。稟命見青原之先。馬祖遇南嶽已二十年矣。一見承印。許有一麟足矣之語之先。馬祖因喻開悟二十餘年矣。尋持書南嶽。回得鉏斧。出住南臺之先。馬祖開法開元三十餘年矣。此石頭馬祖事跡之先後又如此。費隱解惑篇曰。蓋南嶽從來在前。青原自屬居後。不審以何爲據耶。想據六祖壇經耶。抑以據曹溪祖殿坐次耶。據曹溪通志耶。據皇藏傳燈諸錄耶。按是書所列。皆青原在前。南嶽在後。此皆歷朝聖主敕定之典。誰得而變亂之耶。然費隱所據者。不過會元耳。會元出宋景定間。去壇經五百餘年。何妄謂從來耶。會元係大川所集。乃大慧四世孫。按虎丘生長出家。秉戒參師。受囑開法入滅。皆在大慧之前。大川所以妄列南嶽於青原之前者。以爲尊己祖大慧於虎丘之前之條例也。故變亂成典。不畏公討。然其書出在宋末。止私行浙地。值天下大亂之際。雖有秉公之賢者。未暇討其罪也。迄元末業海重刻。亦值英雄並起。天下鼎沸。雖有執正之賢者。亦未暇討其罪也。迨明永樂年間。金陵報恩淨戒。刻續傳燈錄。古杭徑山南石。出增集續傳燈錄。皆以會元亂倫。不足取法。乃直遵皇藏傳燈爲祖。以續其後。故曰續傳燈。曰增集續傳燈。著書立名。皆得其體。則會元亂倫之書。不廢而廢矣。費隱不辨清虎丘大慧之先後。

以正大川之罪。而反黨大川。以斥歷朝欽定皇藏之成典。則其罪較大川不亦倍倍乎。而且又云。今一旦列青原於南嶽之前。既背西天祖識。更將千古聖賢名位倒置。是猶以思孟駕於顏曾之上。其誰信之。不知傳燈所載。法系長次渾融之未核。亦不知會元建宗立義之深旨已定。此何說也。夫識緯之說。誠非正論。今卽識而論之。金雞銜粟。足出馬駒。縱識馬祖。未嘗識青原南嶽之先後。何妄謂倒置名位耶。屈謂傳燈載長次未核。然壇經定長次於六祖親手。祖殿坐次。定長次於歷朝建置。曹溪通志。定長次於前賢大筆。不審核耶。否耶。子思乃曾子門人。孟子後顏曾數輩。引譬青原南嶽同輩伯仲。是猶以費隱百癡。譬天童磐山。豈不取笑識者。引譬尙且如醉。何敢妄議千古之名位耶。青原參六祖機緣曰。祖深器之曰。亦猶二祖不言少林。謂之得髓。此謂青原得六祖之髓。猶二祖嗣初祖之名位。乃定自六祖矣。曰。從上衣法雙行。師資遞授。衣以表信。法乃印心。吾今得人。何患不信。自吾受衣以來。已遭多難。况後代爭競必深。衣宜留鎮山門。汝當分化一方。六祖所以留衣者。以杜後代之爭端也。遽命分化者。卽以祖位授之也。觀其囑詞。四七二三以來。無此囑也。二支五派以後。無此囑也。此六祖直以七祖名位授青原。故前賢名其山曰七祖名山。名其塔曰七祖塔。卽佛祖通載亦稱爲七祖。良有以也。石頭雖嗣青原。其初與青原南嶽皆昆季也。何以知之。觀第一座謂石頭曰。汝師已逝。空坐奚爲。又曰。師言甚直。汝自迷耳。此定六祖爲石頭之師也。又曰。汝有師兄思和尚。今現住青原。此定青原爲石頭之師兄也。青原旣曰師兄。况南嶽與石頭同執侍六祖。又烏得不爲師兄耶。觀石頭問六祖。和尚百年後。未審希遷當依附何人。六祖不令石頭依附同參應識之南嶽。而直命尋千里外得髓之青原。亦猶世尊金口。敕阿難附貳傳化。後先一旨也。此又六祖直以八祖名位。金口親敕石頭附貳傳

化也。大川肆開僭踰之端。妄尊己祖。違名犯分。亂倫悖理。費隱反謂建宗立義。深旨已定。是誠邪說。嘯公曰。邪說當熄。誠天下萬世之公論也。

按繆公辨虎丘徑山倫敘曰。兄弟之倫。儒釋一理。古人雖重嫡而輕庶。然庶爲兄。嫡爲弟。長幼之序。猶不可紊。况嫡本兄。庶本弟也。而可以顛倒其倫次耶。按續續凡例曰。近代同門昆季。並以囑付後先。循序編列。先得法者居前。次得法者居後。邇有不遵古訓。以先開堂者爲長。於義未洽。以物情譬之。人有二子。貴顯相等。仕籍殊年。弟以丑榮。兄以辰進。而傍觀者。議欲伯仲而仲伯。非獨其弟羞之。厥父亦將操箠而擊之矣。二公之論。可謂至論也。然嚴統取法會元。抑兄爲弟。已經燬板。全書根據嚴統。駕弟爲兄。雖不顧南嶽羞恥。不懼六祖箠擊。只恐國法難容也。昔浙省一丸之區。處於偏隅。司道嚴飾。憲網不漏。嚴統僞書。畢竟燬板。况茲京都。統御四海。賢宰濟濟。又豈容其亂倫紊宗之僞書。行於輦下乎。是以霽崙之書。揆之於法律。有所不容也。吾佛制戒。先受戒者在先坐。後受戒者在後坐。不如法次第坐者。謂乖尊卑次序戒。夫受戒先後之序。佛不許紊。何況紹嗣七祖名位之序。又豈容紊乎。今霽崙首亂七祖名位之序名。犯乖尊卑次序戒。則其罪又不止輕垢矣。是以霽崙之書。揆之於佛律。有所不容也。楷非好辨。以此僞書有亂名教。關係法門。故不避冒犯。詳辨於此。請質海內高明。乞爲公評公論。知我罪我。其唯此書。

正名錄四卷終

正名錄卷第五

衡陽後學智楷惟直氏述

洞宗世次備考之一

鹿門丹霞並出圖

芙蓉楷法嗣

鹿門覺——青州辯——磁州寶——王山體——雪巖滿——

滿下一派，相傳至今。

丹霞淳——崇先了——天童珏——雪竇足庵智鑑——天童長翁如淨

芙蓉下，並出鹿門丹霞二支。自宋徽宗時至明末五百餘年，從無異說。本朝順治初，遠門柱集五燈續略，不細參考，誤將鹿門一脈系於如淨之下，以致祖孫倒置，世次疊訛。嗣後繼燈續續諸書，皆本續略，以訛傳訛，幾三十年。康熙壬子，白巖輯祖燈大統，得青州辯自書塔記，因而廣考載籍，確知續略諸書之誤，於是以鹿門一脈還歸芙蓉下，清出丹霞五代，釐正洞宗世次，迄今二十年矣。不意霽崙永公集五燈全書，執泥續略諸書，以鹿門一脈復系如淨下者，大都識見不博，參考不廣，不免疑誤天下後世，關係法門非小。茲不得不以古碑文獻與之辨正，以釋天下後世之疑誤云爾。

鹿門丹霞兩家歲月記

芙蓉楷出世，歷住沂州馬鞍山、仙洞山、洛陽招提、郢州大陽、隨州大洪。崇寧三年，赴詔住東京淨因。大觀元年，蒙旨陞法雲及天寧。晚年，荆華嚴寺於沂之芙蓉湖。於徽宗重和元年戊戌示寂，載塔銘。丹霞淳於徽宗崇寧三年住丹霞，政和七年遷大洪，宣和元年己亥示寂，去芙蓉寂時僅一年，載塔銘。

崇先了於徽宗宣和五年。開法長蘆。高宗建炎四年。住雪峯。紹興五年。住育王。十五年。住徑山。二十一年。辛未六月。住崇先。十月一日示寂。去丹霞寂時三十二年。載塔銘。天童珏事跡。缺載。

雪竇鑑於南宋光宗紹熙三年壬子示寂。載明高僧傳。去崇先寂時四十一年。歷珏鑑兩代。按雪竇錦鏡池記載。鑑於孝宗淳熙十一年甲辰。住雪竇。至壬子示寂。僅九年。

天童淨出世。六坐道場。未稟承。衆有是請。淨曰。我待涅槃堂裏拈出果。臨終拈香曰。如淨行脚四十餘年。首到乳峯失脚。墮於陷穽。此香今不免拈鈍。置我住雪竇足庵大和尚。并書辭世偈曰。六十六年。罪犯彌天。打箇踉蹌。活陷黃泉。咦。從來生死不相干。載續略。按淨自謂四十餘年。首墮乳峯陷穽。則臨終合在理宗紹定末年壬辰癸巳間。去智鑑寂時四十二年。壽六十六。則受囑時大約二十四五歲時也。天童志祖堂木主陶寅齡賦三說。皆曰元如淨。此訛也。浙地以宋亡始稱元。至元十六年己卯宋亡。去上壬子智鑑寂時。計八十七年。則三說之訛。不辨可知。向余亦曾引證。今知訛矣。故表於此。

鹿門覺塔記。其略曰。師諱自覺。青州王氏子。祖籍長安。幼以文章見知於司馬溫公。志事高尚。無意功名。元祐三年。落髮受具。往參芙蓉楷於郢州大陽。問胡笳曲子話。師資契合。遂蒙記莧。元符三年。蓉遷隨州大洪。師與丹霞淳侍從焉。崇寧三年。蓉赴詔。住東京淨因。師赴詔。住唐州大乘。大觀元年。蓉蒙旨陞法雲。開封尹孝壽李公奏。師道行堪補住持。特詔師繼主淨因。賜號慧定。政和元年。旨革襄州鹿門律寺爲禪寺。賜額爲政和萬壽禪寺。特詔命師主之。爲開山第一代。政和七年丁酉二月十六日示寂。建塔鹿門山口別墅。按元

祐元符。皆宋哲宗年號。元符三年前。自覺已受芙蓉記。先如淨於紹熙壬子前。受智鑑付囑。計九十餘年。此時不但如淨未曾投胎。卽智鑑亦未降生也。崇寧三年。開法大乘。先如淨於壬子後出世。計百年。政和丁酉示寂。先芙蓉一年。先丹霞二年。先崇先三十四年。先智鑑七十五年。先如淨一百一十餘年。况自覺行道。與芙蓉同時。續略續續二書。收爲如淨法嗣。其錯誤一也。

青州辯自書塔記。其略曰。參自覺和尚於襄州鹿門山。政和五年冬。承印可。隨命見芙蓉。尋住泗水龍門。宣和間。開法青州。天寧八載。遂至燕京。初住奉恩。次住華嚴。卽萬壽寺。後住仰山。天眷三年。復住萬壽。皇統六年。退歸仰山。九年己巳示寂。卽南宋高宗紹興十九年也。去鹿門寂時。計三十二年。按政和宣和。皆徽宗年號。政和五年。承印可。先如淨受囑七十餘年。此時如淨尚未投胎。宣和間開法。先如淨八十餘年。皇統己巳示寂。先崇先二年。先智鑑四十三年。先如淨八十餘年。二書收爲如淨三世孫。其錯誤二也。

甘泉通塔記。其略曰。辯和尚先參鹿門覺。次侍芙蓉楷。後方領衆青社。師於天會間。參辯於仰山。承印證。爲洞宗第十一世。辯入滅後。師繼席仰山。大定五年乙酉住甘泉。是年示寂。卽南宋孝宗乾道元年。去青州寂時。計十六年。按通爲鹿門三世孫。至謂辯先參鹿門。次侍芙蓉。則楷覺辯。公孫父子。親承記。更何容插入丹霞五代耶。至謂印爲洞宗十一世。則丹霞五代。原不在世次中明矣。按天會間。承印證。先如淨得法六十餘年。皇統己巳後。繼席仰山。先如淨出世四十餘年。大定乙酉示寂。先智鑑二十七年。先如淨六十餘年。則通寂時。如淨尚未降生。二書收通三世祖。爲如淨之嗣。其錯誤三也。

磁州寶雖碑銘不存。據王山體塔銘。謂先參寶和尚於齊之靈巖。及寶遷燕之仰山。磁之大明。師皆侍從十

餘年。至正隆五年九月。始辭大明。正隆乃金主亮年號。五年爲庚辰。卽南宋高宗紹興三十年。則寶開法靈巖時。先智鑑住雪竇三十餘年。先如淨開法五十餘年。二書收寶爲淨四世孫。其錯誤四也。

王山體塔銘。其略曰。正隆五年重九日。辭大明。寶和尚以偈付之。正隆六年。開法大原王山。大定五年。遷住汾陽天寧。卽南宋孝宗乾道元年乙酉。大定十一年。還居王山。卽乾道七年辛卯。十三年九月二日示寂。卽乾道九年癸巳也。去青州寂時。計二十五年。歷寶體二世。按正隆庚辰受囑。先如淨三十餘年。次年開法。先智鑑住雪竇二十四年。先如淨三十餘年。大定癸巳示寂。先智鑑二十年。先如淨六十年。二書收體爲淨五世孫。其錯誤五也。

勝默光事跡。載王山寺記。內曰。大定十三年。體和尚示寂。監院圓祥與衆。請住王山。甫七年退去。則勝默住王山。先智鑑住雪竇十二年。先如淨開法二十餘年。二書收光爲淨六世孫。其錯誤六也。

雪巖滿事蹟。亦載王山寺記。內曰。因勝默退去監院。圓宗與衆。奉兩衙疏。亟往敦請住持。則雪巖先智鑑住雪竇六年。先如淨開法二十餘年。二書收滿爲淨六世孫。其錯誤七也。

萬松秀。初開法邢臺淨上寺。明昌四年。金章宗詔入宮中說法。卽南宋紹熙四年。載續略。萬松嗣雪巖爲鹿門六世孫。智鑑寂紹熙三年。萬松宮中說法。相去僅一年。則初開法邢臺。是與鑑同時在宋金行道可知矣。此時如淨尙未受付囑。況開法乎。是則萬松受囑在如淨前。開法在如淨前。二書收萬松六世祖。爲如淨之嗣。卽其矛刺其盾。其錯誤八也。已上鹿門丹霞兩家歲月事實。所考如此。

五燈續續曰。青原下十七世天童淨禪師法嗣。襄州鹿門覺禪師。參長翁。值翁上堂。參長翁值翁上堂。一箇

烏梅似本形。蜘蛛結網打蜻蛉。蜻蛉落了兩片翼。堪笑烏梅敲鐵釘。此係如淨頌靈雲見桃花之語。師不覺失笑曰。早知燈是火。飯熟已多時。後承印記。出住鹿門。此二十四字。亦續略捏出。示衆。盡大地是學人一卷經。盡乾坤是學人一隻眼。以這箇眼。讀如是經。千萬億劫。常無間斷。萬松秀云。看讀不易。示衆著語。載從容錄。此

青原下十八世鹿門覺禪師法嗣。青州普照寺一辯禪師。參鹿門。問。如何是盡乾坤。是學人一隻眼。門曰。汝被一卷經遮卻也。師擬對。門搖手曰。不快。漆桶去。師於是有省。得言外旨。出住中都萬壽。此機緣出載洞燈紀略。按如淨語錄。一箇烏梅似本形。是頌靈雲見桃花頌。非上堂語也。而續略妄以此爲鹿門如淨契合事。亦猶闢妄救以普慈嗣東明故事。同一轍耳。今卽此示衆機緣爲據。以證二書之誤立見。按鹿門示衆。載從容錄。青州機緣。載洞燈紀略。可謂徵從有信。信從有本。非破籠敗紙比。按萬松作從容錄。始於金宣宗興定二年戊寅。去紹熙壬子智鑑寂時。僅二十七年。此時如淨雖弘道宋國。卻與萬松於金國作從容錄同時。準二書收鹿門爲如淨之嗣。則淨爲萬松七世祖。鹿門爲六世祖。六世祖有法語。爲六世孫收入從容可也。七世祖與七世孫同時。有是事乎。當斯時也。宋金敵國。不通往來。淨雖出世宋浙。未必卽有法嗣。何遽有七世孫。在金燕同時弘道耶。且萬松受囑在如淨前。開法在如淨前。况自覺乎。自覺自崇寧三年出世。至政和七年示寂。凡三主大刹。歷年僅十四載。淨因自覺。鹿門自覺。先後住持。原是一人明矣。歷考住持鹿門者。並無二自覺。會元載淨因自覺者。以次主淨因。紀住處故也。二書以自覺嗣如淨。出住鹿門。豈不是以一鹿門覺爲二鹿門覺。其錯誤九也。觀鹿門示衆。盡乾坤是學人一隻眼。青州問。如何是盡乾坤。是學人一隻眼。所謂承機進問。因此有省。據青州塔記。自述政和五年冬。承鹿門印可。六年。往參芙蓉。則此示衆機緣。出在政和年間。二書

以政和年間之鹿門。爲紹定年間如淨之嗣。其錯誤十也。可見一箇烏梅上堂等語。爲續略妄引。僞捏明甚。洞燈紀略曰。青原第十三世芙蓉楷禪師法嗣。襄州鹿門覺禪師。參芙蓉。問胡笳曲子不墮五音話。得契。上堂。牛角不用有。有也不妨。兔角不用無。無也不得。何故。天下事但得其情可恕。何妨其理難容。

青原第十四世鹿門覺禪師法嗣。青州希辯禪師。參鹿門。問。如何是盡乾坤是學人一隻眼。門曰。汝被一卷經遮卻也。師擬對。門搖手曰。不快。忝桶去。師於是有省。按此書係汝州一說濟州普照編集。始自鹿門覺。收至無

方從止。出在明朝。至本朝康熙庚申。楚州南庵和尚補訂寄白巖時。燈統業已告成五年矣。其間有若干人。未經收入。致有遺珠之歎。觀其載鹿門問胡笳曲子話。得契。與鹿門塔記所敘相同。可謂徵從有據。且直紀鹿門爲青原十三世。則丹霞五代爲疊出明矣。二書以鹿門嗣如淨。妄引僞捏烏梅等語。以爲契合。列爲青原下十七世者。其錯誤十一也。續續載青州參鹿門機緣。出自此書。可謂據從有根。此書明載青州爲芙蓉三世孫。二書收爲如淨三世孫。其錯誤十二也。

鹿門法燈塔銘。洪覺範所撰。載石門文字禪中。謂法燈自沂州禮辭芙蓉楷和尚。復至京師。於政和七年夏。奉詔繼席襄州鹿門山政和萬壽禪寺。初慧定禪師自覺革律爲禪。開剏未半而逝。燈爲一新。靖康二年示寂。建塔於山口別墅。慧定塔之東。按銘謂燈繼席政和萬壽禪寺。泊革律爲禪。建塔別墅。與覺辯二祖塔記。事蹟脗合。可謂根從有本。燈與覺同嗣芙蓉。同住鹿門。同係徽宗時人。事事可考。一一可據。二書收鹿門嗣如淨。其錯誤十三也。

又祭法燈文。其略曰。慧定既化。遷住鹿門。既孝其師。又悌其兄。亦載石門文字禪中。覺範乃濟宗尊宿也。祭

文既謂芙蓉爲法燈之師。鹿門自覺爲法燈之兄。則鹿門覺嗣芙蓉。楷明甚。二書以鹿門嗣如淨。其錯誤十
四也。古云。一字之真。可以決千古之疑。以此四句語證已上諸塔記。無不可徵可驗。證已下源流世次。無不
可憑可據。並無一字可致疑者。而續續續略。繼燈諸疑誤之書。質之此四句語。如片雪投之紅爐。不待瞬目
已銷矣。彼紛紛末流矯強之論。何屑與辨。第涉詭譎之異。伏曖昧之機。不得不與辨明。已上據祖父塔碑。所
考如此。

佛祖傳法偈碑。其略曰。六祖下分五派。曹洞正傳青原思。石頭遷。藥山儼。雲巖晟。洞山价。雲居膺。同安丕。同
安志。梁山觀。大陽立。投子青。芙蓉楷。鹿門覺。青州辯。磁州寶。王山體。雪巖滿。萬松秀。雪庭裕。少林泰。少林遇。
少林才。大覺彝。云云。按此碑在勝果寺大殿前。近大覺寺里許。彝公嘗住大覺勝果。故立此碑。碑中述佛祖
傳法偈。燈錄備載。茲不贅。輪庵和尚有同門月函和尚。嘗出洞宗世次疑問一書。謂初見雲門澄和尚。原本
語錄。拈香稱大覺念和尚。爲曹洞正宗第二十六世。後見翻刻語錄。稱念爲三十一世。不知孰是。述以問世。
後得此碑。刻附疑問之末。有跋。其略曰。曹洞源流世次之錯訛者。只在芙蓉鹿門上下師承之間。我法兄輪
庵和尚。昨從都中來。摹得曹洞古源流碑。自青原思。歷敘至芙蓉楷下。卽曰。鹿門覺青州辯。則丹霞淳至天
童淨五代。原不在源流中明矣。雲門澄和尚。稱大覺念和尚。爲曹洞二十六世。誠爲不錯。而曹洞源流中。疊
出丹霞五代。余今日曉然明白。無復疑矣。月函和尚得此碑刻。以徧告天下。可謂法門千古之公心公論也。
不惟洞宗知識稱善。卽濟下尊宿。亦無不稱善也。輪庵和尚。亦可謂洞宗之功臣也。二和尚此心此德。直與
日月並明於千古之下。較彼曖昧之徒。惟務掩人之是。揭人之非。實霄壤矣。

佛祖來源大萬壽禪寺開山傳法歷代宗師實蹟記。曰。吾曹洞宗。自曹溪下正傳法胤。青原思。石頭遷。藥山儼。雲巖晟。洞山价。雲居膺。同安丕。同安志。梁山觀。大陽玄。投子青。芙蓉楷。鹿門覺。青州辯。辯乃萬壽仰山開山初祖也。傳法得磁州寶。王山體。雪巖滿。萬松秀。雪庭裕云云。按。萬壽寺在京之南城瑠璃廠西。明景泰六年敕改永光寺。碑之前後文。偈。不及錄。

月舟載行實碑。天童懷讓虛禪師譔。碑陰有曹洞正傳宗派圖。曰。初祖達磨大師。二祖慧可大師。三祖僧璨大師。四祖道信大師。五祖弘忍大師。六祖慧能大師。青原思。石頭遷。藥山儼。雲巖晟。洞山价。雲居膺。同安丕。同安志。梁山觀。大陽玄。投子青。芙蓉楷。鹿門覺。青州辯。磁州寶。王山體。雪巖滿。萬松秀。雪庭裕。靈隱泰。寶應遇。淳拙才。松庭嚴。凝然改。俱空斌。無方從。幻休潤。行實碑記。東吳袁了凡居士譔。碑陰有洞宗正統圖。曰。初祖達磨大師。二祖慧可大師。三祖僧璨大師。四祖道信大師。五祖弘忍大師。六祖慧能大師。青原思。石頭遷。藥山儼。雲巖晟。洞山价。雲居膺。同安丕。同安志。梁山觀。大陽玄。投子青。芙蓉楷。鹿門覺。青州辯。磁州寶。王山體。雪巖滿。萬松秀。雪庭裕。靈隱泰。寶應遇。淳拙才。松庭嚴。凝然改。俱空斌。無方從。月舟載宗鏡書。月函和尚。曰。曹洞源流之錯訛者。只在芙蓉鹿門之間。據上四碑載。芙蓉楷下。卽曰鹿門覺。則丹霞五代疊出明甚。而宗鏡書出。幻休潤。潤出大覺念。念出雲門澄。此又近代之耳目所昭昭者。

增集續傳燈。其紀雪庭裕來源曰。裕嗣萬松秀。秀嗣雪巖滿。滿嗣王山體。體嗣磁州寶。寶嗣青州辯。辯嗣鹿門覺。覺嗣芙蓉楷。按增集乃南石琇輯。出在永樂年間。至順治年間。靈巖儲重刻。琇儲皆濟下尊宿也。據增集直紀鹿門覺嗣芙蓉楷。則丹霞五代疊出明甚。再考增集。紀如淨法嗣。惟孤蟾瑩石林秀。絕無所謂鹿門

覺也。此增集及四碑紀洞宗源流。逆敘順敘。代代皆父子相承。毫無所雜。二書以鹿門一脈。系如淨下。其錯誤十五也。已上據祖父源流。所考如此。

靈峯慧撰古巖就塔銘曰。曹溪下析爲二宗。青原四傳至洞山。价。价七傳至芙蓉。楷。楷六傳至萬松。秀。月舟載。因豎龍潭古山仙行實碑於祖庭。碑末署大少林禪寺當代住持嗣曹洞正宗第二十三世金臺文載立。

宗鏡書撰法王碧潭清道行碑。自署少林禪寺嗣曹洞正宗第二十四世宗書撰。鄭藩德慶王撰宗鏡書行實及塔銘。皆曰。住持少林禪寺。嗣曹洞正宗第二十四世。

憨山清撰大方遷塔銘曰。元雪庭裕禪師。揭洞上一宗於少林二十四傳。至大章書禪師。中興其道。今遷爲嫡嗣也。載夢遊集。大章乃宗鏡書號也。

華亭陸樹聲居士撰幻休潤塔銘曰。敕賜嵩山大少林禪寺。傳曹洞正宗第二十五代。

新安汪道昆居士撰幻休潤塔記曰。是爲曹洞之正宗。歷世二十有五。載大涵集。

無言道建地藏殿碑記。自署少林住持。傳曹洞正宗第二十六代。道嗣幻休潤。

太倉王錫爵居士撰無言道碑銘曰。敕賜嵩山大少林禪寺住持。曹洞正宗二十六代。

耒陽曾鳳儀居士撰無言道行實碑曰。少林禪寺住持。傳曹洞正宗二十六世。

華亭董其昌居士撰無言道碑銘曰。嵩山少林寺賜紫住持曹洞正宗二十六代。載容臺集。

杭州虞淳熙居士送無言道住少林序曰。曹洞宗第二十六代。載德園集。

大覺念付雲門澄法卷曰。傳曹洞正宗第二十六世清涼方念書付。

又塔在顯聖南山。題曰。傳曹洞正宗第二十六世北京大覺慈舟方念禪師之塔。天啓四年甲子歲立。

雲門澄別號散木。於萬歷甲寅開法廣孝。明年開法徑山。其拈香俱曰。供養北京大覺堂上傳曹洞正宗第二十六世清涼大和尚。用酬法乳之恩。

重興雲門顯聖寺碑。署傳曹洞正宗第二十七代散木圓澄書。明天啓元年秋日立。

又嘗譔思益經簡註序。涅槃經會疏序。金剛三昧經注解序。重刻正法眼藏序。趙州語錄序。玄沙語錄序。無趣語錄序。無幻語錄序。宗門或問序。皆曰。傳曹洞正宗第二十七世雲門顯聖寺住持圓澄譔。

顯聖寺有佛牙鐵塔一座。高二丈餘。上鑄天啓五年傳曹洞正宗第二十七代圓澄立。

塔曰。傳曹洞正宗第二十七世中興雲門顯聖開山第一代湛然圓澄禪師之塔。

又付寶壽方弁山雪等法卷。皆署傳曹洞正宗第二十七世雲門散木圓澄書付。

寶壽方初開法天華。弁山雪初繼席顯聖。其拈香俱稱。供雲門顯聖堂上傳洞山正宗第二十七世散木澄和尚。用酬法乳之恩。

香雪具足明有禪師之塔。在顯聖南山。署明傳曹洞正宗第二十八世。崇禎三年庚午歲立。

歷然相崇禎九年開法梅山。拈香稱。供弁山龍華堂上傳達磨正宗第三十八世瑞白雪和尚。用酬法乳之恩。據上三十餘種世次。較之。覈之。則丹霞五代疊出明甚。二書廁五代於世次之中。其錯誤十六也。已上據祖父世次所考如此。

費隱解惑篇曰。湛老和尚一支。自大覺老宿而上。至雲居膺廿六世。遠門柱出。辨惑駁之曰。大覺上至洞山二十六世。至雲居二十五世。而云廿六世。近處尙不能盡心考究。其他可知矣。吾師翁廣孝拈香則曰。大覺堂上嗣洞山正宗第二十六世清涼大和尚。柱公辨惑出在順治甲午夏。續略稿成於崇禎末年。其壽梓在順治初年。辨惑既知大覺爲洞山二十六世。則妄引一箇烏梅作上堂等語。以鹿門系如淨之下。置大覺於三十一世。其錯誤亦自知矣。幸諸祖有靈。碑銘文獻多在。得以考正。不然。幾莫能辨。茲以柱公之辨惑。證柱公之續略。其錯誤十七也。

按續續首冊有在公序曰。敕賜靜善禪師續洞宗二十八世同參弟金臺別山釋性在和南謹撰。第二冊有寬公緣起曰。祖庭大少林禪寺傳曹洞正宗第二十八代嗣祖沙門邢襄釋海寬謹述。寬在同嗣心悅喜。喜嗣無言道。道爲洞山二十六代。具載碑銘。見少林寺。二公自署二十八代。蓋遵祖訓也。則丹霞五代疊出。明甚。及列章次。以鹿門一脈系如淨下。以致列道爲青原下三十四世。列在公泊自己爲青原下三十六世。則又廁丹霞五代於世次中者。蓋爲續略所誤故也。故卷首曰。洞宗三十四世支提山釋淨柱採集。觀此。固知續續被續略所賺。孟浪屬筆。以致錯誤十八也。

續略凡例曰。一曹洞宗。至宋季尤盛於河北。所以元世祖大集沙門。惟雪庭裕祖高賢鱗附。續續凡例亦曰。曹洞宗至宋季尤盛於河北。所以元世祖大集沙門。惟雪庭裕祖高賢鱗附。洵至盛矣。二說皆出自雪庭碑中。發言有本。夫大集沙門於京師。在至元八年辛未。卽南宋度宗咸淳七年。去紹定壬辰癸巳間如淨寂時。三十八九年。以雪庭之嗣嗣如淨。尙不可。何也。以有宋元敵國之隔。二書以雪庭七世祖鹿門嗣如淨。其錯

誤十九也。

續略紀雪庭裕參萬松於燕之報恩。蒙印可。壬辰中興少林。壬辰乃金哀宗天興元年。卽南宋理宗紹定五年。此時如淨尙在世。與裕同時。弘道於宋金之國。二書收裕爲淨八世孫。其錯誤二十也。

續略紀林泉倫參萬松。松奇之。出世住萬壽。至元九年。世祖詔入內殿。對御談禪。卽南宋度宗咸淳八年壬申。去如淨寂時雖隔四十年。然倫與裕同門。二書收倫爲淨八世孫。其錯誤二十一也。

續略紀全一溫參萬松得法。世祖召見與語大悅。錫號佛國普安。至元丁卯示寂。去如淨寂時。只三十四五年。二書收爲淨八世孫。其錯誤二十二也。

續略紀丞相楚材參萬松。三年乃獲印證。爲序從容錄。按序從容。在金哀宗正大元年甲申。去智鑑寂時僅三十二年。此時如淨正在宋浙弘道。與金燕楚材同時。二書收爲淨八世孫。其錯誤二十三也。

續續紀李屏山遇萬松於邢臺。歲越二周。得造不疑之地。屏山乃金世宗朝翰林。萬松於世宗大定年間開法邢臺。卽南宋孝宗淳熙年間。於金章宗明昌四年赴詔入燕。則屏山遇萬松於邢臺時。如淨尙未嗣法。輒收爲淨八世孫。其錯誤二十四也。

續續紀弘明照參仙巖德。付以衣法。出世住燕之歸義。次主邢臺淨土十載。歲戊戌遷天寧。太保劉公學道於師。按戊戌乃蒙古太宗十年。卽南宋理宗嘉熙二年。則住淨土時當理宗紹定元年戊子。與如淨同時行道。收爲淨八世孫。其錯誤二十五也。

續續紀仲復顏投弘明照於淨土。下髮後。隨照徙天寧。遂佩其印。照徙天寧在戊戌。此仲復佩印時。去如淨

寂時。不過七八年。則在淨土下髮時。如淨尙在世。收爲淨九世孫。其錯誤二十六也。

續續紀太保劉秉忠初從弘明照於天寧爲僧。遂嗣其法。此亦去如淨寂時不過七八年。收爲淨九世孫。其錯誤二十七也。

續續紀萬安恩依古冀暉受具。兼承心印。構開元寺於順德。時燕都大萬壽寺開資戒大會。萬松延師登壇說戒。萬松復奉敕主萬壽。在金哀宗正大七年庚寅。卽南宋理宗紹定三年。則恩公說戒。洎構開元。與如淨同時。收爲淨七世孫。其錯誤二十八也。

續略紀萬松秀初開法邢臺淨土寺。於明昌四年。金章宗詔入宮中說法。其下小註曰。卽南宋紹熙四年。萬松望鹿門六世祖。其在宮中說法。去智鑑寂時只隔一年。而未被詔。前開法邢臺與鑑同時。在宋金行道可知矣。此時如淨尙未受囑。二書收萬松六世祖爲如淨之嗣。其錯誤二十九也。

續略紀萬松於金章宗承安二年丁巳。奉詔住仰山棲隱寺。卽南宋寧宗慶元三年。去智鑑寂時僅六年。此時如淨縱然出世。與萬松同時在宋金行道。二書收爲淨七世孫。其錯誤三十也。

摘欺說表示續略所得諸祖言句出處曰。雪巖滿得自從容錄下二十紙。勝默同參話得自從容錄上四十紙。上堂得自從容錄序第一紙。萬松作從容請益二錄。始於金宣宗興定二年戊寅。卽南宋寧宗嘉定十一年。去智鑑寂時二十六年。此時如淨雖弘法於世。而萬松初開法邢臺。尙與如淨之師智鑑同時。況雪巖乃萬松之師。其出世先智鑑住雪竇六年。二書收爲淨六世孫。其錯誤三十一也。

又曰。勝默光前一段得自從容錄下一百七紙。後一段得自從容錄上四十七紙。勝默與雪巖同門。於大定

十三年出住王山。次住燕京萬壽泊慶壽。續略謂萬松過慶壽參勝默老人。後參雪巖於磁之大明。承付囑。開法邢臺。與智鑑同時。則勝默住慶壽與天童珏同時。二書收爲如淨六世孫。其錯誤三十二也。

又曰。磁州詮得自從容錄上七十二紙。詮與雪巖勝默同門。二書收爲如淨六世孫。其錯誤三十三也。

又曰。王山體得自請益錄上六十六紙。三種獅子話得自請益錄下十七紙。尊貴旨得自請益錄上十二紙。王山嗣法。先如淨三十餘年。示寂先如淨六十年。二書收爲淨五世孫。其錯誤三十四也。

又曰。仁山恆得自從容錄上四紙。仁山與王山同門。二書收爲如淨五世孫。其錯誤三十五也。

又曰。磁州寶示衆得自請益錄下九十二紙。寶爲萬松之曾祖也。於皇統間出世靈巖。如淨尚未投胎。二書收爲淨四世孫。其錯誤三十六也。

又曰。慈雲覺得自青州百問。慈雲與磁州寶同門。二書收爲如淨四世孫。其錯誤三十七也。

又曰。青州辯前一段。得自續文獻通考。垂問得自本錄。本錄卽青州百問也。辯於天會六七年間住萬壽。時垂百問以勸學者。先智鑑住雪竇五十六七年矣。此時不但如淨未受智鑑付法。卽智鑑尙未受天童珏付在。二書收爲如淨三世孫。其錯誤三十八也。

又曰。鹿門覺示衆得自從容錄上六紙。據覺辯二祖塔記泊法燈塔銘祭文諸古碑文獻參考之。則鹿門覺嗣芙蓉楷。在哲宗元符初。其開法大乘在徽宗崇寧三年。萬松作從容錄。始於金宣宗興定二年。去崇寧三年計一百一十七年。歷覺辯寶體滿秀六代。大凡考事。當原之以情。斷之以理可也。鹿門爲萬松六世祖。相去有一百一十七年。智鑑爲萬松八世祖。反與松同時弘法。有是理乎。况興定二年作從容錄。此時如淨雖

正弘道。豈其法嗣預於一百餘年前開法於世。有此示衆法語。爲六世孫收入從容錄中。有是理乎。二書收徽宗時之鹿門。嗣理宗時之如淨。其錯誤三十九也。據此。則一箇烏梅等語。益知爲續略妄引。僞捏明甚。已上據二書所考如此。

佛祖通載曰。金世宗大定二年壬午。敕建大慶壽寺成。詔請玄冥禪師顓公爲開山第一代。顓嗣磁州寶望鹿門四世祖。壬午。卽宋紹興三十二年。此時如淨尙未投胎。二書收顓四世祖嗣淨。其錯誤四十也。

又曰。虛明亨出世。住嵩山之戒壇。韶山之雲門。鄭州之普照。林溪之大覺。嵩山之法王。中都之潭柘。濟州之普照。奉章廟旨。主慶壽寺。後住少林數年。示寂於興定己卯。去智鑑寂時二十七年。此時如淨雖正弘道。而亨公初出世。卻與智鑑同時。二書收爲如淨五世孫。其錯誤四十一也。

又曰。金國章宗明昌四年。詔請萬松長老於禁庭。陞座。帝親迎禮。聞未聞法。開悟感慨。親奉錦綺大衣。后妃貴戚羅拜拱跪。各施珍愛。以奉供養。續略所載本此。續續略之。此時如淨受智鑑付囑不二三年。二書收萬松六世祖爲淨之嗣。其錯誤四十二也。

又曰。丁巳。金國特詔萬松住仰山。陞堂。有偈曰。蓮宮特作梵宮修。聖境還須聖駕遊云云。續略以此偈作上堂。蓋本此。續續載泰和丙寅住仰山。雖去丁巳十年。此時如淨不過纔出世。二書收萬松六世祖嗣如淨。其錯誤四十三也。

日下舊聞曰。大定二十年正月。敕建仰山棲隱寺。命玄冥顓公主之。續文獻通考此書乃秀水朱彝尊所輯。紀洞宗事數段。此其一也。凡得之某書。小註其下。此段得自續文獻通考。後倣此。他如通載曰。金世宗大定二年

敕建慶壽寺。詔玄冥禪師顓公主之。八年遷住東京清安寺。二十年遷棲隱。顓望鹿門四世祖智鑑。於南宋孝宗淳熙十一年甲辰始住雪竇。則顓住棲隱先五年矣。住清安先十七年矣。住慶壽先二十三年矣。此時如淨尚未投胎。二書收顓四世祖嗣如淨其錯誤四十四也。

又曰。仰嶠叢林爲燕京最。泰和中主事僧奏請萬松老人住持。上許之。萬松忻然奉詔云云。萬松居按李屏山作萬松塔銘。謂泰和六年住仰山。雖去智鑑寂時十五年。而松初開法邢臺。卻與鑑同時。二書收松六世祖嗣如淨其錯誤四十五也。

又曰。金元間有僧自稱萬松野老。居燕京從容庵。耶律楚材見之。參學三年。僧以湛然居士目之。帝京景物略萬松因湛然請評宏智頌。古以居庵名其書。故曰從容錄。其從事載筆始於金宣宗興定二年。此時如淨與松同時。收松嗣如淨尙不可以宋金敵國故也。二書收松六世祖嗣如淨其錯誤四十六也。

又曰。萬松老人耶律文正王之師也。其語文正王曰。以儒治國。以佛治心。王亟稱之。謂雲門之宗。悟者得之於緊峭。迷者失之識情。臨濟之宗。明者得之於峻拔。昧者失之鹵莽。曹洞之宗。智者得之於綿密。愚者失之廉纖。獨萬松老人全曹洞之血脈。具雲門之善巧。備臨濟之機鋒。誠宗門之鉅匠。四海之所式範。其傾心至矣。淥水亭雜識文正王卽湛然居士。據此極力稱讚萬松。大振曹洞之宗於金燕。雖與宋浙如淨同時。其先開法邢臺。實與智鑑同時。二書收爲如淨七世孫。其錯誤四十七也。

又曰。遼清寧間。築義井。精舍於開陽門之郭。金大定中。僧善祖營寺。朝廷賜額大覺。萬松居又曰。萬松老人住持大覺寺。榜其齋曰昨夢。湛然居士集萬松住大覺。雖未載有年甲。然兩段文俱出湛然集。湛然乃萬松弟子。

係金朝人紀萬松住大覺。在金朝明矣。二書收爲宋季如淨七世孫。其錯誤四十八也。

又曰永光寺元大萬壽寺也。曹洞下青州辯公居之。寺有大萬壽寺開山傳法歷代宗師實蹟碑記。又明正

統十一年一碑。稱萬松秀公居此。湛然屏山二居士爲其上首外護。湛然卽耶律文正王楚材。屏山金李翰

林純甫也。析津日記按實蹟記述辯和尚乃萬壽仰山開山之初祖也。蓋辯自金初來燕。獨唱新豐曲子。大振鹿

門家聲。嗣後接拍繼和盡住金國。歷傳至萬松爲第五葉。計百年。法道之盛。觀此片言可知。二書凡例謂洞

宗大盛於北地。良有以也。然收金初之青艸辯爲宋季如淨三世孫。收萬松爲淨七世孫。收湛然屏山爲淨

八世孫。其錯誤四十九也。

又曰元初京師禪學分萬松延洪爲二門。比丘尼智公參萬松者也。耶律楚材因請其開堂住報先寺。析津

楚材請智公開堂。則智爲萬松法嗣明矣。智望鹿門七世祖。旣爲金朝楚材請其開堂。亦與如淨同時明矣。日記

二書收智七世祖嗣如淨。其錯誤五十也。

又曰趙孟頫仰山棲隱寺滿禪師道行碑記略曰。師名行滿。字萬山。俗姓曾氏。江右太和人。至元庚辰。至仰

山。有會心處。遂薙髮。禮澤庵璉公爲師。後繼席仰山。聲聞大振。元武宗賜號佛慧鏡智普照大禪師。洎織錦

僧伽大衣。蓋棲隱寺始建於遼。至師爲二十六代。松雪齋集京西大覺寺有月巖瑁禪師碑。按碑中紀世系曰瑁

嗣棲隱滿。滿嗣甘泉璉。璉嗣少林英。英嗣香山溪。溪嗣覺山福。福嗣香山俊。俊嗣磁州寶。則滿望鹿門九世

祖滿至元庚辰薙髮。去宋季如淨四十餘年。二書收滿九世祖嗣如淨。其錯誤五十一也。

藏中有辨僞錄。言蒙古憲宗時。道士丘處機等占梵剎四百餘所。歲乙卯。少林雪庭裕詣闕陳奏。玉音宣諭

登殿辯對。道士義墮奉旨焚經罷道爲僧。按乙卯乃憲宗五年。卽南宋理宗寶祐三年也。雖去如淨寂時二十三年。其先中興少林。卻與淨同時。二書收爲淨八世孫。其錯誤五十二也。

又曰。由乙卯以來。邪說猶妄驚瀆聖情。由是至元十八年。玉音頒降。天下僞經盡燒。此是元世祖第三番燒道經也。彼時在廷辯對者。萬松法嗣居多。曰圓福從超。曰資聖至溫。曰報恩從倫。且命倫舉火。皆去如淨不遠。二書收爲淨八世孫。其錯誤五十三也。

佛祖統紀曰。淨因自覺禪師。初學於司馬光云云。按覺祖塔記曰。幼以文章見知於司馬溫公。正此之謂也。會元亦如是載。溫公歷相英宗神宗哲宗三朝。則自覺學於溫公。在哲宗時。二書以自覺嗣理宗時之如淨。其錯誤五十四也。已上據古人文獻所考如此。

正名錄卷五終

正名錄卷第六

衡陽後學智楷惟直氏述

洞宗世次備考之二

五燈全書凡例曰。一洞宗世系所紀不一。今從永覺賢公之補燈。涵宇寬公之續續。遠門柱公之續略。爲霖霈公之闢謬。參酌以定。匪涉私裁。

歲壬子白巖輯祖燈大統。得青州辯自書塔記。因而廣考載籍。得其真實。確知鹿門覺來自芙蓉楷。亦知續

略續補燈諸書。錯誤不足據。於是清出丹霞五代。釐正洞宗世系。迄今二十餘年矣。燈統之後。有青原嫡唱。洞宗彙選。洞上祖憲錄。散木正傳錄。大鑑正燈錄。天柱一燈。大覺續燈。泊諸語錄。拈香木主署諱。塔面題名。悉已改正。亦有年矣。全書出在二十年前。無怪其然。今出在二十年後。難道此之諸書。暨上數十種古碑文獻。盲無見乎。若果不見。何以稱窮搜極討。若見而不折衷參酌於古碑古書。硬據此四種錯誤之書。以譜洞宗世系。則其私裁畢露矣。處心既私。全書何公之有。又不考天童淨何時人。鹿門覺何時人。一味乘人之誤。以誤之。則著述眼何在。著述無眼。處心不公。輒輯五燈大全。豈不是自僭。自專。自欺。自妄。僭專欺妄。施於五燈全書之中。其立意也錯。請霽崙改過私裁。秉至公無我之心。將余所引古碑古書。泊公所例續略諸書。再一參酌。何等書理不當。言冗僞。則刪之。何等書旨不二。機冥合。則增之。何等書可根可據。何等書不可根據。考訂宗派。申明大端。不使金鑰溷雜。務期支緒詳明。以成全書之美。不惟堪報皇上衛法之深恩。於萬一。亦不仰愧龍天古人矣。

山曉哲公寶積錄十二卷。收長翁如淨禪師語錄凡八張。末後附曰。其嗣襄州鹿門覺參師。值師上堂。曰。一箇烏梅似本形。蜘蛛結網打蜻蛉。蜻蛉落了兩片翼。堪笑烏梅較鐵釘。覺忽然失笑曰。早知燈是火。飯熟幾多時。後承印記。出住鹿門。載五燈續略中。

按如淨錄一箇烏梅。是頌靈雲見桃花語。非上堂語也。山曉已收在頌古類中。明知此非上堂語。故附刻卷末。而又下箇註脚曰。載五燈續略中。其意余知之矣。意謂人或不知。吾話行矣。人或辨之。是續略錯誤。非吾寶積錯誤也。此名躲身之法。其心行於此見矣。續略之錯誤。辯見於前。寶積之錯誤。不辯可知矣。

山曉哲公寶積錄後。附崇正錄洞宗世系考曰。青原五傳至洞山价。价七傳至投子青。青四傳至眞歇了。了又四傳至天童淨。續傳燈與世譜所載止此。其後俱未詳。唯附壽昌雲門於彼宗末。云俟其詳者補之。今崇正考洞宗祖圖。依彼宗遠門禪師續略。考定補輯之世系也。白巖位中禪師出祖燈辨訛。謂有青州辯自述塔記。證天童淨下鹿門覺。卽八十餘年前芙蓉楷下之淨。因覺將丹霞淳眞歇了諸大老。削去五代。作洞宗源流祖圖。與續略之世系迥然不合。當遠公羅輯續略時。搜求考覈。良亦苦心。片紙隻字。俱不遺棄。而未聞有青州辯之塔記。今忽然突出。其眞僞之間。安敢固必。但辨訛中云。青州辯寂於皇統九年己巳。去上芙蓉楷寂於重和戊戌。計三十一年。謂覺辯二世。每世十五年半。哲考指月錄。淨因覺寂於政和五年乙未。計乙未去己巳三十四年。豈有已寂三十四年之人。復與辯平分十五年半之生世乎。此一不合也。

按續傳燈。不見署輯書人名。又無序。不知何年何人之書。細觀書末。於洞宗收止天童淨。石林秀惟紀空名。未列章次。濟宗收止無準範。有章次。載範於宋理宗淳祐九年己酉示寂。則此書出在淳祐間明矣。亦在宋元敵國之時。故於南宋國中收錄甚詳。若夫齊魯燕趙秦晉之間。少見收錄。至於收洞宗止於石林秀。以書出在宋季。故人與書齊止。便謂其後未詳。濟宗止於無準。謂其後未詳可乎。何言之不經一至此乎。禪燈世譜。乃哲公之師木陳忞公所作。按自書世譜後曰。此書壽梨棗在天童。其編次也在閩川。蓋予取福清吳君舊文而筆削也者。流通則在崇禎四年。又曰。至若壽昌顯聖之光復吾宗。彼所謂豪傑之士。乃屈辱乎二老。況置於未詳法嗣之列。則余豈敢抑當日此書之成。余實無所考鏡。如哲公謂遠公羅輯續略。搜求考覈。片

紙隻字俱不遺棄。世譜上收四七二三以及五宗落脈在天童悟止。誠非細事。豈可草草成書。而不之搜求考覈。抑又何耶。既無考鏡。何遽刻行。既謂二老豪傑之士。且能中興曹洞之宗。豈有來源未詳耶。且二老又非上古之人。又非燕晉之遠。既無考鏡。何不躬走二老處問其詳。悉刻行未晚。遽置二老於未詳。是何心耶。昔崇禎三年。密雲悟公赴黃檗。請費隱木陳侍從焉。道過浦城時。天界盛住夢筆。以書致之。其略曰。傳聞座下。輕以源流拂子。濫付非人。致使惡風四吹。凋損叢林不少等語。彼時父子銜恨而去。一到黃檗。特借收書爲名。其實爲報濫付非人之恨故也。然則夢筆得罪恣公父子。置壽昌於未詳可也。若夫顯聖退己讓人。舉悟公住金粟。恩義俱隆。亦置於未詳。此何謂耶。不收洞宗世系。已是心行不端。況置二老於未詳。其心行何可勝言。世譜不收洞宗世系。哲公便謂其後未詳。濟宗自無準下。收止天童悟。何從而得其詳耶。海舟普慈。寶峯明瑄。天奇本瑞。一脈來自萬峯。世譜譜東明下。雲溪瑛。淨庵素。一脈出自永慈。世譜譜普慈下。笑巖嗣。無聞明聰。世譜譜絕學正聰下。笑巖法嗣。止有靈谷芝等六人。若禹門傳幻也。日不聞也。世譜俱譜笑巖下。三際通。東臺瑞峯一人也。世譜譜爲二人。龍池法嗣四人。世譜削雪嶠於譜外。如此不審。詳乎否耶。至於妄譜雲門法眼於馬祖下。致端伯黃公闢之禁之。好不羞恥。哲公見世譜未收洞宗世系。引資駁辯之端。已屬可恥。更謂其後未詳。其不知羞恥。一至於此。

芙蓉法嗣凡二十六人。只一自覺。先住淨因。後住鹿門。原只一人。若謂淨因自覺。非鹿門自覺。則法燈亦芙蓉嗣也。覺範不應敘法燈繼鹿門自覺之法席也。又不應紀鹿門自覺爲法燈之兄。芙蓉爲法燈之師也。據此。則鹿門自覺。卽淨因自覺。嗣芙蓉明矣。續略以鹿門自覺嗣天童淨。作洞宗源流祖圖。疊出丹霞五代。其

錯誤辨見於前祖燈。據青州塔記以誤嗣天童淨之鹿門自覺。還歸芙蓉下。清出丹霞五代。作洞宗源流祖圖。與續略自然不合。何用置喙。至謂白巖以塔記證天童淨下鹿門覺。卽八十餘年前芙蓉楷下之淨因覺。觀此。則哲公執淨因覺鹿門覺爲二人。以資駁辯之端。則青州辯亦執爲二人可乎。增集續傳燈不云乎。雪庭裕嗣萬松秀。秀嗣雪巖滿。滿嗣王山體。體嗣磁州寶。寶嗣青州辯。辯嗣鹿門覺。覺嗣芙蓉楷。試問哲公。青州之師鹿門覺。畢竟是芙蓉楷之嗣耶。天童淨之嗣耶。嗟乎。以一鹿門覺爲二鹿門覺。駁辯祖燈續略世系不合。豈不是瞎說。

搜求考覈。誠非易事。昔白巖命僧懷誼。北往兩年。始得青州塔記。繼命余往。由江南至湖廣大陽大洪關嶺。天皇鹿門諸處。次至河南大乘香山風穴寶應嵩少諸刹。始備得諸祖碑銘。次渡黃河。登太行白雲寺。得天奇塔銘。行至衛輝。因病不能前進。由開封歸德至金陵翼善。得永慈行實碑。回白巖與老人折衷參訂釐正。洞濟兩宗世系。一片苦心。惟龍天鑑知。以未到燕晉之念不忘。故於癸酉春由齊魯走燕趙鄴晉諸省。歷兩年。萬餘里。僅得數碑。因思龍唐搜求考覈之艱。若非兩宗世系有誤。誠法門一大功臣矣。奈何續略成於崇禎末年。北地正值李賊大亂。故於燕趙秦晉之地。未及躬到搜討。以致世次疊訛。故湘和尚曰。續略出於荒亂。荒則不能搜羅。亂則不能商訂。名爲續略。事有由然。今日子孫改正。依舊聞無異辭。見無異辭。傳之源遠流長。無異辭。可謂至言也。哲公夾帶心行駁辯曰。當遠公羅輯續略時。搜求考覈。良亦苦心。片紙隻字。俱不遺棄。而未聞有青州辯之塔記。今忽然突出。其真僞之間。安敢固必。以青州塔記爲白巖得之。便謂忽然突出。如輪庵和尚親到京西大覺寺。以驗青州塔記。於勝果寺。又得曹洞古源流碑。月函和尚刻附疑問之後。

跋曰。曹洞源流世次之錯訛者。只在芙蓉鹿門上下之間。今據曹洞古源流碑。自青原思。歷敘至芙蓉楷下。卽曰鹿門覺。則丹霞五代不在源流中明矣。亦謂之忽然突出可乎。翼善寺大殿前有中興翼善碑。寺左退居寺有永慈行實筭付二碑。當天童悟公住金粟時。羅搜祖父遺錄碑銘。徧索諸方。不獲一字。至順治丁酉永慈碑始爲恣公之孫得之。哲公胡不謂忽然突出。眞僞安敢固必耶。北地荒亂勿論。江南浙江天崇之間。太平全盛。當遠公搜求往返時。金陵必由之道。何故竟遺翼善三碑。以致濟宗世次錯七錯八。抑又何耶。天寧誦示寂於宣和五年。會元錯刻爲政和五年。指月錄將誦示寂一段事。又錯刻爲淨因覺之事。哲公不辯正指月之錯。反引爲駁辯塔記年代不合之端。豈不取笑識者。

又曰。謂濟大川五燈會元所收。僅南宋所管之地。乃若燕秦齊晉之地不及見聞。故於淨因覺一脈未及收錄。哲考會元中現有淨因覺及覺之門人眞懿蘭住東京華嚴。青州辯亦住中都華嚴。旣同爲覺之門人。又同在中都。何獨收眞懿蘭而不收青州辯乎。此又不合也。

青州辯眞懿蘭皆淨因覺法嗣也。辯住中都華嚴卽燕京。蘭住東京華嚴卽開封府。會元收蘭遺辯者何。或偶得蘭法語。列爲章次。此古今之常事也。若辯者住在金燕。大川住在宋浙。輯會元時非有意遺辯不收。實不敢入敵國收人法稿也。不特遺辯一人。彼時曹洞雲門臨濟三宗人大盛金燕。會元概不敢收者。以其在敵國故也。哲公曰。考會元中現有淨因覺及覺之門人眞懿蘭住東京華嚴。青州辯亦住中都華嚴。旣同爲覺之門人。又同在中都。何獨收眞懿蘭而不收青州辯。嗟乎。何詞與理俱謬如此。以宋浙之大川不收金燕之希辯。以爲駁辯之張本。已屬不經。故意以中都東京混爲一處。以二華嚴混爲一華嚴。以資駁辯之難端。

豈不是心行。

又曰。云宋天聖丁卯。去上天復壬戌。計一百二十五年。丕志觀玄四世。每世三十一年。又定宗丙午。去上皇統己巳。計九十七年。寶體滿秀四世。每世二十四年之說。種種不合云云。

燈錄間或未載年月事迹者。故曰。某世至某世若干年。每世若干年。此大約之言也。至若天聖天復。丙午己巳。非無據而言也。雲居膺寂於唐天復二年壬戌正月三日。載會元第十三卷廿九紙。大陽玄寂於宋天聖五年丁卯七月十九。載會元第十四卷廿一紙。天聖丁卯去天復壬戌。歷七朝十七主。正一百二十五年。青州辯寂於金熙宗皇統九年己巳臘月十二。載塔記。萬松秀寂於蒙古定宗元年丙午閏四月七日。載續續第一卷廿一紙。定宗丙午去皇統己巳。正九十七年。而謂種種不合。豈正人君子之公言耶。

又曰。況續略考定補輯之書。已經本朝順治年間世祖章皇帝頒入龍藏。設有不合。祇可闕疑。豈得公然削而去之乎。故崇正考洞宗祖系圖。惟依續略。終不敢阿白巖之辯訛也。

如禪燈世譜。五燈嚴統。無故擅改龍藏。此固罪不容辭。然闕疑者。以其事蹟不明。無所考據。不得不然。今濟宗疊出兩代。已有聰寶諸祖數種舊章。洞宗疊出五代。已有古碑文獻數十種舊章。不急急釐正。而又闕疑。則疑誤後賢。倒置先德。無了日矣。如玄素僞碑。業海引以闕疑。所以疑誤世譜嚴統。徒費千金。博一臭名。究竟於人於己。有何裨益。白巖所以釐正者。以集書原爲取信千古。今準公高裁。豈不更起千古之疑案乎。然既依續略。定洞宗祖系。胡不依續略。定濟宗祖系耶。續略明收海舟普慈嗣東明。寶峯明瑄嗣普慈。天奇本瑞嗣明瑄。續續亦如是紀。正公所謂入藏之書。二書行世二三十年。海內閱覽。不知凡幾。設有不合。祇可闕

疑。豈得公然削普慈於源流祖系外。狠心狠筆抹殺明瑄。竊奪本傳爲智瑄傳。妄認永慈智瑄爲自出之祖。以之上嗣東明。下出天奇。頒爲臨濟正宗源流諸祖世系圖。不惟悖逆續略。亦悖逆無聞笑巖之祖訓多矣。甚至斥續略爲無稽僞書。何遽竟忘羅輯之苦心耶。豈非自語矛盾。續略譜濟宗世系。悉本汝祖闢妄救。今斥續略。不亦斥其祖乎。法門攸關。誠非細事。非留心三二十年。不能詳其顛末。今崇正一書。不惟關係洞宗。而關係濟宗不小。

濟水洗公出默齋筆評。評青州辯塔記爲僞。明眼人見之。付之一笑。後學初機見之。不免疑信相半。此余以釋後學之疑。不得不略辯數端於右。按洗公輒引續續爲口實。以罪燈統。然續燈存稿。正宗語錄。皆洗公父兄所出之書也。可曾違續續乎。續續雖以普慈明瑄天奇一脈譜東明下。然未更易三代世次。存稿正宗。不惟更易世次。且又紊亂倫理。則藐視國法。擅改龍藏之罪。此洗公爲父兄所供之也。今又詆祖傳祖錄爲邪說。爲僞書。貶親宗嫡祖爲兔角爲烏有。可曾違續續一字乎。則藐視國法。擅改龍藏。又公自供也。貶嫡祖爲烏有。是無祖也。人而無祖。罪不容誅。

續續存稿。悉本續略。續略續會元後數百年以來之書。其述洞濟兩宗諸祖事迹。有得其行實塔銘者。故詳氏族。其未獲行實塔銘者。故闕之。青州辯雖未詳氏族。以一時未獲行實塔銘故也。今塔記係辯和尚自書。出洪州黃氏親口也。其未敘精究教相偈頌等事。以其臨終之人兼在病中。故敘事簡略。續略述其精究教相偈頌等事。蓋得諸從容錄。請益錄。宗旨緒餘。文獻通考等書。今洗公以續續存稿。較塔記詳略。乃雖黃其說。殊不知濟宗諸老。於崇禎初年所出之書。述本宗一脈之祖。其間數代。不惟未詳氏族。求其片語隻字。了

不可得。自崇禎末年及順治康熙以來所出之書，較前不惟氣魄詳略，絕不相類，且又訛混相承。洸公何不評之。今乃諱本宗不之評，而妄評他宗，豈善知識所用心耶。

塔記稱：祖父未嘗直稱自覺道楷。曰：諱自覺。曰：諱道楷。既有諱字在上，稱之有何不可。若必曰：上某下某，此近代時風，每見笑於士大夫者，宜也。今洸公泥於近代時風，而妄評古人，豈通人文士之見也。

塔記未敘及參臨濟雲門下某某，以其臨終病中所書，不遑備錄故也。古人敘事多從簡，且汾陽歷參七十餘員，知識後謁首山，亦未嘗逐一標名指姓。洸公何不評之。乃謂青州直曰雲門臨濟爲妄，其責人之甚，得不爲天下人恥笑也。

凡中興古刹稱第一代者，如少林寺，初係跋陀尊者開山，稱第一代。後達磨大師在彼面壁，遂稱達磨爲少林第一代。嗣後二祖繼闡玄化，宋時報恩禪師奉旨住持。唐宋以來，住持少林者，不知凡幾。迄金哀宗天興元年壬辰，雪庭裕禪師中興，亦稱少林第一代者，有中興二字故也。越中顯聖者，唐大珠海禪師開山，稱第一代。自後住持曰重曜，曰居耀，曰宗利。至萬曆年間，散木老人中興，亦稱顯聖第一代。金陵翼善寺，梁誌公禪師始創，稱第一代。至明正統十年，永慈中興，亦稱開山第一代。如此者，不可枚舉。唐州大乘山，係吉本禪師開山，稱第一代。後流爲講寺。宋徽宗皇帝革講爲禪，詔自覺和尚重興，亦稱大乘第一代。鹿門雖非覺和尚開山，實係中興，故稱第一代。洸公株守一隅，豈知名山大刹之盛蹟。洪模有如此也。乃謂覺不合稱第一代，豈不尤爲天下人所恥笑也。

歷代帝王以年號賜寺額者頗多。如開元寺、景德寺，天下不知凡幾，皆唐宋年號也。今河南如大乘山諸古

碑載宋徽宗崇寧間賜額。則曰崇寧萬壽禪寺。政和間賜額。則曰政和萬壽禪寺。又安慶府太平寺。晉曰萬松寺。宋太平興國年間賜額。則曰太平興國禪寺。如此者不可枚舉。洸公并蛙諒必不知。如石門文字禪久行世間。萬目共覩。內有法燈禪師塔銘。謂燈於政和七年夏。繼襄州鹿門山政和萬壽禪寺慧定禪師自覺法席。洸公曾閱及乎。若閱之。何又謂政和年號今忽攙入寺額。豈不尤爲天下人所恥笑也。

龍池初聞燈花爆有省後。見笑巖作修羅勢有省。兩次言有省。竟不見吐露一言半偈。以見悟處深淺。其承嗣笑巖。大有徑庭。洸公何不評之。青州雪夜發明。便謂不見是何因緣。是何機語。古人發明此事。承師家印證。日後更進一步者甚多。如兜率悅承眞淨文印證後。見清素上座。始得大透脫。大慧杲承圓悟勤印證後。在虎丘閱華嚴。方得打失布袋。香嚴發明此事後。與馮山問答機緣頗多。青州問鹿門如何是盡乾坤是學人一隻眼。門曰。汝被者一卷經遮卻也。州擬對。門搖手曰。不快漆桶。州於是得大透脫。州雪夜發明。又經半載。始離鹿門。則此得大透脫。一則機緣。安知不在半載之內。問鹿門乎。此機緣載在續續。正公所謂龍藏也。洸公見雪夜發明無機緣。遂以塔記機緣皆評爲非。然則笑巖聯芳偈。不見有龍池法偈。龍池錄中自敘笑巖付以源流斗笠。準公所評。若龍池錄是。則聯芳偈卽非。若聯芳偈是。則龍池錄全假。又豈有二俱得當者乎。

禧誦禪師。初住天寧。次住韶山。晚住丹霞。於宣和五年示寂。會元錯刻爲政和五年。指月錄又錯刻爲淨因覺事。洸公今謂會元彙五燈而成書。每一書成。必若干人搜羅訪覓云云。傳燈在藏之書。會元所載。十遺其二。會元之後。有補燈補會元之失。何前人搜羅訪覓之不逮。致會元前遺之於傳燈。後失之於補燈。洸公何

一評補燈除會元外從何而得。而偏評禧誦之傳從何而得。如此邪言謬說。得不甚爲天下人恥笑乎。且會元不但禧誦傳中一政字之錯。如巖頭傳謂頭與雪峯。欽山結伴往參臨濟。值濟示寂。乃參德山。不知德山先示寂於臨濟二年之前。據如會元所載。則巖頭雪峯。欽山亦皆是參已死之德山。又載三人離德山之門。往河北參臨濟。路遇定上座。言濟示寂一則機緣。此又前後相矛盾。如此錯亂甚多。洸公何不評之。而偏執會元載禧誦示寂事。以難青州未曾參謁耶。殊不知丹霞淳於政和七年。住大洪。宣和元年示寂。今準會元載誦示寂在政和五年。而七年後繼淳公法席者。又是何人耶。況淳與誦。伯仲也。或誦退韶山院子。而寓丹霞。後值淳遷大洪。乃繼其席。青州於政和六年。往參二老。有何不可。洸公乃謂之爲無據之談。不顧明眼所誦。

按宋史載高宗紹興十九年己巳。卽金熙宗亶皇統九年冬十二月丁巳夜二鼓。金平章政事完顏亮入寢殿弑其主亶。平章秉德與衆議奉亮卽位。大赦。改元天德。按稽古略曰。金熙宗亶皇統九年十二月十日。爲從弟岐王亮弑之。其下小註曰。金志。金志卽金史也。十日卽丁巳也。又曰。金皇統九年十二月甲子。左丞相岐王亮卽皇帝位。改元天德。亦註曰。金志。按丁巳爲初十日。則甲子乃十七日也。明矣。事載宋金國史。古今閱覽者。不知凡幾。塔記書在初八日。署皇統九年。理也。洸公誣天罔地。謂初八日。金完顏亮立爲天德元年。豈有身居其國。而不識世主年號。嗟乎。僞捏八日改元。以作妄評張本。將謂欺瞞天下人。天下人又誰肯受其欺瞞。徒增天下人所恥笑也。

圓悟作碧巖集。蓋爲卽佛祖公案。以發明吾人已躬下一樁大事。奈學者不能卽公案而體會自己。一味胡

穿亂鑿盲批瞎判。所以致大慧火之。乃拈條竹篋。逼拶學者。扣己而參。單單要明自己一樁大事。此宗師家爲人拈卻炙膠帽子。脫去鶻臭布衫。因機所發之大手段大作用也。塔記謂余三十年。叨忝傳持宗旨。接待四來。唯一眞諦。示學徒佛祖未生前事。未嘗以古人公案因緣。惑亂初機。增長情識知解。青州嘗設百問。勘驗學徒。則學徒亦夥矣。觀其首問。聲前薦得。落在今時。句後承當。迷頭認影。作麼生是空劫已前自己。可見掃除公案因緣。截斷穿鑿知解。單提向上。壁立千仞。直令學徒。悟明佛祖未生前事。學徒誠能如是。又何公案因緣之不明耶。所謂但得本。其末至矣。此亦青州因機而發。匡時救弊之大作用。何異大慧所爲也。今洸公詡詡然。便謂青州明自己。不明公案。藉如所評。則圓悟惟明公案。而不明自己。大慧單明自己。而不明公案。謂二老情存取捨。智常向背。可乎。既不可抑圓悟大慧。又豈可獨抑青州耶。洸公不知古人或時建立。或時掃蕩。皆因機所發。初非有定法。今概作死殺法科定。謂公案自公案。自己自自己。妄評古人。豈不爲天下人所恥。故湘翁和尚曰。昔辯祖自敘受鹿門印記。叨忝舉揚。惟示佛祖未生前事。斷不以公案惑亂初機。增長情識。此正爲古今認依解者。下頂門針砭。而默齋肆口輕評。謂公案即自己。自己即公案。明得自己。不明公案。此人有眼無足。明得公案。不明自己。此人有足無眼。直須眼足雙圓。照用無迹。然後於生死而得自在。審是則默齋猶坐在鑑覺光中。據泰春檢點。直饒眼足雙圓。照用無跡。正好劈脊痛棒。且教伊更參三十年。何況公案即自己。自己即公案。穿鑿解會云云。是默齋平常。必以公案教習。難經痛處一拶也。善哉斯言。藥出金瓶。洸公於此言下。悟明佛祖未生前事。亦不可知也。

觀洸公眼目如此。識見如此。妄自標榜。誇張見道。不知面皮厚多少。每見人述一實事。必巧爲無端不可解。

之語逆奪之。使舉世哄然。而述者色沮。然後爲快。如此設心。安能保其善始善終乎。或曰。祖訓誠不可謬解。彼以臆見解之。嫡祖誠不可妄黜。彼以偏私黜之。天理可昧。良心可喪。如此之人。必不能善終。必不能有後。天道最近。可拭目而待。奚用辯爲。曰。此言誠是。大凡流言訕謗。禍及一人。不辯可也。今洸公肆出邪說。掩飢正理。禍及兩宗。貽害天下。則其辯豈容緩乎。余非好辯。蓋出乎萬不得已。大方明眼幸諒之。

正名錄六卷終

正名錄卷第七

洞宗世次備考之三

衡陽後學智楷惟直氏述

天竺珍公。出兩宗決疑。因余寄洞濟世次備考而作也。洞宗。鹿門自覺。原出自芙蓉楷下。濟宗。海舟普慈。原出自萬峯蔚下。兩宗向有舊章可據。後之著述家。不從舊章。概據新條。不惟源流疊出。且又混訛紀載。故余詳述舊章。於備考中。逐一點出。某祖事蹟。出載某碑。某集及人名世次。朝代歲月。如揭杲日於中天。高明之士。一目了然。珍公居覆盆下。不覩天日。反謂余不必廣引名公鉅卿碑記。以證少林繼席宗主。爲幾十幾世。且文人筆墨。何足爲憑。嗟乎。何詞與理俱謬至此耶。夫世出世間。聖聖賢賢。一生事業。或載之青史。或勒之貞珉。天下後世有所徵信。據珍公謬言。謂碑記不足憑。公今表出持岳慈瑄靈塔穹碑。高豎江浙。不審可憑乎否耶。本宗殘碑斷簡。破簾敗紙。悉足爲憑。他宗貞珉信史。俱不可憑。嗚乎。此語果以欲服人乎。服已乎。少

林爲初祖道場。歷來皆洞宗諸祖。代膺簡命。開堂說法。珍公概以宗主目之。彼奉旨開堂之祖師。珍公一言鳥足爲輕重耶。特珍公徒自欺其心耳。公欲蓋覆無聞出處年代。反謂余何必窮搜深遠莫考之年代。生扭南北鹿門覺捏爲一人。夫考事之遠近。不以年代。何以知其先後。故歷代國史。不惟逐年系以甲子。且逐日系以甲子。使奸宄之徒。不能妄栽罔布。誣張枉李。故也。如明聰承嗣已死五十四年前之本瑞。此固不可以年代碑記燈錄諸書爲憑。若藉此爲憑。便見其非面稟親承也。吾芙蓉楷。鹿門覺。青州辯。磁州寶。王山体。雪巖滿。萬松秀。雪庭裕。一脈師承。年代碑記燈錄。是俱可考者。如宋徽廟時。洪覺範。濟宗之名宿也。其撰鹿門燈塔銘。明載燈公。於政和七年夏。繼襄州鹿門山政和萬壽禪寺慧定禪師自覺法席。此鹿門覺係北宋徽宗朝人明矣。又祭文明載芙蓉爲燈公之師。自覺爲燈公之兄。此鹿門覺出自芙蓉楷下。又明矣。重修大乘山普嚴寺碑。明載自覺於崇寧三年出住大乘。筭付碑。明載自覺於大觀元年補住淨因。塔記明載自覺於政和元年遷住鹿門。政和七年春示寂。夫崇寧三年出世。政和七年示寂。凡三主大利。歷年僅十四載。則大乘自覺。淨因自覺。鹿門自覺。先後住持。原是一人更明矣。何謂余以南宋鹿門覺。與北宋淨因覺。捏爲一人耶。高宗後爲孝宗。孝宗後爲光宗。光宗後爲寧宗。寧宗後爲理宗。理宗後爲度宗。度宗後爲恭宗。恭宗後爲端宗。端宗後爲帝昺。凡九帝。歷一百五十三年。是爲南宋。珍公指鹿門覺爲南宋人。未審載何燈錄。憑何碑記。在何年代。試說說看。續略雖誤記鹿門覺爲天童淨嗣。並無所謂南宋之說。而珍公乃妄栽南宋二字。別鹿門覺非淨因覺。以便誣余扭捏二覺爲一覺。此等心行。在流俗尙不肯用。稱人天師範之知識。乃甘心用之乎。又引續略。天童淨上堂一篇云。芙蓉楷下二覺可捏爲一覺。楷與淨豈可復捏爲一人。丐迷人之偏執。

難破者。蓋有如此。按續傳燈增集。續傳燈。及禪燈世譜。載天童淨法嗣僅石林秀。孤蟾瑩。雪庵瑾。三人而已。並無所謂鹿門覺也。一箇烏梅語。乃頌語。現刻天童淨語錄內。偈頌中。非上堂語也。其錄內。亦無覺失笑之說。續略。誤紀爲鹿門覺。參天童淨事。亦猶續略。誤紀海舟普慈。參東明岳墮燈悟道之機緣。及岳出關上堂之偈。語故事。同一轍耳。今存稿正宗。俱認海舟永慈爲祖。未審此墮燈悟道之機緣。消歸那一慈下。縱續僧寶傳。以此機緣偈語。可移於翼善慈。萬峯付普慈。偈。豈能移之於東明岳下耶。二慈可捏爲一慈。蔚與岳豈可復捏爲一人耶。珍公既認永慈下智瑄爲祖。存稿。又不合移普慈下。明瑄爲永慈之嗣。明瑄可移爲永慈下。普慈付明瑄法偈。則難移爲永慈事也。明瑄在俗時。造東明塔院。又豈可移之爲智瑄事耶。珍公辨兩宗世次。不揆之於理。一味偏執新條。以非舊章。徒有見誚識者。又不考續略。以一百三十年前。北宋徽宗朝之鹿門覺。爲一百三十年後。南宋理宗朝天童淨之嗣。爲誤。而反執機緣上堂爲不可移易。其考究之眼目何在。辯難之眼目何在。珍公又謂散木老人拈香。當法道初興。失於稽考。後輩翻刻乃定。此後拈散木老人香。稱三十二代者。此時法道已行。稽考確實云云。余備考詳述三十餘種舊章。與散木老祖拈香不謀而合。珍公此語。拗直爲曲。害是亂真。獨不見永樂時。南石琇增集續傳燈紀。洞宗世次乎。他明載雪庭裕嗣萬松秀。秀嗣雪巖滿。滿嗣王山體。體嗣磁州寶。寶嗣青州辯。辯嗣鹿門覺。覺嗣芙蓉楷。所敘人名世次。明如指掌。珍公何不看看。而謂吾散木老祖拈香。失於稽考可乎。公無乃欲圖遮掩本宗僞誤。反塗訛他家世次。智者不爲也。又云。卽據青州塔記中。辯公金皇統九年去世。卽南宋紹興十九年云云者。此又不考雪巖滿。初參鄭州普照寶。一則機緣。載從容錄下卷二十紙。續略。列寶爲未詳法嗣。續續。列寶爲青州辯法嗣。續略。續續。載

雪巖參普照寶者。係河南開封府鄭州普照寶也。辯和尚雖嘗住普照寺者。卽山東青州府普照也。珍公不考分野有山東河南之別。梵刹有青州鄭州之別。人名有辯寶之別。但見雪巖參普照字面。卽指爲參辯和尚。是又難怪乎。指贈瑄玉峯偈。爲付琳玉峯偈。盜延安無聞機緣。爲光澤無聞機緣。甚矣。誤枉之甚。有如此也。夫金之開國在宋徽宗時。元之開國在金章宗時。江淮以北。盡屬金元。自高宗南渡。建都杭州。歷九帝。一百五十餘年。是爲南宋。至元世祖至元十七年。宋亡。始爲一統。於一百五十餘年間。南宋與金元。分爲南北朝。各守封疆。除國家議和外。餘則不敢通往來。丹霞淳下。出真歇了。示寂在高宗紹興二十一年。其奉旨數處開堂。皆在南宋疆內。了下出天童珏。珏下出雪寶鑑。鑑於宋孝宗淳熙十一年甲辰。始住雪寶。載雪寶錦鏡池記。示寂在光宗紹熙三年壬子。載高僧傳。則鑑住雪寶僅九年耳。鑑下出天童淨。其開法在南宋寧宗朝。示寂在理宗朝。此丹霞一支。衍於南宋如此。鹿門覺下出青州辯。據塔記。自敘。政和五年。蒙覺和尚印證。稟命至沂州。禮見芙蓉。尋住泗水龍門山。宣和間出世。青州天寧寺。凡八年。金兵破青州。遂至燕京。初住奉恩。次住華嚴。卽萬壽也。後住仰山。天眷三年。復住萬壽。皇統六年。退歸仰山。九年十二月八日。自書塔記。十二日示寂。觀此。則辯和尚受囑禮祖出世。皆在北宋徽宗時也。宋史載。建炎戊申正月十八日。金陷青州。則辯和尚於南宋高宗建炎二年。始入燕京。其住奉恩萬壽仰山及示寂。皆在金太宗熙宗時。當南宋高宗時也。辯下出磁州寶。於金皇統間。住齊之靈巖。見王山塔銘中所敘。卽南宋高宗時。寶下出王山體。據塔銘曰。正隆五年。受囑。卽南宋高宗紹興三十年。明年。開法王山。大定十三年。示寂。卽南宋孝宗乾道九年。體下出雪巖滿。於大定十九年。開法王山。載王山寺記。卽南宋孝宗淳熙六年。滿下出萬松秀。續略載秀初開法邢

臺淨土。明昌四年。金章宗詔師禁庭上堂。當南宋光宗紹熙四年也。承安二年。詔住仰山。當南宋寧宗慶元三年也。晚住報恩。及從容庵。塔銘載示寂在蒙古定宗元年。當南宋理宗淳祐六年也。秀下出雪庭淳。續略載裕壬辰住少林。壬辰卽金哀宗天興元年。當南宋理宗紹定五年也。戊申詔住興國。戊申卽蒙古定宗三年。當南宋理宗淳祐八年也。庚申元世祖卽祚。賜光宗正辨之號。當南宋理宗景定元年也。至元八年。元世祖詔集天下沙門。雪庭之嗣居三之一。當南宋度宗咸淳七年也。至元十二年示寂。當南宋恭宗德祐元年也。此鹿門一支衍於金元如此。今珍公偏執續略爲據。謂鹿門覺的出天童淨下。然如淨既係宋季時人。豈淨下所出一支。得與五世祖丹霞一支並衍於南北朝耶。又萬松秀於南宋紹熙初開法邢臺。是與雪竇鑑同時。豈有一脈所出八世祖孫同時弘法於宋金之國乎。又淨公既爲南宋寧理二宗時人。而脚下所出之子孫反爲北宋徽宗時人乎。珍公何不智之甚。何定要扭捏北宋徽宗朝之鹿門爲南宋寧理二宗朝天童之嗣耶。且又妄謂紹熙間雪巖參見辯公。不知紹熙初萬松雪竇皆同時弘道者。據公妄說。則雪竇四世孫青州七世孫雪巖八世孫萬松皆紹熙間人。豈一母一胎所生者乎。至謂參見機緣載之燈錄。今考續略續並無雪巖參見辯公之事。亦無紹熙年間辯公爲雪巖參見之年代。豈續略續續外別有所謂燈錄耶。燈錄既無所載。則公所謂莫考年代。無根妄捏。適足以自首自證其罪也。公無乃要塗抹青州塔記。故妄栽一紹熙年代。使祖孫上下世次俱不合。以誣祖誣人之罪加人。曰益彰汝之年號。塔記皆是無根捏出。嗟乎。此等心行。指鹿爲馬。誣天罔地。良心可謂喪盡矣。天理可謂昧盡矣。吾不知天地間乃有此等人耶。若實不知鄭州普照非青州普照。寶公非辯公。則當謙虛下氣。著艸鞋博問先知。審實州郡人名之別。乃爲得也。若已

知人名州郡之殊。故意臧誣古人。塗訛舊章。豈善知識之設心當如此耶。

芙蓉楷法嗣。會元收十三人。第一丹霞淳。第五淨因自覺。第十鹿門法燈。十三人之內。並無二自覺也。余洞濟世次備考中。據覺祖塔記曰。崇寧三年住大乘。大觀元年住淨因。政和元年住鹿門。則知鹿門自覺卽淨因自覺也。故引覺範撰法燈塔銘。謂燈於政和七年夏。繼襄州鹿門慧定自覺法席。又祭燈文曰。慧定旣化遷。住鹿門。旣孝其師。又悌其兄。故余申明之曰。覺範紀芙蓉爲法燈之師。鹿門慧定自覺爲法燈之兄。則鹿門自覺卽淨因自覺。嗣芙蓉楷明矣。珍公作存稿增集跋曰。以洞宗世次卑下於諸方。謬指覺範所撰銘文。爲證政和初之淨因覺。卽紹熙末之鹿門覺。二覺合爲一覺。自絕六世淳了珏鑑淨覺正傳之祖。據銘文中並無淨因之稱。但述惠定禪師自覺革律爲禪。開剏未半而逝。蜂窠蟻穴。賴燈公一新之。惠定下旣有青州辯。當時推爲入此宗者。皆其後學。何不卽命辯公繼席。反藉同門燈公振起而新之。灼見政和間惠定下未有辯公無疑矣。嗟乎。珍公心行用至此極矣。不惟謂惠定自覺非淨因自覺。亦謂青州辯非惠定之嗣。邪說之甚。無甚於此。準公邪說。指政和初之淨因覺爲芙蓉之嗣。指紹熙末之鹿門覺爲如淨之嗣。是爲二自覺矣。連此惠定自覺。歷然三自覺也。不審此自覺消歸何人。若消歸芙蓉下。公謂非淨因自覺。若消歸如淨下。又非紹熙末之自覺。又不應於政和初住鹿門也。不經之談。豈不是邪說。銘中無淨因之稱。便謂惠定非淨因自覺。又不合謂惠定法席。藉同門振起。自語矛盾。豈不是邪說。續略續續以自覺嗣如淨。妄引一箇烏梅作上堂語。以爲契合機緣。其錯誤辨見於前。按其傳。但曰。後承印記出住鹿門。並無紹熙末鹿門覺之稱。汝師存稿亦無此稱。無根僞捏紹熙末之鹿門覺非政和初之淨因覺。以爲誣人以二覺合爲一覺。欲輩次高

出諸方。故自絕六世正傳之祖之張本。不經之談。豈不是邪說。公前僞捏紹熙年間辯公三世孫雪巖滿尙及參見機緣載之燈錄。今又僞捏紹熙末鹿門覺非政和初淨因覺。準公邪說。紹熙止有五年。鹿門覺出青州辯。辯出磁州寶。寶出王山體。體出雪巖滿。祖孫五代參師受囑開法。總在紹熙五年之間。有是理乎。不經之談。豈不是邪說。按錦鏡池記載智鑑於宋孝宗淳熙十一年甲辰住雪寶。高僧傳載鑑於光宗紹熙三年壬子示寂。則鑑住雪寶僅九年耳。壬子後癸丑甲寅。至乙卯改元慶元。乃寧宗之年號也。汝師存稿於鑑事迹闕載。於如淨傳中亦未載受囑開法示寂之年月。但曰師六坐道場。未稟師承。衆有是請。師曰。我待涅槃堂裏拈出。果臨終拈香曰。如淨行脚四十餘年。首到乳峯。失脚墮於陷穿。此香今不免拈出。鈍置我住雪寶足庵大和尚。并書辭世偈曰。六十六年。罪犯彌天。打箇蹣跳。活陷黃泉。咦。從來生死不相干。書畢。泊然而逝。以此推之。則如淨受囑在壬子前。開法在寧宗朝。示寂在理宗朝明矣。據此。則其父其子。尙在紹熙年間。兩相授受。而其孫自覺。亦於紹熙末年。預先出住鹿門。有是理乎。不經之談。豈不是邪說。存稿列雪巖滿章次。曰。初見普照寶照。曰。兄弟年俊。正須參叩老僧。當年念念。常以佛法爲事。滿乃避席曰。和尚卽今作麼生。照曰。如生冤家相似。滿曰。若不得和尚此語。幾乎枉行千里。照便下禪牀。握滿手曰。作家。那復參王山。得受記莚。繼踵地持。此雪巖機緣也。載汝師燈錄中。但曰初見普照辯。亦無紹熙年間之說。珍公誣天罔地。僞捏紹熙年間青州辯爲雪巖滿所參。豈不是邪說。法運際宋朝。凡梵剎舉住持者。皆奉朝命。如圓悟大慧住持數剎。悉皆奉詔。如芙蓉住淨因。陞法雲天寧。自覺住大乘淨因。鹿門。悉皆奉詔。銘中明說法燈自沂州禮辭芙蓉。復至京師。奉詔住鹿門。朝命也。非惠定所命也。珍公謂惠定不命辯公繼席。便謂辯公

非惠定法嗣。然則馬祖未繼南嶽法席。百丈未繼馬祖法席。乃至龍池未繼笑巖法席。便謂龍池馬祖非笑巖南嶽法嗣可乎。不經之談。豈不是邪說。又曰。况靖國政和天下清寧時也。青州百問之雄辯。定應流布四方。何續燈五燈竟無聞焉。若辯公固嗣惠定。則與眞歇了同爲青原下十三世孫矣。豈有眞歇下珙鑑淨三世四十餘人。班班俱載燈錄。何獨遺政和間之一辯。孰知長翁鹿門大川未及見錄。焉能先見青州於會元耶。推此。辯公確嗣紹熙間之鹿門。判然無疑矣。珍公眞井中蛙。不見天日。宜乎取笑識者。青州通玄二百問合刻與從容請益諸錄。流行於世。其來舊矣。蓮大師行脚至燕。得古本翻刻流通。板存雲棲。嘉興梵受經坊亦刻有板。指月錄書目。亦有青州百問名。古今著語作頌者不知凡幾。謂不流布四方可乎。據辯祖塔記。自述政和六年至沂州禮見芙蓉。經年尋住龍門。則在政和七年矣。明年改重和。又明年改宣和。辯於宣和間出住青州府天寧寺。經八載。遂至燕京住奉恩萬壽。按京城勝果正緣碑。謂辯祖天會六年至燕。卽南宋高宗建炎二年也。今按青州百問曰。中都大萬壽禪寺辯和尚問。慈雲十身禪寺覺和尚答。燕京報恩禪寺林泉老人頌。華亭生生道人梓。通玄百問曰。玉溪通玄庵圓通大禪師設問。摩訶菩提蘭若萬松和尚仰答。龍巖林泉老人頌。華亭生生道人梓。慈雲通玄俱辯祖法嗣。萬松乃辯祖五世孫。通玄四世姪孫。林泉乃萬松法嗣。生生道人不知嗣法何人。據此。則百問出在金太宗天會年間明矣。今不必廣引古碑文獻爲據。只此百問署名立決續略錯誤。續略明載萬松明昌四年奉詔入宮陞座。則初開法邢臺。實與智鑑同時。而父子與智鑑四五世祖著語作頌可也。與四五世孫青州通玄著語作頌。無是理也。著語作頌俱在金章宗時。去上太宗天會時。已七八十年矣。顯見萬松五世祖青州辯係天會時人明矣。續略以高宗建炎紹興間之青

州辯爲寧理二宗時如淨三世孫。其錯誤立決無遺矣。準公邪說。捏出紹熙間鹿門覺。又不合以六十餘年建炎紹興間之青州辯爲之嗣。而反妄謂判然無疑。不經之談。豈不是邪說。續燈五燈俱出在南宋之季。青州辯住在北金之國。百問雖流布金國。二書終不能入敵國收之也。珍公妄謂無聞。然則一載汝師存稿。一載汝叔續正法眼藏。不審聞耶否乎。不經之談。豈不是邪說。真歇下珏鑑淨三世俱住宋浙境內。故燈錄備收四十餘人。然續燈於淨惟紀空名不列章次。會元竟不收。汝師存稿列淨章次。曰。出世閱數刹後遷淨慈。復奉敕陞天童。據此則如淨出住數刹。名聞四方可知矣。及遷淨慈。奉敕陞天童。則其名又聞於九重之內矣。迄今尙有語錄行世。當大川住靈隱輯會元時。密邇淨慈不過數里。如此奉敕開堂顯名尊宿。於四十餘人班內不見載之抑又何耶。况遠在金燕敵國境內之青州辯乎。珍公見會元續燈遺辯未收。遂僞捏一紹熙間之鹿門覺勒辯嗣之。以亂人宗祖。訛人世次。不經之談。豈不是邪說。珍公重疊返復矯強邪說。扭定青州辯之師鹿門覺確嗣天童淨。余更有說焉。據汝師存稿曰。襄州鹿門覺禪師參長翁。值翁上堂曰。一箇烏梅似本形。蜘蛛結網打蜻蛉。蜻蛉落了兩片翼。堪笑烏梅較鐵釘。師在衆中不覺失笑曰。早知燈是火。飯熟幾多時。後承印可。出住鹿門。示衆曰。盡大地是學人。一卷經。盡乾坤是學人。一隻眼。以者箇眼讀如是經。千萬億劫常無間斷。報恩秀曰。看讀不易。以如淨語錄檢之一箇烏梅頌靈雲公案非上堂語。亦無紹熙間之年代。示衆著語出載從容錄。作在金宣宗興定二年戊寅。去紹熙末年甲寅。僅二十五年。以二十五年。前鹿門覺示衆法語。收入從容錄中可也。以之爲萬松六世祖則不可。據珍公考青州辯確嗣紹熙間之鹿門覺。然辯出磁州寶。寶出王山體。體出雪巖滿。滿出萬松秀。此祖孫六代一脈世系。確乎如天地日月之常經不可易。卓然

如泰山北嶽之雄峙不可拔。無容其間增五減五。移北歸南。以爲秦時漢代之人。誠謂千古一定之鐵案也。據遠門柱公摘欺說。表示續略所得諸祖言句出處曰。鹿門覺示衆得自從容錄上六紙。五位頌得自宗旨緒餘十五紙。青州辯前一段得自續文獻通考。垂語得自本錄。賓主頌得自宗緒二十紙。十六題得自宗緒四卷八紙。五位頌得自宗旨十六紙。磁州寶示衆得自請益錄下九十二紙。五位頌得自緒餘十六紙。慈雲覺得自青州百問。王山體得自請益錄下六十六紙。三種獅子語得自請益錄下十七紙。尊貴旨得自請益錄上十二紙。五位頌得自宗緒十七紙。仁山恆得自從容錄上四紙。雪巖滿得自從容錄下二十紙。與勝默同參話得自請益錄上四十紙。上堂得自請益錄序第一紙。五位頌得自宗緒十七紙。勝默光前一段得自從容錄下一百七紙。後一則得自從容錄上四十七紙。磁州詮得自從容錄上七十二紙。以下不及述。自覺辯寶體滿五世九人。班班俱載。從容請益諸錄。一一可稽。字字可考。非破篋敗紙者比。準公邪說。自紹熙末之鹿門覺至興定初之萬松秀。祖孫六世一脈相承。凡十人。爲一母一胎所生。總在此二十五年之內。一齊出世。開堂說法。有如許法語。爲萬松收入從容請益二錄。不審有是理乎。無是理乎。據此。則萬松六世祖鹿門覺非南宋紹熙末之鹿門覺。係北宋政和初之鹿門覺明矣。據此。則萬松六世祖鹿門覺確嗣北宋哲宗元符間之芙蓉楷。非嗣南宋寧理二宗時之天童淨更明矣。據此。何須許多古碑文獻爲證。然後知續略續續繼燈諸書之錯誤哉。只消此存稿一篇示衆。如秦鏡當臺。彼諸魑魅魍魎逞盡伎倆。用盡心行。到此立見冰消瓦解。所謂一真一切真。一僞一切僞。今之修明僧史者。窮搜極討。請先擇此真僞可也。

鼓山永覺賢禪師作博山來和尚語錄序曰。佛祖之道。如金剛王寶劍。得之不易。用之不易。付之不易。亦不易。以其皆不易也。故傳持斯道者實鮮其人。而魚目混珠。山雞冒鳳者。嘗半天下也。此語罵盡天下古我曹洞一宗。盛於唐。衰於宋。是何言歟。如芙蓉楷祖父子。皆至元似復盛而實衰。是何言歟。青州辯祖。一支衍賜號。元世祖大集沙門於京師。其故蓋難言之也。難言耶。迨國朝初。雪庭裕公奉詔住少林。莫亂說。續續於金哀宗天興元年。壬辰。住少何謂衰耶。其故蓋難言之也。難言耶。迨國朝初。雪庭裕公奉詔住少林。莫亂說。續續於金哀元年。一百三十五年。何謂國初。耶。天下學者翕然宗之。歷傳至萬曆改元。虛白載遷化。莫亂說。續續於金哀元年。甲申。行年七十五。何謂國初。耶。天下學者翕然宗之。歷傳至萬曆改元。虛白載遷化。莫亂說。續續於金哀萬至曆元年。計五十年矣。何謂萬曆改元。遷化耶。詔小山書補其席。莫亂說。續續於金哀耶。

四方之腰包而至者。如鳥投林。如魚赴壑。其也。而書公乃講習評唱爲事。大失衆望。何其時有蘊空忠和尚。先事虛白老人。有年。受其密印。歸隱盱江之廩山。天下不得而物色之。於小山前。讚後毀此。褒貶施於兄弟。小山書禪師。中興其道。大有講習評唱。爲事。乎。慈山大師。謂雪庭裕之。

禪師。乃己所尊親。則讚之。此褒貶施於兄弟。小山書禪師。中興其道。大有講習評唱。爲事。乎。慈山大師。謂雪庭裕之。所爲。耶。改此。廩山。同。萬曆。改元。殊。不知。謾刺。小山。即。所以。其。道。大。章。即。小。山。亦。已。謾。刺。虛。白。矣。與。洞。山。大。師。道。雪。庭。裕。化。耶。詔。休。潤。補。其。席。曰。萬。曆。改。元。殊。不。知。謾。刺。小山。即。所以。其。道。大。章。即。小。山。亦。已。謾。刺。虛。白。矣。與。洞。山。大。師。道。雪。庭。裕。有。蘊。空。詔。休。潤。補。其。席。曰。萬。曆。改。元。殊。不。知。謾。刺。小山。即。所以。其。道。大。章。即。小。山。亦。已。謾。刺。虛。白。矣。與。洞。山。大。師。道。雪。庭。裕。

見。人。有。二。父。未。之。聞。也。廩。山。老。人。有。年。受。其。密。印。歸。隱。盱。江。之。廩。山。天。下。不。得。而。物。色。之。於。小。山。前。讚。後。毀。此。褒。貶。施。於。兄弟。小山書禪師。中興其道。大有講習評唱。爲事。乎。慈山大師。謂雪庭裕之。化。耶。詔。休。潤。補。其。席。曰。萬。曆。改。元。殊。不。知。謾。刺。小山。即。所以。其。道。大。章。即。小。山。亦。已。謾。刺。虛。白。矣。與。洞。山。大。師。道。雪。庭。裕。此。高。品。之。子。也。幻。休。何。辜。此。爲。虛。白。子。受。其。密。印。歸。隱。盱。江。之。廩。山。天。下。不。得。而。物。色。之。於。小。山。前。讚。後。毀。此。褒。貶。施。於。兄弟。小山書禪師。中興其道。大有講習評唱。爲事。乎。慈山大師。謂雪庭裕之。

事。則。小。山。善。髮。不。可。移。易。可。事。也。非。信。史。也。賢。公。記。小。山。事。可。謂。善。惡。齊。書。謂。之。又。爲。二。物。姓。家。奴。矣。有。小。山。何。幸。得。也。所。致。一。夥。妄。吠。逐。塊。之。徒。往。往。藉。公。認。口。實。肆。謗。少。林。諸。祖。爲。評。唱。之。流。未。明。本。分。斯。皆。幻。休。施。於。人。既。爲。公。子。心。作。如。此。險阻。故其言功夫爲獨詳。其慧光渾圓。辯才無礙。波瀾浩蕩。莫窺涯際。故學者多望洋而退。其門庭緊密。

金鑰立辨。高提祖印。不妄許可。故假雞聲韻者。不得冒渡關津而惑亂羣聽也。心行何苦。與人作死冤家。數人如檀度賢者輩出。比鼓山殊勝赫奕。謂不妄許可乎。又何嘗因此一言以斬絕博山之嗣續耶。出徒用如許心行。既曰不得冒渡關津。當見需公作丫山塔銘。敘爲博山法嗣。抑又何耶。父子矛盾如此。余因先師遷化後。曾相依三載。雖無所得於師。然三載之中。未見其一語滲入情識。但勉以向上事。則師之有造於余也大矣。及余隱荷山。師自石鼓歸。道經建州。晤於光孝寺。師曰。壽昌掃塔也未。余曰。掃即不廢。祇是不許人知。師曰。怎麼則偷掃去也。余曰。賢祇如此。和尚又作麼生。師曰。掃即不廢。祇是不曾動著。余曰。和尚却似不曾掃。乃一笑而別。入此機緣。以爲承嗣壽昌張本。及師滅。其語錄浩繁。連編累牘。流通爲難。故遐方僻壤。聞師之名。向師之化。而語錄實未嘗觸於目者有之。余自壬午秋。歸錫石鼓。乃因渾朴上人之請。僭於全錄中擇其精要。類而合之。視全錄僅十之三。然簡而易行。約而易致。使天下學者。即是窮之。可以見其大全。使知博山之道。其廣深密有如此。非癡守一槪者。可恍惚其萬一也。癡守一槪。刺天重。以致嚴統削靡。博山於未詳。正所謂爲人必自侮。然後人侮之。悲夫。嗚乎。廣陵散不復作矣。今幸其譜猶存。安得於清風白月中。再聞斯曲乎。時崇禎癸未春正月燈節日。住福州鼓山湧泉禪寺傳曹洞正宗沙門元賢題於所居之嘯呻齋。

鼓山爲霖。滯禪師出源流辨謬。蓋辨白巖不合改洞宗世次。其說多不經。本不屑與較辨。第嫌他無眼阿師。引資辨端。甚至翻刻。廣布流言。無有砥止。今霽崙永公又引以爲例。以譜洞宗世次。關係法門不小。不得已聊辨數段。請質高明。愚幼失讀。不通文理。罔知尊卑上下稱呼。但每見人子孫爲祖父撰述行狀傳記。皆曰師諱某某。青州辯祖稱鹿門芙蓉曰諱自覺曰諱道楷。與撰述何異。鼓山略去兩諱字。反誣不合。於本師及師翁。皆直叱其名曰鹿門自覺曰芙蓉道楷。竟不爲少諱。安有這般文理。賊誣於人。豈不是心行。以之闢白。

巖可也。以之正祖碑爲僞。不智甚矣。

塔記一碑兩傳。辯祖所書者爲正傳。高刻二字。正寂所述者爲附傳。低刻二字。正傳不及述。其末曰。皇統九年十二月八日病中書此。以爲塔記。辯祖自書止此而已。附傳曰。師於當年十二月十二日書偈垂誠。至亥時怡然而逝。十五日荼毘。葬於仰山棲隱寺。正寂遂於荼毘灰燼中收拾微小靈骨得數十粒。復獲牙一枚。念先師住持仰山萬壽。雖大振宗門。而彼二處立爲十方。唯清水度僧近二百數。若不建塔立石。切恐向後年深失於依止。與衆共議。遂建此塔。以爲久遠之傳。天德三年三月十五日。陽臺山清水院山主小師比丘正寂建塔立石。此正寂述其建塔立石之事。附刻碑末如此。鼓山略去附傳。師於當年十二月日書偈垂誠。至怡然一十五字。掠取十二亥刻示寂六字。接連上正傳十字。作一句一氣讀來。曰。皇統九年臘八親書塔記。十二亥刻示寂。復曰。試問此數語。爲是未死之先預敘耶。抑亦死後復起再敘耶。其僞三也。觀此則知鼓山盡生平所有生滅心行用至此。可謂極矣。而又刻告天下。不惟智者見之。知塔記爲僞。卽三尺童兒見之。無不知爲僞也。害是亂真。何可砥止。以之闢白巖可也。以之正祖碑爲僞。不智甚矣。此名指有言空。指空言有。成大妄語。檢之四分則犯四棄之律。檢之梵網則犯十重之條。鼓山生平以開戒爲事。試問每披如來衣。坐如來座。宣揚如來寶戒。不審心中有愧否。若有愧。不應自犯如此條章。若無愧。是自棄佛海邊外矣。雪竇鑑於孝宗淳熙十一年甲辰住雪竇。載雪竇錦鏡池記。示寂在光宗紹熙三年壬子。載明高僧傳。壬子去甲辰九年。則鑑住雪竇僅九年可知矣。此千古不磨之鐵案也。壬子後三年爲寧宗慶元元年乙卯。又後三十年爲理宗寶慶元年乙酉。按續略諸書紀如淨出世。六坐道場。行道四十餘年。則受囑在壬子之前九

年之內明甚。開法在寧宗時。示寂在理宗時。明甚。續略載萬松初開法。邢臺淨土。金章宗明昌四年。詔入宮中說法。其下小註曰。卽南宋光宗紹熙四年。乃智鑑示寂之次年也。據此。則萬松初開法。邢臺與鑑同時明甚。此時如淨尙未受囑。何遽有淨之法嗣。鹿門覺示衆法語爲萬松收入從容錄耶。况又以之爲萬松六世祖。以如淨爲萬松七世祖。以智鑑爲萬松八世祖。則知續略以從容錄中所收之鹿門覺爲寧理二宗時如淨之嗣。其錯誤判然明矣。固知從容錄中鹿門覺卽淨因覺。非嗣南宋寧理時之天童淨。確嗣北宋哲宗時之芙蓉楷。明甚。鼓山扭定從容錄中鹿門覺爲如淨嗣。豈非指鹿爲馬乎。以之闢白巖可也。以之正祖碑爲僞。不智甚矣。

續續載青州辯參鹿門覺。問如何是盡乾坤。是學人一隻眼。覺曰。汝被一卷經遮却也。辯擬對。覺搖手曰。不快。漆桶去。辯於是有省。得言外旨。出住中都萬壽。按此機語。出載洞燈紀略。大統收入辯祖章中。非無據也。鼓山兩引續續。以資駁辨。難道此機語未寓目耶。誣白巖捏出。豈公論耶。以之闢白巖可也。以之正祖碑爲僞。不智甚矣。

會元收芙蓉法嗣十三人。一曰淨因。自覺。一曰鹿門法燈。十三人內并無二自覺法燈也。覺範銘中明敘法燈自沂州禮辭芙蓉。復至京師。於政和七年夏。奉詔繼鹿門自覺法席。又祭文明言芙蓉爲法燈之師。鹿門自覺爲法燈之兄。則鹿門自覺非淨因。自覺而何。鼓山謂淨因覺嗣芙蓉楷。會元自有列傳。與鹿門何涉。準高裁則法燈可消歸芙蓉下。鹿門自覺消歸何人。將莫消歸如淨下。始合其臆說耶。又謂淨因覺下。旣傳華嚴蘭若。青州果是淨因之嗣。豈有遺之之理。淨因鹿門可辨爲兩人。青州之師無二自覺。若謂確嗣如淨下。

之自覺不應爲萬松六世祖。如淨受囑不應在萬松開法之後。智鑑不應與萬松同時。眞歇不應與青州同時。如淨不應出世在寧理二宗時。又謂續傳燈載如淨嗣唯石林秀孤蟾瑩遺鹿門覺者。一人見聞有限。得此遺彼。是其常情。無足怪者。然則會元得此遺彼。是其常情。又何逞其疑難耶。會元失錄。非止一人。當金元時在燕京弘道者。雲門下則有聖安圓通善國師一支。臨濟五祖演下則有慶壽璋慶壽簡一支。圓悟勤下則有佛日堯廣慧通理一支。曹洞下則有青州辯一支。非獨遺青州一人。鼓山扭定會元。收蘭遺辯。肆逞難辨。豈非心行乎。以之闢白巖可也。以之正祖碑爲僞。不智甚矣。

增集一書。出在明初。紀洞來源。明如指掌。上符祖碑。無二無別。獨與鼓山判然不合。斥爲背戾。殊非雅論。以之闢白巖可也。以之正祖碑爲僞。不智甚矣。

續略一書。妄引僞合。錯誤多端。辨見於前。續續繼燈傳燈正宗。悉本續略。以訛傳訛。額乏智眼。胸富私心。謬執諸書。硬證必是。以之闢白巖可也。以之正祖碑爲僞。不智甚矣。

祖父豐碑。卓豎祖庭。白巖引證。非無據也。鼓山未到諸大祖庭。焉知祖碑有無眞僞。株守一隅。管窺蠡測。只憑臆說。誣人捏出。以之闢白巖可也。以之正祖碑爲僞。不智甚矣。

諸士大夫鉅儒名家所作碑銘。具載文集。又非白巖授意而作。致與鼓山世次不合。槩指爲非。豈非邪說。以之闢白巖可也。以之正祖碑爲僞。不智甚矣。

顯聖一支。祖孫三代。表揚世次。昭若日星。秦鏡當臺。萬象何匿。是楚非漢。反辨爲誤。以之闢白巖可也。以之正祖碑爲僞。不智甚矣。

據鼓山謂壽昌源流。先師嘗爲余言。昔無明師翁得道後。行脚至少林。始得其詳。霈公親稟賢公。賢公親稟壽昌。父爲子言之。子爲孫言之。則壽昌源流。豈有不的之理。所以賢公以廩山嗣虛白。詳書於博山序中者。蓋遵壽昌的的詳明之源流也。又謂昔遠門柱禪師。親至少林。蒐訪諸祖履歷。片紙皆錄。隻字猶傳。極爲苦心云云。固知霈公以廩山嗣小山。以丹霞五代列入世次中。作曹洞正宗源流譜。頒示天下後世者。蓋遵遠門的的詳明之源流也。試問鼓山。此二說爲復俱可據耶。不可據耶。爲復確據壽昌耶。據遠門耶。若俱可據。應有二廩山。一嗣虛白。一嗣小山可也。若俱不可據。則廩山消歸何人。若單據壽昌又不合。聽信遠門輕爲浮言疑辭所搖惑。而昧却祖父親言親筆之源流也。若單據遠門又不合。諄逆壽昌。遠從少林。詳考之源流也。必何所據始爲定譜。俾壽昌子孫不致訛誤相承耶。

智者觀書。但體究大頭腦處。其餘細瑣不顧也。辯祖塔記大頭腦在參鹿門禮芙蓉處。祖孫三代顏色親承。非如淨脚下所出明甚。鼓山得之。反於細瑣處。求其毛病。搜其漏洞。不體究大頭腦處。釐正世次。著爲定譜。以致湘翁和尚曰。鼓山闢謬。借附強聾。私啓亂階。彼獨不見廩山遭異教之謗。壽昌蒙苦行之辱乎。鼓山安其謗。任其辱。不依燈統清理世系。仰答祖父靈明。無亦浪叔祖竺和尚早逝。大人不作。徒使家賊難防。含笑亦合哭也。誠哉斯言也。

湘和尚此言。可謂理無曲斷。第不知鼓山別有心事。奈緣燈統以能事既畢。悉已登載。能事未畢。以待將來。故於鼓山未列章次。因茲銜恨。特借改世次以闢之。洩其私忿耳。山曉窺見一斑。故將謬闢翻刻廣行。以益其心之所快也。旋以鼓山語錄收入寶積錄中。專僧致之。以遂其心之所欲也。鼓山不覺不知墮彼計中。忙

修復書。褒貶雙行。山曉刻附寶積錄後。所謂借刀殺人也。故湘和尚曰。閱寶積見山曉事。鼓山至恭謹。笑曰。此晉人假虞以伐虢也。然晉雖善謀。垂棘屈產之璧乘。後果安在哉。再見鼓山答山曉至卑睦。笑曰。此叔孫輒投吳而亂魯也。君子不以所惡廢鄉。有託則隱。圓頂方袍。以小惡而欲覆宗親。不亦難乎。又曰。鼓山痛異教與苦行之謗。父兄伯叔。受人屈抑。而莫可誰何。今特納假道之璧乘。認鄰封之瓜葛。擬徼福青原烈祖。殄讒患於未來。奈棄其所親不義。因其所危不仁。以亂易整。不忠。損怨益仇。不智。有茲四失。是謂髦焉而殆。將及之也。又曰。雖寶積明檢我新條。暗黷我舊典。是枉費心思。何益。心思既枉費。又何害。若鼓山讒誣我雲門子孫。是蔑視雲門湛祖嫡傳。洞上源流。義不共戴。暫置在言外。再聽鯤鵬之自變化也。嗟乎。欲洩一私忿。致取誚於識者。一至此乎。

雲棲達觀。憨山三大師。明末高僧也。有收入洞宗者。收入濟宗者。略而不收者。收於未詳者。紛紛紀載。迄無定論。故燈統收於尊宿一科。此所謂千妥萬當也。至於年甲一二字之錯誤。此乃寫刻較對不細心之故。亦無關係法門也。鼓山於千妥萬當處。卒討頭腦不著。刻意於一二錯誤字眼處。搜其毛疵。捉其漏洞。是猶棄醇醴而鐘糟粕也。獨不見博山一序乎。一錯再錯。乃至錯錯層出。何父子不斟酌。遂至此耶。

牧堂舒公出正譌一書。蓋正燈統洎世次備考之譌也。備考詳述祖父之碑銘。與夫諸家之文獻。不啻數十種。爲之舊章。以續略諸錯誤之書爲之新條。折衷參訂。釐正世次。有補法門不小。舒公反正續略爲舊章。燈統備考爲新條。復引譙周羅泌不經之談。以文之飾之。豈不是邪說。至謂但見其世次。不見有源流。第一代某乃至二十七代雲門澄。既無源流可證。非丹霞淳一脈而何。此又昧心極矣。備考明述曹洞正傳宗派圖。

洎洞宗正統圖。始自達磨。歷敘至芙蓉楷下。卽曰鹿門覺。覺下敘至宗鏡書止。非源流而何。然亦不見有源流。第一代洞山乃至第三十代廩山。旣無源流可證。焉知出自丹霞淳一脈耶。據鼓山賢以廩山嗣虛白。自萬曆改元迄崇禎癸未。計七十一年。歷載忠經賢四代相傳之源流也。據鼓山霈。一旦以廩山改嗣小山。自癸未迄今五十年。歷書忠經賢五代相傳之源流也。然則上授下受之意。不在小山。虛白廩山。總在鼓山父子之握。此廩山來源如此。按賢公述壽昌行業記。謂昌庚子春徧參。西登匡廬。上荆襄。至少林。訪無言而歸。明年東遊兩浙三吳。抵五臺。訪瑞峯。旋寶方。癸卯始開堂。時衆謂昌必嗣少林。或嗣臺山。及片香拈出。乃嗣廩山。若壽昌果承廩山付囑。何人天大衆有此猜卜。是則上授下受。不在廩山少林臺山。或嗣臺山少林廩山。其意總在壽昌。此壽昌來源如此。按賢公本傳曰。萬曆丁巳年四十投壽昌落髮。問清淨光明身機緣有疑。戊午壽昌化去。天啓癸亥。舟聞經聲始大悟。時壽昌化去六年矣。又數年後依博山。自言勉以向上事。有造於己。可謂更上一層樓。則向之曰大悟淺深可知矣。旣在博山處發明向上事。片香爲博山拈出。理也。爲壽昌拈出。豈非類興化之追承乎。此鼓山來源如此。至於廩山嗣虛白。若廁丹霞五代於中。則爲洞山二十九世。嗣小山則爲三十世。此世次不一如此。按壽昌博山東苑鼓山拈酬法乳香。不見一人表揚曹洞幾十幾世。此世次含糊如此。不見舒公正其譌以刻告天下。抑又何耶。公不見嚴統謂廩山從事異教。未曾承嗣。宗鏡直筆削去燈統不合。將從事異教之廩山收嗣。宗鏡此譌當正。嚴統謂壽昌未曾承嗣廩山。列於未詳。燈統不合。將未詳之壽昌收嗣廩山。此譌當正。嚴統謂元鏡元謚元賢未經付囑。削置譜外。燈統不合。將未經付囑之三人。收嗣壽昌。此譌當正。本支有此三大譌。自當早正。勿使異日爲他宗人正之可也。

芙蓉楷下出丹霞淳鹿門覺二人。覺下一支。衍於北金。至靈隱泰爲芙蓉九世孫。淳下一支。衍於南宋。至雪竇證亦芙蓉九世孫。燈統齊收爲少林二十六世同輩也。舒公以年甲正之爲譌。謂泰死後九年證始生。安得爲同輩。然則世間一母所生。有兄夭而亡數年後弟始生者頗多。况泰證九世分居之伯仲乎。故泰死數年證生。是其常情。何足怪哉。又謂證與泰未必是同行輩。乃牽合之列耳。觀此說。名雖正泰證非同輩。其實正鹿門覺必嗣天童淨也。準公邪說。則泰爲證六世孫。以六世孫死於六世祖未生九年前可乎。請先自正其譌。然後正人可也。

洞燈紀略一書。自鹿門覺收止無方從。明成化時普照所集也。近代南庵和尚得之於前。補入丹霞數代於後。續收壽昌雲門數代。序而刻行之。舒公見收鹿門爲芙蓉法嗣。便謂此書刻於燈統已成之後。與燈統同一機軸。暗指爲白巖僞造。公獨不見汝祖浪丈人傳燈正宗。兩引洞燈紀略入凡例序文乎。又不見遠門柱摘欺說中表出洞燈紀略係普照之所集乎。謂刻在燈統後同一機軸。爲白巖僞造可乎。公得此書。理應特書正書。徧告本支班正典型。仰答祖父靈明可也。反正之爲譌。雖蛇虎不若也。

竊觀法運所行。南北不能並盛。所以青州辯祖弘法北地。子孫繁衍。愈昌愈熾。而宏智覺真歇了。唱道南方。雖光大先猷。其奈數傳之後無聞矣。逮明季幸我壽昌經雲門澄二祖復中興曹洞一宗於南方。迄今樵拂之聲徧海內者。皆二祖之力也。而北地無言道公一支。數傳之後漸不聞也。可見法運不能並盛。有數存焉。居今之世。洞下兒孫徧天下。要之。總是壽昌雲門兩支。而兩支共祖。宗鏡世代非遠。宜乎互相推讓讚揚。俾石頭馬祖互相推讓讚揚之淳風。復振於今日。豈不美哉。奈何去聖時遙。人心不古。動輒操戈相待。非法運

衰兆實法運之大衰也。往見濟與洞相非。已是大傷法門元氣。今洞與洞相非。則法門元氣喪之盡矣。昔巖統出改易。刪除見聞駭異。當此時也。法門爲之一大變壞。幸白巖漸次著書。匡時救弊。考清譌誤。訂正宗譜。有功法門誠不小也。不意夜光投人。人反按劍。故余復述洞濟世次備考一書。徧告高明。咸知兩宗從上祖父舊章可遵。漸行改正。是非將息。不意舒公冷灰豆爆。肆出正譌。觀其用心。不過趨奉風旨於鼓山。阿迎逢遇於時輩。以成汝師觀濤奇公之成意耳。奇公雖未出書。攻白巖。實有書上鼓山。鼓山謬辨實被奇公激怒所出。余深爲惜之。何也。鼓山爲壽昌一支戶長。可謂尊之極矣。被奇公搖惑。且置勿論。彼山曉何等人物。而卑辭迎逢。一至於此。則自己人品何在。立步何地。然自取其自輕自賤。關係法門小。而謬讚寶積揀魔辨異。撥亂反正。禪海奇珍。希世至寶。關係法門。莫此大焉。何也。按寶積前收雪峯玄沙屬大寂。後敘雲門法眼系南嶽。以爲復行嚴統之先鋒也。故今嚴統重刻於水鑑齋。又改題換目爲全書。獨不見嚴統謂廩山從事異教。未曾承嗣。宗鏡元鏡元謚元賢。未經付囑。一齊削於譜外乎。又不見謂壽昌未曾承嗣廩山。泊博山列於未詳乎。今壽昌子孫。縱有賢於竺庵嘯峯二和尚。能出救蛾熄邪。終不能復阻嚴統之不行也。何也。蓋有鼓山撥亂反正之書在焉。如此則鼓山不惟爲洞宗千古罪人。且爲壽昌千古罪人。又不但爲壽昌罪人。且帶累一支居於譜外。作野狐精。是皆被奇公所惑致也。然寶積非止收雪峯玄沙雲門法眼系南嶽其關係法門頗多。當山曉致寶積於鼓山。視鼓山如無知小童相似。其欺辱鼓山。莫此爲甚。何也。若山曉眼裏稍有鼓山。又豈敢公然以關係法門之書致之耶。今公然致之。不但欺鼓山一人。實欺壽昌一支無人矣。鼓山得之。不出一言。辨正法門關係。反讚爲撥亂反正之書。則又爲洞宗之奸臣賊子也。山曉得書。附刻流通。以爲

復行嚴統之案。則鼓山不惟被山曉所欺。又被山曉所賺也。法門事不管。須一槩莫管。落得享一生飽暖癡福。沒人笑你阿。要管。須管到底。大統不惟有功法門。且有功壽昌。反關之。寶積不惟有關係法門。且有關係壽昌。反讚之。豈但取笑濟宗。直取笑天下後世也。今鼓山受天下後世之恥笑。受山曉之欺賺。自身甘居譜外。爲洞宗壽昌罪人。不但被奇公所惑。亦被其所害矣。故余深惜者此也。

廩山向有眞世次。今特申明。不但決鼓山智舒之疑。可以決天下後世之疑也。廩山在建昌新城。妙法亦在新城。桂穀禪師爲幻休潤祖入室弟子。與忠和尚叔姪輩。塔建妙法。署傳曹洞正宗第二十六世。忠和尚塔面向署傳洞山正宗第二十五代。故天界盛和尚與吾斷拂老人書。有廩山忠嘗自稱洞山二十五代之語。故余於十七年前表揚世次備考中。冀壽昌子孫同心同志者。修明祖系。班正典型。仰答祖父靈明。頒示後昆憑式。今忠和尚塔面署洞山三十代者。係無可智公住廩山重修殿宇祖塔妄改也。鼓山智舒稱廩山天界兒孫。不知祖父世次來源。反出謬書闢之。毀之。其悖逆天界廩山之祖系也多矣。故余一併述陳於此。請質高明。乞垂公論。俾彼齷齪擇取爲例。用佐全書。期成信史。法門幸甚。後學幸甚。

正名錄七卷終

正名錄卷第八

濟宗世次備考之一

衡陽後學智楷惟直氏述

五燈全書凡例曰。一海舟慈祖。是永非普。是二非一。奈彼迷惑謬見而削我二世。豈知慈加普者。嗣萬峯。沈貫銘中所及者是也。慈加永者。嗣東明。翼善碑中符合者是也。其理炳然。更復何辨。

世次道脈攸關。豈容纖毫紊亂。自非考訂精嚴。不免以訛傳訛。霽崙永公既據沈銘翼碑。考海舟有普慈永慈之分。師承有萬峯東明之別。理應修明世系。班正典型。仰答祖父靈明。頒示後昆憑式。何乃削普慈於世系之外。認永慈作正傳之祖。自己迷惑。深不可解。著爲全書。誤人非小。是皆不考祖父舊章。後人新條。以致紊亂濟宗世次。余不忖譴劣。僭取舊章新條。較其涇渭。俾玉石不致俱非。金鋤不致互是。用佐霽崙探討。不備。庶幾全書得以取信天下後世也。

臨濟第二十二世

萬峯蔚禪師法嗣

東明第二代海舟普慈禪師。萬峯有寄海舟慈首座偈曰。龜毛付囑與兒孫。兔角拈來要問津。一喝耳聾三日去。箇中消息許誰親。茗溪花城隱士海安同知沈貫撰萬峯塔銘有曰。貫才輕德薄。不敢污禪師之德。自念爲師嗣法弟子。海舟和尚座下參學久矣。一日請問舟曰。圓覺經云。修多羅教如標月指。若復見月。了知所標。畢竟非月。此理如何。舟舉手曰。經也。月也。指也。貫懵然。舟拍案一下。曰。月落寒潭。貫因而有省。現載萬峯錄中。

按萬峯錄中載普慈先後一段事跡極明。非忽略難據也。今就其語以申明之。按普慈傳言參萬峯問實義。於峯棒下開悟。此契悟之可稽也。峯寄海舟慈首座偈。有付囑兒孫之句。沈貫銘有嗣法弟子之句。此授受

之可稽也。觀一寄字。則知普慈參萬峯。契悟之後。已有住處矣。必峯命人持偈至彼。以囑累之。此住處之可稽也。觀首座二字。則知普慈未住所在之前。在峯會下。已分座說法矣。此分座之可稽也。自受囑後。出世開法。勿論僧衆雲集。卽士大夫中之海安同知沈貫。且親就爐錘。況其他乎。沈貫尙於言下開悟。其爲人手眼。不待言矣。爲人手眼既如此。則向於萬峯堂中。眼目人天。又不待言矣。沈貫自述海舟和尚座下參學。則其道風德譽之盛。槩可知矣。此弘法之可稽也。萬峯寂在洪武十四年春。語錄刻在十六年春。僅兩周年。峯寂時。門人畢集語錄。上卷屬普壽集。壽求序於淨慈弘智。又求銘於沈貫。下卷屬普華普慈共集。華求序於天界宗泐。塔上之銘。屬弟子普壽普福普堅普隱全西序。普持普華普榮普慈等立石。門人普鑑等奉全身瘞於院西。瘞全身豈非入塔乎。而建塔一事。又豈一人所能乎。今日普鑑等。然等之一字。該括之辭。則普慈等既共立塔上之銘。安知建塔一事不預焉。建塔求銘立碑集錄求序刻錄許多事。總在兩年內得竣其工。則知普慈等治萬峯後事。未嘗一日離鄧尉也。此治後事之可稽也。此普慈與萬峯師徒始末事跡如此。與今普慈錄截然不同。今錄謂參萬峯有省。隨付以偈。不久辭去。此無乃偽造家。伏此以爲重印東明張本。觀錄中被東明問箇萬峯卽今在甚麼處。便面赤罔然不能對。且無論普慈向來事跡。而萬峯擇法眼何在。萬峯爲濟宗一代宗匠。濫付有如此。又成得個甚麼好萬峯邪。可見此語出自後人偽造明矣。惜乎天童編刻。未見永慈碑。致有如此之訛。今據永慈碑。是永慈紹昆祖百年之踵。續高峯七世之燈。而普慈原嗣萬峯。又何待言。

臨濟第二十三世

正名錄卷第八 濟宗世次備考之一

東明普慈禪師法嗣

南京高峯寺寶峯明瑄禪師。蘇州吳江范氏子。在俗爲木匠。因海舟和尚造塔院。斧傷已足痛甚。索酒喫。舟聞之。往謂曰。適來范作頭傷足。猶可。假若斫去頭。有千石酒與作頭喫。作頭能喫否。師有省。遂求爲僧。舟卽與披剃曰。今日汝頭落也。師曰。頭雖落。好喫酒人。頭不落。乃充火頭。一日負薪。舟見曰。將荆棘作麼。師曰。是柴。舟呵呵大笑。師罔然。舟曰。是柴將去燒卻。師疑曰。和尚畢竟是甚道理。故問我。我不能答。是夕刻意參究。不覺被火燎去眉毛。面如刀刈。以鏡照之。豁然大悟。往白舟。舟便打。師奪拄杖曰。者條六尺竿。幾年不用。今日又要重拈。舟大笑。師呈偈曰。棒頭著處血痕斑。笑裏藏刀子細看。若是英靈真漢子。死人喫棒舞喃喃。舟曰。卽此偈語。可紹吾宗。乃付以偈曰。臨濟兒孫是獅子。一吼千山百獸死。今朝汝具爪牙威。也須萬壑深山止。後住金陵高峯寺。天奇來參。師問。甚處來。奇曰。北京。師曰。只在北京。別有去處。曰。隨方瀟灑。師曰。曾到四川否。曰。曾到。師曰。四川境界。與此何如。曰。江山雖異。風月一般。師豎起拳曰。還有者個麼。曰。無。師曰。因甚卻無。曰。非我境界。師曰。如何是汝境界。曰。諸佛不能識。誰敢強安名。師曰。汝豈不是著空。曰。終不向鬼窟裏作活計。師曰。西天九十六種外道。汝是第一。奇拂袖而出。成化八年臘月九日示寂。塔全身於東明寺左。載續略續續諸燈錄。

臨濟第二十四世

高峯寺寶峯明瑄禪師法嗣

天奇本瑞禪師。年將四十。到南京高峯寺。見寶峯瑄和尚。瑄問。甚處來。師曰。北京云云。至拂袖便行。瑄留

過冬。明春師告辭。瑄付以衣拂。偈曰。濟山棒喝如輕觸。殺活從茲手眼親。聖解凡情俱坐斷。曇花猶放一枝新。載本錄第四卷二十四紙。

天奇塔銘載法嗣曰。高峯第八代遠孫二百餘人。塔在衡輝府輝縣白雲寺。

明瑄傳中機緣與天奇錄中機緣相同。則天奇嗣明瑄。不待辨而自明矣。且普慈付明瑄法偈。與永慈付智瑄法偈各別。可見明瑄一傳。前敘親承於普慈。後紀躬囑於天奇。父子公孫。授受有據。炳如日星。又何淆訛之有。天奇法嗣既稱高峯第八代孫。則天奇當高峯第七代孫。而寶藏東明爲疊出明甚。

臨濟第二十五世

天奇瑞禪師法嗣

無聞明聰禪師有客牕夜話一篇。敘從上源流曰。自臨濟至高峯妙十有八傳。妙出中峯本。本出千巖長。長出萬峯蔚。蔚出海舟慈。慈出寶峯瑄。瑄出天奇瑞。載原本語錄及五宗救中。

又序海舟傳法記。其略曰。幸海舟復振萬峯之將墜。明聰善護臨濟之綱宗。載夢說錄二十八紙。

無聞夢說錄有原本。有新編。據原本。客牕夜話所敘源流。原無寶藏東明二代。故五宗救詳悉甚明。宗教出在崇禎九年。與原本所敘俱與天童之自上而下。繇後之前。世系連絡。血脈貫通。脗合。此語出在崇禎七年。則原本原無寶藏東明二代。自崇禎十年。天童新編遽有寶藏東明二代。寶華忍亦賞質之天童。童曰。從上嫡派共少五祖語錄。老僧自住金粟時。卽徧索諸方。漸得二三。皆據原刻。重付諸梓。惟此錄近得之姑蘇查氏。老僧亦未細閱。但求而得之。卽刻之耳。今既若此。從今止刷。卽命封板。寶華又以天奇笑巖二錄考之。以

夢說錄爲查氏僞造。若查氏僞造有此寶藏東明二代。何宗教與原本所敘。而反無此二代乎。又宗教以得無聞原本錄。始列無聞之傳。與今天童所編夢說錄之傳同。況原本所敘名客牕夜話。新編刪去其題。但曰一晚因虛堂請問云云。以此觀之。足知天童增入寶藏東明二代明矣。然則天童豈無故增入二代歟。嘗見龍池源流有寶藏東明二代。又見三峯潭古謂普慈無重嗣東明理。乃龍池誤增二代。天童不知東明嫡子自有一海舟永慈。亦泥於古溪靜庵二說。反以龍池爲是。以三峯潭古爲非。故新編無聞錄。又誤增寶藏東明二代也。無聞原本無此二代。潭古宗教無此二代。自天童編刻遽有此二代。可知爲天童增入又明矣。宗教出在崇禎九年。夢說錄重刻在十年。則天童增此二代。明之又明矣。然則龍池於源流中增入二代。天童於夢說錄中增入二代。要之皆誤也。誤在未見永慈碑故也。或曰。天童編刻有之。謂誤增二代。恐未必然。子無乃要刪寶藏東明二代。故強辨如此。豈公論歟。曰。笑巖無聞之子。芝通無聞之孫。若原本有寶藏東明。則笑巖面稟親承。焉有不知源流世系之理。故聯芳敘曇芝偈廣通序。俱與原本不謀而合。天童世系連絡語出於崇禎七年。宗教出於九年。皆與聰寶芝通源流符合。則原本實無二代。何崇禎十年一經天童編刻。便遽有二代。蓋天童扶龍池。闢潭古。故驅普慈嗣東明。藉古溪靜庵二說。以證成其事。於是闢妄救普慈錄夢說錄三書。俱出天童之手。皆爲闢宗教之故。此乃天童增入二代之始末也。況新編夢說錄載無聞序傳法記。不曰海舟振東明之將墜。直謂振萬峯之將墜。則爲天童增入二代。益可想也。嗚呼。改從上宗祖之源流。以折子孫之辨論。是非爲重。世系爲輕。豈出天童本心哉。實佐天童者之爲也。願高明鑑諸。

無聞明聰禪師法嗣

笑巖德寶禪師有聯芳偈。自敘曰。不肖上承迦葉六十三世之元祖。下繼曹溪三十一葉之眞孫。臨濟第二十七世。

笑巖寶禪師法嗣

靈谷曇芝禪師。笑巖親書付法偈曰。微笑拈花第一機。相傳八八未知非。今將從上非非法。分付英賢力荷歸。

三際廣通禪師作笑巖北集序曰。師得絕學老人不傳之旨。望臨濟二十六代之祖。俱載笑巖集

曇芝廣通事笑巖最久。而偈序皆巖在時所作。非無機語。廁名其間。可同日而語者。據聯芳敘。自笑巖上承無聞天奇明瑄普慈萬峯至曹溪正三十一世。再上至迦葉正六十三世。笑巖既爲迦葉六十三世孫。則曇芝爲迦葉相傳八八六十四世孫。極顯極明者也。據廣通序。自笑巖上望無聞天奇明瑄普慈萬峯至臨濟正二十六代。以之徵。無聞客牕夜話。敘從上源流。原無寶藏東明二代。炳如日星。自萬峯至笑巖二百年。歷傳六世。繩繩有據。若萬峯偈。沈貫銘。明瑄傳。天奇錄。及塔銘。無聞客牕夜話。傳法記序。笑巖聯芳敘。曇芝偈。廣通序。十種證據。是名祖訓。千古不易之世系。遵而行之。孝莫大焉。

天童密雲悟禪師闢妄七書。有復墨仙劉道貞書曰。夫自世尊傳迦葉。歷我笑巖師祖。則六十三世。自我師祖上溯曹溪。則三十一世。故曰。不肖上承迦葉六十三世之元祖。下繼曹溪三十一葉之眞孫。豈不自上而下。繇後之前。世系連絡。血脈貫通。抑何間於臨濟者乎。載第二十九紙劉公即三峯藏法嗣。

又復三峯書引廣通序曰。師得絕學老人不傳之旨。望臨濟二十六代之祖。又曰。今老僧特引全序刻於此中。用垂天下後世。證明果何是而何非。載第四十三四紙。二書俱出於崇禎七年。

天童順數。是必先迦葉。次阿難。乃至萬峯普慈明瑄。天奇無聞笑巖。正六十三世。故曰。自迦葉歷我師祖。則六十三世。若逆承。必先笑巖。次無聞。上至曹溪。正三十一世。故曰。自我師祖上遡曹溪。則三十一世。所以云。豈不自上而下。繇後之前。世系連絡。血脈貫通。何嘗有寶藏東明二代。况此書原爲辨明宗旨。世系所出。平陽嘗敘云。天童老人書問。不減大慧。茲獨見其七者何也。蓋爲漢月藏公故也。及公門人墨仙劉居士論宗旨書。遂汪洋萬餘言。若鳴鼓而攻之。不遺餘力者何也。憂宗旨墜滅故也。忤小子又何敢贅一言哉。唯述其表而出之之意於左。後署參學門人道忤記錄。可見此書出自天童親口。錄自平陽親筆。原爲辨明宗旨。世系而出。今人反不遵信。非逆而何。

梅谷悅公列祖提綱。載古雪詰公掃馬大師塔上堂。輒鏡臺前。打失孃生鼻孔。膝王閣畔。宏開選佛壇場。踢殺天下英靈。喚回空中野鴨。掀翻窠堀。截斷葛藤。明大用。顯大機。電光石火。較猶遲。藏頭白。海頭黑。鐵眼銅睛。皆罔測。燈傳三十二葉。道播四海九州。脚下不肖兒孫。昔日親遭毒手。源遠流長。則且置。到者裏作麼生。與祖師相見。喝一喝。曰。無縫塔中藏不得。森羅景裏見全身。

自馬祖歷傳至萬峯普慈明瑄。天奇無聞笑巖。龍池天童古雪。正當三十二葉。與上十種祖訓。脗合。悅公收入提綱。蓋爲馬祖世系所關。此海舟普慈寶峯明瑄。天奇本瑞。出自萬峯之源流。世次如此。

海舟永慈行實碑。其略曰。成都余氏子。參東明昆。有無相福田衣之機緣。正統二年。出住金陵東山翼善。

寺。景泰二年。受東明遺付衣偈。

祭海舟和尚文。

其下小註曰。門人請古溪和尚作。

謹以禪悅酥陀蘋蘩之供。祭獻於前東山翼善堂上高峯下第七代圓

寂本師海舟大和尚。

永慈也。

覺靈曰。道揚湖海。德播神州。慈濟隆乎品彙。聲名動乎王侯。來西蜀也。

永慈也。

而全

提正令。坐東山也。

永慈也。

而大闡玄猷。延世壽七旬三載也。

永慈也。

精僧臘五十餘秋也。

永慈也。

羅鸞鸞而八方設網。釣

鯨鯢而四海垂鈎。續高峯七世之燈也。

永慈也。

燦羣昏而獨照。紹岳祖百年之踵也。

永慈也。

吞衆派以周流。將入涅槃。

見衰相而白虹貫日。

用世尊入滅故事。非永慈實事。

既歸圓寂。殮法身而夜壑藏舟。金風颯颯兮。斂愁雲而未散。玉露

零零兮。垂淚雨而難收。吾師長逝兮。掩禪關而悄悄。弟子永思兮。棲夢宅而悠悠。昔之不悟兮。被鉗鎚而

煅煉。今之有省兮。敲骨髓以當酬。

此數語代永慈弟子所言。

是以肅清淨心。獻純陀之後供。必然出那伽定。餐香積之

嘉羞。不捨慈悲。伏惟尚饗。

據文中來西蜀。坐東山。紹岳祖後踵。續高峯七世。皆永慈事實。則古溪所祭者。祭東明之法嗣金陵東山翼善海舟永慈明甚。與普慈無涉。霽崙謂慈加普者。嗣萬峯。沈貫銘中所及者是也。慈加永者。嗣東明。翼善碑中符合者是也。正此之謂歟。

靜庵素聯芳圖。敘自西天四七。東土二三。至高峯妙禪師。中峯本禪師。千巖長禪師。萬峯蔚禪師。寶藏持禪師。東明岳禪師。海舟慈禪師。雲溪瑛禪師。

按永慈碑載法嗣一百有四人。雲溪智瑛其一也。瑛下出靜庵素。素所敘之海舟。自是敘東明嫡嗣海舟永慈也。與祭文紹岳祖後踵續高峯七世之語符合。與普慈無涉。前人泥此二說。致移普慈一脈系東明下。其

誤炳然更復何辨。此萬峯寶藏東明永慈雲溪靜庵一脈世次。有此三種證據。是爲舊章。

禪燈世譜本陳道忞禪師編次

南嶽廿五世 二十六世 二十七世 二十八世 二十九世 三十世

三十一世

萬峯時蔚——寶藏持——東明昆——海舟慈普

寶峯瑄明——天奇瑞——絕學正聰

雲溪瑛永慈——廬山靜庵素——古拙悟

月庭圓永慈——大用全

無文學普慈——寂庵照

無相空永慈——寶心鏡——大覺圓

太虛滿普慈——天澤雨——無盡燈

曉山昇永慈——孤峯秀——月輝淨

太虛亮永慈——正宗演

無相成永慈——東暉昶

無著空普慈——雪庵喜

天印持永慈——鐵壁通

心印證普慈——繡巖錦

三十一世

三十二世

三十三世

三十四世

絕學正聰錯

月心寶

禹門傳聯芳偈無此人

天童圓悟

靈谷芝

高庵傑

磬山修
抱樸蓮

正宗悟

天常經

三際通

素庵智

東臺瑞峯即三際通重出

幻也佛日聯芳偈無此人

世譜變亂宗支頗多。不暇論。茲但就事論事。海舟普慈。寶峯明瑄。天奇瑞一脈。出自萬峯。其來舊矣。一旦改系東明下。其訛一。東明之嗣。自有海舟永慈。遺而不收。反收普慈嗣東明。其訛二。以永慈法嗣。混收為普慈一人之嗣。其訛三。笑巖得法於無聞明聰。今收嗣正聰。其訛四。笑巖聯芳偈法嗣止六人。今收八人。其訛五。三際瑞峯一人列為二人。其訛六。龍池法嗣四人。削雪嶠於譜外。其訛七。去取移易。混紀冒承。變亂濟宗世次者始於此。今之修明僧史者。請從此處討得頭腦清楚。所謂一清一切清。否則一訛一切訛。

五宗救安隱弘忍述字潭吉出在崇禎十年丁丑

正名錄卷第八 濟宗世次備考之一

下則曰出二人。其一爲中峯本公。其一爲斷崖義公。義不聞。中峯出千巖長。長出萬峯蔚。蔚出海舟慈。慈出寶峯瑄。瑄出天奇瑞。而略不及寶藏東明。則二公爲疊出可知矣。又據四世祖笑巖月心寶禪師有聯芳偈六首。其自序曰。不肖上承迦葉六十三世之元祖。下繼曹溪三十一葉之眞孫。今以源流數之。自迦葉至笑巖順流而下。爲六十五世。自笑巖至曹溪溯流而上。則三十三傳。較聯芳自序多二世。則聰公不及寶藏東明爲是也。且聰公爲海舟三世孫。笑巖又聰公之子。蹈踵接武。只一二代。亦若吾輩之於龍池。使年歲稍長。猶足望見顏色。豈數十年間。錯謬遂至此耶。寶龍池之誤。非今日之誤也。然則龍池豈無故插入二人歟。余嘗見香巖古溪澄和尚祭海舟文有曰。續高峯七世之燈。紹岳祖百年之踵。自高峯至海舟實七世。而寶藏東明在焉。則東明之下。別出一海舟無疑矣。不然。無聞之親口所說。笑巖之親筆所書。萬峯之偈。沈子之銘。俱不足信乎。凡事之疑難。當委曲而折衷之。求其所安而後已。今者據師承之偈。考銘傳之載。合世數之符。詳遠祖之說。四處咸契。獨香巖祭文。一疑未決。茲可懸解者也。且馬祖石頭同時並化。既有二道悟於前矣。則萬峯東明祖孫繼踵。安知無二海舟於後哉。此不待辨。而依前四說爲安矣。聞天童師翁有意改政之。錄此以備採擇。而寶藏東明二公。依舊不敢擅專也。

臨濟第二十五世南京高峯寺寶峯明瑄禪師。海舟嗣。天奇瑞公來參。師云。甚麼處來。云。北京。師云。只在北京。別有去處。云。隨方瀟灑。師云。曾到四川否。云。曾到。師云。見法鑑否。云。曾見。師云。見楚山否。云。曾見。師云。法鑑會下多少衆。云。三十。師云。楚山會下多少衆。云。三十。師云。且不一。云。本無差別。豈分彼此。師云。四川境界。與我此境界如何。云。江山雖異。風月一般。師豎起拳頭云。還有這箇麼。云。無。師云。因甚卻無。云。

非我境界。師云。如何是你境界。云。諸佛不能識。誰敢强安名。師云。汝豈不是著空。云。終不向鬼窟裏作活計。師云。西天九十六種外道。你是第一。奇拂袖便出。

臨濟第二十六世天奇本瑞禪師寶峯嗣。章次不錄

潭吉據萬峯沈貫無聞笑巖四種金石之言。證海舟普慈確嗣萬峯。可謂詞正理正。但以古溪一說。銷釋不去。故作懸解。謂東明下必別有一海舟。自翼善碑出。果然別有一海舟永慈。係東明之嫡嗣。屬古溪所祭者。則潭吉卓有先見之明也。今準翼善碑古溪文靜庵紋三種舊章。自是寶藏東明永慈一脈世系。準無聞笑巖等十種祖訓。自是萬峯普慈明瑄天奇一脈世系。兩家世系。舊來相安。今之修明僧史者。請去私裁。公心參酌。著爲定譜。不亦美乎。

關妄救。天童圖悟集。字密雲。出在崇禎戊寅。

第一世湖廣南嶽懷讓禪師

第二十五世蘇州鄧尉時蔚禪師

第二十六世蘇州鄧尉普持禪師

第二十七世杭州東明慧岳禪師

第二十八世東明海舟普慈禪師

第二十九世南京寶峯明瑄禪師

第三十世梵絕天奇本瑞禪師

第三十一世隨州關子嶺正聰禪師

杭州東明海舟普慈禪師。蘇之常熟人。姓錢。世宗儒業。出家於破山。至慧日寺聽講楞嚴。至但有言說都無實義處。乃曰。言說今日愈多矣。遂歸。日夜閱經。尋思實義。面顏日悴。有居士問曰。師顏色有病。師曰。佛法不明故爾。非病也。士曰。佛法不明。何不往府中鄧尉山問取萬峯和尚去。師聞之欣然。便詣鄧尉見萬峯。峯問曰。沙彌何來。師禮拜起曰。常熟峯曰。到此何爲。師舉前話。再拜求示。峯便劈頭兩棒。攔背一踢。以脚兩踢曰。只者是實義。師有省。起曰。只好。太費和尚心力。峯笑而許之。付以偈曰。龜毛付囑與兒孫。兔角拈來要問津。一喝耳聾三日去。箇中消息許誰親。又曰。子當匿迹護持。莫輕爲人師範。師自以爲得。乃結庵於洞庭山塢。廿有九年。一日僧至。師問曰。上座何來。曰。安溪。曰。安溪有人麼。曰。有虛白和尚。說法不異高峯。曰。是誰弟子。曰。寶藏。曰。有甚言句。僧舉室中驗人語曰。心不是佛。智不是道。三藏不是法。是甚麼。下語者皆不契。舉畢。復問曰。曾參寶藏否。師曰。我與寶藏同參萬峯。僧曰。當日有何所見。遂隱於此。就不再參人去。師曰。我昔日問萬峯。但有言說都無實義。峯便打。自從此得悟。僧曰。請言得之所以。師曰。但要人知痛癢的是實義。是妙心。言說盡屬皮毛。僧曰。若據此見解。生死尙未了。何得言悟。未在未在。不見道心不是佛。智不是道耶。師遂有疑。棄庵渡湖。往安溪詣東明。適有人設齋。師至關前問明曰。今日齋是甚麼滋味。明曰。到口方知。說卽遠矣。師曰。如何是到口味。明卽打滅燈曰。識得燈光何處著落。味卽到口。師無語。次日黎明。遣侍者請師。師至。明問曰。曾見人否。師曰。見只見一人。說出恐驚人。明曰。假使親見釋迦。依然是箇俗漢。但說何妨。師曰。萬峯。明曰。爲序先後耶。爲佛法耶。若序先後。萬峯會下有千人。若論佛法。

老闍黎未夢見在。何驚之有。若親見萬峯。萬峯卽今在什麼處。師面赤罔然。明曰。若如此。不曾見萬峯。師歸客寮。三晝夜寢食俱忘。偶值香燈繩斷墮地。忽然大悟。詣關前呈悟繇。明曰。老闍黎承嗣萬峯去。師曰。白公爲我打徹。何得承嗣萬峯。明乃笑。遂集衆出關。陞座曰。瞿曇有意向誰傳。迦葉無端開笑顏。到此豈容七佛長。文殊面赤也茫然。今朝好笑東明事。千古令人費垂涎。幸得海公忘我我。濟宗一脈續綿綿。乃擲下拄杖。下座。師卽入方丈禮謝。明曰。老僧不出月去也。至廿七夜辭衆。廿九日示寂。師復欲遁歸洞庭。四衆苦留。乃繼其席。萬峯忌日。師拈香指眞曰。我幾淹殺你裏裏。幸是普慈。若別人不可救也。爇此瓣香。堪酬接引。喝一喝曰。只笑你護短沒頭師。佛法當人情。展坐具禮拜。又拈香曰。此一瓣香。供養東明長老。一片赤心鞭策。令余洞達宗源。連喝兩喝曰。受恩深處便爲家。有乳方知是阿娘。禮拜起。慟哭歸方丈。臨示寂。說偈曰。九十六年於世。七十四載爲僧。中間多少誦訛。一見東明消殞。以拂子打○曰。釋迦至我六十二世。有不可數老和尚。又打○曰。多向者裏安身。咄。乃投筆而逝。在景泰元年。全身塔於東明左側。得法十二人。

五宗救載海舟普慈禪師。據源流列爲東明昆公得法弟子。然未見其語錄。惟萬峯錄中列爲上首。今姑依源流列此以俟考證。萬峯印記頌云。龜毛付囑與兒孫。兔角拈來要問津。一喝耳聾三日去。箇中消息許誰親。海安同知沈貫居士問師曰。圓覺經云。修多羅教如標月指。若復見月。了知所標畢竟。非月。此理如何。師舉手曰。經也。月也。指也。士懵然。師拍案一下。云。月落寒潭。士有省。乃云。從此知師之道。非凡情之所能測。救曰。源流之設。若家譜然。所以考定厥祖若宗。承接次序。俾後代兒孫。觀源視流。僣倖進道。不使

厥迹有愧先德。非徒彰顯名號而已。若夫上下相亂。尊卑倒置。如寶藏東明海舟三尊宿。譜安用哉。元季多兵。國家至今近三百年。僧行稠雜。宗祖之道。微亦極矣。雖有一二大士深韜巖穴。名聞未著。故其語錄無傳焉。三峯先師頌臨濟宗至海舟慈公。翻覆推求。得其梗槩。蓋慈公爲萬峯蔚禪師得法高弟。萬峯有付法偈云云。而海安同知沈貫爲蔚撰塔銘。自序得法於萬峯大弟子海舟和尚。則海舟與寶藏爲伯仲。而東明昆公。實海舟之法姪也。今源流以海舟爲東明之嗣。豈有二海舟耶。丙子冬。余救五宗。適得五世祖無聞聰禪師語錄。有客窗夜話一篇。序從上源流甚確。自臨濟至高峯十有八傳。皆與近代所序不異。自高峯而下。則曰出二人。其一爲中峯本公。其一爲斷崖義公。義不聞。中峯出千巖長。長出萬峯蔚。蔚出海舟慈。慈出寶峯瑄。瑄出天奇瑞。而略不及寶藏東明。則二公爲疊出可知矣。又據四世祖笑巖月心寶禪師有聯芳偈六首。其自序曰。不肖上承迦葉六十三世之元祖。下繼曹溪三十一世之眞孫。以今源流數之。自迦葉至笑巖順流而下。爲六十五世。自笑巖至曹溪汭流而上。則三十三傳。較聯芳自序多二世。則聰公不及寶藏東明爲是也。且聰公爲海舟三世孫。笑巖又聰公之子。蹈踵接武。只一二代。亦若吾輩之於龍池。使年歲稍長。猶足望見顏色。豈數十年間錯謬遂至此耶。寶龍池之誤。非今日之誤也。然則龍池豈無故插入二人歟。余嘗見香巖古溪澄和尚祭海舟文有曰。續高峯七世之燈。紹昆祖百年之踵。自高峯至海舟實七世。而寶藏東明在焉。則東明之下。別出一海舟無疑矣。不然。無聞之親口所說。笑巖之親筆所書。萬峯之偈。沈子之銘。俱不足信乎。凡事之疑難。當委曲而折衷之。求其所安而後已。今者據師承之偈。考銘傳之載。合世數之符。詳遠祖之說。四處咸契。獨香巖祭文。一疑未決。茲可以懸解者也。且馬

祖石頭同時並化。既有二道悟於前矣。則萬峯東明祖孫繼踵。安知無二海舟於後哉。此不待辨而依前四說爲安矣。聞天童師翁有意改正之。錄此以備採擇。而寶藏東明二公。依舊不敢擅專也。老僧誠有意探討。故刻小字印於語錄之前。數年竟不能得。邇來有法姪山茨。將海舟寶峯二祖機緣刻行於世。蓋得諸丹壑查居士家藏佛祖源流中者。然則萬峯蔚出寶藏持。持出東明昆。昆出海舟慈。慈出寶峯瑄。又得靜庵素禪師語錄。素爲海舟二世孫。敘聯芳圖云。釋迦文佛首傳心印。二十八代至菩提達磨。東土爲初祖。二祖慧可大師。三祖僧璨大師。四祖道信大師。五祖弘忍大師。六祖慧能大師。南嶽讓大師。馬祖一禪師。百丈海禪師。黃檗運禪師。臨濟玄禪師。興化獎禪師。南院顥禪師。風穴沼禪師。首山念禪師。汾陽昭禪師。慈明圓禪師。楊岐會禪師。白雲端禪師。東山演禪師。佛果勤禪師。虎丘隆禪師。應庵華禪師。密庵傑禪師。破庵先禪師。無準範禪師。雪巖欽禪師。高峯妙禪師。中峯本禪師。千巖長禪師。萬峯蔚禪師。寶藏持禪師。東明昆禪師。海舟慈禪師。雲溪瑛禪師。瑛與寶峯瑄。爲昆季焉。據是益證源流的相承。海舟爲東明昆祖之嗣無疑矣。潭吉謂無聞語錄有客牕夜話一篇。序從上源流甚確。略不及寶藏東明。則二公爲疊出可知。數十年間。錯謬遂至此。寶龍池之誤。但疑香巖祭海舟文有曰。續高峯七世之燈。紹昆祖百年之踵。遂謂東明下別出一海舟。引馬祖石頭同時並化。既有二道悟於前。證萬峯東明祖孫繼踵。安知無二海舟於後。可見潭吉妄爲折衷。抹殺寶藏東明二祖。不信我龍池老人的源流。卽此一案。悖逆亦已甚矣。何況其他。

南京高峯寺寶峯明瑄禪師。海舟嗣。姑蘇吳江人。姓范氏。在俗爲木匠。因海舟和尚造塔院。斧傷自足痛

甚。索酒喫。舟聞之。往謂曰。適來范作頭傷足猶可。假若斫去頭。有千石酒與作頭喫。作頭能喫否。師有省。卽止酒。遂求爲僧。舟卽與披剃曰。今日汝頭落也。師曰。頭雖落。好喫酒人。頭不落也。乃充火頭。一日師負薪。舟見曰。將刺棘作麼。師曰。是柴。舟呵呵大笑。師罔然。舟曰。是柴將去燒卻。師起疑曰。和尚畢竟是甚麼道理。故問我。我不能答。是夕刻意參究。不覺被火燎去眉毛。面如刀割。以鏡照之。豁然大悟。呈悟於舟。舟便打。師奪拄杖曰。者條六尺竿。幾年不用。今日又要重拈。舟大笑。師呈偈曰。棒頭著處血痕斑。笑裏藏刀仔細看。若是英靈真漢子。死人喫棒舞喃喃。舟曰。卽此偈語。可紹吾宗。乃付偈曰。臨濟兒孫是獅子。一吼千山百獸死。今朝汝具爪牙威。也須萬壑深藏止。從此名聞遐邇。學者雲集。得法五人。逝於成化八年十二月九日。全身塔於東明寺左。

天奇本瑞禪師寶峯嗣

章次不錄

觀天童以普慈明瑄天奇一脈系東明下者。惟據靜庵一聯芳圖敘。別無確據也。海舟永慈行實碑載法嗣一百有四人。雲溪智瑛其一也。瑛下出靜庵素。素爲永慈二世孫。天童指爲普慈二世孫。豈非大錯。素所敘者。自是寶藏東明永慈雲溪一脈世系。與普慈明瑄天奇無涉。昔天童作禪燈世譜。混收雲溪智瑛與寶峯明瑄同爲海舟普慈之嗣。已是誤矣。今復踵前誤。又指靜庵敘中雲溪瑛與寶峯瑄爲昆季。豈非誤而又誤乎。按敘自雲溪瑛禪師已上。皆靜庵所敘也。其下曰瑛與寶峯瑄爲昆季焉。據是益證源流的的相承。海舟爲東明昆祖之嗣無疑矣者。非靜庵語也。是天童硬證海舟普慈嗣東明決斷之語也。今海舟永慈係翼善碑之所載者。屬古溪澄之所祭者。爲靜庵素之所敘者。自是東明昆之嫡嗣也。天童以海舟普慈重嗣東明。

錯誤炳然。更復何辨。天童不遵無聞笑巖嫡祖親宗之祖訓。擅改宗譜。變亂世次。倒置祖孫。則悖逆之罪。請目領回。

東明祖燈錄

東明通際集。字山茨。

東明第二代海舟慈祖傳略。海舟普慈禪師。蘇之常熟人。姓錢。世宗儒業。出家於破山。初至慧日寺聽講。楞嚴。至但有言說都無實義處。乃曰。言說今日愈多矣。遂歸。日夜閱經。尋思實義。面顏日悴。有居士問曰。師顏色有病。師曰。佛法不明故爾。非病也。士曰。佛法不明。何不往府中鄧尉山問取萬峯和尚去。師聞欣然。便詣鄧尉見萬峯。峯問曰。沙彌何來。師禮拜起曰。常熟峯曰。到此何爲。師舉前話。再拜求示。峯便劈頭兩棒。攔背一踢。以脚兩踢曰。只者是實義。師有省。起曰。只好。太費和尚心力。峯笑而許之。付以偈曰。龜毛付囑與兒孫。兔角拈來要問津。一喝耳聾三日去。箇中消息許誰親。又曰。子當匿跡護持。莫輕爲人師範。自以爲得。乃結廬於洞庭山塢。廿有九年。一日僧至。師問曰。上座從何處來。曰。安溪。曰。安溪有人麼。曰。有虛白和尚。說法不異高峯。曰。是誰弟子。曰。寶藏。曰。有何言句。僧舉室中驗人語云。心不是佛。智不是道。三藏不是法。是甚麼。下語者皆不契。舉畢。復問師曰。參寶藏否。師曰。我與寶藏同參萬峯。僧曰。當日有何所見。遂隱於此。就不再參人去。師曰。問但有言說都無實義。峯便打我。從此得悟。僧曰。請言得之所以。師曰。但要人知痛痒的是實義。是妙心。言說盡屬皮毛。僧笑曰。若據此見解。生死尙未了。何得云悟。未了。在。不見道心不是佛。智不是道耶。師遂有疑。曰。彼處衆中有真大徹者麼。僧曰。無。師卽棄庵渡湖。往安溪詣東明。適有人設齋。師至關前問明曰。今日齋是甚麼滋味。明曰。到口方知。說卽遠矣。師曰。如何是到口。

味。明卽打滅燈曰。識得燈光何處著落。味卽到口。師無語。次日黎明。遣侍者請師。師卽至。明問曰。曾見人否。師笑曰。見只見一人。說出恐驚人。明曰。假使親見釋迦。依然是箇俗漢。但說何妨。師曰。萬峯。明曰。爲敍先後耶。爲佛法耶。若敍先後。萬峯會下有千人。若論佛法。老闍黎佛法未夢見在。何驚之有。若親見萬峯。萬峯卽今在甚麼處。師面赤罔然。明曰。若如此。不曾見萬峯。師歸客寮。三晝夜寢食俱忘。偶值香燈繩斷墮地。忽然大悟。詣闕前呈悟緣。明曰。老闍黎承嗣萬峯去。師曰。白公爲我打徹。豈得承嗣萬峯。明乃笑。遂集衆出關。陞座曰。瞿曇有意向誰傳。迦葉無端開笑顏。到此豈容七佛長。文殊面赤也茫然。今朝好笑東明事。千古令人費唾涎。幸得海公忘我我。濟宗一脈續綿綿。乃擲下拄杖曰。千斤擔子方全付。玄要如今拄杖談。以拂子擊三下。下座。師卽入方丈禮謝。明曰。老僧不出月去也。至廿七夜辭衆。廿九日示寂。師復欲歸洞庭。四衆苦留。乃繼其席。萬峯忌日。師拈香指眞曰。我幾淹殺你裏裏。幸是普慈。若是別人。不可救也。爇此瓣香。堪酬接引。喝一喝云。只笑你護短沒頭師。佛法當人情。展坐具禮拜。又拈香云。此一瓣香。供養東明長老。一片赤心鞭策。令余洞達宗源。連喝兩喝云。一言豈盡普慈心。千古兒孫贊報恩。又拈香云。此一瓣香。供養昔日師僧指南之力。若不蒙師。何緣今日。他日到來。拄杖三十喫有分。堪報不報之恩。喝一喝云。受恩深處便爲家。有乳方知是何娘。禮拜起。說偈曰。源頭只在喝中存。三要三玄四主賓。五棒當人言下會。四料還須句裏明。末後眞機死活句。箇中消息在師承。碎形粉骨酬師德。將此深心報佛恩。勸衆歸方丈。臨示寂。說偈曰。九十六年於世。七十四載爲僧。中間多少譚訛。一見東明消殞。以拂子打○曰。釋迦至我六十二世。有不可數老和尚。又打○曰。多向者裏安身。咄。乃投筆而逝。在景泰元年。全身塔於

東明左側得法十二人。

東明第三代寶峯瑄祖傳略。寶峯明瑄禪師。姑蘇吳江人。姓范氏。在俗爲木匠。因海舟和尚造塔院。斧傷自足。痛甚。索酒喫。舟聞之。往謂曰。適來范作頭傷足猶可。假若斫去頭。有千石酒與作頭喫。作頭能喫否。師有省。卽止酒。遂求爲僧。舟卽與披剃曰。今日汝頭落也。師曰。頭雖落。好喫酒人。頭不落也。乃充火頭。一日。師負薪。舟見曰。將刺棘作麼。師曰。是柴。舟呵呵大笑。師罔然。舟曰。是柴將去燒卻。師起疑曰。和尚畢竟是甚麼道理。故問我。我迷不能答。是夕。刻意參究。不覺被火燎去眉毛。面如刀割。以鏡照之。豁然大悟。作偈曰。負薪和尚喚爲棘。火燄燒眉面皮急。祖師妙旨鏡中明。一鑑令人立要得。乃呈於舟。舟便打。師奪拄杖曰。者條六尺竿。幾年不用。今日又要重拈。舟大笑。師又偈曰。棒頭著處血痕斑。笑裏藏刀仔細看。若非英靈真漢子。死人喫棒舞喃喃。舟曰。卽此偈語。可紹吾宗。果是從緣入者。永無退失。從疑得者。妙用隨機。乃付偈曰。臨濟兒孫是獅子。一吼千山百獸死。今朝汝具爪牙威。也須萬壑深山止。從此名聞遐邇。學者雲集。得法五人。逝於成化八年十二月九日。全身塔於東明寺左。

昔先師謂予曰。臨濟歷祖機緣。綦布諸書。皎如日星。唯東明海舟寶峯諸祖出處未詳。老僧老矣。殆不復見。汝其留意焉。予時輒懷探討志。居無何。領東明院事。於破笥廢紙中。得岳祖法語偈贊塔銘若干篇。卽付剞劂。時以未得海舟諸祖爲憂。嗣後每遇緇素。卽以此告。丁丑仲夏。予友古竹客吳門。於丹壘查居士家見佛祖源流一書。始於釋迦佛。終至無聞祖。蓋紫柏老人所集也。老人罹難。其書失傳。古公持示予。予如失故重。一旦親逢。焚香披閱。始知海舟寶峯兩祖。皆繼席東明。全身靈塔在焉。喜躍無旣。卽摘兩祖機

緣刻出。題曰東明祖燈錄。嗟。殆將熄而復明。豈非法門幸事也耶。謹拜稽首而爲之跋。通際又識。
按紫柏塔銘。謂燈錄未續。爲法門一大憾焉。既有此書。何憾之有。則此書非紫柏所集明矣。寶華忍公曰。丙子丁丑間。姑蘇查氏突出佛祖源流書稿。又出海舟先嗣萬峯後嗣東明一傳。兼拈頌古德機緣百則。天童先師得之。卽依原稿刻之云云。據此則是書早爲天童得之矣。何得又有是書爲古竹得之耶。此無乃天童與際公相爲表裏。互相刻布。以爲多得一證據。作闢妄救之張本。以折辨潭古故爾。

海舟普慈禪師語錄

住明州天童七世孫圓悟
編。花城弟子沈貫較閱。

序禪師諱普慈。吳郡海虞錢氏子也。少讀楞嚴有疑。往參萬峯大師。得悟。印可。付以法偈。不久。辭大師。結廬於西洞庭。三十年不過湖。每嘗自痛未徹法源。萬峯久滅。寶藏已逝。今無其人。發明差別法智。聞虛白。昆公住安溪。東明說法。親承萬峯祖印。作用大有超過古人。隨棄廬往叩。居旬日。大悟。深入堂奧。洞達濟宗源底。纖毫無滯。遂嗣昆公。始知悟有淺深。法無隱祕。但有坐定悟境。而不肯百尺竿頭策進一步耳。嗚呼。海舟嗣昆公一事。自佛至今。無有其人。人我四相些微未盡者。不能爲之師。誠古佛再現人間也。無奈師年邁臘尊。出世無何而入滅。宗風未能大暢寰中。惟有拈頌古德機緣百則。令慧日重開。破暗千古。其頌或引人詩句。出自手眼。有合佛祖意者。採摭而成之。箇中意旨。是非不敢固必。但見師之操履人品。爲法忘形。去名存實。自無苟足。而其拈頌。量不妄意測度。謬爲撰述者也。明眼人見之。究之。奉行有日在。嗟乎。今時魔熾法殘。拈花一脈。寥寥不顯於世。真正宗師。煨鑪山穴。保養道胎。俟時待緣。暗流枝派。使兒孫布揚祖道。雲興雨澍。潤澤靈根。佛祖花開。香浮震旦。觸聞其香。咸令悟入者。舍師之裔。其誰歟。時景泰丁

丑三月九日。花城弟子沈貫拜序。

傳海舟普慈禪師。蘇之常熟人。姓錢。世宗儒業。出家於破山。初至慧日寺聽講楞嚴。至但有言說都無實義處。乃曰。言說今日愈多矣。遂歸。日夜閱經。尋思實義。面顏日悴。有居士問曰。師顏色有病。師曰。佛法不明故爾。非病也。士曰。佛法不明。何不往府中鄧尉山問取萬峯和尚去。師聞欣然。便詣鄧尉見萬峯。峯問。沙彌何來。師禮拜起曰。常熟峯曰。到此何爲。師舉前話。再拜求示。峯便劈頭兩棒。攔背一踢。以脚兩踢曰。只這是實義。師有省。起曰。好只好。太費和尚心力。峯笑而許之。付以偈曰。龜毛付囑與兒孫。兔角拈來要問津。一喝耳聾三日去。箇中消息許誰親。此段敘生緣悟由。又曰。子當匿跡護持。莫輕爲人師範。師自以爲得。此段伏此爲後假設一。乃結廬於洞庭山塢。廿有九年。一日僧至。此下一段。應子當匿跡。莫輕爲人師範。師問曰。上座何處來。曰。安溪。曰。安溪有人麼。曰。有虛白和尚。說法不異高峯。曰。是誰弟子。曰。寶藏。曰。有甚言句。僧舉室中驗人語曰。心不是佛。智不是道。三藏不是法。是甚麼。下語者皆不契。舉畢。復問師曰。參寶藏否。師曰。我與寶藏同參萬峯。僧曰。當日有何所見。遂隱於此。就不再參人去。師曰。問但有言說都無實義。峯便打我。從此得悟。僧曰。請言得之所以。師曰。但要人知痛痒的是實義。是妙心。言說盡屬皮毛。僧笑曰。若據此見解。生死尙未了。何得云悟。未了。未了。不見道。心不是佛。智不是道耶。師遂有疑曰。彼處衆中有真大徹者麼。僧曰。無。名者。僧有如此手眼。不標。名姓。則爲假設。可知矣。師即棄庵渡湖。往安溪詣東明。適有人設齋。師至關前問明曰。今日齋是甚麼滋味。明曰。到口方知。說即遠矣。師曰。如何是到口味。明即打滅燈曰。識得燈光何處著落。味即到口。人設齋。日中時也。何有打滅燈之事耶。師無語。次日黎明遣侍者請師。師即至。明問曰。曾見人否。師笑曰。見只見一人。說

出恐驚人。明日假使親見釋迦。依然是個俗漢。但說何妨。師曰。萬峯。明日爲敍先後耶。爲佛法耶。若敍先後。萬峯會下有千人。若論佛法。老闍黎佛法未夢見在。何驚之有。若親見萬峯。萬峯卽今在甚麼處。師面赤罔然。明日若如此。不曾見萬峯。問倒普慈猶可。救取萬峯始得。師歸客寮。三晝夜寢食俱忘。偶值香燈繩斷墮地。忽然大悟。詣關前呈悟繇。明日老闍黎承嗣萬峯去。師曰。白公爲我打徹。豈得承嗣萬峯。明乃笑。遂集衆出關。陞座曰。瞿曇有意向誰傳。迦葉無端開笑顏。到此豈容七佛長。文殊面赤也茫然。今朝好笑東明事。千古令人費唾涎。幸得海公忘我我。濟宗一脈續綿綿。乃擲下拄杖曰。千斤擔子方全付。玄要如今拄杖談。以拂子擊三下。下座。付則付矣。不審置萬峯於何地。若果如此。師卽入方丈禮謝。明日老僧不出月去也。至廿七夜辭衆。廿九日示寂。師復欲遁歸洞庭。四衆苦留。乃繼其席。萬峯忌日。師拈香指眞曰。我幾淹殺你。裏裏幸是普慈。若是別人。不可救也。爇此瓣香。堪酬接引。喝一喝曰。只笑你護短沒頭師。佛法當人情。展具禮拜。又拈香曰。此一瓣香。供養東明長老。一片赤心鞭策。令我洞達宗源。連喝兩喝曰。一言豈盡普慈心。千古兒孫贊報恩。又拈香曰。此一瓣香。供養昔日師僧指南之力。若不蒙師。何繇今日。他日到來。拄杖三十喫有分。堪報不報之恩。喝一喝曰。受恩深處便爲家。有乳方知是阿孃。禮拜起說偈曰。源頭只在喝中存。三要三玄四主賓。五棒當人言下會。四料還須句裏明。末後眞機死活句。箇中消息在師承。碎形粉骨酬師德。將此深心報佛恩。慟哭歸方丈。萬峯忌日拈香可也。又非出世開堂。何得東明師僧香一齊拈。又承嗣東明一場。剛剛學得一耶。又師僧香有受恩深處便爲家。有乳方知是阿孃。則普慈承嗣師僧可也。又承嗣東明一場。剛剛學得一耶。又師僧香有受恩深處便爲家。有乳方知是阿孃。則普慈承見天童述海舟初受萬峯印契。廬洞庭廿餘年。遇激發。再參東明。徹證。遂承東明。眞好笑也。湘翁和尚云。嘗頭師以佛法當人情乎。又豈有二世孫而付其上祖所印證。廿餘年之子乎。佛法當人情者。則法眼不明。

萬峯係濟北正傳。縱以慈悲之由。諒不作此落艸之戲。而海舟愛多乳爲娘。第不知海舟視東明與萬峯若爲親疎也。

臨示寂。說偈曰。九十六年於世。七十四載爲

僧。中間多少諸訛。一見東明消殞。以拂子打○曰。釋迦至我六十二世。既以普慈嗣東明矣。又以寶藏東

密矣。有不可數老和尚。又打○曰。多向者裏安身。咄。乃投筆而逝。臨寂說偈。豈明合於世次之中。其用心也可謂

左側。得法十二人。禪燈世譜以永慈法嗣雲溪智瑛等七人。與寶峯明瑄等五人。混收爲

舉興化打克賓拈曰。若爲濟宗兒孫。必要明他家裏事。予昔萬峯老人付我偈。便以爲得。直至今日始知

我錯。萬峯不錯。一遇東明和尚。乃明棒頭賞罰。言句亦然。果然悟在己而法藉師。豈曰一悟卽爲了當。如

以一悟靈通不求師法。正謂威音已前無師可也。威音已後師師相授者此也。所以克賓識得父師苦心

策發。已明向上關樞子。洞達閨闔中事。不在言宣。失錢喫棒。受罰出院。骨碎身粉。也難酬報。興化萬一。况

打罰出院乎。海長老今日所以不嗣萬峯而嗣東明者亦此也。古諺曰。養女方知孃受苦。生子乃識父辛

勤。誠哉是言也。實是箇中大事。豈容艸艸。若與人抽釘拔楔。坐獅子座。爲人天師。扶人眼翳。紹佛祖位者。

必須一一透過。切莫以悟爲是。將綱宗抹殺。置而勿究。何異天魔外道。莽蕩招殃悔乎。眞我兒孫。不可忽

之。慎之究之。參之盡之。切須透之云云。

三篇說話。同一意旨。舛僞多端。不必檢辨。只消海舟永慈一碑證之。則海舟普慈重嗣東明之說。盡是僞捏。

嗟乎。爲欲折辨一潭吉。造出許多僞說。自誤誤人。迄無砥止。可悲可痛。

寶華忍禪師辨海舟事蹟曰。從上源流。萬峯蔚祖後。卽寶藏持東明昆。昆後乃續海舟慈寶峯瑄等。而海

舟慈蔚祖之法嗣亦列。三峯藏公常疑其錯誤而無所考。曾有關疑一段。載於源流頌稿中。後刻全集者

刪之耳。丙子丁丑間。姑蘇查氏突出佛祖源流書稿。以爲達觀可公所集。又出海舟先嗣萬峯後嗣東明一傳。兼拈頌古德機緣百則。并有景泰丁丑三月九日花城弟子沈貫序。天童先師得之。亦未究其真僞。卽依原稿刻之。山僧一日偶閱萬峯語錄。後有塔銘一篇。篇首有苕溪花城隱士海安同知沈貫撰諸字。銘末有門人普壽敬持行實勉余請銘。余才輕德薄。不敢污禪師之德。自念爲師嗣法弟子海舟和尚座下參學久矣。復述請益海舟言下有省機緣一段。甚爲駭然。何也。萬峯示寂。乃洪武十四年歲次辛酉。普壽爲諸徒之長。所以輯錄請銘。皆渠爲首。今沈公旣親受普壽之請作銘。大約不過萬峯寂後數年事耳。沈公已休居林下。自稱隱士矣。自洪武辛酉至景泰丁丑。又過七十七年。豈復及有海舟錄之序乎。且據傳中載海舟參東明乃在正統辛酉。示寂於景泰庚午。時年九十六歲。則正統辛酉參東明時。已八十七歲矣。如何傳中序中又載海舟少聽楞嚴有疑。往參萬峯。得悟印可。付以法偈。不久辭萬峯。結廬於西洞庭三十年。因僧激發。是年乃有參東明之事。據此。則參萬峯時旣曰少年。不二三十歲時耳。不久辭去結廬三十年。亦不過五六十歲時耳。與後八十七歲參東明之事。如何下落。且云不久辭去結廬洞庭。則海舟結廬時。萬峯猶未示寂也。卽據萬峯示寂於洪武辛酉。海舟參東明於正統辛酉。已相去六十年矣。結廬三十年。參東明之事又如何下落。總之此稿出於查氏。渠不過要使一日木頭顛倒生之譏源流有據。見海舟之事可疑。乃就萬峯塔銘有沈公自言海舟座下參學之說可證。僞作序傳等。以海舟繼東明之後爲實據。不知欲實而反虛也。且東明昆祖塔銘。乃毘陵忠安公胡濙所撰。據山茨際公自述崇禎乙亥住東明。於破笥廢紙中所得銘中。並無海舟之事。僅云師世壽七十。僧臘五十五。弟子僅百人。受戒者請

誨益者數萬人而已。若嗣東明之海舟，果屬萬峯之徒，乃法門千古大關係，何以銘中不及一言。倘海舟一見而去，不續住持，或有旁人生障，或有事煩遺失之事。今海舟傳中載見東明於辛酉六月，東明卽於是月廿九示寂，海舟復欲遁歸洞庭，四衆苦留，乃繼其席，則海舟乃續昆祖住持矣。昆祖銘中云：今其上首本寺住持明覺令僧某某齋行狀徵予爲銘，則海舟傳云四衆苦留乃繼其席，然乎否耶。已上種種錯謬如是，海舟傳錄僞造無疑。今按年代并諸不一之論以折衷之。據潭吉五宗教中欲截去寶藏持東明昆，直以萬峯蔚海舟慈寶峯瑄天奇瑞爲一派。以萬峯錄之有海舟法嗣，乃爲的據。無奈香巖古溪澄和尚有祭海舟文云：續高峯七世之燈，紹昆祖百年之踵。自高峯至海舟實七世，而寶藏東明在也。且天童先師闢妄救中有云：得靜庵素禪師語錄，素爲海舟二世孫，敘聯芳圖，自西天四七東土二三以至萬峯蔚寶藏持東明昆海舟慈雲溪瑛瑛與寶峯瑄爲昆季，則東明嗣之有海舟，亦爲的據矣。所以潭吉疑東明下有別出一海舟，引馬祖石頭同時並化有二道悟於前，證萬峯東明祖孫繼踵，安知無二海舟於後者。此說甚似，第當知吾派所嗣之海舟，亦東明之海舟，非萬峯之海舟矣。不惟有雲溪瑛爲寶峯瑄昆季可證，且海舟至天奇止隔一寶峯耳。萬峯之海舟，洪武辛酉萬峯示寂時，沈貫已言在海舟座下參學久矣，則海舟行化已久。天奇煢絕集刻在弘治戊申，序中集中並無寂後事，似乎天奇猶在。洪武辛酉至弘治戊申，相去一百零八年，中間焉得止有寶峯一代。惟東明示寂於正統辛酉，海舟已在法嗣之列。次而寶峯，次而天奇，至弘治戊申，四十八年，祖孫相繼，甚爲穩當，故特識之。

海舟普慈錄傳之僞，不待辨而已知矣。但指查氏僞造，無乃子爲父隱。至於據靜庵敘，證天童之說爲必是。

其錯有三。謂寶藏東明在源流中。其錯一。認東明下海舟爲正傳。指萬峯下海舟爲別出。其錯二。輕信靜庵敘爲的據。而反悖逆無聞笑巖嫡祖親宗十種祖訓。其錯三。終不若潭吉考辨。不違祖訓。正大光明。嗟乎。若海舟永慈碑出。則證龜成鼈。幾莫能辨。

正名錄八卷終

正名錄卷第九

衡陽後學智楷惟直氏述

濟宗世次備考之二

海舟永慈筭付碑

禮部爲寺額事。於內府抄出南京守備內官監太監袁誠題於南京土山原有古刹寺院基址一所。發心從新修蓋完備。未有寺額。伏望聖恩憐憫。乞賜禪寺寺額。便益具本。正統十年六月初十日。奉聖旨。與做翼善禪寺。禮部知道。欽此。欽遵。抄出到部。參照前事。擬合通行。除外。合行出給筭付本僧。前去住持。恪守戒律。領衆焚修。施行。須至筭付者。

右筭付翼善禪寺住持僧永慈准此。

正統十年六月十六日對同都吏徐璫。

筭付

明矣。元慧抄梓行實。於中增改數字。無大關係處。悉置勿論。惟於寶峯下僞增一瑄字。關係法門最大。不得不辨。按永慈石碑載。徒子一百有四人。智忍居首。第十三位爲智瑛。第二十五位爲智瑄。第三十八位爲智璽。據楚山贈智瑄偈。原號玉峯。而碑內稱首嗣門人寶峯者。非智忍而誰。元慧僞增一瑄字。爲寶峯瑄。諸山受其所言。竟認爲寶峯智瑄。又一夥無知之徒。硬指寶峯明瑄。卽寶峯智瑄。是以智忍。智瑄。明瑄。三人混合爲一寶峯。又一夥狂妄失心之徒。改玉峯瑄塔面題名爲寶峯瑄。將寶峯明瑄塔面題名。剗去殆盡。竟抹殺一寶峯明瑄。獨顯一寶峯智瑄。又一夥無眼阿師。偷取寶峯明瑄之傳。作寶峯智瑄之傳。列爲天奇之師。紀爲正傳之祖。嗟乎。僞增一瑄字。毒害法門至於此也。今霽崙據翼善碑。以譜濟宗世次。不可不細心參考。

元慧抄梓行實後。附智瑄偈曰。付智瑄長老祖衣一頂。拂子一枝。山偈一首。爲助時中保任斯事云耳。迷悟猶如空裏雲。碧天明淨了無痕。歷然世界其中露。殺活拈來總現成。時景泰五年歲次甲戌春二月十一日。敕賜翼善禪寺開山臨濟下正嗣二十四世傳法比丘永慈親書付囑。

偈語之謬不暇論。按能儒訓公曰。大成咸公住翼善。因而廣搜先跡。壬寅春。於房僧破篋敗紙中。檢出永慈手書付智瑄偈。咸公係恣公之子。元慧之師。據此說。則其偈忽然突出。真僞之間。安敢固必。但永慈旣爲開山第一代。清古源爲第二代。又有徒孫三百餘衆。豈古源之後。遽無繼席者耶。必百餘年無知識住。而後漸成房頭。景泰五年手書偈稿。預貯房僧破篋敗紙中。有是理乎。永慈寂成化二年。去景泰五年。計十三年。此十三年間。旣非房僧所住。則其偈稿。又不審貯之何處。自景泰五年迄康熙壬寅。計二百零九年。始從房僧破篋敗紙中檢出。有是理乎。又二百餘年之破篋。曾不一更換乎。所貯敗紙。曾不一焚燒乎。留待大成檢出。

有是理乎。則此偈係大咸僞捏明矣。然大咸僅捏法偈一首。其子元慧。又僞增祖衣一頂。拂子一枝。及署諱書付年代事跡。可謂僞之又僞者也。今之修明僧史者。不可不慎重細考。

元慧抄梓行實後。附平陽恣公讚永慈偈曰。長恨西江老馬駒。如何又出者蘼苴。慈舟高閣東山頂。坐裏長竿釣五湖。

昔作禪燈世譜。收寶藏東明於世次中。變亂世次之始也。繼佐天童出關安救。以海舟普慈系東明下者。以不知東明下。別有一海舟故也。今得翼善碑。明知海舟永慈。係東明之嫡嗣。屬古溪之所祭者。爲靜庵之所敘者。理應修明世系。班正典型。仰答祖父靈明。以釋天童錯誤可也。而反認永慈爲世次中之嫡祖。豈非變亂世次之終乎。帶累子孫。增僞名。捏僞偈。以致盲盲相引。著爲燈錄。滅祖亂宗。恣公不得無罪。

正宗語錄

南潤行悅集字梅谷

凡例按聰祖夢說錄。悅嘗覽之。竊有可疑。及覽慈祖頌古後跋。此疑愈甚。今讀東山近刻。慈祖行實碑。方決前疑。故是書慈祖頌古。聰祖夢說錄。俱不載。頌古。普慈之事。行實。永慈之事。今云慈祖頌古。再云慈祖行實。是混二海舟爲一海舟也。

傳略第二十八祖海舟永慈禪師。明洪武二十七年生。天順間示寂。示寂。在天順間。姓余氏。蜀川成都府

成都縣名家子。此係永慈之事。法嗣十二人。此係普慈之事。第二十九祖寶峯智瑄。一作瑄。禪師。明成化八年十二月九日

示寂。姓范氏。吳江人。法嗣五人。此係明瑄之事。大鑑下二十八世祖海舟禪師行錄。師諱永慈。字海舟。俗姓余氏。

蜀川成都府成都縣名族。生於洪武二十七年歲次甲戌。父存母亡。生性慈善。齟齬時。見僧喜。一日。聞說生死事。遂發志棄俗。趨彭縣大隋山景德禪寺。投禮住持獨照月禪師。剃染。務勤。永樂十一年五月夏。本

師示寂。師殯送入塔畢。入西山居庵八載。發志參方行脚。首謁太初和尚請益。開示。父母未生前。依附做工夫。一日。初見。問曰。父母未生前。那個是你本來面目。師卽從東過西。叉手而立。初曰。未。在。更道。師曰。兩眼相對。有甚相謾。初大悅。制解起單。復至東普無際和尚處。舉似做工夫。際追問不遜。於宣德二年出峽。赴京。得度。復還金陵靈谷挂搭。雪峯和尚深契。請師充首座。制解。造武林。受具。近詣古道山。直抵關房。參見東明老和尚。一見相契。師禮畢。就請問和尚曰。無相福田衣。甚麼人得披。明下座。擱一掌。師曰。四大本空。五蘊非有。汝作麼生掌。明又一掌。師曰。一掌不作一掌用。速道。明又一掌。師神色不變。曰。老和尚。名不虛譚。復展具。三拜而立。明曰。我慧岳居古道山三十載。今日只見得者僧。大眾弗得輕謾。自此留住數日。欲付與袈裟。師曰。某不爲衣來。堅不受。至夜下山。自此聲譽叢席。復至金陵牛首挂搭。本山住持請師前堂領衆三載。制解下山。復隱全椒焦山三載。後至天界憩隱山居。於正統二年夏。守備太監袁誠。法名智海。欽師道德。備供禮請。領禮部筭。住持翼善禪寺。開山說法。衲子雲集無虛日。復於正統五年六月二十八日。東明示寂。遺囑住持明白庵。曰。吾有衣法二物。待十年後。送至金陵東山。亦名土山。海舟和尚受納。付囑曰。字付慈海舟。訪我我無酬。明年之明日。西風笑點頭。語至來年期日。示寂。白庵長老不違遺囑。限滿日。請首座法廣。於景泰二年八月二十三日。持衣齋至東山。師陞座。祝香而受。首嗣門人寶峯瑄等。住持清古源。衣鉢明大空。提點寧極庵。徒孫三百餘衆。所作頌古歌偈。行於世。師平生胸次灑落。履踐清孤。機用弗測。希蹈城郭。發言無虛。出其自然。行實迹繁。未盡錄矣。天順五年歲次辛巳。春上浣。嗣法徒智瑄智璽等焚香拜錄。傳中有寶峯瑄嗣法徒諸字眼。係元慧抄梓行實。非石刻也。大鑑下二十九世祖寶峯禪師行錄。師諱智瑄。號寶峯。嗣金

陵東山翼善慈。慈親書付囑曰。付智瑄長老祖衣一頂。拂子一枝。山偈一首。爲助時中保任斯事云耳。迷悟猶如空裏雲。碧天明淨了無痕。歷然世界其中露。殺活拈來總現成。時景泰五年歲次甲戌春二月十

一日。敕賜翼善禪寺開山臨濟下正嗣第二十四世傳法比丘永慈親書付囑。

此係大威元慧僞捏。偽增之事。辨見於前。

近行錄云。寶峯明瑄禪師。姑蘇吳江人。姓范氏。在俗爲木匠。因海舟和尚造塔院。斧傷自足。痛甚。索酒喫。舟聞之。往謂曰。適來范作頭傷足。猶可。假若斫去頭。有千石酒與作頭喫。作頭能喫否。師有省。卽止酒。遂求爲僧。舟卽與披剃曰。今日汝頭落也。師曰。頭雖落。好喫酒。人頭不落也。乃充火頭。一日。師負薪。舟見曰。將刺棘作麼。師曰。是柴。舟呵呵大笑。師罔然。舟曰。是柴。將去燒卻。師起疑曰。和尚畢竟是甚麼道理。故問我。我不能答。是夕。刻意參究。不覺被火燎卻眉毛。面如刀割。以鏡照之。豁然大悟。作偈曰。負薪和尚喚作棘。火燄燒眉面皮急。祖師妙旨鏡中明。一鑑令人玄要得。乃呈於舟。舟便打。師奪拄杖曰。者條六尺竿。幾年不用。今日又要重拈。舟大笑。師又偈曰。棒頭著處血痕斑。笑裏藏刀仔細看。若非英靈眞漢子。死人喫棒舞喃喃。舟曰。卽此偈語。可紹吾宗。果是從緣入者。永無退失。從疑得者。妙用隨機。乃付偈曰。臨濟兒孫是獅子。一吼千山百獸死。今朝汝具爪牙威。也須萬壑深山止。從此名聞遐邇。學者雲集。得法五人。逝於成化八年十二月九日。全身塔於東明寺右。

見東明祖燈錄。

按東山咸和尚曰。咸嘗按諸方輯濟宗嫡祖源流。多

系悟繇籍氏。獨慈祖未有確據。間有闕而嗣考者。乃至有謬以爲常熟錢氏子。不知何考。有識者。每疑信參半。思徧訪祖席名藍。稽實正謬。而滌山慧子。先得我心。遂乃奮志孤征。足迹幾徧湖海。終無落處。丁酉年。因作源流頌。至慈瑄兩祖。未詳籍貫開法年地。咨嗟不已。旁有僧輩渡者。偶云。敝寺翼善。向有慈海舟

祖。不卜是否。慧聞輒大驚喜。尋卽偕訪到山。門有碑屹立。但歲久塵封。模不可辨。因剔抉湔滌。讀之。乃知爲慈祖行實碑也。間載籍貫悟由。炳如星日。而院後則慈瑄兩祖窆堵雙豎。益徵諸方所傳之誤。又云。壬寅春。因有司稽造僧籍。房僧於破篋敗紙中。復檢出慈祖手書。付瑄祖偈一首。展讀祖澤如新。益喜不自持。因錄附行實碑後。并梓流通。不獨正昔日之譌。且貴祖門宗屬。得詳兩祖相承原委云云。悅因較瑄祖近行錄不同。故錄慈祖親書傳法偈於前。而行錄復載於後。儻更有如滌山慧公者。孤征徧訪。則龍天定不孤負。定有如慈祖之行實出焉。

大鑑下三十世祖天奇禪師

章次不錄。

天童編刻無聞夢說錄。有寶藏。東明二代。何疑之有。悅公覽者。必無聞原本客牕夜話。敘從上源流。見慈祖嗣萬峯。所以有疑。及覽慈祖頌古後跋。見其先嗣萬峯。後嗣東明。所以疑甚。今讀行實碑。見慈祖的嗣東明。所以決疑。胡不思拈頌百則。係普慈之事。行實碑。係永慈之事。今日慈祖頌古。再曰慈祖行實。此凡例。混二海舟爲一海舟矣。傳略述永慈事訖。乃曰法嗣十二人。此係普慈傳末之事。今錄爲永慈之事。此傳略。混二海舟爲一海舟矣。永慈首嗣爲智忍。石碑稱首嗣門人寶峯者。非智忍而何。元慧抄梓行實於寶峯下。僞增一瑄字。竟爲寶峯瑄。今悅公錄爲寶峯智瑄。其下小註曰。一作明瑄。又以明瑄示寂姓氏法嗣之事。錄爲智瑄之事。此傳略。以智忍。智瑄。明瑄。三人混合爲一寶峯矣。當天童與潭吉辨不能清者。以其未見永慈碑。是以墮於誤轍。今悅公既見無聞客牕夜話。又得永慈碑。則普永兩家譜牒。昭然明白。而不斬然釐正。以釋天童之誤。反混合普永爲一人。何也。胡不思萬峯偈。沈貫銘。明瑄傳。天奇錄。及塔銘。無聞客牕夜話。笑巖聯芳

敘。曇芝偈。廣通序。十種祖訓爲何事。乃撥置一邊。如此詭混。不惟悖逆祖訓。卽公提綱載古雪傳馬祖三十二葉。亦自相矛盾。殊不知普慈。永慈。雖同號海舟。其諱有普永之別。生緣有吳蜀之別。姓氏有錢余之別。出家。有破山景德之別。得法。有萬峯東明之別。法偈。有龜毛字付之別。住處。有洞庭翼善之別。示寂。有景泰元年成化二年之別。建塔。有東明左側退居寺後之別。世壽。有九十六年七旬三載之別。僧臘。有七十四載五十餘秋之別。法嗣。有十二人一百四人之別。載籍。有普慈錄永慈碑之別。混合爲一人可乎。勿論寶峯爲智忍。智瑄號玉峯。卽智瑄號寶峯。亦不可以寶峯明瑄混合爲一人。何也。二人雖同號寶峯。其諱有明瑄智瑄之別。得法。有明瑄受普慈付囑在正統間。智瑄受普慈付囑在景泰五年之別。法偈。有臨濟兒孫是獅子。迷悟猶如空裏雲之別。悅公雖易左爲右。謂明瑄全身塔於東明寺右。然亦有智瑄塔在退居寺後之別。混合爲一人可乎。又自較二人事跡不同。乃並錄爲永慈之子。天奇之父。永慈有二子。可也。天奇有二父。可乎。又與前傳略寶峯智瑄。明瑄作一判然不同。又正宗一代止錄一人。錄至二十九代。兩人并列。成甚單傳正宗耶。今以永慈續單傳正宗。削普慈於不聞之地。惑元慧僞增之名。咸公僞捏之偈。公然錄寶峯智瑄爲天奇之師。妄認寶藏。東明永慈。智瑄。四代異姓之人。爲正宗一脈之祖。其滅祖亂宗之甚。莫甚於此。咸公元慧。固是罪魁。恣公亦不得無罪。

又引咸公一篇。述其得偈破籠之僞。辨見於前。至謂諸方以余氏海舟。謬爲錢氏海舟。是海舟只一人也。準是不但與聰寶十種祖訓不合。亦與後人新條相反。公爲天童之孫。豈有不知闢妄救。以海舟爲常熟錢氏子。以錢氏先嗣萬峯。後嗣東明者乎。何得以其謬誤。妄加諸方耶。云正昔日之譌。昔日指誰而言。闢妄救強

驅常熟錢氏海舟嗣東明。固譌矣。公又混錢氏海舟爲余氏海舟。不亦譌中之譌乎。前此諸公辨論紛然。皆以續高峯七世之句。銷釋不去。往往違背聰寶源流。多從古溪祭文。祭文明祭翼善海舟永慈。永慈望高峯七世。紹昆祖後踵。公今住持翼善。碑在目前。明知余氏海舟永慈嗣東明。當辨清闢妄救之譌。徧告同宗。修明世系。仰答祖父靈明。可也。而反父子相與增僞名。捏僞偈。賺他無眼阿師。引著燈錄。以譌傳譌。亂宗滅祖。莫之知也。悲哉。

續僧寶傳紫籙自融
輯字巨靈

禪師名永慈。說作普慈號海舟。明洪武廿七年。生於蜀之成都余氏。說作常錢氏弱齡聞僧說生死事大。卽蘊於膺。經旬不就寢。決志趨彭縣之大隋山。說作破山景德寺禮獨照月禪師。堅求法要。月喜其端厚慎重。可爲法門梁棟。遂度之。永樂癸巳月歿。觀融公作僧寶傳。改腔換調。若意不異碑。俱勿論。但小註說作普慈。常熟錢務勤。不過苦行修而已。且碑中無堅一說。是混二海舟爲一海舟矣。據永慈碑。但云禮月公剃染務勤。言求法要。乃至法門梁棟之語。此僞捏一。師竟入西山庵。隱八載。形影偶偕。忽覺相應。乃棄庵。出謁太初和尚。時年二十有八矣。初受師半展。遽問曰。向父母未生前。速道將來。師從東過西。初曰。未。在。更道。師曰。兩眼相對。初正色瞋師。師趨去之。據此。則永慈與太初乃作家相見。何碑中但云請益。開示。依附。做浦。訪無際。抵靈谷。見雪峯。雪峯以師悟處諦當。延師爲靈谷第一座。到無際後。有赴京得度。恐致人疑。故削之耶。况碑中無悟處。師竟自許。常與同輩蹴踢。峯竊駭之。然師無留意。解制拂衣。至安溪。投機於虛白。歸當之語。此僞捏三。師竟自許。常與同輩蹴踢。峯竊駭之。然師無留意。解制拂衣。至安溪。投機於虛白。岳公。離靈谷往武林。受具一事。竟刪去者。蓋見古溪文有精僧臘五十餘秋。岳公以臨濟正脈。囑師保任。初刻云。岳公以臨濟正脈。囑師保任。地。大悟。岳公以臨濟正脈。囑師保任。

去復陸沉牛首諸山。正統丁巳。師年四十四。始領東山翼善禪寺。永慈參東明相契。有無相福田衣之機緣。且東明當衆稱許。何可刪去耶。師

晦養既久。日弘大化。四方宿艾。虛懷而仰風裁。然師虎視來機。故踵息未舒。而神氣先萎者多矣。碑中全

一味說鬼說夢。此偽捏六。正統五年庚申六月。岳公化去。東南學衆。惟歸東山。王公貴人。虛己以禮致師。師未嘗以一

言開鑿智寶。故一時雖盡愛敬。莫得而親疎焉。岳公化去。在正統六年。非五年也。岳有衣偈遺囑。永慈師

此偽捏七。緇素爲師。預建身後之域。碑中無此說。資授受一棒大事。何可刪去耶。况碑中無愛敬親疎等語。

可。假若斫去頭時。有千石酒與作頭。作頭能喫否。范於言下知歸。即求爲僧。師錄之。乃充火頭。刻意究竟。

不覺被火燎面。面如刀刈。取鏡照之。欣舞以偈呈師。師爲肯可。此係普慈傳明瑄范木匠造東明塔院。竟竊爲智瑄永慈之事。豈非大錯。當是

時出入東山。皆稱俊杰。不無有望於師。師惟目送而已。至有已據高座而聲馳國中者。求入簪室。師弗顧。

或謂東山網漏於吞舟之魚。師晒之。碑中無此語。說鬼說夢。間有古溪澄禪師。常過東山。師與盤桓。喜其

見處穩實。歎曰。真斷橋之後也。碑中無此語。乃舉澄以往高座寺。澄初出世。衲子不甚知名。師以澄法語

緘達諸山。諸山始歸重。兼仰師有衛法至公之德云。據古溪本錄。於天順五年。屬貴翼公請住金陵

五年辛巳。師陞座說法畢。一喝而逝。永慈示寂。在成化二年丙戌。非天順五年。此偽捏十一。天順

悲鳴。古溪祭文云。將入涅槃。見衰相而白虹貫日。用世尊涅槃之語。此偽捏十二。逝之日。白虹橫貫。異鳥

道揚湖海。德謠神州。慈濟隆乎品彙。聲名動乎王侯。來西蜀而全提正令。坐東山而大闡玄猷。續高峯七

世之燈。燦羣昏而獨照。紹岳祖百年之踵。吞衆派以周流。將入涅槃。現衰相而白虹貫日。既歸圓寂。殮法

身而夜壑藏舟。澄自後不上堂。亦趺坐遷化於香巖。香巖之衆。悽然。澄徐展目曰。不須如是。復晏然長往。

祭文下小註云。門人請古溪和尚作。非古溪躬往東山致祭也。師之門人智瑄。作明瑄。開法金陵。瑄傳天奇本瑞。瑞之法嗣大振。瑄即范作頭也。今小註云。作明瑄。係天奇之師。載公乃祖。開妄救中。贊曰。鄧尉至東山。歷傳四世。子子喬松。其本孤矣。自寶峯燦破面門。而得天奇瑞公。枝秀雲巒。葉蔭寰中。謂萬峯寶藏。東明永慈。歷傳四世。可也。謂寶峯天奇。出自永慈。大錯大錯。或疑其先淨而後濫。殊不知我此世界大賢劫中。小劫二十。當有千佛出興。迄今劫過有九矣。自拘留孫至我釋迦本師。纔出四佛。第十一小劫彌勒如來。又二劫師子佛。後有九百九十三尊。在十五小劫中一齊出現。惟餘樓至。設以盛衰淨濫而較之。可乎否耶。時九百九十三佛雖在一劫中出現。乃次第相繼而出。非同一時。一齊出現也。引譬天奇付三百六十人。為非濫。謬之又謬。傳中偽捏許多讚譽之詞。不暇較論。第觀其意。雖以二海舟混為一海舟。其實抹殺普慈。獨存永慈。又於永慈毒害不小。何也。凡師資授受。貴在機緣法偈有據。永慈參東明。有無相福田衣之機緣。况東明當眾稱許者。今削去之。東明有遺付永慈衣偈二物。此師資授受一椿大事。亦削去之。則於永慈雖讚譽之多。而其毒害亦不少也。明瑄范木匠造東明塔院。指為造東山壽塔。永慈塔石塔也。以木匠造石塔。謬之甚矣。而又硬指范木匠即智瑄。以之上嗣永慈。下出天奇。亂宗滅祖之甚。莫甚於此。今融公不遵無聞笑巖之祖訓。不本古溪靜庵之舊章。不依關妄救續略諸新條。一味自矧臆見。亂宗滅祖。流毒法門。為害不小。今之修明僧史者。不可不細心考究。

南嶽勒古靈巖弘儲著。字繼起。

六十一祖東山永慈禪師。於岳和尚兩掌下。開悟。乃展具。珍重禮三拜而立。碑中無開悟。珍重之語。岳曰。居古道山三十載。今日祇見得這僧。

六十二祖高峯住高峯寺者智瑄禪師智瑄不曾住高峯寺久參東山慈和尚付法偈末有殺活拈來總現成之句。此係大威僞捏之偈不可不辨。

六十三祖金陵本瑞禪師參瑄和尚瑄問曰甚處人師曰四川天奇江西人也瑄豎起拳曰四川還有這個麼師曰無瑄曰因甚卻無師曰非我境界瑄曰如何是你境界師曰不識瑄曰汝豈不是著空師曰終不向鬼窟裏作活計瑄曰西天九十六種你是第一種師拂袖便出天奇參寶峯明瑄於高峯寺非參智瑄也

按勒古自序云弘儲南嶽讓和尚三十四世宗孫又云勒四十世以返之少林自儲公上邇南嶽正三十四世再上至少林正四十世則寶藏東明二代不在世次之中正與無聞笑巖祖訓符合三峯潭吉考辨亦合是可據也其紀世次則以釋迦文佛爲始祖迦葉爲一祖至萬峯爲五十八祖寶藏爲五十九祖東明爲六十祖永慈爲六十一祖智瑄爲六十二祖天奇爲六十三祖乃至三峯爲六十八祖自己爲六十九祖上望迦文爲七十世乃云勒七十世以返之迦文則又廁寶藏東明兩代於世次之中非惟與無聞笑巖三峯潭吉相反且自語矛盾至於棄普慈而祖永慈以明瑄作智瑄以之上嗣永慈下出天奇不惟疊出寶藏東明二代則又妄認寶藏東明永慈智瑄四代異姓之人爲相傳一脈之祖帶累子孫輯爲宗統著爲源流以訛傳訛亂宗滅祖儲公固是罪不容辭恣公亦不得無罪

正名錄九卷終

山翼善祖示寂。塔於寺側。永慈示寂。在天順七年。示寂之說。偽捏十五。

辛酉正統六年。禪師普慈。自吳西洞庭來參旬日。大悟。慈亦字海舟。吳郡海虞錢氏子。世業儒。出家破山寺。往參鄧尉山萬峯蔚祖。付以法偈。遂結廬太湖西洞庭山。三十年。不過湖。聞虛白岳祖在安溪東明說法。親承萬峯祖。遂往叩。旬日。大悟。繼席東明。拈香有受恩深處便爲家。有乳方知是阿孃。之語。景泰元年。示寂。

祥符蔭曰。近因文獻互見。未之合考。遂有海舟慈祖一二是非之疑。謹按宗伯錢謙益海舟慈禪師傳。歷歷明白。宗伯以海虞人而傳海虞僧。初非傳聞之訛。此足徵先參萬峯。後參東明。居東明而承嗣其法者。乃海虞之普慈也。永慈祖原籍金陵。生緣於蜀。行蹟昭然。詳於碑碣。及雲外錄。嗣法東明。而住金陵東山翼善寺。與普慈兩人。名號雖同。履歷實相霄壤。卽如近時海虞三峯。先住者。爲匡瀑戒青。係豁堂岳之嗣。於漢祖爲第四世。後住者。爲僧鑑曉青。係退翁儲和尚之嗣。於漢祖爲第三世。若更百年後而稱述之。均曰三峯青。安所別其爲前後彼此乎。又三峯前住爲槩庵正志。後住爲碩揆原志。百年後同稱三峯志。不幾滋是非一二之疑。如海舟慈祖者乎。以是而推。天皇天王之兩道悟。亦猶是也。其可以任行刪削哉。兩道悟之說。法門自有公論。引三峯青。三峯志。辨明海舟爲二人。是矣。以之總嗣東明。非也。雲外錄向未之見。據公所述。得契東明岳祖意。乃海舟永慈。翼善碑載。永慈受東明岳死後十年遺付之衣偈。此永慈嗣東明。正公所謂詳於碑碣。及雲外錄。是也。宗伯傳。以普慈先嗣萬峯。後嗣東明者。非正統景泰時所撰。乃撰於近日。是本汝祖天童悟公所立之傳之所撰也。當三峯潭古據無聞笑巖之祖訓。證普慈確嗣萬峯。但以古

高峯寺之事。紀爲智瑄之事。僞捏二十年。甲僞捏二十年。明瑄示寂在戊戌年。非付法之年。按明瑄本傳云。天奇來參。無有年月。今僞栽成化十三年。年無載籍。可稽。不知死生成化八年。非付法之年也。僞捏三十。若夫智瑄除所據。知瑄祖付法。秦五年。付法。僞栽朝。其間乎。

著述一事。誠非艸艸筆之削之。事要真實。蓋事真。足以徵信千古。否則只益僞撰。不惟無補法門。反害法門多矣。今蔭公據宗伯一僞傳。紀普慈嗣東明。惑元慧所增之僞名。咸公所捏之僞偈。儲公所勒之僞書。紀明瑄爲智瑄。非惟紀事失真。而又自爲亂宗滅祖。如此著述。究竟於人於己。有何裨益者哉。况又僞捏面稟親承。僞栽朝代年甲。無乃罔祖誑世。以盜名。名爲宗統。實亂統也。

續指月錄廬陵蕭先集字樂讀

凡例。信史有闕疑之例。傳燈有並載之條。蓋以續佛慧命。重在師承。萬難以臆見刪削也。瞿錄並載兩天皇悟。因符碑。丘碑。各承宗派。遂爲千秋疑案。紛端久矣。茲錄有兩海舟慈。而昭然不疑者。有說焉。兩慈皆濟宗之人。有一家言。可按也。一爲金陵翼善開法之海舟永慈。一爲杭州東明繼席之海舟普慈。其姓氏生里不同。其長幼年歲有別。其悟道機緣可證。其付授時日甚殊。普慈則有天童悟爲之立傳。花城沈貫爲之作拈頌序。現在也。永慈則有南澗問之續燈存稿。靈巖儲之南嶽單傳錄。現在也。惟續燈。萬峯嗣下削去海舟慈之沈貫問答一則。另詳註於二十八世普慈章之後。

金陵東山翼善海舟永慈禪師。按東山行實碑。載師爲蜀之成都余氏子。生於洪武二十七年甲戌。齠髻時。見僧輒喜。一日。聞說生死事。遂發志棄俗。趨彭縣大隋山景德寺。投禮住持獨照月師剃染。後入西山住靜八載。發

志參方行脚。首謁太初和尚。請益開示。父母未生前話。做工夫。一日。初問師曰。父母未生前。那箇是你本來面目。師卽從東過西。叉手而立。初曰。未。在。更道。師曰。兩眼相對。有甚相瞞。初大悅。制解起單。復參東普無際和尚。不契。乃出峽。赴京。得度。宣德二年。復還金陵靈谷挂搭。雪峯和尚請師充首座。制解。卽詣古道山參東明岳禪師。一見。便問。無相福田衣。甚麼人得披。岳下座。擲一掌。師曰。四大本空。五蘊非有。汝作麼生掌。岳又一掌。師曰。一掌不作一掌用。速道。岳又一掌。師神色不變。曰。老和尚名不虛譚。復展具。三拜而立。岳曰。我居古道三十載。今日只見得者僧。乃留旬日。欲付袈裟。師曰。某甲不爲衣來。堅不受。下山。自此聲譽叢林。金陵牛首。請師領衆。三載。退隱天界山居。太監袁誠法名智海。欽師道德。請住翼善寺。開山說法。正統五年庚申六月二十八日。岳和尚留囑明白庵曰。吾有衣法二物。待十年後。送至金陵東山海舟和尚受納。付囑曰。字付慈海舟。訪我。我無酬。明年之明日。西風笑點頭。明年如期。果寂。白庵不違遺囑。限滿日。請首座法薦。於景泰二年八月二十三日。持衣。實至東山。師祝香而受。東明岳嗣

杭州東明海舟普慈禪師。按師七世孫天童悟和尚傳云。蘇之常熟人。姓錢。世宗儒業。出家於破山。初至慧日寺。聽講楞嚴。至但有言說。都無實義處。乃曰。言說今日愈多矣。遂歸。日夜閱經。尋思實義。面顏日悴。有居士問曰。師顏色有病。師曰。佛法不明。故爾。非病也。士曰。佛法不明。何不往府中鄧尉山。問取萬峯蔚和尚去。師聞欣然。便詣鄧尉。見萬峯。峯問曰。沙彌何來。師禮拜起曰。常熟峯曰。到此何爲。師舉前話。再拜求示。峯便劈頭兩棒。攔背一踢。以脚兩踢曰。只者是實義。師有省。起曰。好只好。太費和尚心力。峯笑而許之。付以偈曰。龜毛付囑與兒孫。兔角拈來要問津。一喝耳聾三日去。箇中消息許誰親。又曰。子當匿迹護

持。莫輕爲人師範。師自以爲得。乃結廬於洞庭山塢。二十九年。一日。僧至。師問曰。上座何處來。曰。安溪。曰。安溪有人麼。曰。有虛白和尚。說法不異高峯。曰。是誰弟子。曰。寶藏。曰。有甚言句。僧舉室中驗人語云。心不是佛。智不是道。三藏不是法。是甚麼。下語者。皆不契。舉畢。復問師曰。參寶藏否。師曰。我與寶藏同參高峯。僧曰。當日有何所見。遂隱於此。就不再參人去。師曰。問但有言說。都無實義。峯便打。我從此得悟。僧曰。請言得之所以。師曰。但要人知痛癢的。是實義。是妙心。言說盡屬皮毛。僧笑曰。若據此見解。生死尙未了。何得云悟。未了。未了。不見道心不是佛。智不是道耶。師遂有疑。曰。彼處衆中有真大徹者麼。僧曰。無。師卽棄庵。渡湖往安溪。詣東明。適有人設齋。師至關前。問明曰。今日齋。是甚麼滋味。明曰。到口方知。說卽遠矣。師曰。如何是到口味。明卽打滅燈曰。識得燈光何處著落。味卽到口。師無語。次日黎明。遣侍者請師。師卽至。明問曰。曾見人否。師笑曰。見只見一人。說出恐驚人。明曰。假使親見釋迦。依然是箇俗漢。但說何妨。師曰。萬峯。明曰。爲敍先後耶。爲佛法耶。若敍先後。萬峯會下有千人。若論佛法。老闍黎佛法未夢見在。何驚之有。若親見萬峯。萬峯卽今在甚麼處。師面赤。罔然。明曰。若如此。不曾見萬峯。師歸客寮。三晝夜。寢食俱忘。偶值香燈繩斷墮地。忽然大悟。詣關前。呈悟由。明曰。老闍黎承嗣萬峯去。師曰。白公爲我打徹。豈得承嗣萬峯。明乃笑。遂集衆出關。陞座。曰。瞿曇有意向誰傳。迦葉無端開笑顏。到此豈容七佛長。文殊面赤也茫然。今朝好笑東明事。千古令人費唾涎。幸得海公忘我我。濟宗一派續綿綿。乃擲下拄杖曰。千斤擔子方全付。玄要如今拄杖談。以拂子擊三下。下座。師卽入方丈禮拜。明曰。老僧不出月去也。至二十七夜。辭衆。二十九日。示寂。師復欲遁歸洞庭。四衆苦留。乃繼其席。嘗舉興化問克賓維那。你不久爲唱道之師。賓曰。

不入者保社。化曰：會來不入，賓曰：沒交涉。化便打曰：克賓維那。法戰不勝，罰錢五貫，設堂飯。至來日齋飯時，興化自白椎曰：克賓維那。法戰不勝，不得喫飯。即便趕出院。師拈曰：若爲濟宗兒孫，必要明他家裏事。予昔蒙萬峯老人付我偈，便以爲得。直至今日，始知我錯。萬峯不錯。一遇東明和尚，乃明棒頭賞罰。言句亦然。果然悟在己，而法藉師。豈曰：一悟卽爲了當。如以一悟靈通，不求師法，正謂威音已前無師可也。威音以後，師師相授者，此也。所以克賓識得父師苦心策發，已明向上關楸子。洞達闔闔中事，不在言宣。失錢喫棒，受罰出院，骨碎身粉，也難酬報。興化萬一，况打罰出院乎。海長老今日所以不嗣萬峯而嗣東明者，亦此也。古諺云：養女方知娘受苦。生子乃識父辛勤。誠哉是言也。實有箇中大事，豈容艸艸。若與人抽釘拔楔，坐獅子座，爲人天師，抉人眼翳，紹佛祖位者，必須一一透過。切莫以悟爲是，將綱宗抹殺，置而勿究。何異天魔外道，莽蕩招殃悔乎。萬峯忌日，師拈香指眞曰：我幾淹殺你裏裏，幸是普慈。若是別人不可救也。熬此瓣香，堪酬接引。喝一喝曰：只笑你護短沒頭師。佛法當人情，展坐具禮拜。又拈香曰：此一瓣香供養東明長老，一片赤心鞭策。令我洞達宗源，連喝兩喝曰：一言豈盡普慈心。千古兒孫贊報恩。又拈香曰：此一瓣香供養昔日師僧指南之力。若不蒙師，何由今日。他日到來，拄杖三十喫有分。堪報不報之恩。喝一喝曰：受恩深處便爲家。有乳方知是阿娘。禮拜起，說偈曰：源頭只在喝中存。三要三玄四主賓。五棒當人言下會。四料還須句裏明。末後眞機死活句，個中消息在師承。碎形粉骨酬師德，將此身心報佛恩。慟哭歸方丈。臨示寂，說偈曰：九十六年於世，七十四載爲僧。中間多少譸訛，一見東明消殞。以拂子打圓相曰：釋迦至我六十二世，有不可數老和尚。又打圓相曰：多向者裏安身。咄。乃投筆而逝。景泰

元年。全身塔於東明左側。得法十二人。東明昆嗣。

師著拈頌一帙行世。花城弟子沈貫爲之序。其略曰。海舟嗣昆公一事。自佛至今無有其人。人我四相些微未盡者。不能爲之。師誠古佛再現人間也。無奈師年邁臘尊。出世無何。而入滅。宗風未能大暢寰中。惟有拈頌古德機緣百則。令慧日重開。破暗千古。其頌或引人詩句。出自手眼。有合佛祖意者。採摭而成之。個中意旨。是非不敢固必。但見師之操履人品。爲法忘形。去名存實。自無苟足。而其頌拈量。不妄意測度。謬爲撰述者也。明眼人見之。究之。奉行有日在。嗟乎。今時魔熾法殘。拈花一脈。寥寥不顯於世。真正宗師。煨鑪山穴。保養道胎。俟時待緣。暗流枝派。使兒孫布揚祖道。雲興雨澍。潤澤靈根。佛祖花開。香浮震旦。觸聞其香。咸令悟入者。舍師之裔其誰歟。時景泰丁丑三月九日。山曉哲禪師。崇正錄云。潭吉五宗救中之說。總以未見永慈之碑誤之。天童先師翁闢妄救中。答潭公書云。老僧誠有意探討故刻小字。印於語錄之前。數年竟不能得。邇來有法姪山茨。將海舟寶峯二祖機緣刻行於世。蓋得之丹壑查居士家藏佛祖源流中者。然則萬峯蔚出寶藏持。持出東明昆。昆出海舟慈。慈出寶峯瑄。又得靜庵素禪師語錄。素爲海舟二世孫。敘聯芳圖。始自釋迦。遞代相承。敘至東明昆。海舟慈。雲溪瑛。瑛與寶峯瑄。爲昆季焉。據是源流的的相承。海舟慈爲東明昆祖之嗣。無疑矣。當時潭公聞先師翁之言。始得豁然。嗣後竟無餘議。但俱未見翼善之碑。誤以普慈爲永慈耳。樂讀氏曰。海舟永慈翼善碑。按康熙元年。大成咸公住東山時。始爲刊布四方。一時名衲皆宗之。前人俱未之見焉。其東明海舟普慈傳。乃悟老人作於崇禎年間。山茨際公住東明時刊行也。不謂翼善一碑。諸訛互異。不得已而兼存之。所謂余生也晚。前不見古人。後不見來者。惟

有多聞闕疑已耳。古今僞碑甚多。世之譜牒造端恆有之。具戒衲子有是事乎。昔之天皇。天王。今之永慈。普慈。並載爲是。知我罪我。我何畏焉。

杭州東明實峯智瑄。舊傳原是明瑄。禪師。蘇州吳江范氏子。在俗爲木匠。因海舟和尚造塔院。斧傷自足。

舊傳原是明瑄。禪師。

痛甚。索酒喫。舟聞之。往謂曰。適來范作頭傷足。猶可。假若斫去頭。有千石酒與作頭喫。作頭能喫否。師恍

然有警。遂求爲僧。舟卽與披剃。曰。今日汝頭落也。師曰。頭雖落。好喫酒。人頭不落也。乃充火頭。一日。負柴次。舟見曰。將荆棘作麼。師曰。是柴。舟便呵呵大笑。師罔然無措。舟曰。是柴。將去燒卻。師起疑曰。和尚畢竟是甚麼道理。故問我。我不能答。是日。刻意參究。不覺被火燎去眉毛。面如刀割。以鏡照之。豁然大悟。作偈曰。負薪和尚喚作棘。火燄燒眉面皮急。祖師妙旨鏡中明。一鑑令人玄要得。乃呈於舟。舟便打。師奪拄杖曰。只條六尺竿。幾年不用。今日又要重拈。舟大笑。師又呈偈曰。棒頭著處血痕斑。笑裏藏刀仔細看。若非英靈真漢子。死人喫棒舞喃喃。舟曰。卽此偈語。可紹吾宗。果是從緣入者。永不退失。從疑得者。妙用隨機。乃付偈曰。臨濟兒孫是獅子。一吼千山百獸死。今朝汝具爪牙威。也須萬壑深山止。從此名聞遐邇。學者雲集。一日。天奇瑞參。師問。甚麼處來。奇曰。北京。師曰。只在北京。爲復別有去處。奇曰。隨方瀟灑。師曰。曾到四川否。奇曰。曾到。師曰。四川境界與此間如何。奇曰。江山雖異。雲月一般。師舉起拳曰。四川還有者箇麼。奇曰。無。師曰。因甚卻無。奇曰。非我境界。師曰。如何是汝境界。奇曰。諸佛不能識。誰敢强安名。師曰。汝豈不是著空。奇曰。終不向鬼窟裏作活計。師曰。西天九十六種外道。汝是第一。奇拂袖便出。師以偈付曰。濟山棒喝如輕觸。殺活從教手眼親。聖解凡情俱坐斷。曇花猶放一枝新。時座下得法五人。奇居首焉。成化八

年壬辰十二月九日。師無疾而逝。全身塔於東明寺左。海舟慈嗣。

竟陵荆門天奇本瑞禪師略曰。參寶峯瑄和尚於高峯。鍼芥相契。遂蒙印證。寶峯瑄嗣。

叢公以姓氏。生里。長幼年歲。辨海舟爲二人是矣。以二人俱嗣東明非也。按古溪祭文打頭則曰。祭東山翼善堂上。高峯下第七代。圓寂本師。海舟大和尚。原祭永慈明矣。永慈紹昆祖百年之踵。續高峯七世之燈。住持金陵東山翼善者也。與普慈無涉。潭吉明謂龍池因符合續高峯七世之數。故以海舟普慈嗣東明。豈非大誤。然而未列章次。天童復踵龍池之誤。爲普慈立先嗣萬峯。後嗣東明之一傳。以折辨潭吉故也。據公所引山曉之說。謂俱未見翼善之碑。誤以普慈爲永慈。公今得翼善碑。明知永慈係東明嫡嗣。彼天童以普慈嗣東明。符合七世之數者。錯誤炳然。更復何辨。然則咸知誤矣。須以誤嗣東明之普慈。發放何地。消歸何人。可也。而乃復據天童之僞傳。收爲東明之重嗣。豈非誤之又誤者乎。至引沈序以證成實。不知反證成僞矣。按沈貫撰萬峯塔銘。署諱自稱隱士。以同知休官林下。稱隱士。大約五六十歲時。塔銘撰在洪武十六年春。至景泰丁丑。計七十四年。世豈有百二三十歲之沈貫。爲普慈作序乎。又丁丑正月十七日。英宗復辟。改景泰八年爲天順元年。二月朔廢景帝。復爲郕王。是月十九日。郕王薨。而三月九日。何復有景泰年號。爲沈貫作序署款乎。據是。則此序此傳。係天童僞造。明矣。僞傳以普慈被行脚僧勘驗一上。被東明問得面赤無對。屈辱極矣。數十年來莫得而申之。萬峯蒙濫付非人之罪。數十年來莫得而雪之。幸祖父有靈。使翼善碑出。則萬峯之罪。得以雪之。普慈之屈。得以申之。不急急修明世次。仰答祖父靈明。而反據僞傳。收爲重嗣。使普慈枉受屈辱之恥。終古莫申。萬峯濫付非人之罪。終古莫雪。可悲可痛。至謂信史有闕疑之例。傳燈有並載

之條。如梅谷悅公以明瑄。智瑄。何妨並列。何得私憑臆見。擅改明瑄爲智瑄。自公改後。天下後世。只知有一寶峯智瑄。而寶峯明瑄。豈不被公抹殺之矣。又以天奇爲智瑄之嗣。亂宗滅祖。莫此爲甚。最好笑。如此亂宗滅祖之事。不見有一人辨正之。如檠巖黃公。反讚其書。載筆精妙。確有卓見高識。爲功於傳燈。無盡相雨蔭公。反引爲例。以二海舟錄嗣東明。不審濟宗尊宿。喜於訛誤相承耶。抑亦稽考無人耶。此吾莫解。述以問世。

續燈存稿

南潤通問編定。字箸庵。南潤行昱。梓行。字曉庵。

萬峯蔚禪師法嗣

海舟慈禪師。居士沈貫問。修多羅教。如標月指。若復見月。了知所標。畢竟非月。此理如何。師舉手曰。指耶。月耶。士罔措。師拍案一下。士釋然有省。

東明岳禪師法嗣

金陵東山翼善海舟永慈禪師。成都余氏子。生於洪武二十七年。幼孤。見僧輒喜。一日聞生死事大。發心出家。奮志訪尋知識。首見太初。問。父母未生前。那個是汝本來面目。師卽從東過西。叉手而立。初曰。不是。不是。師曰。兩眼對兩眼。宣德三年。出峽。遊燕京。南還至武林。謁東明。問。無相福田衣。何人合得披。明便掌。師曰。作麼。明又掌。師曰。一掌不作一掌用。又如何。明復掌。師曰。老和尚。名不虛傳大。展具三拜。未幾。復遊金陵。正統二年。大監袁誠。欽師道德。請師開法翼善。五年五月二十九日。東明專僧。送衣拂至。有偈曰。分付慈海舟。訪我我無酬。明年之明日。西風笑點頭。明年。東明如期示寂。

金陵慈禪師法嗣

金陵高峯寶峯明瑄禪師。天奇參。師問甚麼處來。奇曰。北京。師曰。只在北京。爲復別有去處。奇曰。隨方灑灑。師曰。曾到四川麼。奇曰。曾到。師曰。四川境界與此間如何。奇曰。江山雖異。雲月一般。師舉起拳曰。四川還有者個麼。奇曰。無。師曰。因甚卻無。奇曰。非我境界。師曰。如何是汝境界。奇曰。諸佛不能識。誰敢强安名。師曰。汝豈不是著空。奇曰。終不向鬼窟裏作活計。師曰。西天九十六種外道。汝是第一。奇拂袖便出。師以偈付曰。濟山棒喝如輕觸。殺活從茲手眼親。聖解凡情俱坐斷。曇花猶放一枝新。

寶峯瑄禪師法嗣

竟陵荆門天奇本瑞禪師

章次不錄

闢妄救移萬峯下普慈明瑄天奇一脈。系於東明下。世次疊訛。祖孫倒置。數十年來。幾莫能辨。今以永慈嗣東明。符合翼善碑。古溪文。靜庵敘。三種舊章。以普慈還嗣萬峯。符合無聞笑巖等十種祖訓。俾兩家世次有準。式憑千古。以釋天童之錯誤。於法門不無小補。如何又留普慈之子孫明瑄天奇。而爲永慈之子孫。不亦依舊疊訛世次。倒置祖孫耶。普慈傳重嗣東明一事。雖係天童僞造。然參萬峯一段悟由。泊生緣。皆實事可錄也。而一槩削去。惟錄沈貫一則語。成何章次。莫是其間有嫌疑耶。抑亦刪繁取要。當如是削薄耶。又住居縱不載東明。亦當載洞庭。今一槩不載。使普慈竟爲箇無地頭漢。成何體統。又海慈舟三字。卻有二人。因同名號。往往混爲一人。幸法派有普永之別。今不詳載。亦削去普字。惟曰海舟慈。是何高裁。永慈何幸。獲此螟蛉子孫。普慈何罪。斬絕嫡子親孫。而削薄章次。列於旁出。猶之乎不還也。又何異亂宗滅祖耶。永慈碑云。正統五年六月二十八日。東明示寂。遺囑明白庵曰。吾有衣法二物。待十年後。送至土山海舟和尚受納。付囑

曰。字付慈海舟云云。白庵於景泰二年八月二十三日。專僧持衣至土山。永慈祝香而受。今日正統五年五月二十九日。東明專僧送衣拂至。濟宗人最喜者。是面稟親承。意謂東明死後十年。白庵代付。非面稟親承。不若於正統五年東明未死之日。以完成師資授受一事。豈不是面稟親承。然則天童作普慈傳。墮燈大悟。出關付法。亦面稟親承也。公嫌其偽造。故削去之。今又自己偽造面稟親承之事。豈不自誑以誑世乎。他如融公。以永慈一投機於虛白。卽以臨濟正脈囑之。之面稟親承。蔭公。以永慈一參東明。於兩掌下。卽時開悟。卽以正法付之。之面稟親承。豈不更直捷痛快殺人。公今縱弄出箇面稟親承。其奈間隔數年。較融蔭二公拙之多矣。又濟宗人付法。喜歡拂子。而偈次也。故咸公與智瑄。偽捏法偈一首。元慧偽捏祖衣一頂。拂子一枝。今存稿以永慈既有衣偈二物。所少者一拂也。故又偽增一拂。豈不更冠冕耶。又偈語乃決別意。非付法意也。縱然改字字爲分字。不見得筆力之高。不若機緣削去。下座擲掌。汝作麼生。速道。諸字眼。不惟筆力高健。亦令人見之。不致人疑。翼善碑爲後人偽造。若夫亂宗滅祖之事。吾雖愚魯。不敢從命。

五燈全書

聖感超永
集字齋

萬峯蔚禪師法嗣

海舟普慈禪師。蘇州常熟錢氏子。初出家破山。聽楞嚴。至但有言說。都無實義處有疑。往參萬峯。問。但有言說。都無實義。如何是實義。峯劈頭兩棒。攔胸一踢。曰。只者是實義。師起曰。是卽是。太費和尚心力。峯然之。付以偈曰。龜毛付囑與兒孫。兔角拈來要問津。一喝耳聾三日去。箇中消息許誰親。居士沈貫問。修多羅教。如標月指。若復見月。了知所標。畢竟非月。此理如何。師舉手曰。指耶。月耶。士罔措。師拍案一下。士釋。

然有省。

東明岳禪師法嗣

金陵東山翼善海舟永慈禪師。成都余氏子。生於明高帝洪武甲戌。生性慈善。幼孤。見僧輒喜。一日。聞生死事。發心出家。奮志趨彭縣大隨山景德寺。從獨照月耀染。後月示寂。師入西山庵居。八載棄去。尋訪知識。首謁太初原。問。父母未生前。那個是汝本來面目。師卽從東過西。叉手而立。原曰。不是。不是。師曰。兩眼對兩眼。原領之。宣德丁未。出峽。遊燕京。南還。至武林。謁東明岳。問。無相福田衣。何人合得披。岳便掌。師曰。四大本空。五蘊非有。作麼生掌。岳又掌。師曰。一掌不作一掌用。又如何。岳復掌。師神色不變。曰。老和尚名不虛傳。遂展具三拜而立。岳曰。我居古道二十載。今日只見得者僧。大眾弗得輕慢。自此聲譽叢席。未幾復遊金陵。牛首挂搭。請師前堂領衆。三載復隱全椒焦山。三載後至天界。憩隱山居。於正統丁巳。太監袁誠欽師道德。請師開法翼善。庚申夏。東明專僧送衣拂至。有偈曰。分付慈海舟。訪我我無酬。明年之明日。西風笑點頭。明年東明如期果寂。成化丙戌。師示寂。壽七十三。塔於本山。

茲特辨世次。而永慈傳去取點綴。不暇較也。二海舟來源世次。備述於前。茲不贅。按普慈一傳。前載生緣。悟由。初住洞庭。後住東明。洎示寂。東明建塔。東明皆實事。今爲普慈傳者。論住處。縱不載東明。亦當載洞庭。論姓氏。機語。當載生緣。悟由。論後事。當載示寂。建塔。存稿不分真僞。一槩削去。惟載沈貫問答一段。不審其間有嫌疑耶。抑僧史當如是刻薄耶。今全書依存稿。以普慈還嗣萬峯。理也。傳中旣補入生緣。悟由。授受之事。亦當補入住持後事。可也。今二書削薄章次。關係法門事小。第列普慈爲旁枝。以永慈爲正傳。紊亂宗譜。關

係法門之大者。莫大於此。

翼善慈禪師法嗣

金陵翼善寶峯智瑄此係明瑄之傳。霽崙像來作智瑄之傳。削去南京寶峯明瑄六字。偽禪師。吳江范氏改金陵翼善寶峯智瑄八字。是抹殺一寶峯明瑄。獨顯一寶峯智瑄。子素業木工。因海舟慈建塔院。失斧傷足。痛甚。索酒。慈曰。范作頭傷足。猶可。假若斫去頭。有千石酒與作頭喫。能喫否。師有省。即求爲僧。慈與披剃曰。今日汝頭落也。師曰。頭雖落。好喫酒。人頭不落也。乃充火頭。一日負薪。慈見曰。將荆棘作麼。師曰。是柴。慈呵呵大笑。師罔然。慈曰。是柴將去燒卻。師疑曰。和尚畢竟有什麼道理。故爾問我。是夕刻意參究。不覺被火燎眉。面如刀割。以鏡照之。忽然大悟。呈偈曰。負薪和尚喚作棘。火燄燒眉面皮急。祖師妙旨鏡中明。一鑑令人玄要得。慈便打。師奪拄杖曰。者條六尺竿。幾年不用。今日又要重拈。慈大笑。師又呈偈曰。棒頭著處血痕斑。笑裏藏刀仔細看。若非英靈真漢子。死人喫棒舞喃喃。慈曰。即此偈語。可紹吾宗。傳中凡曰慈者。普慈也。師者明瑄也。此係明瑄普慈父子問答之事。今於瑄爲金陵翼善寶峯智瑄。竟傳前改東明慈禪師法嗣。爲翼善慈禪師法嗣。又於傳首改南京寶峯明做智瑄永慈父子問答之事。乃付偈曰。死。今朝汝具爪牙威也。須萬壑深山止。今削去此。一吼千山百獸迷。悟猶如空裏雲。碧天明淨了無痕。歷然世界其中露。殺活拈來總現成。此係大威威公。僞捏永慈付智瑄。從此名聞遐邇。學者川赴。出世金陵高峯。此十六字。係明瑄事。次遷翼善。此四字。係天奇瑞。參師問甚處來。瑞曰。北京。師曰。只在北京。爲復別有去處。瑞曰。隨方瀟灑。師曰。曾到四川否。瑞曰。曾到。師曰。四川境界。與此間如何。瑞曰。江山雖異。雲月一般。師舉起拳曰。四川還有者個麼。瑞曰。無。師曰。因甚卻無。瑞曰。非我境界。師曰。如何是汝境界。瑞曰。諸佛不能識。誰敢強安名。師曰。汝豈不是著空。瑞曰。終不向鬼窟裏作活計。師曰。西

天九十六種外道。汝是第一。瑞拂袖便出。師喜爲克家種。堪支吾道。遂書偈付曰。濟山棒喝如輕觸。殺活從茲手眼親。聖解凡情俱坐斷。曇花猶放一枝新。此一段係明瑄與天奇問答機緣。於智瑄無涉。師逝於明憲宗壬辰臘月九日。此亦係明瑄事。塔建翼善左寺左。今霽崙削去。偽改塔建翼善左。

關妄救泥古溪靜庵二說。雖誤割萬峯法嗣。普慈爲東明法嗣。然按其所編歷代世次。自南嶽一脈。次第列來。至萬峯下。則曰寶藏普持曰東明慧岳曰海舟普慈曰寶峯明瑄曰天奇本瑞。雖世次中有疊出寶藏東明二代。而普慈明瑄天奇三代世次。未曾移易一人。妄改一字。今霽崙據永慈碑紀。永慈傳以永慈紹東明。是依古溪靜庵三種舊章。參訂永慈世次。誠是。亦當遵無聞笑巖十種祖訓。以普慈明瑄天奇還歸萬峯。參訂普慈世次。以釋天童之誤。可也。今則雖以普慈還嗣萬峯。而列爲旁枝。又僞明瑄之傳。爲智瑄之傳。削去明瑄之名。改爲智瑄之名。豈不是抹殺寶峯明瑄。獨顯寶峯智瑄。又以普慈之孫天奇爲智瑄之子。是乃妄認寶藏東明永慈智瑄四代異姓之人。爲源流中一脈所出之祖。致使兩家祖訓舊章。洎關妄救五宗救續略繼燈續續存稿諸書。所列世次人名。俱不相合。豈不是亂宗滅祖之甚者也。

又於傳內。削去普慈付明瑄。臨濟兒孫是獅子之真偈。插入永慈付智瑄。迷悟猶如空裏雲之僞偈。殊不知此偈乃大威僞捏。妄言得自房僧破簾敗紙中。公然刻布於世。競相援引。以爲著書立言之張本。噫。何惑之甚也。夫旣曰破簾敗紙。不過零碎廢紙也。而房僧破簾中所有敗紙。亦不過疏語紙也。且永慈之後。住翼善者。爲清古源智清之後。雖不知爲何人。然永慈子孫頗多。必也數代之後。漸成房僧。何得有法偈而落房僧廢紙中乎。况永慈迄今二百餘年。而房僧破簾。曾不一更換乎。簾中所貯敗紙。曾不一焚燒乎。積之二百年。

後始爲大咸檢出眞耶。僞耶。余不得而知也。按普慈示寂在景泰元年。景泰之前爲正統。則普慈付明瑄之偈。書在正統年間。可知矣。永慈付智瑄之偈。載景泰五年。然偈之眞僞勿論。卽此一偈。以見普慈永慈。明瑄智瑄。師承上下。授受後先。朝代年甲。種種各別。如何混合得來。今霽崙打渾混合。削眞入僞。棄嫡祖庶。豈不是亂宗滅祖之甚者也。

明瑄出世金陵者。金陵之高峯寺也。從不聞有次遷翼善之說。卽智瑄亦絕不聞出世何地何刹。次遷何地何刹也。永慈爲翼善第一代。智清爲第二代。載之行實碑內。今霽崙紀智瑄出世高峯。次遷翼善。不審所載何碑何書。言不該典。非君子之所談。既無載籍可稽。何遽僞捏出世高峯。次遷翼善耶。雖楚山有贈瑄玉峯掩關翼善之偈。豈掩關遂爲一代住持乎。若以掩關爲住持。余更有說焉。按楚山贈偈。在景泰三年。智瑄受付。在景泰五年。豈未受付前。掩關翼善。便爲一代住持乎。若夫明瑄。非惟受普慈付囑。在正統間。其出世高峯亦在正統間。何以知之。按金陵梵刹志載。高峯乃古寺也。正統十四年。敕賜爲崇化寺。據天奇行實。自謂到南京高峯寺。參寶峯瑄和尚。不曰到崇化。直曰到高峯。則明瑄出世高峯。在正統十四年之前。可知矣。觀此。則知天奇參明瑄。亦在十四年之前。明矣。智瑄受付在景泰五年。豈未受付。六七年前。便爲天奇所參之師乎。自尙未受人付。而先付人之法乎。據此。則普慈永慈。明瑄智瑄。授受出世。種種各別。如何混合得來。且天童闢妄救。列世次人名於海舟普慈下。不曰寶峯明瑄乎。於明瑄下。不曰天奇本瑞乎。今霽崙擅改明瑄爲智瑄。謂出世金陵高峯。又僞捏次遷翼善。豈不是亂宗滅祖之甚者也。

按闢妄救續略續諸書所紀。海舟普慈法嗣曰。南京寶峯明瑄。紀明瑄法嗣曰。天奇本瑞。則天奇嗣明瑄。

明矣。天奇行實。自謂到南京高峯寺。參寶峯瑄和尚。則天奇嗣明瑄又明矣。按明瑄傳。內載天奇瑞參。師問甚處來。乃至付偈者。皆出載天奇行實也。今霽崙既於傳首改明瑄爲智瑄。紀爲永慈法嗣矣。又削去普慈付明瑄之偈。插入永慈付智瑄之偈。又載智瑄出世高峯。次遷翼善。然後載天奇參師者。徑是參寶峯智瑄也。付偈者。徑是智瑄付天奇也。如此詭譎。致使終古誣訛。豈不是亂宗滅祖之甚者也。

按東明寺左有塔院一所。院後右爲東明昂塔。左一排五塔。中爲海舟普慈塔。右二塔未有題名。左第一爲寶峯明瑄塔。第二爲普同塔。後人以二寶峯混合爲一寶峯。徑指爲翼善寶峯。上爲永慈之嗣。下爲天奇之師。以證成一己之私說矣。惟慮東明寺左有明瑄全身塔在焉。恐後據此塔以駁私說之案。遂將明瑄塔面題名鏟去殆盡。按翼善左有寺名退居寺。後有大小塔二。中大塔謂是永慈塔。塔面未有題名。左小塔謂是智瑄塔。詢其所以。其說不一。一說此塔面向有玉峯瑄禪師塔六字。一說後見玉字上添一頭。近又不然。於塔腰間抽去一盤舊石。易以新石。題曰翼善堂上第一代先師寶峯瑄和尚塔十五字。按行實碑載。永慈爲翼善第一代。繼住持者。爲智清。而智瑄縱有住持。不知在第幾代。今小塔遽題智瑄爲翼善第一代。不知置永慈智清於何處耶。又智瑄之名。獨載永慈碑內。從不聞號寶峯也。惟楚山錄中有贈偈曰。瑄玉峯小塔。向曰玉峯瑄。兩說脗合。徵驗有據。則智瑄向號玉峯明矣。而號寶峯者。始見此塔面新題。則係易石之人。改玉峯爲寶峯。以爲混二寶峯爲一寶峯之張本。故山曉哲公寶積錄。直謂二海舟慈。向有是說。二寶峯瑄。從未之聞。且力辨止有一寶峯智瑄。則寶峯明瑄。被山曉一筆抹殺之。而鏟塔易石。改號之事。於此微露矣。續紀。明瑄傳末明載。塔全身於東明寺左。今霽崙削去之。僞改塔建翼善左。亦卽此意。豈不是亂宗滅祖之

按智瑄名獨載永慈碑內。別無見載。亦別無一字所紀。至順治末年。大成始於房僧破篋敗紙中。檢出永慈偈稿。縱真。亦付智瑄之偈。於明瑄無涉也。正宗錄知其無涉。不敢混合爲一。故以智瑄。普瑄。並列永慈下。存稿。不收智瑄。徑以明瑄嗣永慈。幸明瑄之名。未曾改易。後世高明。得以釐正濟宗世次。賴有此名存焉。今霽崙遽於傳首。截去明瑄之名。安上智瑄之名。是猶斬去馬頭。易以鹿頭。又於傳中。刪去明瑄之偈。插入智瑄之偈。是猶鑿去虎腰。補以狐腰。又於傳尾。削去塔全身。於東明寺左。改爲塔建翼善左。是猶截去龍尾。續以蛇尾。非惟欺世惑人。實乃終古莫辨。豈不是亂宗滅祖之甚者也。

寶峯瑄禪師法嗣

竟陵荆門天奇本瑞禪師。章次不錄寂後。門人於弘治戊午。建塔於衛輝府輝縣白鹿山白雲寺左。

按天奇錄。不見載出世某地。建塔何處。今霽崙列天奇章次。載住處曰竟陵荆門者。蓋天奇出家處。以出家處。紀爲住處。無不可也。余嘗躬到白雲。見天奇塔背。有碑曰。弘治十一年歲次戊午某月日立。今霽崙曰。寂後。門人於弘治戊午。建塔白雲寺左者。是依天奇塔碑也。亦霽崙窮搜極討。補載後事。於天奇誠爲有功。又何不依塔碑。以釐正天奇之世次耶。按碑前載天奇法嗣曰。高峯第八代遠孫二百餘人。夫天奇法嗣。稱高峯八代。則天奇當高峯七代。以是驗。無聞笑巖等數種祖訓。皆爲可徵可信也。又何得抹殺天奇之父。列天奇之嫡祖爲旁枝。勒逼天奇認四代異姓之人。爲自出之祖父乎。敢問霽崙爲復知而故爲耶。爲復附會鏟塔。易石改號之私說耶。若附會私說。如扯人下水。先自受其沒溺矣。若知而故爲。非僧苑之信史。實亂統之

僞書也。僞書豈能徵信耶。悲哉。

正名錄十卷終

正名錄卷第十一

濟宗世次備考之四

衡陽後學智楷惟直氏述

山曉哲禪師出崇正錄曰。海舟普慈者。蘇之常熟人。姓錢氏。嗣法萬峯蔚也。觀萬峯錄中所載寄海舟慈
首座偈曰。龜毛付囑與兒孫。兔角拈來要問津。一喝耳聾三日去。箇中消息許誰親。既曰首座。則知在得
法大弟子之列矣。又觀花城隱士沈貫作萬峯塔銘。自敘云。余才輕德薄。不敢污禪師之德。自念爲師嗣
法弟子。海舟和尚座下參學久矣。況我祖父亦受天目中峯和尚誠諭。因往來不徹。余一日請問海舟曰。
圓覺經云。修多羅教。如標月指。若復見月。了知所標。畢竟非月。此理如何。舟舉手云。經也。月也。指也。余懵
然。舟拍案一下云。月落寒潭。余因而有省。據此。則知海舟闡化爲世仰重如此。何得有復嗣東明岳之說
乎。故白巖不依僞傳。直揭爲萬峯之嗣。哲深服其法眼之灼然。何得又依僞傳而以寶峯瑄爲普慈之嗣
耶。若謂寶峯本傳井井有條。則普慈嗣東明之僞傳亦井井有條。是則俱是。非則俱非。何一是而一非乎。
所以知寶峯決非普慈之嗣明矣。

海舟永慈者。西蜀成都人。姓余氏。嗣法東明岳也。觀金陵東山翼善海舟慈禪師行實碑中所載。師造武

林受具詣古道山直抵關房參見東明老和尚。一見相契。師禮畢。問無相福田衣。甚麼人得披。明下座。擱一掌。師曰。四大本空。五蘊非有。作麼生掌。明又一掌。師曰。一掌不作一掌用。速道。明又一掌。師神色不變。曰。老和尚名不虛謬。復展具三拜而立。明曰。我居古道山三十載。今日只見得這僧。大眾弗得輕慢。據此公案。師資契合。豈尋常哉。後持衣至東山。師陞座祝香而受。碑中又云。首嗣門人寶峯瑄等。則知寶峯爲永慈之嗣明矣。祇因前後兩海舟之語錄失傳於世。後代著述家又不能遠涉山川稽考碑碣。所以動多謬訛。且東山海舟塔院日久流爲袈裟子院。前者我宗承紹式微。有失瞻掃稽查。兼之東明僞傳混行於世。故致今日筆舌紛爭。倘白巖不惜一輶艸鞋。親到東山。覩海舟慈寶峯瑄二祖之塔。歸然建立。其行實碑。雖塵埋日久。而字畫分明。炳若日星。我知白巖一見自然冰釋。必不以僞傳之明瑄而溷我寶峯之智瑄祖也明矣。况天奇參寶峯瑄於金陵。則祖瑄爲金陵永慈之嗣。不尤瞭如指掌哉。按世譜源流。俱云寶峯瑄而實無明字。獨繼燈續略存稿之明瑄。亦以僞傳爲憑。益屬無稽。顧不以二百餘年炳若日星之碑文。祖塔爲眞。而反以後人采集之僞傳爲眞。雖至愚之人。吾知其不應顛倒如是也。

夫濟宗源流之錯誤者。始於龍池傳公。次於平陽恣公。三於天童悟公。龍池於萬曆年間。因見古溪祭文有續高峯七世之句。故以海舟普慈紹東明。以合其七世之數。以致疊出寶藏東明二代。此源流錯誤之始也。平陽於崇禎四年。本龍池源流。直以萬峯蔚寶藏持東明。昆海舟慈寶峯。天奇瑞一脈紀爲禪燈世譜。此源流錯誤之二也。幸而俱未列章次。潭吉於崇禎九年冬作五宗救。直揭龍池源流之誤。乃據萬峯沈貫無聞笑巖四種祖訓。證海舟普慈確嗣萬峯。謂東明下別有一海舟。屬古溪之所祭者。天童於崇禎十一年作

關妄救。以海舟普慈先嗣萬峯。以銷釋萬峯沈貫無聞笑巖四種祖訓。後嗣東明。以符合古溪靜庵二種文敘。以關潭吉。謂不遵龍池源流。責以諄逆之罪。此源流錯誤之三也。按關妄救所列世次人名。曰第一世南嶽懷讓。乃至第二十五世萬峯時蔚。二十六世寶藏普持。二十七世東明慧岳。二十八世海舟普慈。二十九世寶峯明瑄。三十世天奇本瑞。雖世次中疊出寶藏東明二代。而普慈明瑄天奇祖孫三代世次。未曾更改一字。移易一人。嗣後續略繼燈嚴統續續。相繼而出。所紀濟宗世次。皆本天童關妄救。以天奇本瑞嗣寶峯明瑄。以明瑄嗣海舟普慈。以普慈嗣東明慧岳。以訛傳訛。莫之覺也。幸祖父有靈。致翼善碑出。灼見東明自有嫡嗣。海舟永慈屬古溪之所祭者。爲靜庵之所敘者。自是萬峯時蔚寶藏普持東明慧岳海舟永慈雲溪智瑛靜庵智素一脈相傳之聯芳圖也。彼龍池源流禪燈世譜。關妄救續略繼燈嚴統續續。以普慈明瑄天奇一脈。系東明昆下。錯誤炳然。更復何辨。故白巖遵無聞笑巖等十種祖訓。依天童親口所說。平陽親筆記錄之世系。連絡血脈。貫通眞實之言。以普慈明瑄天奇一脈。還歸萬峯。據翼善碑古溪文靜庵敘三種舊章。以永慈智瑛智素一脈。紹續東明。俾兩家世系。各有準繩。式憑千古。非惟釋龍池天童平陽之錯誤。亦使普慈數十年來枉受屈辱之恥。得以申之。萬峯數十年來蒙此濫付非人之罪。得以雪之。有功濟宗不小。今哲公以普慈還嗣萬峯。以永慈承嗣東明。高裁極是。而又強奪普慈之子明瑄范木匠硬指爲寶峯智瑄。以之上嗣永慈。下出天奇。不惟世次疊訛。且又亂宗滅祖。

按永慈碑石刻載法嗣一百有四人。智忍居首。第十三位爲智瑛。第二十五位爲智瑄。據楚山贈智瑄偈。原號玉峯。而石碑內稱首嗣門人寶峯者。非智忍而誰。元慧抄梓行實碑。妄於寶峯下僞增一瑄字。曰首嗣門

人寶峯瑄等諸山受其所盲。竟認智瑄爲寶峯。哲公又硬指寶峯明瑄爲寶峯智瑄。豈不是以明瑄智瑄智忍三人混合爲一人乎。按廬山誌載。智瑄於正統間開法雲溪。按永慈付智瑄。在景泰五年。而正統間智瑄尙未受永慈付囑。况倫序又居忍瑄之後。何得妄冒寶峯。指爲首嗣耶。又永慈塔前有石坊。額曰。開山海舟慈之塔。書題。天順壬午弟子寶峯等建。又禪堂後古木扁曰。開山塔院。書題。天順壬午夏嗣法弟子寶峯等立。石碑石坊木扁。但曰寶峯。並無瑄字。而刻本首嗣門人寶峯瑄等。係元慧僞增。明矣。

按金陵梵剎誌載。高峯寺。在神策門外。正統十四年敕賜爲崇化寺。天奇自敘。到南京高峯寺見寶峯瑄和尚。不日到崇化者。灼見天奇參寶峯在正統十四年之前。此時智瑄尙未受永慈付囑。而指爲天奇所參之師可乎。是則天奇參寶峯於金陵者。乃明瑄明矣。况闢妄救曰。海舟普慈之嗣寶峯明瑄。瑄之嗣天奇本瑞。則天奇參寶峯於金陵者。係明瑄。又明矣。哲公指爲參智瑄。不審據何書。憑何碑。而知天奇參智瑄邪。既無載籍可稽。豈不是妄指妄認之臆說乎。

繼燈續略存稿。列章次也。故詳書寶峯明瑄。世譜源流。紀世次也。故略書寶峯瑄。哲公便謂世譜源流。俱云寶峯瑄。而實無明字。獨繼燈續略存稿之明瑄。亦以僞傳爲憑。益屬無稽。然則俱無智字。何俱妄指爲智瑄邪。智瑄之名。獨載永慈碑內。龍池源流。出在萬曆年間。禪燈世譜。出在崇禎四年。彼時尙不知有海舟永慈。而預知有寶峯智瑄。紀入世譜源流。俟公今日認之爲天奇之師。永慈之嗣。正公自謂。益屬無稽。普慈先嗣萬峯。後嗣東明一傳。公斥爲僞傳。是矣。若夫明瑄一傳。前敘得法於普慈。後紀躬囑於天奇。一字無虛。何僞之有。公無乃混指明瑄爲智瑄。一概斥爲僞傳。正公所謂雖至愚之人。不應顛倒如是。况公責白巖。必不可

以明瑄而溷我寶峯智瑄祖也。則智瑄明瑄豈不判然爲二人矣。何又妄認明瑄爲智瑄邪。自己顛倒尤甚。反謂人顛倒。豈公論歟。

濟宗有兩海舟慈。見有成典。至若兩寶峯瑄。從未之聞。今白巖妄以兩寶峯瑄作源流釋誤篇。亂我濟宗正傳。此誠何心哉。請以禪燈諸錄明之。則釋誤之妄。灼然可見。臨濟正傳。二十一世萬峯蔚。出寶藏普持。海舟普慈二人。普慈見之萬峯錄及沈貫撰萬峯塔銘中。寶藏持傳東明岳。岳傳海舟慈。永慈傳寶峯瑄。瑄傳天奇瑞。瑞傳無聞聰。此見載之洞宗所輯五燈續略。徑山五燈嚴統。南澗續燈。鼓山繼燈。及吾家禪燈世譜。諸錄中。世系分明。毫無紊亂。並無兩寶峯瑄之說。此釋誤之一妄也。

禪燈諸錄。出有先後。世譜闕妄。表見於前。續略成於崇禎末年。刻於順治初年。繼燈出在順治八年。嚴統出在順治十年。續續出在順治十三年。永慈行實碑。係平陽恣公法孫元慧於順治十四年始摺獲刻布。如續燈存稿。續僧寶傳。正宗錄。續指月錄。宗統編年。諸書。出在順治十四年已後。洎康熙年間。皆本永慈碑立永慈傳。系永慈於東明岳下。曰海舟永慈。慈下曰寶峯智瑄。若夫順治十四年已前之續續嚴統繼燈續略闕妄救。皆本普慈錄。立普慈傳。系普慈於東明岳下。曰海舟普慈。慈下曰寶峯明瑄。諸書現在緇素披閱者。不知凡幾。今督公盜取續略諸書中海舟普慈。略去普字。惟曰海舟慈。又以小字分行註其下曰永慈。海舟普慈既盜去爲海舟永慈矣。則寶峯明瑄不怕不爲永慈法嗣也。反謂見載之續略諸書中。並無兩寶峯瑄之說。豈非自謾以謾世乎。世又誰肯受汝謾耶。公既辨清普慈還嗣萬峯。而又盜去普慈子孫明瑄天奇爲永慈子孫。則自紊亂世系多矣。概斥續略諸書爲僞傳矣。又偷去僞傳中之寶峯明瑄爲寶峯智瑄。反引諸書

爲證據。不但妄且狂矣。

白巖必欲以東明昆之孫寶峯瑄硬立爲萬峯下普慈之嗣。請再以事明之。東明之孫寶峯瑄係蘇之吳江范氏子。在俗爲木匠。因海舟和尚造塔院。斧傷已足。痛甚索酒喫。因緣有省。遂求爲僧。後卽得法爲海舟之嗣。此海舟永慈之嗣。非普慈之嗣。甚明矣。若是普慈之嗣。普慈乃東明昆之叔。白巖謂海舟俾造塔院者。乃造東明之塔院。則是以師叔俾造師姪之塔院也。世豈有是理哉。

昔天童泥於古溪靜庵二說。故移萬峯下海舟普慈寶峯明瑄天奇本瑞一脈。系東明下。而寶峯明瑄自應爲東明之孫。今翼善碑出。而海舟永慈爲東明嫡嗣。永慈有子名寶峯智瑄。自是東明之嫡孫。東明旣自有子孫。則普慈明瑄天奇一脈。理應還歸萬峯。哲公要混合明瑄智瑄爲一人。乃略去一明字。惟曰東明之孫寶峯瑄。暗暗盜去敘事。訖乃明斷曰。此海舟永慈之嗣云云。雖是老賊憎竊。其奈無典籍可據。無碑碣可憑。欲成一己之說。不亦難乎。按楚山贈翼善住山瑄玉峯掩關偈。有一朝養就金毛力。出窟咆哮自逸羣之句。又自敘。景泰壬申歲至金陵訪月溪海舟二老。二老輒虛中寢以待。壬申爲景泰三年。則此偈作在三年可知矣。據是。則智瑄原號玉峯。而寶峯係元慧僞改。今亦不與較辨。卽使號寶峯。然受永慈付法在景泰五年。按大咸重修退居大殿碑曰。天順五年。門人智瑄卜此造塔建院云云。天順五年去景泰五年計八年。去三年計十年。據是。則智瑄掩關得法在前。卜地造塔在後。范木匠以俗人身造塔院。在未出家之前。悟道得法。在已出家之後。二人事跡。判然天壤。混合爲一人可乎。又永慈付智瑄偈曰。迷悟猶如空裏雲。碧天明淨了無痕。歷然世界其中露。殺活拈來總現成。普慈付范木匠偈曰。臨濟兒孫是獅子。一吼千山百獸死。今朝汝

具爪牙威也。須萬壑深山止。二人法偈各別如此。盜范木匠爲智瑄作永慈之嗣可乎。又永慈付智瑄。在景泰五年。普慈示寂。在景泰元年。而付范木匠在正統間。可知矣。二人得法之朝代年號先後各別如此。盜范木匠爲智瑄作永慈之嗣可乎。至於普慈慧岳論班輩有叔姪之分。論住持有先後之別。後代住持與前代住持造塔院世之常事。何足怪哉。以此資臆說之談柄。硬證范木匠爲智瑄作永慈之嗣。亂宗滅祖之甚。莫甚於此。

若謂普慈繼住東明。卽俾造東明之塔。則東明岳祖塔銘乃胡濙所撰。銘中唯云。今其上首本寺住持明覺令僧某某齋行狀徵予爲銘。並無普慈繼住之事。而永慈碑所載。東明示寂遺囑住持明白庵曰。吾有衣法二物。待十年後送至東山海舟和尚受納付囑。住持之明白庵。豈非徵銘之明覺乎。而普慈何與焉。俾造東明之塔也。今必欲硬奪東明之寶峯爲普慈之嗣。此釋誤之又一妄也。

此段臆說。不但盜范木匠爲智瑄。又以白庵難普慈。非繼岳公住持。害是亂眞。誠非小事。殊不知安溪鎮有接待寺。係岳公所創。而塔銘碑向勒於接待寺。至順治年間始移豎東明塔院之後。按山茨際公自敘。崇禎乙亥住持東明寺。偶一日理破笥廢紙。得岳祖法語機緣偈贊。并塔銘若干篇。用付梓行云云。據是。則知崇禎年間。住東明之人尙不知接待有岳公塔銘碑也。按碑末署款曰。正統十四年歲次己巳秋七月望日。本寺徒弟比丘覺淨覺明等。徒孫智茂等。立石碑中曰。今其上首本寺住持覺明。令僧智宗智鑑齋天竺靈山住持臨川妙侶。狀師行業。徵予爲銘。灼知徵銘之覺明。卽勒碑之覺明也。夫碑旣勒於接待。而碑中稱本寺住持。本寺徒弟。則覺明係接待住持明矣。若覺明係東明寺之住持。其銘碑不勒於東明及塔院。反勒於接

待。可不想而知矣。據際公所出東明祖燈。明載東明第二代海舟普慈。東明第三代寶峯明瑄。又謂兩祖皆繼席東明。全身靈塔在焉。今稽東明塔院後。右爲崑公塔。曰。明開山東明崑祖師塔。左爲慈公塔。曰。明當山海舟慈祖師塔。曰。當山。非東明第二代住持海舟普慈而何。準此數據。則繼崑公住持。確係普慈明甚。至謂崑公銘無普慈繼住之事。然亦未見載遺囑住持白庵之事。亦未有一字干及永慈。抑又何耶。普慈非崑公法嗣。銘中不載。猶可。永慈爲東明嫡嗣。而遺囑乃師資授受一椿大事。銘中不載。關係非小。按永慈筭付碑。正統十年。賜額翼善寺。禮部始給筭與永慈住持土山。今永慈行實碑曰。正統二年。領禮部筭。住持翼善。其僞一又曰。正統五年六月二十八日。東明示寂。遺囑住持明白庵曰。吾有衣法二物。待十年後送至土山海舟和尚受納付囑。當崑公示寂之時。土山尙未興建。尙未賜額。永慈尙不知棲隱何方。謂東明有遺囑猶可。謂待十年後送至土山海舟。莫是崑公有宿命通。預知永慈五年十載後必住土山受納付囑耶。據是。不但住持明白庵爲僞事。則遺付永慈衣法。亦烏有先生之事。可知矣。待汝考清永慈授受事。再來論普慈繼住事未晚。

白巖釋誤云。海舟普慈。常熟錢氏子。屬高峯第五世。寶峯明瑄之所自出。此倡言之妄也。據前歷舉燈錄諸書所載。濟宗正傳。海舟慈屬高峯第七世。寶峯瑄之所自出也。高峯第七世。非永慈其誰乎。前此有普慈永慈之未辨者。以海舟永慈之碑。沉埋未出。或以普慈爲永慈者有之。未見因此而竟刪去吾寶藏東明兩代正傳之祖。亦未見有兩寶峯瑄之說也。今釋誤倡言謂誤以兩人爲一人。不可。改明瑄爲智瑄。不可。其棄普慈而奉永慈。尤爲不可。在白巖昧心弄筆。巧言惑世。以沽好奇之名。則可在。吾濟下兒孫。又安

肯背吾祖吾父之言。及諸禪典中大書特書正傳統系。而曲從其妄說乎。

白巖謂海舟普慈屬高峯五世。寶峯明瑄之所自出者。據無聞笑巖等十種祖訓。洎汝血祖親口所說。血父親筆記錄之世系連絡血脈貫通真實之言也。續略諸書紀濟宗正傳。有寶藏東明二代者。依闢妄救也。其紀高峯七世曰海舟普慈。八世曰寶峯明瑄。亦依闢妄救也。今公略去普字明字。輕輕盜來。曰前舉燈錄諸書所載濟宗正傳。海舟普慈屬高峯第七世。寶峯瑄之所自出。此做賊人先虛其心也。盜過手。而後乃曰高峯第七世非永慈其誰乎。永慈固屬高峯七世。非公歷舉燈錄諸書中所載之普慈也。諸書現在豈可自欺以欺世乎。公盜范木匠爲智瑄。豈不是以兩人爲一人。公多方文致。洗去明字。惟曰寶峯瑄。硬指爲寶峯智瑄。豈不是改明瑄爲智瑄。公以之作臨濟正宗源流世系圖。曰萬峯蔚寶藏持東明岳海舟慈寶峯瑄。天奇瑞。以海舟普慈列爲旁出。豈不是棄普慈而奉永慈。公胡不思古溪祭文止祭永慈一人。未曾祭及永慈。以後世次之事。靜庵序止敍東明慧岳海舟永慈雲溪智瑄。爲他家一脈相傳之聯芳圖。未曾敍及智瑄天奇世次之事。翼善碑止載永慈承嗣東明之事。亦未載智瑄天奇世次之事。又胡不思萬峯付普慈有偈。普慈付明瑄有偈。明瑄付天奇有偈。天奇之子無聞。則以人名世次一脈敍來。曰高峯妙出中峯本。本出千巖長。長出萬峯蔚。蔚出海舟慈。慈出寶峯瑄。瑄出天奇瑞。臨濟一脈不絕如線。至我聰矣。無聞之子。笑巖曰。上承迦葉六十三世。下繼曹溪三十一葉。笑巖之子廣通。謂笑巖爲臨濟二十六代。乃至天童親口所說。平陽親筆記錄。曰自迦葉歷我笑巖師祖。則六十三世。自我師祖上遡曹溪。則三十一世。豈不自上而下。繇後之前。世系連絡。血脈貫通。斯皆歷代祖父表揚世次。昭若日星。概以臆說肆毀。不顧是背耶。非背耶。諸禪典中大

書特書。雖有寶藏東明二代。不曾抹殺明瑄。改范木匠爲智瑄。不曾列普慈爲旁出。不曾更亂普慈明瑄天奇三代世系。不曾紀永慈智瑄爲天奇祖父。如斯四事。汝悉爲之。又盜禪典普慈明瑄爲永慈智瑄。是背耶。非背耶。白巖於濟宗。何怨何讎。令人欲殺欲割而不顧者。蓋以輯書責任在躬。弗忍濟宗世次訛亂。不顧犯忌直爲釐正。一片血心。惟龍天佛祖鑑知。反謂倡言惑世。誠何心哉。自汝狼心狠筆。抹殺明瑄。改范木匠爲智瑄。賺他聶先紀蔭超永。竟改明瑄范木匠爲智瑄。上嗣永慈。下出天奇。著爲大部燈錄。刻行天下。後世以訛傳訛。亂宗滅祖。莫可砥止。皆汝作俑所致。最好笑濟下尊宿。恬不爲怪。坐視其亂宗滅祖。不急修明世系。仰答祖父靈明。稱普慈明瑄天奇後裔。寧無愧乎。

白巖縱能於東明寶峯智瑄原范木匠之外捏出一寶峯明瑄。然而生緣族氏。爲何郡何姓之人也耶。況同時有兩海舟慈矣。安得復有同名同號之兩東明寶峯瑄乎。

世之做强盜者。賊不獲。罪不伏。若真賊一現。其罪自伏。蓋其良心未曾泯滅也。昔王陽明先生。一夜因盜至。與說良知。盜曰。我等做賊之人。那裏有甚良知。先生令解衣自見。盜解衣矣。再令解褲。盜害羞。不能解。先生曰。卽此是汝等良知。衆盜感悟而去。今哲公於諸禪典大書特書中。盜去明瑄范木匠爲智瑄矣。反謂白巖捏出一明瑄爲何郡何姓。是猶抱著真賊。反問失主是何物事。天理可謂昧盡矣。良心可謂喪盡矣。雖強盜不若也。其不害羞如此。

永慈門人寶峯智瑄。開法金陵者。卽東明昂之孫寶峯瑄也。因查公未見行實碑。誤以智瑄爲明瑄。止一明字之誤耳。釋誤分爲兩人。列成兩則。妄欲證爲兩寶峯瑄。硬去我濟宗正傳兩代之祖。謂寶峯瑄本嗣

曾慈。今竟爲永慈立傳。但割寶峯二字綴其下。而立行實碑者。但曰智瑄。未嘗曰寶峯智瑄。此等異說。祇可自欺自瞞。安可欺瞞天下人哉。今行實碑文現載首嗣門人寶峯瑄等。何謂割寶峯二字綴其下。至於立行實碑。但稱智瑄。不稱寶峯者。自是人子之職。理宜單名。何用書寶峯之號乎。如此巧弄筆舌。豈不畏拔舌泥犁耶。

按永慈行實石刻碑內。但曰首嗣門人寶峯等。永慈塔前石坊。曰天順壬午弟子寶峯等建。永慈塔院古木扁。曰天順壬午夏嗣法弟子寶峯等立。三稱寶峯。下俱無瑄字。石碑內載法嗣一百有四人。智忍居首。智瑛居第十三位。智瑄居第二十五位。智璽居第三十八位。石碑石坊木扁稱寶峯者。非首嗣智忍而何。按廬山誌載。智瑛於正統間開法雲溪。智瑄於景泰五年始受永慈付偈。况倫序尙居智瑛之後。何得有首嗣之稱耶。按楚山贈智瑄掩關偈。原號玉峯。非寶峯也。今元慧抄刻行實碑於寶峯下。僞增一瑄字。曰首嗣門人寶峯瑄等。哲公被元慧所盲。竟認爲寶峯智瑄。據爲臆辨之張本。此猶可也。而又竊盜明瑄范木匠爲智瑄。反推誤於查公。以之而亂宗滅祖。祇恐其罪不止拔舌泥犁也。

白巖謂明瑄固亦嘗住金陵高峯寺。天奇參見。正在此也。與東山翼善何涉。此又必專必非之過也。豈寶峯一生老住東山。翼善不一遷住高峯與東明乎。

言不該典。非君子之所談。白巖謂明瑄住高峯爲天奇所參者。載汝歷舉諸禪典大書特書中。汝謂智瑄遷住高峯東明。據何典籍。憑何碑碣。既無典籍可該。豈非脫空之妄語乎。

據瑄祖本傳。但云海舟和尚造塔院。斧傷已足。痛甚索酒喫因緣。並無東明之說。而白巖謂海舟俾造塔

院者。造東明之塔院也。今金陵東山。海舟塔院歸峨。殿宇現在。捏出東明二字。豈非謬斷歟。據汝祖闢妄救曰。南嶽第二十八世。杭州東明海舟普慈禪師云云。南嶽第二十九世。南京高峯寺寶峯明瑄禪師。海舟嗣。吳江人。姓范氏。在俗爲木匠。因海舟和尚造塔院。感悟出家。乃至得法。夫明瑄之師。旣曰東明。海舟普慈。則俾范木匠造東明塔院明矣。謂捏出東明二字可乎。汝謂范木匠造東山永慈塔院。據何書。憑何碑而言邪。一味無根妄說。指鹿爲馬。豈止捏出東山。自誣誣人。以之亂宗滅祖。其罪不小。

白巖謂海舟普慈俾造塔院。造東明之塔院。非造東山之塔院。本傳中但云因海舟和尚造塔院。斧傷足等語。並無普慈之說。卽造東明之塔院。海舟永慈爲其師造之。范木匠從永慈剝落。卽得法永慈。三代相承甚明。何足置辨。

然以范木匠造東山永慈塔院未訖。又以范木匠造東明。崑公塔院。范木匠亦苦矣。白巖謂范木匠造東明塔院。公指爲捏出。公今指范木匠卽智瑄造東明塔院。又何止捏出東明二字邪。明瑄一傳。係汝祖天童悟公所立。傳中稱號不稱名者。自是人孫之職。亦是修僧史之體裁如此。然則旣以海舟普慈列爲明瑄之師。而俾造塔院之海舟非普慈而何。公見傳中無普慈之說。卽指爲海舟永慈爲其師造塔院。范木匠從永慈剝落。不但盜范木匠爲智瑄。則又盜普慈爲永慈矣。試問公。永慈俾智瑄造崑公塔院。係在何年。若謂正統六年。崑公寂後。永慈爲其師過東明造塔院。白庵胡不於東明堂上出崑公衣偈付之。奚必待十年後。始專僧送至土山邪。况永慈於景泰二年尙在土山受囑。不審又何人預過東明爲崑公造塔院乎。若謂於受囑之後。過東明爲其師造塔院。則智瑄於景泰三年已掩關在東山翼善矣。則其剝落在掩關之前可知矣。不


審又何人隨永慈過東明因造塔院從其剃落得法邪。且昆公塔銘碑立在正統十四年己巳。則造塔建院非景泰時事明矣。正統間永慈尚未受囑。謂其預過東明。造昆公塔院。范木匠從其剃落。正公自謂益屬無稽之妄誕也。况昆公示寂造塔建院之時。永慈尙不知棲隱何方。尙未領禮部劄住持東山。何得預有范木匠從永慈於東明剃落邪。况智瑄原號玉峯。爲永慈卜地造塔在後。受囑在前。而范木匠以俗人身造東明塔院在前。受普慈囑在已出家之後。二人事跡迥別天淵。則造塔院之范木匠。卽寶峯明瑄明矣。范木匠卽明瑄。而明瑄嗣法。俾造東明塔院之海舟普慈。此又不待辯而明甚。公謂智瑄豈一生老住東山。而不一遷住東明者。蓋伏爲此三代相承之張本也。準公臆說。則智瑄承永慈住持。永慈承昆公住持。又何遺囑住持明白庵之有邪。旣承昆公住持。可謂面稟親承。又何謂景泰二年始受遺囑邪。總之普慈永慈事跡各別。如何儻合得來。明瑄智瑄事跡不同。如何盜合得去。徒自亂宗滅祖。肆出臆說。自惑惑世。究竟於濟宗世系爲害不淺。

白巖謂今東明海舟普慈塔現在。明瑄塔現在海舟塔左。而後人欲插入二代者。私心將明瑄塔面所署之字鏟去殆盡。白巖出此欺心瞞人之言。將謂無人曾一過東明者乎。東明非千里外。卽杭之西北鄉安溪。去杭不數十里。而憧憧衲子未有不至其寺者。盡知東明寺右之園地相傳爲寶峯瑄祖塔基。并無其幢。亦非寺左。去寺五里許有東明昆祖塔。塔左另有一海舟慈塔。係海舟之衣鉢塔。並無普字。而海舟塔羅城內亦並無他塔。何謂寶峯字面鏟去殆盡。卽左右設有殘毀古塔。不知何代何人。安可妄指爲寶峯塔乎。况東明係昆祖之祖庭。寶峯是其孫也。塔又有何礙。而必欲鏟去其字面乎。如此欺心之言。安足與

辯哉

王名錄卷第十一 濟宗世次備考之四

東明寺左東明塔院祖塔圖



瓦屋三間	院塔明東	
------	------	--

哲公可謂善於文字矣。前謂永慈相承住持。非只奪普慈繼席一事。則又爲此冒普慈塔。爲永慈衣鉢塔張本。又謂智瑄三代相承。非只盜范木匠爲智瑄。則又爲此冒明瑄塔爲智瑄塔基張本。以東山已有永慈智瑄二石塔。故指此爲塔基衣鉢。乃曰。東明係岳祖祖庭。寶峯是其孫。塔又何礙。文辭照應綿密周旋如此。所以多方文致。洗去明字。謂寶峯瑄卽智瑄。故云。永慈門人寶峯智瑄。開法金陵者。卽東明岳之孫寶峯瑄。因查公未見行實碑。誤以智瑄爲明瑄。止一明字之誤。縱公曲盡文字之妙。其奈智瑄原號玉峯何。今則不惟鏟沒其塔。抹殺明瑄。則又連普慈塔亦抹沒矣。謂普慈塔無普字。然亦無永字。何遽冒爲永慈衣鉢塔。今列塔圖於前。按岳公塔面亦無慧字。鑑公亦無行字。又當指爲何人衣鉢塔邪。且普慈塔面有明當山三字。又如何解說。普慈塔羅城內一排五塔。何謂並無他塔。以左右殘毀古塔。以掩飾鏟塔一事。何用心細密一至於此。東明殿右固有園地一片。絕無塔基形跡。今易左爲右。指殿右園地。謂相傳爲寶峯塔基。以掩沒寺左全身祖塔。其奈普慈明瑄塔全身於東明寺左。載公歷舉諸禪典。大書特書中非無據也。况際公曰。兩祖靈塔在焉。今不以諸禪典大書特書爲據。反以相傳口碑修飾其詞。左遮右掩。則鏟塔一事。欲隱彌露矣。嗟乎。欲成一己之說。將普慈明瑄兩代嫡祖。磨滅殆盡。是可忍也。孰不可忍也。

正名錄十一卷終

正名錄卷第十二

濟宗世次備考之五

衡陽後學智楷惟直氏述

天竺珍禪師序顯正說云。先老人論笑祖聯芳敘云。不肖上承迦葉六十三世之元祖。指祖天奇爲元祖。下繼曹溪三十一葉之眞孫。指父無聞爲眞孫。玩承繼二字可見。若云六十四世。豈得稱父爲元祖。若云三十二葉。豈得自稱爲眞孫。此千古不易之論。白巖以元祖指迦葉言。自笑祖溯迦葉爲六十三世。故曰上承。既指迦葉。何不竟稱始祖。今天下叢林。皆稱迦葉爲西天始祖。達磨爲東土初祖。夫元者。長嫡之謂也。元孫元祖。上下通稱。迦葉斷無稱元祖之理。焉有從己溯至迦葉。自稱爲元祖乎。稱元者。確指天奇上承六十三世之嫡祖也。

天下有一定之理。理之所在。正人君子不敢逾。逾則非正人君子也。笑巖諸祖十種祖訓。誠一定之理也。問公謬解聯芳敘。莫過銷釋龍池源流中有寶藏東明二代。殊不知龍池源流之有寶藏東明者。原因泥古溪祭文有續高峯七世燈之句。遂割萬峯下之海舟普慈。寶峯明瑄。天奇本瑞。一脈譜東明下。蓋未知東明嫡子自有一海舟永慈耳。珍公今知永慈續高峯七世。當清出普慈明瑄。天奇一脈。還譜萬峯下。以釋前人之誤可也。胡乃歷引元帝元后以硬證天奇爲元祖。害是亂眞。莫此爲甚。夫元者。一也。笑巖直敘迦葉爲西天第一祖。所以天童嘗曰。自迦葉歷我師祖則六十三世。自師祖迦曹溪。則三十一世。故曰。不肖上承迦葉六十三世之元祖。下繼曹溪三十一葉之眞孫。豈不自上而下。繇後之前。世系連絡。血脈貫通。何其明顯。珍公

非不知也。今執元祖爲天奇。眞孫爲無聞。譜其圖。矯其說。以簧鼓天下者。無乃黨問公之說也。十室之內。必有正人君子。豈天下正人君子。盡被其惑邪。然則廣通序謂笑巖望臨濟二十六代。豈亦指天奇而言乎。望臨濟二十六代。既不可強指天奇。則笑巖上承迦葉六十三世之元祖。確指迦葉也。望臨濟二十六代。既不可強指無聞。則笑巖下繼曹溪三十一葉之眞孫。實自謂也。源流世系。千古式憑。豈可私一己之說。以亂諸祖十種祖訓一定理乎。

濟水洗禪師顯正說曰。從上源流。曾無差爽。自迦葉至萬峯蔚。爲五十八世。蔚出寶藏持。持出東明岳。岳出海舟慈。慈出寶峯瑄。瑄出天奇瑞。瑞出無聞聰。是爲六十四世。笑巖祖翁付曇芝禪師偈曰。微笑拈花第一機。相傳八八未知非。今將從上非非法。付與英賢力荷歸。相傳八八者。言自迦葉至無聞也。今將者。笑巖自謂以法傳後也。付與英賢者。指曇芝也。豈不是笑巖自爲六十五世。將從上六十四世之法。付與曇芝。暗成六十六世也。白巖謂連曇芝爲六十四世。是成何說也云云。

濟宗源流。向有定譜。所以萬峯普慈。明瑄天奇。祖孫四代。師承授受。法偈可據。無聞笑巖。廣通公孫三代。祖述來源。世次較然。第後人不究其源。動輒更變祖牒。移易宗枝。致使源流疊出。竊爲天下憂也。燈統據從上法偈來源。直爲釐正。海內明眼。靡不稱善。而洗公要曲護門庭。乃肆意狂吠。出書曰。顯正以非燈統。殊乖祖訓。竊爲天下恥也。據其謬解古人祖訓。非止一端。今略辯一二。以破其非。不致埋沒古人正意。庶幾後賢有所憑據。夫佛祖言教。有理微而難解者。事幽不易知者。兼有關於事理者。故古人申而明之。曰解。曰疏。俾人易曉。不致流入邪解。非指東話西者比。今曇芝偈有關事理。請爲洗公申明之。古今付法偈頗多。大都述其

授受之意。惟笑巖付曇芝偈。則將從上源流世系述以付之。首句謂靈山師資授受也。次句謂自迦葉至曇芝一脈。師資授受也。歷觀四七二三以來。師資授受之際。莫不皆曰。昔如來以正法眼藏。付大迦葉。展轉至我。我今付汝。觀此。可見笑巖自謂自迦葉歷傳六十三世。以至於我。我今付汝。當六十四傳。故曰。微笑拈花第一機。相傳八八未知非也。第三句是照應首句而言。末句總結前三句之意。以囑之。謂我今付汝。非別有法。不過以如來付迦葉之正法眼藏。展轉至我。我今付汝。故曰。今將從上非非法。付與英賢力荷歸。不亦瞭如指掌。他如無聞客牕夜話。謂臨濟十八傳至高峯妙。妙出中峯本。本出千巖長。長出萬峯蔚。蔚出海舟慈。慈出寶峯瑄。瑄出天奇瑞。則天奇當臨濟二十四傳。望迦葉爲六十一傳。故笑巖自謂不肖上承迦葉六十三世。則曇芝當相傳八八六十四世明甚。又廣通序。謂笑巖望臨濟二十六代。則無聞望迦葉實六十二代。而寶藏東明。爲疊出明甚。今洗公迷執從上二字。謂笑巖確指父無聞一人而言。據如此說。則其祖及曾祖高祖以上。皆非從上耶。如此邪說。反名顯正。豈不爲天下人恥笑也。洗公以言害辭。以辭害意。謬釋偈語。謂自迦葉至無聞爲六十四傳。此不過以臆見消釋。謂寶藏東明二代在源流內。以表其乃父元祖真孫之說。爲不謬也。然東明下不審祖普慈明瑄耶。祖永慈智瑄耶。若祖永慈智瑄。此固東明子孫。實非天奇祖父。洗公祖之。豈非棄嫡就庶。冒認宗祖乎。若祖普慈明瑄。此固萬峯子孫。天奇祖父。洗公祖之。誠是。奈何又詆其人僞傳僞。又自訂無聞爲迦葉六十四傳。不惟世次失準。且又自語矛盾。然東明下普永明智叔伯祖孫。宗譜紊亂。此最要緊處。反諱而不言。汲汲乎釋。今將爲笑巖自謂。從上是確指無聞。害是亂真。豈不爲天下人恥笑也。笑巖聯芳敘稱。不肖者。自謂也。元祖者。指迦葉也。真孫者。亦自謂也。意謂從自己上望迦葉。爲六十

三世從曹溪下至自己爲三十一世。天竺珍公謂元祖是指天奇。眞孫是指無聞。然則旣以天奇當迦葉六十三世。亦合以天奇當曹溪三十一世。乃可廁寶藏東明二代於其內。方合其臆說也。今以無聞當曹溪三十一世。按其世次。已少一代。旣以無聞當迦葉六十四世。消釋相傳八八不知非之句。又以天奇當迦葉六十四世。消釋祖師八八到天奇之句。愈見支離。廣通事笑巖最久。其授受法偈機緣。具載笑巖集內。固非假符冒籍無法偈機緣者比。觀其作北集序。直稱臨濟爲笑巖二十六代之祖。據此則笑巖言上承六十三世。是明指迦葉爲元祖。豈不明如指掌。廣通序。直稱臨濟爲笑巖二十六代祖。洸珍二公不能更措一詞。曲爲解說。以其秦鏡當臺。故暗諱而不言。笑巖偈敘有從上。今將上承下繼諸字眼。便能巧其言曲其解。強牽支吾。以騁其臆智。豈不爲天下人所恥也。山茨際禪師。洸公叔也。其所出東明祖燈錄。雖綢繆附和。誤紀普慈爲東明昂之嗣。其實未曾更變普慈。明瑄。天奇。三代世次。數十年來。本宗本枝。雖以源流中有寶藏東明二代。而並不聞東明下有永慈智瑄其人也。惟知東明下普慈明瑄。天奇爲所出一脈之祖。各處叢林。或設之以木主。或傳之以眞容。供之祀之。不知凡幾。脚下兒孫。語錄源流。紀之頌之。不知凡幾。普慈明瑄。俱全身塔於東明寺左。歲時拜之。掃之。不知凡幾。他如五宗教。闢妄救。續略。繼燈續續諸燈錄。紀之載之。不知凡幾。天下緇素。披之閱之。不知凡幾。今洸公一旦黜普慈明瑄爲烏有先生。斥二人本傳爲邪說僞書。若是則洸公父子子皆僞僞相承。由其僞僞相承。所以終日酩酊。盲批瞎判。徒增天下人恥笑也。曉庵昱禪師。洸公兄也。其所刻存稿。雖以重嗣東明之普慈。復列萬峯下。而又割截普慈子孫明瑄。天奇爲永慈後裔。梅谷悅禪師。亦洸公兄也。其所出正宗語錄傳略。則以普慈永慈混合爲一人。行錄竟以永慈續正宗。置普慈於不聞。

又以明瑄智瑄混合爲一人。上爲永慈之嗣。下爲天奇之師。洸公斥其以普永明智揉成四人而欺天下。此罪之斥之。誠是。今洸又自謂普慈明瑄。皆烏有之客。智瑄明瑄。皆兔角之形。據此則洸公父子子皆從空桑中授受。益見其徒增天下人所恥笑也。原洸公意。詆祖傳祖錄爲邪說僞書者。蓋本寶華之說。寶華指祖傳祖錄。係查氏僞造者。無乃爲蓋覆普慈之誤嗣東明。明聰之遙嗣本瑞耳。普慈一傳。其重嗣東明一事。係後人泥續高峯七世之燈。紹昆祖百年之踵。二句。故假捏此一段。以照應古溪祭文故也。洸公詆其爲僞固是也。明瑄一傳。敘其上嗣普慈。下出天奇。字字可據。洸公金鑰不辨。玉石俱焚。概斥爲邪說僞書。豈不更爲天下人所恥也。堯絕集所載。臨潼無聞聰。館陶絕學聰。延安無聞聰。雖非笑巖之師。實是天奇之嗣。夢說錄所載。光澤無聞聰。雖非天奇之嗣。實是笑巖之師。寶華謂夢說錄之無聞。不但非天奇之嗣。亦非笑巖之師。洸公亦詆夢說錄爲僞書。其錄既僞矣。而其人又烏得爲不僞耶。一脈所出之祖。傳僞錄僞人僞。未審洸公今日所述者何書。所祖者何人。所祖無的人。所述無的書。則洸公父子子。不但訛誤相承。直訛僞相承。豈不愈爲天下人所恥笑也。

古風然禪師。宗本說云。南嶽下二十八世海舟慈。按燈錄常熟錢氏子。初參萬峯蔚。問曰。但有言說。都無實義。峯劈頭便棒。於棒下有省。遂結廬洞庭。二十餘年。後有僧詰其所得。謂其見解未忘。因而致疑。卽謁東明。親承激勵。乃大悟。遂嗣法東明。據海舟臨終示衆。舉拂子打圓相云。釋迦至我六十二世。有不可數老和尚。多向者裏安身。泊然而逝。既云六十二世。稽其代次。是爲東明之嗣矣。金陵翼善碑亦云。嗣法東明。白巖辨訛。據萬峯有海舟之偈。當去寶藏東明二世。應以海舟嗣萬峯。抑尊爲卑。人或不從。援卑爲尊。

孰不願乎。誠法係所關。勢不假僞。若妄階其輩。則踰分而安忍昧夫親承之師乎。豈若罔據之源。本於浮游。冒越倫次而無忤。抑滅先宗而忍爲者耶。又謂一云海舟普慈常熟錢氏。一云海舟永慈成都余氏。爲兩人云云者。或收錄秉筆者考覈未詳。然古今異鄉流寓。托姓繼嗣。改籍易氏。一名二姓。不一而多。如諸葛司馬夏侯之類。岐之則二姓。同之則一氏。又何必泥於氏籍之異。而紊其統系乎。卽舟之名普慈永慈之謂者。始於萬峯棒下有省。卽結廬洞庭。居二十餘年。將師萬峯。曰普慈。與寶藏普持同派明矣。後旣嗣法東明。則於東明之派。曰永慈。更其派而不易其名。則又昭然明矣。

欲白千古是非。須具千古見識。方可得典斯職。若夫淺見寡識。蒙昧兩持之流。猶樵夫擬預中書堂事。多見其不知量也。濟宗統系之誤。前人數十年不能白者。謂海舟止一人故也。今旣有二人。且各有師承。生緣氏籍。而不白其是非。以釋前人之誤。反自亂其統系。抑又何耶。今謂海舟初參萬峯。後嗣東明。又謂翼善碑亦云。嗣法東明。是混二海舟爲一海舟矣。至謂海舟將師萬峯。曰普慈。後嗣東明。曰永慈。更其派而不易其名。則又抹殺翼善海舟永慈於不聞矣。殊不知普慈重嗣東明一事。係後人僞撰。固執僞撰之事。以亂統系。則無聞笑巖諸祖十種祖訓。從冥入冥。無由而白。悲哉。如此見識。敢擬預插策著述堂中。妄議古今是非。誠自不知量也。

平陽忝禪師敦本錄復白巖書。其略曰。我海舟慈祖興剎東山翼善禪寺。其承嗣東明岳祖之事。詳載豐碑。歷歷可考。金陵地近。足下且不能徧詢博訪。徒憑數紙僞書。謂得自先師侍者。夫則之手。老僧執侍先師十五秋。未見有此僧。則其書可知矣。乃信爲實然。截人世系。罪豈小哉云云。

夫則之有無勿論。白巖所得者。乃無聞笑巖之祖訓。泊天童親口所說道。忝親筆所錄。世系連絡。血脈貫通。眞實之言也。難道也是執侍先師十五秋。未見有天童道忝乎。嫡祖祖訓。斥爲僞書。正公自謂。非業鬼借宅。狂妄失心。不至於此。昔公本龍池源流。以萬峯下海舟慈。寶峯瑄。天奇瑞。譜寶藏持。東明昂下。紀爲禪燈世譜。次佐天童作闢妄救。亦以萬峯下普慈明瑄。天奇一脈。譜東明下。今以翼善碑之海舟永慈。嗣東明。敢問。恣公。昔之源流世譜。泊闢妄救。以普慈明瑄。天奇一脈。嗣東明者。不審發放何地。消歸何人。若謂留嗣東明。東明自有嫡嗣永慈。不應普慈重嗣之理。若謂理應還嗣萬峯。何謂白巖徒憑僞書。截人世系。責以業鬼借宅。狂妄失心。抑又何耶。今父子公孫突出永慈僞碑。妄改智瑄僞號。妄捏智瑄僞偈。賺他無眼阿師。引著僞續燈存稿。僞續僧寶傳。僞正宗錄。僞寶積錄。僞敦本錄。僞崇正錄。僞續指月錄。僞宗統編年。僞五燈全書。僞顯正說。僞顯正序。僞宗本說。盡改明瑄范木匠爲智瑄。列普慈於旁出。奉寶藏東明永慈智瑄。四代異姓之人。爲源流正脈。以訛傳訛。亂宗滅祖。皆公作俑之所致也。原公之意。豈有不知錯誤之理。特以潭吉宗救。斥公爲李斯趙高之徒。含恨在心。無以報復。故假父名出書闢之。今寧將錯就錯。不爲修明世次者。以要流行。闢潭吉一案之書故也。殊不知永慈碑一出。則闢潭吉之書。早以廢矣。潭吉諄逆之罪。早以出矣。公不惟反招諄逆之罪。又自陷於亂宗滅祖之罪。白巖令人欲殺欲割而不顧者。蓋不忍濟宗世次訛亂。直據翼善碑。古溪文。靜庵敍。三種舊章。以永慈承嗣東明。遵笑巖等十種祖訓。以普慈明瑄。天奇一脈。還嗣萬峯。以釋龍池天童泊公。父子子。亂宗滅祖之罪。俾普永兩家世次有準。式憑千古。有功濟宗不小。公反出不經之言。闢之。其不知恩義一至於此。今將十種祖訓。三種舊章。泊後人新條。一併述陳於此。請質高明。乞垂公論。俾

彼霽崙擇取爲例。用佐全書。期成信史。法門幸甚。後學幸甚。

興化師承疑問

公乘億魏州故禪大德獎公塔碑。蓋聞妙諦惟立。不可以一理測。眞詮至奧。不可以諸相求。隨萬化而泯色空。而不生不滅。超三界而越塵垢。故無去無來。此乃不思議者。其惟西方釋迦牟尼佛之謂乎。伏自教傳西域。化被中原。漢明推入夢之祥。梁武顯施身之願。語其大也。外不見須彌之廣。言其小也。內不知芥子之微。斯乃梵靈褒然。代代相付。肇自摩訶迦葉。迄於師子尊者。統爲二十四代。而後菩提達磨。降於漢土。至能秀分之爲六。而後苞披葉附。派別脈分。其眞宗不泯不滅者。則我大覺大師。固有係焉。和尚姓孔。字存獎。家本鄒魯。卽闕里之裔孫也。乃祖乃父。因官隸於薊門。歷祀既深。籍同編人。和尚以無量劫中修菩薩行。及茲降世。豈同凡倫。當衣采之妙齡。蓄披緇之大志。未踰七歲。卽悟三乘。啓白所親。懇求剃落。遂於薊州盤山甘泉院。依止禪大德曉方。乃親杖履。就侍餅盂。豈顧全身。惟思半偈。大中五年。伏遇盧龍軍節度使張公。奏致壇場。和尚是時戒相方具。而後大中九年。再遇侍中張公。重啓戒壇於涿郡。衆請和尚以六踰星紀。三統講筵。宣金石之微言。示玉毫之眞相。禪大德立公者。卽臨濟大師也。和尚一申禮謁。得奉指歸。傳黃檗之眞詮。授白雲之祕訣。所爲醍醐味爽。乍灌頂以皆醒。薔薇花香。纔經手而分馥。一旦旋辭舊刹。願歷諸方。西自京華。南經水國。至於攀蘿冒險。踢石眠雲。經吳會興廢之都。盡梁武莊嚴之地。無不追窮聖迹。探討禪宗。後過鍾陵。伏遇仰山大師。方開法宇。大啓禪局。赴地主之邀迎。會人天之供施。面陳奧義。衆莫能分。和尚立以剖之。如刀解物。仰山目眙擊指。稱歎再三。遽聞臨濟大師。已受蒲相蔣公之

請。纔擬侍飛錫而遽及中條。尋參隨致林。疑作置杯而將渡白馬。當道先太尉中令何公。專發使人迎請臨濟大師。和尚翼行。不信宿而至於府下。而乃止於觀音寺。而得簪裾繼踵。道俗連肩。曾未期年。時至遷化。斯蓋和尚服勤道至。展敬情深。無乖靈堵之儀。克盡茶毘之禮云。乾符二年。有幽州節度押兩蕃副使檢校祕書御史中丞賜紫金魚袋董廓。及幽州臨壇律大德沙門僧惟信。并涿州石經寺監寺律大德弘聚等。咸欲指陳盤嶺。祈請北歸。和尚欲徇羣情。將之薊部。晨詣衙庭。啓述行邁。先時中丞韓公之叔曰贊中。遽聞告去。撫掌大驚。乃曰。南北兩地。有何異也。魏人何薄。燕人何厚。如來之教。豈如是耶。和尚辭不獲已。許立精舍。韓公之叔常侍及諸檀信。鳩集財貨。卜得勝概。在於南甌門外。通衢之左。成江西禪院。有如化城。松栢將杞柏俱來。文石與礧礧薦至。重廊複道。竹翠松青。四戶八窗。風輕月朗。和尚樂茲幽致。用化羣迷。開解脫門。演無量法。致使天花散地。水月澄空。嘗與四衆人天。皆臻法要。六州士庶。盡結勝因。豈因一念俱尸。奄從物化。斯乃文德元年七月十二日也。享齡五十九。僧臘四十一。有親信弟子藏暉。行簡。一以主喪。一以弘法。大德奉先師之遺命。於龍紀元年八月二十二日。於本院焚我真身。用觀法相。闔城禪律。繼踵爭來。四達簪裾。連肩悉至。於是旛花蔽日。螺唳喧天。火纔發而雲自愁。薪不加而風助勢。三日三夜。號禮如斯。於香燼之中。得舍利一千餘粒。諸大德各各作禮。請分供養焉。嗚呼。雪氎如故。真儀宛然。捧一履以徒悲。仰雙林而莫見。遂建塔於府南貴鄉縣熏風里。附於先師之塔。志也。億到職之初。曾獲瞻禮法主大德藏暉。不以億才業庸淺。具聞我公。相請撰文。億秉筆惕然。得盡蕪鄙。銘曰。傳如來教。厥惟大雄。百千劫外。方丈室中。慈悲是念。色相皆空。端然不動。豈染塵蒙。其矯迹三界。安心四禪。身雖是假。道本無邊。璞

內有玉火中生蓮。傳法何處。隨其有緣。其二越絕支遁。匡廬遠公。高情遠致。迹異心同。既離邪縛。肯處凡籠。

松軒竹徑。空悲夜風。其三我性不動。我心就然。果得舍利。粒粒珠圓。旛花豔閃。螺貝交連。唱偈作禮。聲徹梵

天。其四寶刹新建。招提舊蹤。蓮芳不見。葱嶺誰逢。響亮朝磬。清冷夜鐘。歷千萬祀。傳我禪宗。其五

瞿汝稷指月錄曰。後唐莊宗車駕幸河北。回至魏府行宮。詔師問曰。朕收中原。獲得一寶。未曾有人贖價。

師曰。請陛下寶看。帝以兩手舒幞頭脚。師曰。君王之寶。誰敢贖價。帝大悅。賜紫衣。師號。師皆不受。乃賜馬。

師乘馬。忽驚墜。傷足。師喚院主。與我做箇木柅子。主做了將來。師接得。還院行。問僧曰。汝等還識老僧麼。

僧曰。爭得不識和尚。師曰。蹶脚法師。說得行不得。又至法堂。令維那聲鐘集衆。師曰。還識老僧麼。衆無對。

師擲下柅子。端然而逝。

拙庵和尚曰。按師生於唐文宗太和四年庚戌。出家於開成元年丙辰。圓具於宣宗大中五年辛未。入滅

於僖宗文德元年戊申。指月錄載。後唐莊宗詔對等語。逆數莊宗同光元年癸未。至文德戊申。師去世已

三十六年矣。豈復有詔對之說。詔對之說。恐是僖宗典籍紀載之譌耳。故正之。

曩聞靈巖儲公刪去獎公參三聖大覺機語。謂臨濟晚年。退居興化東堂。命獎公繼主法席。面稟親承。何得

有參三聖大覺之事。後見僧鑑青公與月函潛公作序曰。十年前先師作南嶽單傳表。我寶雲月兄實佐其

成。先師返吳山後一年戊申。月兄復從文苑英華中。表出魏州興化獎和尚塔碑。作者爲公乘億。月兄作興

化塔碑左記及正訛記。一洗傳燈會元諸書紛錯傳妄之弊。此二段事。月兄大補於法門者也。據是。則曩聞

不虛也。因覓塔碑一觀。竟不可得。歲癸酉夏。至薊州。訪拙庵和尚。承以盤山志見示。讀至此碑。問及何從而

得曰。係齊嵩永公送來者。蓋永公亦得自靈巖也。原潛公父子之意。因見諸方有興化拈香遙嗣之議。故致此碑之所出也。據塔碑較傳燈會元。不但參三聖大覺機語及拈香語之訛。則莊宗詔對一段語。亦訛矣。傳燈會元所載。一千七百祖師。不錯不訛。獨獎公一人。錯訛層出。豈有意改面稟親承。爲拈香遙嗣耶。然則機語盡訛。而所載法嗣南院顯等。安有不訛之理。又藏暉行簡。親承獎公繼主法席。燈錄俱不載。抑又何耶。細讀塔碑。獎公雖親承臨濟。未見有機語。况臨濟所止者。觀音寺耳。獎公所居者。新剎江西院耳。亦未見有退居興化東堂。命獎公繼主法席。面稟親承之說。且載法嗣。僅藏暉行簡二人。彼南院顯等不聞也。今以塔碑面稟親承者爲確據。則臨濟一宗。絕於藏暉。其來久矣。若以傳燈會元爲不訛。其奈獎公嗣臨濟。非面稟親承。反覆推勘。其疑莫決。故述以請問海內高明。

雪巖師承疑問

石源雲公闢妄說。蓋關山曉寶積錄之妄。附客問四則。其一客曰。斷橋倫。雪巖欽。乃同門兄弟。寶積錄削斷橋。存雪巖。斷橋非無準範法嗣歟。雲曰。有書可證也。斷橋初聞麻三斤話有疑。後因閱楞嚴至螻蟻無有言說而能辦事處有省。曰。呀。趙州柏樹子話與麼徑捷。未可語人。往參無準於雪寶。準問甚處來。倫曰。天台。準曰。過得石梁橋麼。倫曰。一脚踢斷了也。遂號斷橋。非以斷橋爲名藍。爲招提疑後世也。準後以狗子因何有業識話。命倫下語。始得脫然。遂令分座祇園。付以偈曰。眞理直如絃。何言復何默。我今善付囑。表心本無得。此乃覲面親承。非若後人遙禮。妄稱人爲父者也。嗣由祇園遷瑞巖之教忠。宋理宗連詔不出。晚遷杭之淨慈。臨終與魏國公張浚問答。書偈而逝。是無準在日。斷橋已開堂數席矣。若雪巖之參無

準於徑山止一期而準入寂。脚跟尙未點地。及經行擡眸見古柏。乃在準入寂十年之後。其出頭拈香又踰七年。此何異翠巖古雪輩之嗣天童哉。第古人以德嗣人。不似近日天童會下之代父生子耳。寶積削斷橋以雪巖孤行。謂足彌縫遙嗣之弊。豈未覩增集傳燈五燈續略續燈存稿五宗眼五燈摘要宗門拈古彙集禪宗頌古摘珠人天信紀普恩偶筆徑山滴乳五宗聯璧諸刻載斷橋法語拈頌最爲詳盡。今古昭垂。山曉旣欲著書。何不先自讀書。然後命筆。而呈此醜陋。徒供世人檢點爲也。

按雪巖語錄。不見有行狀塔銘。故生緣參訪事跡不詳。但見普說中自敘十六爲僧。十八行脚。初參雙林遠。十九去靈隱。見善妙峯。次過淨慈。依天目禮。做死工夫。未見說某年某歲。參無準。但曰。在無準先師會下。每遇舉主人公話。便可以打個踔跳。莫教舉起衲僧巴鼻。佛祖爪牙。更無下口處。如是礙在胸中者。僅十年。後因與忠石梁過浙東天育。存稿作天目訛兩山作住。一日佛殿前行。忽擡眸見古柏。礙膺之物。撲然而散。始見徑山老人立地處云云。據此則雪巖參無準於徑山。在斷橋參無準於雪竇之後明甚。斷橋有面稟親承之法偈。其分座開堂。皆在無準在日。雪巖雖自敘在浙東育王徹悟。未見有再呈見於徑山無準之說。亦未見有師資授受之說。據雲公謂雪巖參無準於徑山止一期而準入寂。及見柏徹悟。在準入寂十年之後。誠如此說。則雪巖嗣法無準。不亦法門一大關係事乎。此說刻行於世已十年矣。雪巖後裔恬不爲恥。不見有一人辨清之。爲復是無所考鏡耶。爲復是見怪不怪耶。其疑莫決。故述以請問海內高明。

正名錄十二卷終

正名錄卷第十三

衡陽後學智楷惟直氏述

濟宗世次備考之六

無聞師承疑問

天奇瑞禪師梵絕集載法嗣三百餘人俱有機緣及付法偈內有三無聞並列於右以便較考。

第一百七十五位臨潼無聞聰者。天奇問天理非形如何得形。聰曰本非造作。奇曰靈機本妙如何取妙。聰曰休休。奇曰二相非修如何却修。聰曰語默動靜。奇付偈曰濟安扶弱在佳賢。可目先宗救世緣。彼此兩邊成兩見。老漁串錦具清傳。

集中載某處某人者。此付法之時所載生緣之處也。非載開法時所住之地名。曰臨潼者縣名也。屬陝西西安府。則此無聞乃陝西人也。

第二百八十六位館陶絕學聰者。天奇問苦樂皆心因何外取。聰曰只爲不了。奇曰是非皆事因何妄承。聰曰錯認定盤星。奇曰迷悟皆人因何不懂。聰曰蚤知燈是火豈肯四方求。奇付偈曰導者心同慈。嫗心爭教赤子困羣陰。輔成架海金梁子。佛缺方知補告任。

館陶亦縣名。屬山東東昌府。則此絕學乃山東人也。

第三百二十四位延安無聞聰者。天奇問在世忘世是如何。聰曰了物非物。奇曰在念念念是如何。聰曰於心無心。奇曰心物俱忘時如何。聰曰華山高峽太行峨。奇付偈曰破情情破破還情。絕跡無私精內精。

知是箇中今不借。盡竊分付與仁行。

延安乃府名。屬陝西。則此無聞。亦陝西人也。其餘武安聰等不及錄。要皆俱有聯芳機緣。及聯芳法偈。具載集中。足見師資授受的有所據。非可妄於移易也。

無聞聰禪師夢說錄

住明州天童嗣法孫圓悟編古吳盧堂居士查祖恩集

略傳禪師諱明聰。字無聞。俗姓奚。母吳氏。閩之邵武光

澤人也。生正德九年臘月五日子時。誕前一日。有病僧借宿。母吳曰。貧廬湫隘。往東有廟可棲。僧謝而去。夜半育師。明日僧死於道。里人聞之。咸曰。此僧再來也。三歲喪父。次年母亦亡。九歲始言。十二歲叔子良人死焉。外祖憐而收養。不期年亦死。母舅惡其命孤苦。乃送於且隱庵。念初禪師出家。數月諸經通曉。一無遺忘。初愛之。十七剃度。二十受戒於心燈律師。精毘尼部。兼習止觀。深究唯識等論。內外典籍無不該博。講衆咸服其胸次磊落。天資穎達。一日遊百丈山。逢一耆舊曰。少年英銳。不去參學。事遊山玩水耶。師曰。參學不過如是。遊山可發天機。耆舊曰。爾今參學。曾見幾員知識。可曾發明已分大事耶。師曰。理明則性明。何有別法之難。我出入講席。諸經大義曉然矣。耆舊曰。曾明法華義否。師曰。此經已講三次。其義了然無疑。耆舊曰。大通智勝佛至不得成佛道四句偈義如何。師一一講之。耆舊罵曰。吾道汝有些氣息。原來弄精魂漢。拂袖而去。師急趨求示大義。耆舊曰。此偈大義。講來不切當。且參二三十年。若不明白。自有入與汝發明。言竟走而不顧。師向後念茲在茲。日參夜究。茫無端倪。五六年不言不笑。如癡若呆。諸緇素輩咸道師爲廢人。一日忽聞馬嘶。豁然大悟。然後徧參諸善知識。至三十三。已上皆光澤無聞事跡參天奇和尚。纔入門。正值奇外出。師云。一出一入。是同是別。奇曰。同別且置。見出入者是阿誰。師良久。奇怒罵而出。夜歸。

問知客曰。今日我罵這僧在否。曰。在客寮。奇曳杖到客寮。師遂拜。奇便打。師曰。適來某甲艸艸。觸忤和尚。

乞慈悲寬恕。奇曰。老僧今日被上座勘破。師曰。和尚是在世忘世。在念念忘。某甲豈能勘破得。天奇錄中無此一段

語。奇笑曰。如何是在世忘世。師曰。了物非物。如何是在念念忘。師曰。於心無心。心物俱忘時如何。師曰。華

山嶺突巍。太行峯嵯峨。天奇錄曰。在世忘世。是如何。聽曰。了物非物。奇曰。在念念忘。念是如何。聽曰。於心無心。奇曰。心物俱忘時。如何。聽曰。華山高峽太行。峨。所載止此。並無前後問答。

之意旨如何。師曰。洞庭湖中水大。岳陽樓上人多。奇曰。教壞人家男女者。惟汝一人。乃服勤五祀。禮辭。天奇錄無此一段語。

奇付以偈曰。破情情破破還情。絕跡無私精內精。知是箇中今不借。盡簾分付與仁行。此機緣法。偶係延安

事跡。後住隨州關子嶺龍泉寺。爲開山第一世。僧問。如何是本來面目。師曰。石香亭。僧曰。便恁麼去時如

何。師曰。喪却了也。僧曰。今朝孟夏八日。天下叢林皆慶如來降誕之辰。未審如來何處降生。師於几上畫

箇圓相。僧無語。此係光澤無聞事跡。

邵武府光澤縣。屬福建管。則此無聞。乃福建人也。按傳中所載生緣。悟由。出處。皆光澤無聞事跡。其機緣。法

偈。皆延安無聞事跡。今以延安無聞機緣法偈。爲光澤無聞機緣法偈。是以二無聞混合爲一無聞矣。

梅谷悅禪師正宗語錄。無聞傳曰。師諱明聰。一本正聰字無聞。此題以館陶絕學正聰與光澤無聞明聰合爲一人。俗姓奚。母吳氏。閩之

邵武光澤人也。生正德九年臘月五日子時。誕前一日。有病僧借宿。母吳曰。貧廬湫隘。往東有廟可棲。僧

謝而去。夜半育師。明日僧死於道。里人聞之。咸曰。此僧再來也。三歲喪父。次年母亦亡。九歲始言。十二歲

叔子良又死焉。外祖憐而收養。不期年亦死。母舅惡其命孤苦。乃送於且隱庵。念初禪師出家。數月諸經

通曉。一無遺忘。初愛之。十七剃度。二十受戒。於心鑑律師。精毘尼部。兼習止觀。深究唯識等論。內外典籍

無不該博。講衆咸服其胸次磊落。天資穎達。一日遊百丈山。逢一耆舊。曰。少年英銳。不去參學。事遊山玩水邪。師曰。參學不過如是。遊山可發天機。耆舊曰。爾今參學。曾見幾員知識。可曾發明。已分大事邪。師云。理明則性明。何有別法之難。我出入講席。諸經大義。曉然矣。耆舊曰。曾明法華義否。師曰。此經已講三次。其事了然無疑。耆舊曰。大通智勝佛。至不得成佛道。四句偈義。如何。師一一講之。耆舊罵曰。吾道汝有些氣息。原來弄精魂漢。拂袖而去。師急趨求示大義。耆舊曰。此偈大義。講來不切當。且參二三十年。若不明白。自有人與汝發明。言竟走而不顧。師向後念茲在茲。日參夜究。茫無端倪。五六年不言不笑。如癡若呆。諸緇素輩咸道師爲廢人。一日忽聞馬嘶。豁然大悟。然後徧參諸善知識。至三十三。已上係光澤無聞跡參天奇和尚。纔入門。正值奇外出。師云。一出一入。是同是別。奇曰。同別且置。見出入者是阿誰。師良久。奇怒罵而出。夜歸。問知客曰。今日我罵者僧在否。曰。在客寮。奇曳杖到客寮。師遂拜。奇便打。師曰。適來艸艸觸忤和尚。乞慈悲寬恕。奇曰。老僧今日被上座勘破。師曰。和尚是在世忘世。在念念忘。某甲豈能勘破得。天奇錄中無此一段語。此係夢說。錄中捏出。奇笑曰。如何是在世忘世。師曰。了物非物。如何是在念念忘。師曰。於心無心。心物俱忘時如何。師曰。華山嶺突巍。太行峯嵯峨。此係延安無聞機緣。意旨如何。師曰。洞庭湖中水大。岳陽樓上人多。奇曰。教壞人家男女者。惟汝一人。乃服勤五祀。禮辭。此係夢說。錄中捏出。奇付以偈曰。破情情破破還情。絕迹無私精內精。知是箇中今不借。盡簾分付與仁行。此法偈係延安無聞事跡。後住隨州關子嶺龍泉寺。爲開山第一世。僧問。如何是本來面目。師曰。石香亭。僧曰。便怎麼去時如何。師曰。喪却了也。僧問。今朝孟夏八日。天下叢林皆慶如來降誕之辰。未審如來何處降生。師於儿上。畫箇圓相。僧無語。此係光澤無聞事跡。

傳略曰。絕學明聰。一作正聰。是以二人合爲一人。目錄曰。延安無聞。此正宗一書。以三無聞合爲一無聞。據傳中載。明聰生正德九年甲戌。曰。十七歲剃度。在嘉靖九年庚寅。曰。二十受戒。在嘉靖十二年癸巳。曰。三十參天奇。在嘉靖二十五年丙午。曰。服勤五載。始受付囑。在嘉靖三十年辛亥。按天奇傳略載。明弘治間示寂。霽崙全書亦謂天奇示寂在弘治十一年戊午。夫弘治戊午至嘉靖辛亥。計五十四年。豈已死五十四年之天奇。尙乃付光澤無聞之法乎。且無論付法之年。卽生正德甲戌去弘治戊午。亦相間十七載。況此機緣法偈。原係延安無聞之事。刻在弘治元年戊申。至光澤無聞受囑之年。計六十四年遠矣。準正宗夢說二錄所紀。則光澤無聞。非天奇之嗣明矣。

正宗錄無聞傳。近日重刻。曰。大鑑下三十一世祖無聞禪師語要。隨州關子嶺龍泉寺。絕學無聞正聰光澤以無聞亦號絕學。特其諱爲明聰。正聰乃館陶絕學。今館陶絕學正聰與光澤絕學無聞明聰合爲一人。禪師住後。上堂。舉僧問雲門。如何是一代時教。門曰。對一說。龍泉則不然。若有人問。如何是一代時教。便劈脊一棒。曰。合取狗口。此係際公僞造之語。僧問。如何是本來面目。師曰。石香亭。曰。便恁麼去時如何。師曰。喪却了也。問。今朝四月八日。天下叢林皆慶如來聖誕。未審如來何處降生。師於几上畫圓相示之。僧無語。此二則機語載夢說錄中。後笑巖代僧作禮。曰。盡界普瞻。笑巖參。呈前所得見處。師隨卽印之。次日入室禮拜。師曰。上座昨夜許多絡索。向甚處去也。巖擬對。師笑曰。鷄子已過新羅國。巖遂問曰。十聖三賢已全聖智。如何道不明斯旨。師厲聲曰。十聖三賢你已知。如何是斯旨。速道。速道。巖頻下十餘轉語。師皆不肯。巖乞代。師責曰。著實參。始得。巖一日洗菜。回。師見。問曰。是甚麼。曰。一藍菜。師曰。何不別道一句。曰。請和尚別問。於是隨問隨答。師皆諾之。巖欲徧參。乃辭師。師舉拂子曰。若向者

裏道得一句出格可去。巖無語。師曰：子今向去，且精一其志，勿雜用心，切記吾言。他日大有得力處。巖徧參。後復謁師，命烘爐。師曰：人人有箇本來父母，子之父母何在？曰：一火焚之。師曰：怎麼則子無父母耶？曰：有則有，只是佛眼覷不見。師曰：子還見否？曰：某亦不見。師曰：子何亦不見？曰：若見，即非真父母。隨即呈偈曰：本來真父母，歷劫不曾離。起坐承他力，寒溫亦共知。相逢不相見，相見不相識。爲問今何在，分明舉似師。師曰：只此一偈，堪紹吾宗。復曰：汝心即我心，我心本無心。無心同佛心，佛心非我心。又曰：佛如轉輪王，佛法如王命。佛子豎法幢，能令邪作正。囑曰：汝諦受持，遇緣熟者，智愚皆度。續佛慧命，須待其人。此傳將生緣。生年機緣法偈，一概削去。雖蓋覆遙嗣一事，其奈收夢說錄兩則機語，依舊是光澤明聰。今入笑巖機緣於明聰，誠爲面稟親承。明聰於天奇，却成沒交涉。既嫌生緣事跡之僞，削去之。又收際公僞語，豈非捨僞以取僞乎？正聰雖爲天奇之嗣，確非笑巖之師。明聰的爲笑巖之師，確非天奇之嗣。今以二人合爲一人，上嗣天奇，下出笑巖。天奇有二子，可也。笑巖有二父，好羞好羞。

潭吉忍禪師五宗救無聞傳曰：關子嶺無聞明聰禪師，天奇嗣。邵武光澤縣人也。俗姓奚，母吳氏。將誕師前，一夕有病僧告宿。吳氏辭之。夜半遂生師，而病僧亦以是夕亡於道上。里人咸謂此僧再來也。師生三歲，父母繼亡。外祖憐而收養之。未期年，外祖亦死。舅氏以師命孤苦，乃送且隱庵爲僧。十七得度。二十受具。精毘尼，兼修止觀，深究唯識等論。同學皆敬之。一日遊百丈山，逢一老宿，問師曰：大通智勝佛，十劫坐道場，佛法不現前，不得成佛道。此理如何？師乃依文講之。老宿詬罵而去。師從此疑情頓發，念念孜孜，經五六載。一日聞馬嘶，豁然大悟。此乃光澤無聞事實。乃曰：如斯之事，如來明見，無有錯謬。此潭吉見道之語，非明聰語也。遂參諸方。

得法於天奇老人焉。奇問。在世忘世是如何。師曰。了物非物。奇曰。在念念念是如何。師曰。於心無心。奇曰。心物俱忘時如何。師曰。華山高峽太行峨。此係延安無聞機緣。

密雲悟禪師闢妄救無聞傳曰。關子嶺絕學正聰禪師。天奇嗣。又號無聞。此題名號以館陶絕學正聰與光澤無聞合爲一人。邵武

人。俗姓奚。母吳氏。將誕師前一夕。有病僧告宿。吳氏辭之。夜半遂生師。而病僧亦以是夕亡於道上。里人

咸謂此僧再來也。師生三歲。父母繼亡。外祖憐而收養之。未期年。外祖亦死。舅氏以師命孤苦。乃送且隱

庵爲僧。十七得度。二十受具。精毘尼。兼修止觀。深究唯識等論。同學皆敬之。一日遊百丈山。逢一老宿。問

師曰。大通智勝佛。十劫坐道場。佛法不現前。不得成佛道。此理如何。師乃依文講之。老宿詬罵而去。師從

此疑情頓發。念念孜孜。經五六載。一日聞馬嘶。豁然大悟。此係光澤無聞之事。乃曰。如斯之事。如來明見。無有錯謬。

此係潭吉捏出悟由。遂參諸方。得法於天奇老人焉。奇問。苦樂皆心。因何外取。師曰。祇爲不了。奇曰。是非皆事。因何

妄承。師曰。錯認定盤星。奇曰。迷悟皆人。因何不懂。師曰。早知燈是火。豈向四方求。此係館陶絕學聰之機緣。

宗救闢妄二書。削去正德九年之生年。無乃蓋覆遙嗣一事耳。至於宗救以光澤無聞。延安無聞。混合爲一

人。闢妄以館陶正聰。光澤明聰。混合爲一人。上嗣天奇。下出笑巖。成何體裁。

山茨際禪師東明祖燈錄無聞傳曰。隨州關子嶺絕學正聰禪師。又號無聞。關子嶺無聞。係光澤人。雖亦

正聰係館陶人。今以二人合爲一人。幼年出家。參天奇。奇問。苦樂皆心。因何外取。師曰。只爲不了。奇曰。是非皆事。因何妄承。

師曰。錯認定盤星。奇曰。迷悟皆人。因何不懂。師曰。蚤知燈是火。豈向四方求。奇肯之。此乃館陶絕學之機緣也。付以偈

曰。濟安扶弱在佳賢。可日先宗救世緣。彼此兩邊成兩見。老漁串錦具清傳。此乃臨潼無聞之法偈也。又偈曰。導者心

同慈軀心。爭教赤子困羣陰。輔成架海金梁子。佛缺方知補告任。此乃館陶絕學之法偶也。一日奇問。在世忘世是如

何。師曰。了物非物。奇曰。在念忘念是如何。師曰。於心無心。奇曰。心物俱忘是如何。師曰。華山高峽太行峨。

此乃延安無聞之機緣也。後住隨州關子嶺龍泉寺。爲開山第一世。上堂曰。自佛相傳道不虛。祖師八八到天奇。一條

拄杖傳臨濟。打至於今更轉疑。以拄杖卓一下云。欲知佛性義。當觀時節因緣。拈香云。此一瓣香。供養天

奇和尚。用醕法乳之恩。斂衣就座。舉僧問雲門云。如何是一代時教。門云。對一說。今日有人問。如何是一

代時教。山僧便劈脊一棒云。合取狗口。又舉雪峯謂巖頭云。我當時在德山棒下。如桶底脫相似。巖頭喝

云。你不見道從門入者。不是家珍。須是自己胸中流出。蓋天蓋地。方有少分相應。雪峯忽然大悟。禮拜云。

師兄今日始是鰲山成道。今人只管道。古人特地做作。教後人依規矩。若恁麼。正是謗他古人。謂之出佛

身血。古人不是今人苟且。豈以一言半句。了當平生。若扶豎宗乘。續佛慧命。凡吐一言半句。自然坐斷天

下人舌頭。無你著意路。作情解涉道理處。看他示衆云。盡大地是沙門一隻眼。汝等諸人向甚麼處痾。又

云。望州亭與汝相見了也。烏石嶺與汝相見了也。僧堂前與汝相見了也。山僧今日亦然。有相見底出來

麼。一僧出曰。某甲今日與和尚相見了也。師曰。相見且置。見老僧箇甚麼。與大衆說看。僧無語。師便打。又

僧曰。得見和尚面目。師曰。瞎。僧曰。石香亭笑和尚去在。師曰。也須喫棒。考此法語無所出。居士出問。今朝

四月八日。天下叢林皆慶如來降誕。未審卽今出胎也未。乞和尚直指。師畫一○以拄杖打下座。復召大

衆曰。見麼。士作禮。師便歸方丈。此係光澤無聞機緣。出載夢說錄中。但云。僧問。今改作居士問。又添出許少絡索。庚午正月。忽遁去。至壬申二月

復歸山。五月示微疾。七月朔夕。謂衆曰。因心不了。又遊方。吳越山川路渺茫。拄杖一條擔日月。龍泉寺裏

話偏長。以拄杖擲地。跌坐而逝。全身塔於寺右。得法者三人。亦此光澤無聞之事。

徧考諸書。並無此所謂上堂拈香。及舉古等語。但夢說錄中有拈香語。曰。端爲西天四七。東土二三。南嶽讓已下。乃至先師天奇瑞和尚。並無所謂祖師八八到天奇之語。按居士問佛降誕一則語。既在此上堂拈香法語之末。何故夢說錄止載此機語。而不載此上堂等語。抑又何耶。夢說諸書。既無所載。則此拈香八八之語。及舉古語。皆無根之談。係際公僞造明矣。又以四無聞混合爲一人。上嗣天奇。下出笑巖。天奇有四子可也。笑巖有四父。好笑好笑。

巨靈融禪師。續僧寶傳無聞傳曰。禪師諱明聰。字無聞。邵武光澤奚氏子也。此係光澤無聞生緣。宗傳臨濟。師事天

奇。天奇之盛化也。聯芳授受。龍象數百員。而師拔其萃。然師不就疏請。不藉檀脂。卓立當陽。開創禪社。愛以劇務繩學者。重振百丈之規。或不堪其勞而去。未期月復來歸之。以故升其堂者。皆挺特有志之士。且函丈之室。如旅泊。中夜跣趺。四壁凜然。楊下咄咄之聲。常驚達旦。是以楊岐之令。至師又行焉。此段係融

師初受業於講肆。精研性相有聲。同輩憚其鋒。以英邵武嘲之。師獨陰疑大通智勝佛十劫坐道場。佛法

不現前。不得成佛道。此段係光澤無聞事。載夢說錄。乃與義學浩浩盤桓。有曰。既是佛矣。何須更成。或曰。爲度衆生故。所

以不成佛。師默歎曰。審如是乎。遂盡棄其所好。堅扣禪宗不契。此段係融公杜撰。忽聞馬嘶。廓然自驚。此係光澤無聞悟由。

不如夢說錄載。豁然大悟更妙。趨見天奇瑞禪師。瑞瞋目叱出。一本纔禮拜。瑞便打。融公用瞋目一機慣熟。永同行者曰。

君與和尚無緣耶。師笑曰。眞箇那。此係融公杜撰。是晚。瑞公問曰。今日我罵底僧在否。有對曰。是必在。公卽曳杖

下。日過寮。師迎作禮。公便擊之。師進曰。適來艸艸觸忤和尚。公按杖曰。老僧今日被上座勘破。師又進曰。

和尚是在世忘世。在念念。豈被人勘破。此段係夢說錄偽捏。公曰。在世忘世是如何。對曰。了物

非物。曰。在念念是如何。對曰。於心無心。曰。心物俱忘時如何。對曰。華山高突太行峨。此係延安無聞機緣。公休去。

未幾。以化柄囑焉。且誡師曰。從上眞宗。有子擔荷何憂哉。但百獸雖潛踪於獅子聲中。然千花却發豔於

象王影裏。子其勉之。師既受囑。獨入光州山居六年。六安山又六年。復還光州舊隱。又五年。始出隨州關

子嶺。建立龍泉寺。以安來學。而學者集焉。此段係公杜撰。嘗謂衆曰。吾師天奇老人。每懼後學外著文義。內生

情見。故有語云。文義者。法也。情見者。人也。非人。何以有其見。非法。何以有其文。是以文義。情見。通屬人法。

人之不空。情見難絕。法之不空。文義難滅。文若不盡。見奚能盡。義若不盡。情何能絕。如是奔競。展轉無窮。

發之乎。文生於見。義生於情。返之乎。見生於文。情生於義。先乃所引生能。後乃能追生所。總名曰生。文滅

則見滅。義絕則情亡。情不自忘。因乎義忘。而情忘。見不自泯。因乎文泯。而見泯。統名曰死。死死生生。實可

哀哉。此段出載此吾老人防微杜漸。切實至極。汝輩有志於吾宗。寧可忽諸。然食飯不敲米。行地不踢土。

此段係融公又作麼生委悉。畫蛇添足。是時也。師之同門諸尊宿。或隱或現。往來衲子。獨推尊龍泉爲人。勦絕枝蔓。

不涉離微。惟月心寶得入龍泉之室。此段係融公杜撰。師嘗召寶曰。玄沙不肯靈雲意。作麼生。對曰。賊入空房。曰。

不得艸艸。寶喝。師諾。寶乃辭去。歷載還侍。師又召曰。人人有箇本來父母。子之父母。今在何處。對曰。佛眼

覷不見。師曰。子還見不。對曰。某亦不見。師曰。子何不見。對曰。若見。則非眞父母。師曰。如何是眞父母。對曰。

本來眞父母。歷劫不曾離。起坐承他力。寒溫亦共知。相逢不相見。相見不相識。爲問今何在。分明舉似師。

師深肯之。此段載笑僧問。本來面目。師答曰。石香亭曰。便怎麼去時如何。師曰。喪却了也。寶曰。放去較危。

收來太速。又僧問。今朝天下皆慶佛誕。未審佛於何處降生。師畫圓相示之。僧無語。寶代僧作禮云。盡界普瞻。此二則機語。係光澤無聞機語。笑巖特舉。而拈之代之。故一載夢說錄。一載笑巖集。師以大法有所倚重。遂隱去。經二載。還龍泉。龍泉牀曆益慎。班白者半滿其間。間有三妙齡披田服者。皆恪守律度。參請如救眉然。但師有辭世意矣。一日。師陞座說法。已而擲下拄杖。儼然化去。塔於龍泉寺左。此段隱去還來。及示寂。係光澤無聞事。載夢說錄。其間潤色數語。係融公杜撰。延安無聞。雖係天奇之嗣。實非笑巖之師。光澤無聞。確爲笑巖之師。實非天奇之嗣。今以二人混合爲一人。上嗣天奇。下出笑巖。天奇有二子。可也。笑巖有二父。豈不取笑識者。然紀笑巖面稟親承於明聰。是矣。紀明聰面稟親承於天奇。僞造之中。又僞造也。前於永慈傳中。僞撰陞座說法畢。一喝而逝。今於無聞傳中。又僞撰陞座說法化去。僞撰太多。令人刺眼。

箬庵問禪師續燈存稿無聞傳曰。隨州關子嶺龍泉無聞絕學正聰禪師。此題以光澤無聞明聰。與人。族姓奚。母吳氏。髫年出家。二十受具。習止觀唯識等論。一日有宿衲詰師曰。大通智勝佛。十劫坐道場。佛法不現前。不得成佛道。其意云何。師依文答之。宿譏訶而去。師從此激勵。疑情頓發。坐臥不安。經六載。一日。聞馬嘶。大悟。遂往見天奇。乃蒙印可。此係光澤無聞事跡。住後。上堂。舉僧問雲門。如何是一代時教。門曰。對一說。龍泉則不然。若有問山僧如何是一代時教。劈脊便打曰。合取狗口。此係山茨際公假捏。載東明祖燈錄。僧問。如何是本來面目。師曰。石香亭曰。便怎麼去時如何。師曰。喪却了也。問。今朝四月八日。天下叢林皆慶如來聖誕。未審如來何處降生。師於儿上畫圓相示之。此係光澤無聞機緣。載夢說錄。笑巖寶參一日圍爐次。師曰。人人有箇本來父母。子之父母。今在何處。巖曰。一火焚之。師曰。怎麼則子無父母耶。巖曰。有則有。佛眼覷不見。師曰。子還見

不。巖曰。不見。師曰。子何不見。巖曰。若見即非真父母。師曰。善哉。巖復呈偈曰。本來真父母。歷劫不曾離。起坐承他力。寒溫亦共知。相逢不相見。相見不相識。爲問今何在。分明呈似師。師即付以偈曰。汝心即吾心。吾心本無心。無心同佛心。佛心非吾心。復囑曰。汝當護持緣熟智愚皆度。此段載笑巖行實內師於壬申七月初一示微疾。訣衆說偈。趺坐而逝。全身塔於寺右。此係光澤無聞事實載夢說錄。

傳中刪去生年機緣法偈。爲蓋覆遙嗣一事可也。以明聰正聰合爲一人。上嗣天奇。下出笑巖。成何體裁。

山曉哲禪師寶積錄無聞錄曰。隨州龍泉無聞明聰禪師。閩之邵武人。族姓奚。母吳氏。髫年出家。二十受具。因看大通智勝佛十劫坐道場。佛法不現前。不得成佛道話。疑情頓發。經六載。忽聞馬嘶大悟。此段係聞事載夢說錄。往見天奇瑞和尚。纔禮拜。瑞便打。同行者曰。君與和尚無緣耶。師笑曰。真箇那。此段係融公捏是

晚瑞問曰。今日見底僧在否。有曰。在。瑞即曳杖下。旦過。師迎作禮。瑞便擊之。師曰。適來艸艸觸忤和尚。瑞曰。老僧今日被上座勘破。師曰。和尚是在世忘世。在念念忘。豈被勘破。此段係夢說錄僞捏。瑞曰。在世忘世是如何。

曰。了物非物。瑞曰。在念念忘是如何。曰。於心無心。瑞曰。心物俱忘時如何。師曰。華山突兀太行峨。此係延機緣非光澤無聞機緣也。瑞休去。未幾受囑焉。一云延安人。哲公見機緣乃延安無聞之機緣故曰一云延安人。住後上堂。舉僧問雲門如何。是一代時教。門曰。對一說。龍泉則不然。若有問山僧如何。是一代時教。劈脊便打曰。合取狗口。此段係山茨際公捏出載東明祖燈錄中。僧問。如何是本來面目。師曰。石香亭曰。便怎麼去時如何。師曰。喪却了也。問

今朝四月八日。天下叢林皆慶如來聖誕。未審如來何處降生。師於几上畫圓相示之。僧擬議。師便下座。此段係光澤無聞事。月心寶侍師次。師曰。人人有箇本來父母。子之父母。今在何處。寶曰。一火焚之。師曰。怎麼則子

無父母耶。曰。有則有。佛眼覷不見。師曰。子還見否。曰。不見。師曰。子何不見。曰。若見。即非真父母。師曰。善哉。寶呈偈曰。本來真父母。歷劫不曾離。起坐承他力。寒溫亦共知。相逢不相見。相見不相識。爲問今何在。分明呈似師。師即付以偈曰。汝心即吾心。吾心本無心。無心同佛心。佛心非吾心。復囑曰。汝當護持。緣熟智愚皆度。此段出載笑巖集中。

傳中紀笑巖親承明聰是矣。紀明聰親承天奇。僞之又僞。哲公削去正德九年生。亦不過蓋覆遙嗣一事耳。又以延安無聞。光澤無聞。混合爲一人。成何體裁。

繼起儲禪師。南嶽勒古無聞傳曰。玉泉明聰禪師。一日。聞馬嘶。豁然大悟。此係明聰悟由。乃曰。如斯之事。如來明見。無有錯謬。此係潭吉捏出。

明聰住關子嶺龍泉寺。非玉泉也。此又不知何郡之玉泉明聰。冒認爲自出之祖。際公以四無聞爲笑巖之父。今又添玉泉一人。俾天奇有五子。不勝其喜。累他笑巖以一身而養五父。不勝其苦。

相雨蔭禪師宗統編年無聞傳曰。武宗丙寅正德元年。天奇祖付明聰正法。明聰生正德九年。今妄裁正德元年付法。僞捏一。天奇示寂在弘治戊午。至正德丙寅已九年矣。何得有天奇付法耶。僞捏二。聰邵武光澤縣人。姓奚。母吳氏。將誕前一夕。有病僧告宿。吳辭之。夜半

遂生聰。而病僧是夜道亡。里人咸謂此僧再來。削去生正德九年。無乃蓋覆遙嗣一事耳。十七從隱庵得度。二十受具。精毘尼。

兼修止觀。深究唯識等論。一日遊百丈山。逢一老宿。問聰曰。大通智勝佛。十劫坐道場。佛法不見前。不得成佛道。此理如何。聰依文對。老宿詬罵而去。聰疑情頓發。一日。聞馬嘶。豁然大悟。此係明聰悟由。乃曰。如斯之事。如來明見。無有錯謬。此係潭吉僞捏。往謁天奇祖。久之。付正法印。天奇死後十七年。明聰始生。何得有付法事耶。戊辰正德三年。天奇祖

示寂。天奇示寂在弘治十一年。今妄載年甲。謂正德三年示寂。偽捏三。

臨濟二十七世祖。諱明聰。字無聞。別號絕學。嗣天奇瑞祖。住隨州。

關子嶺龍泉寺。癸卯嘉靖二十二年示寂。夢說錄載示寂在隆慶六年。此偽捏四。

夢說錄載有生年。削而去之。載有死年。偽筆改之。天奇已死九年後。明聰未生九年前。偽捏付授正法。兼以偽栽朝代年甲。豈非自誣以誣世乎。

聶先居士續指月錄無聞傳曰。隨州龍泉無聞絕學正聰。光澤無聞亦別號絕學。特其諱曰明聰。正聰號絕學。乃館陶人。今以二人合爲一人。禪師。

邵武光澤人。族姓奚。母吳氏。刪去生正德九年。亦爲蓋覆遙嗣一事耳。髫年出家。二十受具。習止觀唯識論。一日。有宿衲詰師

曰。大通智勝佛。十劫坐道場。佛法不現前。不得成佛道。其意云何。師依文答之。宿譏訶而去。師從此激勵

疑情頓發。坐臥不安。經六載。一日。聞馬嘶。大悟。此係光澤無聞事實。遂往見天奇瑞和尚。纔禮拜。奇便打。師曰。某甲

適來艸艸。觸忤和尚。奇曰。老僧今日被上座勘破。師曰。和尚是在世忘世。在念念念。某甲豈能勘破。此段說錄捏出。奇曰。在世忘世。是如何。師曰。了物非物。曰。在念念念。是如何。師曰。於心無心。曰。心物俱忘時。如何。師

曰。華山高突太行峨。此係延安無聞機緣。奇領之。遂蒙印可。此句係聶先偽捏。住後。上堂。舉僧問雲門。如何是一代時教。門

曰。對一說。龍泉則不然。若有問山僧。如何是一代時教。劈脊便打。曰。合取狗口。此係際公偽造法語。僧問。如何是本

來面目。師曰。石香亭。曰。便恁麼去時。如何。師曰。喪却了也。僧問。今朝四月八日。天下叢林皆慶如來降誕。

未審如來何處降生。師於几上。畫圓相示之。僧無語。此二則機語中。師一日。忽遁去。不知所之。門人蹤跡。久

而不得。越二年。師復歸山。七月朔夕。謂衆曰。因心不了。又遊方。吳越山川。路渺茫。拄杖一條。擔日月。龍泉

寺裏話偏長。偈畢。以拄杖擲地。跌坐而逝。

傳中刪去生正德九年。傳末刪去死隆慶六年。令人摸頭腦不著。此真爲蓋覆遙嗣一事。又以光澤館陶延安三無聞混合爲一無聞。上嗣天奇。下出笑巖。天奇有三子可也。笑巖有三父。豈不令天下人絕倒。

霽崙永禪師五燈全書無聞傳曰。隨州關子嶺龍泉寺無聞正聰禪師。號絕學。東昌館陶人也。今題曰。無

聞正聰。是以邵武之無聞與東昌之正聰混合而爲一無聞也。邵武奚氏子。母吳。十七出家。二十受具。習止觀唯識論。一日有宿衲相詰。

大通智勝佛十劫坐道場。佛法不現前。不得成佛道。其意云何。師依文而答。宿譏呵之。師從此疑情頓發。

坐臥不安。經六載。一日聞馬嘶。大悟。此係邵武無聞事。遂往見天奇。奇問。在世忘世。是如何。師曰。了物非物。奇曰。

在念念念。是如何。師曰。於心無心。奇曰。心物俱忘。是如何。師曰。華山高突兀。太行峯嵯峨。奇曰。他日教壞

人者。乃汝一人。以偈印之。此係延安無聞聽參天奇問答之機緣。載天奇錄中。奇付偈曰。破情情破。還

機緣。插入傳中。爲邱武無聞參天奇之機緣也。今既偷延安無聞之機緣。爲邵武無聞也。後住關子嶺。武無

之機緣。又以東昌絕學之法諱。爲邵武無聞之法諱。是以三無聞混合而爲一無聞也。上堂。舉僧問雲門。如何是一代時教。門曰。對一說。龍泉則不然。若有人問。如何是一代時教。便劈脊一

棒。曰。合取狗口。此係際公僞造之語。載東明祖燈錄存稿。不辨真僞。僧問。如何是本來面目。師曰。石香亭。

曰。便恁麼去時。如何。師曰。喪却了也。問。今朝四月八日。天下叢林皆慶如來聖誕。未審如來何處降生。師

於兒上畫圓相示之。此係邵武無聞笑巖參呈前所得見處。師隨印之。乃至囑曰。汝諦受持云云。此係笑

緣。載笑巖集中而笑巖所參者。乃邵武無聞也。師一日忽遁去。不知所之。越二年。歸山。七月朔夕。謂衆曰。身心了却。好遊方錄云。

想是。心不了。今改身心了却。吳越山川路渺茫。拄杖一條擔日月。龍泉寺裏話偏長。偈畢。以拄杖擲地。跌坐

而逝。塔全身於寺右。此係邵武無聞事。

傳中所紀生緣出處及囑笑巖皆邵武無聞而承嗣天奇則非邵武無聞也何以知之按正宗錄載邵武無聞生正德九年甲戌十二月五日子時曰十七出家則在嘉靖九月庚寅曰二十受具則在嘉靖十二年癸巳曰三十三參天奇則在嘉靖二十五年丙午曰服勤五載始受天奇付囑則在嘉靖三十年辛亥今全書載天奇示寂在弘治十一年戊午正宗錄亦載天奇寂在弘治間二書皆實錄也夫自弘治戊午至嘉靖辛亥計五十有四年也豈已死五十四年之天奇尙能付邵武無聞之法乎今霽崙明知天奇示寂在弘治戊午焉有不知邵武無聞拈香遙嗣者乎故於傳中削去降生出家秉具參師受囑之年甲但曰十七出家二十受具而已天奇錄刻在弘治元年行世二百餘年又焉有不知在世忘世破情情破爲延安無聞之機緣法偈乎今但暗偷其機緣而法偈不敢顯然全露但竊其意輕輕點過曰以偈印之而已鏟其踪埋其跡可謂偷天賣日之手段也然則邵武無聞不但受囑之年相隔五十四載卽生正德甲戌去弘治戊午亦相隔十有七年矣天奇死後十七年邵武無聞始生據此則邵武無聞非天奇之嗣明矣十餘年前余曾述六無聞事跡敬問諸方期爲考正不意霽崙依舊剽竊成章以三無聞混合爲一無聞以之上嗣天奇下出笑巖天奇有三子可也笑巖有三父豈不令天下人噴飯

天笠珍禪師辨救無聞曰我南嶽三十一葉無聞聰祖不知何處無聞也又以寶藏東明兩代不知何處無聞也至心物俱忘時如何聰云華山高突太行峨安無聞也又笑巖寶祖再參聰祖問人人有箇本來父母子之父母今在何處寶云一火焚之云云笑巖參者是關子嶺無聞莫冒後磬山師翁命先師輩作曹溪下三十四世源流頌序有金陵城畔釣得錦鱗此言天奇參峯明關子嶺頭撥開紅鱗此言笑巖參關

得冒認延安無聞
爲笑巖之師乎。

隻履踢出。親薦大機之用。

此言龍池參

驢鳴驚起。洞明大用之機。

此言聲

山悟由。自南嶽至我

師翁三十四世祖祖授受。遞代皆有機緣。明如指掌。

我也知汝偷延安無聞之機緣。明如指掌。任爾徧搜諸無聞機

緣法語抖亂。焉能混我關嶺聰祖之機緣出處乎。

緣法語抖亂。焉能混我關嶺聰祖之機緣出處乎。

將謂笑巖之師別有一無聞。元來依舊是關嶺無聞邪。

祖宗有來歷。終是有來歷。無來歷。終是無來歷。如興化之於臨濟。雪巖之於無準。何妨遙嗣。蓋人眞法眞。明

聰之於天奇。本是遙嗣。今偷他人機緣。作面稟親承。殊不知欲親而反疎也。吾因見著述家紀載不一。故述

六無聞一事。請質諸方明眼。乞爲考究。畢竟誰爲天奇之嗣。笑巖之師。不意天笠依舊偷延安無聞之機緣。

爲關嶺無聞之機緣。以爲親承於天奇。引上一路野狐精作證據。且大言誇張。謂我祖祖授受。皆有機緣。其

不怕人羞恥。一至於此。

寶華忍禪師辨無聞夢說錄曰。丁丑冬。不肖省先師於天童。偶見無聞聰祖夢說錄一冊。卽疑其僞。乃白

先師云。此錄說法庸常。機緣沾滯。必非聰祖之語。觀聰祖接笑巖機緣。不忝從上作略。此中接查祖恩。并

印證之說。何霄壤也。且內有譏語四句云。此法兩人眞可受。次君獨泛月池心。密藏藏密誰能解。一日木

頭顛倒生。此以月心譏笑巖。眞可識達觀。而密藏乃達公之徒也。其說尤爲背謬。達觀可公。道風德望。隆

重一時。其無師承一事。海內誰不共喻。所刻紫柏集共十五卷。於中並無以誰爲師之說。憨山清公與達

公生平最爲莫逆。其作塔銘有云。予以師之見地。足可遠追臨濟。上接大慧之風。以前無師派。未敢妄推。

等語。明明可考。更述其參方事實。有過匡山。并遊五臺。參空巖老宿機緣。及參徧融。至參笑巖寶翁。其機

緣雖未詳悉。亦云知識。笑巖法主暹理諸大老師。皆及門。曾未有參無聞之說。何從得此妄議。先師云。從

上嫡派。共少五祖語錄。老僧自住金粟。卽徧索諸方。漸得二三。皆據原刻。重付諸梓。惟此錄乃抄稿。近得之姑蘇查氏。老僧亦未細閱。但求而得。卽刻之耳。今旣若此。從今止刷。卽命封版。嗣後未知如何。而當時已止。近日三峯會下。有僧樂其譏語可配。全不顧眞可之說爲僞。惟取月心密藏藏密字眼。自笑巖配下。直配其師。集爲五世法談。已爲短見。又有呵之者。著正訛說。依然認其譏語爲實。將眞可密藏。一一配去。獨不許藏密二字爲三峯於密藏公之配。註爲隱語而奪之。種種呵罵。其暗短尤甚。山僧歎笑不已。乃發天奇瑞翁莞絕集考之。是集刻於弘治元年歲次戊申。無聞參天奇機緣。已刻於中矣。若據夢說錄無聞傳中所載。生於正德九年歲次甲戌。是刻莞絕集後二十七年。無聞方生。又據夢說錄。無聞傳。乃三十三歲參天奇機緣。與莞絕集同。則莞絕集中無聞參天奇機緣。於夢說錄爲六十年前事矣。豈六十年後。又有一天奇。又有一無聞。師號旣同。徒號亦同。相見機緣又同。若是耶。又發月心寶翁笑巖集考之。笑巖生於正德七年歲次壬申。則長於夢說錄之無聞兩年也。笑巖二十七歲。歲次戊戌季秋。已受關子嶺無聞之印。明年二月。辭入終南。若據夢說錄傳中。戊戌己亥。無聞只廿五六歲。正參學時。如所謂五六年。不言不笑。如癡如呆之日。尙未參天奇在。豈無聞尙未參師。尙未發悟。尙未住關子嶺。已先有囑付笑巖之事耶。天奇乃無聞之師也。夢說錄旣以天奇爲師。考之莞絕集。天奇無此夢說錄之徒矣。月心乃無聞之徒也。夢說錄亦以月心爲徒。考之笑巖集。月心無此夢說錄之師矣。夢說錄之爲僞造無疑矣。總不過查氏之子。專爲捏箇一日木頭顛倒生之句譏。爲查氏屬在己身。以渠爲先聖所譏之人。足以取重當時。流芳後世。故僞造此錄此譏。以成其計也。大凡世間譏語。乃譏未然之事。查氏徒知隆慶六年。乃達觀三十歲

時正在參方。名猶未著。故捏無聞識語之讖。作渠一日本頭顛倒生之根據。不知隆慶六年。笑巖已六十歲。行道二十四年。付法弟子亦多人矣。此時何用方讖。且聲望重於南北。所以達磨二公北遊。皆趨及門下。但未承嗣耳。據笑巖集載。濟庵與無聞同參。嘉靖十五六年歲次丙申丁酉。時笑巖參濟庵。絳見無聞事。庵云。我與那老兄相別。將四十年。據是則同參時約二三十歲。相別四十年。至此時。無聞已六七十歲矣。若隆慶壬申。無聞猶未去世。亦合百餘歲矣。夢說錄傳。無聞生於正德甲戌。至隆慶壬申。乃五十九歲者。不過約人間五六十壽算。來就達觀參學時。以造讖語。不知有癡絕笑巖二集事實之可考。故背謬如此耳。又據錄中。隆慶壬申。無聞扭查祖恩鼻而悟。悟後立爲印可。查祖恩卽集夢說錄。則此錄乃查氏之家傳手筆矣。又據正訛說云。查氏親述某於某年販馬陝西。抵終南山下。遇一老人。龐眉皓首。問答間頓開心悟。將別。老人手授聰禪師頂相拄杖。及語錄數篇。指讖偈示某云。此一日本頭顛倒生。明明識在居士查姓無疑矣。老僧卽密藏也。如是。則此夢說錄查氏。似乎前所未聞。今始得見。查祖恩必今查丹壑之祖父。祖父家傳手筆。數十年來不聞不見。今反得於密藏之手。是何說耶。大都千妝萬點。要做箇出乎不意。鼓惑愚盲。掩其捏造。不知愈粧愈點。愈見漏逗。且祖受無聞之印。孫受無聞之讖。可謂世襲祖師。如斯讖記。不忝南嶽馬祖之事。不知當何如光揚祖道。方爲合轍。今不過一泯泯流俗之子。則無聞亦安所用此讖耶。查氏僞造法語。虛捏悟門。假粧祖讖。欺世盜名。地獄之罪。無所逃矣。若配讖者。與正訛者。旣無擇法之眼。辨語句之瑕瑜。又無鑑事之明。考讖傳之眞僞。而如夢如醉。受俗漢之欺。認空華爲實。一欲攀爲己有。一欲奪諸他人。僅可供一長笑。第聰祖一案。乃千古法脈所係。是以山僧不敢坐視其盜襲。而爲

之直剖云。

寶華謂梵絕集。刻於弘治元年。無聞參天奇機緣已刻於中。不考爲延安無聞之機緣。夢說錄偷來作光澤無聞之機緣也。又謂考之梵絕集。天奇無此夢說錄之徒。考之笑巖集。笑巖無此夢說錄之師。然則今日爲臨濟正傳。上嗣天奇。下出笑巖。畢竟爲誰耶。又謂夢說錄係查氏僞造。夫僞者對真而言。今無一字之真。遽指查氏僞造。查氏未必心服。如上所述諸書。偏不嫌其僞造。概以夢說錄之無聞。爲源流正傳之祖。抑又何耶。

石源雲禪師關妄說後附較訛二篇。其一曰。雲據偶筆載。明正德間有無聞明聰禪師。姓奚氏。邵武光澤

人。此夢說錄中無聞也。年十九。隨父宦遊。道經真定。父因盜故。感絕世緣。投三河南巖寶鑑花園。禮曉庵曙公爲師。

夢說錄中無此說。但云生正德九年。三歲喪父。次年母亡。母舅惡其命孤苦。乃送於且隱庵。念初禪師出家。此二說不同之一。曙示以萬法歸一話。令其參究。服勤五載。

往伏牛參月天。同衆打火七有省。期畢。與大拙盛庵輩爲友。往峨嵋禮普賢。感異瑞。留二載。一夜。因巖石

隕崩。頓起疑情。特造西禪。途逢舊友。同往參秋林。舉大通智勝佛十劫坐道場話。卽力參數載。一日。立廊

廡間。聞馬嘶。始得脫然。乃述數偈。其略曰。二十年來錯用工。奔馳南北與西東。忽然觸破娘生鼻。積嶽堆

山當下空。呈林林扯碎擲之。怒目視曰。萬法歸一。畢竟一歸何處。師豎拳曰。總在者裏。轉身便出。林深喜。

尋書臨濟二十四代源流付師。參大通智勝話。聞馬嘶。大悟。皆夢說錄中無聞之事。此二說不同之二。明年。返寶鑑。掃曉庵塔。

衆爲擁遮。遂開法於寶鑑。次遷開封之松竹。坐三夏。後遷乾明。晚移隨州龍泉。住隨州龍泉。卽夢說錄中

此二說不同之三。一日。忽遁去。越二年。復歸。此又夢說錄中無聞之事。於正德庚午二月初旬入寂。至壬申七月初二。移龕葬

於庵右。壽五十九。夢說錄無聞全身塔於寺右。壽五十九。與此說同。但彼謂南宗敘曰。臨濟之道。二十一
生正德九年甲戌。此謂死正德五年庚午。二說不同之四。傳至天界俊。出隆恩。悟傳西禪瑞。我和尙派出西禪。秋林入室弟子。此實錄也。夢說錄中無聞有客牕
高峯妙十有八傳。妙出中峯本。本出千巖長。長出萬峯蔚。蔚出海舟慈。慈出寶峯瑄。瑄出天奇瑞。臨濟至
濟一脈。不絕如線。至我聰矣。則爲雪巖欽。九世孫明矣。此敘爲斷橋倫。八世孫。此二說不同之五。曰。按長曆。攷天奇瑞入寂五十五年後。無聞聰方出世。匡徒緣天奇聯芳偈載。號無聞聰者三人。西禪瑞
下號無聞聰者二人。前鐵山下號無聞聰者一人。遂以明聰作正聰。直改無聞爲絕學。上承天奇爲師。下
以笑巖爲子。此訛之所由起也。然西禪下之明聰。係光澤奚氏子。天奇下之正聰。係館陶東倉人。一在福
建。一在山東。字與地不同。世代亦不同。正聰下有冒認若干人。具眼者不得其人。自祖燈正宗。至嚴統以
下。暨諸家源流等。皆以訛傳訛。惟南澗箬庵和尚續燈存稿。知天下後世。眼不盡瞎。於明聰示化年號上。
刪正德兩字。謬以庚午作壬申。刪正德。正欲以圖蓋其訛也。今寶積錄硬將入寂年月。一併削去。是何心
行。蓋因笑巖寶係正德壬申十二月望日誕生故也。嗟乎。抑知明聰入寂之年。笑巖尙未生哉。
如上諸書。有以兩無聞混合爲一無聞。有以三無聞混合爲一無聞。有以四無聞混合爲一無聞。以之上嗣
天奇。下出笑巖。是皆訛書。誠非信史。然細考館陶絕學。臨潼無聞。延安無聞。雖皆天奇之嗣。實非笑巖之師。
而光澤無聞。的係笑巖之師。確非天奇之嗣。何以明之。按正宗錄載。光澤無聞生正德九年。十七歲剃度。二
十受戒。三十三參天奇。服勤五載。始受付囑。當三十八歲。是在嘉靖三十年。天奇示寂。在弘治十一年。至嘉
靖三十年。計五十有四年。豈已死五十四年之天奇。尙乃付光澤無聞之法乎。則光澤無聞。非天奇之嗣明
矣。何謂的係笑巖之師。夫住關子嶺者。光澤無聞也。據笑巖行實自敘。初見關子嶺無聞有省。次依襄陽大

覺。而關嶺無聞。嘗有書與大覺。欲覺警策笑巖。又以書寄勉笑巖。二書俱刻夢說錄中。未幾笑巖再見關嶺。無聞始受記荊。况笑巖集中有舉僧問關嶺無聞佛降誕及本來面目兩則機緣。與夢說錄中所載相同。且著語拈之。代之發明其旨。據此則關嶺無聞的係笑巖之師明矣。寶華謂關嶺無聞不但非天奇之嗣亦非笑巖之師。不無其疑。今雲公又謂關嶺無聞乃係斷橋後裔。其疑愈甚。故述以請問海內高明。按杭州報先寺亦有一無聞諱道聰。寺中現供有像有牌位。寺前有塔。先年濟下諸師多至報先掃塔。認爲卽源流中之祖。又雲棲稽古略中亦有一無聞諱思聰。洎儲公所祖玉泉明聰與前四人共七無聞。一併述陳於此。乞海內高明細心參考。畢竟誰爲天奇之嗣。笑巖之師。又安陸府有一無聞聰係元末人。魯山縣亦有一無聞聰係明初人。俱去天奇遠甚。恐其誤認。故表於此。

正名錄十三卷終

正名錄卷第十四

濟宗世次備考之七

龍池師承疑問

閔晉公居士與帥石柱年丈書曰。前承詢洞濟爭辯之故。略言未盡。今再書以詳之。夫宗門之紊亂也久。

衡陽後學智楷惟直氏述

矣。弟向年客問一篇。曾將流弊。一一指出。中止有天皇天王之爭辯一語。亦未深論。近聞濟宗諸公。將已廢之嚴統。復行刻布。噫。何阿師之好事也。已而平心衡論。雖諸師之好事。亦洞宗有以自取耳。如王安石行青苗手實等新法。一時正人君子。不能虛公和衷。共相商較利害。一味恃氣攻擊。以致激成元祐之禍。此程子所以深惜也。何者。昔崇禎庚午。天界浪師住夢筆。金粟密師受請黃檗。道過浦城。浪師邀請入山未赴。遂以書遺。有傳聞座下輕以源流拂子。濫付匪人等語。當時密師道譽甚盛。浪師何得遽以難入耳之言。劈面輕唾乎。所以密師門人費隱。木陳二師。次年有世譜之刻。而浪師亦有喝粟之草。繼而百丈瑞師三判。雲巖元師正譜。黃元公余集生各出書辯。口舌玄黃。二十餘年。孰非浪師一激而成者哉。至順治甲午。巖統又出。故青原嘯師有熄邪辯。棲霞竺師有救蛾說。以至三宜百愚諸師。各有辯論。久而不決。遂至諍於公庭。而廢其板。今又二十餘年。費隱已逝。後有賢者。似亦可以已矣。可已而不已。非好事而何。且弟觀其家可已而已者頗多。如寶華朝師之指迷自白。三峯漢師之五宗教。當日父子兄弟橫戈亞戟。今後人俱將原本汰削大半。費隱女子入定等頌。其語錄俱自刪落。何故於嚴統一書。曉曉不少休耶。豈在自家者可已。在人者必不可已耶。卽不可已。不過移雲門法眼二宗。歸於南嶽。謗顯聖壽昌二枝。爲未詳法嗣耳。但弟平心衡論。今日之濟宗已詳法嗣。昔日之濟宗亦可謂之未詳法嗣也。何以言之。如興化存獎之嗣臨濟。今諸師少祖也。臨濟存日。卻未付興化。取興化拈香全語推之。有無自見。拈香語曰。此一炷香奉爲三聖師兄。三聖爲我太孤。便合承嗣大覺。大覺爲我大賒。我在三聖處。會得賓主句。若不遇大覺師兄。泊乎誤卻我平生。我於大覺處喫棒。見得臨濟先師在黃檗處喫棒的道理。此一炷香供養臨濟先

師。此興化拈香之全語也。後諸錄則改云。此一炷香本爲三聖師兄。三聖於我太孤。本爲大覺師兄。大覺於我太賒。不如供養臨濟先師。中間略去。便合承嗣一段。此作者回互妙法。以後人眼睛可瞞也。嗟乎。瞞人卽瞞己。瞞己卽瞞從上佛祖矣。要作佛祖兒孫。豈可自瞞以瞞人。人亦誰肯受其瞞哉。據便合承嗣大覺。大覺爲我太賒。我在三聖處。會得賓主句。若不遇大覺師兄。泊乎誤卻我平生。則興化徹於大覺棒下。可知矣。又云。我在三聖處。會得賓主句。則其在臨濟處。遠之又遠。可知矣。末後直云。此一炷香供養臨濟先師。是孤既不可。賒又不願。祇於此棒。見彼棒的道理。遂合承嗣。有過乎無過乎。可一言而決。何從前辯論者。第知就事論事。不知根究到此。豈以興化而遂不敢落筆乎。見義不爲。無勇甚矣。或以興化侍臨濟巾餅機緣數則現在。故不妨如此拈出。何以在密師。侍寮如古雪師。維那如元白師。與興化同一模子。諸師反一筆抹殺者何也。弟曾見莽丘黃介子作密師塔銘內云。已付法者五峯學等一十二人。印可未付法者。元白可等一十二人。今密師門人一手握定。除伊等一十二人外。盡行抹殺。彼豈不知真人難得。叢林中培養一二十年。猶不見有一箇半箇。乃肯峻拒若是。其心苗隱隱。無非要其人承嗣於己耳。如翠巖玉浪已受古師之付。拈香上堂。刻有語錄矣。木師攘而付之。如黃龍冰鑑拈香三峯及往掃塔。諸門人不納。必逼向玄牧處受拂。始無議論。使大覺同此心行。待興化拈香。乃云。還我臨濟先師拂子來。若云。我於師處喫棒。見得先師喫棒的道理。豈不令人一笑噴飯乎。由此言之。此棒見得彼棒的道理。便合承嗣語。風雪師覩古雲門三字而悟。何獨不許拈雲門香乎。不特此也。笑巖門下聯芳偈六人。幻師不在其列。笑巖語錄亦無幻師機緣。今日子孫繩繩。自命正傳。設有向此處下一椎者。不妨借抹人之筆以相抹乎。總

之。浪師濫付匪人之書。出之太蚤。若到二十年後。試問密師門人所付。曾免得此圈圖否。或謂濟宗如是。洞宗遂無以上諸病乎。余應之曰。洞宗此病。正自不少。今因濟宗諸師多事。好於詰人。故針砭之。若人而興化。拂子是甚廁籌。能爲重幾何哉。倘諸師肯自虛心。熟讀我客問一篇。宗門庶乎有救。不然。任他名滿天下。尊推大老。語錄攢花簇錦。汗牛充棟。但向道治庵者。裏未許你躑跳在。暑中無事。草書呈教。彼輩見之。必云此爲洞宗樹幟者耳。自有一番扭捏。藏頭露尾。指東畫西。出語抵搪。弟不管樹幟不樹幟。惟要他將臨濟於興化。有拂子無拂子一語。便見瓦解冰消矣。先聖云。君子有諸己。而后求諸人。無諸己。而后非諸人。拽好事阿師鼻頭。且三復之。

山足斧禪師南嶽單傳表後敘辯曰。歐陽公曰。事信言文。乃能表見於後世。余讀月函潛公南嶽單傳表敘曰。我臨濟氏承南嶽之明命。兼統五宗。於諸宗獨尊。此事不信言不文。不獨不能表見於後世。且徒增是非於今日也。達磨大師傳佛心印。至曹溪派而爲二。一青原。二南嶽。青原出雲門。法眼。曹洞。三宗。南嶽出漚仰。臨濟。二宗。此二派五宗。大振南天。何得黜四宗。而獨尊臨濟。且臨濟去南嶽五代。得黃檗禪板。不傳有三。又奚從而得明命者歟。所謂事不信。言不文。不得不深爲之辯也。三不傳者。唐懿宗咸通八年。臨濟示寂。興化卽爲三聖首座。尙未發悟。爲大覺監院始徹。至後唐莊宗時。乃拈其香曰。三聖太孤。大覺太賒。不如供養臨濟先師。夫不如二字。當源流可乎。此臨濟不傳者一也。月云。臨濟到風穴卽止。念法華是仰山再來。此臨濟統漚仰宗。余曰。再生父母豈可統乎。此臨濟不傳者二也。幻有禪師遙嗣笑巖。而笑巖南北二集。並無幻有二字。此臨濟不傳者三也。有此三端。反統他宗以自尊者。是遙嗣之不善耳。月云。睦

州爲黃檗首座。臨濟雲門皆發悟於睦州。兩人同步。此臨濟統雲門宗。余曰。既是同步。臨濟能統雲門。而雲門獨不可統臨濟乎。况雲門法眼。皆青原下大振雪峯。玄沙之道者。執月公之見。比類發明。則雲門可統臨濟。而法眼亦可統臨濟矣。月云。汾陽唯喜曹洞。浮山契機大陽。此臨濟統曹洞宗。余曰。兩人爲濟下客。而歸信曹洞。則曹洞統臨濟矣。而欲執此以統能統者。得非顛倒案亂乎。夫初祖西來。破我見之固。唱教外之傳。此正灑時雨以救枯稿。吹涼颼以解炎熱。五燈并照。萬國同春。如臨濟三玄。洞山五位。法眼六相。雲門一字關。漚仰九十六種圓相。雖門庭有殊。其指歸不二。謂五宗爲一花所統。則可。謂四宗爲臨濟所統。則不可。而云於諸宗獨尊。非事不信。言不文。徒增是非於今日也耶。此皆不參活句。唯執我見之病。月公。明人也。如參活句。則古今一世。塵刹一界。黜四宗以尊臨濟。何如尊四宗以尊臨濟之爲愈乎。月公以爲然否。又曰。笑巖寶所付六人聯芳敍。不肖上承迦葉六十三世之元祖。下繼曹溪三十一葉之眞孫。又門人三際通敍師北集云。師得絕學老人不傳之旨。望臨濟二十六代之祖。而弗專臨濟之稱。唯曰。曹溪正脈。但所付靈谷芝。高庵傑。正宗悟。天常經。三際通。素庵志。六人無傳。禹門遙嗣。得剃度之子曰。天童悟。悟稱曹溪三十三世。依此。望臨濟二十八代之祖。無議矣。

傑宗元禪師有偈數首。其略曰。偏廢偏訛說正傳。三千里外問機緣。買他一頂蕭山笠。蓋覆觜髑不見天。又曰。笑巖六首聯芳偈。南北集中千古傳。若問龍池第幾位。併無名字及機緣。

鏡愚慧禪師據實錄。其略曰。嚴統謂遙嗣無面稟。遠契非當機。意難並列。試問容公。誰非面稟當機者。設有而不許入。則請遠刪興化。近削龍池。勘定本支。方名嚴統。

按笑巖聯芳六偈。僅付六人。六人之外不聞也。恣公禪燈世譜。於六人之外。增收幻有幻也二人。聶公續指月錄。又增收幻有幻也。愁山三人。俱不知何所據而然也。然則幻也。昔蒙恣公收入世譜。近又出摘亂說以摘之。愁山初蒙聶公收入續錄。近又剗而去之。竊思三公同一模子。幻也可摘。愁山可剗。幻有豈有獨存之理。此所以來諸山之議論也宜矣。今幻有後裔安其議。任其論。不見有出一言以加辯者。不審是拈香遙嗣理難加辯耶。爲復是不采無窮耶。不無其疑。故述以請問海內高明。

阿難尊者投佛出家。與迦葉尊者兄弟也。佛敕附貳傳化。故阿難嗣法。不之佛而之迦葉。蓋遵佛敕也。亦重其法也。石頭投六祖出家。與青原兄弟也。祖命尋思去。故石頭嗣法。不之祖而之青原。蓋遵祖命也。亦重其法也。臨濟雖無敕命。而興化能追阿難石頭之風。瓣香爲大覺拈出。豈不名正言順。不之大覺而之臨濟。豈非私啓法門亂階。於是效顰如雪巖。明聰。幻有。古雪。輩相繼而出。沿襲成風。是等攀高之志太過。重法之心不及也。閔公論天童門人一手握定云者。似是實非。何也。若不握定。則濫觴之風。何所砥止。然則但握定於今人。而不握定於古人。握定於他人。而不握定於本宗。猶之乎不握定也。或曰。興化之遙嗣臨濟。雪巖之遙嗣無準。明聰之遙嗣天奇。且置勿論。如幻有之嗣笑巖。有契悟機緣。笑巖付有斗笠。可謂授受有據。何謂拈香遙嗣耶。曰。幻有雖有機緣。載幻有錄中。笑巖錄中。絕無一字可據。如古雪輩十餘人。於天童誰無一兩則契悟機緣。彼十二人一手握定。不容一人插足籌室。雖木陳忞公間嘗代付古雪。而費隱容公責以代父生子。輒驅而去之。則法門公論未嘗泯也。彼曇芝等不幸早死。藉使俱在。又豈容門外之遊人。作入室之眞子乎。又聯芳六偈。與一斗笠。若爲親疎。况笑巖錄中。絕無付斗笠之說。曇芝等亦無代付之舉。而幻有嗣笑巖。

終難免諸山之議論。所以容公嚴統曰。統屬道脈攸關。豈容纖毫假借。自非考訂精嚴。將使狐蹤彌布。唯是當機契證。親承記莭。方譜傳燈。此道統濫觴。不可不防。故恣公曰。汰虛承存實繼。凜乎若峻夷夏之防者。此之謂也。凡操觚家不可不師之。慎之。斟之。酌之。昔古塔主拈香雲門。舊錄收入雲門法嗣之末。迄今五百餘年矣。今霽崙作全書。列於未詳。論道統不可道不嚴也。於法門不可道不公也。原其意亦救弊匡時而發也。法門際此駁雜之秋。若不秉公持正。存實汰虛。則道統之濫。何以砥止。邇來有法璽一枝。盛於江西。謂來自笑巖。所以別機清公。出驅僞論以驅之。吹萬一枝。盛於四川。謂源出大慧。省巖□公出書以闢之。又有收達觀可嗣無聞聰。恣公出閑先錄以閑之。是皆出乎秉公持正。存實汰虛之心之所發也。然達觀吹萬法璽。且置勿論。而幻有之嗣笑巖。法門公論。終難自免。所以慧公曰。遙嗣無面命。遠契非當機。意難並列。則請遠刪興化。近削龍池。勘定本支。方名嚴統。妙乎。恣公曰。天下有道。守在四夷。嚴外不嚴內。猶之乎不嚴也。可謂至言也。可見天下之公論。必不能無也。今爲霽崙計。當預與興化。雪巖。明聰。幻有。四公留一退步地可也。不然。異日有如霽崙者起。修明僧史。遵霽崙之條例。列四公於未詳。未嘗不可。何也。蓋道統不可不嚴也。虛承不可不汰也。不然。則狐蹤彌布。自不能免也。

剪蔓說

往讀顯正說。見天笠珍濟水洗二禪師。辯從上源流。良屬苦心。第釋聯芳偈及敍。則與笑巖意相左。辛酉春。余以書及備考寄覽。珍公隨即批答。復出普說稿寄白巖老人。老人卽其普說。逐段批之。後獲普說刻本。不惟議論匪公。而又虛妄過甚。然在明眼。諒不爲其所惑。第初機晚進。不免受其鼓惑。以致害是亂真。不分曲

直。故余不得不辯之也。其論議諱再參諸公案。老人既有批語刻行。茲不贅。但卽其虛妄處。略摘數則。質諸高明。孰是孰非。聽其公論。

古今聖賢。立言行事。誠篤不妄。以不妄故。則其言堪爲百世師。而其行堪爲天下法。若夫言乃害理。行乃悖倫。此直名教中德之賊也。非所謂聖賢也。吾宗自拈花一脈。傳至曹溪。析爲二支。二支倫序。古有定典。故師資契悟機緣。前青原。後南嶽者。定自六祖壇經。非外錄也。祖殿配享位次。左青原。右南嶽者。定自歷朝敕建。非一日也。曹溪有唐誌。宋誌。通誌。首青原。次南嶽者。定自前賢大筆。非野史也。傳燈錄。正宗記。兄青原。弟南嶽者。定自名宿親手。非妄作也。正珍公所謂宋景德年間道原統集。從上佛祖。以及五宗諸禪師。世系相承。機緣出處。法語偈頌。彙成一書。謂之景德傳燈錄。然青原南嶽。世系相承。機緣出處。先後位次。莫不昭著於傳燈。又何責燈統之不合乎。且又謬引神秀。廬能首座行者。以比譬青原南嶽首座侍者之優劣。噫。珍公失言甚矣。夫六祖參五祖時。雖爲行者。其悟處深得其髓。故五祖直以衣鉢付之。定爲六祖。而神秀雖爲首座。當其呈偈之日。廬行者謂其爲門外漢。五祖所以不爲印可。以悟處有深淺故也。至若青原參六祖。以聖諦不爲一語深器。有若二祖不言少林。謂之得髓。遂令首衆。旋命分化。故名其山曰七祖山。名其塔曰七祖塔。豈以得髓之七祖。可同門外漢類而語之耶。神秀雖首衆黃梅。實未穩當。所以有南頓北漸之分。珍公不分頓漸淺深。引譬致辯。其謬可勝言哉。且燈統紀青原南嶽先後者。一以二老參祖。機緣契悟。受囑。有先有後。一遵六祖壇經。祖殿位次。及通誌。傳燈。諸書。非無據而私臆者也。夫傳燈爲宗門首創之書。經聖主賢臣較賜入藏。爲萬世不易之典。嗣後雖廣續聯普。相繼而出。其條分派列。皆遵傳燈。未有僭逾私尊之病。余考虎

丘陵生長。出家參訪契悟。受囑開法。示寂。皆在妙喜杲之前。大川爲妙喜四世孫。所以擅改從上五燈爲會元。列南嶽於青原之前者。以私尊己祖爲妙喜於虎丘前之張本。誠爲開後人僭逾私尊亂階之漸。天童悟生長出家。參訪契悟。受囑開法。示寂。皆在磬山修之前。故龍池碑及續略續續所列二老。炳若星日。存稿一旦列磬山於天童之前者。誠僭逾私尊亂階之終也。此皆素倫悖理。在名教有所不容。於法門可容乎。珍公引會元立論。以責燈統。無乃黨存稿案倫悖理之書。反謂白巖違佛旨。敗名教。妄引平侍者以責其過。飾其非。此在珍公可謂用心極矣。殊不知違佛旨。敗名教。適足以自首其罪也。公既歷引傳燈正宗致辯。豈有不知二書列青原南嶽之先後耶。二書有合其偏私者。歷引以濟其臆說。有敘其倫理者。便諱而置之。且又痛抑燈統。私黨存稿。豈善知識之設心。當如此耶。

傳燈錄正宗記。皆列興化於三聖大覺之後。正珍公所謂宋仁廟時。名宿所集之書也。其紀從上世系。相承機緣。一出一處。載在龍藏。炳如日星。燈統列興化於三聖大覺後者。蓋依傳燈正宗二書也。至謂透脫重關。實得三聖大覺力。出世香拈臨濟。未必卽無內作者。蓋借爲今時趨炎棄涼者針砭之。不見幻也。認笑巖爲師者。所以摘亂說出矣。法璽認笑巖爲祖者。所以驅僞論行矣。然此輩妄認人爲祖父。其驅之摘之宜矣。不可謂非匡時救弊之言也。然余更有說焉。夫曇芝輩六人爲旁出者。尙有機緣法偈。載之本師集中。彼稱爲正傳者。而本師集中。何絕無一機緣法偈之載耶。且又駕尊於曇芝輩六人之上。殊乖倫理。今人於己所出之祖父。則尊之飾之。於人所出之祖父。則驅之摘之。其嚴於外。不嚴於內。責於人不責於己。猶之夫不嚴也。不責也。今珍公憤憤然痛抑燈統。且謂爲不識向上行履。此珍公端的不在救一興化而發。蓋借興化鼻孔。

出氣救彼傳曹溪正脈者而發也。於是廣引興化機語。謂氣字如王。非得力於三聖大覺。殊不知古之學者。雖未透脫重關。而機下峻利不可觸犯者。不可枚舉。如大慧未見圓悟時。往往與人醺酢與奪。非不可觀。及見圓悟。始得前後際斷。其在虎丘。閱華嚴。打失布袋。尙在見圓悟之後。古人胸中有一分眞疑去不盡。終不自欺。必到大休歇處。始爲參學事畢。珍公謂興化久爲臨濟侍者。洛浦參濟時。即在旁醺酢與奪可觀。然興化與奪雖可觀。及乎被臨濟再勘。便死於棒下去不得。抑又何耶。又引興化訪雲居一問。居二十年纔答得箇。何必以形容雲居機鈍。興化機利。此又珍公之不究興化訪雲居在何時也。當雲居初住靜三峯庵時。感天人送供。自以爲得。及被洞山呵責點破後。天人送供且無門。而興化訪雲居。係初住三峯時。雲居雖機語遲鈍。終無鹵莽之失。珍公引以抑揚逐塊之甚。然以此鄙洞宗。則隱峯五洩俱死機於石頭。得不又當鄙濟宗乎。又引興化在三聖首衆嘗云。我向南方行脚一遭。拄杖頭不曾撥著一箇會佛法底人。珍公便謂氣字如王。殊不知後生輩開口說大話。往往有之。如天平在西院時嘗云。莫道會佛法。覓箇舉話底人也無。其氣字爲何如。及乎被西院連下兩錯。便見脚出。興化雖在三聖處。開口說大話。卻被三聖輕輕活埋在萬丈深坑。猶自不知。說甚氣字如王。及見大覺。你一喝。我一棒。你再喝。我再棒。彼此便休去。則臨濟一宗。掃土盡矣。如鹿門與楚闍黎相見。彼此不知。有你坐我立。我坐你立。或時卽賓而主。或時卽主而賓。或是賓主互換。乃死死抱定一喝。以爲賓主句。所以被廓侍者點罰。興化如不得大覺法堂前再勘。焉有今日之兒孫。所以後來打同參。機用手眼。與未見大覺三聖之前。天地懸殊。謂興化不得三聖大覺力可乎。珍公又謂興化要與天下作箇榜樣。怪道後人有妄認笑巖爲祖。稱臨濟正宗者。有自謂得曹溪正脈者。豈不皆興化之榜

樣也。爲珍公計。莫若於文苑英華中。表出八百年前。興化塔碑。謂臨濟在時。晚年居興化寺東堂。命獎公主席。以見其面稟親承。非拈香遙嗣。豈不更爲得也。至謂臨濟得悟於大愚。不合嗣黃檗。雲門得悟於睦州。不合嗣雪峯。乃至投子得悟於浮山。更不合嗣大陽。珍公特借臨濟雲門開端。以表出投子。一以推尊興化。一以鄙美洞濟。似則似。其如失實何。臨濟雖得悟於大愚。而大愚有命曰。汝師黃檗。非關我事。及回檗處。攔腮還掌。一與一奪。實可觀光。及乎被檗曰。行者。引者風顛漢參堂去。到者裏。尤不知檗用處。故有半夏上黃檗。及行數里有疑。乃曰。此事不得。艸艸。再上黃檗。始有禪板付囑之說。則臨濟透脫末後重關。實得黃檗力也。雲門雖得悟於睦州。亦稟州命。指參雪峯。及參峯時。日臻玄奧。觀其日臻玄奧。則雲門透脫末後重關。實得雪峯力也。投子雖得悟於浮山。然亦稟山命曰。代吾續其宗風。使浮山如黃龍。棄寶峯而就石霜。則投子又爲大陽孫矣。是以浮山。以不昧見葉縣之初心。故以身嗣之。以不忘受大陽十載法乳深恩。及躬稟遺命。故命投子代續。乃若興化嗣臨濟。未審稟命何人。珍公反責燈統。蝮螫用心。恨不能置興化於大覺下。果使置化於覺下。實法門千古慶幸。所以近代如黃檗奇之承嗣福嚴容。誰敢異議。他如翠巖喆能下一輩。或承嗣寶華忍。或承嗣天界盛。豈不名正言順。嗣續尤得綿遠。而瓣香乃要與天童悟拈出。雖不忘久侍之恩。其奈巫山不肯點頭何。致有自家已開法之嗣子。復流而爲他家之末裔。爲諸方所惜。此又一天下後世榜樣也。又如天井新黃山據輩。非未嘗不久侍天童。至今秦不收。漢不管。隱隱然徒有半恩半恨。悔之不及。此亦天下後世榜樣也。古云。受恩深處便爲家。况興化深得大覺之力。列爲覺嗣。於理未嘗不可。抑可以爲天下後世冒續者。作一龜鑑。燈統謂興化透脫末後重關。實得大覺力。而香拈臨濟。未必內無所作。此實據理而論。

非矯強也。而珍公乃痛抑太甚。且多方引譬。曲護門庭。乘其鋒以刺洞宗。豈善知識之設心。當如此耶。

笑巖寶禪師所付法嗣僅六人。著有聯芳偈六首。又自敘之。具載本集。其首付曇芝一偈。及自敘。誠恐後人昧其來源。故於從上世次。特爲詳示。余世次備考中。又特爲表出。今珍公云。聯芳偈。汝世次中。謂續略所無。乃存稿捏出。山僧教汝熟讀笑巖南北集。汝知罪不可追。反以聯芳敘塞責。余備考中何紙何行曾有此語。珍公所以添出續略所無。乃存稿捏出之語。不過以之激怒同宗。罪余爲妄。殊不知自妄也。倍甚。備考以萬峯普慈。明瑄。天奇。祖孫四代。授受法偈。及天奇塔銘。無聞客牕夜話。笑巖聯芳敘。曇芝偈。廣通序。連絡述來。一一伸明。何單謂只以聯芳敘塞責耶。雖余前書中單舉聯芳敘而論。然亦引天童語。廣通序。伸明笑巖之意。珍公非不知也。珍公胸臆中唯生滅是懷。人我是競。只要曲護師說。不肯折衷於人。乃又肆出普說。力爭強辯。此等迷中倍人。元不屑與辯。第後賢不知曲直。心志未免惑亂。故不得不辯明耳。古云。一處真。則一切處皆真。一處不是。則一切處皆不是。余備考歷述十種祖訓。所敘濟宗世次。無往不合。珍公但舉聯芳偈。及敘二種。曲辯於前。復引先南澗語證之。謂玩承繼二字。便見夫世出世間。辯訛釋誤。看在今時。曾因何事。豈可承其謬言。而移害正理。先南澗見明末清初以來。本宗本支。紛紛然辯論海舟一案。皆以續高峯七世之句消不去。故指天奇爲上承迦葉六十三世之元祖。無聞爲下繼曹溪三十一葉之真孫。意謂寶藏東明兩代的在源流內。海舟普慈出東明下。以合續高峯七世之句。此蓋當時未見翼善碑。實不知東明下自有嫡嗣海舟永慈。屬高峯七世孫也。今翼善碑出。顯見二海舟各有師承。授受法偈。世次之別。而向之強以海舟普慈出東明下。以合續高峯七世。及元祖真孫之釋。豈不皆謬釋矣。珍公今見翼善碑。不辯清普慈永慈兩

家世次。以班正無聞笑巖典型。免致流爲邪說僞書。釐正普慈明瑄嫡祖。免致黜爲烏有先生。而乃反執謬釋。害是亂真。謂元祖確指天奇。眞孫確指無聞。從上亦確指無聞。今將乃笑巖自謂。謂將從上無聞之法。付與曇芝。嗟嗟。如此迷中倍迷。夢中作夢之夫。雖佛出世。亦無如之奈何。然聯芳敘有上承下繼字眼。聯芳偈有今將從上字眼。故得父子兄弟。胡穿亂鑿。以濟其謬說。若則萬峯付普慈偈。普慈付明瑄偈。明瑄付天奇偈。與夫東明付永慈偈。永慈付智瑄偈。又如何解說。天奇塔銘載。法嗣爲高峯第八代孫。又如何解說。無聞客牕夜話。敘從上世次。自高峯中峯。千巖萬峯。普慈明瑄。天奇一脈。敘來。又如何解說。廣通序。直稱臨濟爲笑巖二十六代之祖。又如何解說。此數種祖訓。既謬釋不來。則今將從上。元祖眞孫。又如何謬釋得去。更可笑者。余備考引天童語。伸明聯芳敘意。且又明明指出係復劉道貞之書。載原刻闢妄七書中。是書係平陽恣公掌記室時。親手記錄。親筆作序。出在崇禎六年。流通徧海內。迄今五十餘年。有目者莫不皆覩。珍公指余捏出天童密伯祖。謂從迦葉歷我笑祖。爲六十三世是誤。嗟乎。余不知珍公果無目不覩耶。抑故意誣余妄捏耶。若果額堂無目。當謙卑下氣。求彼三尺童子。指點一指點看。豈可遽出謬說。若覩而故意誣人爲妄捏。豈善知識之設心。當如此耶。

濟宗二海舟。一諱普慈。一諱永慈。二公之嗣。一曰寶峯明瑄。一曰玉峯智瑄。今人易玉爲寶。謂智瑄亦號寶峯。甚至以明瑄智瑄混爲一寶峯瑄。自此嫡庶莫分。涇渭莫辨。故余備考中詳述二公事蹟。先後各別。免致埋沒一代嫡祖。有功濟宗非小。且余明言永慈法嗣一百有四人。智忍居首。石碑內稱首嗣門人寶峯者。乃智忍。智忍諱也。寶峯其智忍之號也。石碑石坊木扁。但曰寶峯。並無瑄字。珍公安增一瑄字。乃云據汝備考

謂永慈石碑內原有首嗣門人寶峯瑄。呵呵。珍公畢竟離不得一瑄字。苟離之。便謬說不來。公既認永慈下智瑄爲祖。何不辨清存稿不合以明瑄列永慈下。又何不辨清正宗不合以明瑄智瑄並列永慈下。更不合以天奇列智瑄下。而乃妄增一瑄字誇張曰。我東山二世諱號明驗。臨濟正傳。萬峯普慈。明瑄。天奇。爲公自出一脈嫡祖。吾備考詳述本末。不啻揭杲日於中天。彼窺鞭影者。早已追風千里。公猶吠守枯椿。不亦陋乎。按石碑載。永慈爲開山第一世。智清爲第二世。智瑄縱有住持。當在智清之後。况行實碑。箭付碑。重修翼善碑。正公所謂高登江浙者。並無載及智瑄爲東山二世也。今指智瑄爲二世。以何憑據。若據石碑。無此二世之智瑄。若據僞塔。則又鐫智瑄爲翼善第一代。非二世也。若據房僧破籠中檢出二百餘年前之敗紙。此不過當年付智瑄之揭稿耳。亦無所謂東山二世也。嗟乎。本宗碑記。絕無所載之住持。便妄捏出東山二世之智瑄。以修飾之。他家塔記鑿鑿可據之年代。便妄捏出紹熙年間之雪巖。以塗訛之。豈善知識之設心當如此耶。

無聞一案。諸書紀載不一。故余備考。述呈兩宗明眼。共爲考正。復以書寄珍公。珍公隨即答書。且責余打諢其說。不得不再以書復之。乃逐一點出曰。玆絕集。夢說錄。笑巖集。皆公祖宗之書也。東明祖燈錄。係公叔父之書也。五宗救。係公堂兄之書也。關妄救。係公伯祖之書也。迅雷集。係公伯父之書也。續燈存稿。正宗語錄。係公父兄之書也。請將諸書對較。以爲何如。謂余打諢可乎。他人之書且置。即據公父兄之書論之。存稿首紀隨州關子嶺無聞絕學正聰。此一號一諱。以光澤無聞明聰別號絕學者。與館陶絕學正聰者。合紀爲一人。次紀邵武奚氏子。乃至聞馬嘶大悟。此一段係光澤無聞生緣出處。悟由事蹟。備載夢說錄中。其參天奇

機緣。法偈。明知屬延安無聞之事。與光澤無聞全沒交涉。故暗自刪去。此存稿早自見其疑矣。不待余疑之於今日也。次紀上堂舉雲門對一說。此係際公所述無根之談。次紀僧問本來面目。及佛降誕兩則機緣。係光澤無聞之事。一載之夢說錄。一載之笑巖集。末紀笑巖來參。受光澤無聞記荊。此存稿所紀。以光澤無聞爲祖。下出笑巖。再請觀正宗語錄。雖認光澤無聞爲祖。敢問光澤無聞上嗣何人。正宗明載光澤無聞得法之年。去天奇示寂之日。計五十餘年。不審面稟親承耶。遙嗣冒續耶。謂祖祖相傳。以至於今。並無代續遙嗣之訛。可乎。珍公不細心考究。乃肆出普說。復伸救云。我南嶽三十一葉無聞聰祖。參天奇機緣。至心物俱忘時。如何。聰云。華山高突太行峨。又笑巖寶祖再參聰祖。問人人有箇本來父母。子之父母。今在何處。寶云。一火焚之。後磬山師翁命先師輩作曹溪下三十四世源流頌序。有金陵城畔。釣得錦鱗。關子嶺頭。撥開紅燄。隻履踢翻。親薦大機之用。驢鳴驚起。洞明大用之機。自南嶽至我師翁三十四世祖祖授受。遞代皆有機緣。明如指掌。任爾徧按諸無聞機緣法語。抖亂焉能混我關嶺無聞聰祖之機緣出處。呵呵。珍公可謂狡猾。自謂能暗混二無聞爲一無聞。以爲己祖。面稟親承之慶。殊不知正公所謂行愈急而迹愈多矣。據公所引住關子嶺。屬笑巖所參。問巖本來父母者。豈非光澤無聞乎。而參天奇機緣心物俱忘。豈非延安無聞之機緣乎。盜延安無聞機緣。栽爲光澤無聞事。混二無聞爲一無聞。以爲上嗣天奇。下出笑巖之祖。復引先南澗序。以文其遙嗣冒續之弊。將謂瞞卻天下人。不知反貽笑天下人也。殊不知延安無聞此則機緣。載天奇堯絕集中。刻在弘治元年。至天啓六年。老天童住金粟時。重梓流通徧天下。萬目共覩。盜爲光澤無聞機緣。可乎。珍公驀地盜來箇我南嶽三十一葉無聞聰祖參天奇。不妨令人疑著。不知是何處之無聞。爲復是臨潼無

聞耶。延安無聞耶。光澤無聞耶。抑亦報先無聞耶。適以證龜成鼈。卻又自露出箇真贋來。乃云任爾徧搆諸無聞。焉能混我關嶺無聞。啐。元來參天奇者。乃延安無聞也。住關嶺者。乃光澤無聞也。呵呵。看你者癡蠢漢。何能作善竊耶。按正宗語錄。明載天奇弘治間示寂。明載關嶺無聞。正德九年生。十七剃度。二十受戒。三十三參天奇。服勤五載。始受付囑。當三十八歲。是在嘉靖三十年也。敢問珍公弘治間至嘉靖三十年。已歷五十餘年矣。以已死五十餘年之天奇。付關嶺無聞之法。且道是面稟親承耶。遙嗣冒續耶。自知上下曠遠莫接。乃暗偷六十四年前。延安無聞之機緣。妄栽爲六十四年後關嶺無聞之事。謂之祖祖授受。代有機緣。明如指掌。此眞明如指掌也。既稱祖師後裔。自有一言半句。流通古今。此公語也。又何必偷延安無聞機緣。栽爲關嶺無聞事耶。偷他人之機緣。爲己祖之事實。是猶偷張三烏紗。戴李四頭上。正公所謂打諢其說。而反誇張謂我祖機緣。從胸襟中流出。蓋天蓋地。貫古貫今。得不絕倒天下耶。於本宗本祖。明知存稿正宗諸書有訛。便文飾之。曰。吾宗不必藉人筆墨。世次灼然。見洞宗諸祖。代有碑銘高豎。祖庭世次昭著。皆名公鉅卿所撰。便痛抑之。曰。文人筆墨。何足爲憑。豈善知識之設心。當如此耶。

據實說

夫古今大小之事。莫不有名有實。愚者執名昧實。唯智者能推實以擴名。發而爲論。是爲公論也。木陳忞公唯知浮山爲南嶽後裔。投子從浮山口生。遂謂南嶽眞血裔。大造於洞宗。此蓋泥於名而昧於實也。不見大慧宗門武庫云。瑯琊廣照公安圓鑑居衆時。汾陽禪師令其探明安宗旨。明安嘗曰。興洞上一宗。非遠卽覺也。又不見黃山谷新豐吟後跋。謂浮山受大陽十載深恩乎。古人參師。必期登堂入奧而後已。浮山先受葉

縣印可。次依汾陽。稟命探大陽宗旨。因之深相契合。依止十年。不但登堂入奧。且又發明宗旨。比在葉縣汾陽處所得深淺可知矣。葉縣法嗣雖有六七人。皆先浮山化去。浮山以葉縣無人。故以身嗣之。不忘其初心也。命投子代己嗣大陽。用醺十載法乳之恩也。按恣公敦本錄所述。浮山遠過大陽。與玄語甚相契。玄以皮履直褻示之。遠曰。某甲己自有師。當持此衣履求人付之。俾續洞上宗風如何。玄遂付遠。且授偈曰。楊廣山前艸。憑君待價煇。異苗翻茂處。深密固靈根。後遠得投子青時。出洞上宗旨示之。青悉妙契。遠遂付以大陽衣履曰。代吾續洞上宗風。據如此說。浮山與大陽語甚相契。甚相契非登堂入奧而何。浮山不以濟上宗旨示投子。唯以洞上宗旨示之。悉皆妙契。觀此。不惟投子爲青原真血裔。則浮山亦實青原真血裔也。投子雖未識面大陽。實面稟親承於浮山。浮山面稟親承於大陽。授受源清。非拈香遙嗣者比。使浮山如黃龍。棄寶峯而嗣石霜。則投子又大陽之法孫矣。且浮山付投子。不曰吾代洞上續其宗風。而曰代吾續洞上宗風。則知投子嗣大陽。猶浮山嗣大陽。浮山非受大陽十載法乳深恩。豈肯以己嗣嗣大陽乎。既以己嗣代己嗣大陽。用醺十載深恩。理也。謂之南嶽血裔。大造洞宗。豈非執名而昧實乎。以致湘翁和尚云。白巖恥邪解馬足。幻成四宗之訛。遂刪削讖記。謂聖師傳道不傳讖。本和尚憤氣。竟遷怒於大陽投子。夫興洞上宗旨。大陽親付浮山衣偈。親許接人代續。實與從上師資授受之義同。本和尚憤氣。竟市恩於壽昌雲門。市恩責望。謂之肖小。豈浮山當日所用心哉。投子稟大陽記。道行貫乾坤。法蔭填海宇。子孫蕃衍。以至於今。本和尚又憤氣。竟舉韓厥立趙武故事。妄祭告我投子青祖。念念要塗沒洞上世系。句句要塗沒洞上兒孫。噫嘻。本和尚膺世祖睿眷。自喜風雲際會。喜譚忠孝。喜譚仁義。喜讀仲尼春秋。獨不思忠孝無惡行。仁義無惡心。春秋闡

察著。無惡怨於他家祖宗。本和尚因白巖兩伸謙牧之辭。憤氣吐其宿習所欲爲。而竟不自知開眼著賊也。天地何以覆載。日月何以照臨。彼狡童亡命。更取敦本錄中。實言雲門壽昌與天童磬山。唱道吳越。上符達磨正等云云。盡力翻改。所謂讒人太甚。投之天地日月。眼見是糾是殛。噫嘻。可徵鑑也。嗟乎。今人只知浮山命投子代續洞宗。不知浮山受大陽十載法乳深恩。動輒引資辯端。眞可謂執名昧實之愚夫耳。附假亭挺禪師曹洞源流攷曰。大陽玄禪師法嗣二十五人。浮山遠禪師實當其一。後以投子青禪師屬以自代者也。浮山參葉縣。省汾陽昭。並蒙記莧。又參大陽玄。契合。大陽以頂相衣履付之。并授以偈。偈曰。楊廣山前艸。憑君待價煇。異苗翻茂處。深密固靈根。遠拜受。在宋眞宗天禧之間。大陽纔七十餘。法嗣二十五人。林林鼎鼎。立僧寶傳謬云。年八十餘。歎無可以繼其法者。因以皮履直綴寄遠公。謬矣。謬矣。其曰。憑君待價者。實指遠公。以遠公先受葉縣。汾陽之囑。故稱異苗。并謂之曰。潛衆十年。卽密固靈根之意。當時法門大公。浮山遠。天衣懷。并承葉縣印可。而天衣更嗣雪竇。故頂相衣履。浮山受之。非過也。浮山隱居會聖巖。著九帶一篇。發明洞宗兼帶之旨。以報大陽。蓋洞宗貴在回互。雲巖所稱挾帶挾路者。乃是矣。一佛正法眼帶。謂如來正法眼藏。付大迦葉。是兼帶意。二佛法藏帶。謂阿難結集法藏。是兼帶意。三理貫帶。四事貫帶。謂石頭參同契云。執事原是迷。契理亦非悟。是兼帶意。五理事縱橫帶。謂洞山綱要偈云。理事俱不涉。回照絕幽微。是兼帶意。六屈曲垂帶。七妙叶兼帶。謂雲巖寶鏡三昧云。正中妙叶。鼓唱雙舉。曲垂方便。爲法檀度。是兼帶意。八金針雙鎖帶。謂洞山綱要偈云。金針雙鎖備。叶路隱全該。是兼帶意。九平懷常實帶。謂大陽三句平常。無生句亦名平懷。常實句是兼帶意。卽山堂淳以平懷常實表洞山語要者。亦本此矣。大陽旨訣。先後畢備。復於會聖巖中。

感青鷹之夢。得投子青。出宗旨示之。投子默契。於時天衣既歸雲門。而葉縣省單弱。止浮山尙在。不得不歸葉縣。故以大陽頂相衣履。轉授投子。謂之曰。代吾續大陽宗風。未嘗曰。吾代大陽付汝。蓋浮山遠實當二十五人之一。特請投子自代耳。投子契合既真。勇於自信。見浮山猶見大陽。以身任之。是也。浮山更囑以偈。偈曰。須彌立太虛。日月輔而轉。羣峯漸倚他。白雲方改變。少林風起叢。曹溪洞簾捲。金鳳宿龍巢。宸苔豈車碾。曰。少林曰曹溪。曰洞簾。從上相傳。實在於此。故古今稱曹洞耳。鳳宿龍巢。蓋引夾山洛浦自擬。玉殿苔生。天然尊貴。夫豈推車碾足。傷於觸犯者哉。詳符天禧間。雪竇大陽。葉縣汾陽。稱盛。浮山親承兩宗。面稟三老。風徽卓卓。華嚴致五祖演。並出其門。華嚴明賓主句。首主中賓。次賓中主。次主中主。次賓中賓。實承大陽遺旨。五祖演親依浮山。浮山既老。復念汾陽無可報效。更指演公。往依白雲。以承汾陽之後。演受恩既深。潛然出涕而去。依白雲端嗣之。汾陽一宗。於是振起。浮山真大聖賢。以其身報葉縣。以五祖報汾陽。以投子報大陽。當時三老。並不虛付囑矣。其後洞濟兩宗。悉由浮山指授。然則異苗翻茂處。深密固靈根。豈虛語哉。浮山遠嗣法大陽。親承授受。後屬投子自代。非寄也。

正名錄十四卷終

正名錄卷第十四

濟宗世次備考之七

中華民國三十三年甲申八月普慧大藏經刊行會敬刊



野雲映禪師宗統頌

清

•

性燈
璨映

錄撰



野雲映禪師宗統頌

嗣法門人性攝 錄

南岳第一世

南岳懷讓禪師金州杜氏子年十五出家謁嵩山安公指叅六祖祖問甚處來師云嵩山來祖云甚麼物與麼來師無對退叅八載復來荅云說似一物即不中祖云還假修證也無師云修證即不無染汚即不得祖云只此不染汚乃諸佛之所護念汝既如是吾亦如是得法後侍祖一十五載復居南岳
頌來自嵩山來物原非他物攪不渾兮涅不緇規

弗圖今矩弗曲兀兀潛踪旬五秋勿勞瑣瑣重訂囑重訂囑屈堪述

南岳第二世

江西馬祖道一禪師漢州什邡人姓馬氏幼歲出家開元中習定衡岳遇讓和尚問云大德坐禪圖甚麼師云圖作佛讓將磚一片於彼菴前石上磨師云磨作甚麼讓云磨作鏡師云磨磚豈得成鏡耶讓云磨磚既不成鏡坐禪豈得成佛師問如何即是讓云如牛駕車車若不行打車即是打牛即是師無對讓云汝學坐禪爲學作佛若學坐禪禪非坐臥若學坐佛

佛非定相于無住法不應取捨汝學作佛即是殺佛若執坐相非達其理師開開示如飲醍醐乃受心印開法南康龔公山僧問和尚爲甚麼說即心即佛師云爲止小兒啼僧云啼止時如何師云非心非佛僧云除此二種人來時如何指示師云向伊道不是物其化盛行江西

頌無端架起陶家輪運轉機關詎暫停不得破瓶花八裂推車觸壁難轉身易轉身非佛非物亦非心

南岳第三世

洪州百丈懷海禪師福州長樂人王氏子少歲出家三學該煉及叅馬祖爲侍者偶侍祖行次見野鴨飛過祖云是甚麼師云野鴨子祖云甚處去也師云飛過去也祖扭師鼻師負痛失聲祖云又道飛過去也師有省一日再叅馬祖祖震威一喝師三日耳聾後黃蘗聞舉不覺吐舌

頌舍靈蠢動俱生知何事毛羣逐隊馳負痛失聲飛不過又被平空驚蟄雷驚蟄雷喪却威耳聾舌捲豆爆冷灰

南岳第四世

洪州黃蘗希運禪師闔中人幼歲出家至京洛行乞吟添鉢聲一嫗出扉問曰太無厭生師云汝猶未施責我無厭何耶嫗笑而掩扉師異之後往南昌見馬祖祖已示寂時百丈爲祖廬墓師見丈舉耳聾話師吐舌丈云汝嗣馬祖去師云某來參馬祖不料無緣因和尚斯舉得見馬祖大機大用若嗣馬祖恐以後喪我兒孫及開法上堂衆纔集師召云大衆衆回首師云月似彎弓少雨多風

頌乞食城中展鉢孟村姑笑我不因時回首又遇真經紀罔觀知音苦自支苦自支妙難思多風

後述

三

少雨月掛東籬

南岳第五世

鎮州臨濟義立禪師曹州南華人姓邢氏落髮進具志慕禪宗初參黃檗三度問佛法的大意三度被打及到大愚處悟徹于大愚脇下築三拳復轉黃檗打黃檗一掌後臨漳沱河側建立黃檗宗旨故號臨濟宗

頌粥去飯來沒下場閒將小艇繫長楊迅雷風勁烟波浦直撞橫衝任撕當隨轉運漫淒淒不舒波浪掣雲手怎得漳沱五檣芳

南岳第六世

魏府興化存獎禪師初在臨濟爲侍者因詢洛浦來叅機緣兩遭濟打及到三聖處爲首座聖問師師便喝聖云須是你始得復到大覺處爲院主覺問師師便喝覺便打師又喝覺又打次日覺又問師師亦喝覺亦打師再喝覺再打至脫下衲衣痛與一頓處直下薦得臨濟在黃檗喫棒底道理迨後開堂拈香云者辨香本爲三聖師兄三聖于我太孤本爲大覺師兄大覺于我大賒不如供養臨濟先師

後述

四

四

完無盡賒儉徒令化作灰休浪擬莫胡猜烟焰至今尙活埋

南岳第七世

汝州南院慧顒禪師得法于興化獎開堂後有僧來叅云販也師引杖向前僧無語師便打數棒頌堅設重圍禁夜行育龜跛鼉競頭走中軍主將今符分拈得鼻孔失却口

南岳第八世

汝州風穴延沼禪師餘杭劉氏子叅南院于棒下無生忍話大徹立肯開化風穴僧問如何是佛師云杖

林山下竹筋鞭

頌萬籟因風齊鼓動百昌化母足裁成蟬音鳥語
皆堪樂獨把此君引鳳鳴

南岳第九世

汝州首山省念禪師萊州狄氏子叅風穴得承子印
一日拈竹筴示眾云喚作竹筴則觸不喚作竹筴則
背不觸不背汝諸人喚作甚麼

頌鳩性愛雨雀愛晴鳩一聲來雀一聲天公也自
無張王落雨不成晴不成

南岳第十世

野史補正

五

汾州太子院善昭禪師大原俞氏子幼有大志一切
文字不由師訓自狀通曉剃髮遊方遍叅諸宿七十
一人最後見首山問百丈捲席意旨言下悟徹拜而
起云萬古碧潭空界月再三撈攬始應知

頌善財叅遍五十三衆藝曾經往復難不向別峰

圍檻破幾將牛斗臥寒潭

南岳第十一世

潭州石霜楚圓慈明禪師全州清湘李氏子少爲書
生年念二得度母賢遣之遊方聞汾陽道望冒險往
來依住二載未許入室一夕新口自至法席不蒙指

示歲月飄忽已事不明失出家之利陽熟視罵詈舉
杖逐之師擬伸救陽以手掩其口師大悟嘆曰始知
臨濟道出常情

頌萱慈割愛憶無憂越嶺逾城覓就頭幸遇柁師

操一曲和烟和雨下滄洲

南岳第十二世

袁州楊岐方會禪師宜春冷氏子久依慈明未有省
發師咨請明云庫司事繁且去他日又問明云監事
異時兒孫滿天下在何用忙爲明適出師偵之小徑
旣見擲住云老漢今日須與我說不說打你去明云

野史補正

野史補正

六

監寺知是般事便休語未卒師大悟卽拜于泥途開
法楊岐僧問少林面壁意旨如何師云西天人不會
唐言

頌出納支收務官繁寧分已事與他般泥途撲破

茶鹽袋梵語唐言一串穿

南岳第十三世

舒州白雲守端禪師衡陽葛氏子依茶陵郁披剃往
叅楊岐岐問受業師爲誰師云茶陵郁和尚岐云聞
伊過橋遭仆有偈能記否師舉云我有明珠一顆久
破塵勞關鎖今朝塵淨光生照破山河萬象岐笑而

趨起師憐狀通夕不寐黎明謔訶之岐云汝見昨日打毆儻者麼師云見岐云汝一響不及渠師愈駭狀云何謂也岐云渠愛人笑汝怕人笑師大悟

頌佳入睡起懶梳頭手握金釵半掩羞條爾破顏輕一露渾身挾背汗澆流

南岳第十四世

蘄州五祖法演禪師綿州鄧氏子年三十五始逐髮徧參明宿因浮山指見白雲問南泉摩尼珠話雲叱之師領悟獻投機偈後開堂僧問如何是佛師云口是禍門

支那

野雲映禪師宗統頌

七

頌三登九上賢浮雲一顆摩尼價逾增撲碎滿盤

光燦爛禍殃不入慎家門

南岳第十五世

成都昭覺克勤佛果禪師彭州洛氏子兒時日記千言見佛書如獲舊物出家首謁玉泉皓次依金鷲信大瀉詰黃龍心東林度僉指爲法器而晦堂稱他日臨濟一派屬子矣最後見五祖盡其機用祖皆不諾師忿狀而去到金山築寒困極試以平日見處無得力者乃轉依五祖令入侍寮問舉提邢小豔詩話祖云他抵認得聲師云他既認得聲爲甚麼却不是祖

云如何是祖師西來意處前栢樹子遭師忽有省出門見雞飛上欄杆鼓翅而鳴復自謂云此豈不是聲遂袖香入室通其所得祖云佛祖大事非小根劣器所能造詣吾助汝喜由此所至推爲上首

頌幾度臨江上小船舵工向我索文錢一聲款乃

驚啼鳥飛過千山與萬山

南岳第十六世

臨安徑山大慧宗杲普覺禪師宣城奚氏子年十六出家十七落髮十九遊方初參曹洞諸宿繼謁湛堂後參圓悟聞薰風自南來殿角生微涼語省豁悟每

支那

野雲映禪師宗統頌

八

舉有句無句話問之師擬開口悟便云不是一日師問悟云聞和尚曾問五祖師翁來不知道個甚麼悟笑而不荅師云當時想是對衆問今日說亦何妨悟云我問有句無句如藤倚樹意旨如何祖云描也描不成畫也畫不就又問樹倒藤枯時如何祖云相隨來也師當下釋狀悟云始知我不汝欺也遂著臨濟正宗記付之

頌東山水西角風旋空泛海護遊龍霧驟雲興毒

徧野藤枯樹倒焰飛空描畫也笑倒摩詰相隨也頌殺智公只今腥臭無窮已說似一物卽不

中

南岳第十七世

福州西禪鼎需懶菴禪師郡之林氏子幼舉進士偶看遺教經嘆曰幾爲儒冠所誤欲去出家母以親迎難之師絕之以偈云天桃紅杏一時分付春風翠竹黃花此去永爲道伴竟依保壽禪師徧叅名宿後依大慈慧問內不放外不放入正恁麼時如何師擬開口慧拈竹篋連打三下師于此大悟厲聲云和尚已多了也慧又打師禮拜慧印以偈一曰上堂云懶翁懶中懶最懶懶說禪亦不重自已亦不重先賢又

文部

南岳第十七世

九

誰管你地又誰管你天物外脩狀無個事日上三竿猶更眠

頌觀破浮生一塊棚不出入不當中黃花有意

開真相翠竹無心弄景風

南岳第十八世

福州鼓山本菴安永禪師閩縣吳氏子弱冠爲僧謁懶菴于雲門懶問不問有言不問無言世尊良久不得向世尊良久處會隨後便喝師脩狀契悟作禮云不因今日問爭喪目前機懶許之上堂拈拄杖云臨濟小厮兒未曾當頭道著今日全身放憨也要諸人

知有擲拄杖下座

頌慧字飛流斗柄移佇思空喪目前機傾歛倒岳龍飛也謾教徒勞發旱雷

南岳第十九世

杭州淨慈晦翁悟明禪師上堂舉夾山會下一僧到高亭纔禮拜亭便打僧云特來禮拜亭亦打又拜亭又打起出僧回舉似夾山山云會麼僧云不會山云賴汝不會汝若會卽夾山口啞去應菴拈云高亭一期忍後不禁爭奈拄杖放行太速這僧當時若是個漢莫道高亭夾山便是達磨大師出來也斬爲三段

文部

南岳第十九世

十

何故家肥生孝子國伯有謀臣師云高亭夾山門庭施設各得其宜但中間一人畧較些子應菴與麼道也是肇縣茶瓶

頌套板時腔幾狀狀自拈筇帚掃烽烟一聲鐵笛

秋堤起萬里晴空鴉影橫

南岳第二十世

太原苦口良益禪師叅淨慈慈問近離甚處師云瑞光慈云正與麼時光在何處師便喝慈云且止汝道西湖水深多少師擬議慈便打起出久之契悟作偈曰臨機一句不露絲頭吹毛纔展大地全收慈云從

上心印汝今得之宜處深谷俟時行化

頌人將語探水將杖探擬議思量當胸一箭渡川

鈍弩疑弓大施吹毛寶劍變不變幽谷之蘭香

艷艷

南岳第二十一世

汾州後渡普慈禪師初叅徑山端高峰妙各有契處
後北還過燕遊五臺禮文殊感大士放光居臺二年
入太原叅益和尚益云發足甚處師云五臺益云文
殊與汝說甚麼師云脚下草鞋唱成一百文益云脚
跟爲甚麼不點地師云且喜老漢見得親切益云老

支那

野雲映禪師宗統頌

上

僧非過師嗎一吟而出自此常遠室中久之益囑云

汝緣當在本處他後設大法樂宜號後渡師禮謝歸

汾州

頌清涼山裏一莖柴不著麻衣著草鞋直至而今

難脫下本地風光雅快哉

南岳第二十二世

汾京相國一言道顯禪師鴈門人生而岐嶷穎悟英
特年十二自願出家父母難之師云兒志決矣未可
強留遂落髮于郡之西山聽講聞覺至知幻即離章
頌狀然契機乃辭師遊汾州謁後渡渡一見

器之命入侍寮一日渡舉竹篋問云畢竟喚作甚麼

師方進語渡驚頭便打忽狀大悟禮拜云和尚且止

古人道佛法無多子非虛語也渡云汝今方知吾意

耶師云和尚大恩碎身難報渡囑云汝年且幼時至

理彰師執勞座下一十七載

頌一紀嘗存出世懷幻生幻滅口傭開香殿瓦子

輕觸碎拍掌呵呵笑一回

南岳第二十三世

西京小巷行密禪師初以白衣禮相國顯和尚凡見
便禮拜顯一日謂云道人禮拜且止佛法在甚處師

支那

野雲映禪師宗統頌

上

方舉首忽聞板聲鳴顯云只者是師從此有入遂求

度顯云汝誠精進宜名行密力叅三年顯舉馬祖三

不是語未絕師云畢竟如何顯笑云已多了也師于

言下得大安樂顯云佛法下衰正宜潛隱母拘城隍

得安身處最爲佳耳

頌萬籟齊吹總不聞蒼岩無耳却知音密移一步

龍飛也笑殺區區行路人

南岳第二十四世

二仰圓欽禪師禾之秀水人遍叅諸方毫無所契入
西京謁小巷密于旅舍密問浙中有個伶俐人汝還

見麼師云圖欽鈍漢密云我要個鈍漢作監收汝還知麼師因指密云數千里來可惜錯過師相依扣叅一日見鼠從梁上過撲翻油瓮忽爾顛契走見密云某已捉得了也密擱住云道道師云一粒鼠屎污却鍋羹密云瞎漢叅堂去

頌鼠糞逾于鼠藥毒些兒啞著換皮骨油瓮從教自掀翻免使監收空碌碌

南岳第二十五世

壽州無念智有禪師蜀之漢州人發足南方遊四明登天目後叅二仰欽欽云行脚甚處師云南方欽云

南岳第二十五世

七

彼中佛法如何師云山川無異欽云我手何似佛手師良久欽云莫道無異好後看興化打維那機緣始活朕大悟作偈云興化打維那平地遭殃禍作夜南山雲飛向北山朶欽見爲之助喜云不辜到此嘉靖初通選壽州十有二年

頌山川在處原無異驢脚却遭佛手繫不是飛雲過北山維那打得無休息

南岳第二十六世

荆山懷寶禪師渚宮人遊壽州謁無念有云臘縣遊州畢竟爲着何事師云生死大事求師拔度有云

汝是荆州人麼師云是有云開黎卽今在甚麼處師擬對有云若便恁麼猶較些子佛法不是商量叅堂去師潛心座下一日有喚云開黎師應諾有云在甚麼處師于言下領旨乃云和尚大慈真人天師也有滅後師于嘉靖七年以法付鐵牛隱終南山

頌臘縣遊州原何事爲覓開黎在甚麼處一喚回頭識也否潛心領旨叅堂去

南岳第二十七世

秦嶺鐵牛德遠禪師得心印于荆山菴居秦嶺常披一紅布衫一日頂笠揮鋤地中月明聯池過之池見

南岳第二十七世

七

云者漢好似一頭軍師云看箭池作躲勢師近前携手至菴留住三月謂云我乃大慧之裔在此待人數十年矣汝今既來當爲我求人光揚祖道付偈云就身能打劫旁筭奪窩三玄從此出三要不爲多探竿影草王賓分獅子迹踪奈我何

頌迹踪獅子露形踪頂笠揮鋤孰其功良因一箭躲不著血汗滄海恨無窮

南岳第二十八世

序州朝陽月明聯池禪師本郡范司馬之後幼居林下有僧過訪不遇題聯于壁師見朕世祖髮仗笠南

遊過洛伽道逢一僧偉儀殊相師前行失腳念佛一聲僧云此是敲門瓦子何不拋却師云拋却後如何僧云葉落歸根來時無口師有省後于秦嶺受印鐵牛返叙州居朱提山朝陽洞聚雲來叅師問云如何是古佛心雲拱手云請和尚尊重師問不用音聲與色身將何喚作本來人雲默狀師休去

頌念佛聲敲門瓦急拋却實瀟瀟瀟瀟瀟瀟隱朝

陽心佛眾生一坑鮮

南岳第二十九世

忠州聚雲吹萬廣真禪師叙州宜賓人姓李氏祖父

徽卿

事蒙齋宗統

圭

三世為婆羅門師生日有八僧臨舍一僧記曰此子乃八寶羅漢應真也母即厭腥食素三年離乳十五偶在窓下觀菊語同學云此花今歲凋謝明春復生人生一去不來讀書寧免生死竟往登少義叅浩翁久之返里得大慧錄朝暮體究遇一僧見訪問如何是佛師擬對僧云不是師復進語僧云不是彼此一箇塵念如灰留午值僧磨剃刀師急問如何是佛僧云我今日磨剃刀不能為汝說且待別時來師以白衣叅朝陽三載于萬曆癸丑乃落髮受具一日陽謂師云汝有一句未會在師問那一句陽云不用音聲

與色身默狀良久與我現出真空來師拂袖便出自思此事不可草草此中別有玄要辭往別山苦叅二年經行危坐脇不至席限滿復見朝陽問云畢竟如何現出陽引師手掩其口豁然大悟後涉海入吳穿閩過粵于瀟湘湖東開法解制還蜀闢化聚雲出世三十年五坐道場語錄二十卷廣錄五十卷先是法孫水部熊月崖居士錄梓崇禎己卯七月晦日索筆書偈云朝打三千暮打八百要見聚雲着毛出血危坐至午大喝兩聲而逝闍維烟至松蘿結為五彩荷香襲人起骨得黃金鎖三莖門齒化為紫色五色

枝卿

事蒙齋宗統

太

舍利三百餘顆平都地藏院迎十二願建塔餘皆塔于本寺三目山之陽

頌三千八百數難窮現出真空空亦空在在毒流

處處顯着毛挂劍血長虹

南岳第三十世

忠州治平慶忠鐵壁慧機禪師營山羅氏子家世業儒滿門科第師生而貌偉器骨不凡八歲父見背即隨母持齋稍長厭俗有元白道者辟穀之太鵬山師往來叩問玄理决志出家兄母留之于大啟壬戌二月潛遁大竹築室掩關每日食米二握五味俱斷

者三年室中屢賜異相師懷疑出關欲追元白而終
南路阻師乃薙髮雲遊悉見聚雲雲問奚往師具實
以白雲笑云子真昧于辨師者師依住滿夏一月雲
出方丈師跪泣于前求雲開示雲笑而不答師謂遇
三人而無緣得授不如捐軀赴水以待來生有諭以
從講肆遊師聽畢復來相依後雲入金陵師隨之聞
天童道望欲暫辭而往雲云去亦且從但恐錯過老
僧示行師復侍雲師歸蜀雲命總院事一朝念誦畢
登榻一跏趺身骨碎大笑不止拈偈呈雲雲不之印
又力究三年忽爾大徹入室密以告雲雲云汝今日

野雲禪師集

七

纔會老僧意那師云和尚大慈為人徹底雲我後師
為廬墓四眾堅請開法平都地藏院十坐道場請錄
二十卷僧問如何是正法眼藏師云迦歇開夜市
頌舞師誼道涉山川陽破指頭是幾年夜市鳥喧
輕寶弄無端矢上又加尖腥臭大冤債寬兒孫
滿地倒弄顛拈

野雲映禪師塔銘

昔謂驚嶺拈花法弘西土少林而壁道播神州臨濟
德山滅却正法眼藏曹溪南嶽衍繁嫡骨兒孫狀火
焚大地誰能口吐蓮花塵滿人寰若個面成金色宜

乎龍蛇難辨因而魚珠混淆也 野雲禪師以童子
不壞身秉靈燭以照迷情持慧劍以割愛慾真僧中
之豪耶行狀其師講燈映字心月野雲其別號也為鄧
陵冉氏子父伯仲五人皆富於財而樂善好施明崇
禪初師之伯父開明捐數千金建十方堂於平都山
之麓是時 鐵老人方開法席遂延之駐錫焉師之
長兄佛喜禪師者一見老人遂爾皈依之師年甫十
五父兄皆以成名見期方謀婚配師潛遁悟喝寺自
行薙髮父兄莫能挽留後值烽烟肆起師之父遂拜
托老人俾其手足相依追隨叅學一日老人問錄次

野雲

野雲禪師集

六

師云和尚也被他瞞老人云汝又作麼生師便喝老
人云汝來這裏叫喚師云這裏不叫向何處叫老人
云汝當時跳岩跳坎只為父兄難汝出家而今好云
每個事幹又有誰難汝師作禮老人示偈云退後棲
身地步寬慇懃好去到牛山客來切忌無優待翠竹
蒼松一任看住山數載復侍老人凡任重致遠重野
百合弗憚其勞嗣後老人付囑云棒喝施陳顯大機
亦肩荷來無餘事因緣節候有時彰裕後光前禪祖
室乙巳冬當事者請老人開建治平古剎師乃頓首
先行誅茅刈棘老人次年方至始登經樓七楹而老

入歸寂師與眾師等經營祖席塔院堂宇像設諸務落成幾三十餘年勞勞木石竭力勉撐師生於明天啟五年乙丑至康熙三十六年丁丑菊月偶示微恙望前二日忽索水沐浴眾以天寒固止次日五鼓囑法屬畢遂命侍僧書偈曰七十三年如露電臨行一句阿誰薦泥牛含月吸秋波木馬嘶風吞素練良久云鑑黎明復問侍僧答曰辰時師云昨日索浴今不洗了遂著衣端坐脫師生平剛毅果決故爾去住之際灑然自得如此乃為之銘曰

望月於天 捉月於淵 看花於鏡

折花於園 是同是別 可以語禪
近則方寸 遠而靈山 青獅白象
在指領間 佛道之任 雲師是肩
重重法劫 履險而安 層層寶刹
光輝雲天 功成行滿 七十三年
唱還鄉曲 泥牛鼓絃 其證佛果
銘卜萬千

皆

康熙三十六年歲次丁丑嘉平佛成道之吉於溪
離堆居士忠州鐸陶淑李榮談撰

野雲禪師行狀

丁丑九月野雲和尚圓寂於治平禪院閱月而英歸自成都訪 竺和尚於方丈凭 雲師之靈而吊之竺公曰君自成童以來與雲師交遊者益三十年矣知師之詳者無如君曷狀其行余將乞銘於士大夫以藏諸幽 辭以鄙陋不獲因含淚而述其實焉師諱燈映字心月別號野雲世為蜀之鄧都人姓冉氏父 兄弟五人皆富於財樂善好施通邑之街衢橋梁皆其所修砌者明崇禎間 鐵老人始得法於忠之聚雲寺師之伯父字開明者晤 鐵公於忠南慨

狀捐數千金建十方堂於平都山之麓延 鐵公主

方丈是時四眾雲從聲施洋溢師之兄號佛喜者先祝髮皈依之時師年十有五因契慕焉歸曰其母阻之復往曰其父父曰爾年方少吾所望於爾者遠且大圓頂被緇豈能了吾家事耶力阻者再師潛遁悟喝寺自行薙髮父母兄弟莫能挽留後值甲申兵火肆起師之父拜求 鐵公曰劫運方來兒志已決曷令其手足相依追隨參學可乎師隨 鐵公凡石柱之三教寺青山頂諸刹艱危饑僅參學不怠一日鐵公閱錄次師云和尚也被他瞞 鐵公云汝又作

麼生師便喝 鐵公云汝來這裏叫喚師云這裏不
叫何處叫 鐵公云汝當時跳巖跳坎只爲父母
難汝出家而今好去尋個事幹又有誰來難汝師作
禮鐵公示偈云退後棲身地步寬慇懃好去到牛山
客來切忌無優待翠竹蒼松一任看適兵烽稍熄石
寶塗井諸善士請師住牛頭山師率衆開耕爲延
鐵公結制分理執事不憚勤勞 鐵公附囑云棒喝
施陳顯大機亦肩荷來無餘事因緣節候有時彰格
後光前輝祖室乙巳冬各當事請 鐵公開建治平
古刹於時城郭荆榛瓦礫頽基人望之而生畏師率

殿部

野史

主

衆先行誅茅刈棘建茅屋數十間迎 鐵公以居迨
次年始登經樓七楹而 鐵公已歸寂矣師與竺
和尚拈据經營不避其苦嗣是而大雄殿天王殿左
右禪寮以及門樓塔院佛像諸務垂三十餘年始得
成就爲忠南第一大觀蓋師之性勇而決於物無所
容狀善氣迎人能化強暴於俄頃故其任事也不後
先推諉卽如治平落成 竺和尚主持於內師經理
於外三十餘年不避艱險卒之金碧輝煌堂宇幽邃
非勇且決其不致廢於一簣者幾希矣由甲寅以迄
辛酉兵戈頻仍師處寺中恬淡如故暴兵亦無所逞

曾計戊午春 與諸同人應試入淪與師同載時淪
水府宮僧醺酒無賴師主其家僧卽斷飲茹蔬或叩
之僧曰和尚在我家何敢如舊時事茲非其善氣化
暴之明驗歟所可惜者鑑物太明以故不能容物牛
頭山之耕可開也而法筵不自開行徒可集也而龍
象不可集是以支那無可謨述惟存宗統頌若干則
集爲一卷大抵從木石課工之餘而得者狀其學其
識已可想見一斑矣總之師產於豐厚之家財物無
所吝性甘淡泊不以一毫自私治平之成成以此也
師生於天啟五年乙丑卒於康熙三十六年丁丑九

支那

野史

主

月享年七十三歲僧臘五十三將卒之前二日偶示
微恙忽索水沐浴衆以天寒止之次日五鼓囑法屬
畢遂命侍書偈曰七十二年如露電臨行一句阿誰
薦泥牛含月吸秋波木馬嘶風吞素練良久云鑑黎
明復問侍僧曰甚麼時候答曰辰時師云昨日索浴
今日不洗了遂著衣端坐而逝蓋其勇決之性至臨
終之時猶如此余自童年來忠謁 鐵公於茅菴內
卽師建之以迎 鐵公者迨後交遊日久故能悉師
之生平狀詞不雅馴亦不能無掛漏處茲因 竺公
之命不敢以鄙陋辭謹述其初終如石大君子從而

(編按：原書至此缺頁。)

禪宗直指

清・石成金

撰





Figure 1. The effect of the concentration of the H_2O_2 solution on the amount of the released H_2O from the H_2O_2 -loaded hydrogel. The amount of the released H_2O was measured by the weight difference of the hydrogel before and after the release. The concentration of the H_2O_2 solution was 0.1, 0.2, 0.3, 0.4, 0.5, 0.6, 0.7, 0.8, 0.9, and 1.0 wt. %.

5

[illegible]

禪宗直指

明心見性須知
成佛成祖要法

揚州石成金天基譔著

男 宰年
嵩年 校刻

密傳參禪要法

●佛法工夫第一要立堅志。蓋志者氣之帥也。人若立有堅志。如統軍百萬。威神八面。天日可貫。何事不成乎。凡畏難者。志不堅也。因循者。志不堅也。聽言更移。中道自畫。始勤終怠者。是皆志不堅也。予曾譔讀書心法。開首卽云。立志若堅。反難爲易。今於佛法工夫也。亦是如此。志堅則事必成。予今以世事比論。譬如越王之復吳。讐張良之報韓。恨以及狄仁傑之再興唐室。總因志有所定。而事成果應。佛法亦是如此。

俗諺云。男子無志。鈍鐵無剛。女子無志。爛草無穰。佛法工夫。此志尤爲最要。

中峰大師歌云。也無難。也無易。只貴男兒有眞志。志眞道力自堅強。力強進道如遊戲。此應

驗方也。

●佛法工夫全在於覺。要知凡夫一念覺。卽一念是佛。佛一念不覺。卽一念是凡夫。蓋因覺卽是佛。佛卽是覺。佛與凡夫。只在覺與不覺而已。

人心有覺。卽爲有佛。能開六度之行門。能越三祇之劫海。普利塵沙。廣作福慧。得六種之神通。圓一生之佛果。火鑊冰河。聞之變作香林。飲銅入鐵。聽則皆生淨土。

●佛法工夫。予有一句妙訣。只四字。曰堅持正覺。要知信力曰堅。謂堅固而不更變也。念力曰持。謂持執而不厭久也。正覺者。圓明普照。不偏不虧也。人能發此正覺。本性自然顯露。一切妄心不待驅除。而自降伏。譬如日光一照。黑暗盡明矣。此雖有四字。其實只一覺字。但此覺字。皆由定慧而致也。

不怕念起。只怕覺遲。念起卽覺。覺之卽無。修行妙法。惟在於此。譬如知是做夢。則不昏迷矣。人能知得此覺。須要振起精神。卽如將軍在陣。又如刑官在廷。着絲毫昏沉不得。

●佛法工夫。立志要堅。又要有恒。若不有恒。多至半途而廢。或少有得而自止。是皆自棄。深可惜也。

●佛法工夫。最怕間斷。若勤工一月。已臻上乘。只須間斷十日五日。彼上乘者。不知何在。更不

得援前月之勤以自恃。

●佛法工夫最怕昏沉散亂。但此昏沉散亂都從自己立志不堅。信道不篤之所致。深爲可惜。

●佛法工夫全要自參自悟。卽至親厚之父子師友俱替代不得。亦非世法之技藝。可以傳授得的。譬如他人吃飯。只是他人腹飽。己腹仍是饑餓。慧思大師云。道源不遠。性海非遙。但向己求。莫從他覓。覓亦不得。得亦不真。此所謂求人不如求己也。

●佛法工夫晝夜十二時俱是用工夫之時。若五更睡醒或清晨早起。如肯用工。工更加倍。要知平日乃天地清爽之氣。最堪掇取。不可因循虛度。

●佛法工夫不在乎五更眠。三更起。只怕一日暴。十日寒。

●佛法工夫要知塵世有許多惡境。如生老病死。憂愁困苦。名繯利鎖。驚風駭浪。卽或少有喜悅者。亦是空花不實。暫時不久。須要看得透徹。纔知佛法是救我出離苦海之事。方欣欣樂爲。

●佛法工夫若是欣欣樂爲。自然易於用功。自然精進不懈。這欣欣樂爲。須要看世上他人的生老病死諸般苦楚。卽是我不用工的式樣。如何悠忽。

●佛法工夫最怕說閒話。管閒事。要知閒話閒事。俱令人心散神飛。無益有損。且將好光陰虛

度。真爲可惜。

●佛法工夫。若是用工多時。未免疲倦。也要行步走走。閒散閒散。頤養精神。俟有精神。再去用工。自然明覺精進。若呆呆下苦工。不獨性昏不靈。而體弱之人。疾病生焉。疾病生而工夫歇。豈不欲速反遲。

●佛法工夫。一日要見一日的精進。若因循。縱過了百劫千生。也不得有成功的日子。昔人用工時。點一枝香。見香完了。卽自警云。工夫如前。無有損益。一日幾枝香耶。一年若干香耶。但光陰易過。時不待人。大事未明。何日是了。由此痛惜。便多加策勵。吾儒門朱文公有云。勿謂今日不學而有來日。勿謂今年不學而有來年。日月逝矣。歲不我延。嗚呼老矣。是誰之愆。佛法工夫亦是如此。儒學只時習二字。便成就一生。只姑待明日四字。便耽誤一生。佛法工夫亦是如此。

●佛法工夫。雖不可停緩。亦不可過於急遽。譬如善走路的人。每日走得百里。只走七八十里。則氣力有餘。而筋骨不疲。若倚恃着氣力強健。走過百里之外。自然疾趨忙奔。必至疲倦。次日反不能行矣。做工夫人。往往生出病來。皆由於此。

●佛法工夫。如身體困倦。可將兩肩前後上下用力扭轉數十遍。則週身血脈流通。精神爽快。

不生諸病。此修養家轆轤雙關法也。又能祛一切寒邪。

●佛法工夫。或人問只當以參悟爲主。何必兼保身體。予謂此乃藉假以修真也。譬如烹茶。若無爐火。茶豈自熟。倘爐壞火冷。勢必另又支造。不獨重工起作。且恐事難期定。反致費時失誤。明者解之。

●佛法工夫。日間精進。不可懈惰。不必言矣。凡每晚用工。只可更餘不必過久。人若過子夜不睡。則血不歸肝。他日病由此致。又有一種人。能煉魔不臥。殊不知佛法工夫。豈在於睡不睡耶。

●佛法工夫。行住坐臥俱可用工。或坐多時。亦可行動。或行多時。何妨再坐。不專於坐也。有學長坐不臥者。六祖曉之曰。生來坐不臥。死去臥不坐。一具臭骨頭。何爲立功課。此明透坐臥之機矣。

●佛法工夫。最要發一個破生死的堅硬心。看破世界身心。都是假緣無實。若不發明本具底大事。則生死心不破。生死心既不破。則無常殺鬼念念不停。却如何排遣。將此一念。作個敲門瓦子。如坐在烈火燄中。求出相似。亂行一步不得。停止一步不得。別生一念不得。望別人救不得。當此時。只須不顧猛火。不顧身命。不望人救。不生別念。不肯暫止。往前直奔。奔得出。

纔是好漢。

●佛法工夫。要把一個死字貼在額頭上。將血肉身心如死去一般。只要究明底這一念子現前。這一念子如倚天長劍。若觸其鋒者。了不可得。如淘滯磨鈍。則劍去久矣。

●佛法工夫。最怕耽着靜境。令人困於枯寂而不覺。要知動境人厭。靜境多不生厭。良以世人一向在喧鬧場中。一與靜境相應。如食飴食蜜。如人倦久喜睡。自然貪着而不自知也。須要急急識破。

外道教令身心斷滅。化爲枯木寒灰。亦從靜境而入。若歲久月深。枯之又枯。寂之又寂。墮於無知。卽與枯木寒灰何異。工夫處於靜境。只要發明衣線下一段大事。不知在靜境。始得於大事中求其靜相。了不可得。纔爲得也。

●佛法工夫。全要定慧。要知定與慧。如同表裏。是二非二。缺離不得。但定一生。怎奈昏沉亦隨定而生。若昏沉生而定去矣。慧一生。怎奈散亂亦隨慧而生。若散亂生而慧去矣。我有妙法調治。須要澄明之定。方纔定與慧成功。須要安祥之慧。方纔慧與定成功。此二者離之不得。合之不得。混而爲一。乃盡其妙。能知此法。成道何難。

人要明心見性。成佛成祖。只在定慧上用工。知得定慧之妙。則易如反掌。不知定慧之妙。則

難若登天。難易俱在自己之能幹也。

定是慧之體。慧是定之用。譬如燈光。燈是光之體。光是燈之用。二者互顯。不可偏重。

即慧之時。定在慧。即定之時。慧在定。名雖有二。體本不殊。但定而不慧。隨即昏沉。慧而不定。隨即散亂。須要並致。不可缺離。

予前篇說調治定慧法。已悉矣。猶恐尚有未明者。予今再重複解之。凡予所謂昏沉者。即世人之無記也。凡予所謂散亂者。即世人之妄想也。要知定即多生無記。慧即多生妄想。定雖能治妄想而還生無記。慧雖能治無記而還生妄想。今日工夫。只要有慧之定。切不可入昏沉無記之定。只要有定之慧。切不可入散亂妄想之慧。是二非二。定慧融和。即湊其功矣。天台智大師傳有止觀妙法。謂止而觀之。靜而明之。令其動而能靜。靜而能明。明則照。照則一矣。此誠指群生之覺路。但知予定慧之法。即是大師止觀之法。何必另求佛法。

人於辭世時。若有定慧之功。必登極樂世界。但此妙法全要在平日熟習。明哲謂世人終日昏散。臨終何能定慧。學人終日定慧。臨終何能昏散。若是臨渴掘井。怎得濟事。

●佛法工夫。最要緊的。是一箇切字。這切字極有力。若是不切。則懈怠生。懈怠生。則放逸縱意。無所不至。如果用心真切。放逸懈怠。何由得生。當知切之一字。若能體貼。不愁生死心不破。

不愁不到佛祖地位。捨此切字。別求佛法。皆是痴狂外道矣。

切之一字。是最親切語。如用心親切。則無間隙。因此諸般邪魔。不能得入。如用心親切。自然不生計度。有無等念。則不落外道。

切之一字。豈但離過當下。超善惡無記三性。一句話頭。用心甚切。則不思善。用心甚切。則不思惡。用心甚切。則不落無記。話頭切。無掉舉。話頭切。無昏沉。只要正覺現前。則諸魔自退。但覺非切不生也。

●佛法工夫。不怕死不得活。只怕活不得死。如果與疑情。廝結在一處。動境不待遣而自遣。妄心不待淨而自淨。六根門頭。自然虛豁豁地。點着卽到。呼着卽應。何愁不活耶。

●佛法工夫。全要中正勁挺。不近人情。若或循情應對。則工夫做不上。不但做不上。日久月深。則隨流俗。甚是可惜。譬如自己有事。那得工夫管他人事。中正勁挺。就是正等正覺。

●佛法工夫。第一要正覺。這正覺。乃是時時刻刻。照着自己的靈明。不可放他走去。若是靈明走了。便是有氣的死屍。便是昏沉無念。墮於頑空枯寂。雖用盡苦工。絲毫無益。

●佛法工夫。做得上。如挑千斤担子。放亦不下。如覓要緊的失物相似。若覓不着。誓不休心。其中但不可生執。生着生計。執成病。着成魔。計成外。果得一心一意。如覓失物相似。則三種泮

然沒交涉。所謂生心動念。卽乖法體也。

●佛法工夫。舉起話頭時。要歷歷明明。如猫捕鼠相似。前人所謂不斬黎奴誓不休。不然則坐在鬼窟裡。昏昏沉沉過了一生。有何益處。

猫捕鼠。睜開兩眼。四脚撐撐。只要拏鼠到口始得。縱有鷄犬在旁。俱不暇顧。參禪亦復如是。只是憤然要明此理。縱八境交錯於前。亦不暇顧。纔有別念。非但鼠不能得。兼走却猫兒。

●佛法工夫。不可在前人公案上卜度。妄加解釋。縱一一領略得過。與自己俱沒交涉。要知前人一言一語。如大火聚集。近之不得。觸之不得。何況坐臥其中耶。更於其間分大分小。論上論下。有何益處。

此事不與教乘合。所以久修習大乘業者。不知不識。何況聲聞緣覺諸小乘耶。三賢十聖。豈不通教。說此一事。三乘胆戰。十地魂驚。等覺菩薩。說法如雲如雨。度不可思議衆生入無生法忍。尙喚作所知愚。與道全乖。又何況其餘耶。蓋此事從凡夫地。頓同佛體。人所難信。信者器。不信者非器。諸行人欲入斯宗乘者。悉從信入。信之一字。有淺有深。有邪有正。不可不辯。淺者。凡入法門。誰云不信。但信法門非信自心。深者。諸大乘菩薩。尙不具信。如華嚴疏云。見有能說法者。有所聽法。衆尙未入乎信門。如云卽心卽佛。誰云不信。及乎問汝是佛耶。則支

吾排遣承當不下。法華云。盡思共度量。不能測佛智。何以有盡思度量之心。蓋信不具耳。邪正者。自心卽佛。名正信。心外取法。名邪信。卽佛要究明自心。親履實踐。到不疑之地。始名正信。如朦朧猜枚。但云心卽佛。實不識自心。卽名邪信。

前人摘桃便定去。鋤地便定去。作務時亦定。豈是坐久渴捺令心不起。然後爲定耶。若如此。卽名邪定。非佛法正意。

六祖云。那伽常在定。無有不定時。須徹見本體。方與此定相應。釋迦下兜率。降皇宮。入雪山。觀明星。開幻衆。未出此定。不然。則被動境漂溺。孰名爲定。動境中求起處。不可得。靜境中求起處。亦不可得。動靜旣無起處。將何爲境耶。會得此意。總是個定體充塞。彌亘無餘蘊也。

●佛法工夫。不可沾着世法。佛法中尙不可沾一點。何況世法。若真正話頭現前。履冰不見寒。蹈火不見熱。荆棘林中。橫身直過。不見有掛礙。始可在世法中橫行直撞。不然。盡被境緣轉。將去。欲得工夫成一片。任多年也不得。

●佛法工夫。不可尋文逐句。記言記語。不但無益。與工夫作障礙。把真實工夫。反成緣慮。

●佛法工夫。最怕比量。將心湊泊。與道轉遠。做到彌勒下生。管取沒交涉。若是疑情頓發的漢子。逼塞虛空。不知有虛空名字。如坐在銀山鐵壁中。祇要得個活路。若不得個活路。如何得。

安穩去。但這麼做去。時節到來。自然有成。

近時有等邪師。教人不在工夫上用工。又云古人未嘗做工夫。此語最毒。迷誤後學入地獄矣。

大義禪師坐禪銘云。切莫信道不須參。古聖孜孜爲指南。雖然舊閣閒田地。一度贏得也。難若不須參究。便云得理。此是天生彌勒。自然釋迦。此輩名爲可憐憫者。蓋自己不曾參究。或見古人一問一答。便領悟去。遂將識情解將去。便誑妄於人。或得一場熱病。叫苦連天。生平解的用不着。或到臨命終時。如螃蟹入湯鍋。手忙腳亂。悔之何及。

黃蘗禪師云。塵勞迥脫事非常。緊把繩頭做一場。不是一翻寒徹骨。怎得梅花撲鼻香。此語最親切。若將此偈。時時警策。工夫自然做得上。如百里程途。行一步則少一步。不行只住在這裡。縱說得鄉里事業。了了明明。終不到家。當得甚事。

●佛法工夫。最怕思維。做詩做偈。做文賦等。詩偈成。則名詩人。文賦工。則稱文人。與參禪總沒交涉。

●佛法工夫。凡遇着順逆境緣。動人念處。便當覺破。提起話頭。不隨境緣轉。纔得有成。或云不打緊。這三個字。最是誤人。學者不可不審。

●佛法工夫。疑情不破。如臨深淵。如履薄冰。毫厘失念。則喪身失命。爲疑情不破。則大理不明。一口氣不來。又是一生。被中陰牽引。未免隨業識去。改頭換面。不覺不知。由此則疑上更添個疑。提起話頭。不明決定要明。不破決定要破。譬如捉賊。須是見贓。

●佛法工夫。要緊。要正。要綿密。要融豁。何謂緊。人命在呼吸。大事未明。一口氣不來。前路茫茫。未知何往。不得不緊。古德云。如麻繩着水。一步緊一步。何謂正。學人須具擇法眼。三千七百祖師。大有樣子。若毫厘差錯。則入邪徑。經云。惟此一事實。餘二則非真。何謂綿密。眉毛與虛空。斷結。針筍不入。水洒不濕。不容有毫厘間隙。若有毫厘間隙。則魔境趁隙而入。古德云。一時不在。如同死人。何謂融豁。世界濶一丈。則古鏡濶一丈。古鏡濶一丈。則火爐濶一丈。決不拘執住在一處。捉定死蛇頭。亦不繫墜在兩頭。漚漚蕩蕩。古德云。圓同太虛。無欠無餘。真到融豁處。則內不見有身心。外不見有世界。始得個入路。此四種。不是前後層次。須要齊臻。緊而不正。前枉用工。正而不緊。則不能入。既入。須要綿密。始得相應。既相應。須要融豁。方爲化境。

●佛法工夫。着不得一毫別念。行住坐臥。單單只提起本參話頭。發起疑情。憤然要討個下落。若有絲毫別念。前人所謂雜毒入心。豈但傷身命。此傷乎慧命。學者不可不謹。

我說的別念。非但世間法。除究心之外。佛法中一切好事。俱名別念。又豈但佛法中事。於心體上取之。捨之。執之。化之。皆別念也。

●佛法工夫。凡於世上一切事物。可愛可憎。可喜可悲的種種情思。俱皆丟去。惟存我的正覺。不顧其餘。又要做一個沒用的人。任他來折挫我。我也只是個不知不理。任他來恥笑我。我也只是個不知不理。我只照管我自己的正覺。時刻莫懈。

●佛法工夫。做的人多云。做不上。卽此做不上。便做去。如人不識路。便好尋路。不可說尋不着路。便罷了。如尋着路的。貴在行。直至到家乃可。不可在路上站着不行。終無到家的日子。

●佛法工夫。最怕的一個伶俐心。伶俐心爲之藥忌。犯着絲毫。雖真藥現前。不能救矣。若真是個參人眼。如盲耳如聾。心念纔起時。如撞着銀山鐵壁相似。如此則工夫始得相應。

●佛法工夫。不怕錯。只怕不知非。縱然行在錯處。若肯一念知非。便是成佛成祖的根基。出生死的要路。破魔網的利器也。釋迦佛於外道法。一一證過。祇是不坐在窠臼裏。將知非便捨。四個字。從凡夫只到佛位。此意豈但出世法。在世法中有失念處。只消一個知非便捨。便做得一個淨白的好人。若抱定錯處爲是。不肯知非。縱有活佛現前。救他不得。

●佛法工夫。不可避喧向寂。瞑目合眼。坐在鬼窟裡作活計。昔人謂黑山下坐。死水裏浸。濟得

甚麼事。只須在境緣上做得去。纔是得力處。一句話頭。頓在眉睫上。行裏坐裏。着衣喫飲裏。迎賓待客裏。祇要明這一句話頭落處。一朝洗面時。摸着鼻孔。原來太近。便得個省力。真是得來全不費工夫。

●佛法工夫。最怕認識神爲佛事。或揚眉瞬目。搖頭轉腦。將謂有多少奇特。若把識神當事。入外道無疑。真是走錯了路。甚爲可惜。

●佛法工夫。祇在一則公案上用心。不可在一切公案上解會。能解得。終是解會。非悟也。法華經云。是法非思量分別之所能到。圓覺云。以思惟心測度。如來圓覺境界。如將螢火熱須彌山。終不能得。洞山云。擬將心意學玄宗。大似西行却向東。大凡穿鑿公案者。須皮下有血。識慚愧始得。

●佛法工夫。最怕落空。話頭現前。那得空去。只此怕落空的。便空不去。何況話頭現前耶。

密傳佛法通旨

●釋氏之棄家學道。論者議其蔑棄倫紀。殊不知未嘗棄也。卽如釋迦一身。首度淨飯。以及摩耶。次度耶輸。次度羅睺。次度阿難。是君臣父子夫婦兄弟之倫。並未廢也。而謂之蔑棄倫紀。

可乎。卽欲云廢。亦從比丘發論。在宰官居士白衣。皆不離君親。而俱可學道修真。又誰得以棄倫議之乎。假如佛教不明。人只知貪養口腹。不審持齋戒殺。貴人賤物。斬艾群靈。如同瓜果。不知旁生異類。皆謂衆生。皆有佛性也。羅縠錦繡。以爲華飾。不知殺萬蚕之命。炫浮軀之彩。可惜也。百味珍饈。以爲甘旨。不知烹水陸之鮮。塞飢倉之孔。大罪也。鷹犬矰弋。遍滿山林。網罟扈梁。充溢江海。牛羊猪鹿。狼籍市都。魚鼈蝦蟹。腥穢街衢。習而行之。恬不爲畏。不知冤結債負。報應無窮也。清歌妙舞。品竹彈絲。女寵男懽。快心娛意。英賢豪傑。視爲分內。不知慾海無涯。淪墮之本也。遭世逢時。爭名競利。里巷光榮。道路欣羨。中人以上。率皆染指。不知幻泡無常。流轉之根也。繫縛情緣。貪戀骨肉。苦樂縈心。生死結念。不知有解脫也。妄分人我。力修恩怨。不知有平等也。且止論目前。何有身後。不知善惡因果。歷千生萬劫。而不盡也。自佛法昭明。始悉種種違犯。如故者雖多。奉教修持者亦不少。其爲世道之津梁。豈不大哉。儒爲世間法。用以綱維名教。而保聚於生前。佛爲出世法。用以練養性靈。而昇躋於身後。二者原無相害。何妨兩存。

●人謂佛氏之學。以心求心。是卽以心用心也。似有二心。不知心也者。湛寂靈明。圓融無碍。包羅萬法。含裹十方。至靈至妙。心一而已。非有二也。以其圓融無碍。乃外觀百物。只此一心。內

觀一心亦只此一心。外觀百物謂之放光。內觀一心謂之返照。能放光又能返照。此心之所
以爲靈妙也。月能照萬物。不能返照。鏡能照萬象。亦不能返照。以二者之明俱不靈也。心能
觀百物。又能返照。自心靈也。心之爲染爲淨。爲聖爲凡。心自知之。是卽以心觀心也。非謂所
觀者一心。能觀者又一心也。心旣外觀百物。又豈不能內觀一心乎。是以耳目之用。能一而
不能二。以一爲一者。形也。心能一而能萬。以萬爲一者。神也。是以心能觀心也。夫心欲其淨。
去染而得淨。誰能爲之心也。謂之以心觀心則可。謂之以心求心亦可。謂之以心用心則不
可。若以心觀心爲二心。則以心觀百物爲百心矣。

●論者謂釋氏之學於敬以直內則有之矣。義以方外則未之聞也。夫謂佛敬以直內是矣。蓋
佛之內心止以絕紛飛。謂之寂寂。觀以除昏暗。謂之惺惺。止而常觀。止非無記。觀而常止。觀
非亂想。定如大地。八風吹而不動。慧如朗月。萬物照而無遺。以慧爲定。定之體湛然。以定爲
慧。慧之用寂。若止觀爲因。定慧爲業。功先戒律。嚴淨毘尼。敬以直內。可謂眞合儒教矣。然必
身心俱虔。行解相應。內修觀智。外肅威儀。布薩羯摩。遵如來之遺則。六度萬行。爲佛事之莊
嚴。語不殺。傷及蠅飛蠕動。卽殺也。語不盜。則鼻嗅荷香。卽盜也。語不淫。隔壁聞釵釧聲。卽淫
也。語不貪。卽一草一針不敢貪也。語不瞋。則肢體損裂不敢瞋也。語不癡。則等覺如來一品

無明未破。亦癡也。義以方外。可謂嚴矣密矣。滯固而入於枯槁者。乃小乘獨覺。非大乘圓頓之門。疏通而歸於恣肆者。乃放逸狂禪。違梵網木叉之律。罪在學人。於佛何損。佛之方嚴如此。此皆傳之金口。載之貝經。章明昭著。豈得云非義方耶。

●論者謂儒之求放心。似釋氏說入定一般。但釋氏到此便若死了。心無主宰。此言似是而實非。放心者。心馳千萬里。不勝其翕炤紛飛。求而收之。尙未必有把柄。定心者。心攝於一處。已自凝寂安恬。徐而俟之。自然能發慧光。謂定心爲死。非知定者也。佛氏言止。則必兼觀。言寂。則必兼照。有空如來藏。一決不立。有不空如來藏。萬法森然。如一輪之月。悉照萬波。萬波各有一月。月惟一輪。一味之雨。咸蘇萬品。萬品各有一雨。雨止一味。用起於天堂。則慾色無色。盡化香臺。用起於地獄。則銅柱鐵床。編成華藏。人王宰臣。菩薩應現。螺螄蛤蜊。大士化身。種種作用。種種事案。胥從靜定中來也。謂之心死可乎。

●論者謂佛所謂性。正聖人所謂心。佛所謂心。正聖人所謂意。佛原不認得這理。便認知覺運動。能視能聽。能思能動的是理。此言大謬。佛氏之言心性。原只是一物。天地間一種清淨廣大。妙湛圓明物事。名之爲性。性之靈通處。名之爲心。性如鏡之明。心如鑑之照。其實一物也。無所不包裹。總謂之性。性而靈通。乃謂之心。如山河大地。草木瓦礫。皆有性。惟人之性。能靈

通知覺。乃可言心。山河大地。草木瓦礫。止名爲性。不名爲心。佛之所謂心。乃清淨廣大妙湛。圓明。謂之本覺。謂之般若。謂之毘盧性海。謂之摩尼寶珠。所謂意者。乃人心之識神。生死之根本。佛之所以圓修妙悟。必轉此識神而爲智慧。乃稱爲轉凡成聖也。蓋凡夫之與聖人。本同具此心性。凡夫迷真逐妄。所以智慧化爲識神。聖人破妄歸真。所以識神轉爲智慧。意者佛之所呵也。乃云佛所謂心。正聖人所謂意。其失言多矣。佛氏歸真。則知覺運動。視聽言動。能視能聽。能言能動。無非是性。凡夫逐妄。則知覺運動。視聽言動。能視能聽。能言能動。無非是妄。謂佛氏只認得能視聽言動的是性。豈不愚哉。夫能視能聽。能言能動。謂之非性。不可。而謂佛氏所稱清淨廣大妙湛圓明之性。只在視聽言動得名。有是理乎。夫說性。則如來會一性於統宗。說理。則如來詮萬理於事物。理之廣博。橫被法界。理之精微。析入毫芒。二乘之破見思。窮理尙粗。菩薩之破無明。窮理極精。等覺之一品無明未破。則理尙有碍。必入妙覺。而後一真了徹。萬理洞然。謂不認得理字。是何言也。夫理有自然。安排已遠。理有各當。湊泊卽乖。不安排而有。不湊泊而合。此佛理之所以爲至妙也。

●自智慧之化而爲識神也。智見愈多。性靈愈晦。饒他說理分明。語言微妙。盡是鬼家活計。播弄精魂。不知絕去名言。掃空義理。將平日許多理路窠臼。一頓掀翻都盡。而中間止覺般若。

熏觀寂寂惺惺。忽然如電光一閃。蓮花乍開。名爲大悟。良以禪家話頭。正妙在無有意味。舍分別而得自在。轉識神而成般若也。要知六祖樵夫也。以不識一字而卽得證悟。阿難多聞總持人也。以多聞掃盡而後悟真空。良有以也。

●論云。佛只認得人心。無所謂道心。不知佛之所最呵者人心。所最修者道心也。有善無惡是道。佛心則纖惡盡去。萬善同歸。有淨無染是道。佛心則一塵不染。萬德圓淨。有體有用是道。佛心則寂而常照。照而常寂。以性相不住爲宗。以事理無碍爲則。佛全是覺。覺全是道。乃至人心名爲識神。名爲染法。六根妄用。八識熾然。生死根因。三途種子。佛之所以精勤修行。單爲去此。謂佛只認得人心。豈知佛者哉。

●佛言無念。此無妄念。正念不灰滅。般若智在也。外道言無想。正念灰滅。無般若智熏觀也。

●問。定能生慧。慧亦能生定否。答。慧之生定。更疾於定之生慧。定之生慧。如定水不滅。諸物盡照。慧之生定。如慧燈一朗。陰怪盡滅。妙喜云。人說靜了方悟。我是悟了方靜。未悟時。心識紛飛。悟了時。方貼貼地。



●問。無情是佛否。答。無情是佛。死人應是如來。所謂無情。爲無凡情。非無聖情也。問。何名聖情。何名凡情。答。無分別是非。於一切境上法上。不着不取。是名聖情。有分別是非。於一切境上

禪宗直指

取着。是名凡情。無凡情。有聖情。有情亦是無情也。

大事因緣

清・石成金
撰



大事因緣

明心見性須知
成佛成祖要法

揚州石成金天基註訂

男 宰年
嵩年 校刻

大慧杲禪師

宋大慧杲禪師。年十六出家。十七落髮。卽喜宗門中事。徧閱諸家語錄。猶喜雲門睦州語。
便是上等根器。嘗疑五家宗派。元初只是一個達磨。甚處有許多門庭。未識蓋者。個個有遮高論。及乎性逸不羈。十九遊方。初謁宣州明寂理禪師。請益雪竇拈古頌古。理不假一言。令自見自說。師輒洞達微旨。
此是宿習露現處。若不參到。悟如隔羅縠。不得實受用。理歎曰。杲必再來人也。過郢州大陽。見元首座。洞山微和尚。堅首座。師周旋三公會下甚久。盡得曹洞宗旨。見其授受之際。必臂香以表不妄付。
從雲巖付寶鏡三昧。便錯起也。念曰。禪有傳授。豈佛祖自證自悟之法。棄之。
可見宋時。洞宗不用自悟。徧歷諸方。已而參心印珣公。珣令至寶峯依湛堂準公。
偽寶值。賈胡。師始至。機辯從橫。一日湛堂問曰。你鼻孔今日因甚

無半邊。對曰。寶峯門下。堂曰。杜撰禪和。不入師法。便成杜撰。又一日。於粧十王處。問曰。此官人姓甚麼。對

曰。姓梁。堂以手自摸頭曰。爭奈姓梁底。少個幞頭。對曰。雖無幞頭。鼻孔髣髴。堂曰。杜撰禪和。又

看經次。問曰。看甚麼經。對曰。金剛經。堂曰。是法平等。無有高下。堂曰。你做得個座主使下。識破你也。

今人用一肚皮座主禪。自高自大。抹殺真宗。何時得遇寶峯。縱遇寶峯。奈何養成善知識門面。必不肯信。可嘆也。一日侍次。湛堂視師。指爪曰。想東司

頭籌子。不是汝洗師承訓。卽代黃龍忠道者作淨頭。九月。今人要閉門坐禪。累衆僕僕。縱悟得。亦是細娘禪。定無出世福。亦無好兒。

孫振起。一日。堂問曰。呆上座。我遮裡禪。你一時理會得。教你說也。說得。教做拈古頌古。小參普說。

你也做得。祇是有一事未在你。還知麼。對曰。甚麼事。堂曰。你祇欠遮一解在。緣。須得入處。從一薦方真。若

你不得遮一解。我方丈裏與你說時。便有禪。纔出方丈。便無了。惺惺思量時。便有禪。纔睡着。便

無了。全是心意識。若如此。如何敵得生死。幾乎不起之疾。今日診着。將有生色矣。對曰。正是某甲疑處。湛堂病亟。師問

曰。倘和尚不復起。某甲依誰可了此大事。堂曰。有個勤巴子。我雖不識渠。然汝必依之。可了汝

事。真悟底人。千里同風。不必面見。便知端的。若見渠不了。便修行去。後世出來參禪。宋時禪師如麻。真人不遇一個。將入異路矣。

及堂化後。師往荆南見圓悟。自惟曰。當以九夏爲期。其禪若不異諸方。妄以余爲是我

則造無禪論去也。前人根器。大有自知之明。今人若恁麼而復有。枉費精神。蹉跎歲月。不若弘人言不是。便掉頭不顧矣。何有後日大光明耶。枉費精神。蹉跎歲月。不若弘

一經一論。把本修行。庶他生後世。不失爲佛法中人。可。見今之一概。禪是。既見悟。晨夕參請。今人不把本。枉費精神也。

只求入堂。前關後鎖。於中打坐念話頭。有經時不見和尚者。若令渠晨夕參請。便作弄嘴漢矣。悟舉雲門東山水上行語令參。師凡呈四十九轉語。悟不肯。師今人能轉四十九語而悟一日陞座。舉雲門語曰。天寧卽不然。若有人問如何是

諸佛出身處。但向他道。薰風自南來。殿閣生微涼。師聞舉豁然。以自悟。悟察師。雖得前後際斷。

動相不生。却坐淨裸裸處。語師曰。也不易。你到遮個田地。但可惜死了不能得活。不疑言句。是

爲大病。不見道懸崖撒手。自肯承當。絕後再甦。欺君不得。須知有遮個道理。師言。某甲只據如

今得處。已是快活。更不能理會得也。前後際斷。心意識頓然一破。身心世界。魔佛凡聖。人法俱

是承當處。正坐死水法身邊。是真奢摩他。是空邊際。雖然生死門頭。橫出直入。而未見佛道。但

得暫時休歇耳。其救死之法。只在言句上起疑。若言句上悟一悟。便得一概。若在空閒處生照。

則好光景尚在。不肯力參矣。須是悟令居擇木堂。爲不釐務侍者。日同士大夫閒話。悟要打亂

打亂他光景。方纔着忙肯參耳。因令居不釐務侍者之役。務不專治。忙亂不過。自然打失。真妙法也。入室日不下三四。每舉有句無句。如藤倚樹問之。師纔開口。

悟便曰。不是經半載。念念不忘於心。今人得一概。便機迅自了。只為不遇真師。不曾向諸客飯。師把箸在手。都忘下口。悟笑曰。遮漢參黃楊木禪。却倒縮去。黃楊遇閏則厄倒縮一節。

乾得竭。破得大。入得深。師曰。遮個道理。恰似狗看熱油鐺。欲舐舐不得。欲捨捨不得。此猶是合頭話。只是

悟曰。你喻得極好。遮個便是金剛圈栗棘蓬也。一日問曰。聞和尚當時在五祖曾問遮話。不知

五祖道甚麼。悟笑而不答。師曰。當時須對衆問。如今說亦何妨。悟曰。我問有句無句。如藤倚樹。

意旨如何。祖曰。描也描不成。畫也畫不就。五祖忘煞狼藉。可惜許也。可笑今人尚殺不着。又問。樹倒藤枯時如何。祖曰。

相隨來也。師當下釋然曰。我會也。推山塞海。水陸並進。不容不悟到徹底。悟遂舉數誦訛因緣詰之。師酬對無滯。

悟曰。始知我不汝欺。真正湛堂是作家。遂著臨濟正宗記付之。前來疑五家宗旨。無如是事。今日受他臨濟宗旨。方是大徹。師既大

徹。反於數禪客有疑。乃以問悟。悟云。我遮禪如大海相似。你須將個大海來傾去始得。若只將

鉢盂盛得些子去便休。是你器量只如此。教我怎奈何。禪如大海。須要深窮。今人但弄得了當。翻道別人不是。正是棄海認漚。足發一笑。

能有幾個得到你田地。何不學他重參一參。往時只有個環上座。與你一般。却已死了也。未幾令分座室

中。握竹篋以驗學者。叢林浩然歸重。勘辨人無如竹篋之妙。今人怪其無處吐氣。便言竹篋不是話頭。真可笑。會女真之變。欲取禪

師十數。師在選。獲免。趨吳虎丘。閱華嚴至八地文。洞徹昔所請益湛堂殃崛奉佛語救產難因

緣。初以此請益湛堂。堂曰。正爬着我癢處。遮話如金矢法。不會如金。會得如矢。師曰。豈無方便。

堂曰。我有個方便。只是你剗地不會。師曰。望和尚慈悲。堂曰。殃崛云。我乍入道。未知此法。待問

世尊。未到佛座下。他家用下兒子時如何。我自從賢聖法來。未曾殺生。殃崛持此語未到。他家

已生下兒子如何。師茫然。至是讀至菩薩登第七地。證無生法忍。云。佛子。菩薩成就此忍。即時

得入菩薩第八不動地。爲深行菩薩。難可知。無差別。離一切相。一切想。一切執着。無量。無邊。一

切聲聞辟支佛所不能及。離諸喧諍。寂滅現前。譬如比丘具足神通。得心自在。次第乃至入滅

盡定。一切動心憶想分別。悉皆止息。此菩薩摩訶薩亦復如是。住不動地。卽捨一切功用。得無功用法。身口意業念務皆息。住於報行。譬如有人夢中見身墮在大河。爲欲渡故。發大勇猛。施大方便。以大勇猛施方便故。卽便寤寐。旣寤寐已。所作皆息。菩薩亦爾。見衆生身在四流中。爲救度故。發大勇猛。起大精進。以勇猛精進故。至此不動地。旣至此已。一切功用。靡不皆息。二行相行。皆不現前。此菩薩摩訶薩菩薩心。佛心。菩提心。涅槃心。尙不現起。況復起於世間之心。師因豁然打失布袋。湛堂所說方便。忽然現前。始從前後際斷時。已到佛心。菩薩心等尙不現起。處。及進一極。已重到此處。得個着實。但悟處作業。卽成動相。必須大法盡而後真。眞了當。及入大法旣盡。奈法路未泯。猶未脫眞了。直向最後一了。方是打失布袋。前來途路一步深一步。只是住脚不得。纔住脚便是生死大病。切須知之。尋取眞師。務在透過。若道各人悟處。不同。我遮一個萬法平沉。昭靈盡絕。是極則底。是魔說。是無師外道矣。慎之。慎之。圓悟詔住雲居。師往覲。悟卽請爲第一座。冬至。秉拂。昭覺元禪師出衆問云。眉間挂劍時如何。師曰。血濺梵天。悟於座下。以手約住云。住住。問得固好。答得更奇。元乃歸衆。師每入室。圓悟時來聽其語。一日入室罷。上方丈。悟云。或有個禪和子。得似老僧。汝又如何支遣。師曰。何幸如之。正如東坡說作劊子手。一生得遇一個肥漢。圓悟呵呵大笑云。你到與我入室。拶得我上壁也。悟又問達磨西來將何傳授。師曰。不可總作野狐精見解。又問據虎頭收虎尾。第一句下明宗旨。如何是。第一句。師曰。此是第二句。悟常言。近來諸方盡成窠臼。五祖下。我與佛鑑佛眼三人。結社參禪。

如今早見逗漏出來。佛鑑下有一種作狗子叫。鶻鳩鳴。取笑人。佛眼下。有一種覷燈籠露柱。指東畫西。如眼見鬼一般。今人將要學禪。先養長頭髮。買一個蒲團。剪去其棕。弄一條短棍。裝一眉毛。走到人前。八字脚。瞪却眼。捏一個月裏穿。却人前卓卓坐起。人後脫却打眠。梳光其髮。帽蓋拍翻一翻。帽子豎拳作證。拂袖便行。及問他要緊問頭。問一問。善知識據實答他。他便桌上拍一之禪。貴須硬。善知識不肯他。他便毒罵。狠打。寫揭帖造謗。無我遮裏且無遮兩般病。師曰。擊石所不致。豈特狗吠見鬼而已。邪師過謬。一至於此。良可嘆息。火閃電光。引得無限人弄業識。舉了便會了。豈不是佛法大窠窟。擊石火。閃電光。處真得中間之路。是從上宗乘爪牙。若此處無殺人手段。翻惹人業識。向理會處生根生葉。師眼。着有出身。方百計底法。頭翻弄鍛鍊。畢竟是個。命機鋒塗將去。師既塗人。資亦瞞師。師資相瞞。弄棒弄喝。恰亦相似。爭奈大家在生死業識中。悟不覺吐舌。乃云。休管他。我只以契證爲期。若不契證。過日。妄稱悟道。大妄語成。可不哀歟。斷不放過。契證。得一契證。爲期。方不請訛。契證者。前後際斷。要實實事上打斷。方得前後際斷。自己薦一薦。方是契證。不可口耳傳授。賺人。末上一了。要實實了却。須有契證處。如高峯枕聲。雪巖古栢。方是證悟之期。不然縱有證處。亦是火氣未絕。不足貴也。若真正爲生死參禪。不圖假莊。禪套。換衣。換食者。切須信之。師曰。契證即得。第恐只恁麼傳將去。舉了便悟了。硬主張擊石火閃電光。業識茫茫。未有了日。悟深肯之。師室中多問納子。喚作竹篋則觸。不喚作竹篋則背。不得下語。不得無語。不得於意。根下卜度。不得颺在無事甲裏。不得於舉起處承當。不得良久。不得作女人拜遶禪床。不得拂袖便行。一切總不得。速道速道。僧擬進語。師便打趁出。時罕有善其機者。有僧聞舉。奪却竹篋。師曰。奪却竹篋。我且許你奪却。我喚作拳頭則觸。不喚作拳頭則背。你又如

何奪。更饒你道個請和尚放下著。我且放下着。我喚作露柱則觸。不喚作露柱則背。你又如何奪。我喚作山河大地則觸。不喚作山河大地則背。你又如何奪。時有舟峯長老云。某甲看和尚竹篋子話。如籍沒却人家財產了。更要人納物事。師曰。你譬得極妙。我真要你納物事。你無所從出。便須討死路去也。或投河。或赴火。拼得方始死得死了。却緩緩地再活起來。喚你作菩薩。則歡喜。喚你作賊漢。則惡發。依前只是舊時人。所以古人道。懸崖撒手。自肯承當。絕後再甦。欺君不得。到遮裡始得契竹篋子話。又僧聞舉曰。請和尚放下竹篋。卽與和尚道。師放下。僧拂袖便出。師曰。侍者。認取遮僧。近禮侍者。久侍師。默究竹篋話。無所入。一日入室罷。求指示。師曰。你是個福州人。我說個喻向你。如將名品荔枝。和皮殼剝了。送在你口裏。祇是不解吞。禮不覺失笑曰。和尚吞却卽禍事。師後復問曰。前日吞了底荔枝。祇是你不知滋味。禮曰。若知滋味。轉見禍事。師肯之。

雪巖欽禪師

師普說云。山僧五歲出家。在上人侍下。聽與賓客交談。便知有遮事。便信得及。再來便學坐禪。錯起頭一生愚鈍。只為走契盡萬千辛苦。十六歲爲僧。十八歲行脚。銳志要出來究明此真種

事。善哉。人。

在雙林鐵櫬遠和尚。

真惡。

會下。打十方。從朝至暮。只在僧堂中。不出戶庭。縱入衆寮至

後架。袖手當胸。徐來徐往。更不左右顧。目前所視不過三尺。

大錯。

了也。洞下尊宿。要教人看狗子無

佛性話。

邪師過謬。非衆生咎。

只於雜識雜念起時。向鼻尖上輕輕舉一個無字。纔見念息。又却

一時放下著。只麼默默而坐。待他純熟。久久自契。洞下門戶工夫綿密。困人動是十年二十年

不得到手。所以難於嗣續。

欽師善形容邪師教人惡法可笑如此。邪師因自不曾真悟。一悟只

許多。直是悟始得耳。看個無字。是歇前語。古人發疑。只為有個問處。言狗子有佛性也無。答曰

無。以此前後兩句不通義路。因不得不疑。不得悟耳。若歇却前問。單舉無字。是外道斷見。有

何長處。若念息便放下。是內守幽閒。法塵影事。只認工夫光景為事。此法一唱。令天下英靈迷失

密困人。正是提出宋末元來洞宗少真悟者。只認工夫光景為事。此法一唱。令天下英靈迷失

求悟正法。而困於邪罔工夫也。此是我當時忽於念頭起處。打一個返觀。於返觀處遮一念子

悟後痛恨冤語。形容得曲盡其妙。

當下冰冷。直是澄澄湛湛。不動不搖。正是八識迷境。坐一日。只如彈指頃。都不聞鐘鼓之聲。過了午齋

放參。都不知得。想要精神化。長老聞我坐得好。惡魔。下僧堂來看。曾在法座上贊揚。十九去靈

隱挂搭。吉人天相。見善妙峯。妙峯死。石田繼席。顓東叟在客司。我在知客寮。見處州來書記。須

他家兒。說道。欽兄。你遮工夫是死水。不濟得事。動靜二相未免打作兩橛。我被他說得著。只為

靈骨魔。真個是纔於坐處便有遮境界現前。纔下地行與拈匙放筯處。又都不見了。他又道。參

禪。須是起疑情。大疑大悟。小疑小悟。不疑不悟。須是疑公案始得。前是去病藥。此是點出話頭。

不可歇前歇後。須是兩句起

疑則他雖不甚做工夫。他自不庵會下來。不庵是松源之子。說話終是端正。源明臨濟宗直截

我當下便改話頭。提個乾屎橛。又錯杜撰。仍是歇前。所以不識好惡。致後吃一味東疑西疑。橫

看豎看。因改遮話頭。前面生涯都打亂了也。許多苦處。只為前來惡套不曾發明去盡耳。又是坐雖是封了被。脇不沾席。好也。雖是封了被。脇不沾席。又是坐從朝至暮。行處

坐處。只是昏沉散亂。膠膠擾擾。要一霎時淨潔也不能得。多事。聞天目和尚久侍松源。是松源

嫡子。必得松源說話。真也。移單過淨慈挂塔。懷香詣方丈請益。大展九拜。他問我如何做工夫。

遂與從頭直說一遍。且喜他不來聽。他道你豈不見臨濟三度問黃檗佛法的大意。三遭痛棒。

末後向大愚肋下築三拳道。元來黃檗佛法無多子。汝但恁麼看。直須向遮裡一看。又云。混源

住此山時。我做覷到。入室他舉話云。現成公案未入門來。與你三十捧了也。但恁麼看。大似狂

不得天目和尚遮個說話。自是向上提持。此是悟後真見地。為人作略。我之病痛。自在昏沉散

亂處。他發藥不投。我不歡喜。說自己前中惡毒。迷悶。心中未免道。你不曾做工夫。只是伶俐禪。

尋常請益。末上有一炷香。禮三拜。謂之謝因緣。我遮一炷香不燒了也。說出當時錯亂。依舊自

依我每常坐禪。指出自己執定杜撰處。正是時漳泉二州有七個兄弟與我結甲坐禪。兩年在

淨慈。不展被。脇不沾席。惡法流行。人不覺知。英靈漢子多墮此數。所外有個脩上座。也是漳州

人。不在此數。工夫法子雖錯。然只是獨行獨坐。他每日在蒲團上如一個鐵橛子相似。在地上

行時挺起脊梁。垂兩隻臂。開了兩眼。如個鐵櫪子相似。朝朝如是。日日一般。我每日要去親近他。與他說話些子。纔見我東邊來。他便西邊去。纔見我西邊來。他便東邊去。如是二年間。要親近些子更不可得。此是極妙處。若是中夜一睡。而用三頓棒。三十棒話頭。而我二年間因不到頭。捱得昏了困了。日裡也似夜裡。夜裡也似日裡。行時也似坐時。坐時也似行時。只是一個昏沉散亂。輾作一團。如一塊爛泥相似。要一須更淨潔不可得。形容自己執迷情狀。一日忽自思量。我辦道又不得入手。衣裳又破碎也。皮肉又消爍也。不覺淚流。頓起鄉念。且請假歸鄉。為惡毒所魔。傑幸是雪巖。因有後日也。自此一放都放了也。惡魔脫體。慶快平生。兩月後再來參假。幸有生機。又却從頭整頓。又却到得遮一放。十倍精神。說出脫魔妙處。元來欲究明此事不睡也不得你。須是到中夜爛睡一覺方有精神。要知山下路。須問過來人。千萬聽取。莫更自錯。一日我自任廊廡中東行西行。忽然撞著脩兄。遠看他。但覺閒閒地。怡然有自得之貌。此是脩公於前後際斷。妄自坐著。不得悟處光影。我方近前去。他却與我說話。就知其有所得。未在我却問他。去年要與你說話些個。你只管迴避我如何。他道尊兄。真正辦道人。無剪爪之工。更與你說話在。好。他遂問我做處如何。與他從頭說一遍了。末後道。我如今只是被個昏沉散亂打併不去。他云。有甚麼難。自是你不猛烈。猛烈二字是參禪骨頭。須是高著蒲團。豎起脊梁。教他節七相拄。盡三百六十骨節。八萬四千毛竅。併作一個無字。惡套惡套。幸有骨力。與麼提起。更討甚麼昏沉散亂來。

我便依他說。千古大人。尋一個厚蒲團。放在單位上。豎起脊梁。教他節節相拄。透頂透底。盡三百六

十骨節。一提提起。正是一人與萬人敵相似。提得轉力。轉見又散。提字只為歇前語。疑無著實。因此有此弊。到此盡

命一提。忽見身心俱忘。但見目前如一片銀山鐵壁相似。用盡滑力。方得到此。只是悟門轉遠。可笑耳。自此行也如

是。坐也如是。清清三晝夜。兩眼不交睫。到第三日午後。自在三門下。如坐而行。忽然又撞見脩

兄。他問我在遮裡作甚麼。對他道。辦道。他云。你喚甚麼作道。問得好。遂不能對。轉加迷悶。好個消息。後來

之悟出於此也。即欲歸堂坐禪。到後門了。又不覺。至後堂寮中。首座問我云。欽兄。你辦道如何。與他說

道。我不合問人多了。剗地做不得。好人自不信。魔人自信之。不是問多之誤。正是具眼之誤。他又云。你但大開了眼看。是

甚麼道理。也。好只是。我被提遮一句。又便抽身。只要歸堂中坐。方纔翻上蒲團。面前豁然一開。

如地陷一般。當時呈似人不得。說似人不得。非世間一切相可以喻之。我當時無著歡喜處。此是

前後際斷處。未是悟處。何須歡喜。只遮一歡喜。便坐定了。甚可惜也。便下地來尋脩兄。他在經案上纔見我來。便合掌道。且喜且

喜。奴見婢殷勤。我便與他握手到門前柳堤上行一轉。俯仰天地間森羅萬象。眼見耳聞。向來

所厭所棄之物。與無明煩惱昏沉散亂。元來盡是自妙明真性中流出。說心說性。惡法從此起矣。自此目前

露傀儡地。靜悄悄地。半月餘日。動相不生。半月後便要打失。可惜許不遇大眼目大手段尊宿。爲我打

併。打併兩字。不合向遮裡一坐坐住。謂之見地不脫。礙正知見。前來不過法身邊光境門頭。虛幻不實。悞墮不少。到悟後痛自

說出正恐後。每於中夜睡著無夢無想無聞無見之地。又却打作兩橛。前後際斷。虛妄自在。全人再墮也。作得主夢中作得主。到真正無見聞覺。是識心好處。是以日中知處便來不得。此是用鼎銀做騙子的。古人有寤寐一如之語。又却透不得。眼若不睡。諸夢自除。心若不異。萬法一如之說。又都錯會了也。真透。凡古人公案。有義路可以咬嚼者。則理會得下。公案並無有義路底。只是無義路如銀山鐵壁者。又却都會不得。此處不會。雖在無準先師半途錯看。看作義路耳。會下許多年。每遇他開室。舉主人公。便可以打個踔跳。可見主人公不是衲僧巴鼻。所以念佛公爾。皆是就體消停得力遲。不得到底。每每做幾翻悟。莫教舉起衲僧巴鼻。佛祖爪牙。更無你入者。此話頭之誤也。須用三頓棒等公案作話頭方好。下口處。此話頭須要具。有時在法座東說西說。又並無一語打著我心下事。誰著你有主。又將佛經與古語從頭檢尋。亦無一句可以解我此病。如是礙在胸中者。僅十年後來因與忠石梁過浙東天目兩山作住。一日佛殿前行間。自東思西忖。忽然擡眸見一株古栢。觸著向來所得境界。和底一時颺下。礙膺之物撲然而散。如閨室中出在白日之下。走一轉相似。可憐生。幸自人己不肯。因有瓜熟蒂落。方得自了。縱有無準天目。時時在側。亦救他病不得。何也。只為前來魔法深入。難於信向耳。自此不疑生。不疑死。不疑佛。不疑祖。方始得見徑山老人立地處。正好三十拄杖。何也。若是大力量大根器底人。那裡有許多曲折。此句收盡錯處。已。德山見龍潭於吹滅紙燭處。好。便道。窮諸玄辯。若一毫置於太虛。竭世樞機。下是說話頭好處。似一滴投於巨壑。自此拈一條白棒。掀天掀地。那裡有你近傍處。水潦和尚被馬祖一踏。便道。

百千法門。無量妙義。盡向一毛頭上識得根源。高亭見德山招手。便乃橫趨。好。你輩後生晚進。若欲咨參個事。步趨個事。須是有遮個標格。具遮個氣概始得。分明點出看。若是我說底。都不得記一個元字脚。記著則誤你平生。識心是生。死根本。所以諸大尊宿。多不說做處。與悟門見地。謂之以實法繫綴人。土也消不得。是則固是。也有大力量有宿種。不從做處來。無蹊徑可以說者。也有全不曾下工夫。說不得者。也有半青半黃。開口自信不及者。須知有此三種人。品。但不可以為法。誠謂刁刀相似。魚魯參差。若論履踐個事。做工夫處。如人行路一般。行得一里二里。只說得一里二里話。行得千里萬里。方說得千里萬里話。汝等須是各具明眼。揀擇青黃始得。若或不然。便從佛祖肚裏過來。也是無益。

高峯妙禪師

師二十更衣。入淨慈。立三年死限學禪。一日父兄尋訪。巍然不顧。二十二請益斷橋倫。令參生從何來。死從何去話。師謂意分兩路。心不歸一。參不得力。以其從生從死。來去甚遠。寬而不密。義路易生。不中參究。果然枉過一年。於是脇不至席。口體俱忘。或如廁。惟中單而出。或發函。忘肩鐻而去。時同參僧顯慨然曰。吾已事弗克辦。曷若輔之有成。朝夕護恃惟謹。其眼行人。時雪巖欽寓北礪塔。欣然懷香往扣之。參得。方問訊。即打出。

閉却門。妙極妙極。一再往始得親近。令看無字話。自此參扣無虛日。欽忽問。阿誰與你拖箇死

屍來。好不聲。未絕即打。此問雖好。奈師在阿誰處下手。不在打處下手。所以誤有百年三萬六千

在打處起疑。何如是者不知其幾。師扣愈虔。真再人。值欽赴處之南明。師即上雙徑參堂半月。偶

夢中。忽憶斷橋室中。所舉萬法歸一一歸何處話。萬法歸一。一歸何處。極好。只是歇後語。不曾

疑情頓發。三晝夜目不交睫。一日少林忌。隨衆詣三塔諷經次。擡頭忽覩五祖演和尚真讚云。

百年三萬六千朝。反覆元來是遮漢。驀然打破拖死屍之疑。於紙上見得遮漢。大似洞山過水

子處了却。所以見得聲未絕。便打道理。不失為濟上傑人耳。其年二十四矣。解夏詣南明。欽一見便問。阿誰與你拖箇死屍

到遮裡。師便喝。拂袖便出。欽拈捧。師把住云。今日打某甲不得。欽曰。爲甚打不得。師拂袖便

出。翌日。欽問萬法歸一一歸何處。師云。狗舐熱油鑪。言句也未會。欽曰。你那裏學遮虛頭來。師

云。正要和尚疑著。欽休去。更參三自是機鋒不讓。次年。江心度夏。迤邐由國清過雪竇。見西江

謀希叟曇寓。旦過曇問曰。那裡來。師拋下蒲團。曇曰。狗子佛性你作麼生會。師曰。拋出大家看。

曇自送歸堂。暨欽挂牌於道場。開法於天寧。師皆隨侍服勞。屢將有所委任。辭色毅然。終不可

強。心頭未穩。一日欽問。日間浩浩時還作得主麼。正是他。師云。作得主。敗缺。又問。睡夢中作得主

麼。師云。作得主。可不。又問。正睡著時。無夢無想。無見無聞。主在甚麼處。師無語。賊身已露。欽囑曰。從

今日去。也不要汝學佛學法。也不要汝窮古窮今。一腦後但只饑來喫飯。困來眠。將亟底纔眠。覺來却抖擻精神。我遮一覺。主人公畢竟在甚麼處安身立命。你向那丙寅冬。遂奮志入臨安龍鬚。自誓曰。拚一生做箇癡獃漢。兩重公案。恰好合著。決要遮一着子明白。討氣越五載。大人不肯自輕。因同宿友椎枕墮地作聲。廓然大徹。今日方知。自謂如泗州見大聖。脫空遠客還故鄉。是甚元來只是舊時人。不改舊時行履處。也不過是蒲團。在龍鬚九年。縛柴爲龕。風穿日炙。冬夏一衲。不扇不爐。日搗松和糜。延息而已。嘗積雪沒龕。旬餘路梗絕烟火。咸謂死矣。及霽可入。師正宴坐。佛伽。後悟須是恁麼。方與他相應。甲戌遷武康雙髻峰。蓋和賡主攀緣。又上一稜層之意也。及至學徒雲集。然賡小難容。乃援其尤者居之。

紹巖禪師

試問諸仁者。今日國主致請。祇圖諸仁者明心。此外別無道理。諸仁者還明心也未。莫不是語言談笑時。凝然杜默時。參尋知識時。道伴商略時。觀山玩水時。耳目絕對時。是汝心否。如上所解。盡爲魔魅所着。豈曰明心。語不是。默不是。見聞不是。離見聞亦好。更有一類人。離身中妄想外。別認徧十方世界。含日月。包太虛。謂是本來真心。斯亦外道所計。非明心也。此喚作偏空外道。又安得

身心一如。身外無餘耶。即今禪和諸仁者。要會麼。無是者亦無不是者。汝疑執認。其可得乎。前子不曾遇人。自作主宰。多落斯見。是藥。種是病。過在執認二字。此段是藥。但無是非執認。病即愈矣。

瑞鹿大師

大凡世人參學。未必學問話是參學。未必學揀話是參學。未必學代語是參學。未必學別語是參學。未必學捻破經論中奇特言語是參學。未必學捻破祖師中奇特言語是參學。若於如是等參學。任你七通八達。於佛法中倘無見處。喚作乾慧之徒。豈不聞聰明不敵生死。乾慧豈免輪迴。今時人類皆如是。正所謂拋却真金拾瓦礫。不肯真實參究。恁口頭三昧。如香巖問。今時學語之流。且一答十。十答百。豈不是通達。於佛法中無有見處。父母未生前一句子。便不奈何。道濟得甚麼邊事。若也參學。應須真實參學始得。行時行時參取。立時立時參取。坐時坐時參取。眠時眠時參取。語時語時參取。默時默時參取。一切作務時。一切作務時參取。既向如是等時參。且道參箇甚麼人。參箇甚麼語。到這裏。須自箇明白處始得。若不如是。喚作造次之流。則無究竟之旨。要切究此參的語。是甚麼語。參的人。是甚麼人。若不究此參的語。不識此參的人。是謂空過。非參學也。

玄沙大師

夫學般若菩薩。須具大智慧始得。若有智慧。即今便出脫得去。出脫是不繫縛也。若是根機遲鈍。直須勤苦。日夜忘疲。無眠失食。如喪考妣相似。恁麼急切。盡一生去。更得人荷挾。剋骨究實。不妨易得搆去。且況如今誰是堪任學的人。天下人都堪任。惟不具信根者。縱記語。恰似念陀羅尼相似。踢步向前來口裏哆哆和和。被人把住詰問着沒去處。便噴道和尚不爲我答話。恁麼學事大苦。知麼。記言語者謂之難。毒入心。碍正知見。世間讀書人記文。有般人說昭昭靈靈。靈臺智性。能見能聞。向五蘊身田裏作主宰。恁麼爲善。知識大賺人知麼。我今問汝。汝若認昭昭靈靈是汝真實。爲甚麼瞌睡時又不成昭昭靈靈。若瞌睡時不是。爲甚麼有昭昭時。汝還會麼。這箇喚作認賊爲子。是生死根。妄想緣氣。此是弄精魂漢。瞌睡時既做不得。亂做去。豈但哄人皆自哄耳。汝今欲得出他五蘊身田主宰。但識取汝秘密金剛體。昔人向汝道。圓成正遍。遍周沙界。秘密金剛體。即圓成正遍。遍周沙界。分明向汝道。須是全身拶入。佛道閒曠。無有程途。無門解脫之門。無意道人之意。不在三際。因不可昇沉。建立乖真。非屬造化。若會得此意。不費絲毫功行。立地成佛。動則起生死之本。靜則醉昏沉之鄉。動靜雙泯。即落空亡。動靜雙收。纔成佛性。學人多厭動取靜。靜久復思動。須剔起眉毛。打破動靜窠臼。即是正覺。必須對塵對境。如枯木寒灰。臨時應用。不失其宜。鏡照諸像。不亂光輝。鳥飛空中。不雜空色。枯木寒灰。言無心也。不失其宜。言應物也。豈與灰心泯智者同日而語哉。其不亂光輝。不雜空色。云云。自彼於我何爲。十方無影像。三界絕行踪。不墮往來機。不

住中間意。箇中絲毫道不盡。卽爲魔王眷屬。句前句後。是學人難處。所以一句當天八萬門。永絕生死。此語貴在一句當天八萬門。盡十方世界。無絲毫空缺處。無絲毫影像。無絲毫行迹。可謂光燦燦。活潑潑。佛祖衆生。沒處安着。生死二字。是阿誰恁麼道。學人行處。如火銷冰。終不成冰。箭旣離弦。無返回勢。所以牢籠不肯住。呼喚不回頭。古聖不安排。至今無處所。但將此段細抹將來。自然省力。沾連些兒不得。今時人不悟箇中道理。妄自涉事涉塵。處處染着。頭頭繫絆。縱悟則塵境紛紜。名相不實。處處染着。頭頭繫絆。只是究心不切。命根不斷。不肯死去。真正參學人。如遇蠱毒之鄉。水也不可沾着一滴。便擬凝心斂念。攝事歸空。閉目藏睛。纔有念起。旋旋破除。細想纔生。卽便遏捺。如始得箇徹頭。便擬凝心斂念。攝事歸空。閉目藏睛。纔有念起。旋旋破除。細想纔生。卽便遏捺。如此見解。卽是落空亡外道。魂不散的死人。冥冥漠漠。無覺無知。塞耳偷鈴。徒自欺誑。若將識心遏捺。縱是澄澄湛湛。畢竟命根不仁者。莫只長戀生死愛網。被善惡業拘將去。無自由分。饒汝鍊得身心斷終不是做工夫的人。仁者。莫只長戀生死愛網。被善惡業拘將去。無自由分。饒汝鍊得身心同虛空去。饒汝到精明湛不搖處。不出識陰。昔人喚作如急流水。流急不覺。妄爲恬靜。識心不斷。縱鍊得身心如虛空。終被惡業牽引去。精明湛不搖處。正是識陰。如何免得生死。總而言之。不究徹大理。悉是虛妄。

徑山大師


今時有一種外道。自眼不明。只管教人死獍狽地休去歇去。若如此休歇。到千佛出世也休歇不得。轉令心頭迷悶。不肯起疑情。則命根不斷。命根既不斷。休亦不去。歇亦不又一人。得卽此休歇二字。便是生死根本。縱百劫千生。終無了期。


教人隨緣管帶。忘情默照。照來照去。帶來帶去。轉加迷悶。無有了期。既境有能帶之心。所能對立。非妄而何。又
一等人教人諸事莫管。但只恁麼歇去。歇得來。情念不生。到恁麼時。不是冥然無知。只是惺惺。
歷歷。這更是毒害。瞎却人眼。惺乃對寂法。非真參也。須只要發明大事。纔是正覺。

大事因緣

五家宗旨纂要

清
•
性燈
統來
編撰





THE
JOURNAL
OF
THE
ROYAL
ANTHROPOLOGICAL
INSTITUTE



自序

陳年葛藤。多少人較來嚼去。百雜碎。依舊團團圓圓。直不得引蔓牽絲。尋枝摘葉。予留心此道久矣。一日博探諸書。取其符於旨者。參以己見。彙集成帙。名曰宗旨纂要。蓋不欲支離汎濫。盲瞎後人。俾學者得所依歸。便於體究。若曰某也如是。某也如是。一卽五五卽一。厥宗厥旨如是而已。咨予及門。止宜秘授。倘誤傳非人。妄加穿鑿。反道三山。老漢蚤是。畫蛇添足。則吾豈敢。

皆

順治丁酉孟夏既望 三山燈來題於五雲方丈

慶忠鐵壁機老人五宗斷

用臨濟而不通曹洞。則類野狐。用曹洞而不通臨濟。則落教網。是必濟洞兼通。則雲門。焉仰法眼在其中矣。

目錄

卷上

臨濟宗

卷中

曹洞宗

卷下

潯仰宗

雲門宗

法眼宗

附

三身四智說

八識拈評

三山來禪師五家宗旨纂要卷上

普陀嗣法門人 性統 編

臨濟宗

臨濟禪師諱義玄曹州南華人也俗姓邢氏幼而穎異長以孝聞及落髮受具居於講肆精究毗尼博覽經論俄歎曰此濟世之醫方也非教外別傳之旨即更衣遊方首參黃檗次謁大愚其機緣語句載於行錄既受黃檗印可尋抵河北鎮州城南隅臨滹沱河側小院住持其臨濟蓋因地得名也唐咸通八年丁亥四月十日攝衣據座與三聖問答畢寂然而逝門人以全身建塔於大明府西北隅敕諡慧照禪師塔號澄靈

臨濟家風全機大用棒喝齊施虎驟龍奔星馳電掣負冲天意氣用格外提持卷舒縱擒殺活自在掃除情見迴脫廉纖以無位真人爲宗或喝或棒或豎拂明之

臨濟初至河北住院見普化克符二上座乃謂曰我欲於此建立黃檗宗旨汝可成視我二人珍重下去

三日後普化却上來問和尚三日前說甚麼濟便打三日後克符上來問和尚三日前打普化作甚麼濟亦打至晚小參云我有時奪人不奪境我有時奪境不奪人我有時人境兩俱奪我有時人境俱不奪又云如諸方學人來山僧此間作三種根器斷如中下根器來我便奪其境而不除其法如中上根器來我便境法俱奪如上下根器來我便境法俱不奪如有出格見解人來山僧此間便全體作用不歷根器大德到者裏學人著力不通風石火電光却蹉過了也學人若眼目定動即沒交涉 古德又有云中下根人來奪境不奪法中上根人來奪境奪法不奪人上上根人來人境俱奪出格人來人境俱不奪如是者謂之四料揀還見麼覷面便呈無礙境交鋒全露就中人

三山來云料者材料之謂譬如材料作舍有大小曲直之不同揀者擇取之謂譬如作舍材料揀取何者謂棟梁何者謂椽桷因材而用不致混淆接人之法因人而用亦復如是然四料揀中止有人

境二字而復增一法字者何。大約人則就其當體作用者言。境則就其卽物拈示者言。法則就其隨機接引者言。奪者除而不用之意。須看有時二字甚活。不過接人處方便機關。臨時應用通變圓融。無心合軌。檢點將來。似有奪不奪之異耳。如必拿定死蛇思量擬議。早已瞎却人眼。豈得爲臨濟宗旨哉。學者不可不辨。

濟宗四料揀

奪人不奪境 面貌不教人得見。青黃滿目任君看。
三山來云。王孫一去芳草綠。頌曰。奪人不奪境。
胭脂和紅粉。大地與山河。在在呈圖影。
奪境不奪人 禪板蒲團休錯用。眉毛眼睫最知音。
三山來云。洛陽春罷洞賓來。頌曰。奪境不奪人。
把手夜深行。相逢不相識。覷面沒疎親。
人境兩俱奪 走歸方丈慵開口。下却禪床懶措言。
三山來云。漁翁夜宿三更曉。頌曰。人境兩俱奪。
虛空那摸索。無形金彈子。落盡獅霄鶴。
人境俱不奪 高聲唱起應難遡。拄杖拈來畫不成。

三山來云。牧童遙指杏花村。頌曰。人境俱不奪。
脫灑灑脫。脫脚板踏。幾眉舌頭談五嶽。

臨濟因僧問。如何是眞佛眞法眞道。濟云。佛者心清淨。是法者心光明。是道者處處無礙淨光。是三卽一。皆空而無實。如有眞正道。人念念心不間斷。達磨大師從西土來。直是覓箇不受人惑底人。後遇二祖。一言便了。始知從前虛用工夫。山僧今日見處。與佛祖無別。若第一句薦得。堪與佛祖爲師。第二句薦得。堪與人天爲師。第三句薦得。自救不了。

三山來別云。第一句薦得。半夜撞倒漆崑崙。第二句薦得。藕絲孔裏翻筋斗。第三句薦得。三歲孩兒跛挈行。直此三句。總就諸人見地而言。須看第一第二第三三字。面話有深淺。語有漸次。如徒混悶一團平空卜度。則不會臨濟所下之語矣。

濟宗三句

第一句 三要印開朱點窄。未容擬議主賓分。
三山來云。遠。頌曰。第一句閉門打瞌睡。未曾睜眼時。遊戲成三昧。

第二句 妙解豈容無著問。漚和怎負截流機。

三山來云近。頌曰第二句。嬰兒剛有氣。因地一聲來。眼耳鼻舌具。

第三句 但看棚頭弄傀儡。抽牽全借裏頭人。

三山來云差。頌曰第三句。取火待鑽燧。燎却面門毛。到底成何濟。

臨濟示衆云。大凡演唱宗乘。須一句中具三玄。一玄中具三要。有權有實。有照有用。汝等諸人。作麼生會。汾陽昭舉了。乃云。那箇是三玄三要句。

三山來云。飛彈打黃龍。眉毛遭鼠敵。

濟宗三玄要

第一玄中玄 如趙州答庭柏話。此語於體上。又不

住於體。於句中。又不著於句。妙玄無盡事。不投機。如雁過長空。影沉寒水。故亦名用中玄。

三山來云。如趙州答庭柏話。此則就其現前指點。拈來。便是何等明淺。而目爲玄中玄。耶。且焉得以玄中玄。看作用中玄。豈有用中玄。而爲第一玄之理。蓋凡演唱宗乘。何語不從體中發出。未有能離

體說法者。還直以第一玄。假立爲體中玄者。近是

如何是第一玄

三山來云。金剛兩頭肩。頌曰第一玄。烏龜飛上天。單剩一隻脚。踏著威音前。

第二句中玄 如張公喫酒。李公醉前三三後三三。六六三六。其言無意路。雖是體上發。此一句不拘於體故。

三山來云。如六六三十六之語。此正是親切指點。焉得謂之言無意路。而目爲句中玄。耶。須知第二句中玄。卽用中玄。蓋有體而後有用。凡所發揮。皆是從體起用。故宜以用次於體。還直以第二玄。假立爲用中玄者。近是

如何是第二玄

三山來云。空手把金鞭。頌曰第二玄。騎馬上高竿。噴地翻筋斗。弔下一文錢。

第三體中玄 此乃是最初一句。發於真體。此一句。便具體中玄。因言顯理。以顯玄中之體。雖明此理。乃是機不離位故。

三山來云。如云體中玄。是最初一句。發於真體。既是最初一句。發於真體。豈得以最初真體之句。而目爲第三玄耶。須知第三玄。乃是玄中玄。蓋兼前體用兩者盡在。當機拈出名爲體。不得名爲用。不得名爲非體。非用不得。迥出意言。難於測度。非單就體而言也。還直以第二玄。假立爲玄中玄者。近是。

如何是第三玄

三山來云。虛空打鞦韆。頌曰。第三玄。圖圖沒中邊。東洋飄大海。架箇無底船。

第一要當風誰敢道。千聖一時與那能窮此妙。

三山來云。看此頌。猶是擬玄中玄而言者。錯如何是第一要。

三山來云。頭頂烏紗帽。頌曰。第一要。寥廓空浩浩。路斷烟水寒。行人那得到。

第二要明鏡當臺。照胡漢用皆深透。匣青蛇躍。

三山來云。看此頌。亦是擬用中玄而言者。近之如何是第二要。

三山來云。午夜金雞叫。頌曰。第二要。妍媸一齊照。縱橫妙用分。秦鏡當臺耀。

第三要。劫前者一竅。擬議問如何。拍手呵呵笑。

三山來云。看此頌。猶是擬體中玄而言者。錯如何是第三要。

三山來云。城市街頭鬧。頌曰。第三要。漫把朱絃操。流水與高山。彈出無生調。

第一玄中有三要。木人空裏翻筋斗。人面玲瓏知是誰。

第一玄中第一要。青天腦裂霜無限。一葉凋時萬葉凋。

第一玄中第二要。天地漫漫無所在。亂山深處一山高。

第一玄中第三要。玉龍用處應無浪。萬派江流萬派清。

頌曰。天高地厚足窮根。帝網重重不許論。利利塵塵無盡藏。不須彈指叩玄門。

第二玄中有三要。莫道鐵牛無伎倆。不憂水草不知。

閑

第二玄中第一要 鐵馬嘶聲無蕩意一波纔動

萬波隨

第二玄中第二要 懶臥木牛忘水草亂山堆裏

一身閑

第二玄中第三要 玉兔不知身照世萬家樓上

萬家明

頌曰木人石女關玄機電火光中尙笑遲萬物

會歸還委悉一聲百雜碎須彌

第三玄中有三要劫外風光劫外春不拘此際自相

親

第三玄中第一要 空劫那邊留不住一塵中現

剎塵身

第三玄中第二要 豎窮橫徧空王外帝網重重

獨自遊

第三玄中第三要 踢倒虛空無罣礙亂雲深處

亂雲閑

頌曰劫外靈枝劫外香天然種草自清涼一邊

不溺非爲妙一喝青霄透大方

三山來云看此如上語句頌子則是就三玄而分爲九要矣豈臨濟當時之意旨哉聽吾頌

如何是三玄三要

三山來云不妨疑著 頌曰三玄三要事如何擬涉思惟蹉過多揭諦揭諦僧揭諦婆娑婆娑婆娑訶

附山堂淳辨三玄語臨濟一句中具三玄門一玄門具三要大機大用豈容以句義劈析之耶諸方問答玄要亦直言第一第二第三汾陽偈曰三玄三要事難分得意忘言道易親一句明明該萬象重陽九日菊花新至古塔主列爲體中玄句中玄玄中玄而三要說不行付諸瞞肝而已如必一一分析則是蹈塔主之覆轍不可不辨

三山來云臨濟宗旨妙在三玄三要而從上諸老過爲區分未免十分破碎山堂之言誠爲確論止因臨濟語中有三玄三要字面是以古塔主列爲體中玄句中玄玄中玄於三字上乃有著落猶自

有理如以第一爲玄中玄第二爲句中玄第三爲體中玄前後顛倒又必一玄分爲三要太煞零星則已一一註出尙得謂之玄要耶總之玄則不可思議要則喫緊機關就一語之中而有體有用體用難窮玄如是而要亦如是所以爲一句具三玄一玄具三要大意如此而已畫蛇添足者鑒諸

臨濟一日問僧我有時一喝如金剛王寶劍有時一喝如踞地獅子有時一喝如探竿影草有時一喝不作一喝用汝作麼生會僧擬議濟便喝 三山來云者僧當時便與一喝管教臨濟擬議不來

濟宗四喝

有時一喝如金剛王寶劍

三山來云金剛寶劍者言其快利難當若遇學人纏脚縛手葛藤延蔓情見不忘便與當頭截斷不容粘搭若稍涉思惟未免喪身失命也

如何是金剛寶劍

三山來云逢妖便斬 頌曰金剛寶劍無容思算直下揮時虛空血濺

有時一喝如踞地獅子

三山來云踞地獅子者不居窟穴不立窠臼威雄踞踞毫無依倚一聲哮吼羣獸腦裂無你挨拶處無你迴避處稍犯當頭便落牙爪如香象奔波無有當者

如何是踞地獅子

三山來云力重如山 頌曰踞地獅子觸著便起突出爪牙那容得你

有時一喝如探竿影草

三山來云探竿影草者就一喝之中具有一用探則勘驗學人見地若何如以竿探水之深淺故曰探竿在手卽此一喝不容窺測無可摹擬不待別行一路已自隱跡迷踪欺瞞做賊故曰影草隨身如何是探竿影草

三山來云神出鬼沒 頌曰探竿影草知醜知好

張家哥哥李氏嫂嫂

有時一喝不作一喝用

三山來云一喝不作一喝用者千變萬化無有端

倪喚作金剛寶劍亦得喚作踞地獅子亦得喚作探竿影草亦得如神龍出沒舒卷異常迎之不見其首隨之不見其尾佛祖難窺鬼神莫覲意雖在一喝之中而實出一喝之外此四喝中之最玄最妙者須看有時二字甚是活潑非一向如此用也又看如之一字不過彷彿如此非真有如此名目也向者裏轉得身來方見臨濟老人用處如何是一喝不作一喝用

三山來云疑殺天下人。頌曰不作喝用。顯拈倒手擬問如何全然無縫。

臨濟一日示衆云參學人切須仔細如賓主相見便有言論往來或應物現形或全體作用或把機權喜怒或現半身或乘獅子或駕象王如有真正學人來他先喝一喝拈出箇膠盆子善知識不辨是境便上他境上做模倣樣學人又喝前人不肯放下此是膏肓之病不堪醫治喚作賓看主或是善知識不拈出物隨學人問處即奪學人被奪抵死不放此是主看賓或有學人應一箇清淨境界出善知識前善知識

辨得是境把得住拋向坑裏學人云大好善知識善知識卽云咄哉不識好惡學人便禮拜此喚作主看主或有學人披枷帶鎖出善知識前善知識更與安一重枷鎖學人歡喜彼此不辨此喚作賓看賓大德山僧所舉皆是辨魔揀異知其邪正三山來云止如賓主不立又作麼生

三山來云賓主相看乃就師資兩人而言賓中賓等乃就師資各人而言不可不知

濟宗四賓主

賓中賓 克符云倚門傍戶猶如醉出言吐氣不慚惶此是學人無鼻孔也

如何是賓中賓

三山來云客路作遊人。頌曰賓中賓眉目得人憎拍手長安去寸步實難行

賓中主 汾陽云識得衣中寶端坐解區分是學人有鼻孔也

如何是賓中主

三山來云反鞭策鈍驚。頌曰賓中主寒山顛作

舞不辨來端由笑伊目如瞽

主中賓 磐山云不解當風提祖印臨機應物自乖
張此是師家無鼻孔也

如何是主中賓

三山來云暗室沒明燈 頌曰主中賓甘作外遊
人東西路不辨南北豈能分

主中主 克符云橫按鑊錐全正令太平寰宇斬癡
頑問既是太平寰宇爲甚却斬癡頑符云不許夜
行剛把火直須當道與人看風穴云磨礪三尺劍
待斬不平人此是師家有鼻孔也
如何是主中主

三山來云當軒塗毒鼓 頌曰主中主紅日正當
午寶劍高提時觸殺佛與祖

臨濟一日示衆云我有時先照後用有時先用後照
有時照用同時有時照用不同時先照後用有人在
此人字指先用後照有法在此法字指宗照用同時
學人而言師之法而言
驅耕夫之牛奪饑人之食敲骨取髓痛下針錐照用
不同時有問有答立賓立主和泥合水應機接物若

是過量人向未舉時撩起便行猶較些子 古德云
主一喝驗賓賓一喝驗主主再喝驗賓賓再喝驗主
四喝後無賓主也到者裏主家便奪却更不容他須
是各有抽身之路始得 三山來云賓主相見卽不
無不喝不棒又作麼生

濟宗四照用

有時先照後用 密雲先布點晴空霹靂後隨催驟
雨

三山來云如遇僧來便問云汝是甚處人或云汝
從甚處來或云汝名甚麼先照一句待伊作麼定
動或棒或喝如此之類是先照後用

如何是先照後用

三山來云點燈喫飯 頌曰先照後用老龍出洞
電捲雷奔魚蝦腦痛

有時先用後照 打破虛空百雜碎回頭端坐定乾
坤

三山來云如遇僧來師便打便喝便豎指拈拳先
用一法隨後云還會麼汝道是甚麼意旨如此之

類是先用後照

即何是先用後照

三山來云鑿壁偷光

頌曰先用後照敲翻破龜

靈從何來速道速道

有時照用同時 眼親手辨雄雄勢盜賊奸臣怎敢

當

三山來云如遇僧來師家或棒或喝即此一棒一

喝中且看他如何承當如何下語此則即用爲照

照即是用又或師一喝僧亦喝師打云不禮拜更

待何時如此之類是照用同時

如何是照用同時

三山來云無二無別

頌曰照用同時痛下針錐

魂驚膽喪血染須彌

有時照用不同時 雲起南山雨北山清風明月任

君看

三山來云如遇僧來師便云汝來也看他如何應

答師則隨機縱奪如遇僧來師先打一棒看他如

何支遣師又別作商量或照或用不拘一格賓主

互與合水和泥如此之類是照用不同時四者類

看有時二字不可執在一邊

如何是照用不同時

三山來云或東或西

頌曰照用不同伐鼓考鍾

箕星好雨畢星好風

濟宗三哭

一者有失正宗哭

如昧失宗旨不能通徹學人自

已痛哭之類

二者相符正宗哭

如偶爾契悟符合宗旨若須菩

提悟佛說經自己啼哭之類

三者有違正宗哭

如違背宗旨問答不投宗師家

歛手而哭蒼天之類

濟宗三笑

一者相符正宗笑

如問答相符彼此契合寒山撫

掌拾得呵呵之類

二者有失正宗笑

如錯過宗旨問答不知落處師

笑云非思量情識所能測之類

三者悟順正宗笑

如一旦悟徹順應宗旨有一大

頭聞打木魚。拋下火杈云。啊。哪。啊。哪。呵呵大笑之類。

濟宗七事隨身

- 一殺人刀 斬犀截象。伏屍萬里
- 二活人劍 鋒銳不犯。絕後再甦
- 三腳踏實地 行行皆路。步步不差
- 四向上關板子 迴出尋常。踏著便轉
- 五格外說話 牛口言語。馬口會取
- 六衲僧巴鼻 訶佛罵祖。踢倒須彌
- 七探竿影草 別真辨假。斂跡藏踪

又七事者

- 殺人刀 同前
- 活人劍 同前
- 肘後符 鎮埽山河。埽除魍魎
- 影身草 龍睛莫覩。天眼難窺
- 掣頂索 放去收來。束妖縛魅
- 耀眼鏡 隨手拈出。奪目換睛
- 奪聖劍 埽除玄解。不居尊高

濟宗四事隨身

- 一殺活拄杖子 一頭放火。一頭放水
- 二金剛眼睛 分優辨劣。透海穿山
- 三獅子爪牙 虎口奪食。龍領撈珠
- 四脚跟點地 行則須行。坐則便坐

濟宗八棒

- 一觸令支玄棒
- 三山來云。如宗師置下一令。學人不知迴避觸犯。當頭支離玄旨。宗師便打。此是罰棒。
- 二接機從正棒

三山來云。如宗師應接學人。顧其來機。當打而打。謂之從正。此不在賞罰之類。

三靠玄傷正棒

三山來云。如學人來見宗師。專務奇特造作。倚靠玄妙。反傷正理。宗師直下便打。不肯放過。此亦是罰棒。

四印順宗旨棒

三山來云。如學人相見宗師。拈示宗旨。彼能領會。

答得相應。宗師便打。此是印證來機。名為實棒。

五取驗虛實棒

三山來云。如學人纔到宗師。便打。或進有語句。宗師亦打。此是辨驗學人虛實。看他有見無見。亦不在賞罰之類。

六盲枷瞎棒

三山來云。如宗師接待學人。不辨學人來機。一味亂打。眼裏無珠。謂之盲瞎。此師家之過。不干學人事。

七苦責愚癡棒

三山來云。如學人於此事。不曾分曉。其資質見地。十分癡愚。不堪策進。宗師勉強打他。是謂苦責愚癡。亦不在賞罰之類。

八掃除凡聖棒

三山來云。如宗師家接待往來。不落廉纖。不容擬議。將彼凡情聖解。一並掃除。道得也。打道不得也。打道得道不得也。打直令學人斷却命根。不存枝葉。乃上上提持。八棒中之用得最妙者。此則名為

正棒

濟宗四大勢

第一正利大勢 從正接人。以此利物。不作高遠。
第二平常大勢 用處尋常。拈來便是不存奇特。
第三真假大勢 借假明真。意在言外。不拘一定。
第四本分大勢 作用自然。毫無勉強。不生枝節。

濟宗八大勢

第一天真大勢 如百丈捲席。馬祖下座。用處自然。不假安立。

第二秘密大勢 如翠微駐步。趙州捏尼。暗裏機關。無須言說。

第三平常大勢 如喚過淨瓶。却安舊處。施為動轉。盡見本來。

第四直示大勢 如卽心是佛。汝是慧超。直捷提時。更無粘滯。

第五呈似大勢 如豎拂。撚拳。插鉢。叉手。當機拈出。覲面相呈。

第六收放大勢 如放下布袋。提起便行。隨卷隨舒。

有擒有縱

第七權設大勢 如六牕譬喻指樹吹毛曲垂方便

妙合機宜

第八省悟大勢 如瀉山撥火臨濟三爭急處妙提

通身慶快

濟宗雙明雙暗句

恁麼恁麼 乃雙明也

不恁麼不恁麼 乃雙暗也

又雙明復雙暗句

有時與麼與麼不與麼不與麼 乃雙明復雙暗也

又雙暗復雙明句

有時不與麼不與麼與麼與麼 乃雙暗復雙明也

濟宗三句外省去

初句 踏著秤錘原是鐵莫將鎗石作黃金此直教

渠發善心鑒覺自己是佛是初善

中句 露柱燈籠原非有三門佛殿本來無此直教

渠破善心莫守住如今鑒覺是中善

後句 彈指豎拳皆有我穿衣喫飯豈名無此直教

渠明善心莫昧却從來知解是後善

濟宗六句內會取

恁麼也得 守戒護參終日坐不教塵世汙心田

不恁麼也得 酒盞花盤無四大就中滋味幾人知

恁麼也不得 到底有爲無所得本來無物也何求

不恁麼也不得 柳陌花衢空過眼秦樓歌館漫開

懷

恁麼不恁麼總得 把定放行無罣礙青山綠水本

如如

恁麼不恁麼總不得 把定看來無可把放行觀去

有何行

濟宗西來意三句

第一句 第一句莫莽鹵一箭射穿鑽鐵鼓東西南

北孰爲鄰上下四維誰作主此卽本體一句以明

西來意

第二句 第二句分明處犯手傷鋒如次序長安大

道信步行一任諸人來與去此卽作用一句以明

西來意

第三句 第三句須薦取語的言端今與古桃花輕
薄逐波流柳絮顛狂隨風舞此卽體用縱橫一句
以明西來意

玄沙三句註

體中立 凝然三寸子不落二邊機
用中立 只施三尺劍揮斷九天雲
玄中立 磨盤秋結子碓嘴夏開花

濟宗三訣

第一訣 到處青山竝綠水隨時翠竹與黃花

明體

第二訣 高懸明鏡分優劣橫拈拄杖驗正邪

明用

第三訣 頭戴草屨登寶殿手携經卷入花衢

明立

濟宗六病藥

前五路不得行行卽錯

一不得淨地上捏目生花 此是平空卜度之病
三山來云大睜著眼好
二不得無事甲裏戔刀避劍 此是黑山鬼窟之病

三山來云何不出頭來

三不得平地上認奴作郎 此是見地不真之病

三山來云如何是本來面目

四不得光影門頭弄粥飯氣 此是用不親切之病

三山來云急須吐却

五不得葛藤裏說青道黃 此是纏却縛手之病

三山來云尿沸作麼

第六當陽大路有無位真人向赤肉團上互用諸根

於百草頭邊孤明歷歷 此不在病之內者

三山來云略較些子

濟宗十三種句

一迷真句 貪尋言語路失却本來真

二出身句 今日且去明日再來

三正宗無問句 不在多言開口卽錯

四正宗無答句 要答也何難究竟沒交涉

五末後句 把斷要津不通凡聖

六轉身句 見鼻孔麼却是拳頭

七隔身句 但看天邊月却是屋裏燈

八把關句 扼斷玄關往來無路

九藏鋒句 口裏吐劍舌上帶刀

十聲前句 不待開口已遲八刻

十一擬問傷玄句 一念擬求玄雲障天邊月

十二褒貶句 好箇闍黎廁中餒狗

十三收放句 喫我三十棒我煞不如你

興化驗人四盤四唾四瞎

莫熱盤鳴聲 中下機語

盤脫丘 無底語

盤脫曲 無圈續語

盤 向上明他語

當面唾 鬼語

望空唾 精魂語

背面唾 魍魎語

直下唾 速滅語

不似瞎 認得語不作主

恰似瞎 不見前後語

瞎漢 定在當人分上

瞎 不見語之來處

汾陽十智同真

汾陽示衆云。夫說法者。須具十智同真。若得具十智同真。邪正不辨。縈素不分。不能爲人天眼目。決斷是非。如鳥飛空而折翼。如箭射的而斷弦。弦斷故射不中的。翼折故空不可飛。翼壯弦牢。空的俱徹。作麼生是十智同真。與汝諸人。一點出一同一質。二同大事。三總同參。四同真智。五同徧普。六同具足。七同得失。八同生殺。九同音吼。十同得入。又曰。與甚麼人同得入。與誰同音吼。作麼生同生殺。甚麼物同得失。阿那箇同具足。是甚麼同徧普。何人同真智。孰與總同參。那箇同大事。何物同一質。還有檢點出底麼。不吝慈悲。試出來道看。若檢點不出。未具參學眼。在切須辨取要識。是非面目。現在喝一喝下座。徑山杲云。汾陽若無箇面目。現在一場敗闕。雖然未免喪我兒孫。鐵壁機云。我者裏一智也。無同箇甚麼。一同一質。總不出渠。是何物。兮同一質。萬象之中。無等匹。休將心識漫參尋。毗嵐猛風吹海立。

如何是同一質

三山來云。團圓圖底劈不開。頌曰。同一質。渾身都是除却皮囊。單剩口氣。

二同大事。一毛頭上定乾坤。那箇與君同大事者。裏敢言他與自一身堅密。現諸塵寂滅光中。無漸次。

如何是同大事

三山來云。太平須是將軍定。頌曰。二同大事。全無忌諱。阿誰承當。直箇就是。

三總同參。燈籠入露柱。孰能與我總同參。知識徒勞五十三樓閣。門前意何限。故鄉猶在海門南。如何是總同參。

三山來云。踏破芒鞋有甚用處。頌曰。三總同參。雲水往還。徒勞惆悵。舉目鄉關。

四同眞智。佛眼覷不見。何人同此一眞智。見得分明。還不是山自高。兮水自流。一理齊平。不容易。如何是同眞智。

三山來云。古鏡不須磨。頌曰。四同眞智。光影俱

棄影現光生。分明不是。

五同徧普。石頭土塊。是甚麼物。同徧普。曠劫劫來。今日覩一波。纔動萬波。隨何異。嬰兒得慈母。如何是同徧普。

三山來云。大地一瓊琚。頌曰。五同徧普。睜眼卽覩萬象森羅。虚空作舞。

六同具足。歎箇甚麼。阿那箇是同具足。細草含烟。遍山綠。他鄉看似故鄉看。添得籬根花。繞屋如何是同具足。

三山來云。富家郎。頌曰。六同具足。山青水綠。富貴天然。梅花松竹。

七同得失。牛頭沒馬頭回。甚麼物。兮同得失。圓明如鏡。紅如日。三箇糊。獮夜簸錢。天明走盡空。狼籍。如何是同得失。

三山來云。背脊朝天。腦門著地。頌曰。七同得失。明暗不立。籠得烏雞。白鷗飛去。八同生殺。德山棒。臨濟喝。作麼生。兮同生殺。桃

花紅兮李花白。今年吞却大還丹。到處相逢李八伯。

如何是同生殺

三山來云。收來放去。隨方便。毒心半是慈心人。
頌曰。八同生殺。銅鎚鐵纒。操縱臨時有冤難雪。
九同音吼。風吹石臼。演摩訶。與誰說法。同音吼。
飲食語言皆用口。燕語鶯啼迥不同。雕梁芳樹却知有。

如何是同音吼

三山來云。無風蜩語吹。頌曰。九同音吼。大地皆口。倒瀉銀河。魚龍競走。
十同得入。龍歸滄海。與甚麼人同得入。田父耕鋤。女機織冷。眼看他家事。忙問渠。且道承誰力。如何是同得入。

三山來云。家龕祖先是第幾代底。頌曰。十同得入。功完行畢。著彩堂前。斑衣兒戲。寂音頌云。十智同真。面目全於中。一智是根源。如今要見汾陽。老劈破三玄。作兩邊。三山來總頌云。有體有用。

體用殊同。真十智一如。如雖同十智。總一智。三玄劈處。莫糊塗。

汾陽四句

接初機句。陽云。汝是行脚僧。
三山來云。喫粥也未。
辨衲僧句。陽云。西方日出。卯。
三山來云。張家兒子不姓李。
行正令句。誣云。不通眨眼。

三山來云。山崩石裂。

定乾坤句。總云。人間天上一般春。

三山來云。海晏河清。

汾陽三句

學人著力句。陽云。嘉州打大像。
三山來云。急水灘頭緊繫船。
學人轉身句。陽云。陝舟灌鐵牛。
三山來云。東邊去。西邊來。
學人親切句。陽云。西河弄獅子。
三山來云。屙屎放尿。也要自己去。

汾陽三訣

第一訣 珊瑚枝枝撐著月 第一訣接引無時節

巧語不能詮雲散天邊月

第二訣 萬里一條鐵 第二訣舒光辨賢哲問答
利生心拔出眼中楔

第三訣 百草頭邊俱漏洩 第三訣西國胡人說
濟水過新羅北地用邠鐵

汾陽十八問

請益問 如何是佛有所請益而問也

呈解問 天不能蓋地不能載時如何自呈見解而問也

察辨問 有一問在和尙處時如何審察辨難而問也

投機問 和尙道枯椿豈不是法身邊事相投機竅而問也

偏僻問 鶴立枯松時如何偏僻執而問也

心行問 皂白未分乞師方便自表心行而問也

採拔問 不會底人爲甚麼不疑探求尋拔而問也

不會問 乍入叢林乞師指示不會箇事直陳而問也

擎擔問 一物不將來時如何自擎擔所見而問也

置問問 睜目不見邊際時如何置一問頭而問也

故問問 一切衆生皆有佛性爲甚狗子却無設爲

一故而問也

借問問 大海有珠如何取得別借一端而問也

實問問 只見和尙是僧如何是佛是法以其實理

而問也

假問問 者箇是殿裏底如何是佛假此一端而問

也

審問問 一切諸法本來是有那箇是無審察其理

而問也

徵問問 祖師西來當爲何事徵考其故而問也

明問問 不問有言不問無言明白直捷而問也

默問問 外道到佛處無言而立默然不言而問也

汾陽三種獅子

一超宗異目 見過於師方堪傳授

三山來頌云超宗異日叢林傑出奮起威雄噉人無數

二齊眉共闕 見與師齊滅師半德

三山來頌云齊眉共闕克細武步獨振家聲牙爪露出

三影響音聞 野干倚勢異類何分

三山來頌云影響音聞彷彿不真狐犬競吠野干亂鳴

浮山九帶

佛正法眼藏帶 太虛寥廓塵埃淨智鑑圓明物我殊

佛正法眼迦葉親承祖禪不了殃及兒孫如何是佛正法眼藏帶

三山來云一滴傳一滴 頌曰佛正法眼黃面親傳破顏笑後滅瞎驢邊

佛法藏帶 別傳教外無言說三藏圓收體性同吾佛法藏撈攬衆生百千三昧彈指圓成如何是佛法藏帶

三山來云芥子納須彌 頌曰佛法寶藏不用思量點頭三下自肯承當

理貫帶 烏雞半夜鳴何處枯木花開劫外春

理貫全收萬派同流毗盧華藏物物頭頭

如何是理貫帶

三山來云掉頭背後看 頌曰至理無言絕妙絕

立一囊包括威音那邊

事實帶 羣生造化承斯力一道靈光觸處周

事實有無纖塵不漏萬象森羅全機無咎

如何是事實帶

三山來云處處却逢渠 頌曰事事通貫非異非

同塵塵刹利明月清風

理事縱橫帶 應物行權無定法隨緣立理絕羅籠

理事縱橫照用齊行者邊那邊日午三更

如何是理事縱橫帶

三山來云一任放去收來 頌曰理事縱橫詭陌

花柳無二無別信步放行

屈曲垂帶 垂絲千尺鉤還曲利物多方語帶悲

屈曲垂慈棒。喝齊施覆藏。密旨少室靈枝。

如何是屈曲垂帶

三山來云。爲憐三歲子。不惜兩莖眉。頌曰。屈已

垂慈苦心。誰知千般委曲。萬種提撕。

妙叶兼帶 同生同死。機難測。雙放雙收。用最奇。

妙叶真機。境物如是。凡是聖。無歉無餘。

如何是妙叶兼帶

三山來云。正偏非獨立。借句亦雙行。頌曰。妙叶

兼帶。臨機自在。用出天然。無滯無礙。

金針雙鎖帶 直呈大道機。關密突出。全機理事。立

金針雙鎖。全心印。可有句。無句。千花萬朵。

如何是金針雙鎖帶

三山來云。山前山後。兩鈎連。頌曰。金針雙鎖。兩

兩圓通。理事不二。妙用無窮。

平懷常實帶 喫飯喫茶。無別事。見山見水。總皆然。

平懷常實事。圓理極露。柱燈籠。無得無失。

如何是平懷常實帶

三山來云。色色本來人。頌曰。平懷常實。隨來隨

去。不用思量。頭頭俱是。

浮山每於示徒之際。遍舉宗門語句。而學者編集乞山名之。因其類聚。目之曰佛祖宗教義九帶集。又曰。若據圓極法門。本具十數。今此九帶。已爲諸人說了。也更有一帶。覓見麼。若見得親切分明。却親出來說。看說得相應。則通前九帶。圓明道眼。若見不親切說。不相應。但依吾語言。以爲見解。則名謗法。無有是處。到此合作麼。生衆罔措。山遂叱散。

三山來云。浮山九帶之語。已是理事俱備。體用全該。曲盡禪宗旨趣。然語句血脉。暗與曹洞相通。可見宗旨符合。處學者不可泥辭害理。須看一帶字。妙叶無方事。聯乎理。理聯乎事。體聯乎用。用聯乎體。內外聯貫。兼帶不窮。切忌十分分疎。作一段一段說話。便非九帶之義矣。有識者鑑之。

黃龍南禪師問隆慶閑云。人人有箇生緣。上座生緣在甚麼處。閑云。早晨喫白粥。至晚又喫饑。又問我手何似佛手。閑云。月下弄琵琶。又問我脚何似驢脚。閑云。鷺鷥立雪。非同色。黃龍每以此三轉語。垂問學者。

莫契其旨。脫有酬者。亦未嘗可否。叢林目之爲黃龍。
三關南州居士潘與嗣問其故。龍云。已過關者。掉臂
而去。從關吏問可否者。未過關者也。復自頌云。我手
佛手。兼舉禪人直下薦取。不動干戈。道出當下。超佛
越祖。我脚驢脚。竝行步步。踏著無生。會得雲收月皎。
方知此道縱橫。生緣有語。人皆委水。母何曾離得蝦。
但見日頭東畔出。誰能更喫趙州茶。生緣斷處垂驢
脚。驢脚伸時佛手開。爲報五湖參學者。三關一一透
將來。

黃龍三關

我手何似佛手 一任揀取拈來使用

我手何似佛手。拈起扇子。擗口打落帝釋花冠。却
是寒山掃帚。

如何是我手何似佛手

三山來云。活鑊鑊地。頌曰。我手何似佛手。生來

快便。抖擻伸出十指。分明駭得魚龍競走。

我脚何似驢脚 走遍天涯。踏著是路

我脚何似驢脚。車輪頓生八角。三千利海波澄一

陣西風葉落

如何是我脚何似驢脚

三山來云。莫亂走。頌曰。我脚何似驢脚。南北東

西。斟酌一任到處風流。究竟無容摸索。

人人有箇生緣 喫飯穿衣。承誰恩力

人人盡有生緣。落花流水。桃源過後。再無尋處。滿
蓑烟雨漁郎。

如何是人人有箇生緣

三山來云。十分現成。頌曰。人人有箇生緣。朝朝

日日往還。不是本來快足。賺殺李四張三。

南堂示衆云。參學至要。不出箇最初末後句。透得過
者。平生事畢。其或未然。更與你分作十門。各用印證。
自心看得穩當也未。

南堂辨驗十門

一須信有教外別傳 從來不疑

三山來頌云。教外別傳。誰不信。纔聞舉著低頭聽。
不知賺殺多少人。千古萬古成藥病。

二須知有教外別傳 看破了也

三山來頌云。教外別傳人盡知。如泥如醉又如癡。忽然平地翻筋斗。耳朶原是兩片皮。

三須會無情說法。與有情說法無二。一入耳無異聲。

三山來頌云。無情有情均說法。聽得分明沒搭撒。落花流水竝松濤。咳嗽語言六七八。

四須見性如觀掌上。了了分明。瞞得過那些。

三山來頌云。見性分明毫不差。看來不覺眼迷麻。自從識得本來面。綠水青山滿樹花。

五須具擇法眼。金沙終不混。

三山來頌云。雙眸擇法貴圓明。滿目青黃假共真。不是頂門光亞。豎斲兒撞入野狐羣。

六須行鳥道玄路。不落尋常蹊徑。

三山來頌云。鳥道玄途事若何。分明行路帶清訛。往來踪跡無人見。一陣清風過大羅。

七須文武兼濟。衣冠禮樂鐵甲金鎗。

三山來頌云。出將入相事難期。妙用臨機莫可爲。遇弱須提三尺劍。逢強且咏一聯詩。

八須摧邪輔正。頭頂腳踏。

三山來頌云。邪正當前孰敢逃。明明實罰不相饒。吾宗自有英雄手。把定乾坤莫弄驕。

九須大機大用。石火莫及電光罔追。

三山來頌云。大機大用少人知。掣電轟雷猶較遲。若把其中輕放過。兒童拍掌笑嘻嘻。

十須向異類中行。纔過牛胎又閉馬腹。

三山來頌云。頭角纔生已不堪。無端當面把人瞞。可憐足繫紅絲者。欲賣風流難上難。

護聖靜嗣南堂頌曰。十門綱要掌中施。機會來時自有爲。作者不須排位次。大都首末是根基。

臨濟宗旨頌

堂堂賓主歷然分。無位真人不可親。栗棘蓬中能出手。金剛圈裏解翻身。腮邊一掌機鋒峻。脇下三拳意智新。胸次未能明七事。盲枷瞎棒罔勞神。

三山來禪師五家宗旨纂要卷上

三山來禪師五家宗旨纂要卷中

普陀嗣法門人 性統 編

曹洞宗

洞山悟本良价禪師會稽俞氏子幼歲從師念般若心經至無眼耳鼻舌身意處忽以手捫面問師曰某甲有眼耳鼻舌何故言無師驚異曰吾非汝師指往五洩山禮勝默禪師披剃二十一詣嵩山受具足戒遊方首謁南泉值馬祖諱辰修齋泉問衆云來日設齋未審馬祖還來否衆無對山出對曰待有伴即來泉云此子雖是後生甚堪雕琢山云和尚莫壓良爲賤次參潯山屢蒙賞鑑後參雲巖巖禪師因問無情說法甚麼人得聞巖云無情得聞山云和尚還聞麼巖云我若聞汝即不聞吾說法也山云某甲爲甚麼不聞巖遂豎起拂子云還聞麼山云不聞巖云我說汝尚不聞況無情說法乎山云無情說法該何教典巖云豈不聞彌陀經云水鳥樹林皆悉念佛念法山於此有省乃呈偈曰也大奇也大奇無情說法不思議若將耳聽終難會眼底聞聲始得知巖深肯之

山一日辭行問巖曰和尚百年後若有人問還邈得師真否如何祇對巖良久云只者是山沉吟巖云价闍黎若欲承當此事切須仔細山猶涉疑及行後因過水觀影方始悟徹乃作偈曰切忌從他覓迢迢與我疎我今獨自往處處得逢渠渠今正是我我今不是渠應須恁麼會方始契如如於唐大中末屆新豐山接引學徒厥後盛化豫章住筠州洞山權開五位善接三根大闢一音廣弘萬品橫抽寶劍剪諸見之稠林妙叶弘通截萬端之穿鑿晚得曹山本寂深明的旨妙唱嘉猷道合君臣正偏回互由是洞上宗風播於天下諸方宗匠咸推尊之蓋洞山之宗因曹山而顯故名曹洞宗立此一宗自洞山爲之始也曹山就章禪師諱本寂咸通初訪洞山悟本洞山問闍黎名甚麼章對云本寂山云向上更道章云不道山云爲甚麼不道章云不名本寂山深器之密印所證遂乃依栖十有餘年洞以類已堪任大事寂將辭去洞云三更來當授汝曲折果中夜至方丈洞授以先雲巖寶鏡三昧五位顯訣三種滲漏畢再拜禮出

曹洞家風。君臣道合。正偏相資。鳥道玄途。金針玉線。內外回互。理事混融。不立一法。空劫以前。自己爲宗。良久處明之。

洞宗偏正五位

正中偏 正位卽空界。本來無物。偏位卽色界。有萬象形。正中偏者。爲學人不知轉動。滯在劫外。則孤理而缺事。故立正中偏。背理就事。從體起用。無語中有語也。

如何是正中偏

三山來云。夜半星河斗柄懸。頌曰。正中偏。沉沉古殿鎖蒼烟。漏聲欲盡。更初罷。澹澹蟾光映碧天。偏中正 偏中正者。爲學人著於物象。滯在今時。則孤事而缺理。故立偏中正。舍事入理。攝用歸體。有語中無語也。

如何是偏中正

三山來云。天曉不見行人徑。頌曰。偏中正。滿天星斗雲纘鏡。隨他萬象自森羅。無窮光中含混沌。正中來 正中來者。乃是不居尊貴位中。無化而無

所不化。凡有言句。皆從無中唱出。不借而借。迴途轉位。戴角披毛。向異類中來。處處無間。雖居今時。而不落今時。此轉身一路也。

如何是正中來

三山來云。紅塵堆裏百花開。頌曰。正中來。木人踏破古蒼苔。縱橫不礙平原濶。朵朵蓮花信步開。兼中至 兼中至者。兼前偏正兩位。盡在機前拈出。往來鈎鎖。血脈連環。卷舒自在。妙用隨機。更不疑滯。如人歸家。未到而至。別業乃在途中。爲人邊事。明暗雙放。作家弄險處也。

如何是兼中至

三山來云。柳絲桃紅增佳致。頌曰。兼中至。妙用無方。全理事。曼玉敲金韻冷然。希音透徹雲天際。兼中到 兼中到者。兼前四位。挾妙而歸正位。亦任冥應衆緣。依然不墮。諸有動靜。施爲平常自在。全體該收。更無遺漏。功勳不犯明暗。雙收是也。

如何是兼中到

三山來云。兩頭截斷通玄妙。頌曰。兼中到。及盡

有無還大道撒手迴途不露踪。歸家拍掌呵呵笑。
三山來總頌云。五位正偏絕妙。奇旁通回互。露先
機。當頭不犯寰中禁。內外和融。總不知。

洞宗君臣五位

君 君者正位也。常住真空了無一物。巍然獨立至
貴至尊。故名君。

如何是君

三山來云。鳳閣龍樓儼至尊。頌曰。獨鎮寰區。凜
聖顏。九重端拱。化無偏。至尊自是亡倫匹。落落深
階露日鮮。

臣 臣者偏位也。卽是色界之中。種種萬象。物物無
偏贊。化裁成少。伊不得故名臣。
如何是臣

三山來云。文經武緯妙裁成。頌曰。公卿白屋異
常流。豪氣三千射斗牛。不爲功名矜釋褐。了知才
幹駕千秋。

臣向君 臣向君者。偏中正也。舍事入理。更無真理
之異也。

如何是臣向君

三山來云。一片葵心擁聖明。頌曰。瀝膽披肝事
莫窮。夢魂常自誓孤忠。勛華豈獨誇鴻烈。爲羨傾
誠到九重。

君視臣 君視臣者。正中偏也。背理就事。不立事相
之名也。

如何是君視臣

三山來云。出獵曾經渭水濱。頌曰。相卜何因到
傳巖。龍車御處野雲開。鹽梅爲借調羹手。不負從
前夢一回。

君臣道合 君臣道合者。卽正偏兼帶之語也。理事
混融。內外和合。非染非淨。非正非偏。故曰。虛玄大
道。無住眞宗。從上先德。推此一位。最爲玄妙。故名
君臣道合。

如何是君臣道合

三山來云。風雲聚會處。千古頌明良。頌曰。盛治
鴻猷壯帝畿。泰交此日慶都俞。欲知一德咸孚處。
妙用無方絕顯微。

三山來總頌云。霧鎖巖廊瑞色開。堂簾喜起共徘徊。何千秋大業歸無住。漫把勛名仔細裁。

洞宗功勛五位

向 向時作麼生。分明有箇見處。時時趨向此事。雖終日喫飯。不曾敲著一粒米。終日穿衣。不曾挂著一縷絲。直須如此用心。方有趨向分。又云。君向臣。父親子。亦正中偏也。

如何是向

三山來云。凝眸長不瞬。怎肯抱頭眠。頌曰。著眼凝睛。未是親中懷。纔纔自殷勤。回頭不謂雲烟杳。肯負依依一片心。

奉 奉時作麼生。既知有此事。十二時中。不與他還背。心心無間念。念念無差。所以道。知有底人。始解奉重。又云。臣奉於君子。順於父。亦偏中正也。

如何是奉

三山來云。赤心常捧日。雲水自依山。頌曰。掩著柴門。閉著關。拋筇可是畏峰巖。山翁此日何思算。漫煮黃齏但酌泉。

功 功時作麼生。前此向時。奉時。情存取舍。尚落偏枯。猶未成功。到此。渾身放下。撒手忘依。便離全身擔荷。徹底承當。內外一如。更無異體。正中來也。

如何是功

三山來云。不須閉氣力。撒手到淺烟。頌曰。平生辛苦。有誰知。喫盡寒酸。未足奇。及至承當。無箇事。得來。依舊笑當時。

共功 共功時作麼生。前此功勳。獨著未得。理事。滯融。此則體用雙彰。不住一色。所謂君臣會合。父子通同。黑白不分。彙中至也。

如何是共功

三山來云。生殺同條。出春秋。總不知。頌曰。天高地下。勢難窮。就裏誰分造化工。自是鈞陶盈大治。行生總在不言中。

功功 功功時作麼生。前此大功。並顯內外齊彰。此則不落有無。不存賓主。及盡今時。迥超階級。上功字是功勳。下功字是不坐功勳。所謂功成而不處。故云不共彙中到也。

如何是功功

三山來云帝力云何有謳歌忘太平 頌曰底定河山數十秋弓拋劍挂自優游皇風帝德知何處社飲村歌樂未休

三山來總頌云五位功勳知不知有功恰到無功時一條布袋都囊却笑倒長街老古錐

洞宗王子五位

誕生王子 此喻心本是佛不假修持本自圓成無勞證悟然猶須知有向上一路如皇后所生之太子雖是天然尊貴名曰誕生亦名內紹亦名王種亦名正位要知此位亦須轉却若不轉即便墮在尊貴邊所以道子轉身而就父爲甚父全不顧不見有誕生王子也父者向上虛位明本來原無位次不落階級也

如何是誕生王子

三山來云前星光宇宙貴胤自天然 頌曰生來尊貴號儲君位正東宮沒比倫玉葉金枝非別種轉身猶自出王庭

朝生王子

此喻修行人未得本來尊貴須借修證如始覺向於本覺萎傾覆奉運用聖智調和妄情善理真性而得圓成恰似世間開國元勳有大功勞一朝封以王位故亦稱王子此已在偏位中生出不同王種亦是外紹宰相之類也既有誕生之王振紀宗綱必假外紹三人主掌門戶內外體正道法方隆故以諸王子次之

如何是朝生王子

三山來云才猷堪贊化酬勳不住功 頌曰潛心養志在深山學邁才超不等閒大用一朝來帝眷承顏豈獨侍朝班

末生王子

此喻修行人雖假功修終無汙染猶如幻智隨流漂沒忽爾回光幻滅覺圓方信自心不從人得埽除都淨不挂一絲入塵而不染塵得解脫智者亦朝生中之庶子羣臣位也

如何是末生王子

三山來云清白非爲苦堅貞節不移 頌曰落落孤貞清且貧肯將毫末惹埃塵登科不懈平生志

始信雲衢展步輕

化生王子 此喻修行人萬緣俱盡已之勳業已成却又廣運悲智入鄽垂手旁宣正化頭頭上顯物上明猶如閬外威權設施不犯不惟安貼家邦亦乃把定世界此亦朝生席子中之子將軍位也如何是化生王子

三山來云威揚宣正令中外化親傳 頌曰不動巍巍仰聖明傳持閬外賴將軍太平底定無多事妙印高懸不露文

內生王子 此喻修行人既已證修正化已畢復還本體不出深宮縱橫自在體用不彰理事俱泯常居尊貴位中與誕生同體此雖幼小亦可紹位亦名內紹乃誕生處之幼子也

如何是內生王子

三山來云入宮無異體對面不相逢 頌曰無作無爲渾似癡功勳不犯醉如泥而今已出青霄外紫禁重闌那得知

三山來總頌云同生同死絕疎親名貌何分是幾

人踏破來時多少路都盧共到法王城

洞宗內外紹

內紹 紹繼也續也相續不斷之義內者正位中威音那畔是也知向裏許承當擔荷是爲內紹如修行人明心見道於日用中頭頭顯現物物分明實無差互左右逢原不假修進不假行持當體便證無上菩提猶如誕生本來尊貴故名王種以能紹繼君位也

如何是內紹

三山來云深宮無敵體妙用解承當 頌曰天然尊貴異常流寶位傳持事未休不是人王無別種那能物物與頭頭

外紹 外者偏位今時門中一切對境觸物處也向外紹則臣位如修行人不明自心不見自性不了正因全未知有且教渠知有續起功用故名外紹如何是外紹

三山來云風塵無異路曉夜據征鞍 頌曰剎剎塵塵事不差拂開朝霧與晚霞見得分明無異路

何妨盡摘洛陽花

附

僧問九峯虔虔乃石承古有言向外紹則臣位向內紹則王種霜待者是否峯云是曰如何是外紹峯云若不知事極頭祇得了事喚作外紹是爲臣種曰如何是內紹峯云知向裏許承當擔荷是爲內紹曰如何是王種峯云須見無承當底人無擔荷底人始得同一色同一色了所以借爲誕生是爲王種曰怎麼則內紹亦須得轉峯云灼然有承當擔荷怎得不轉汝道內紹便是人王種且道如今還有紹底道理麼所以古人道紹是功紹了非是功轉功位了始喚作人王種曰未審外紹還轉也無峯云外紹全未知有且教渠知有曰如何是知有峯云天明不覺曉曰如何是外紹峯云不借別人家裏事曰如何是內紹峯云推爺向裏頭曰二語之中那語最親峰云臣在門裏王不出門曰怎麼則不出門者不落二邊峰云渠也不獨坐世界裏紹王種名外紹王種姓所以道紹是功名臣是偏中

正紹了轉功名君是正中偏問誕生還更知聞也無峰云更知聞阿誰曰怎麼則莫便是否峰云若是因甚古人道誕生王有父曰既有父爲甚麼不知聞峰云同時不識祖

三山來云看九峰此篇答話可謂入理深談須知內外一體所以論外紹則曰不借別人家裏事論內紹則曰推爺向裏頭又曰臣在門裏王不出門又曰渠也不獨坐世界又曰更知聞阿誰又曰誕生王有父又曰同時不識祖可見內卽外之內也所謂知事之極頭處也所謂向裏許承當擔荷也所謂紹了非是功轉功位了始喚作人王種也外卽內之外也所謂且教渠知有教渠知有裏許事也所謂天明不覺曉天明外也不覺曉外而內也裏紹王種名外紹王種姓名姓雖有獨有同而不相離此所以得繼紹而成功也誕生王有父必歸向上虜位而後盡善盡美也學者不可不知

洞山五位圖

洞宗圖說

偏中歸去極幽玄
正去偏來理事全
兼至去來明妙用
到兼何必逐言詮

正中偏
君向臣
共不

須知正位非言說
朕兆依稀稀屬有緣
語默豈能安世界
蕩蕩經橫鳥道玄

太陽三句圖

第一句
通一路

第二句
無賓主

第三句
兼帶去

第四句
兼帶去

兼中至
臣向君
功共

偏中正
臣奉君
色一

兼中到
君臣道合
功功

圖

圖

圖

圖

圖

圖

0536

王子五位圖

大者本州刺史
二者把筆文章
三者放鷹走狗

正中來
君視臣
功功

四者外人家鄉
權有五郎最小
家中侍奉無銀

一龔生王子

王宮初降日玉兔豈能離未得
無功盲人天何太迷

二朝生王子

子時當正位明暗在君臣未離
兜率界鳥雞雪上行

三末生王子

歲裏寒冰結楊花九月飛泥牛
吼水面木馬逐雲嘶

四化生王子 ○ 白衣雖拜相此事未爲奇積代
簪纓者休云落魄時

五內生王子 ● 混然藏理事朕兆卒難明 威音
王未曉彌勒豈醒醒

洞山偏正五位圖相

不共 (正偏中) 內紹 ● 誕生 君向臣

一色 (偏正中) 外紹 ● 朝生 臣奉君

功 (正來中) 栖隱 ● 末生 君視臣

共功 (兼正中) 臣用 ○ 化生 臣向君

功 (兼正中) 不動 ● 內生 君臣道合

正中偏夜深古殿鎖輕烟寂寂苔封臣不立密密光
舒未兆前

偏中正玉人不親臨臺鏡子夜星沉瑞氣濃依舊青
山不露頂

正中來木人攜杖火中回趣起泥牛耕練色放教石
馬踐蒼苔

兼中至轉側相逢全意氣交輝終不犯鋒鉞大用縱
橫無變異
兼中到明暗盡時光不照石人有志妙難窮解殺絕
頂無根草

洞山偏正五位圖

兼中歸去極幽玄
正去偏來理事全
須知正位非言說
朕兆依稀稀屬有緣

正中偏
君向臣共

王宮初降日
玉兔豈能離
未得無功旨
人天何太迷

兼至去來興妙用
到兼何處有言詮
出沒豈能該世界
蕩蕩經橫鳥道玄

兼中至
臣向君共

白次雖拜相
此事未為奇
積代習纓者
休云落魄時

偏中正
臣奉君一色

子時當正位
明暗在君臣
未離兜率界
烏雞雪上行

兼中到
君臣道合功

混然藏理事
朕兆卒難明
威音王未曉
彌勒豈醒醒

大者本州刺史
二者把筆文章
三者放鷹走狗

正中來
君視臣功

鏡裡寒水結
楊花九月飛
泥牛吼水面
木馬逐雲騎

四者外人家鄉
惟有五郎最小
家中侍奉靈娘

洞宗四賓主
不同臨濟賓主臨濟就師
資而言此就體用而言

主中賓 體中用也

如何是主中賓

三山來云我無你不成 頌曰主中賓長江玉浪

生不因風離面如何得成紋

賓中主 用中體也

如何是賓中主

三山來云你無我不得 頌曰賓中主是子還歸
母為問呱呱兒來自甚麼處

賓中賓 用中用頭上頭也

如何是賓中賓

三山來云月色冷風聲 頌曰賓中賓渾身都是

塵鳥能明大用怪殺野狐精

主中主 物我雙忘人境俱泯不涉正偏位也

如何是主中主

三山來云。渾淪不須補。頌曰。主中主不聞亦不覩。兒孫向後看。誰是爾宗祖。

三山來總頌云。賓中主也。主中賓。賓賓主主不相倫。會得主賓混融處。不萌枝上辨秋春。

寶鏡三昧

如是之法。佛祖密付。汝今得之。宜善守護。銀盤盛雪。明月藏鷺。類之弗齊。混則知處。意不在言。來機亦赴。動成窠臼。差落顧佇。背觸俱非。如大火聚。但形文彩。卽屬染汙。夜半正明。天曉不露。爲物作則。用拔諸苦。雖非有爲。不是無語。如臨寶鏡。形影相覩。汝不是渠。渠正是汝。如世嬰兒。五相完具。不去不來。不起不住。婆婆和和有句。無句終不得。物語未正。故重離六爻。偏正回互。疊而爲三。變盡成五。如荳草味。如金剛杵。正中妙叶。敲唱雙舉。通宗通途。挾帶挾路。錯然則吉。不可犯忤。天真而妙。不屬迷悟。因緣時節。寂然昭著。細入無間。大絕方所。毫忽之差。不應律呂。今有頓漸。爰立宗趣。宗趣分矣。

卽是規矩宗通趣極。眞常流注外寂中搖。繫駒伏鼠先聖悲之。爲法檀度。隨其顛倒。以縞爲素。顛倒想滅。肯心自許。要合古轍。請觀前古佛道。垂成十劫。觀樹如虎之缺。如馬之鼻。以有下劣。寶几珍御。以有矜異。狸奴白牯。以巧力射中。百步箭鋒。相值巧力。何預木人。方歌石女。起舞非情。識到寧容思慮。臣奉於君子。順於父。不順非孝。不奉非輔。潛行密用。如愚若魯。但能相續。名主中主。

三山來云。看者寶鏡三昧。曹洞之宗。包括無餘。但恐以此沿流。把作相傳口訣。使非洞上宗旨。古人密授心印。如是精細。今之一機一槪。而抹殺宗旨者。獨何與。覽之可爲浩歎。

洞山謂曹山曰。吾在雲巖。先師處。親印寶鏡三昧事。窮的要。今以授汝。汝善護持。毋令斷絕。遇眞法器。方可傳授。直須秘密。不可影露。恐屬流布。喪滅吾宗。末法時代。人多乾慧。若要辨驗。向上人之眞僞。有三種。滲漏當機。直須具眼。

洞宗三滲漏

滲不停水漏不盛物故名滲漏

一見滲漏 機不離位。墮在毒海。謂見處滯在所。知設有妙悟。亦須吐却。若不轉位。卽坐在一色所。言者直是語中。未能盡善。知他見有所滯也。如何是見滲漏。

三山來云。直具一隻眼。又云。放下著。頌曰。山重。重復水重。重萬水千山。一。目。中。若道水山常在。目。行人依舊路。濛濛。

二情滲漏 智常向背見處偏枯。謂情境不圓滯。在取舍不能融通。鑒覺著於一邊。皆是議浪流轉。途中岸邊事。直須句句。雖却二邊。不滯情境。方有出身之路。

如何是情滲漏

三山來云。如膠似漆。又云。活潑些好。頌曰。擔板。從來見一邊。何如到處眼。雙圓滿腔。緊懸還須吐。一落思量便不堪。

三語滲漏 究妙失宗。機昧終始。謂滯在語言句。失宗旨。不能於言詮三昧下轉身。所以當機暗昧。宗旨不圓。須是通有語中。無語。無語中有語。乃得。

妙旨圓密

如何是語滲漏

三山來云。倒四顛三。又云。道甚麼。頌曰。有言須。是悟無言。開口成雙落。三。三。況復游揚迷妙義。堪。悲堪笑口頭禪。

洞宗三路接人

鳥道 不開口處。立關轉未措言時。鳥道立。此是不落語言聲前一句。

立路 寫成玉篆。非千筆刻出金章。不是刀。此是立音妙旨。談而不談。

展手 談眼牙口。叮嚀。豎拂拈起。仔細傳。

此是觀面提持。隨機拈出。

三山來云。美則美矣。猶有一人大不肯在。

頌曰。空裏往來。絕朕踪。立中妙義。韻難窮。打開入。字無遮障。會取機關處。處通。

洞宗三綱要

一敲唱俱行 敲擊也。一齊截斷。屬理也。唱舉也。一並用出。屬事也。敲唱俱行。事理兼備也。謂之無正。

俱行卽濟宗之照用同時也

如何是敲唱俱行

三山來云猿嘯鳥啼隨任運山前嶺後一般春

頌曰敲唱俱行事一如收來放去總同途縱橫理事無偏執殺活分明會也無

二金鎖立路 金鎖者鈎鎖連環血脈不斷事中隱

理理中隱事偏中有正正中有偏理事圓融正偏不二交羅無礙妙應不窮故曰立路

如何是金鎖立路

三山來云織成一段天然錦密密金刀剪不開

頌曰金鎖立關達者稀如環妙用在臨機往來不斷偏回互一句無私絕妙奇

三不墮凡聖 坐斷兩頭事理不涉不立立妙不落

有無應物利生得大自在一切影象依倚一齊打脫明雙收也

如何是不墮凡聖

三山來云本來面目無多子喫飯穿衣任縱橫

頌曰聖解凡情一筆勾也無煩惱也無愁無生面

貌團圓在何事區區作馬牛

曹山云凡見聖解是金鎖立路直須回互夫取正命食者須具三種墮一者披毛戴角二者不斷聲色三者不受食稠布衲問披毛戴角是甚麼墮曰是類墮不斷聲色是甚麼墮曰是隨墮不受食是甚麼墮曰是尊貴墮

洞宗三種墮

一者披毛戴角是類墮 類者披毛戴角乃異類中事也若意有所滯未免落在異類中須是一念無私向異類中有出身之處故類亦須墮

如何是類墮

三山來云雖行畜生行不得畜生報 頌曰披毛戴角瀟灑得過一入荒丘尋他不著

二者不斷聲色是隨處墮 隨者隨聲逐色不斷聲色也若不明聲色未免落在聲色中要知聲不自聲色不自色聲色本無因心假立須是不著見聞向聲色中有出身之路故隨亦須墮

如何是隨墮

三山來云。見色非干。色聞聲不是聲。頌曰。見色聞聲。終不是。塵鶯啼綠樹。別有知音。

三者不受食是尊貴。墮。受食是今時事。不受食是那邊事。若執在那邊。未免落在尊貴中。須是知那邊了。却來者邊行履。尊貴一位。猶須虛却。故尊貴亦須墮。

如何是尊貴墮

三山來云。不裝珍御服。來著破襤衫。頌曰。禮絕百僚。非是尊高。無人侍立。常自逍遙。

三山來云。墮有墮落。墮除二義。苟滯在三者中。便是墮落。能向三者中有出身處。便爲墮除。若論披毛戴角。是類墮。不斷聲色。是隨墮。不受食。是尊貴。墮則墮落之義爲是。若論曹山。須具三種墮之言。則墮除之義爲是。如上所註二義。兼該大約三種。看來須明轉位。始得識者辨諸。

正令食

知時而食。不受食。害即不枉死。名正命食。黃檗云。今之參學者。纔出衆來。只欲多知解。廣求文義。喚

作修行。不知多了知解。反成毒藥。如多與兒酪乳。消與不消。都總不知。以此受害。豈知知解盡屬生滅。眞如之中。本無此事。故曹山貴正命食。立三墮。

洞宗三種蘆花

內三種蘆花

一種蘆花。一色到頭。純素白。二邊不許著青黃。

此乃實際理地。不受一塵。眞空絕相。及盡今時名。

一色蘆花

二種蘆花。不與凡花爲比。竝獨超衆。草自尊高。

此是不守一色。不住正位。向上優游。鶴騰霄漢。出

銀籠。名飛出蘆花。

三種蘆花。綠水青山。常作伴。清風明月。夜爲鄰。

此理事混融。隨放隨收。雖在今時。而不落今時子。

轉身而就父名。返入蘆花。

三山來頌云。一色到頭。正位中不居。正位出。銀籠

轉身。就父無端的。三種蘆花。不住功。

外三種蘆花

第一白馬蘆花。轉身景物。原無異。回首家山。總一

般 明有用也

第二明月蘆花 出處溪山各異歸來雲月是同
明有照也

第三雪壓蘆花 動轉平常坦坦橫斜本分如如
明照用爲一也

三山來頌云有用有照照用同作家此際露針鋒
輕輕割處難思議飛入蘆花不見踪

洞宗三問答

如何是觸體眼 答云目不瞬四維洞照

如何是觸體耳 答云耳不側圓音歷歷

如何是觸體手足 答云臂不掉撼碎虛空脚不動
踏翻海嶽

觸體者乾淨之體明法身邊事也答意如何謂雖
不著一切而能破一切也

三山來頌云證到法身無所爲無爲爲處用無虧
橫身應物渾無物赴感隨緣却是誰

洞宗四印

欲分清共濁
當辨印和風

當風不當印 貪觀天上月失却掌中珠

三山來頌云當風不當印關破洪濛忘混沌任從
功烈與天高一曲義皇誰解聽

當印不當風 拈得鼻孔忘了舌頭

三山來頌云當印不當風一夜東君睡正濃紅白
滿園無看管枝頭桃李笑難窮

風印俱當 披星戴月入水拖泥

三山來頌云風印兩俱當顯不顯兮狂不狂渾身
都是黃金甲要與秋風戰一場

風印俱不當 擔水河頭賣點燈助日光

三山來頌云風印俱不當紙屏石枕竹方床被
蒙頭全不會也無短兮也無長

張三擊口聘精神記得眉毛忘眼睛聾瞎相呼無
用處面門擊碎絕人行

洞宗四借借

借功明位 位是虛位功是一念萬年有作之功借
功明位者借功勛而明底事也

三山來頌云滿園桃李正芳菲莫道東君展笑微
色色都來藏不住無端漏洩化工機

借位明功 借位明功者借本來而顯功用也

三山來頌云。生來志氣已非常。揭地掀天做一場。
不是居恒抱負重。那能衣錦得還鄉。

借借不借借 正中來縱橫得妙。雖借借而實無借。
借體用一如也。

三山來頌云。法法頭頭聽自然。無分先後與中邊。
隨收隨放隨舒卷。萬里星河共一天。

全超不借借 不住於事。不住於理。不住玄妙。不住
有無。體用雙忘。偏正不立。兼中到也。

三山來頌云。到得休即便休。更無一物可堪求。就
中何自論玄妙。理事無關始徹頭。

洞宗四知有

不知有 業識茫茫無本可據

知有 一念回光即同本得

知有了却不知有 及到無心無也無

不知有後真知有 始信南泉喚作牛

三山來頌云。昧却本來事者多。一朝得見免蹉跎。

歸家莫道閑瀟灑。戴角披毛怎奈何。

洞宗兩轉身

一轉 棄却者邊。閑景致。回觀那畔好風光。

二轉 盡日閉門。慵待客。忽然啓戶問行人。

三山來頌云。流落江湖數十秋。歸來高臥白雲頭。
一朝頓起風塵念。依舊乘槎逐浪遊。

洞宗借句挾帶

借 借者資借外邊。以顯其功用也。是偏位。是外紹。
是臣種。

句 句者裏頭一句。以明其本體也。是正位。是內紹。
是王種。

挾帶 挾帶者挾持借句。兩種並借而行。由偏位而
總歸於正位也。

三山來頌云。不是百花不見春。春來依舊百花新。
花開花落誰爲主。識得分明任縱橫。

洞宗小五位

大功纔轉 功者功用也。修行人十二時中。妄念起
時。以覺心照了。如三軍有功。將軍賞也。若妄念滅
除。真照亦無。如將軍有功。帝王賞也。若真妄兩忘。

正偏不立。不守尊貴。如帝王有功餘者。皆不能賞。故曰大功不賞。大功者。無功之功也。此是虛位。纔轉者。轉入偏位中來。是以借位誕生。

借位誕生。既是大功。纔轉却入誕生中來。誕生雖是嫡子。固名王種。然對帝王。須當稱臣。亦屬臣種。亦屬借位。謂他縱居東宮。亦屬偏位。不能居其正位。以大功轉而入偏位也。

三山來頌云。纔道無功已涉功。無功功盡妙難窮。轉身一步非他事。漸入深宮近九重。

一色若消。誕生乃正宮皇后太子。須居東宮。東宮者。正具一色邊事。偏中趨正也。若住在此間。亦不名尊貴。亦不名正位。故須一色消盡。不住東宮。不守尊貴。乃名尊貴。

方名尊貴。猶如帝王崩後。太子嗣位。方名尊貴。若修行人。雖明本分。不能觸處融通。一向坐在窠窟裏。名爲有地位。有途轍者。裏不可住者。却須轉身別行一路。不滯玄妙。不執中邊。雖處尊貴而不居。方名尊貴。不然則死水裏淹殺人無數。

三山來頌云。本來是佛。不須疑認。著依然猶是癡。踏破頂額。無覓處。堂堂大露鎮皇畿。

細中移足。細中移足者。乃是達真正理趣。到此亦須拈却。不可作奇特想。不可作玄妙想。前此一色。既消。是事法已盡。而今真理亦除。直教理事雙忘。眞妄不立。故名細中移足。

鶴出銀籠。既能細中移足。自然不住於事。不住於理。不住者。邊那畔玄妙。不存佛祖。那顧掀翻大海。踢倒須彌。千手拈不起。千眼覷不著。向者裏薦得。便是鶴出銀籠。

三山來頌云。理事雙忘。絕妙奇脫。身一步更難思。銀籠鶴出。翀霄漢。正是翔空無礙時。

位裏轉身。超情離見。不涉有無。此是正位中事。雖在正位。却須轉身。偏位中來。若一向把斷要津。未爲本分。故須向今時路頭。垂手接人。自利利他。乃可。

月鋪金地。月鋪金地者。有照有用。入泥入水。不顧身命。應機化現。撈攬有情。了却那邊。却來者邊。接

物利生。曲爲今時權行方便。乃轉身之妙用也。
三山來頌云。幾曾嚴畔把心灰。又到紅塵走一回。
不是白雲驚夢破。何緣月色滿高臺。

太陽玄三句

一平常無生句 白雲覆青山。青山不露頂。
須知此句要通一路。通得如獅子嘯呻。

三山來頌云。平常一句義幽玄。話出無生別有天。
語下言前難摸索。旁通一路在機先。

二妙玄無私句 寶殿無人空侍立。不栽梧桐免鳳
來。須知此句無賓主。通得如獅子返擲。

三山來頌云。絕跡藏踪。渾似癡主賓。不立最玄微。
沉沉古殿蒼烟鎖。一句無私上上機。

三體明無盡句 手指空時天地轉。迴途石馬出紗
籠。須知此句兼帶去。通得如獅子踞地。

三山來頌云。枯木花開錦繡新。三春令到絕鳴禽。
等閑透得其中旨。體用明明不可分。

洞山初有四句

一言無展事 如答鎮州出大蘿蔔頭是也。其言不

曾開展以明其事。須理會在有言之外。乃可。
二語不投機 如答乾屎橛是也。其語不與來機相
投。須妙悟於語句之間。乃可。

三承言者喪 如從言句承當。便喪失宗旨。此不能
在言外理會者。

四滯句者迷 如凝滯於句中。便迷昧真理。此不能
在語中妙悟者。於此四種薦得作箇灑脫。諸僧於
此不明。終成鹵莽。

三山來頌云。話出無生妙義多。舌頭無骨帶諸訛。
承言滯句終無用。一片癡心奈若何。

洞宗三種功勳頌

正位一色 無影林中鳥不栖。空階密密向邊過。寒
巖異草何曾綠。正坐當堂失路迷。

大功一色 白牛雪裏覓無踪。功盡超然體皓融。月
影蘆花天未曉。靈苗任運剪春風。

今時一色 髑髏識盡勿多般。狗口纔開落二三。日
用光中須急薦。青山只在白雲間。

三山來頌云。尊貴位中坐者。難忘功罷業。渾如數。

須知接引今時事。一色無過正與偏。

宗門八恁麼。正不坐正。偏不垂偏。

有時恁麼。兩箇五百是一貫。阿爺原是丈夫漢。

有時不恁麼。從他五五二十五。我則六六三十六。

有時恁麼却不恁麼。題目雖然一般。怎奈註脚各

別。

有時不恁麼却不恁麼。雖然日月不雙明。到底三年

同一閨。

有時恁麼恁麼却不恁麼。說是說非無定止。闍黎

莫作兩頭看。

有時不恁麼不恁麼却不恁麼。指東話西非與錯。將

長就短的和真。

有時恁麼不恁麼總得。或是或非金出鐵。若橫若

順鐵成金。

有時恁麼不恁麼總不得。自古張家難姓李。從來

二字不成三。

頌指是爲非。非不是。將非作是是焉。非就中若也

情量度。海角天涯鷄子飛。

浮山遠錄公十六題

一識自宗。識自宗者。須識本來宗趣。不落言詮。纔擬論量。千山萬水。

二死中活。死中活者。寒灰發燄。枯木騰芳。須是死中得活。木人撫掌。石女呵呵。

三活中死。活中死者。貪尋言語路。喪却本來人。如夾山境語。直作境話會是也。

四不落死活。不落死活者。不坐二邊。不住一色。日用尋常。逍遙自在。

五背捨。五背捨者。背事捨理。埽蕩聖凡。纖塵不立。離四句絕。百非亦灑灑淨裸。裸堂堂無間隔。及盡乃通身。

六不肯捨。不肯捨者。披毛戴角。拖犁拽耙。隨時遊戲。不捐事理。所謂隨流認得性。無喜亦無憂。

七活人劍。活人劍者。凡有語話。不犯鋒銳。隨機妙轉。應物圓成。所謂放行則瓦礫生光。你若轉得身來。自是揚眉吐氣。

八殺人刀。殺人刀者。埽除佛祖見。割斷聖凡情。一

句截流。萬機寢削。所謂把定則乾坤失色。你若觸著鋒鏑。未免喪身失命。

九平常。平常者。就日用尋常中。垂手不事奇特高遠。如常恰似秋風。至無意。涼人人自涼。

十利道拔生。利道拔生者。剪除脚下線。指出掌中珠。拔濟羣生。利以大道。雖然春色無高下。到底花枝有短長。

十一言無過失。言無過失者。粗言細語。倒弄顛拈。悉皆中的。所謂言滿天下無口過也。但恐承言滯句之流。却從者裏蹉過。

十二透脫。透脫者。不被一切羈縻。迥然超脫。脚跟截斷紅絲線。天上人間自在飛。此是學人能領會也。

十三透脫不透脫。透脫不透脫者。雖然打破玉團子。却撒黃金在眼。中是透脫中不透脫也。

十四稱揚。稱揚者。提持此事。妙唱宗猷。須是箇中人。會悟音聲之外。所謂萬籟有心聞不得。孤巖無耳却知音。

十五降句。降句者。斷絕語言。不恣談說。所謂閉口牢藏舌。安身第一方。

十六方入圓。方入圓者。縱橫得妙。左右逢原。更無滯礙。隨口道來。無可不可能。入圓通三昧也。

三山來頌云。喫盡寒酸。費苦辛。同生同死。是何人。慈衷一片。誰知委幾度。臨機任縱橫。

洞宗三解脫門

文殊面目。文殊門者。借物顯也。頌曰。若問文殊。

戶頭。頭路不阿。東林青鬱密。南嶽碧嵯峨。天際懸空月。庭前帶雨莎。更尋玄妙相。箭已過新羅。

觀音妙唱。觀音門者。音聲闡也。頌曰。欲叩圓通。戶圓通戶。不封戌樓。鳴曉角。烟寺起霜鐘。鶴唳當晴夜。猿啼正碧峰。悲心閑竝廣。何處不相通。

普賢妙用。普賢門者。身動靜也。頌曰。若欲識普賢。嵯峨本不懸。蘿攀登絕頂。航掣採祥蓮。野老燒松火。山童汲月泉。縱橫如未會。覲面隔重巔。

三山來頌云。庭前栢子鬱青青。無數春禽樹上鳴。幾度援弓拋彈擊。碧巖辜負老婆心。

曹洞宗旨頌

劫盡空處妙難通。擬欲無功已墮功。偏正不曾離本位。君臣那更異深宮。玉機轉側方圓備。寶鑑澄明理事同。雲輦月娥歸半夜。曉來烟霧尚朦朧。

三山來禪師五家宗旨纂要卷中

三山來禪師五家宗旨纂要卷下

普陀嗣法門人 性統 編

滙仰宗

滙山禪師諱靈祐。長溪趙氏子。得法於百丈海和尚。初至大滙。木食澗飲十餘年。始得仰山慧寂禪師相與振興其道。故諸方稱曰滙仰宗。滙仰宗風。父子一家。師資唱和。語默不露。明暗交馳。體用雙彰。無舌人爲宗圓相明之。

圓相起因

圓相之作。始於南陽忠國師。以授侍者。就源源承識。記傳於仰山。遂目爲滙仰宗。總有六名。曰圓相。曰暗

機。曰義海。曰字海。曰意語。曰嘿論。就源謂仰山曰。國師傳六代祖師圓相九十六箇。授與老僧。國師示寂時。復謂予曰。吾滅後三十年。南方有一沙彌來大興。此道次第。傳授毋令斷絕。吾詳此識事。在汝躬。我今付汝。汝當奉持。仰山既得。遂焚之一日。又謂仰山曰。向所傳圓相。宜深秘之。仰山曰。燒却了也。源曰。此乃諸佛相傳至今。何乃燒却。仰山曰。某甲一覽。已知其意。能用始得。不可執本也。源曰。於子即得來者。何如。仰山曰。和尙若要重錄一本。乃重錄呈似就源。一無差失。三山來頌云。國師父子太無因。識記傳來直到今。畫得圈圈九十六。青天白日換人睛。

暗機

仰山親於就源處。受九十六種圓相。後於滙山處。因○此相頓悟。有語云。諸佛秘印。豈容言乎。又曰。我於就源處。得體滙山處。得用。謂之父子投機。故有圓相辨的於人或畫。此相乃縱意或畫。此相乃奪意或畫。此相乃肯不全意或畫。此相乃全許意或畫。此相或點破或劃破或擲却或抹却皆是截斷。

衆流也更有種種多相無非賓主縱奪權實機關總看時節因緣隨機拈弄乃入鄽垂手方便設施又或閑暇師資辨難互換機鋒只貴大用現前不存軌則耳

一日梵僧來參仰山於地上畫○此相示之僧進前添作○此相以脚抹却山展兩手僧拂袖便行

仰山閉目坐次有僧潛來身邊立山開目見遂於地上畫○此相顧視其僧僧無對如此皆暗機之類也

三山來云如此絡索是甚麼弄胡獃底閑家具雖然如是也要大家知委

三山來頌云觀面相呈事最奇隨宜縱奪在臨機一輪明月輝霄漢照破河山影畫眉

義海

仰山一日坐次有僧來禮拜山不顧僧問和尚還識字麼山云隨分僧乃左旋一匝云是甚麼字山於地上書箇十字僧右旋一匝云是甚麼字山乃改十字作卍字僧又畫○此相以兩手托起如修羅擎日月勢云是甚麼字山畫圓相圍却卍字僧乃作樓至勢

山云如是如是善自護持善哉善哉好去僧乃禮謝騰空而去時有一道者見後經五日問山山云汝還見否者云吾見其僧騰空而去山云此是西天羅漢特來探吾宗旨者云某甲雖觀此種種三昧不辨其理山云吾以義爲汝解釋此是八種三昧覺海變爲義海體同名異然此義合有因有果即時異時總別不離隱身三昧也如此皆義海之類也

三山來云烏焉自別刁刀不同者僧點畫分明仰山體勢完備正眼看來且不識者箇字在三山來頌云河洛交呈鳥蟲迭變剖義畫之奇踪劃蒼頡之異撰月印川以無痕珠入盤而自轉看具眼阿師薦不薦

五觀了悟和尚與仰山立立問立答

○此相謂之舉函索蓋相亦名半月待圓相若將此相來問有更添半月對之答者以蓋覆函故曰函蓋相稱以現圓月相也○此相名抱玉求鑒相若將此相來問即於其中書人字答之此相謂之覓良鑑答者識玉便下手也○此名鉤入索續相若將此相來

問但於人字側添个字答之乃問者鉤入答者索續乃名續成寶器相也④此名已成寶器相若將此相來問但於內書土字答之⑤此名玄印玄旨相獨脫超前衆相不著教意所攝若是靈利底對面分付擬之則不見也三祖云毫釐有差天地懸隔苟不具眼焉能辨此

三山來云玄問玄答卽不無若一向滯在裏許未免成耙脫印子矣何以爲吾宗向上之旨哉學者師其意而用之可也

三山來頌云一人拈起一人圓兩兩相將各一邊識得兩邊符合處收來依舊月團圓

辨第八識

⑥此是衆生具有六識添空一識名爲七識七識不可得名第八識亦名八王子亦名八解脫亦名八丈夫總有四八三十二相此是果相因智報德七識亦名傳送識七八二識不相離故來爲先鋒去爲殿後以至追思過去攀援現在念慮未來三細六粗五意六染七識分彼分此分是分非八阿賴耶識名爲白

淨識本無瑕玷無佛無衆生無你亦無我古德頌云賴耶白淨本無愚三細分時有六粗八萬四千從此得大千沙界作凡夫夢心桎梏原非有病眼空花豈是無反掌之間成十善依然赤水獲玄珠第八識亦名含藏識若是悟底人六七因中轉五八果上圓六識轉爲妙觀察智反觀第八識爲不動智空無內外名大圓鏡智卽一體也平等性智總號也以妙觀察智收前六根六塵六識乃至八萬四千塵勞轉爲成所作智成所作智轉入妙觀察智妙觀察智轉入平等性智平等性智轉入大圓鏡智卽一體也是相宗師若有問難能轉者卽轉在那箇識按楞伽經云佛誠大慧初中後夜常以妙觀察智當淨現流識轉六根爲成所作智如手仰時不應問覆手何在亦如水爲冰時不卽有異故云煩惱卽是菩提百法唯識二論但取其義莫著言句也六祖偈云大圓鏡智性清淨平等性智心無病妙觀察智見非功成所作智同圓鏡五八六七果因轉但轉其名無實性若於轉處不留情繁興永處那伽定 六妙觀察智七平等性

智因地轉五成所作智八大圓鏡智果上轉

三山來云還見麼○喚作識亦得○喚作智亦得
且道能轉底在甚麼處○打破鏡來纔向道

三種然燈此見曹山錄中非仰山語因前收在渴仰宗故不欲移動也

曹山云然燈前有一種一未知有同於類血之乳
一知有猶如意未萌時始得本物此名然燈前有
一種知有往來言說聲色是非亦不屬正照亦不
得記同類血之乳是漏失邊事此名然燈後直是
三際事盡表裏情忘得無間斷此始得正然燈乃
云得記載祖庭事苑

如何是然燈前 首山云諸佛在我前 智門祚云

空劫無閑人 五祖演云令人疑著

如何是然燈後 山云諸佛在我後 祚云衲僧天

下走 演云一場懨懨

如何是正然燈 山云青山無異路 祚云火星入

牛斗 演云錯認定盤星

頌解得分明珠走盤未能透脫幾多難如瓶注水
無遺漏隔海風光冷眼看然燈前

頌不見明珠不走盤長天靜夜黑漫漫古今十世
無增減拈起牛頭尾上安然燈後

頌問處分明答處親塵塵利利總逢君一聲黃鳥

青山外占斷風光作主人正然燈

三山來云前後且置直須正照俱忘猶較些子

頌曰然燈前後不相因正是然燈路較親三際情

忘無所住堂堂得見本來人

香嚴三照語頌

本來照 擬心開口隔山河寂寞無言也被訶舒展
無窮又無盡卷來絕跡已成多

寂照 不動如山萬事休澄潭徹底未曾流箇中正

念常相續月皎天心雲霧收

常照 四威儀內不曾虧今古初無間斷時地獄天

堂無變異春回楊柳綠如絲


三山來頌云三照由來一照同何分前後與當中

箇中若了全無事一點靈光曠不窮

仰山設九十六種圓相開爲百二十合爲九十六共
一十九種門設施圓收在於六門一圓相二義海

末後句。第三句隱顯無私

修羅三昧肇日月勢



女人三昧羅刹不隱



十九門施設也

一垂示三昧門

三性起無作門

五明機普互門

七三生不隔門

九用了生緣門

十一冥府生緣門

二問答互換門

四緣起無礙門

六暗合賓主門

八即幻明眞門

十就生顯法門

十二三境順眞門

十三隨機識生門 十四海印收生門

十五密用靈機門 十六碎啄同時門

十七隨收隨放門 十八卷舒無任門

十九一多自在門

圓收六門

一圓相 〇 二義海 〇〇 三暗機 〇〇

四多字學 〇〇 五言語 〇〇 六默論 〇〇

總斷

三山來云種種圓相雖是多門設施不過師資辨
 驗臨機拈出毋論是生是佛情與無情那能越得
 圈子去莫道九十六箇即百千萬億刹刹塵塵種
 種變現無過一箇包羅得其意者勿執其本庶幾
 用而無礙可也識者酌之

雲門宗

雲門禪師諱文偃姑蘇嘉興人也俗姓張氏受具遊
 方初參睦州陳尊宿發明心要州指見雪峰存禪師
 再蒙印可初至靈樹開法嗣雪峰後遷雲門光泰寺
 其道大振天下學者望風而至號雲門宗

雲門宗風出語高古。迥異尋常。北斗藏身。金風露體。三句可辨。一鏃遼空。超脫意言。不留情見。以無伴爲宗。或一字或多語。隨機拈示。明之。

雲門示衆云。函蓋乾坤。目機鉅兩。不涉萬緣。作麼生承當。衆無語。自代云。一鏃破三關。後德山圓明密禪師。遂離其語。爲三句。函蓋乾坤句。截斷衆流句。隨波逐浪句。

雲門三句

函蓋乾坤句 本真本空。一色一味。凡有語句。無不包羅。不待躊躇。全該妙體。以事明理。體中玄也。如何是函蓋乾坤句。

三山來云。總在裏許。頌曰。函蓋乾坤事。莫窮頭頭物。物露真風。頂門亞豎。摩醯眼。萬象森羅一鏡中。

截斷衆流句 本非解會。排遣將來。不消一字。萬機頓息。言思路絕。諸見不存。玄中玄也。如何是截斷衆流句。

三山來云。不通一滴。頌曰。截斷衆流意。若何算。

來一字已成多。推排解會徒勞力。肯把要津放得過。

隨波逐浪句 許他相見。順機接引。應物無心。因語識人。從苗辨地。不須揀擇。方便隨宜。句中玄也。如何是隨波逐浪句。

三山來云。一葉扁舟。頌曰。隨波逐浪過前川。綠笠青簑把釣閑。一曲漁歌江際晚。高低棹破水中天。

雲門宗八要

一玄 一玄者。凡有用處。玄妙難思。不在尋常語句內。無容測度。不可思量。故名爲玄。毗盧頂上起寒濤。沒手泥人。斬怒蛟。瞋耳千程。聞蟻鬪。失明萬里。見秋毫。

如何是一玄

三山來云。燈籠騎露柱。頌曰。幾度乘風泛小舸。彩雲影裏漫撐篙。舉網撒破虛空面。又向山頭釣巨鼈。

二從 二從者。凡有指點。皆隨機拈弄。或因其見解。

而接引之不另標特解故名爲從 萬頃清風雨
後山暖鶯鶯語巧喧喧溪花野水不知數總在春
風和照間

如何是二從

三山來云柳絮隨風 頌曰桃紅李白鬪芳妍一
夜東風色更鮮。猗蝶狂蜂何處去。慣尋香氣到花
前

三眞要 眞要者就其本體眞實切要而言不屬玄
微奧妙支離蔓衍故名眞要 看盡雲山雨翠深
秋霜助日夢魂清有人問道無餘事雲在青天水
在瓶

如何是眞要

三山來云六月日頭到處熱 頌曰脚底茫茫路
轉賒東西南北盡天涯風塵踏遍無閑思竟畢回
頭始是家

四奪 四奪者隨所拈弄都是刀鎗就機奪機不容
擬議任彼千般知解一味搶攬故名爲奪 一陣
白蘋一葉風滿池零落玉芙蓉巨鱗吸盡滄浪水

留得珊瑚照日紅

如何是四奪

三山來云不遇無情霹靂手埽蕩烟塵將屬誰
頌曰拓土開疆也大難幾回血汗染征衫可憐三
尺魚腸劍漫假雄才手靖邊

五或 或者疑而未定之辭或隱或顯或東或西用
無一定語絕方所此機竅之不容捉摸者故名爲
或 把定要津路不通路殊不復辨西東梅花玉
片開晴岸柳絮金絲遇曉風

如何是五或

三山來云我到者裏却不曾 頌曰習習香風過
樹頭去來何處覓踪由行人無數空惆悵幾度尋
思恨未休

六過 過者用到極頭十分孤峻無你挨拶處無你
轉身處迴避不及忒煞無情故名過 古德擎叉
過也難雪籠台頂衲衣寒是非得失俱收拾分付
諸方仔細看

如何是六過

三山來云一分心悻一分慈。頌曰狠毒心腸何太孤。提刀仗劍忍於屠。命根斷處難思算。幾箇男兒是丈夫。

七喪 喪者隨人上下喪失天真。不見本來癡迷狂走。又或執著已見喪却目前。如此之類皆謂之喪。刻舟求劍。真云昧待兔守株。何太迷可歎。幾多無目漢也。隨人脚走東西。如何是七喪。

三山來云貪觀眼前浪。失却手中橈。頌曰窮喪窮兒實可哀。家珍拋却自何來。自從別去娘生面。落落長途喚不回。

八出 出者脫體轉身不拘一處不守一隅。隨機應用。八面四方都有出身之路。故名出。南辰北斗只西宮。火裏生蓮。奮目紅野色更無山隔。斷月光直與水光通。如何是八出。

三山來云天上人間自在飛。頌曰鳥道羊腸路太多。脚頭脚底任蹉跎。隨他曲折芒鞋滑。步步如

龍疇奈何

雲門三種病。勸止因三種偏枯落二邊。

一未到走作。避影勞形無是處。離陰滅跡枉徒然。三山來頌云。東去西來無了日。南奔北走到何年。紅塵擾擾忘歸路。夢斷家山實可憐。

二已到住著。幸然棄有方回首。却便沉空不轉身。三山來頌云。長安雖樂實難居。到處優游任卷舒。莫教閉門高枕臥。養成癩疾倩誰除。

三透脫無依。走南進北無方所。盡日優游不到家。三山來頌云。不入塵牢不受纏。拋枷打鎖許多年。誰知作箇長流客。蕩蕩無依去不還。

古尊宿總頌未到家。山烟水秋歸來那更不同頭。就中透得無依止。此病閻王替汝愁。

雲門二種光。不透脫。疑情猶未盡。同首到家邊。

一切處不明。面前有一物。是一。聞聲見色隨疑轉。驢糞從他換眼睛。

三山來頌云。白雲朵朵翳雙睛。一線青天也是塵。撥盡黃金知何日。不愁寂寞不愁貧。

透得一切法空隱隱地似有箇物相似亦是光不透

脫 遇物臨機生見解是非卜度自狐疑

三山來頌云夢破方知一物無法塵盡處亦何孤

誰知暗裏相逢處依舊從前障眼珠

古尊宿總頌十處逢緣九不通疑情一片滯頑空

何勞揀擇尋宗旨來意還他去意同

雲門一字關

僧問雲門如何是雲門劍門云祖 如此之類凡有

所問但以一字關之是也

三山來云雲門怎麼道謂是箇不關風謂是舌頭

太短有人透得此關許你親見雲門

三山來頌云一字關一字關何不成雙獨成單單

單一字誠難測一字誠難測也難難難目前隔箇

須彌山

抽顧

雲門見僧來每以目顧之即曰鑑或曰咦而錄者曰

顧鑑咦後來德山密禪師刪去顧字叢林目之爲抽

顧密嗣門

三山來云非父不生其子 頌曰雲門鑑咦德山

抽顧方便機關父作子述擾擾叢林卒未休而今

猶在欣相慕

巴陵三句

僧問巴陵如何是提婆宗陵云銀盤裏盛雪

三山來頌云銀盤盛雪內外明徹不是巴陵有口

難說

如何是吹毛劍陵云珊瑚枝枝撐著月

三山來頌云珊瑚枝枝撐著月一道寒光照不歇

大鵬一口吸滄溟驚起魚龍皆惡發

祖意教意是同是別陵云雞寒上樹鴨寒下水

三山來頌云雞寒上樹鴨寒下水信爾自然忘其

彼此一般景致兩般看紅是桃兮白是李

雲門聞語乃云他日老僧忌辰只須舉此三轉語供

養老僧足矣

三山來云巴陵三句可謂得雲門血脈者若但以

此供養猶覺未在何故不見道智過於師方堪傳

授也不得匆匆草草

雲門宗旨頌

睦州爐韞雪峰機。打就金毛獅子兒。三句楷磨區。
法則十門規度別。機宜樹洞葉落西風急。雲淡天。
低晚日遲情見。到頭窺不得。離心意識始方知。

法眼宗

法眼禪師諱文益。餘杭魯氏子。得法於漳州羅漢桂。
琛禪師。初住撫州崇壽。次住建康清涼。大振雪峰玄。
沙之道。周顯德五年閏七月間示寂。江南李後主諡。
曰大法眼禪師。

法眼家風。則聞聲悟道。見色明心。句裏藏鋒。言中有。
響。三界惟心。爲宗拂子明之。

眼初同紹修洪。進過地藏院。阻雪。值圍爐。次藏問山。
河大地。與上座自己。是同是別。眼云。是別。藏豎兩指。
眼云。是同。藏亦豎兩指。便起去。次日送至門首。藏指。
庵前太古石。問曰。三界唯心。萬法唯識。且道此石在。
心內。住心外。眼云。在心內。藏云。行脚人著甚來由。安。
片石在心頭。眼無對。遂解包。依席決策。一日呈見解。
說道理。藏曰。佛法不恁麼。眼云。某甲詞窮理盡也。藏。

曰。若論佛法。云云。眼於言下大悟。後因行脚。話不知。
最親切。始悟徹。作偈曰。三界唯心。萬法唯識。唯識唯。
心。眼聲耳色。不到耳聲。眼觸何色。耳聲難成。眼色何。
立。色心不二。彼此無差。有人會得。騰煥吾家。乃立華。
嚴六相義。

華嚴六相義



此乃華嚴六相義舉一齊。
收於一一法中有此六義。
經中蓋爲初地菩薩說也。

三山來云。六相卽不無還出得。○者。箇麼。
三山來頌云。桃李枝頭色。色新紅如脂。抹白如銀。
雖然笑破東風面。都是園林一樣春。

法眼華嚴六相義頌

華嚴六相義。同中還有異。異若異於同。全非諸佛意。
諸佛意。總別何曾有同異。男子身中入定時。女子身。
中不留意。不留意。絕名字。萬象明明無理事。
三山來云。法眼恁麼道。未免裂破舌頭。頌曰。六。
眼由來義不同。不同同處妙相通。同中有意同無。

異兩岸蘆花對蓼紅

六相總論

若究置欲免斷常邊邪之見。須明華嚴六相義門。則能任法施爲自忘能所。隨緣動靜不礙有無。具大總持。究竟無過此六相義。是辨世間法自在無礙。正緣顯起無分別理。若善見者得智慧總持門。不墮諸見。不可廢一取一。雙立雙忘。雖總同時繁興。不有縱各。具別冥寂。非無不可以有心。知不可以無心。會詳法界內無總別之文。就果海中總成壞之旨。今依因門。智照古德略以喻顯六相者。一總二別三同五異五成六壞。總相者譬如一舍是總相。椽等是別相。椽等諸緣和合作舍。各不相違。非作餘物。故名同椽等。諸緣遞相互望。一一不同名異相。椽等諸緣一多相成。名成相。椽等諸緣各住自法。本無作故名壞相。則知真如一心爲總相。能攝世間出世間法。故約攝諸法得總名。能生諸緣成別號。法法皆齊爲同相。隨相不。等稱異門。建立境界。故稱成不動自位而爲壞。又云。總相者一合多德。故別相者多德。非一故同相者多。

義不相違。故異相者多義不相似。故成相者。由此諸義緣起成。故壞相者。諸緣各住自性不移。故此上六相義者是菩薩初地中觀過世間一切法門。能入法界之宗。不墮斷常之見。若一向別逐行位而乖宗。若一向同失進修而墮寂。所以位位卽佛。階墀宛然。重重鍊磨。本位不動。斯則同異俱濟。理事不差。因果無虧。迷悟全別。如論大旨。六相還同。夢裏渡河。若約正宗。十地猶如空中鳥跡。若約圓修。斷惑對治。習氣無非。理行相資。缺一不可。是以文殊以理印行。差別之道。無虧普賢以行會理。根本之門不廢。

三山來云。種種譬喻。可謂明惺。若論衲僧分中。似覺未。在何故。嚮本來無位次。誰敢強安名。

總別同異成壞之相。互換投機。句意超脫。而後學輩多渣滓。其語何啻如牛毛耶。殊不知總則舉體分明。別則法法不濫。同則同一法性。異則功用自異。成也無法可成。壞也無法可壞。若能體用純真。一卽六六卽一如。金作器。器皆金。雖熾然分別。而了無絲毫可現之相。如是則十處十會。塵塵爾利。爾念念爾。

復何疑哉。便是透脫十成百了。千當還我金剛王寶劍來。

三山來云者。多口阿師。未免性命。落在五雲手裏。隨喝一喝。云還知痛癢麼。若也知得。千零百碎。依舊面目團圓。若也不知團圓。面目總被千零百碎者。裏更有爲五雲出氣底麼。試出來道看。

宗要偈七首

卽物契神 勤求勝積功理契古今同同得妙何處

湖松西北風

示機 吾有一言天上人間若也不會綠水青山

毗盧頂上 一真收不得萬類莫能該蚊子生頭角

泥鐵上舞臺

迦葉門前 覲面露堂堂全機不覆藏利竿頭倒卓

紅日上扶桑

三界唯心 三界唯心萬法澄盤鑽釵釧一同金映

階碧草自春色隔葉黃鸝空好音

萬法唯識 不曾出世立功勛萬國文明草木春野

老不知堯舜力難盡打鼓祭河神

總頌不移寸步越河沙地獄天堂混一家佛祖位中消息斷何妨盡賞洛陽花

又有四機

箭鋒相拄 機鋒相敵也

三山來頌云兩陣交鋒莫可當彎弓架矢豈尋常箭頭的相逢處脫却征衣笑一場

泯絕有無 不存朕兆也

三山來頌云大用臨機不可窺卷舒出沒妙相隨竝無面目教人見誰向虛空強畫眉

就身拈出 當面直提也

三山來頌云自從關破祖師關掣電轟雷任往還不識當機拈弄處低頭已隔萬重山

隨流得妙 卽境設施

三山來頌云祖意明明百草頭相逢到處逞風流隨家待客無豐儉把筯拈匙一笑休

天臺韶國師初自陳山來自謂得旨令徒衆入室自不入室一日法眼上堂僧問如何是曹源一滴水

眼云是曹源一滴水韶在衆聞之忽然大悟以所

悟聞於眼。眼云。汝向後爲國王所師。吾不如也。

三山來云。父聞子健。恨不殺身。頌曰。曹源一滴。

水洗盡耳中塵。座前龍象客。幾箇是知音。惟許通。

玄解報恩。

韶國師四料揀

聞聞放

三山來頌云。萬籟傳聲無彼無此。放開耳門。都在。

裏許。

聞不聞收

三山來頌云。猿嘯鳥吟。落花流水。是聲非聲。歸真。

亦爾。

不聞聞明

三山來頌云。剛到長松下。又從幽澗過。蹉跎泉石。

裏。逐處演摩訶。

不聞不聞瞎

三山來頌云。四方咸聞寂。八面不通風。小軒天地。

老一枕夢周公。

法眼宗旨頌

卽俗明真。總萬方法。身從此露。堂堂山河大地。皆。

標的。草木叢林。盡發揚秋雨。徧催梨葉。老春風。齊。

拆。杏花香。義天覺海。周沙界。窺管持。盡試測量。

附錄

三身

三身謂法報化身也。法身毗盧遮那。此云徧一切處。報身盧舍那。此云淨滿。化身釋迦牟尼。此云能仁寂默。在衆生身中。卽寂照用也。寂卽法身。照卽報身。用卽化身。金光明最勝經一切如來有三種身。具足攝受阿耨菩提化身者。如來在昔修行地中。爲諸衆生修種種法。得自在力。隨衆生意。隨衆生果。現種種身。是名化身。應身者。謂諸如來爲諸菩薩說於眞諦。令其解了生死涅槃。是一味故。爲除身見。衆生怖畏歡喜故。爲無邊佛法。而作本故。如實相應。智本願力故。具三十二相八十種好。頂背圓光。是名應身。法身者。爲除煩惱等障。爲具諸善法。故惟有如如法。如如智。是名法身。前二種身是名假有。第三種身是眞實有。

爲前二身而作根本何以故離法如如離無分別智一切諸法無有別法。復次諸佛利益自他自利益者是法如如利益他者是如如智又瓔珞經云五分法身以識性別戒香攝身定香攝意慧香攝亂解脫攝倒見度知攝無明是五分香瓔珞其身

三山來云諸經解說甚是分明祖師門下覺大遠在良久云喚作法身得麼振身云喚作應身得麼顧視左右云喚作化身得麼五分真香即不無要問諸人鼻孔在甚麼處

三山來頌云話到本來一物無無生面目何曾殊祇因者箇婆心重別相安名總一如

四智

大圓鏡智 如大圓鏡現衆色相
平等性智 觀一切法悉皆平等
妙觀察智 善觀諸法無得而轉
成所作智 成本願力所應作事
轉八識則能成四智也

三山來云智亦不可得識又作麼生

秘藏詮註云佛轉八識而成四智八爲大圓鏡智七爲平等性智六爲妙觀察智五爲成所作智識惟分別智能決斷

三山來云糊餅饅頭是一是二

大乘莊嚴論云轉八識成四智東四智具三身

三山來以拂子擊禪床一下云此是識復擊一下云此是智又擊一下云此是身汝等諸人作麼分解復擊一下

古德云眼等五識爲成所作智慧爲妙觀察智化身攝末那爲平等性智報身攝阿賴耶爲大圓鏡智法身攝

三山來云且道報化法身又以何爲攝

智通禪師問六祖三身四智旨要祖曰清淨法身汝之性也圓滿報身汝之智也千百億化身汝之行也若離本性說三身即名有身無智若悟三身無有自性即名四智菩提聽吾偈自性具三身發明成四智不離見聞緣超然登佛地吾今爲汝說諦信永無疑莫學馳求者終日說菩提通曰四智之義可得聞乎

祖曰。既會三身。便明四智。若離三身。別談四智。此名有智。無身也。卽此有智。還成無智。復說偈曰。大圓鏡智。性清淨平等。性智心無病。妙觀察智。見非功。成所作智。同圓鏡。五八六七果。因轉但轉其名。無實性。若於轉處。不留情。繁興永處。那伽定。

三山來云。將謂是箇祖師。

前五識轉成所作智

第六意識轉妙觀察智

前五識謂眼耳鼻舌身。此乃四大和合而成。皆各司其用。云體本來無過止。因外有色聲香味觸之塵。內之根與外之塵相偶。而識生焉。罪業所由起也。不轉則爲識轉。則成所作之功。而各效其用矣。第六意識乃意根。而意爲六根中之頭目。意識一動。則眼貪色。耳貪聲。鼻貪香。舌貪味。身貪細滑。起偏計之情。轉則妙於觀察。見色非干色。聞聲不是聲。香臭不分。甘苦不別。粗細一體而成自然之智矣。起信論云。三界虛僞。唯心所作。離此則無六塵境界也。毗婆沙論問曰。心意識有何差別。答曰。無有差別。卽心是意。意卽是

識。祖師云。徧現俱該法界。收攝在一微塵。識者謂之佛性。不會喚作精魂。雖然如是。蹉過者甚多。錯會者不少。

三山來云。用會作麼。雖然如是。蹉過卽不可具眼底。辨看。

第七末那識

轉平等性智

楞伽云。末那者。此云染汙。蓋由六識既動。意根著處。卽成汙染。七識亦名傳送。識前粘六識。後連八識。七識無定體。亦無定用。因意識分別好醜。七識卽從而分別之。故以此分好分醜。傳送於第八識。八識則受而含藏。故云七八二識不相離。倘意識轉爲妙觀察。則七識亦不分彼分此。而轉爲平等性矣。染汙之名。何自而得哉。是以體清而用亦不濁也。

三山來云。本非汙染。那求清淨。原無分別。說甚平等。雖然如是。若不撥轉。關捩吾恐生死海中。頭出頭沒。無了期也。欲不汙染得乎。

第八阿賴耶識

轉大圓鏡智

第八多異熟性故名含藏識。謂前世中以善不善業爲因。招感今生異熟心。是果異熟者。異世熟染之性。不期然而自合也。阿賴耶者。卽是真心。不守自性。隨染淨緣。不合而合。能含藏一切眞俗境界。如明鏡不與影像合。而含影像。亦名如來藏識。伽陀云。諸法於藏識。識於法亦爾。更互爲因。相亦悟爲果。相若於含藏處。破諸惡見。捨我執等。但如大圓明鏡。物來則照。物去不留影像。都無能入。如來眞空妙藏。與諸佛同證。同得有何不清淨者哉。故曰大圓覺智性清淨。

三山來云。○者。箇是大圓鏡。阿那箇是含藏識。○者。箇是含藏識。阿那箇是大圓鏡。含藏識且置止。如打破鏡時。又向甚麼處會取道道。

第九阿那識

亦名純淨識

合論云。寄說阿那識。此云執持。爲第九純淨識。如五六七八等識。常依九識以依止。凡愚不了妄執爲我。

如水暴流不離水體。諸波浪等以水爲依。故六七八識常以淨識爲依。何謂九爲淨識。爲二乘人久住在生死業種。六七八識有怖畏故。恐彼難信。方便於生死種外。別立淨識。使令悲智漸漸得生。達識成智。則賴耶成圓鏡之體。持功德之門。末那爲平等之源。一自他之性。第六起觀察之妙。轉正法之輪。五識興所作之功。垂應化之迹。斯則一心匪動。識智自分。不轉其體。但轉其名。不分其理。而分其事。但伏六識不取塵境。故名識滅。是故離心之境。文理俱虛。卽識之塵。詮量有據。狂心不歇。歇卽菩提。垢淨心明。本來是佛。

三山來云。是濟世航。登者得渡。是起死藥。服者得甦。須知純淨就眞體而言。若染汙卽不得矣。實志修行者。最諸。

按三身四智諸說。採摭經論。歷據詳明。與滄仰辨。識處大相關係。可資深禪正修者。不落旁蹊而行。正路。故予有取焉。往往同流之士。必謂吾單傳直指之宗。何借此爲。殊不知學道者。爲心意識之所困。苦甚矣。虛明自照。本自無他。風境搖搖。倏然走。

作通人達士。猶未免焉。況其下者乎。可無方便觀照之力乎。倘因其披剝之說。破其虛妄。掃其窠窟。卽吾受用處。皆大圓鏡智也。精金萬煅。不再鑠矣。三山來云。此老不可謂非婆心也。

三山來禪師五家宗旨纂要卷下終


志略

妙喜杲祖集人天眼目。已自引蔓。率枝高峯老人纂要之出。得非畫蛇添足耶。是以鐵祖有密授之戒。老人示教。幾二十年。語錄已經重刻。而纂要原本重廣。箇中非吝也。無如家賊難防。向因燕京翠崖典藏。鑄時請稿重述。同寮輩私相傳錄。將遍諸方。且烏焉之混。刀刀之差。轉行轉訛。壬午春。寧子執本請曰。其訛如此。不幾瞎誤人眼。何若以原本付梓。庶見從上諸祖真面目。其裨益不小。予思事不可執。一執一不變。非通道也。遂以稿授寧。朝刻而夕行焉。善閱者勿謂爲吾門相傳家事可耳。

康熙癸未孟春 嗣法門人 普陀性統 謹識

御製揀魔辨異錄

清世宗
撰



上諭佛祖之道指悟自心爲本是此說者名爲正知正見。用之以利人接物。令人直達心源。方得稱佛祖兒孫。所言外道魔道者。亦具有知見。因其妄認識神生死。本以爲極。則誤認佛性。誘毀戒行。所以謂之外道魔道。朕覽密雲悟天隱修語錄。其言句機用。單提向上。直指人心。乃契西來的意。得曹溪正脈者。及見密雲悟錄內。示其徒法藏。關妄語其中。所據法藏之言。駭其全迷本性。無知妄說。不但不知佛法宗旨。卽其本師悟處。亦全未窺見。肆其臆誕。誑世惑人。此真外魔知見。所以其師一關再關。而天隱修亦有釋疑。普說以斥其謬。然當日魔心不歇。其所著述。不行卽燬。如魔嗣弘忍。中其毒者。復有五宗教一書。一併流傳。冀魔說之不朽。造魔業於無窮。天下後世具眼者。少不知其害。卽有知而關之者。有德無位一人之言。無徵不信。將使究竟禪宗者。懷疑而不知所歸。而傳染其說者。將謂禪宗在是。始而起邪信。繼而具邪見。起邪信。則正信斷。具邪見。則正見滅。必至處處有其魔種。人

人承其魔說。自具之性。宗不明而言條之枝蔓。肆出。今其魔子魔孫。至於不坐香。不結制。甚至於飲酒食肉。毀戒破律。唯以吟詩作文。媚悅士大夫。同於娼優伎倆。豈不污濁祖庭。若不剪除。則諸佛法眼。衆生慧命。所關非細。朕爲天下主。精一執中以行。修齊治平之事。身居局外。並非開堂說法之人。於悟修何有。又於藏忍何有。但既深悉禪宗之旨。洞知魔外之情。灼見現在魔業之大。預識將來魔患之深。實有不得不言。不忍不言者。夫禪宗者。教外別傳。可以無言。可以有言。古德云。窮諸元辨。若一毫置於太虛。竭世樞機。若一滴投於巨海。如是言者。言言從本性中自然流出。如三藏十二部。千七百則公案。何一非從本性中自然流出。從無一實法繫綴人。天今魔藏立一〇相。爲千佛萬佛之祖。以袈裟纓纒爲宗旨。所繫有四法。有雙頭。有小法。大法。有大法之大法。稱爲細宗。密旨有傳。有授而魔嗣弘忍。以僧伽難提。遇童子持鑑。直前爲從。來有象可示。證其魔師一〇之象。爲不悖。又以多

子塔前袈裟圍繞一事作袈裟爲宗旨所繫之明證。又以臨濟打克符普化鑿爲黃蘗三頓棒之象。種種作爲實法不勝枚舉。全從知解穿鑿失却自心。黃蘗云。今時人只欲多知多解。翻成壅塞。唯知多與兒酥喫。消與不消。都總不知。三乘學道人皆是此樣。盡名食不消者。所以知解不消。皆爲毒藥。盡向生滅中取真如之中。都無此事。夫食不消之人多。而魔藏父子則是已經飽毒者也。佛法不二。豈可執定三四。而更有密傳三四之宗旨。廣引從上古德言句相似者爲之注脚。轉以較勘。不立言說。單提向上之正宗。仰面唾雲。反汚已面。趙州云。老僧此間。卽以本分事接人。若教老僧隨伊根基。接人自有三藏十二部。接他了也。祇說無是非。分別相。早不本分。何況宛出個是非。分別相。世尊四十九年所說古錘千七百則公案。總是語言文字。若不識得這個。縱使字字句句依樣葫蘆。卽爲魔說。卽爲謗佛。縱能記得佛祖所說三藏十二部千七百則公案。字字句句不差。正是光明海中多。

著泥滓。況既落言詮。卽同教相。卽同教相。則三藏十二部現在。又何必立教外別傳之旨。任伊橫說豎說。能出三藏十二部之外乎。聖人多能。佛多神通。能非聖本。神通亦非佛宗。仲尼何嘗知西方之梵語。如來不能作震旦之唐言。能與神通各有所窮。與這個有何交涉。何況文字一端。魔藏父子輒以不識字。譏密雲意。謂不如伊等學問。若要詮理論文。自有秀才們。在何用宗徒識字不識字。與這個又有何交涉。博通經史。如剪綵以添樹上之生花。目不識丁。亦飯熟不借鄰家之水火。若魔藏父子其大病根。正在識丁而不識這個。今使蒙古人來便接蒙古。俄羅斯人來便接俄羅斯。暹羅蘇琉琉球。日本人來便接暹羅蘇琉琉球。日本若必待伊識得文字。然後接得。則佛法不能蓋天。蓋地矣。魔藏邪外。知見自以爲言。言據古字字稟經。豈知盡三藏十二部。乃至十三經二十一史諸子百家。盡世間四庫經籍所有文字。並與貫串配合。極其狡猾。縫混自道。佛來也開口不得。正是佛出世也。

救不得也。阿難三十年爲侍者。祇爲多聞智慧。被佛呵云。汝千日學慧。不如一日學道。若不學道。滴水難消。況魔藏以邪外知見。唐突佛祖。向上邊事。尙安得有呵斥分。祇瞞得有眼無珠之徒。明眼人前。魔形自露。趙州云。如今知識。枝蔓上生。枝蔓都大是去聖遙遠。一代不如一代。只如南泉尋常道。須向異類中行。且作麼生會。如今黃口小兒。向十字街道說葛藤。博飯噉覓禮拜。聚三五百衆云。我是善知識。爾是學人。可知法藏父子之魔形。從數百年前。趙州早爲判定。更不必到眼始知也。悟修皆以臨濟一棒。指人魔藏。斥曰。一橛頭禪。躲跟窠。白若論個事。無論奇言妙句。俱用不著。雖一棒一喝。亦爲剗法。古人不得已而用棒喝。原爲勸絕情見。直指人心。魔藏若以情見解會。乖謬之甚。古不云乎。一棒喝不作一棒喝。用何嘗執此一喝一棒也。魔意但欲抵排棒喝。希將伊所妄立之一○相。雙頭四法之實法。以邀奇取勝。殊不知其大乖教外別傳。無法可傳之旨也。且悟修未嘗謂一棒爲

千佛萬佛之祖。而魔藏妄捏一○相爲千佛萬佛之祖。獨非躲跟窠白乎。若將一○相作棒喝用。却是躲跟窠白。若將一○相爲千佛萬佛之祖。直是魔家窟宅矣。忠國師以九十七○相示就源。就源以示馮仰魔藏。杜撰稱爲然燈以前無文密印。當日就源示仰山。仰山一見。即焚却源後問仰山。即重集一本呈源。更無遺失。又馮山舉○相內作一日字。仰山就地畫一○相。內作一日字。以脚抹之。馮山大笑。魔藏但於仰山一見。即能記憶處。託爲神奇。而不於馮山大笑處。仰山焚却及脚抹處。薦取所謂韓盧逐塊。若謂九十七○相奇特者。朕今卽作八萬四千○相。歸於八千三百九十七○相。又歸於七百九十一○相。又歸於九十五○相。又歸於九○相。又歸於一○相。正如入海算沙。亦遊戲華藏之一具。有何奇特。至於三元三要。自臨濟唱出以來。古今宗師無不拈提。而皆不能分明舉似魔藏。乃執黃蘗三頓棒。以附會之。杜撰差排。是乃全不知三元三要。臨濟不云乎。大凡演唱宗乘。

須一句語具三元門一元中須具三要首提演唱二字演唱不能無言。句句須識元要方成活句。然一元而三要即具三元而九要全具如此。③④⑤乃元以立要要以貫元非九要不能貫三元得九要而三元始圓不分而分而不分所以元要之法無法不該如一棒喝不作一棒喝用顯而易見者又如四料揀之法亦如春夏秋冬之四時雖寒暑變遷總不出此一年此一年即棒喝也曹洞之五位亦如五行之五具不出此一氣此一氣即棒喝也若夫浮山九帶聯謂一句中須具九帶而九帶中須具五十五束又如汾陽十智同真聯謂一句中須具十智同真而一同真中須具五十五實如此與元要之旨何別堆而廣之難以悉數總之歷代祖師雖更換面目接引世人總不離世尊拈花臨濟棒喝之旨離此者即爲魔說況此棒喝能且萬法能消萬法此棒喝豈有定相一棒喝何得作一棒喝用魔藏不識目爲一槪禪如果言禪即一槪已屬多設魔藏意猶未足不知必待幾槪

方稱其魔意也三頓棒與三日耳響豈更有別意有何交涉乎又魔藏作五宗錄序以宰堵波爲喻以九級爲五時教義以結頂處爲如來禪以千丈旃檀從空破頂爲祖師禪以五光三昧爲五家宗派又自詡其言爲塔頂上加聚沙一掬種種魔說夫一切教相皆屬筌蹄壘土種瓜瓜成非土金從鑛出鑛豈即金乃謂教之級盡其結頂處即如來禪直同夢嚙且西來大意卽是如來涅槃妙心五家分派的歸宗何可分佛分祖而又分五家雖二乘之與大乘尙如皮肉骨髓層次歷歷而分拆不開何況單提向上邊事五光五派有何交涉大似漢代迂儒謂尙書二十八篇應雲臺二十八將魔意祇欲推五宗爲超佛越祖而擲沙加頂已又度越五宗如來所謂大妄語成者又魔藏指曹溪本來無一物爲落空亡外道而弘忍泥黃梅亦未見性一語死在句下夫祇就本來無一物句論固似自了之見而下既云何處惹塵埃亦可謂超越功勳直臻向上也黃梅亦未見性一語死在句下

者且不必論。若言掩人耳目者。亦非黃梅豈肯疑誤衆生。而米白無節之對曹溪。又豈世法謙讓悟修所判。雖稍備侗而藏忍。直斥爲空亡外道。轉見不堪。可見其自了。尙未能一味有爲實法。邪知邪見耳。弘忍又指斥密雲情與無情。煥然頓現。爲閨閣中物。引雲門直得大地無纖毫過患。爲轉句。不見一色。爲半提。須知更有全提。底時節。爲證殊。不知密雲之一棒到底。正是處處全提。皆是情與無情。煥然頓現之力。彼既未到密雲悟處。乃牽引雲門言句。附會蓋覆。狐憑於城。鼠依於社。使人不敢焚熏。究竟城社自是城社。狐鼠自是狐鼠。何能混狐鼠同於城社。弘忍又云。三峯師天童師。其源流我輩師。三峯師其法乳魔罪。不問自承。豈非並未會實。無一法可得。故曰源流所得有憑。有據。故妄云法乳耶。夫工夫了徹。識得自心。師資道合。針芥相投。啐啄同時。從上心印。亦惟言汝如是。吾亦如是耳。何曾有一法可傳。況亦實無一法可得。一言相授受者。如是。萬名法乳。若藏忍之邪知邪見。魔

外師徒以密傳口授爲乳。是乃毒乳。何云法乳。朕謂魔藏原非全無知識。只因離師太早。煩惱妄想。貢高我慢。祇圖爭勝。欲於法門中獨出一頭。不顧己之脚跟。全未著地。欲裝點智過於師。伎倆捏定。一〇四法雙頭等名。相擬爲超師之作。每立一妄語。即拮據文史。穿配古德言句。以證實之。正如永明云。以限量心。起分齊見。局太虛之濶。狹定法界之邊。疆遂令分別之情。不越衆塵之境。向真如境上。鼓動心機。於寂滅海中。奔騰識浪。於管中存見。向壁譚偷光。立能所之知。起勝負之解。齊文定旨。逐語分宗。蠅螟豈健於鵬翼。螢照那齊於日曜。魔藏父子之語言著作。永明數語。可爲判盡。當日魔藏取悅士大夫爲之保護。使緇徒競相逐塊。遂引爲種類。其徒至今散布人間。不少宗門衰壞。職此之由。朕今不加屏斥。魔法何時熄滅。著將藏內所有藏忍語錄。并五宗原五宗教等書。盡行毀板。僧徒不許私自收藏。有違旨隱匿者。發覺以不敬律論。另將五宗教一書。逐條駁正。刻入藏內。使後世

眞正知見者。知其魔異不起。他疑天童密雲悟派。下法藏一支。所有徒衆著直省督撫詳細查明。盡削去支派。永不許復入祖庭。果能於他方參學。得正知見。別嗣他宗。方許秉拂。諭到之日。天下祖庭。係法藏子孫開堂者。卽撤鐘板。不許說法。地方官卽擇天童下別支承接。方丈凡祖庭皆古來名利。且常住本屬十方。朕但斥徐魔外。與常住原自無涉。與十方參學人更無涉。地方官勿誤會朕意。凡常住內一草一木不得動搖。參學之徒不得驚擾。奉行不善。卽以違旨論。如伊門下僧徒固守魔說。自謂法乳不謬。正契別傳之旨。實得臨濟之宗。不肯心悅誠服。夢覺醉醒者。著來見朕。令其面陳。朕自以佛法與之較量。如果見過於朕。所論尤高。朕卽收回原旨。仍立三峯宗派。如伎倆已窮。負固不服。以世法哀求者。則朕以世法從重治罪。莫貽後悔。從來邪說之作。易惑人心。然內道外道。是非邪正。亦不難辨。本乎自性。而爲修爲說。卽謂之內。不本乎自性。而妄修妄說。卽謂之外。釋宗每關元門。

爲外如紫陽真人於所著悟眞篇後。另著外集。不雜元門一語。一一從性地演出禪宗。卽從上宗門禪師。似此曉暢無礙。包括於數篇之中者。亦爲罕見。而目之爲外。可乎。如眞人者是外之內也。如魔藏之徒。攘佛法而壞佛法。乃內之外也。曹溪清派。何可容此濁流。況此魔說。與魔子孫流落人間。末學受其無窮之遺毒。法眼慧命之所關。朕豈忍不辨其是非。天下後世必有蒙朕眉毛拖地之深恩者。須知此魔之不可不辨。因其爲佛界之魔。此異之不可不揀。因其爲同中之異。傳曰。息邪說。正人心。夫祛邪扶正。朕之所不得不然者也。學稽三教之名。始於晉魏。後世拘泥崇儒之虛名。遂有意譏黜二氏。朕思老子與孔子同時。問禮之意。猶龍之褒載在史冊。非與孔子有異教也。佛生西域。先孔子數十年。倘使釋迦孔子接迹同方。自必交相敬禮。蓋五典九經三物六行。治天下之大綱。小紀固始自二帝三王。而集成於我至聖。然必解脫諸相。而後此心方能達萬事萬物之性理。此則其必然。

者後世或以日月星比三教謂某爲日謂某爲月。謂某爲星。朕意不必如此作拘礙之見。但於日月星之本同一光處。喻三教之異用而同體可也。觀紫陽眞人之外集。自可無疑於仙佛一貫之旨。道既一貫。愈可以無疑於三教並行不悖之說。爰附及於此。使天下後世眞實究竟性理之人。屏去畛域。廣大識見。朕實有厚望焉。特諭。

雍正十一年四月初八日

御製揀魔辨異錄卷一

魔忍曰。佛不云乎。吾有正法眼藏。涅槃妙心。實相無相。微妙法門。付囑摩訶大迦葉。夫涅槃妙心。即吾人本具之廣大心體也。正法眼藏。即雙明雙暗同死同生之金剛眼也。心即眼。眼即心。實相而無相者也。如國之印璽。然無前際。無後際。無中際。一印而文理備焉。

若欲徵心。則雖豎窮三際。橫亘十方。猶徵不盡。豈未讀楞嚴七處徵心耶。可惜世尊於百萬人中。拈出一花。不在內。不在外。不在中間。直指人心。見性成佛。

却被魔忍。吾人本具之廣大心體。一句鈍置。煞了也。盡大地是一隻眼。乃以正法眼藏爲雙明雙暗。同死同生之金剛眼。豈止認奴作郎。明暗生死如何。又是金剛眼。金剛眼如何。又有明暗生死說明。金剛眼尙不得何。況暗金剛眼。說生金剛眼。尙不得何。況死金剛眼。無論孟八郎。恁麼去。大似韓盧逐塊。縱使說得毫釐無差。方成天地懸隔。正法眼藏。涅槃妙心。實相無相。微妙法門。若可詮註得破。何必迦葉。方堪受囑。且三藏十二分。早已說得盛水不漏。又何爲末後拈出一花。兩人相對。捏怪誑惑。天下後世男女。又謂心即眼。眼即心。然則離眼便非心。離心便非眼。耶。盡大地指何物。爲不是心。盡大地指何物。爲不是眼。將此心眼。自謂法王寶印。正同僞造印信。豈眞璽印耶。又以一印而文理備。拈提三際。夫三際者。無際之實際。實際而無際。若譬之一印而文理備。則謂之無前際。後際。猶依稀彷彿。如何是無中際。況未印。即前際。既印。即後際。又何所爲。無前後際耶。與三際之論。有何交涉。

魔忍曰。及其弊也。知解橫生。故不得不變。而爲機鋒。爲棒喝。又其弊也。不得不變。而定宗旨。宗旨定。若三代之禮樂備焉。雖千聖繼出。不能易矣。夫言論之弊也。弊於心性。而棒喝之弊也。弊於亂統。故從棒喝悟者。知亂統之病。而建同隔四隔。料簡元要。函蓋截流。等綱宗。臨濟雲門是也。從機語悟者。知心性之病。而建四禁五位。六相種種三昧門等。綱宗曹洞。湧仰法眼是也。

從上諸祖終日言而未嘗言。然而何一言離却宗旨。離却宗旨。其言又何足道。乃謂一弊而爲機鋒。爲棒喝。再弊而爲定宗旨。宗旨既定。若三代之禮樂備焉。雖千聖繼出。不能易。勦襲莊子之遺。蔡唐突佛祖向上邊事。可乎。如此則所爲機鋒棒喝。宗旨者。乃是實法。乃是妄語。乃是捏怪。乃是拖泥帶水。自救不了。魔之所以爲魔。如是如是。又謂臨濟雲門。建同隔等。綱宗曹溪。湧仰法眼。建四禁等。綱宗硬作主。張妄生區別。鴟鼠嗜糞。牽引鳳凰。與共一坑。同食埋殺五宗矣。

魔忍曰。正法眼藏。果易言哉。惟其不易言也。故先聖秘之。而聽其悟。惟其不易悟也。故聖沒而至於不提。夫聖沒既久。必有乘願再來之大士。起而救之。然而救之之際。不無觸諱。故有疑之者。有毀之者。甚至投毒下獄。篆面鞭背。在古人猶所不免。況今日乎。語曰。

柱急則斷。亦勢之固然也。三條老人。屢固然之語。而卒免矣。有所不能免者。其在我乎。

夫此一大事。雖釋迦牟尼佛亦秘不得。釋迦牟尼佛亦提不得。說法四十九年。三藏十二部具在。如何秘得。且山河大地。十方虛空。具在。如何能取而秘之。然說法四十九年。三藏十二部。不曾說著一箇字。如何提得。山河大地。十方虛空。應說剎說。熾然說。而悟者自悟。迷者自迷。又如何能取而提之。魔忍乃謂。惟其不易言。故先聖秘之。而聽其悟。惟其不易悟。故聖沒而至於不提。可爲白日噬語。此中本自清淨。此土本自極樂。何嘗有造次顛沛。被髮纓冠。景象。乃謂伊師魔藏。以此事湮沒不提。乃觸犯忌諱。而提之。禍事不了。伊又明知不免。挺身承當。而提之。可伶可伶。何苦何苦。

魔忍曰。夫世之爲書者。集點畫而後成字。集字而後成句。集句而後成章。章之成也。必有先後起止之迹。惟印則無之。學道亦爾。有小悟有大悟。大悟若印。小悟若集。書當是時。不顯巨匠之堂。未有不於點畫字句生滿足者。是故興化因大覺而見臨濟。先師洛浦由夾山以透牢關。一何黃龍。啓趙於文悅。雲門。羅許。

於雪峰至若瀧溪之造末山妙喜之從佛果是皆一悟再悟至於大悟一十八遍然而豈有他哉務與從上印文相合而止耳風穴曰祖師心印狀似鐵牛之機去即印住住即印破乃至印泥印水印空不留朕跡予嘗深觀之自拈花至馬祖臨濟凡三十九傳而此印再鑄光鈇四射晚之即喪其睛所謂印水者也自興化至圓悟大慧虎邱應菴又十一傳而諸老愈唱愈高愈造愈不可測若龍變虎踞風馳電轉所謂印空者也至華嚴而後此印漸沒矣嗟乎三峰先師穴重泉以出之磨其光刮其垢還其舊觀以用於今日所謂印泥者也何也老人生臨濟七百年大法滅盡之後一呼而不應再呼之再呼而不應三呼之聲爲之咽氣爲之絕四顧徬徨而未有和之者故不得不印諸泥上以待天下後世其爲心亦苦矣夫所謂印泥者何謂印文之不能化也非印文之不能化也泥之不能化也嗚呼吾輩之終日元要而不透元要之極者與彼一棒到底只不百步耳可不戒哉可不慎哉戒之慎之藏之護之以俟其人焉如臨濟者出焚其符剖其印重於空中圖畫五彩與正法眼藏暗相脗合是三峰之願也亦從上列祖之願也

三印者一印空一印水一印泥古今提唱或云山河大地悉皆消殞前後際斷則曰印空見山還是山見水還是水則曰印水末後牢關腳踏實地則曰印泥或云見空見有倘有見在則曰印泥非空非有猶落

中邊則曰印水若到一亦不立地位中邊俱捐如來如來如是如是則曰印空或云三印非是三關竝皆究竟極則空來空如則曰印空有來有如則曰印泥非空非有來非空非有如則曰印水三說雖若異同總不離正知正見非可情識知解卜度魔忍乃謂拈花至臨濟而此印再鑄所謂印水興化至圓悟愈唱愈高愈不可測所謂印空至華嚴而失其印至魔藏復得之重泉之中磨光刮垢頓還舊觀而爲印泥蓋謂此印即向印綬之印明得自己手中有箇如來佛傳國璽伊是真正覺王嫡子而已世法言之當同叛賊出世法言之可謂狂癡矣夫帝王統緒亦在奉天承運不在傳國璽之有無況乎覺王正令豈有璽印之可傳哉如果有之則是作爲實法矣伊之爲外道邪魔自供自認

魔忍曰四七二三諸祖師應機多標理致而棒喝機鋒始自馬祖諸老宿不察三峰之用心惜其異己至欲抹殺從上相承之法印自謂一棒到底不立義曰獨不思棒喝之始自誰乎若謂此棒直接馬祖之上則馬祖已上未嘗用棒喝也若謂此棒仍承馬祖之下則馬祖已下未嘗無宗旨也是二者何居若爾自

立門庭不從人得其如棒喝何通想推求實無本體反欲圖人之扶教懸命者爲無師爲外道爲旁出其論曰雖然今三棒往矣而圖書又一再至則吾之辨亦安能已耶非辨也教也

教者人有難而吾拯之也人之乎死而吾生之也若夫從上佛祖之宗旨自咸音以前無生彌勒以後無滅倘非出世闢法而何有於世諦何患何難何得何失而又何從而救之耶衆生心無處不緣惟不能緣於般若之上今於青天白日忽起狂華妄生救心妄立救相妄出救言妄成救境無論不須救實亦不受救而此大妄語成墮無閒獄則雖欲自救而不得也且宗旨之與棒喝有二乎無二乎譬如三峰法藏棒喝卽三峰宗旨卽法藏乃欲是法藏而非三峰滅三峰以救法藏氣急敗壞被髮纓冠不謂之狂人不可也謂棒喝如白馬祖豈知然燈以前未嘗無乎且如世尊拈花拈花非棒喝乎迦葉微笑微笑非棒喝乎推而廣之天有四時春秋冬夏風雨霜露天之棒喝也地載神氣風霆流形庶物露生地之棒喝也萬飛戾天魚躍于淵物之棒喝也爪生髮長脉動氣旋飯

過其中衣裹其外身之棒喝也何得云爲祖而後始有且棒喝亦名相耳譬如冠然夏曰收殷曰尋周曰弁秦漢以來曰冠魏晉以後始有帽之名今則冠與帽並稱而所謂收尋弁者無稱焉要而論之不過是暖此頭飾此頭之一器耳何問名之異同棒喝亦不過是建萬法消萬法之一機欲人自明宗旨耳其落處不涉宗旨其用處不離宗旨豈得將棒喝與宗旨斤斤較量何異將冠與頭斤斤較量不謂之愚癡不可也如此而一則曰宗旨再則曰宗旨是其所謂宗旨乃魔說而非宗旨以魔說爲宗旨安得不絕人慧命乎

魔忍曰四十九年說法皆隨機遮護至拈花一著始盡天上天下獨尊之旨先師開一花拈出圖證吾人心法廣大非臆談也圖書以一棒爲全提獨尊謂此外別有卽同魔說豈吾所謂全提獨尊之旨哉吾所謂獨尊者如天子爲萬國之獨尊吾所謂全提者如萬國皆在天子王化之中而一令而天下肅然一言而天下應除一官授一職而天下被其澤天下之教教化皆歸之故謂之獨尊非天下之外別有獨尊而獨尊之外別有天下也心法亦然洞宗有五位以君位爲尊臨濟有四寶主以主中主爲貴雲門有全

提半提以全提爲究竟。教中有溥印三昧。謂萬象森羅。皆在海光之中。無前際後際。而一時俱現。所謂全提獨尊者也。若夫關書之一棒。謂之法外之心。謂之乾慧。特孤獨之獨耳。獨可也。尊則吾不知矣。

世尊初生。一手指天。一手指地。周行七步。天上天下。唯我獨尊。雲門云。若使老僧看見一棒打煞與狗子喫。貴圖天下太平。雪竇云。雲門此語有兩負。門有一門不共戴天。有一門恩大難酬。古德提唱。究竟是何心行。且西天記此公案。又是何心行。若解不得。入地獄如箭射。若解得。亦入地獄如箭射。解得解不得。天下總然太平。何以故。天上天下。唯我獨尊。故密雲以一棒爲全提。獨尊尙復依稀似曲。若魔忍之。驗真乃烏焉成馬。有甚了期。又復牽合五位君臣。四賓主。謂五位以君位爲尊。四賓主以主中主爲實。不特與獨尊之旨毫無交涉。且五位中又可有四卑。而一尊四賓主中又可有三賤。而一貴耶。五位猶一手五指。四賓主猶一室四隅。莫非東看爲西南。觀成北。同中有異。異中同。豈可實實作一二三四五會。若夫指斥密雲一棒爲乾慧爲孤獨之獨。直是逆心熾然。妄呵肆

罵其祖。更無可論矣。佛祖語言。直是直心直行。只是向人直說。而會者自會。不會者自不會耳。何嘗隨機遮護。若隨機遮護。便是衆生相。并不到聖處。何爲佛語。

魔忍曰。凡先聖或示此。○相。或示此。●相。之類。若義之卦畫也。雖無文字。而天地萬物之理備焉。而七佛列祖傳法。偈若文王之繫辭也。所云雙頭獨結。無文密印等。其交象乎。蓋以此。○相。統言詮。以言詮入此。○相。不相害也。普臨濟大師初住鎮州。即謂普化克符曰。我欲於此建立黃檗宗旨。汝二人成視我二人稟旨上問濟於三段二打之後。以四料簡明之。於是便有元要賓主。照用等宗旨立焉。夫黃檗接臨濟。不過三頓痛棒。而濟乃建立若是。豈非三頓之象象乎。然卦無象。象卦之理固自若也。使由卦以知象。象由象。象以知卦。卦之理亦固自若也。今有人焉。執一畫以爲乾。問其乾之所以乾。則瞋目大怒。至欲焚其書。絕其人。止存一畫。以教天下後世。是果知乾乎。

伏羲時無文字。所謂三三。者。卽是乾字。非伏羲畫此象。而文王以乾元亨利貞注釋之也。至於○。則是何文字乎。又可作文字。邊會乎。易之爲書。雖天地萬物之理備。然此是其餘事。若論其旨要。皆所以盡人倫。人倫之內。萬有不齊。一一隨時變易。以期適得其宜。

必有道矣。聖人欲如善見毗婆沙律之一一分而列之。而不勝其蹟也。於是多方設喻。以該之。四聖各自作易道。則同而義不相襲也。與佛門相較。於律門最相似。於此不明。往往牽引易語。爲似佛祖教。外別傳者。此兩家門庭。皆未曾涉足者之說也。譬如藏內律文。何條有礙宗旨。擬指何條與宗旨相似。魔忍乃以○爲卦。畫以七佛列祖傳法偈等爲繫辭。而以其師所捏造之雙頭獨結。無文密印。爲爻象。眞所爲扣槃捫燭。無端蟻聖污賢。至以臨濟打克符。普化以四料簡明之。於是便有元要賓主。照用等宗旨。立焉。爲黃檗三頓棒之彖象等語。此邪魔外道之尤者。祖師機緣如清涼風。如大火聚。捉不得。近不得。豈有今日棒喝。而明日捏幾句話頭。以疏通證明之。知此祖師雖令洗脚。亦不需也。宗旨二字。卽同教外別傳。皆是不可名而強名出於無奈者。箇原不受這等塗污埋沒。今乃以四料簡元要賓主。照用爲宗旨。豈但迷頭認影。且認脚影爲頭矣。豈但元要等葛藤。卽三藏十二分。亦豈瞿曇宗旨。若云瞿曇以此爲宗旨。則爲謗佛。

魔藏頌世尊。座文殊白椎。公案云。人人都向世尊未。座前會取。早已錯了也。復頌云。兩邊空山水。藏經文殊何處著。龜脚脚底無旁問。寶座從他下與麼。

世尊。座文殊白椎。云。請觀法王法法王法。如是世尊。便下座。夫既座。則法王法絕覆藏矣。文殊既白椎。竟四至分明。訖又復作多口。阿婆丁寧。囑付曰。請觀法王法法王法。如是所爲。以慈悲之故。有落草之談也。魔藏既知空山水。確卽是文殊白椎。何以又不向世尊。座處張眼。明明看取。却云脚脚底何勞問。寶座從他下。與座。豈不以外道伎倆。妄測世尊耶。如此。豈不仍是向世尊未。座前會取耶。然則其所謂空山水。確者。却與文殊白椎。天地懸隔。空山在眼。何嘗觀無見之妙。見確聲在耳。何嘗入不聞之圓聞哉。

魔藏頌。鑒山拈花公案。云。大地花開。勝國春碧池。頻洞笑相親。自從惹得燕鶯語。話到於今。轉失真。

拈花公案。燕鶯恰恰道著。燕鶯卽是花語。卽是拈無二無別。而三峰藏云。自從惹得燕鶯語。話到於今。轉。

失眞連箇燕鶯之見尙未得一如在道甚眞與不眞

魔忍曰六祖入黃梅之室亦以袈裟遮圍微其前悟至應無所住而生其心言下大徹乃曰一切萬法不離自性何期自性本自清淨何期自性本不生滅何期自性本不動搖何期自性能生萬法黃梅知其微悟遂以衣鉢付之先師謂袈裟縷縷明示法教非苟然也蓋袈裟自一條至二十五條每條各五各各四長一短顛倒參錯開闔變化默印吾人本具之廣大心體圓融行布不滯一偏始盡此心此法之奧非心外別有所謂密付者也如六祖偈曰菩提本無樹明鏡亦非臺本來無一物何處惹塵埃豈非滯在淨處而於心法有所未圓者乎請試言之若此偈便爲究竟則三鼓入室不應復有言下大徹等語既有此語則偈旨之偏雖盧公再出亦當首肯今之人悟不及此遂謂先師以宗旨定在衣上不亦欺世之甚乎且初祖亦曰內傳法印以契證心外付袈裟以定宗旨若以衣表宗旨而宗旨遂在衣上則靈雲見桃花水潦被馬師一踏二公之悟應在樹頭之上鞋跟之下耶蓋未肯深思爾何則請觀世尊拈花之際普告大眾曰吾有正法眼藏涅槃妙心付與摩訶迦葉當是時人天百萬未有若秀公之徒起爭端者世尊不即此時付以金縷却於多子塔前重囑公案何哉則袈裟遮圍分座令坐之事有旨無旨不待辯而較然黑白矣感物之最大者天地是也理之最幽者陰陽是也而聖人迎日推策畫八卦考河圖測以渾天之儀觀以曆象之書然後天地之動靜日月之行度星辰

之區分陰陽寒暑之數開餘盈縮之變鬼神幽冥之情狀灼見而指諸掌由是而觀聖人之智慮過人遠矣使匹夫匹婦從而論之又烏得不增其味哉

儒者卽數以顯理謂理數不相離也然理是形數是影夫數實理虛而謂理形數影者何也理得而數隨之則是無定者乃一定而一定者乃無定也數無定而隨理之有定者以爲大小故以形影喻也此皆是儒門邊事若夫禪門先去理障直標心宗理尙不可說何況於數魔忍乃謂袈裟自一條至二十五條每條各五各各四長一短顛倒參錯開闔變化默印吾人本具之廣大心體圓融行布不滯一偏始盡此心此法之奧非心外別有所謂密付者眞是魔說伊不過略涉世典見乾數二十有五坤數三十坤之三十卽是二十有五而再五之坤統於乾陽實陰虛坤爲虛數惟乾之二十有五爲實數故乾數該萬有之數乾生生也生生者天地之心也天地無心人爲天地之心故生生之數二十有五而心之數亦二十有五也袈裟二十五條偶然符合遂謂以此表五人廣大之心體無論與無生法忍毫無交涉卽以易論孔子

所謂天數二十有五者。又何嘗預知後人之推測到此哉。不過理必與數符。自然恰合耳。有何奇特。至若所謂直標心宗者。豈是這箇心不見楞嚴經云。此非汝心。且又與袈裟何涉。如曰。卽此是不知才說。是卽已不是。是亦不立。況伊固非謂卽此是乎。以此誘惑士大夫之無學者。俾羣稱妙諦爲之外護。如此心行。眞乃汚濁祖庭。旣謂袈裟二十五條。默印心體。又自覺其說之迂怪也。於是又謂不是。將宗旨定在衣上。妄引靈雲桃花等公案爲證。總無落處。至謂世尊拈花迦葉微笑。未是授受。必待多子塔前。袈裟圍繞而後密付宗旨。鬼窟裏作活計。塗污世尊。結成魔界。應隨無閒獄矣。狂吠不了。忽又轉入世諦。謂物之最大者。天地理之最幽者。陰陽又謂聖人迎日推策。畫卦考圖而得其秘奧。聖人智慮過人。特地讚歎聖人一番。又謂使匹夫匹婦從而論之。烏得不增其昧昧等語。暗指伊師法藏爲聖人而密雲天隱爲匹夫匹婦。暗用韓愈送浮屠文暢序意義。借此向迂儒俗士打箇關節。眞所爲脅肩諂笑。病於夏畦者。此種議論宗

門語中何處著落。本無足辨。但恐後世無識之徒。或謂伊於儒門義理。尙有可取。不得不亦爲蛇足。一上夫天地曰兩大。尊稱之辭也。然雖蟪蛄之細。其氣皆是天。其質皆是地。固亦可曰莫小於天地。豈得但曰物莫大於天地。至於理最幽於陰陽之說。卽知伊連箇陰陽也不識。但可言莫顯於陰陽耳。夫陰陽以對待言。則男陽女陰。晝陽夜陰。推之萬物。皆然。塵塵刹刹。具在目前。可曰幽乎。連箇幽之一字。尙在陰陽甲裏。必得與顯爲對。然後可以論陰陽。如論其象。則顯而在外者。陽也。幽而在內者。陰也。如論其根。則顯而昭著於外者。形之可指者。陰也。幽而主運於內無迹之可尋者。陽也。何得云理最幽於陰陽。況乎天地亦不是物。陰陽亦不是理。卽此二語。其於世典亦是邪魔外道。何論禪宗聖人之所以爲聖人者。以其明人倫耳。孟子曰。聖人人倫之至也。大學曰。爲人君止於仁。爲人臣止於敬。爲人子止於孝。爲人父止於慈。惟能以三達德。

行五達道。故曰聖人若夫迎日推策。畫卦考圖。而知天地日月之行度等類。乃是聖人之多能。聖不聖於此。全無交涉。若於此等處。謂是聖人之所以爲聖。則是西洋回回之能曆法者。皆是聖人矣。況周孔之曆。在春秋堯舜之曆。在尙書。以算術考之。竝皆疎濶。而舛訛不及今之時憲。曆處甚多。若以此爲聖。則是昔之南懷仁。今之戴進賢。勝於堯舜周孔矣。豈不是盲人觀象。妄生議論。謂世尊多子塔前。袈裟圍繞。別無義味。慮行者三鼓入室。仍是何處惹塵埃。見地固是顛預。若如魔忍所說。又屬外道。學者既具正知正見。切須於此著精彩。

魔忍曰。金剛舍利建塔立廟。乃人天植福之田耳。結集法眼者。使真金剛。真舍利。照天照地。而光明種子。世世不絕。真續佛慧命者。事也。今乃抹殺臨濟正法。眼藏謂之學解。觀者此語。寧不惕然。

金剛舍利建塔立廟。亦不得但作人天植福會。會得則所爲正法。眼藏卽金剛舍利建塔立廟。會不得。則所爲結集法眼。續佛慧命。豈止不及人天植福之因。卽是滅慧命而續魔命。豈得不以善因而招惡果。夫

金剛舍利卽是法眼。如將金剛舍利建塔立廟。與法眼慧命。話成兩橛。卽屬脚跟不點地。漢沔法眼。豈由結集而成。如使可以結集。則尙安得謂之真金剛。真舍利。只結集二字。非止學解。直是魔外耳。魔忍自立爲臨濟嫡宗。與其祖師密雲爲難。思壓倒密雲。驅出祖席。全是好勝心。瞋恚意。尙何慧命。尙何法眼。不如樸樸實實。拜塔禮廟。熏此善種。以待來生。尙不錯過。何必託語言文字。橫造無窮之業。

魔忍曰。古今以聰明睿智。憤事者實多。而神堯神禹。不礙爲聖君。周公孔子。不礙爲聖人。七十子之徒。俱不礙爲賢人。未聞田舍翁。致君堯舜。而垂範百世者也。吾道亦然。故如來稱一切智人。而韋廉菩薩。於百工技藝。星相圖緯之學。莫不精究。第觀其用心。何如耳。關書於三經所說之法。不可測。遂貶爲旁出。稱瑞光頂兄。爲類已。頃見瑞光之錄。又不可測。而關書旋至。甚至以瑞光爲假冒。不識字之名。嗟乎。不識字者。所謂飽食終日。無所用。心有何佳名。而假冒之耶。但瑞光不幸。而墮此數中。又幸而得在先師鐘錘之下。發其覆。洵其滯。開其宿慧。使至於今日。輒前是而後非。法眼何嘗定歟。且西天諸祖。說法如雲。漫河決。至於馬鳴迦毗摩羅龍樹等。各著論百餘卷。亦呼爲聰明。旁出。可乎哉。

亘古亘今未聞以聰明睿智而債事者也。論出世間法無明本性卽佛性。聰明睿智又豈得不是佛性。謂之無心道人亦謂之無事之人。尙不得說箇事。說什麼債事不債事。論世間法聰而聖曰聰視而聖曰明。思而聖曰睿合而言之曰智。聰明睿智便是聖人。安得債事。今日古今以聰明睿智債事者實多。則不知其說爲何等魔說也。趙州出院路逢一婆子問和尙住什麼處。師云趙州東院西。婆子無語。師歸院問衆僧合使那箇西字。或言東西字。或言棲泊字。師云汝等總作得鹽鐵判官。僧曰和尙爲什麼恁麼。道師曰爲汝總識字。觀此則密雲斥瑞光假冒不識字之名。豈無落處。且不識字人又如何定是飽食終日無所用心者。販夫賈豎一字不識。其心日夜營營豈能休去歇去。以世諦言亦屬不解。況孔子所謂飽食終日無所用心難矣哉。者蓋策勵下學之辭。若向上事不又曰飯蔬食飲水曲肱而枕之樂亦在其中矣乎。如使尙有心可用安得樂在其中。至於宗門終日喫飯不曾咬著一粒米。然後到得飽食終日無所用心地。

位此正是絕學無爲閑道人也。魔忍乃曰有何佳名而假冒之不特不曾證此實際并不會聞此佳名矣。又譏密雲以魔藏所說之法不可測遂貶爲旁出。稱瑞光爲類已頃見端光之錄又不可測而闢書旋至。夫佛祖語言所爲如語真語實語不妄語不誑語。木頭卽是木頭。碌磚卽是碌磚。明明道得七花八裂而聽者不悟則依圓圖圖所以說者不由心意識而聽者亦不得向心意識邊摸索有什麼可測與不可測。魔藏魔光之不可測正是密雲之所痛心疾首不忍不關不得不關者也。魔忍乃復賣弄伊父兄之不可測正莊周所云鴟鼠嗜糞鵲鷄過之鴟鼠仰而曰嚇者矣。且伊等之語亦何不可測之有。凡不可測者惟此正法眼藏涅槃妙心則惟證乃知難可測蓋以纔用測時便落心意識既落心意識便如用墨染絹而求其白其染愈深其白愈黑故也。若伊等之所謂四法交加雙頭獨結勒成無文密印者不過穿鑿傳會四字盡之何不可測之有。極其微妙總歸一〇耳。亦既〇之則亦既測之矣。充其伎倆能舉陳年葛藤配

合得枝枝相對葉葉相當耳。夫此葛藤所當付之一炬。如其付之一炬。則亦既測之矣。能將諸子百家四庫萬卷種種無明窠窟資其譚鋒舌劍耳。夫此譚鋒舌劍等於鵲噪鴉啼。如其等之於鵲噪鴉啼。則亦既測之矣。然則更有何不可測者。乃敢附會馬鳴迦毗摩羅龍樹諸大士耶。詩云。巧言如簧。顏之厚矣。

魔忍曰。童子持鑑出遊。以表諸佛圓智。從來象示不可誣矣。至如龍樹現自在身。而提婆謂衆曰。無相三昧形如滿月。夫元黃未兆之際。聖凡罔立之先。果可以規模小見徵之耶。永嘉曰。大千沙界海中漚。一切聖賢如電拂。般若曰。一切諸佛及諸佛阿耨多羅三藐三菩提法。皆從此經出。然則先師謂無象一。相爲千佛萬佛之祖。其理固未嘗悖也。

○不在內不在外不在中間。○前無始後無終現在無現在。○不是心不是佛不是物。夫此○者。不過言思絕處不得已而爲之。然此言思絕處不得已而爲之。○只合供仰山一脚抹去。古德云。達摩西來只爲欲覓箇不受惑的人。若見於○。即已非。○若契於○。更何立。若立一。○即惑於○。若惑於○。即是謗。○今乃以○爲千佛萬佛之祖。然則千佛萬佛乃○。

之子孫耶。童子持鑑。鑑與童子是同。是異諸佛圓智與鑑。又是同是異。如何可作象示人。若然。則心如明鏡臺之句。能大師何以不肯。且既謂此鑑爲諸佛圓智之象矣。又曰。此無象一。○爲千佛萬佛之祖。○則象存又何言無象耶。

魔忍曰。達摩初破六宗。其意銳甚。及東來震旦。六番受毒。而不言。謗譏沸騰。而不辨。不契於梁。不聞於魏。不容於流支之徒。機亦危矣。稍有爭論。安能默坐九年。以俟二祖耶。又曰。天童當今第一名宿也。撥無宗旨者。孰不借口。予將使天下後世知天童盛怒之日。已有犯顏死爭者。如某庶亂統之弊。其少懲乎。

佛祖之開人迷雲。提示要旨。莫非慈悲之故。所爲無門解脫之門。無意道人之意。豈其有爭論是非。必欲己之勝。彼如臧三耳之說耶。此等凡夫。見尙不可塗污聖賢。何況佛祖。乃謂達摩初破六宗。其意銳甚。達摩意作麼生。魔忍於何見之意。尙不可得。何況於銳。豈有舌戰勝人之香。至哉。苦哉。香至受此大謗。況乎西天貝葉大都譬喻。彼小乘禪觀有此六種各封已解之流。達摩一一剖明。化導傳之。舍小趣大。然此六宗之徒。即謂之莫須有。亦可也。又安得有初破六宗。

意氣橫溢。若武夫斬將奪旗秀才狀元及第時境象。哉。擲屎潑佛斯之謂矣。明哲保身在儒門亦非趨利避害之謂。險莫險於嗜欲而患難不與焉。醜莫醜於凶德而六極不與焉。明哲者明哲於見理非明哲於趨避也。況乎宗門善惡齊屏吉凶齊致有無齊等生死齊際身亦非身何有於保。乃謂達摩履危機而默坐九年何其謬也。唐時無名老宿有云。祖師九年面壁爲訪知音若恁麼會喫鐵棒有日在。魔忍乃謂面壁九年以俟一祖。魔外心腸無名老宿於千百年前早爲觀破而抉示矣。夫亂統固是宗徒陋弊然與作爲實法妄建宗旨者彼爲五十步此爲百步。蓋亂統之害易分雪裏紛妄建宗旨之害難辨墨中煤故也。夫曰法喜曰禪悅曰樂土曰淨因曰閑道人曰無事人佛祖心行如是如是今乃曰將使天下後世知天童盛怒之日已有犯顏死爭者如某此是何等言語何等心行耶。恐天下後世之不知有魔忍也。恐人謂見與師齊滅師半德必欲冒見過於師之名也。恐天童之名在已上思天下惟羿爲愈已於是殺羿也。

恐天下後世之或是天童而非已也。恐天童之我先而天下後世之不以我爲善知識也。恐天下後世之知其然終不以其歸己以非歸天童。執祖孫之義以相訐非託父有諍子之義。不是以壓倒天童使天下後世皆盜跖天童而龍逢我也。究竟何爲而然則曰爲宋旨云爾。爲是非不立空有雙融聖凡情盡人我同根之宗旨云爾。能不捧腹絕倒耶。

魔忍曰。無然不識。塗毒鼓聲也。雪竇以本語作頌。可謂白珪無玷矣。後人向左右顧視處妄下註脚。而自謂不存知解。不亦難乎。東坡居士曰。本草謂芋爲土芝。能充饑益氣。惠州富此物。人食之者不免瘡。非芋之罪也。芋當去皮濕紙包煨之火過熱乃熟。噉之則鬆而膩。能益氣充饑。今惠人皆和皮水煮冷噉。堅頑少味。其發瘡固宜。夫直指人心見性成佛之言猶芋而綱宗則紙包火煨之法也。今諸窮子展轉求食者。如法噉之不復饑餓。若夫抹殺宗旨以揭眉瞬目見解。執悟中迷發爲狂打潑罵之舉。非所謂水煮和皮者耶。

休相憶。清風市地有何極。顧視左右云。這裏有祖師麼。喚來與老僧洗脚雪竇此語與丹霞燒木佛大相懸絕。既云清風市地則不喚洗脚者則已。如喚洗脚

者則欲求一不是祖師與之洗脚固不可得也是以密雲示人於左右顧視處著眼正是雪竇所頌而魔忍斥爲妄下註脚既不識密雲所謂卽不識雪竇所頌不識雪竇所頌卽不識達摩所對矣且廓然無聖及不識二語正是如語實語眞語不妄語不誑語乃謂是塗毒鼓聲然則以此二語爲權語耶又舉東坡煨芋說而以直指人心見性成佛爲芋以綱宗爲紙包火煨之法益屬謬論夫惟者箇不落圈穽非修持之所可到故曰直指人心見性成佛古德提持惟處處將此芋放人口邊而人不能食何嘗有紙包火煨之實法可說耶此芋天然異味食之無欠無餘不在春生夏長秋收冬藏之內何須紙包火煨盡大地作一張紙亦包不得徧虛空是一團火亦煨不得但要人喫得便九轉大還一超直入有何烹炮調和如法不如法耶乃斥密雲爲狂打潑罵之瘴不如密雲一棒到底正是剝好此芋放伊口中伊不解喫轉目之爲瘴氣伊師雙頭獨結無文密印之鳩毒轉以爲調和此芋之鹽梅將見入口而慧命已絕又豈止水美

和皮能發瘴氣已哉

魔忍曰永明壽禪師垂誠云學道之門別無奇特只要洗滌根塵下無量劫來業識種子汝等但能消除情念斷絕妄緣對世間一切愛欲境界心如木石相似直饒未明道眼自然成就淨身又云深嗟末世誰說一禪只學虛頭全無實解步步行有口口談空自不責業力所牽更教人撥無因果便說飲酒食肉不礙菩提行盜行淫無妨般若生遭王法死陷阿鼻諸佛出來也無救你處若割心肝如木石相似便可食肉若喫瀾如喫屎尿相似便可飲酒若見端正男女如死屍相似便可行淫若見已財他財如糞土相似便可侵盜饒你鍊得到此田地亦未可顧汝意在直待盡無量聖身始可行世間道順事古聖施設豈有他心只爲末世僧尼少持禁戒忍賺他向善俗子多退道心所以廣行遮護千經所說萬論所陳若不去淫斷一切清淨種乃至若不去酒斷一切智慧種如何後學略不聽從自毀正因反行魔說夫永明無量壽之應身其垂誠與楞嚴三決定議同一觀切後代魔子或借二祖調心之言爲行實如刻畫作檀像說名爲可憐憫者昔玉泉陷禪師製懷鼻棍書歷代祖師名字有狂僧效之語見而語曰汝具何道理敢以爲戲事耶祖血無及矣僧尋於廊門如所言而還夫酒仙觀子皆教聖中人應時而出以救一期之病非傳佛心宗者所宜效舉也至於末後一段光明轉疑爲信今之大言不慚者能如是乎

此篇舉永明之語儆戒依託宗門不持五戒之流孔

子所謂不以人廢言。縉流所宜猛省。雖然魔忍言此。其造業更甚於飲酒食肉盜財行淫。則又不可不爲誅心之論。何則。密雲患風。漢月乃誘令以川牛膝浸酒飲治有驗。密雲隨其計。漢月乃遍告諸方。斥密雲破戒煽惑當時士大夫。以奪其外護。如是心行父作之子。述之又假永明之言。粉飾點綴。末乃微辭刺譏密雲。以奪其宗席。於戲富貴利達之場。陷溺人心。愈巧愈深。愈變愈幻。失却自心。自食自肉。所賴一登菩提之門。更蟬蛻於濁穢。乃流俗日下。將得宗旨。與不得宗旨。又如得富貴與不得富貴。害人以自利。辱人以自榮。變幻萬端。深巧百計。釋迦視之。眞同出佛身血矣。莊子所謂竊金者誅。竊國者侯。聖人以仁義治國。乃并其仁義而竊之。其斯之謂歟。較之飲酒食肉盜財行淫種種諸業。猶一羽之較一鈞。輕重懸殊矣。

御製揀魔辨異錄卷一

御製揀魔辨異錄卷二

魔忍曰。祖有信心銘。近千言。其略曰。至道無難。惟揀擇。但莫憎愛。洞然明白。毫釐有差。天地懸隔。欲得現前。莫存順逆。要知臨濟德山千奇百怪處。不過驅學者喪盡心智。與此數語符合耳。彼義學之徒。解曰。至道本無難。易但不揀擇。即是帶夫蠢龍頭角牙眼。一一相似。惟不能行。兩所謂毫釐有差。天地懸隔。非宗旨何以辨之。

魔忍謂臨濟德山千奇百怪處。不過驅學者喪盡心智。與此教語符合。夫喪盡心智。尙未知曾得箇大死大活否。曷由卽與此數語符合。然雖大死大活。慧命旣續之後。洞山云。相續也大難。涌泉云。我四十九年。在這裏。尙自有時走作。汝等諸人。莫開大口。見解人多。行解人萬。中無一箇古德。言語切實如此。親嘗甘露味。人出口自是不同。豈若魔忍輩輕談般若。雖曰此中豈有階級。漸次然而無漸次。中大有漸次。沒階級處。大有階級。唯證乃知。談何容易。魔忍之論。譬如書生紙上談兵。數行之間。便身經大小百餘戰。關土開疆十萬里矣。還當得實事否。且臨濟德山門庭施

設原不過接引初機。所以欲令學人喪盡心智者。欲令學人自悟自性也。卽其入門便棒兩堂同喝等。觀

面相呈。當陽指示處。尙屬光影邊事。較臻大師銘語落處。猶是望長安而西笑。何況三元三要等一串絡索。且古德豈喋喋利口勝人者。特欲人於言思絕處。一念迴光。卽同本得耳。若魔忍輩所說三元三要等。不過欲天下後世推伊爲明宗旨。人欲人向伊邊討箇宗旨的關節。顯得伊是善知識。如此心行縱使說得天雨曼陀羅華。亦是子不語怪。何況不過烏焉成馬。有甚了期。一羣盲驢聚頭打謎而已。且陳爛葛藤中尋出什麼宗旨來。又將這箇宗旨去辨別那陳爛葛藤中打之邊者。此爲揀擇耶。不揀擇耶。此不過斥密雲一棒到底。爲貌似臻大師之不揀擇。而非眞龍其頭角牙鬣。雖似不能行雨。不如他得了宗旨。是箇眞龍。分得出青黃皂白。人有向伊開口者。與他宗旨合。則是善知識。與他宗旨不合。便是學人將此誑惑閭閻耳。如此先未曾發箇淨信。又說甚信心銘。臻大師明明說箇唯嫌揀擇。而伊則專事揀擇。明明說箇

但莫憎愛。伊則全是憎愛。只就語言文字邊會取其爲魔外。已是自己供招確鑿。

魔忍曰。五祖觀六祖偈畢。乃云。亦未見性在。及其三鼓入室。徹至應無所住。言下大徹。則亦未見性之語。皎然明白。後世發點云。故意不許以息其爭。而謂袞袞遮圍。不欲人見。非以世俗流布誣謗祖師耶。夫既曰入室。閉門足矣。何至遮遮掩掩。欲隱彌露乎。此無他。只欲於本來無一物上作解會。而袞袞遮圍。處注脚。不行強作此語耳。可發千古一笑。

密雲悟。據大藏中壇經所載。謂五祖一日忽見六祖。曰。吾思汝之見。可用。恐有惡人害汝。遂不與言。汝知之否。六祖曰。弟子亦知此意。不敢行至堂前。令人知覺。後五祖見法衆總驚。無不嗟訝。遂將袈裟了偈曰。亦未見性。在衆人疑息等語。關魔忍後世裝點云。故意不許以息其爭之語。亦是釘椿搖櫓。古今傳記不可信者甚多。雖史家載筆。尙多譌傳。況空山衲子。得諸往昔之傳聞者乎。本來無一物。何處惹塵埃。亦未見性。在自屬鐵案。但魔忍稟伊師魔藏之說。謂落空亡外道。必待袈裟遮圍。五五二十五細宗密旨。入室傳示之後。然後廬行者於黃梅邊得箇宗旨。如此塗

汚不但未了黃梅亦未見性之旨實於曹溪本來無一物未曾夢見則雖說得袈裟遮圍處與多子塔前因緣毫釐無差亦是學語之流何況伊所謂袈裟自一條至二十五條每條各五各各四長一短顛倒參錯開闢變化默印吾人本具之廣大心體種種魔說駕虛鑿空作爲實法乎伊師魔藏既斥本來無一物爲空亡外道伊又斥爲著在淨邊殊不思曹溪初見黃梅時黃梅令隨衆作務曹溪曰弟子自性常生智慧不離自性卽是福田未審和尚教作何務黃梅曰這獨獠根性太利著槽廠去經八月乃有各述心偈之事八月以前曹溪之言具在何得又有落空著淨種種狐疑耶總爲欲證其三鼓入室別有細宗密旨之魔說遂不顧謗祖之罪肆無忌憚耳

魔忍曰夫拈花一宗之始入震旦也不契於君不著信於縉素不著聞於朝野是故達摩以之而受毒二祖斃於刑璫大師混跡於潛山競競業業與道自匿故曰懷勿言自我所得法來也

拈花一宗四字卽是魔說釋迦以四十九年所說誠恐恒河沙世界盡未來際一切諸衆生迷頭認影以

心意識測其所說各封已見自立爲宗於是拈出一花於百萬人天中直捷提持迦棄尊者亦是忍俊不禁破顏微笑豈曰這便是箇宗相與誑嚇閭閻只爲多此一舉留下許多絡索直至於今如魔忍輩不了漢又在花邊拈邊成箇不快漆桶韓大伯有云一鬼橫身當古路蒼鷹纔見便生擒後來獼犬無靈性空向枯椿舊處尋然則提箇宗字釋迦早爲皺眉何況說一說二豈捨此別有故曰拈花一宗耶抑自有此拈花一宗後子孫蕃衍別子爲祖繼別爲宗遂有二宗三宗以至五宗耶其去達摩所破之六宗得毋更不堪也又謂始來震旦不契於君不信於縉素不著聞於朝野是故達摩以之受毒二祖斃於刑璫大師混跡於潛山競競業業與道自匿此等語句眞成世諦流布矣魔忍好以世典附會禪宗然卽以儒門論之如史記孔子世家載顏子曰夫子之道大故天下莫能容其語卽不可信不似顏子之言其問答亦不似孔顏心行論語中便不得有此種議論道者人之所共由于萬世之所同具豈得在一個人爲獨大而天

下莫容哉。況乎宗門益爲可發一大笑。達摩未來震旦。震旦遂無佛法耶。若然則達摩實實將得箇佛法來也。且如世尊所拈之花。達摩未來震旦以前爲有花耶。爲無花耶。震旦之花不因達摩來而始有。則佛法豈是達摩來而始有耶。若於世尊所拈之花。生殊特想。不信即是震旦所有種種諸花。不見人間青原。如何是禪曰。碌磚又問如何是道曰。木頭青原之碌磚。木頭又是達摩從西天帶來一種禪碌磚。道木頭耶。若謂碌磚非禪。木頭非道。青原不應造大妄語。如謂青原是實語者。則震旦之人與碌磚木頭相安久矣。碌磚木頭伊亦無欠。無餘。不見碌磚木頭有甚競就業業。與道自匿之處。何得無端謗毀達摩。及可璨兩大師得了箇什麼拈花一宗。寢食不安。坐立不穩。自禍不了貽累後人。

魔忍曰。六祖誕生之際。祥光燭天。威異僧與之安名。應跋陀三藏戒壇之職。聞金剛而發悟。聞涅槃而能講。至於示現。則目不識丁。使其稍涉學地。雖萬卷何難。顧時當如此耳。後之看不識丁者。遂借口於盧公。吾將請試之。聞誦而能講。如盧公乎。聞書而發悟。如

盧公乎。說法如雲雨。如盧公乎。偈頌之圓妙。昭微如盧公乎。楞嚴曰。想明斯聰。情幽斯鍾。夫真不識丁者。其以情塵固蔽。與之語世諦淺小。且瞋瞋焉。瞪目直視。况無上妙道乎。

有情來下種。因地果還生。於此閻浮提界有大果者。必有先兆。如小草落實於土中。一樣勾萌。甲拆而人不見。若大竹生筍。則雖猶在土中。而數日前地面早已大拆。慣掘筍者。一望而知子產。所謂用物稍多。則魂魄強。是以有精爽。至於神明。其死如此。其生何獨不然。然此皆是生滅邊事。譬如作夢。錦帳香重。重固是一夢。席地幕天。亦是一夢。其夢中作麼生處。錦帳圍香。與幕天席地。都沒交涉。若以曹溪始生之際。祥光燭天。異僧安名。跋陀留識。聞金剛而發悟。聞涅槃而能講。種種靈異。邊求曹溪。謂曹溪傳佛心印。實由再來不可勉強。卽是向繡幃金鴨邊尋好夢。謂好夢不由合眼而得矣。豈知人人具足。箇箇不遺。只愁不肯合眼。不愁不會作夢。使曹溪無此許多靈異。渠實實到得本來無一物。何處惹塵埃。田地亦能米白。一節卽成香飯。若無曹溪自性自度之力。雖有種種靈

異管取又過一生在世間如曹溪種種靈異而不如曹溪自性自度者。曆劫以來決定不知凡幾。特既不曾成箇曹溪。則亦不傳於後世耳。何得以傳佛心印。謂爲再來捏天下人之目。使之生花乎。至謂曹溪目不識丁。爲時當如此益屬怪僻。夫蒼頡造字以代結繩其功用之大。雖非一切器具所可比。然與製耒以耕。製室以居。製裘葛以衣。製焦燔以食。究是同途同類。未有字以先。豈無賢聖。既有字以後。賢聖豈在字中。賢聖用字。非字用賢聖。卽以儒門論。亦在知得行得。盡周孔所垂字中之意。不在識得盡周孔所用以托意之字。何況宗門識字不識字。有何交涉。不見永嘉云。損法財。滅功德。莫不由斯心。意識請問識字之識。離得這心意識之識麼。若離不得。則損法財。滅功德。正謂這箇識。何得自棄龍宮寶藏。伸手向貧子乞一文耶。人卽果如曹溪聞誦而能講果如曹溪聞音而發悟果如曹溪說法如雲雨果如曹溪偈頌圓妙昭徹而不如曹溪自性自度。亦祇是萬劫驚醒。橫天地縣隔在。又何得向此等處覓曹溪。無你尋摸處。且

情塵固蔽。又與識字不識字何干。識字則愈易滋其情塵固蔽。或有之矣。若以情塵固蔽爲不識字之罪。則眞所謂張公喫酒李公醉也。且如曹溪不識字。亦情塵固蔽耶。不識字而瞶瞶於世諦。則或有之。若無上妙道不在字中。不可以識識。豈與識字不識字有交涉哉。魔忍不過斥密雲不識字。又謂識字人方能悟道。取悅當時士大夫之無識者。使之疑天童而親己。乃一俗物耳。謂之曰魔。尙屬倖倖。雲門說法如雲雨。絕蓋記雲門不肯以語言繫綴人。故一說之後。都不存。省不許。偕者紀錄。故謂之如雲雨。絕言如雨。旣離雲。便不再到雲上。卽李白詩。雨落不上天。之意也。何得云說法如雲雨。又按南史。謝靈運譏孟顗曰。學道當須慧業丈人。生在靈運前成佛。當在靈運後。刻本傳。譌文字。譌爲文字。遂成學道當須慧業丈人。魔忍涉獵世典。而又不深曉。乃竊取謝靈運之謬論。又屬謬論中之謬傳。發此一段魔說。良可噴飯。卽以識字論。伊又何嘗識字。

魔忍曰。淮陰侯破趙。出背水陣。令韓將傳發曰。今日

破趙會食諸將皆莫信。佯應曰：諾。既而果以克趙。諸將問曰：兵法右背山陵，前左水澤。今者將軍令臣等反背水陣，臣等不服。然竟以勝，此何術也？信曰：此在兵法。顧諸君不察耳。兵法不曰：陷之死地而後生，置之亡地而後存。且信非得素拊循士大夫也。此所謂驅市人而戰之。其勢非置之死地，使人人自爲戰，今與之生地，皆走。寧尙可得而用之乎？諸將皆服。曰：善。非臣所及也。夫五家宗旨，備在四七二三。諸祖臨機與奪之中，盲師無眼，自不能見。而謂曹溪以後，厥旁岐，厥奇名異相，不惟不知臨濟諸宗，且未識曹溪已上爲何等語也。嗚呼！

引淮陰背水陣事，不過謂五宗語脉皆陷之死地而後生，置之亡地而後存耳。夫不向銀山鐵壁死盡偷心，固不得因地一聲五花八裂。然謂此四七二三臨機與奪，卽是宗旨，則何異寶鼠璞爲玉璞，轉譏密雲爲盲師，無眼自不能見，而謂曹溪以後，厥旁岐，厥奇名異相，不唯不知臨濟諸宗，且未識曹溪以上爲何等語。如此妄說，眞所謂以不狂爲狂者矣。夫厥旁岐，厥奇名異相，卽陷之死地而後生，置之亡地而後存，種種善權方便，是魔忍死在厥旁岐，厥奇名異相等字下，不知厥旁岐，厥奇名異相，卽是自己口中所說。

陷之死地而後生，置之亡地而後存之注脚也。然則不特不識曹溪，并亦不識臨濟在。則所謂陷之死地而後生，置之亡地而後存，亦是念言語漢，何嘗向從上古德處得半杓來。譬如不識淮陰用兵，應時及節處專一背水陣，將見盡驅入水。成王尋王邑，昆陽故事耳。且此事說箇宗早已不本，分無可奈何，強名爲宗。乃又生出臨濟諸宗，謂之一宗已鈍置煞人，那堪說箇諸宗十方薄伽梵，一路涅槃門，可以諸宗塗污之。耶！五官百骸八萬四千毛孔，祇得一箇身，厥旁岐，厥奇名異相，只得一箇善權方便，便謂此八萬四千毛孔之身爲實相，不可也。謂此厥旁岐，厥奇名異相之善權方便爲實法，其又可乎！

魔忍曰：達摩東來六世，而有曹溪。自曹溪而後，分爲兩支。其一曰青原，思思出石頭，爲曹洞宗之祖。其一曰南嶽，讓讓出馬祖，爲臨濟濁仰雲門法眼四宗之祖。禮曰：別子爲祖，繼別子爲宗。百世不遷者，別子之後也。今達摩之道，以南嶽爲別子，臨濟又南嶽後之別子也。五宗既定，當各宗其始別之祖，故源流始於臨濟。於義爲安。不知廣通何所據依，而曰挽祖回風，直接大鑒。若謂源流窮源，則西天始於迦葉，東土始

於達摩通乃上棄迦葉達摩之元祖下忘臨濟始別之本宗而中繼六祖將何爲者耶况其言曰爲祖以下縱橫肆出厥奇名異相羅籠天下學者則抹殺宗旨之罪明甚三昧力辨之觸其忌諱遂致相責連累腹至今日而不已蓋不察三昧之用心也傳曰人之有技若已有之入之彥聖其心好之近世傳佛心宗者誠能好三昧之道以自輔俾其考定乃祖乃宗法與名位則曹洞禪仰可以並美屬亦晚矣

宗門法嗣稱爲父子蓋父子之義生身所自法嗣之義無生身所自固非但有假名而無實義要知實義卽是假名然必悉如世法高曾祖考子孫曾元斤斤論之所爲擬人前不可說夢至若禮記所稱別子爲祖繼別爲宗等說蓋因古之中華與今之塞外部落相去不遠不得不各君其國各子其民既各君其國各子其民則不得不有宗法以爲大宗小宗之別使大宗世其爵土以育小宗小宗守其名義以奉大宗故曰宗尊也後世封建變爲郡縣而儒門猶以古之宗法理今之族人亦是癡人前不可說夢今魔忍謂南嶽爲別子臨濟又南嶽後之別子五宗既定當各宗其始別之祖更是癡夢說癡夢矣夫別子也者支

子也庶子也支庶之名以有嫡子而起別於嫡子故曰別子今曹溪法嗣四十三人究竟四十三人中何人是其嫡子何人非其嫡子乃以青原南嶽俱作別子論可乎又譏廣通直接曹溪之說爲抹殺宗旨又斥其上棄迦葉達摩之元祖下忘臨濟始別之本宗夫論自性自度則非從人得并不得謂已得且釋迦與已等是無得亦不可云從釋迦得亦不可云非從釋迦得然而得無所得莫不歡喜讚歎感激無可名言則曰釋迦牟尼佛大慈悲父若如魔忍之論則稱釋迦牟尼爲大慈悲父者便是滅煞從上古德而昌認西天第三祖以下爲兒孫耶若論宗旨不得舉一若云門庭施設則厥奇名異相無所不可況所云宗旨亦是奇名異相亦是門庭施設若作實法會并門庭施設亦非乃欲天下後世宗徒並好伊師之說考定乃祖乃宗法與名位牽連一坑埋却不識伊乃祖乃宗法與名位是何等邪魔外道古人云臨濟小厮兒亦具一隻眼伊雖欲牽之入火坑臨濟固是如水不可入如火不可近如地不可捨如風不可捉也

宗門不涉文字。固不得以文字辨論。但魔藏父子。動即援引世典。差排牽合。又不得不即以世典明其舛謬。以解無學者之惑也。夫宗法之宗。與宗門之宗。不過宗字偶同其實。方底圓蓋。宗法之宗。宗者尊也。如周天子則爲大宗。爲天下之所尊。若魯若衛。則爲別子。爲小宗。爲一國之所尊。其在異姓。如太公望。開國於齊。則爲大宗。爲一國之所尊。若丁若桓。則爲別子。爲小宗。爲一家之所尊。至於禪宗。宗字與宗法有何交涉。宗者總持之謂也。到此言語道斷。心行處滅。爲一總持。涅槃不二。不知其名。強名曰宗。是故教曰說通宗。曰宗通宗之爲言如是如是。是達摩破六宗而爲教外別傳之一宗。大鑒大通分爲南宗北宗。其後南宗又分爲曹洞臨濟。滙仰雲門。法眼五宗。蓋皆唱導一時。爲人所欽仰而推崇之。爲某宗而已。與嗣續之義何涉。如何率合傳會。歷代無識。啞羊輒欲攀古名宿。爲之祖父。以爲世榮。誤認禪門宗字。與宗法宗字同義。於是議論蜂起。聚訟不休。遂成五家各有宗旨。各傳其子孫。齊文定旨。逐語分宗。口傳耳授。意想識

知將曹溪一味醍醐。化爲五般毒藥。吁可歎也。殊不知宗法必合考妣而論之。以分宗子。別子禪門。何由強同。卽景德傳燈錄有旁出法嗣之名。亦屬謬見。佛說十方薄伽梵。一路涅槃門。又曰。唯此一事。實餘二卽非真。稍涉旁岐。卽屬外道。安得有旁出而又可謂之法嗣之理。此事無邊而不中。可曰旁乎。不出而不入。可曰出乎。密雲悟付法藏。留爲旁出一枝。卽屬智眼不明。魔藏父子。乃欲考定宗法。自立爲臨濟正宗。種種貪嗔癡相。不過欲諱却旁出二字。而不自知其說之謬戾。至於此極也。魔藏輩每斥密雲目不識丁。不知伊識丁之害大。至絕人慧命。小亦累人笑而齒冷。

魔忍曰。六人共證一體。如初祖皮肉骨髓。隨以揀道之偏全。其意固不在是。開書未免隨語生解耳。昔者雪竇顯公典客太陽客。與論趙州宗旨。曰。法眼禪師昔邂逅覺鐵嘴。於金陵。問曰。趙州栢子。因緣還記得否。覺曰。先師無此語。莫謗先師好。法眼拊手曰。真自師子窟中來。覺公言無此語。而法眼肯之。其旨安在。顯對曰。宗門抑揚。那有規轍乎。有苦行名韓大伯者。貌寒癯。待其旁。輒匿笑而去。顯怒曰。我對客語。爾敢慢笑。何耶。對曰。笑知客智眼未正。擇法不明。顯曰。豈有

說乎對以偈曰。一兔橫身當古路。蒼鷹繞見便生擒。後來獵犬無靈性。猶向枯椿舊處尋。顯陰異之結。以爲友。嗟夫。韓大伯者。固奇矣。而顯公受善。遷過。更不可得。真古令傑士哉。

無善也。無過也。并無善。無過之無。亦無也。無無既無。纔名初發。心住三藏十二分。千七百則公案。道是善。則皆善。不待成卷。成則成句。成字而後善。舉筆沁墨。落紙成點。而已善。開口轉喉。出氣發聲。而已善。道是過。則皆過。亦不待成卷。成則成句。成字而後有過。舉筆沁墨。落紙成點。已成大過。開口轉喉。出氣發聲。已成大過。於此尙未薦取。便欲談宗說旨。盡成世諦流布矣。何有吾宗。所以法眼益覺。鐵嘴論趙州栢樹子公案。覺謂先師無此語。莫謗先師好法。眼拊手嘖嘖。歎爲眞自師子窟中來。而韓大伯并不肯雪竇宗門。抑揚無軌轍之語。爰有蒼鷹擒兔。頑犬尋椿之喻。魔忍乃謂雪竇遷善。改過夫韓大伯何善。而雪竇何過。耶。其意不過暗刺天童關書之爲飾。非拒諫不知其爲埋沒雪竇。埋沒韓大伯。埋沒覺鐵嘴。埋沒法眼。埋沒趙州。埋沒遠塵。埋沒栢樹子。鷹兔犬埋沒魔忍。自

己本命元辰。特教密雲悟一。槩頭硬禪。逞智作威。一棒直打到底耳。夫一棒亦可爲躲。跟窠白然。一棒又豈非直透三關。若因一棒打著色身。而色身中是見。非見。善見。過見。熾然發露。於是疑之。謗之。誣之。陷之。不知拄杖子早已勃跳上三十三天。恁爾向舊處捉搦。眞韓大伯所爲獵犬無靈性也已。

魔忍曰。馬大師開化於江西南嶽。問衆曰。這一爲衆說法。否。衆曰。已爲衆說法。師曰。總未見人持箇消息。來衆無對。因遣一僧去。囑曰。待伊上堂時。但問作麼生。伊道底言語。記將來。僧去一。如師旨。回謂師曰。馬師云。自從胡亂後。三十年不啻少鹽醬。師然之。此一語是塞心性義路之錮。錮摧生死魔軍之利劍。而直指人心。見性成佛之指南車也。金剛棘蓬穿人鼻孔者。自此而始。但不可向癡人說夢耳。

心性義路。卽是唯識眞詮。生死魔軍。卽是涅槃佛果。古德云。若取一法。不成法身。若捨一法。不成法身。若欠一法。不成法身。若剩一法。不成法身。安得厭離心性義路。而爲錮錮。以塞之。自塞則爲怖頭塞。他則爲狂藥。況諸佛在衆。生生死海裏。衆生在諸佛無生死門中。佛見若起。卽爲是魔。魔見若空。卽爲是佛。欲斷

生死即不了生死。既了生死，乃本無生死。又何得有所爲摧生死魔軍之利劍乎？況義路乃識神生死本。唯了達心性，則義路即是涅槃。今混心性義路而一之，不知既曰心性，何云義路？既曰義路，何云心性？耶？生死者衆生見耳，不了生死而欲斷生死期爲魔見。今以生死爲魔軍，可見其未了生死。夫天地萬物並。在生死海內，豈得斥之曰魔？足知伊之爲魔眷屬，直指人心，見性成佛者，橫該十萬一切處，豈徹三際一切時，皆是心？皆是佛？故曰如牟尼珠體，非一色如寶。絲網層映相連，是爲圓宗，不出而不入，安得有指南車之可喻？如以指南車喻，則此圓宗是有一定之所。而馬祖此句，實有直指之能，能所雙黏，圓宗頓泯矣。夫唯這箇唯證，乃知不可以語言文字傳，雖有無礙辨才，不能使未證者，因吾語言文字而證。若其因之而證，還是伊自心自證，否則說者徹底說破聽者，依然團圓轉，礙伊正見。所以古人有父母所生口終不爲汝說之語，令人自心自證，善權方便，則以無義味語置伊八識田中，如金剛圈，如栗棘蓬，吞不得吐不

得到得真參實悟，報恩有分。此正古德無緣之大慈同體之大悲，豈欲將此穿人鼻孔，操縱自由是何心行耶？且此數句與馬祖上堂自從胡亂後三十年不曾少鹽醬有何交涉？馬祖闡化江西南嶽，以無人持箇消息來，遣一僧往，問作麼生？馬祖乃作是語，蓋其境智融通，理事無礙，絲毫不離本分，即便以本分事接人，隨緣應機，答此。驀問作麼生之僧耳，何嘗謂此一語可以蔽塞義路，斫斷生死，有指人成佛之能，可爲穿人鼻孔之具，流傳數千百年，宗旨自此始立耶？如魔忍者是癡人說夢，乃轉謂癡人前不可說夢，何其謬也？圓悟云：若向下委曲提持，則敲牀豎拂，瞬目揚眉，或語或默，說有說無，若向上提掇，如擊石火，似閃電光，有時行棒，有時行喝，有時箭鋒相拄，有時佛眼覷不見，雖然如是，猶有向上向下忽遇其中人，却沒許多般事，只是現成。所以道：山是山，水是水，天是天地，地不移，易一絲毫，正當恁麼時，還委悉麼？萬邦有道，歸皇化，偃息干戈，樂太平，圓悟此則語，句學人薦得自知，馬大師落處，直是現成魔忍說妙。

談元皆爲實法

魔忍曰大師應般若多羅之議爲震旦第一法王觀其施設如石季倫譙客雖厨厨卑穢之地羅列雜寶客隨手而得之往往揖婢爲夫人錯愕遷避自謂入崇之室及其登廣鑑罰巨觥照以明月之珠使緣珠歌於前十丈珊瑚一擊粉碎又不覺爽然自失此大智之得於扭鼻而失於最後之一喝臨濟所謂吹毛用了急須磨是也夫虎豹之威信乎其猛矣或不免於戈戟吞舟之魚信乎其大矣或難逃於巨浸騏驎之駒瞬目而馳千里人得而縶之以其跡在耳惟龍則不然大而溟渤小而盃盞間莫不卷舒自得排山嶽與雲雨過而不留變化而莫窮得此道者謂之龍奮迅三昧馬大師其是乎變三十四祖之法式融其弊掃其轍若疾雷之破山使心性解路之偷心聞之立死如金翅鳥王直取龍舌然後翺翔九天不住虛空不離於空不爲空性之所留滯我爲法王於法自在不特龍變而已後來臨濟雲門渴仰法眼各建寶幢不過一爲拈出豈於三日耳豈外別有宗旨哉然則今之不透重關認悟中迷爲實法者與客之登廁得實時節等耳

無論馬祖未嘗變三十四祖之法式莫謗馬祖且三十四祖何嘗有甚法式莫謗三十四祖無論謂三十四祖有轍可掃有弊可融是謗三十四祖卽謂三十四祖無轍可掃無弊可融尙是謗三十四祖何也尙

落箇無字在乃謂馬祖融三十四祖之弊掃三十四祖之轍爲震旦第一法王不啻斥馬祖是震旦第一大魔矣從上古德俱登一際解脫之門盡受平等菩提之記至於任性牽舒隨緣接物各各時節因緣不相同是以各各語默作止不相襲譬如東西南北不得謂此方勝於彼方地水火風不得謂此大高於彼大盡是門庭邊事不關涅槃妙心若馬祖門下八十四員善知識箇箇堪作十方導師固是馬祖錯錯不同要亦是一時法會因緣德星會聚是諸人等各各自性自度得無所得豈是馬祖曾經箇箇教以無文密印雙頭獨結種種作爲實法耶夫唯這箇向之卽背近之卽離取之卽失急之卽遲千聖拱手而無計較一門深入而忘覺知中心自證不從人得有何法式之可言又有何弊何轍可融可掃哉夫垢淨雖曰不二然舉屠坊酒肆中語唐突佛祖譬如不麤莽陀利而麤伊蘭不成鼻功德晉書石崇傳何堪引喻馬祖施設但以施設言却正可以豪富喻多財之人自必百事易遂却與身心性命有何交涉門庭施設亦

復如是要之與這箇料掉沒交涉。魔忍乃鋪張揚厲見得伊師所建宗旨源遠流長。直從馬祖得來。以此爲壓倒密雲之具。實爲邪說。又斥密雲爲不透重關。認悟中迷爲實法。夫不踏末後一關。雖菩提涅槃。眞如佛性。趙州謂之貼體衣服。猶爲實法。蓋有一絲頭。卽是一絲頭。一絲不圓。一絲是實法。一微塵處未了。一微塵是實法。以此檢點他人。誰能避其舌鋒者。雖然。目眼未開。莫問他目如魔忍者。六根尙未斷五戒。尙未持身居迷中之迷。而責人悟後之悟。亦可嗤也。以迷人空。故起我見之愚。隨情生執。以迷法空。故達現量之境。逐塊弄丸。縱使檢點得毫釐無差。正所謂如蟲食木。猶奴數錢。與自己何益耶。

百丈野鴨子公案。魔忍曰。野鴨子飛過去。捉轉鼻頭哭。笑處是伊會也。又深明劈破圓圖未相許。却把住道道。魔忍曰。劈破圓圖未相許。若人悟得。不勞再參。

自他俄立逆順。隨興一念。墮常卽爲物轉。故謂之劈破圓圖。而馬祖不許。亦爲依稀似曲。然若如是不合於圓圖中。妄建宗旨。妄起分別。妄謂千問千打爲一。

擬頭硬禪妄立一〇爲千佛萬佛之祖。妄作雙頭。結四法交加細宗密旨等。誑惑閭閻。若如是方且不肯滅却野鴨子。以伸自己豈肯滅却。辨香來處。以伸自己。這人行處。如火消水。箭既離弦。無返回勢。金既出鑛。永無入鑛之期。木若作灰。再無成木之理。然則伊所爲劈破圓圖未相許者。祇道百丈鼻頭不痛。後尙自圓圖未嘗劈破。直待振威一喝。三日耳聾。然後一時百轉。碎大機大用。現前能作龍。當還三昧也。豈不是全離本分。一向認奴作郎。脚跟不點地。於此一蹉失。豪釐有差。天地懸隔。直至於欲憑口頭。滑利滅却。目不識丁。老禪和使天下後世無復稱爲愈已。如此作爲。不道伊魔力不能橫絕四海。只是業識茫茫。無本可據。自誤誤他。塗污慧命。夫唯這箇不在內。不在外。不在中間。是以皆在。也不是心。不是佛。不是物。是以皆是也。一毫端建寶王刹。是以碎入微塵。盡大地是一隻眼。是以圓融無際。抽刀斷水。水復流。劈之。不破一月。普現一切水。破處皆圓。然則劈破圓圖之說。果何處安著耶。卽謂指百丈飛過去也。一句說亦。

屬不了之談。何得謂若人悟得不勞。再參至於古德。機用雖復千變萬化。不過建化門庭。一時老婆心切。亦或逢場作戲。本非如實極談。若非一切遺卽是一切立。與本分交涉。本分風光。無有可遣。以一切法悉皆真故。亦無可立。以一切法皆同如故。若將門庭邊事。認爲本分。以貪痴愛水。違順想風。於垢淨識地。發恚嗔。愚火。迷人空。則起我見。迷法空。則障圓聞。機用愈深。去道愈遠。盡屬凡因。豈成聖果。夫聖凡情。盡始許問津。若離聖。逐凡已遠。起信初地。向後尙何可言哉。極其所至。如魔藏父子。竟成小人之無忌憚。學者安可不猛省。故曰參須真。參悟須實。悟從初徹。一切空有。切須腳頭穩實。

魔忍曰。馬祖以三疊醬寄百丈。可疑也。百丈上堂。一時打碎。又可疑也。不疑馬祖百丈。而疑先師以三數表法。可謂不善疑矣。不善疑而求善悟。譬若首燕而之鱸也。

凡所有相皆是虛妄。若見諸相非相。卽見如來。譬有一豪起處。悉落見聞。從分別生。俱非真實。若不達無相。卽相則是取相。凡夫若了相。卽無相。則成唯心大。

覺既不可取相求悟。亦不可離相思空。卽不離覺性。自現韓簡曰。物生而後有象。象而後有滋。滋而後有數。象既虛妄。何況從象滋生之數。這箇若可以數表。則不當云不二法門矣。夫不可有二。故曰唯此一事。實不可有一。故曰不二法門。百萬億那由他算數譬喻之所不能及之多。卽此一是不可有一之一。百萬億那由他算數譬喻之所不能及之多。是多無自性。卽一爲多。一無自性。卽多爲一。一亦不立。多尙何存。多既森羅。一自顯現。爲一爲多。莫非幻住於多於一。皆達真源。是故非多非非多。非一非非一。今魔藏以三數表法。將以表何法耶。夫法者百萬億那由他算數譬喻之所不能及三數何其少。不可有一三數何其多。如上種種言多言一。皆是虛妄。從分別生。非爲真實。於百丈打破醬罏公案。尙屬不快。漆桶多嘴。阿師沉於三疊醬上。從三起義。謂從黃梅三疊。確出因而黃蘗三頓棒。與化三拈香。如此拈弄。直是痴狂。未知百丈打破醬罏。可是三棒否。百丈耳聾。固是三日馬祖之喝。何以不二。黃蘗聞舉。應當三吐其舌野。

鴨子當是三隻。振鼻大痛。當是三振。歸寮哀哀痛哭。當是三聲。適纔哭而今笑。當是二笑。所以後來開堂說法。曰三十年不少鹽醬。想馬祖知其悟得三數。遂以三鹽醬遺之。可惜兩堂無一人能如藏忍父子得知三數表法者。於是百丈一齊打碎醬。不得喫。馬祖於是不復再遣人遺以鹽三斤耶。藏忍兩盲驢聞此不知亦發一笑否。

魔忍曰三問三打古今惟黃蘗一人又止於接臨濟一用。若再問則效響者繼然而起矣。況千問千棒萬問萬打可至今日而無弊乎。昔者昭覺動禪師常曰近來諸方盡成窠臼。五祖下我與佛鑑。佛眼三人結社參禪。如今早見漏逗出來。佛鑑下有一種作狗子。卧鶻。鴟。鵂。取笑人。佛眼下有一種觀燈籠。露柱。指東畫西。如眼見鬼。我這裏且無這兩般病。妙喜曰。擊石火閃電光。引得無限人弄業識。舉了便會了。豈不是佛法大窠臼。動不覺吐舌。乃曰休管他。我以契證爲期。若不契證。斷不放過。妙喜曰契證即得。若只恁麼傳將去。舉了便會了。硬作主張。擊石火閃電光。業識茫茫未有了。日勤深肯之。噫證之一字。惟宗旨可以辨驗。否則金鑰混雜。孰敢誰何。

己眼不明。終無爲人之分。若使頂頸上具眼。禪師任爾如何。蓋覆如銅鐵金銀入罐。便曉罐無分別之意。

火無辨驗之心。罐火何嘗預立箇法門。以待銅鐵金銀之就勘。若別有勘銅鐵金銀法門。便不成罐火了也。大慧杲遠遜其師。圓悟勤處。即此便見。明明向伊道以契證爲期。若不契證。斷不放過。猶道若只恁麼傳將去。舉了便會了。硬作主張。擊石火閃電光。業識茫茫未有了。日此語圓悟勤何由深肯。即當日深肯其語。知他圓悟勤是何心行。從上古德接引學人。皆是應時及節。隨病發藥。至於契證。離却六祖只合自性自度一語。有何奇妙秘密之旨。可以自我度他。若有即是魔說。即是實法。自救不了。如何爲人魔忍。乃以密雲千問千打。萬問萬打爲有弊。而謂證之一字必宗旨可以辨驗。否則金鑰混雜。孰敢誰何。夫密雲千問千打。萬問萬打。固是金鑰混雜。然猶是金。則從他。金鑰則從他。鑰若魔忍以作爲實法爲宗旨。則自己通體是鑰。却欲辨他孰爲金。孰爲鑰。化他鑰令成金。豈非業識茫茫未有了。日譬如身在岸上。則能拯人以出於水。若自己沒頂入水。而自誇有辟水珠。呼在岸在水之人。隨伊所向。則其爲非拯人出水之人。

而爲引入入水之魔必矣。三問三打何所見古今只黃蘗一人。黃蘗平生何所是只接臨濟一用箇事。豈在冊子上考究得者。三問三打如使黃蘗負墮那許他偶然一用。若果接得臨濟何妨。千問千打萬問萬打。此事從冊子上得來者。古人皆斥爲念言語漢何況從冊子上查考故事。威音那畔今世門頭種種事。相百萬億那由他算數譬喻之所不能及其載在冊子上者。乃恒河裏一沙耳。卽載在冊子而目光未到。不會裝入茫茫業識中者。當不知凡幾。乃欲據兩眼如豆之光查看所得者。以評論箇事。豈非輕談般若乎。古德云。諸祖共傳諸佛清淨自覺聖智。眞如妙心。不同世間文字所得。若有悟斯眞實法性。此人則能了知三世諸佛及一切衆生同一法界。本來平等。常恒不變。是知吾宗本無有旨。旨卽已非宗。無可名言。強名宗旨。以離却心意識。故今乃以心意識所造之雙頭獨結等辨驗一切衆生心意識。如打謎如射覆中者。則謂之契證。宗風掃地矣。此事豈可意解情求。若以意解情求。如將鬼角之弓。架龜毛之箭。以無

手之者。擬射碎須彌之山。似傾歷沙之油。點無煙之火。貯漏卮之內。欲照破鐵圍之闇。徒役狂心。無有是處。今以狂心所造之狂華。飲人狂藥。令人同狂。以爲宗旨。以爲契證。將使末學受其無窮之遺毒。如欲仰報佛恩。安得不思迴狂。瀾於既倒。反覆辨論。其能已乎。

魔忍曰。余救五宗禍患。死生不顧。措意但恐百千世後。不復知有揚子雲爲可歎耳。

常寂光中毗盧頂上有甚禍患。死生說甚措意不措意。魔忍自詩其因救五宗之故。不措意於禍患死生。又以後世人之不知爲可惜。復自託於揚子雲以見後世之必知。請問此等語言。在常寂光中毗盧頂上有可著處否。不污濁否。雖然。伊忍百千世後。不復知有揚子雲。豈知百千世後。必知有揚子雲。猶夫百千世後。必知有魔忍。此則自因生自果。理合遺臭萬年。無可如何者也。揚子雲者。王莽之大夫也。其急欲貌爲孔子。正與魔藏父子急欲貌爲臨濟同。其作法言仿論語。作太元經。仿周易。正與魔藏父子妄立雙頭。

獨結等爲達摩西來宗旨。同其作劇。秦美新正與魔藏父子作五宗原五宗教。同魔藏父子特不及揚子雲博學多聞耳。然揚子雲陷身亂賊。爲忠臣孝子所羞。稱魔藏父子倒戈乃祖。乃父爲宗。徒中之敗類。其罪正同伊欲自比揚子雲。供招已定。可爲千秋鐵案。華嚴經云。汝承事一切善知識。應發如大地心。荷

負重任。無疲倦。故應發如金剛心。志願堅固。不可壞。故應發如鐵圍山心。一切諸苦。無能動。故應發如給侍心。所有教令。皆隨順。故應發如弟子心。所有訓誨。無違逆。故應發如僮僕心。不厭一切諸作務。故應發如養母心。受諸勤苦。不告勞。故應發如傭作心。隨所受教。無違逆。故應發如除糞人心。離憍慢。故應發如已熟稼心。能低下。故應發如良馬心。離惡性。故應發如大車心。能運量。故應發如調順象心。恒伏從。故應發如須彌山心。不傾動。故應發如良犬心。不害主。故應發如旃陀羅心。離憍慢。故應發如犂牛心。無威怒。故應發如舟船心。往來不倦。故應發如橋梁心。濟渡志疲。故應發如孝子心。承順顏色。故應發如王子心。

遵行教命。故夫佛之誠言。承事善知識。當如是。今五宗教中。呵罵譏諷。乃祖密雲悟之語。不一而足。顯悖佛教。尙何論宗旨。實屬法國土背道之臣。大乘家邪見之子。

御製揀魔辨異錄卷二

御製揀魔辨異錄卷三

魔忍曰。濟用處。如巨靈擊華嶽。女媧鍊石補天。無堅不破。無迹不絕。而後世驚駭。以爲荒僻怪誕。不稽之語。卽信然者。又謂神妙莫可測識。非已習所窺。安知不欺之力。本自具足。但學者望崖不前耳。妙喜偈曰。龜毛拈得笑哈哈。一羣萬重關鎖。開慶快平生。在今日。孰云千里賺吾來。語曰。不入虎穴。難得虎子。夫臨濟一後生也。三年不知問話。使其進道之。不爲師友扶持之。不力與庸衆。何異哉。後來建大法幢。如十日並照。輝映古昔。當是時。出其門者。皆獅子王。哮吼一聲。精邪辟易。其可以典型百代。冠冕五宗。然而法運久滯。弘護之人。借緣而起。是故三峰唱於前。而天童關於後。關者唱之。機唱者關之。響如鐘之受杵。愈扣愈鳴。愈擊愈莫。能掩吾又從而和焉。使臨濟眼光於

是乎在倘出格高流。向佛法無多子處。萬戶俱洞。是且暮遇之也。然則天童三峯二老子者。果可以世法論哉。

古德云。臨濟大似白拈賊。此等言句。豈是呵辱臨濟。到此地位。豈同世諦流布。乃以巨靈。孽嶽。女媧。補天。頌之。臨濟聞之。當必掩耳而走。這箇沒縫塔子。容誰孽耶。如何補耶。又曰。後世驚駭。以爲荒僻怪誕。不稽之談。卽信然者。又謂神妙莫可測識。非己智所窺。此二種不了漢。何足挂齒。從上諸禪德。雖復同中有異。異中同然。以此二種不了漢視之。凡其言句。無不可驚可駭。無不神妙莫測。豈但臨濟爲然耶。濟之施設處。不是臨濟。若以此爲臨濟。鈍置煞臨濟。乃云。安知不欺之力。本自具足。但學者望崖不前。學者若從施設處學臨濟。正是夸父逐日矣。又如典型百代冠冕。五宗等語。皆屬謬論。世尊七處九會。豈不典型百代。末後道吾未嘗說一字。然則世尊不欲以七處九會爲百代典型明矣。凡屬門庭施設。卽非典型。儒門事是實法。所以有典型之說。典者可載於書冊者也。型者以合土範金之模格爲喻。言其可用爲定式者。

也。禪宗無語句。亦無一法與人。然則何所爲典型百代耶。若論五宗俱是門庭邊事。若論本分則是達摩西來。光發千燈。盡未來際。無盡之燈。並是一般照天照地。尙不得謂達摩爲典型百代冠冕。五宗何況臨濟。若有冠冕。卽有裳衣。既有冠裳。卽有階級。此事可有如許差別。相耶。又魔忍於此篇。復作解紛之語。回護天童將魔藏之倒戈。與天童之攻擊。謂俱非世法。正是巧於回護魔藏。正是世法。豈能逃明眼人之覷破。又謂兩人彼唱此關。已又從而和之。然後臨濟眼光不墜。而出格高流。向佛法無多子處。萬戶俱洞。是且暮遇之。尤可嗤笑。夫嘉禾惡莠。沒陰陽地上。總不能生而清淨大海中。活物死物。俱不能住。此唱彼關。若皆世諦流布。則此沒陰陽地上。兩皆不著。若是較論宗乘。則無論藏忍。固屬魔論。天童亦已全身落草。帶水拖泥。雖有死活之別。要之俱不得住。清淨大海中矣。安得於此有佛法無多子可證耶。且未論門庭先混人。法人空法空。則何是何。非離非於百非。非所不能非也。超是於萬。是是所不能是也。非所不能非。

則無非矣。是所不能。是則無是矣。即到無是。無非境界。尚未踏百尺竿頭一步。在今乃於是非堆裏索取佛法。無多子。何異向大火聚中求一滴水耶。

魔藏黃檗三頓棒。頃日層疊樓高一步登。未稍接著。迅驚騰角尖。迸出元中。要萬古真師貴所承。

若喻程途。則百尺之樓。離地雖遠。究亦因地而起。初級頂級平等。無二步步踏實。即是步步登空。步步登空。何非步步踏實。如欲奮騰。即是脚跟不點地。漢若喻了悟。則一心法界。法界一心。函蓋十方。不露絲髮。今既有箇樓在。又有箇登樓之人。在又說箇重疊之。高一步之捷。據著之末梢。奮騰之絕頂。在豈非人法並執。能所兩粘。捏目生華。迷頭認影。無怪其寶死鼠爲美玉。指山鷄爲鳳凰。將臨濟納敗闕處。奉爲無上眞宗。而有角尖。迸出元中。要萬古眞師貴所承之頌也。永明云。人聞佛傳心法。將謂心上別有一法可證。可取。遂將心覓法。不知心即是法。法即是心。不可將心更求於心。歷千劫終無得日。今以三元三要爲極。則是心上別有一法可證可取矣。若以此爲悟。則所

悟者與九流百家之所學所悟何殊。何別。豈有不用識神分別而能入者乎。縱使推到大含無際。攝到細入無間。總是入海算沙。與吾靈覺有何交涉。世尊四十九年說法。末後示人曰。我未嘗說一字。可知三藏十二分無一字可爲眞師。無一字可取以授受。臨濟何人說得箇一句中具三元。門一元。中具三要。便可稱萬古眞師。便可將此二語。子子孫孫繼繼承承。奉以不墜。便可將無量無邊廣大佛門。收拾在裏許。耶。學人若未能眞參實悟。自信得及。且將世尊與臨濟三藏十二分與三元三要相較看。自當不惑於魔說矣。

魔忍曰。臨濟當時在黃檗處喫棒。只得盡大地草木一時放大光明。帝釋梵王讚歎不及。可惜許。被大惡老婆。薰面印破。未免平地上喫交。而今諸方老宿。道臨濟悟得棒頭拂著底道理。且道臨濟還肯麼。諸仁者。只如臘月三十日到來。眼光落地了。鐺解斧。割父不知痛。金抹香。塗及不知喜。正當與麼時。這棒頭拂著底。向甚麼處著。還會麼。我怎麼道。且作死馬醫。

臨濟云。我二十年前在黃檗處。三度喫棒。如蒿枝拂著相似。此語有二義。一自述當年漆桶不快。受三頓

痛棒如驚枝拂著不知痛癢。二示學人果能爲一大事。因緣真參實悟。雖三度痛棒。如驚枝拂著相似。則能所忘人我泯。是非絕解。惑寂自然。銀山鐵壁。一築百雜碎。所以大愚一句。當下憬然。若不到此地。位終不得少分相應也。今魔忍死在密雲棒頭拂著的道理。句下乃謂而今諸方老宿。道臨濟悟得棒頭拂著的道理。且道臨濟還肯麼。諸仁者只如臘月三十日到來。眼光落地了。鋸解斧削。又不知痛。金抹香塗。又不知喜。正當與麼時。這棒頭拂著底。向甚麼處著。此等言語。不過欲裝認密雲不知自己擔枷過狀。且如臘月三十日未到。來眼光未落地。雙眸炯炯。說著鋸解斧削。便怕痛說著。金抹香塗。便生喜。正當與麼時。這棒頭拂著底。又向甚麼處著。耶。且臨濟在黃檗處喫棒。不過是箇不會待得大愚印。破方纔因地一聲。有甚奇特異人之處。魔子意欲擡高臨濟。以誇詡自己。是臨濟下兒孫。可憐臨濟千百世後。受此不肖魔孫塗污鈍置。

魔忍曰。睦州三勸問話。而黃檗三打。既不悟。又指參。

大愚正見三老。錯錯妙密。處臨濟立宗旨。盡在此也。今人但知黃檗三問三打。遂謂一棒爲極。則若無第

匠之手。雖萬打。安能活人。

曹溪傳衣之後。黃梅送。至九江驛邊。曹溪云。只合自性自度。黃梅云。如是如是。是自性自度者。此十方薄伽梵。一路涅槃門也。雖有世尊大威神力。能他性他度。否夫。歸元性無二。方便有多門。從上古德種種施設。有時行棒行喝。有時瞬目揚眉。或時架箭張弓。或時吹毛豎指。雖時節因緣不同。偏圓頓漸各異。折合歸來。究竟是學人自了自心。何嘗舉起一絲毫與人。何嘗於自性自度外。有甚奇特秘密。能強不了自性。不肯自度者。如果羸之化。螟蛉全不由己。直賴伊力之事。如其有之。卽是邪魔外道。如曰有之。卽是謗大法輪。今魔忍謂睦州黃檗大愚三老。錯錯妙密。乃能陶鑄出箇臨濟來。又謂臨濟因此而立宗旨。又謂若非郢匠之手。雖萬打。安能活人。恰似睦州黃檗大愚臨濟。實實有箇奇特秘密之法。可以度人者。牽累四老不少。夫密雲亦未嘗以一棒爲極。則但千問千打。萬問萬打。又如何便不能活人。如俱胝一指。石鞮一箭。與

密雲一棒是。同是。別若謂是。別豈不從指上箭上換却眼睛。若謂是同。豈得許俱胝石鞞而不許密雲。且不許密雲。猶是餘事。強立宗旨。使漆桶未破。漢妄認宗門。實有奇特秘密之法。不關已躬。眞參實悟。只要高手阿師口傳面授。如此沿流不止。豈不斷傳燈之慧命。

魔忍曰。趙簡子欲驗諸子之賢。一日謂曰。吾藏寶符於常山上。先得者賞。諸子馳之。常山上求。無所得。少子母卹曰。已得符矣。簡子曰。妻之母卹曰。常山上臨代代可取也。簡子賢之。乃廢太子伯魯而立母卹爲太子。變乎黃檗。臨濟所示者。深於簡子之言百倍。近世之學者。機器不妙。去母卹又百倍。遂認直打到底。爲後人標榜其器。豈特求符於常山而已耶。

代者趙簡子女所嫁國也。代夫人母卹之親姊也。趙簡子貪其土地。不顧代之人民。不顧代之祖宗血食。并不顧已之婿與女處心積慮。成乎殺。乃以寶符密試諸子。孰爲同心。惟母卹能濟其惡。不卹其姊。一至常山。便議取代之形勢。又無一毫回互。卽決取代之志。願虎子應須虎憐。簡子遂以爲賢而立之。厥後果滅代之宗。而取其地。殺人盈城。其親姊摩笄自殺。如

此惡行。世人顛倒轉以爲賢。此釋迦之所不忍聞也。閻浮提界乃五濁惡世。信已此無論性宗在六度萬行中可著。此等污穢。否今若有人取佛經典爲屠坊拭刀爲酒肆覆甕。則無論緇流俗子莫不惻然曰。罪過今趙簡子母卹之事。其穢污過於屠坊酒肆萬倍。而魔忍引喻佛祖向上邊事。豈不墮無間地獄乎。又謂密雲機器不妙。去母卹百倍。一何顛倒至此。縱一市井愚人苟祝髮出家。雖懵懂一生一無所知。但能不肯萌諸惡念。少少有所顧忌。無顯然殺盜淫之跡。則此人已過母卹百倍矣。況密雲耶。又謂黃檗臨濟所示者。深於簡子之言百倍。若然則黃檗臨濟之機械變詐。深於趙簡子又百倍。不特佛法之所不容在。世法論亦所爲不待教而誅者也。何至塗污黃檗臨濟至於此極。總之魔忍父子未識禪宗爲何物。全以心意識推測佛祖向上邊事。遂成佛界大魔。況復關人心世道不淺。不但宗門修學事其烏可已於辨論哉。

魔忍曰。原來臨濟不曾自立宗旨。亦不但是黃檗宗。

曾建而推之。迦葉釋迦七佛咸書一派宗旨。幸從這裏建立。不被斷貫。索禪壞。却只今還有。緣得教者。廢箇箇轉來。好與三十棒。貴圖天下太平。復頌云。三日前三日。後普化克符俱漏逗。如今臨濟到三棒。與他一敲三關透。

臨濟謂克符普化二人曰。我欲於此建立宗旨。汝且成。我二人珍重下去。三日後。普化却上來問。和尚三日前說甚麼。濟便打。三日後。克符上來問。和尚前日打普化作甚麼。師亦打。然則臨濟果曾建立宗旨否也。如云。打普化打克符。即是建立宗旨。則密雲一棒不作一棒用。亦即便是宗旨。又有何種種區別。種種辨論。若謂別有則。臨濟打克符。普化落處。何在。克符普化一番啐啄。落處又何在。三古雖何嘗絲毫罣礙。何得矯誣之耶。魔藏乃云。自臨濟推至迦葉釋迦七佛咸音一派宗旨。幸從這裏建立。不被斷貫。索禪壞。却意欲推尊臨濟。不道鈍置不少箇事。蓋天蓋地。古之今之。橫該十方。一切處。豎徹三際。一切時。如海無自性。而全體是水。如水無自性。而全體是海。以針鋒沾一滴水。而全海不欠。以大海傾入大海。而本水

無餘。無起無滅。無作無止。無前無後。而安得有成有壞。無論一黃藥一臨濟。即使千釋迦。千迦葉。亦成不得。而又豈可壞哉。必有成時。而後有壞時。必有所壞者。而後有能壞者。本無成。則安有壞。本無所壞。則誰其能壞。至云。不被斷貫。索禪壞。却足知伊死在古人句下。全未會在妄建宗旨。只因未悟斷貫。索禪。若會得斷貫。索禪。自然不妄建宗旨。肯於斷貫。索直下承當。一生參學。事畢。卽得起能貫之妄。成所貫之幻。從此千差萬別。奇名異相。直至於塗污黃藥。臨濟以及於釋迦迦葉七佛咸音一派。造大妄語。耶。於此少分相應。自必瓦解冰消。珠迴玉轉。卽臨濟克符普化一番漏逗。尙屬門庭之遠。又況建立宗旨。種種謬說。耶。

魔忍曰。風穴和尚對南院曰。凡語不滯。凡情卽墮。聖見學者。大病先聖哀之。爲施方便。如楔出楔。曹山有四禁曰。莫行心處。路不挂本。來來何須正。怎麼切忌未生時。四病皆聖見。古人爲設種種法藥。因其病而療治之。得病去而後除藥可也。夫藥可除也。醫不可除也。醫者。聖人預設。以待天下後世之病者也。必欲滅宗旨。是除醫矣。况今亂統之病方熾。然於叢林師家。顯顯顯。而不能禁對打還拳。而不能辨禪販藥。

途而不能制止反汲汲焉以抹殺宗旨爲務是猶疾
應滿門而叱醫却藥豈佛祖付囑之意乎且德山鑒
禪師呵實法之甚者也而有第一句其他雲門潑仰
曹洞法眼固不待言若宗旨便是實法則諸老自立
而自呵之病狂喪心不至如是古德曰但須明取綱
宗本無實法然則綱宗者鐵線實法之總綱也又何
疑焉

有身則有病身等處空病於何著有識則有病識即
眞如病於何住肉身之病還從身起以大地所生之
藥醫之藥者非身非身者大身故謂之身醫身可也
法身之病爲有識在以本分所具之藥醫之藥者唯
識唯識者即識故謂之識醫識可也從上古德爲人
解粘去縛令彼當處解脫得大安隱者即將本人自
有不粘不縛唯識真心撒其粘縛故曰化毒藥爲藥
翻若於本分外別有神方妙七預設以待天下之病
縱使出自藥師琉璃光如來親手炮製總爲毒藥耳
然則藥固不離學人本所自有如何可強立宗旨以
爲醫乎亂統固是叢林陋習然其弊由於最初發心
並非必要眞參實悟了明此一大事徒思蓋等法席
挂名衲僧而起此種謬妄之徒何足比數五戒不持

違問一乘若到明眼人前猶如五金入冶毫髮不消
豈有混銅錫爲金銀之理若已眼不明欲藉口傳手
授之作爲實法以辨驗之則自已先屬應行揀出者
矣何得揀別他人以此揀別正是野干揀別野狐若
遇眞獅子兒又何從識得乃云亂統之病方熾然於
叢林師家頭破額裂而不能禁對打還拳而不能辨
稗販滿途而不能制止反汲汲焉以抹煞宗旨爲務
是猶疾患滿門而叱醫却藥豈佛祖付囑之意說得
宗門掃地此種豈得算入學人數內若此類亦須斤
斤研辨則惟而廣之閻浮提界五濁惡行罄竹難盡
豈亦說立箇宗旨便能令行而禁止乎又云德山鑒
禪師呵實法之甚者也而有第一句其他雲門潑仰
曹洞法眼固不待言若宗旨便是實法則諸老自立
而自呵之喪心病狂不至如是此一段議論魔忍直
以病狂喪心謗佛謗祖墮無間獄矣衆生顛倒是則
名爲可憐憫者即如德山鑒云騎虎頭收虎尾第一
句下明宗旨此第一句究竟是何句耶有句則早落第
二了也雲門潑仰曹洞法眼種種落草之談全爲惹

悉之故。豈得釘椿搖櫓。誣爲曾立宗旨。且世尊四十九年說法。末後却云。不曾說一字。每道爾謂吾曾轉法輪耶。明明說得三藏十二分。而作如是言。豈非自立而自呵之乎。魔忍病根全在一箇自字。蓋過去未來現在。有一箇自。便不見十方三界。無非心。於是轉以不狂者爲狂。轉以明心者爲喪心。種種顛倒。總爲不識從上古德自立而自呵。落處總爲執著一箇自。既已執著一箇自。則從初參學。未曾大死大活來。直是無處說起。譬如朝堂中禮樂刑政。可向屠肆鼓刀人商確耶。又引古德。但須明取綱宗。本無實法。而謂綱宗者。鍛鍊實法之爐。猶夫古德之意。謂綱宗本非實法。而魔忍乃欲將綱宗爲鍛鍊實法之爐。猶一何刺謬。實法猶如毒草。雖加炮製。豈能活人。實法猶如沙礫。雖加鎔鑄。豈能成器。五宗語脉。若不作實法會。則皆可利益學人。若作實法會。則已失五宗本旨。全成毒草。沙礫豈是另有一種實法。而欲以綱宗鍛鍊之耶。然則什麼是實法。什麼是綱宗。空本無華眼。翳而有入大海而覓泥牛。有甚了日。

魔藏曰。打趁橫流一掌行。先師禪板最分明。當時若與親相見。不致如今嘆不平。

此魔藏作黃檗付臨濟禪板几案頌也。蓋自言深達臨濟宗旨。堪受百丈付囑。若使身在其時。親受臨濟付囑。便不至有密雲廣通輩種種不平之說也。大我慢增上。慢畢具世諦流布。有何禪宗耶。且臨濟明明說。箇侍者將火來。來已早。知千百世後。有如魔藏輩者。出而豫遮。豫簡於黃檗語聲。纔絕之際。何猶漫不警省。仍復死在禪板几案上。炫轉熒惑。生出許多不自在耶。如此則與盜名竊利。貪位慕祿之流。有何分別。最初發心出家。究何爲者。佛鑑語默涉離。微如何通。不犯頌曰。彩雲影裏神仙現。手把紅羅扇。遮面急須著眼看。仙人莫看仙人手。中扇若魔藏者所爲。看扇人歟。

天童開書曰。慧明頌曰。一喝分賓主。照用一時行。一喝既分賓主。則一棒豈非三要。印開朱點。牢未容擬議。主賓分者乎。魔忍曰。此語似是而非。七關三關。諸引證。往往類此。夫百骸九竅。五藏六腑。只在身。兒童可曉也。問其子母生姓之義。經絡運行之狀。雖盧扁猶當佇思。況臨濟宗旨。千牢百固。誠如開書所

訓又何必參而求悟。悟而求大悟哉。深心於此道者思之。

學人固忌圖圖吞棗。顛預佛性。然若藏忍輩齊文定旨。逐語分宗。將一片常寂光土。畫界分疆。向毗盧遮那頂上捨非取是。以此爲不顛預。則又爭得岐黃之術。如何可喻宗乘。方底圓蓋。曷能強合。夫百骸九竅。五藏六府。子母生剋之義。經絡運行之狀。其中五運六氣之周流。氣血陰陽之衰旺。南北東西之異質。老少男女之殊情。千差萬別。細密難分。十方薄伽梵一路涅槃門中。那得如許絳索。宗旨之細密難分。果與相似。則其所爲宗旨。寧得不謂之邪魔外道乎。臨濟宗旨。直是百雜碎說。箇百雜碎。猶屬蛇足。今乃謂之千牢百固。不知如何密織細縫。乃得如此千牢百固。豈非全是造作。何曾夢見絕學無爲之藩籬耶。師家既全以智力製造得箇宗旨。千牢百固。則學人自必全以心意識用事。然後能推求測度。正如岐黃之術。若不口傳手授。而欲自證自求。何路可入。箇事若可以岐黃喻。必全不由參悟而後。可豈不與從上佛祖

之語大相背違耶。既謂臨濟宗旨千牢百固。又曰參而求悟。悟而求大悟。不知此全憑造作成之。千牢百固之宗旨。如何參。如何悟。又如何悟而求大悟。耶。種種謬說。實爲學人未了者之大害。較之圖圖吞棗。顛預佛性者。其害之輕重懸殊。蓋顛預者。果能奮起根本。無明眞參實悟。自有不顛預之一日。若此謬說。入人八識田中。參學愈勤。去道愈遠。所爲首越之燕抱薪救火也。天童以一棒爲三要。印開朱點。窄未容擬議。主賓分。魔忍嫌其顛預。故曰似是而非。不知天童此論。無有是處。尙安得非天童一棒顛預一半。不顛預一半。臨濟一句亦顛預一半。不顛預一半。顛預者。自顛預。不顛預者。自不顛預。與天童之棒臨濟之句。何交涉。今以一棒爲似是而非。一句爲千牢百固。所爲朝三而暮四。則衆狙皆怒。改爲朝四而暮三。則衆狙皆喜也。豈非衆生顛倒相乎。

魔忍曰。關書謂三元三要。不過臨濟一時上堂語。臨濟滅後。諄諄拈提者。盡是狂狗逐塊。嗚呼。不覺其言之過歟。且臨濟因僧問。眞佛眞法。眞道而示三句。因三句而曰。一句中具三元云云。則三元三要。非一時

偶然語矣。闢書既以三元三要爲偶然而又扯三要印開來。雖卒未容擬議。主賓分以配一棒爲全寶。全主去取何嘗定耶。自無定見。專以私意斥逐。先聖從上法式。殆掃地矣。覺範洪禪師曰。予昔庵於高安九峰之下。有僧問余曰。臨濟會中兩僧一日相見。同時下榻。臨濟問之。座曰。大衆要會。臨濟寶主句。問取堂中二禪客。僧便問。那箇是寶。那箇是主。臨濟曰。寶主。歷然予方欲酬之。頓見三元三要之旨。於是再拜曰。大哉。無爲寂滅之光。明耀也。雖百千世有聞之者。偷心死盡。況余去大師餘二百年。哉。作偈曰。一句中具三元門。一元中具三要路。細看即是陷虎機。忽聽一聲塗毒鼓。偷心死盡。眼麻迷石女夢中。毛卓豎。關書遂引陷虎二字證三元三要。是權謂權設此語。以陷學家耳。覺範之意。果如是乎。汾陽曰。只須明取古人意旨。然後自心明去。更得通變自在。受用無窮。喚作自受用身。夫謂之自受用身。定非權設明甚。蓋虎不陷。則偷心不死。心不死。則女毛不豎。惟證乃知。若因陷虎二字。遂謂權設則毒鼓女毛。又當云何。古德曰。依文解義。三世佛冤。教乘且不可義解。況教外別傳之旨乎。

天童闢書謂三元三要不過臨濟一時上堂語。此是天童報臨濟恩。不啻巴陵三語而魔忍謂爲言之過。不但不識者。箇且亦不識三元三要也。臨濟因僧問眞佛眞法眞道。而云佛者心清淨。是法者心光明。是

道者處處無礙淨光。是夫岐佛法道頭三子之已是不可救藥。乃又於其中分別眞假。而欲求其眞者。此僧尙可與語。否。臨濟隨緣布施。作此三語。隨自遮曰。三卽一。皆是空名。而無實有。已是明明道破。又曰。如眞正道。人念念心不間斷。自達摩西來。祇是覓箇不受惑的人。後遇二祖一言。便了。始知從前虛用工夫。山僧今日見處。與佛祖不別。如此說得罄盡。正如將照乘夜光。傾出一桮。栴而這僧眼目定動。夢中入夢。於是更與一杓惡水。道若第一句中薦得。堪與佛祖爲師。若第二句中薦得。堪與人天爲師。若第三句中薦得。自救不了。攬著這僧。無明欲待薦得。第一句與佛祖爲師。便問如何。是第一句。濟曰。三要印開。朱點窄。未容擬議。主賓分。這僧不薦。乃問第二句。濟曰。妙解豈容無著。問溫和尚爭負。截流機如此說明。而不了者。仍不了。又問第三句。則眞是傀儡。一般全被心意識。抽牽者矣。故曰。但看棚頭弄傀儡。抽牽全藉裏頭人。如此問去。有甚了期。乃自下注脚曰。大凡演唱宗乘。一句中須具三元門。一元中須具三要。有權有實有。

照有用汝等諸人作麼生會然則三元三要誠所爲偶然者耳而歷代拈提不休認爲向上尙爲識得臨濟否天童判作偶然語許具隻眼而魔忍以爲非一時偶然真乃薰蕕不同器也且偶然二字亦一句中具三元門一元中具三要有權有實有照有用魔忍輩究作麼生會既是偶然即非偶然既非偶然便是偶然何偶然何不偶然道是偶然已不偶然即不偶然斯真偶然偶是其然何然非偶偶乎偶不偶乎不偶然乎然不然乎不然即今辨別偶然二字是偶然耶非偶然耶於此薦得未容擬議主賓分此猶未明直是棚頭弄傀儡矣天童以一棒爲全賓全主以配三要印開朱點窄未容擬議主賓分魔忍乃謂既以三元三要爲偶然又何得牽合其說於是斥其去取不定謂其掃滅祖宗之法式夫無取無捨謂之圓宗說甚去取定不定耶三元三要不得謂爲臨濟之法式而密雲一棒亦不得謂爲密雲之法式若作法式會兩家俱是傀儡若於無一定之法式處薦得則說一句中具三元門一元中具三要也可一棒不作一

棒用也可究竟一句與一棒相去多少一句許具三元三要一棒又豈得不具三元三要又豈得執句爲非棒執棒爲非句耶然則所爲從上法式掃地者是何言歟總之佛法不是這箇道理即如只今判這僧問臨濟處道是啞羊是據臨濟以簡點這僧耳然這僧別未措一語又安知不是過量大人若據這僧以簡點臨濟臨濟通身敗闕向這僧露布尙何法式之有僧問如何是真佛真法真道知他是何心行臨濟曰佛者心清淨是法者心光明是道者處處無礙淨光是豈不是向毗盧遮那頂上著楔多見其不知量乃自知慚愧即道箇三郎一皆是空名而無實有二且不問這一又如何畢竟還說箇皆是空名而無實有者箇尙可說空說有否自己通身泥水却說達摩祇覓箇不受惑的人又道山僧今日見處與佛祖不別若本分事則這僧又與佛祖何別奚得向龍王鬬富若道見處則未開口以前早白雲千里萬里也又復分別三句謂第一第二堪與佛祖人天爲師若落第三即自救不了所謂轉見不堪這僧旋聽旋問觀其

作劇乃道箇三要印開朱點窄未容擬議主賓分謂之第一句妙解豈容無著問漚和爭負截流機謂之第二句但看棚頭弄傀儡抽牽全藉裏頭人謂之第三句自以爲這僧鼻孔在自己手裏不知自己鼻孔却在這僧手裏且第一句薦得真乃自救不了一句纔立便是就他人而求自法取彼眼而作圓通矣豈不自救不了若第三句薦得正堪與佛祖爲師佛祖何師佛祖之所師者卽衆生耳這僧聞此三語亦如驚隔過耳又安知其非真到不疑之地一任他人門外歷亂者臨濟末後道出三元三要把箇圓伊三點太一含三一般閑家具盡情搬演出來這僧終無一語不見不聞無盡臨濟方纔線斷一時休豈不是平生第一場敗闕哉如此判斷不知魔忍輩聞之當取前論爲法式乎抑當取後論爲法式乎是則俱是非則俱非亦是俱是俱非亦非俱非俱是定當得出方許看古人言句亦方許看臨濟言句正臨濟所云爾等諸人作麼生會也三元三要是不了之談覺範之頌又何足取但覺範意亦正非魔忍輩之所能曉

者觀其爲細看卽是陷虎機忽轟一聲塗毒鼓偷心死盡眼迷麻石女夢中毛卓豎下注脚曰虎不陷則偷心不死心不死則女毛不豎眞爲可笑此等語句猶自作實法會不但宗風掃地卽語言文字又如何可通女毛不豎是何等言語耶乃以斥天童權設三元三要以陷學人之說爲非天童此說固有滲漏而魔忍之謬則更爲謬中之謬矣

魔忍曰宗旨之設本爲胡喝亂棒者禁如曰汝等諸人總學我喝又曰已後不得學老僧喝可謂彰明較著矣今關書倒持此說以禁綱宗無乃不可乎予嘗竊評之曰譬夫多男之人病且死以其券付諸子曰吾少子多在外惟此可以驗之與券合者卽吾眞子也諸子受命於是展轉相驗而誤託舍於隣人被隣人者據其舍焚其券凡諸子之遠還者皆拒而絕之鄰黨不爲怪朋友不爲異何則久假不歸其所來漸矣夫濟上之綱宗券也祖宗之源流舍也自興化至雪巖高峰二十餘世卽展轉相驗之眞子也三峰先師卽眞子之遠遊而後還者也嗚呼彼隣人者吾不忍言之矣

以券合識眞子之喻魔忍供狀具鐵案定蓋圓宗之不可以實法傳卽同父子之不憑文券合也夫法嗣之義誠以慧命絕續所關故曰從佛口生爲佛眞子

雖然盡十方三界竟箇不是佛不可得則欲竟箇不是眞子亦不可得矣。從上相承卽用世法父子之道以報本返始不忘其所由生而有法嗣之說。蓋世諦卽是第一義諦無不可者。若乃同於晉唐間人以門第之甲乙相誇尚而起爭端以己之得法爲榮以人之得法爲憾說已是眞斥人是僞則宗風掃地與佛法料掉沒交涉矣。既與佛法料掉沒交涉則何所逃於世法之外。那許伊不父其父而父他人說眞說假誑惑閭閻妄自尊大稱佛祖兒孫豈非世法之所不容者耶。從上佛祖展轉囑累以至於今代不乏人眞參實悟大死大活與佛祖同一鼻孔只爲自己本命元辰本來如是不過佛祖如是我亦如是豈得別有一法可宣可秘可受可傳。魔忍只欲斥天童不得爲臨濟兒孫謂如鄰人之據舍焚券明已得魔藏之眞傳如遠遊眞子之後人俾拍盲啞羊吠聲士夫相與尊崇禮敬之而不顧人天慧命之塗汚所爲大妄語成墮無間獄者。

魔忍曰臨濟有四寶主有寶主句同中有別而別中

自謂不可混也。故先師云兩堂同喝爲四寶主之母至於臨機動辨之際魔宮佛國一時現前。譬夫觀音大士百千手眼或慈或威或定或慧隨學家立地應與之奉之如珠之走盤圓轉橫斜千態萬狀所言四者殊不出盤之候而已。昔善財童子徧參五十三人大善知識於知識所各得恒河沙等無量法門及見無厭足王之慘虐勝熱婆羅門之熾然婆須密女之淫態諸外道種之差別未免望崖自屈何故垢淨未忘而三昧之量未銷也。故云但可入佛不能入魔直至大機閣中從三昧起忽然打失布袋便將從前所得元妙盡底揭却十方坐斷一法不留方契善財本來面目然非五十三老臘耕奪食擒縱變化不能至此耳。開書往年禁先師曰寶主者爾我之謂也近又解曰你喝我喝牛喝馬亦是寶主歷然蓋始則安於不知近則強不知以爲知首尾支梧不顧後世喝呼痛哉不謂臨濟之道至如此也。

臨濟四寶主與本分沒交涉所以當時說四寶主竟卽呼大德而爲注破曰山僧所學皆是辨魔揀異知其邪正蓋謂不可於此認作已躬下事也。夫曹溪以前圓頓心宗尙未普傳於震旦故或一句半句直截透徹便相印可迨臨濟之時雖光發千燈而末流亦監觴矣。念言語漢處處有之若不更換面目接人止憑一句半句知他是何心行故種種門庭施設不過

欲揀魔辨異。知其邪正。何嘗將此作自己脚跟下工夫。又何嘗謂人能學得恁般施設便可了得生死也。魔藏父子於此等處。未具頂額。隻眼一向認奴作郎。却來誑嚇閻閻。豈免無益自己。有損他人。此是伊本心不正。到底皆邪處。夫兩堂同喝。賓主歷然。賓則全賓。主則全主。一主一賓。一賓一主。豈不歷然。天童曰。賓主者。爾我之謂也。又曰。你喝我喝。喝牛喝馬。亦是賓主。歷然二說。並無同異。而魔忍斥其首尾牴牾。乃奉其師魔藏兩堂同喝爲四賓主之母之說。爲指南眞所爲寶魚目爲明珠者。四賓主與兩堂同喝。都盧是箇沒交涉。何直得再三拈弄。且謂其中有子母相生之義。豈非夢中嚙語。又云。善財未入彌勒樓閣以前。但可入佛。不可入魔。益屬謬論。魔與佛雖如火與水之不相入。却如面與背之相比。附佛界如衆生界。衆生界亦如魔界。魔界亦如佛界。了則無魔。無佛不了。則但有魔。而無佛。無魔無佛。則眞佛矣。但有魔而無佛。佛亦未嘗欠少分毫。只是見爲有佛。卽已入魔耳。安得有但可入佛。不可入魔之程途宿旅耶。果其

但可入佛。不可入魔。其人已證佛位。又何有更上一層境界。若更上一層。別有境界。則所爲但可入佛者。正是入魔耳。魔佛尙未分明。智眼未開。邊問脚跟點地與否。以此推測善財彌勒。豈非豆棚麥隴間人談中書堂內事。魔忍既說得打失布袋。將從前所得元妙盡底揚却。十方坐斷一法不留等語。又何有無文密印。雙頭獨結。四法交加。種種奇名異相。可知伊將古德一片婆心。全身落草。喫緊爲人之談。都作文字念讀了也。無論魔忍卽較伊高出百倍者。若不自已摸著鼻孔。翻轉面皮。斷却命根於這裏。少分相應縱使說也說得解也解得。判斷公案也例斷得。總謂之業識茫茫。無本可據。何況魔忍輩一腔子全是元妙。却學古人說話道箇所得元妙盡底揚却。眞乃數他人寶不濟已。貧守著飯糲邊餓死漢。只因伊不曾眞要飯喫。所以不知蘿內是飯也。學人參須眞參悟。須實悟。若不如是。卽使多聞如阿難。濟得甚事。不過多記得若干貝葉龍藏之文。與書厨有何差別。轉不如書厨沒些心意識。却是一尊古佛。縱使說得依稀

似曲亦只是箇說禪匠與世間博學士夫有何分別且與能言鸚鵡又有何分別。舉足下足日日在道場中却未踏得道場一步。要知禪不是口舌紙筆間事。學者慎勿將此一大事作口舌紙筆上生活。此乃謗大般若罪業無窮。魔忍即是前車之鑒。

御製揀魔辨異錄卷三

御製揀魔辨異錄卷四

魔忍曰。先師曰。待心死而伏誅。須切用前之照。先擒下而去。縛略挑用後之燈。實照用之真虎。譬如神醫刮骨療病。必見病而下刀。若確定一方。妄加針割。是重增一病矣。古德曰。纔有所重。便成窠臼。夫學者之窠臼不一。而宗師之照用。臨時自古聖人莫不皆爾。如夾山之接樂普。大覺之接興化。所謂心死而伏誅。擒下而去。縛者。也。蓋二公之病。在有一微硬禪之主宰。所以纔問便喝。將謂禪道如是而已。賴二大老臨之以法鏡。使其無逃隱處。然後乞命於我。故一言而起其痼疾。所云略挑用後之燈。是也。關書於此。蓋屢禁之。今又自解之意。謂非不知也。知之而不爲也。嗚呼。世則可欺矣。從上列祖。可欺乎。自心又可欺乎。余

謂天童師翁。用心必不若是。或好事者。借其名。以塗汚法門耳。如關書中。自解四照用。曰。人不法。不立法。人不則法。不則即。用無準的人。不立即。照無定格。以人照人。故名照。以法則人。故名用。此從臨濟。人在法在上。隨語生解。以杜撰此說。觀其意。是以相對之人爲人。而以確定一棒爲法。豈不誤哉。臨濟曰。先照後用。有人在非是之所謂人。也。先用後照。有法在。亦非是之所謂法也。若以相對之人爲人。以確定之一棒爲法。則人法俱奪之語。又何以解之。先聖曰。貴不說破。予不得已而聊通一線。臨濟至處。固不在此。

絕學無爲。閑道人。其於本分。無鍼尖之隙。其爲人也。不過任性。卷舒隨緣。出沒如透水月華。虛而可見。無心鏡像。照而常空。住於不動道場。而行大機大用。若如魔藏所云。待心死而伏誅。須切用前之照。先擒下而去。縛略挑用後之燈。則是滿腹機關。全成人我照。已失照用。成何用。魔忍稱之爲照用之真虎。虎則誠是矣。其如啞人之凶乎。夫起念即是住。著心若不起。萬法無生。譬有一毫起處。悉落見聞。從分別生。俱非真實。今云待心死而伏誅。已失無心道人風味。況云須切用前之照。則直是不使剎鄰放下。心住於照。并且時時刻刻。住於所照之人。悉落見聞。分別相矣。若

必如此始可爲人豈非自利利他打成兩橛乎至於古德解粘去縛唯恐其不能應手圓淨不憚反覆申明直截深透雖一字一句非簡也全身渾在裏許雖千語萬語非繁也一絲不越中心唯是學者果能順旨契宗則雖不說法觸境而常聆妙音如或未然障深緣背設居佛會當說而不聞一字聽者自別說者無不徹底掀翻何嘗有意留一絲毫與學人爲障爲礙設有此意則其語先非實語如語教且不可何有於宗乃魔藏云略挑用後之燈是何心行耶又引夾山接樂普大覺接興化以爲證夫夾山之接樂普也樂普至夾山禮拜端身而立夾山曰雞棲鳳巢非其同類出去樂普曰自遠趨風請師一接夾山曰目前無闍梨此間無老僧樂普便喝夾山曰住住闍梨且莫草草匆匆雲月是同溪山各異闍梨坐却天下人舌頭卽得如何却教無舌人解語樂普無對夾山便打自此服膺大覺之接興化也興化爲院宰時一日問云我常聞汝道向南行一迴拄杖頭未曾撥著個會佛法底人汝憑什麼道理有此語興化乃喝大覺

便打興化又喝大覺又打來日興化從法堂過大覺召云院主我直下疑汝昨日行喝底與我說來興化曰存獎平生於三聖處學得底盡被和尚折倒了也願與存獎個安樂法門大覺云這瞎驢卸却褡褳痛決一頓興化言下悟得臨濟於黃檗處喫棒底道理此二公案魔忍謂是心死而伏誅擒下而去縛者又謂樂普興化病在有一橛頭硬禪之主宰所以纔問便喝將謂禪道如是而已皆是妄加卜度何嘗夢見四人真面目耶樂普未見夾山以前臨濟稱爲門下一隻箭豈是孟八郎漢其聞夾山目前無闍梨此間無老僧之句便乃下喝此一喝三元收不得四句豈能該夾山示以雲月是同溪山各異坐斷天下人舌頭卽不無爭教無舌人解語而樂普不對到此地位言語道斷心行處滅其不對者當非全然漆桶夾山之棒是賞是罰如何可定何得輒謂有一橛硬禪之痼疾雪竇拈樂普自遠趨風請師一接句謂這僧可悲可痛雪竇每用此機所謂前箭猶輕後箭深者樂普謂自遠趨風請師一接得非塗毒鼓聲而雪竇又

復助伊發掘魔忍死在雪竇句下。乃謂樂普束手就縛耳。謂樂普得夾山之提持而服膺也。可謂夾山於樂普喝處不對處。有後話圓前話之妙也。可安見所爲心死而伏誅擒下而去縛也。至於大覺因興化有拄杖頭不曾撥著箇會佛法的是以勘問。只因疑興化實有個佛法在。迨兩喝兩打之後。大覺復召問行喝之故。而興化轉就大覺乞個安樂法門。於是痛下一椎。興化却當下便見得臨濟三頓棒道理。雖似興化於大覺處得箇入路者。但兩喝兩打固是旗鼓相當。勝則俱勝負則俱負。至於大覺召問而對以三聖處學得者。俱被折倒。就師兄乞箇安樂法門。安知其非陷虎機乎。大覺謂這漢來這裏納敗闕。脫下衲衣痛與一頓。亦只堪自救。未見如何爲人。卽其當下悟得黃檗三頓棒道理。又安知其非向來疑著三頓棒別有微妙。至此而知其不過如是。若謂悟得三頓棒便乃一鏃透三關。則千里萬里去在佛法廣大無量無邊這裏。豈是休歇處。然則興化之於大覺。又安見所爲心死而伏誅擒下而去縛也。他日興化上堂拈

香曰。欲爲三聖三聖太孤。欲爲大覺大覺太賒。不如仍爲臨濟。若果從大覺一言頓圓。頓成興化。安得不嗣大覺耶。魔忍父子每以一槩頭硬禪。指斥密雲。此則更以指斥興化。樂普實爲妄護。此四古德者皆從纖毫不立處敲唱拈提。而魔忍父子却謂興化樂普禪止一槩。經夾山大覺之指授。然後其禪乃能多槩。不特塗污興化。樂普豈不塗污夾山大覺。眞所爲夏蟲不可與語冰也。至於指斥密雲處。又謂關書非密雲所作。直是僞造。以此眩惑無眼目士夫。以自解免。指斥伊祖之罪。轉見不堪。至於關書所解四照用。固不得爲極則之論。但謂密雲以確定之一棒爲法實爲誣妄。既云一棒。如何又云確定一棒則三元三要。四賓主四照用全舉全收。可謂之確定乎。至云先照後用。有人在非是之謂人。先用後照。有法在非是之謂法。益屬模糊影響之論。密雲悟云是之謂人。與非是之謂人。是之謂法。與非是之謂法。相去多少。速道速道。若道不得。壓殺者尿牀鬼子去。此語頗爲透關要之。臨濟四照用。語伊已明明說箇若是過量人向

未舉已前。據起便行。猶較些子矣。何得不向此處領會。專在伊門庭施設。邊眼花目眩。所謂爲物所轉。是名衆生也。

關書駁五宗原曰。正法眼藏已向瞎驢邊滅却。況有一○賓主首羅眼等名遺害後世耶。魔忍曰。據關書此論。是三聖不契臨濟之意。而滅却正法眼藏。風穴何故稱聖爲入室眞子。而南院領之耶。不足稱而稱。則風穴無眼矣。不當領而領。則南院亦無眼矣。然則首山至今二十餘世。不亦無眼長老之子孫乎。此信關書而論之也。語曰。一失步無所措足。一失言無所措口。關書其是哉。

臨濟曰。吾滅後不得滅却。吾正法眼藏三聖出曰。爭敢滅却。和尚正法眼藏濟曰。已後有人問你。向他道甚麼。聖便喝。濟曰。誰知吾正法眼藏向這瞎驢邊滅却。後來風穴謂三聖是親承入室之眞子。不同門外之遊人。而南院領之。魔忍既據風穴南院所判。謂臨濟深肯三聖語。而又指斥天童所言正法眼藏。尙向瞎驢邊滅却。句爲判三聖不契臨濟之意。眞所爲依文解義者。夫正法眼藏只是箇乾矢橛。門外遊人道甚正法眼藏。若已親承入室。正法眼藏定須滅却。然後橫該十方。豎徹三際。都盧是箇正法眼藏。臨濟雖

滅正法眼藏。又如何得滅。況臨濟今亦不滅。然則所爲吾滅後不得滅。吾正法眼藏者。又豈可作實法會。三聖云。爭敢滅却。不知伊敢於滅却。又如何滅却。既無滅却。卽眞滅却。風穴以滅却句。謂是肯語。尙祇道得一半。況魔忍實未知風穴落處。妄意密雲與風穴齟齬。遂倚門傍戶。藉風穴南院聲勢。痛斥密雲。不知風穴南院密雲。轉是一家人語也。密雲謂正法眼藏尙向瞎驢邊滅却。況有一○賓主首羅眼等名遺害後世。此語却切中藏忍父子之病。而一○賓主首羅眼等名。乃魔忍父子魔魅人家男女之器具。平生最護惜者。故其誣毀密雲。亦復不遺餘力。

魔忍曰。臨濟黃檗之嫡子也。濟之綱宗。非黃檗有也。槩不可諸方。而以濟爲可何耶。且臨濟之世。佛法鼎盛。使其建立。果不可老師宿德。寧無一言。渴山祐禪師。濟之父輩也。私稱濟爲羣宿。普化黃檗之昆季也。反北面而師事之。小釋迦果位中人也。發願以續其斷脉。方是時。譏訶學解者。無過德山。濟願世德山尙無恙也。曾無一言正濟之非。果長濟而不言耶。則濟已順世。不欲起靜端耶。而德山實訶佛罵祖之惡也。者之於古質之於同輩。原之於師承之間。皆不以濟爲非。而今日獨非之何哉。且棒喝濟之所常用。而綱

宗亦濟之所建立也。苟以濟爲非，即不當效渠棒喝。既用棒喝，豈可不知棒喝之綱宗？又豈可禁人之救綱宗者？夫爲善知識，辨古今之詰譌，如觀掌果，洞徹不疑，孰是而孰非？然後定龍蛇行賞罰，據款結案，爲千古不磨之式，使三峰之徒，銜口結舌，雖有蓋世之辯，不能伸其救非雄猛丈夫所爲哉？今關書之評宗旨也。若眼之受聲耳之承色，茫茫然不相入，但僂僂到底曰：實法實法，天下後世何所準焉？

臨濟曰：山僧無一法與人，祇是治病解縛。你取山僧口裏語，不如休歇無事去。然則棒喝綱宗，不過同是解粘去縛之具，如食以濟饑，而饑與飽者，人也非粥飯也。如眠以濟困，而睡與醒者，人也非衾枕也。疑粥而信飯，疑飯而信粥，皆惑也。粥飯皆可飽，人特不食，則不能飽而不饑，則亦不可以食也。捨衾而取枕，捨枕而取衾，皆惑也。衾枕莫非眠具，特不眠，則不得睡而不困，則亦無所事於眠也。黃檗、潯仰、普化、德山諸老宿之重臨濟，豈重其建立綱宗？且綱宗何關於輕重密雲之非綱宗？又何嘗非臨濟？且綱宗亦何關於是非箇事？是非雙泯，能所兩亡。蚊子上鐵牛，無渠下口處，纔有是非，紛然失心。即今與麼辨論，作是非會得麼？夫宗風豈有諍諍，即泯宗風。德山平生狂見，恣

肆呵佛罵祖，其語句毫無足取，但伊孤峰頂上盤結草菴風味，較之魔忍輩，執相狗塵，貪名逐利之流，奚可同年而語？乃以己之心，測人之腹，謂伊於臨濟綱宗，慙然心服，是以終身無一貶詞。否則濟在世，或畏濟而不言濟，順世後，何畏而不鼓其唇吻，將自己一副污穢肺腸，薦地塗污德山，當是德山呵佛罵祖之果報。又曰：爲善知識，辨古今之詰訛，如觀掌果，洞徹不疑，孰是而孰非？然後定龍蛇行賞罰，據款結案，爲千古不磨之定式。正是乞兒思暴富，飽喫酸黃蘗，凡是而非，非者盡是，儒門邊事，何關宗門？既是大善知識，於本分無針線之隙，若離本分，一切簡棄，尚不管自己，邊問他人。時學古德，本分極則之語，拈提爲人，則有之矣。取千百餘年來種種狐睡狸涎，不嫌腥穢，味其酸醎，有如此大善知識，否魔忍自喜，略通文史，又恃其辨口，欲壓倒目不識丁之密雲，謂密雲之關書，豈能使三峰之徒，箝口結舌？但僂僂到底曰：實法實法，不知密雲目不識丁，實不能使三峰之徒，箝口結舌。而密雲之所以爲密雲，了無交涉了無增損。

而魔欲忍恃蓋世之辨以諍論無爲無作之圓宗其爲魔魅業已不問自承矣。又曰苟以濟爲非卽不當效其棒喝。既用棒喝豈可不知棒喝之綱宗。尤爲魔論。臨濟以前豈無棒喝而謂密雲效臨濟之棒喝可乎。如曰可則謂臨濟效黃檗之棒喝亦可矣。卽一人之手口今日喫飯非效昨日之喫飯。今日說話非效昨日之說話。何況他人之棒喝如何效得。各人自有手口誰爲效。誰惟魔忍輩專精致志效臨濟之綱宗是以成其爲魔。并且塗污臨濟耳。

魔忍曰師英誕天縱如虎生三日氣便食牛與藥。昔俱爲臨濟侍者。然皆坐在一悟視天下無人。豈大覺夾山則一墮無尾巴隊中矣。

學者入此圓宗念念證真塵塵合體共三世佛一時成道。前後情消與十類生同日涅槃。始終見絕其視天下人無一人不是佛而亦無佛見無一人不是已。而亦無已見覲面相逢。安得尙有人之見在其人識田中。今魔忍謂興化爲臨濟侍者時坐在一悟視天下無人興化雖未了徹不至於此極。足知伊並未夢見悟者門頭戶底光影邊事。豈有既悟之後而自以

爲能悟且自以爲實有所悟。挾其所悟矜已能悟。謂天下人莫若已悟之理。人已能所是非解惑種種妄見邪思紛紜起滅。如此則全是識神分別影事。業識茫茫無本可據。何謂悟耶。此亦可謂之悟。則凡涉獵宗門之書拾些狐唾狸涎者。便皆可謂之悟矣。世傳妙喜大悟一十八遍。小悟不記其數。此種不了之談。魔忍中其深毒。於是妄立大悟小悟小法大法等名。相誑惑閭閻。何嘗真到不疑之地。經云一人發真歸元。則十方虛空盡皆消殞。若斤斤較量沾沾自喜。謂有所悟在。我是能悟人。戴著恁般炙脂帽子。則闍羅面前喫鐵棒的刑書自己齋棒到案矣。試問悟者何耶。非所爲了生死者耶。生死既了則無生。死死死尙無人我何著。而尙有所謂人不如我之悟尙有所謂天下人皆不如我之悟。豈不是一片清冰消盛猛火。

魔忍曰臨濟曰我有時一喝如金剛王劍有時一喝如踞地師子有時一喝如探竿影草有時一喝不作一喝用。具此眼者如明鏡當臺學家雖悟到徹處而大法未明其開口動舌便有種種影象於中。露現如興化勘僧數則大略可見矣。後世不究四有時句之故。乃效之曰一棒不作一棒用。或問其旨趣又從而

解曰特指人人面門出入時節耳。或更詰之曰。眼光落地時。這面門出入底向甚處著。彼又解曰。盡大地無非這一著子。若果如是。則是德雨喝後。便拜何處。是會得面門出入底道理耶。

臨濟四喝。皆具一喝不作一喝用。若不具者。三喝皆自救不了。然此一喝不作一喝用。早已拖泥帶水了。也何故。向上無一喝不作一喝用。與吾靈覺有何交涉。古德有言。直饒喝上三十三天。風力止處。到地甦醒。便向伊道。未在今魔忍死在四。有時句下。簡密雲悟一棒不作一棒用。真是塗污臨濟。臨濟平生自利。利他處。豈在四喝。若以四喝論轉。不如密雲一棒不作一棒用。直截了當矣。學人桶底透脫。更無一法爲當。爲對。是之爲悟。豈有悟到徹處。猶然大法未明。然則所爲大法者。自在悟外。非由悟明。必從口傳密授。而得。豈非謗大般若法本。法無法。法亦法。今付無法時。法法何曾法。若謂別有大法出於悟外。豈不顯背佛祖語言。且所貴悟到徹處者。究爲何事。豈是專欲開口動舌。與山野狐精。磨牙鬬吻。爭箇爾鈍我捷耶。如此大法明之何用。且一法纔興。卽一切無邊。

萬法皆悉同時具足相應。故一法之外。更無餘法。而無餘法中。不立一法。唯其不立一法。是以具足無邊。萬法然則。悟得徹時。尙落法見分否。九重天子。決定不與民並耕。今云悟到徹處。而大法未明。其開口動舌。便有種種影象。於中露現。可知伊並未夢見云何。是悟一味。強作解事。譬如三家村老學究。忽擲掄未央宮闕。不爲壯麗。非臆卽狂耳。臨濟上堂。赤肉團上。有一無位真人。常從汝等面門出入。未證據者。看看時。有僧出問。如何。是無位真人。師下禪牀。把住云。道其僧擬議。師托開云。無位真人。是什麼。乾矢橛。便歸方丈。後來密雲以一棒不作一棒用。謂直指人人面門出入時節。以此接引。初機亦未爲有過。但臨濟喫緊爲人。不在無位真人。面門出入句。而在是什麼。乾矢橛句。人唯不肯於乾矢橛。直下承當。而於無位真人。面門出入處。生奇特想。於是我我所心。心所熾然。紛拏起念。而投五陰之城。取相而沉六入之海。若悟得臨濟是什麼。乾矢橛句。是實語。是如語。自有少分相應處。密雲平生拈提。唯以一棒不作一棒用。直

指人人面門出入而於此未經注破以待學人自證乃魔忍數數指斥且謂眼光落地時這面門出入的向其處著夫謂眼光落地無處著此面門出入的則是眼光未落地時有處著此面門出入底矣然則無位真人實有出入之能而人人面門實為無位真人出入之所豈非疑枕為鬼魔忍既設為詰問又揣密雲之意而為答語曰盡大地無非這一著子憑空捏撰是何心行所以當日密雲作關安救云若眼光更有落地時若眼光落地時更有箇面門出入底向甚處著豈可謂常在面門出入亡僧面前是觸目菩提說甚盡大地無非這一著子若更有這一著子早已千里萬里矣又豈可謂常在面門出入哉足證密雲本無此語古德云一心法界法界一心含盡十方不露絲髮豈惟心具身亦徧含故曰盡大地是一隻眼翠巖上堂云一夏與兄弟東語西話看翠巖眉毛在麼學人誠於此有箇入處自然不起有情無情之妄想不生心內心外之邪思若也未然不特魔忍輩妄說妄評易中其毒即密雲所示亦復飯中有砂在

魔忍曰師憂仰山之讓為在已躬故終日哭泣非無悟人也憂悟人之不透宗旨以害天下後世者也譬如神醫為國人所仰活者既老閱諸子之才皆無一可欲醫之則是天下後世活人之術自我絕矣欲傳之恐不能盡其妙益誤天下後世此風穴之心歟或曰穴之對念公曰聰明者多見性者少觀其意所患在聰明耶曰否謂聰明雖多而見性者不易得耳如百丈通三學德山講金剛經風穴之於書無所不覽世皆盡礙於道但世之聰敏者解略習熟而智多役乎外苟能反所役於道一門深入又惡知其不可夫太阿之鋒在乎利夜光之寶在乎明人之所以貴於萬物者在乎靈聖人之所以貴於人者在乎聖必曰推埋胎塞而後合道則是塵囂不當居祖位而百丈臨濟不得載傳燈矣且夫下語機鈍之若真公者豈可以聰明慧之然風穴捨異而器念何耶或曰真公向未有悟余應曰是何言擊風穴曰當看念法華下語果未悟是教渠學語矣豈有風穴大士教人學語哉或者又曰真公既有悟而風穴曰見性者少豈悟之不足以當見性耶曰悟而不透宗旨則見性未圓如六祖偈曰菩提本無樹明鏡亦非臺本來無一物何處惹塵埃五祖曰亦未見性在靈見之未圓必落偏枯坐此不進與無見等耳又何疑焉

公羊高曰所見異辭所聞異辭所傳聞又異辭孟子曰盡信書則不如無書夫以朝廷之禮樂刑政百兩紀之四國傳之然而世遠年湮猶且多失其實孟子

公羊高特表而出之。戒後世學者毋輕信史氏之文。必權之以人情天理。況荒林野水之間。枯木寒崖之外。一二閒僧傳說千年閒事。其可遽信爲實哉。風穴沼憂仰山之讖。謂在己躬終日哭泣。可爲荒怪不經。愚疑無理。如其有之。則風穴尙何足挂齒。南州處士求死不得。古今傳之爲笑。況十方薄伽梵。一路涅槃門。而容此啞羊污濁之耶。橫亘十方。豎窮三際。都盧是箇正法眼藏。涅槃妙心。雖釋迦牟尼佛不言自我。而傳何煩風穴却恐至伊而斷此事。豈如九流百氏之學。有創有守。有斷有滅者。傳大士歌云。諸佛村鄉。在世界四海三田徧滿。生佛共衆生同一體。衆生是佛之假名。若欲見佛。看三郡田宅園林處處停。或飛虛空中。擾擾戒擲山水口。轟轟或結羣朋往來去。或復孤單而獨行。或使白日東西走。或使暗夜巡五更。或烏或赤而復白。或紫或黑而黃。青或大或小。而新養或老或少。舊時生。或身腰上有燈火。或羽翼上有琴箏。或遊虛空亂上下。或在草木亂縱橫。或無言行自出宅。或入土坑暫寄生。或攢木孔爲鄉。貫或徧草。

木作窠城。或轉羅網爲村巷。或臥土石作階廳。諸佛菩薩家如是。只箇名爲舍衛城。然則箇事可斷絕者。必盡大地衆生。自風穴出世後。無眼耳鼻舌身意六識。無末伽那識。無阿賴耶識。而後可。如不能使盡大地衆生。無此八識。則觸著碰著。盡是釋迦牟尼佛耳。提面命摩頂授記。何用風穴虛費苦懷。妄下迷癡之淚。雖然。風穴平生語句。雖不得與雲門元沙輩同日而語。要亦自具正知正見。豈有此事。如此謬悠之論。識者羞稱。而魔忍輩聞之。悅其類已。津津稱述不置。且耳食其虛名。倚之爲泰山。橫建魔論。以惑惑人以攻異己者。是則宗門中可悲可涕者也。觀其言曰。風穴非憂無悟人也。憂悟人之不透宗旨。以害天下後世者也。夫宗旨外有悟。則所爲悟者。乃魔情矣。悟外有宗旨。則所爲宗旨者。乃魔實矣。不憂自己之害天下後世。而憂人之既悟而不透宗旨。爲害天下後世。如是之說。眞所爲魔說矣。魔忍好以譬喻箇事。彼見教乘每以佛爲大醫王。而學作此語。不知佛之爲醫王。正不得以世醫爲比。世醫以己之術醫人之病。佛

則不然。以已醫。已以人醫。人蓋衆生。將諸佛心爲塵勞門。一念迴光。卽同本得。諸佛用衆生心成菩提道。不得一法安住。佛乘是故。衆生界如佛界。佛界如衆生界。自其成佛而言之。則曰醫。自其墮衆生者言之。則曰病。故曰以已醫。已以人醫。人然則是醫。也是病。也可用他人之鍼灸藥石。否耶。魔忍乃爲風穴。終日哭泣。下注脚。曰譬神醫爲國人所仰活者。既老。閱諸子之才。皆無一可取秘之。則是天下後世活人之術。自我絕矣。欲傳之。恐不能盡其妙。益誤天下後世。此風穴之心歟。若然。則從上古德實有醫人之法。展轉相傳。以至于風穴矣。不見文殊菩薩。一日令善財探藥。曰是藥者。採將來。善財徧觀大地。無不是藥。却來白曰。無有不是藥者。文殊曰。是藥者。採將來。善財遂於地上。拈一莖草。度與文殊。文殊接得。示衆曰。此藥能殺人。亦能活人。學者將此公案。與魔忍所論合觀。其爲顯背佛說。不煩言而自解。夫藥尙無有實藥。醫豈猶有實醫。既是皆無有實。則雖欲秘之。將何爲秘。雖欲傳之。又將何爲傳。秘者。我所有而秘。不示人也。

傳者人所無而我傳與之也。這箇密在汝邊。如何可秘。人人自將得來。如何可傳。若有可秘可傳之處。則非這箇。既非這箇。則以之爲已。卽爲飲鴆以之爲人。卽爲下壘。全是魔術。饒人豈同神醫試手。風穴之終日哭泣。以憂無傳。蓋徧傳聞之。悞而魔忍不知。還倚之爲重城寶之爲拱壁。號於天下。見宗旨之必須傳。傳之難其人而已。之得傳宗旨。爲千古名僧之明證。如是心行魔耶。非耶。肇法師曰。智有窮幽之鑒。而無知焉。神有應會之用。而無慮焉。神無慮。故能獨王於世。表智無知。故能元照於事外。智雖事外。未始無事。神雖世表。終日域中。永嘉云。心鏡明。鑒無礙。廓然瑩徹。周沙界。萬象森羅。影現中。一顆圓光。非內外。夫此神智心鏡。不離第八識。不涉第八識。夫第八識。尙且不離而不涉。則聰明椎魯。乃第六識分中事。何得奴郎不辨於向上一路。任情卜度。椎魯者是耶。聰明者是耶。且喜沒交涉。夫聰明椎魯。於何區別。豈不於事上區別。理上區別。機上區別。境上區別。耶。從念慮起。亦從念慮分。若夫箇事法爾。如然不由念慮。作何交。

涉夫苟著事著理著機著境則神珠隱光靈鑑撒照矣。惟其不著一事而自貫萬事。不著一理而自達萬理。不著一機而自運萬機。不著一境而自融萬境。故曰般若無知而無不知。若乃椎魯者之無知。是於機境理事上有所不知。非般若之無知也。聰明者之有知。是於機境理事上有所知。非般若之無不知也。知是妄塵。不知是無記。皆與般若了無交涉。非椎魯於般若遠。聰明於般若近。亦非椎魯於般若近。聰明於般若遠。總之般若函蓋得聰明。椎魯而聰明。椎魯皆近。傍不得般若。譬如朝廷之禮樂刑政經緯。及於百姓之畊稼陶漁。然令百姓畊稼陶漁於朝廷之上。則從無此禮樂刑政。也是故能悟則聰明。亦悟椎魯。亦悟不能悟。則聰明有聰明之。不悟椎魯有椎魯之。不悟聰明。椎魯皆屬心意識內事。而箇事未明。皆心意識爲緣爲礙。豈容向冰求煖。執火思涼。演唱宗乘而問及於聰明椎魯。卽爲與本分間隔。至於或則詩書滿腹。或則目不識丁。世諦流布。則一人聰明。一人椎魯。究極而論。此是文學遊事。并且與聰明椎魯沒交。

涉儘有當機臨境據理處事。詩書滿腹者昏昏目不識丁者了了。孰聰明耶。孰椎魯耶。夫洞徹了悟之人。其於機境理事重重無礙。無作無爲。如鏡觀人。不思而得。苟非然者。聰明則一思再思而得。椎魯則百思千思而得要。皆與本分沒交涉。而思而得之之難。易卽爲聰明。椎魯之所由分。若夫文學遊事。猶如飲量之高下。或一石而醉。或五斗而醉。或果腹而不醉。或沾唇而已醉。豈得謂能飲者聰明。不能飲者椎魯乎。縱使記得三藏十二分。如瓶瀉水是名運糞。入不名運糞。出若不了悟。轉障正知。正見魔忍。自以爲聰明。曾讀書而輕密雲。目不識丁。故借風穴與念法華。答問聰明者多見性者少一段公案。妄立魔論。深辯聰明之無礙於道。而椎魯之必不如聰明。以真圓頭之了悟。而以鈍拙之故。終不若念法華之得法。風穴言外之意。以爲了悟。則椎魯者亦能之。若宗旨非聰明不可。蓋伊旣爲密雲嗣孫。若謂密雲不悟。則有生於空桑之嫌。故謂悟則椎魯者亦悟。而宗旨則非其所。豈望抑揚反覆微文刺譏。以戲侮密雲。却不知自己。

負墮如云世之聰明者解路習熟而智多役乎外苟能反所役於道一門深入又惡知其不可不快漆桶這箇不在內不在外不在中間是以無不在若以解路爲役智於外而欲反所役於道一門深入是將役其智於內耶且宗門不取一法不捨一法若得了悟則解路亦所不捨解路又豈非法況解路又豈只役其智於外而不役其智於內足知伊解路之說亦是學語又曰反而役其智於道既曰役其智則仍是解路矣又如何得一門深入但有不得其門而入耳且夫道者在內耶在外耶在中間耶今將斷絕解路而專役其智於道則必實見道之所在而後可以役其智乃此如大火聚如金剛圈小則毫毛莫測大則三千大千者將如何役其智而後可耶豈非掠虛弄影漢又云太阿之鋒在乎利夜光之寶在乎明人之所以貴於萬物者在乎靈聖人之所以貴於人者在乎聖必曰椎埋貽蹇而後合道則是慶喜不當居祖位而百丈臨濟不得載傳燈矣亦是不快漆桶夫一際解脫之門平等菩提之記那容如許聖見凡見人見

物見椎埋貽蹇見博學多聞見有如是種種熾然分別見尙安得具正知正見又曰悟而不透宗旨則見性未圓如六祖偈曰菩提本無樹明鏡亦非臺本來無一物何處惹塵埃五祖曰亦未見性在蓋見之未圓必落偏枯益爲不快漆桶見性猶如見月萬里無雲處觀之固見月之全體芥孔針鼻中窺之亦見月之全體只除不見月則已若已見月則月自不能使人分段見半偏見也安得有見之未圓落偏枯之慮至謂悟而不透宗旨則見性未圓益爲魔說其意不過謂六祖作偈時尙未得宗旨故五祖謂其亦未見性直至夜半傳衣乃始密密傳箇宗旨六祖見性始圓以見宗旨之必須密授魔魅人家男女俾知伊之所建宗旨是從佛國傳來伊爲受記負荷宗旨之人不同其他禪侶相與歡喜敬信喧傳一時流播百世造魔業於無窮誠爲何苦乃爾

魔忍曰棒下無生忍臨機不見師即元要的旨穴於廊侍者處雖悟三元而未至於要安得不有再悟耶開書謂既悟三元復於南院處始得大徹遂以三元爲無用是未見汾陽語耳汾陽因僧問如何是學人

得力處答曰嘉州打大像如何是學人轉身處答曰
陝府灌鐵牛如何是學人親切處答曰西河弄師子
乃曰若人會此三句已辦三元更有三要語在切在
薦取此無漸次中真漸次無得失中真得失也洞宗
亦曰士庶公侯一道看貴賤尊卑明位次知此者可
與言宗旨矣

棒下無生忍臨機不見師直得十方虛空悉皆消殞
何處更覓佛見法見尙何有三元三要許多絡索而
魔忍謂是元要的旨可知伊未徹無生忍在既未徹
無生忍之旨則所爲臨機不見師者必認定師字爲
師弟子之師是以魔藏敢於滅師魔忍敢於滅祖夫
十方虛空悉皆消殞正乃山是山水是水虛空是虛
空萬有是萬有是法住法位世間相常住豈得弟子
不住弟子位師不住師位正唯善能分別諸法相於
第一義而不動方不落斷不落常而契空有雙融之
中道若以臨機不見師爲面前參問之師則宛立我
人說甚無生法忍耶魔忍謂風穴於廓侍者處雖悟
三元而未至於要安得不再悟若論三元三要即
使會得如臨濟一般總名知解不名爲悟若以此爲
悟白雲千里萬里卽以三元三要論元中必立要無

要不成元豈有雖悟三元而未至於要之理乃又引
汾陽若人會此三句已辦三元更有三要語在爲證
豈知死在汾陽句下被伊換却眼睛所爲韓盧逐塊
者汾陽三句曰嘉州打大像陝府灌鐵牛西河弄師
子此三句者同耶異耶實法耶非實法耶臨濟分明
說一句中具三元一元中具三要而汾陽三句各具
一元三要尙不在內還須九句始具有是理否只因
僧問如何是學人得力處而答以嘉州打大像夫自
己得力處如何却問他人這僧爲具眼爲不具眼又
問如何是學人轉身處而答以陝府灌鐵牛又問如
何是學人親切處而答以西河弄師子如此三問皆
爲就他人而覓自法安得親切於何轉身有甚得力
於是更與一杓惡水曰若人會此三句已辦三元更
有三要語在切在薦取魔忍乃謂此無漸次中真漸
次無得失中真得失豈非盲參瞎會與這僧同一鼻
孔況汾陽此則公案並未於切在薦取處語絕下文
曰不是等閑與大眾頌出曰三元三要事難分得意
忘言道易親一句明明該萬象重陽九日菊花新還

會麼麼麼會得不是性燥底衲僧作麼生會好魔忍於下半則公案全不理會只取上半則作十成死句實法會在汾陽雖非極則之談乃經魔忍裁削益令短氣夫三元三要事難分則非三句具三元明矣得意忘言道易親則所謂一句具二元門一元中具三要之一句并非執定語句之句爲句又明矣又復自注云一句明明該萬象重陽九日菊花新麼麼會得猶嫌有此一句在所以不是性燥底衲僧今魔忍死在上半則語句下謂是無漸次中真漸次無得失中真得失汾陽若見當評爲何等衲僧也又引洞宗之語士庶公侯一道看貴賤尊卑明位次謂知此乃可與言宗旨轉見不堪此二語卽屬別調無足論者可知伊未舉已前錯且如嘉州陝府西河執貴而執賤大像鐵牛師子執尊而執卑耶必欲穿鑿附會使天下後世知宗旨之傳屬在魔忍所爲作僞心勞日拙也

魔忍曰風穴垂示於臨濟宗旨如青天白日無絲毫障翳盲者自不能見關尹曰不知道而妄意卜者如射覆孟高之存金存玉中之存角存羽卑之存瓦存

石是乎非是乎惟置物者知之關書之於濟上綱宗實有類此關之而不得復解之解之而不通又關之七關三關其射覆也亦勞矣

仰山上堂云汝等諸人各自迴光返照莫記我言汝無始劫來背明投暗妄想根深卒難頓拔所以假設方便奪汝能識如將黃葉止啼有什麼是處亦如人將百種貨物與金寶作一鋪貨賣祇擬輕重來機所以道石頭是真金鋪我這裏是雜貨鋪有人來覓鼠糞我亦拈與他來覓黃金我亦拈與他學人觀仰山此則語句則魔忍所引關尹子語以非笑密雲不知宗旨者其迷謬顯然不須更說矣夫學人果能拈得鼠糞有少分相應處自然冰消瓦解觀體真純玉轉珠回光華圓滿只因無始以來滯礙迷封只要黃金羞稱鼠糞不知盡大地是一箇鼠糞並無黃金所以歷劫沉淪頭出頭沒至若宗師爲人看孔著楔或拈黃金或拈鼠糞都是善巧方便不定法門會得是金不會是矢卽矢卽金卽金卽矢非金非矢是矢是金如何可比射覆孟中存金存玉存角存羽存瓦存石實在置得之一物正惟魔忍輩拾得狐唾狸涎寶爲

黃金藏在射覆孟下。聚集魔男魔女。更相誑惑。互相卜度。自稱識得孟下。是第一異寶。識者便是宗師。不識者便是孟八郎。漢自誤。不了欲率天下後世禪侶。靡然向風。共飲毒乳。所以不得不辭而闢之耳。乃轉非笑關之者。不識孟下何物。魔民所置孟下之物。學道人何用識之。這箇亦是金。亦是玉。亦是角。亦是羽。亦是瓦。亦是石。昭然萬目之前。而視之不見。樅然萬耳之內。而聽之。不聞。不可卜射。無是無非。是豎窮三際。橫亘十方。莫高於天。而不能覆。莫大於地。而不能載。在孟卽孟。而孟不覆。孟置物者。亦物。而物不能置。物魔忍輩。何由識得。若如金玉。羽毛。瓦石。一定而不可轉移。存金則金。不可曰玉。存瓦則瓦。不可曰金。如是而曰。是宗旨。則宗旨卽成實法矣。若然則魔忍自勞。勝於射覆。什倍何謬妄之甚也。

御製揀魔辨異錄卷四

御製揀魔辨異錄卷五

魔忍曰。佛果曰。不疑言句。是爲大病。巖頭曰。大統綱宗中事。先須識句。而風穴又教人體究言句。如此近代老宿。一槩斥絕言句。將使天下學者。以牆壁瓦礫爲師乎。夫牆壁瓦礫。真可師也。但學者不知奈何絕言句哉。文殊曰。此方具教體清淨。在吾聞此。大士不合與今人相左。

宗門之學。直了一心。而直了一心。必勦絕情見。是故每以無義味語。置人八識田中。吞不得吐不得。時節因緣。既至。因地一聲。五花八裂。自然會得。世尊不說說迦葉。不聞聞底道理。若到這裏。廉纖畢竟未曾了徹。在只得仍復體究言句。雖然。無論會去不會去。總與言句無涉。若作言句會。縱使參得千七百則公案。都能下得語。闍羅面前。不管你會答話。不會答話。臘用三十日到來。依舊是業識茫茫。無本可據。圓悟以不疑言句爲大病者。蓋不疑由於不信。不信何由得入信。而後疑。疑而後真。到不疑之地。如從初便已不疑。則是憎上慢大我慢全具。雖有本分鉗鎚。從何下手也。巖頭謂大統綱宗中事。先須識句。夫所謂句者。

如何是句。吾宗無語句而亦無一法。與人是之謂句。誠識得這無語句之語。句自然離四句而絕百非。亦且卽四句而泯百是。若然。則巖頭先須識句。風穴教人體究言句。皆正是斥絕言句。而密雲斥絕言句。却正是建立言句。魔忍死在句下。而謂一槩斥絕。則將使天下學者。以牆壁瓦礫爲師。乎豈知牆壁瓦礫正是言句。若謂牆壁瓦礫爲非言句。則千七百則公案。可知伊無一字薦得在。又道牆壁瓦礫雖真。可師而學者不知。奈何絕言句。若於絕言句處。薦得自然。能體究言句。亦自然能知得牆壁瓦礫是真佛真法真僧。若於此不薦。而欲於言句下測量卜度。則纔有是非。紛然失心。狗塵背本。波起水昏。縱使講誦三藏十二分。亦只做得箇三世佛。冤在。況諸野狐涎唾耶。魔忍又舉文殊云。此方真教體清淨。在音聞。謂此大士不宜與今人相左。文殊此語。與世尊不說說迦葉不聞聞。是一是二。此大士亦不宜與世尊迦葉相左。夫惟這箇。豈該三際橫亘十方。無量無邊。光明清淨。不可以這箇明這箇。尙安可以這箇簡這箇。悟者舉一

滴而已。徹海源迷者。涌千波而全非水性。魔忍教人體究言句。却不知自己全未曾得言句。若果會得。豈復死在言句邊。學人不用如何。若何直須真參實悟。如果真參實悟。則斥絕言句亦得。體究言句亦得。如魔忍者。體究言句亦不得。斥絕言句亦不得也。

魔忍曰。覺範答無盡居士曰。十智同真。與三元同一機軸。乃作頌曰。十智同真面目全。其中一智是根源。若人欲見汾陽老。劈破三元作兩邊。劈破之義。若豈龍點眼。非可以言論通也。關書謂既以劈破。後世不當復有三元。是何言。與吾嘗觀近代老宿開口便罵。知解揣其證悟處。當如師子王。時吼一聲。豈立萬仞。今乃確確然信三元之可以劈破。是將泥丸土鼓爲三元耶。讀至此。不覺噴飯。師又有頌曰。三元三要事難分。得意忘言道易親。一句明明該萬象。重陽九日菊花新。又別頌曰。第一元。法界廣無邊。森羅及萬象。都在鏡中圓。第二元。世尊問阿難。多聞隨事答。隨器量。方圓第三元。直出古皇前。四句百非外。閻氏問豐干。乃曰。這箇是三元。底源作麼生。是三元底旨趣。直教決擇分明。莫只與麼望空。妄解道我習親近和尚來。爲我說了也。脫空說語。喫鐵棒有日在。關書曰。三元三要。不過臨濟一時上堂語耳。當時有執爲宗旨者。故汾陽作頌警曰。三元三要事難分。云云。不知關書何所考據。而爲此說。若頌即是警。則不當分而別頌三元矣。自禁之而又自犯。想汾陽昏悖不至此耶。

大都關書凡見古人有一二語相似即靠之如泰山其不可曉者即改之如響敵似者少而不可曉者多故不免前後錯悞耳如人天眼目師十八問有曰凡學人編辟言句盡覆將來驗師家眼目盡皆打得何故只爲識得破關書引爲一棒之據不知識得破非肘後有符者不能也且夫一汾陽耳頌三元則斥爲狂狗作十八問則倚爲憑仗使古人何以自處耶倘三元之頌爲非則是汾陽見處固非十八問亦不足觀矣使十八問爲是則汾陽之見處元是三元之頌亦是矣阿其紛輪不定一讀而一斷之

嘗謂汾陽昭平生語句除十智同真之外其他無可取者因知十智同真亦屬解路況如此推演開去何所底止正同入海算沙未能啓初學之疑情先牽引人於知解宗徒亦無裨於發心參學者蓋其平生得力處不過三元三要閑家具未踏向上一著在今觀其三元三要總頌分頌亦屬言中取則意下推求以明三元三要則可矣與這箇沒交涉魔忍倚爲泰山以斥密雲三元三要爲臨濟一時上堂語之非反覆辨論推尊三元三要爲箇事極則足知伊於三元三要亦未夢見在三元三要十智同真又豈著得爭競耶至密雲悟謂三元既已劈破後世不當復有三元

固屬拙語而魔忍笑其認三元爲泥丸土鼓將汾陽劈破之義顛預過去謂如畫龍點眼益爲漆桶夫泥丸土鼓安見不是三元三要豈特泥丸土鼓中卽具三元三要若能於泥丸土鼓直下承當却正好劈破三元三要銷除十智同真淨裸裸赤灑灑直達實所圓通無礙肯向三元三要十智同真等閑言牘語作門前之邊耶魔忍又以汾陽總頌三元處非爲抹却三元若總頌是抹却者分頌豈非自禁自犯汾陽昏悖不至於此不知此無是無非法門安可以情見卜度當汾陽總頌三元亦不得謂之禁迨後分頌三元又安得謂之犯且汾陽明明說三元三要事難分矣又分第一元第二元第三元各爲之頌試問謂分耶不分耶不解者若曰昏悖此亦昏悖極矣魔忍何以又畏忌而不敢指斥而專指斥密雲耶至於密雲引汾陽十八問盡皆打得語爲一棒之據而魔忍謂非肘後有符者如何識得破既未識得破如何打得足知伊將一棒作實法會不特喫棒未有了期且亦并無棒喫分在汾陽所爲識得破者豈在意言象數邊

識取如必識得意象數則恒河沙數法門又豈十八問之所能該雖有阿難之多聞又如何識得盡如果無一不記無一不通則其人八識田中裝滿如許絡索情見熾然其人安可與語若離意言象數別有者則是已經會取十八問盡皆打得之旨趣矣既已會得則業已肘後有符更別求什麼符繫肘後手一棒是罰是賞是建是銷本無實義亦無實法如何於此橫生分別捏目生華耶又謂密雲評論汾陽處若三元之頌爲非則汾陽見處固非十八問亦不足觀如十八問爲是則汾陽見處元是三元之頌亦是何其紛綸不定一讀而一呵之考密雲之於汾陽實亦未具頂額隻眼並未縑素分明故其欽重汾陽甚至何嘗敢於指斥而魔忍亦非不知密雲並未指斥汾陽特欲裝誣密雲則其事莫須有使天下後世有議伊呵斥乃祖密雲者將曰密雲之於祖汾陽亦復如是不特使疑密雲者信伊并使信密雲者亦不疑伊其術誠巧顧其拘執謬悠之論實足疑誤學人不可不辨夫此圓宗所爲無是無非法者非若外道猖狂

之見任意縱橫謂之無是無非也蓋以四句分之皆無所住無所著則絕對對待既絕對對待則離四句既離四句則絕百非於此薦得則千七百則公案無全是無全非無皆是皆非無無非無是隨舉一則而皆然然後可於無等級中分霄分壤無分別中辨漚辨涵否則纔有是非紛然失心自救不了如何爲人夫就一則公案尙且如是豈可於一人平生公案內謂三元頌是則十八問必無非十八問非則三元頌必無是耶從其是而言之三元頌亦是十八問亦是從其非而言之三元頌亦非十八問亦非從其有是有非言之三元頌亦有是有非十八問亦有是有非從其無非無是言之三元頌亦無非無是十八問亦無非無是據十八問以非三元頌也可據三元頌以非十八問也可據三元頌而是十八問也可據十八問而是三元頌也可於此薦得則推移無定却爲縑素分明於此不薦則縑素分明正是人法兩執若魔忍之見無論全未會得汾陽三元頌十八問落處在直饒分別尚疎得仍是業識茫茫無本可據

魔忍曰。灌嬰。滕公。樊噲等。從漢高起。豐沛間。攻城掠地。隨功而漸進。至漢有天下。數人者。位不過封侯。至若韓信。則一見而授以上將之權。此先爵而後功者也。若夫胃處尊位。而功業罔建。豈有不夷滅者。功業建矣。而稍自矜伐。亦豈有不夷滅者。初嚴曰。理須頓悟。事以漸修。長沙曰。功未齊於諸聖。夫三乘十地。灌嬰。滕公。比也。功勝於悟。大心。凡夫。超宗。越格。韓信。比也。悟勝於功。無功之功也。予以是觀。汾陽之悟之行。豈非直授上將。而不矜功伐者歟。

如來者。無所從來。亦無所去。往應羣機。而不去。恒歸寂滅。而不來。故曰。如來。入此圓宗。則曰。一超直入。如來地。爲萬法之總持。則有法王之號。作人天之眼目。爰有導師之稱。然此名相。畢竟虛空。讚歎徒多。虛空不受。豈若世間。班爵制祿。有公侯伯子男之分。立政經邦。有君臣民事物之位。魔忍託跡宗門。馳情塵海。三條衲下。裹求富貴。而未得之幻。驅百尺竿頭。作留聲名於千古之癡夢。加以曾涉墳典。略觀古今。記史氏之牘言。無可眩耀。疑古錐之心行。卽是塵勞。遂以菩薩十地等之絳灌之儔。如來正因。擬作淮陰之將。如帶如礪。移爲紹承祖印之丹書。勿伐勿矜。取作涅槃妙心之寶鑑。直是一場笑柄。尙未足云外道邪魔。

也

魔忍曰。玉在山則秀。珠在川則媚。道之在人。也。寧獨不然。予觀會公。深得慧明之道。服勤甚久。至出世而同參者。不知其履實踐真。深韜厚晦。去今日實霄壤。浮山遠錄。公謂首座曰。所以治心。須求妙悟。悟則神和氣靜。容敬色莊。妄想情慮。皆融爲真心矣。以此治心心。自靈妙。然後事物。孰不從化。遠公首山之嫡孫也。所示如此。而近世稱悟者。狀若屠兒。魁創出言行事。禽獸之不若。而世人敬之意。其有悟耳。予願好心護法。而道眼未明者。以遠公言辨之。

謂近世稱悟者。狀若屠兒。魁創出言行事。禽獸之不若。而世人敬之意。其有悟此數語。不知其何所指。指同參之廣通輩耶。抑卽指伊祖密雲耶。總不遇欲當時士大夫輩。勿敬他人。而敬伊耳。其語言辭氣。尙是楊岐所云。神和氣靜。容敬色莊。妄想情慮。皆融爲真心之悟人否。拍浮糟池中。而戒人飲酒。鼓刀屠肆裏。而勸勿殺生。令人厭惡。嗤笑。況證悟之與修行。如水與米。煮而成飯。當其成也。分不得。合不得。未證悟者。雖歷劫修持。而有我。我所。祇增益得人天福果。如有水無米。飯不得成。既證悟而修持。未至其力未充。功未齊於諸聖。如水多水少。飯不堪喫。夫所謂修行者。

自是六度萬行邊事。所謂夢中佛事。鏡裏莊嚴。唯夢唯鏡。卽幻卽真。不將夢與鏡作幻相。會然後能行滿。普賢願海而同夢。與鏡觀至若宗師爲人痛下鉗鎚。只要伊立地自證。違計我此言。我此行與屠兒魁創。爰若自古豈有專論語言外貌之宗師耶。古德云。或是或非。人不識。安得將爲人解粘去縛之施設。教人執滯較量。則如雲門三度扣睦州門。睦州啓門卽閉。軋折雲門一足。得非屠兒魁創乎。臨濟於大愚肋下築三拳。又兩度掌其師黃檗。甚至將鐵築地。謂其師曰。諸方火葬我這裏活埋得。非屠兒魁創乎。他如尼問趙州如何。是密密意。趙州以手招之。俱胝因童子豎指。舉刀斫斷其指。如此等類。不可勝數。魔忍於此等處。將亦生謗議耶。若不敢生謗議。何得詐分皂白。誑惑閭閻。且如瀉山云。山下作一頭水牯牛。去一邊書瀉山僧。一邊書水牯牛。道是瀉山僧。又是水牯牛。道是水牯牛。又是瀉山僧。不知魔忍所爲。好心護法者。於此當作麼生。辨別。應致敬不。應致敬。其敢以禽獸目瀉山乎。舉儒門禮法。以誦訛宗門之機緣。自然

方底圓蓋。魔忍之意。只爲密雲纔問。便棒。便謂是屠兒魁創。因而痛誣之。爲禽獸。以魔魅士大夫之無識者。且以牢籠四方縉侶。令皆樂其逢迎。如此心行。却是儒門中所指爲禽獸之不若者也。楊岐警戒首座之言。蓋屬對病下藥。却因魔忍妄下註脚。鈍置不少。

魔忍曰。昔妙喜大徹後。反於數禪客有疑。乃以問昭覺。覺曰。我禪如大海。你須將箇大海傾去。始得。若將鉢盂盛得些子。是伊器量如此。吾當奈何。嗟。嗟。今日以鉢盂盛得者。若異海。水於此末世。亦表表可觀矣。其所盛又皆污穢不堪之物。便欲撥棄。師法顛狂。悖牢不可開。三復白雲之語。爲之涕泗。

須將大海來。傾取大海去。迷則海心渴死。悟來無盡。無邊。蓋此大圓覺海。不共而不分。不入不可。以智知。不可以識識。無大小垢淨之差別。從上古德相傳。不過爾如是。我亦如是。如是則以一針尖。舉滴水而與大海之潤性無差。不如是。則雖河伯望洋而有見笑大方之歎。況乃以鉢盂盛取者乎。魔忍謂今日以鉢盂盛得者。若眞海水。於此末世。亦表表可觀矣。其所盛又皆污穢不堪之物。便欲撥棄。師法顛狂。悖牢不可開。三復白雲之言。爲之涕泗。不知鉢盂

盛得卽非海水并此鉢孟亦在海中如何盛取上天下地古之今之如魚在水通身是水若泊沙泥而啣取勺水則魚將爲非魚矣乃鯽鯽然較量鉢孟所盛之是海水非海水是垢是淨總因伊未見大海故若眞到大海自然不生是非垢淨之想自然知得盛入鉢孟卽爲鉢孟不爲大海斷無表表可觀之理且既入鉢孟卽爲死水日炙風吹塵蒙土全卽便污穢不堪雖從龍王手內分來究竟背離眞海水若欲得眞海水直須親到海始得並無師法之可執若有師法卽是鉢孟內死水盲傳盲受信而守之一期無見海之分魔忍之病正在自信鉢孟內有眞海水而疑密雲鉢孟內水污穢不堪不知密雲鉢孟久經撲破雖未達彼岸未始不身在海中不若魔忍死守一鉢毒乳却成海心渴死漢也

魔忍曰已呈投機頌白雲業已許可又乃重出白汗今人不能無疑難矣哉禪之不可不悟不可不大悟不可不明大法所云大法者非區區卜度名相而已也

圭峯密曰禪是天竺之語具云禪那翻云思惟修亦

因信證悟

偏歷偏

云靜慮皆是定慧之通稱也今時有但目眞性爲禪者不辨華竺之音也然非離眞性別有禪體但衆生迷眞合塵卽名散亂背塵合眞名爲禪定若直論本性卽非眞非妄無背無合無定無亂誰言禪乎天眞性卽不垢不淨凡聖無差禪則有淺有深階級殊等謂帶異計欣上厭下而修者是外道禪正因信果亦以欣厭而修者是凡夫禪悟我空偏眞之理而修者是小乘禪悟我法二空所顯而修者是大乘禪若頓悟自心本來清淨元無煩惱無漏智性本自具足此心卽佛畢竟無異依此而修者是上乘禪亦名如來清淨禪亦名一行三昧亦名眞如三昧此是一切三昧根本若能念念修習自然漸得百千三昧達摩門下展轉相傳者是此禪也達摩未到古來諸家所解皆是前四禪八定諸高僧修之皆得功用南嶽天台合依三諦之理修三止三觀教義雖最圓妙然其趣入門戶次第亦只是前之諸禪行相惟達摩所傳者順同佛體迥異諸門故宗習者難得其旨得卽成聖疾證菩提失卽成邪速入塗炭祖師革味防失故且

人傳一人後代已有所憑。故任千燈千照。圭峰考正禪之名義。如是。然則魔忍所論禪不可不悟。不可不大悟。不可不知大法者。爲是四禪八定三止三觀之禪耶。爲是達摩西來不立文字直指人心見性成佛之禪耶。如云達摩所傳之禪。則圭峰不云乎。得則成聖。疾證菩提。安得有小悟大悟之階級。且謂大悟之後。又須明大法也。且西來大意直指人心。正圭峰所云非真非妄。無背無合。無定無亂者。禪亦不可得。何況迷頭認影。別有大法可明。與本來自性天真佛爲緣。爲對。然則其所爲大法者。既又非三止三觀天台南嶽之說。其爲圭峰所云帶異計。欣上厭下之外道禪。何疑乎。乃又謂所爲大法者。非區區卜度名相而已。夫大法豈非名耶。伊所捏造一○爲千佛萬佛之相。種種大法豈非相耶。却又見古德斥絕名相學說。箇非區區卜度名相而已。真是掩耳偷鈴漢。

魔忍曰。五祖曰。先師語拙。當時不以爲慢。尊大慧欲毀碧巖集板。當時不以爲好。高退已黃檗。瀛仰不許馬祖下諸尊宿。當時不以爲人。我是非。知此道公也。今海內縉素至賢且明者。猶曰三峰之爭。宗旨誠是。

但名分則不可。嗚呼。是道輕於名分矣。且二者年齒相去不甚遠。所以屈身折節。尋臨濟之道而已矣。有捨道名分。何自而生耶。嗚呼。至明且賢而爲此說者。特未知道耳。

魔忍謂海內縉素至賢且明者。猶曰三峰之爭。宗旨誠是。但名分則不可。夫達摩西來。直指別傳。曹溪滴乳。流行震旦。雖學者車載斗量。得者鳳毛麟角。然此圓宗一燈。照耀今古。代不乏人。魔藏父子以雙頭獨結四法交。加種種奇名異相。疑悞參徒。使一片淨潔空堂堂光華。明日月田地。橫著泥滓。強自號曰臨濟宗旨。自既邪毒入心。累人向惡水坑。裡頭出頭。沒是以伊祖密雲忍後世展轉相誑。妄認其說爲宗旨。而不自悟滅佛滅祖。滅人慧命。貽害無窮。法炬將昏。禪河欲竭。是以作七關以關魔。藏作關妄救。以關魔忍。其間藏忍倒戈相向。痛斥密雲。時無智眼。遂成聚訟。密雲雖亦有見未到處。要之自具正知正見。所論魔忍父子妄建宗旨之罪。自是千秋鐵案。海內縉素果屬賢明。豈有不識伊等種種作爲實法。至妄極謬之理。如尙以伊父子所爭者爲是。則是一般瞎漢日月。

魔天而不見者。謂之至賢。且明可乎。且既謂至賢。且明者。皆以爭宗旨爲是矣。而又以其人爲未知道。豈道又在宗旨外。宗旨又在道外耶。伊所爲宗旨。果何宗旨。伊所爲道。果何道也。不過欲矯誣密雲。煽惑當時士大夫。而彼士大夫。雖皆孟八郎。漢不辨孰是孰非。然而弟子不得滅師。子孫不得滅父。祖人人共曉。豈能無議於是。爲此說。以自解免。先以至賢。且明之名。奉之。復以未知道之說。魔魅之。不知不覺。自說自相矛盾。然則魔忍是何心行也。雖宗門父子。原因法乳相傳。而同世間之名分。然使密雲妄建宗旨。而藏忍諫諍。則可譬之父有諍子。今伊等將從上相傳佛法的大意。塗汚漸滅。如此密雲起而正之。便任意謗毀。并欲滅絕名分。是乃家之逆子。實萬中無一可許者。

魔忍曰。夫透法而後忘法。世間技藝且爾。況無上覺道耶。今之撥無宗旨者。若未渡而焚舟。泥於名相者。若忘渡而懸筏。二者俱病。

透法而後忘法。世間技藝尚然。況無上覺道耶。斯言也可知。魔忍尙未知道與技藝之不可同日語也。夫

◆沙河疑例

技藝從知而知。從學而得。由習而精。由熟而神。無大小必有規矩焉。迨其神明於規矩之中。而變化於規矩之外。則所爲忘足履之適也。忘腰帶之適也。所爲透法而後忘法者也。若夫無上覺道。不可以知。知不可以學。得非習所能精。非熟所能神。不欠一法。不剩一法。不取一法。不捨一法。恒沙河數法。門舉一是。無上覺道者。而不可得。而何法之可透。舉一非無上覺道者。而不可得。而何法之可忘。魔忍涉獵外典。蓋聞莊周之論。而拾其唾餘耳。莊周之寓言曰。仲尼適楚。出於林中。見痾偻者承蜩。猶援之也。仲尼曰。子巧耶。有道耶。曰。我有道也。五六月累丸二而不墜。則失者錙銖累。二而不墜。則失者十一。累五而不墜。猶援之也。吾處身也。若槲株。拘吾執臂也。若槁木之枝。雖天地之大。萬物之多。而唯蜩翼之知。吾不反不側。不以萬物易蜩之翼。何爲而不得。孔子顧語弟子曰。用志不分。乃疑於神。其痾偻丈人之謂乎。夫累丸五而不墜。是透法也。當此之時。內忘已躬。外忘萬物。唯丸之知。不以萬物易丸。然後移之以承蜩。而若援焉。固忘

也。魔忍妄意五家宗旨。若累丸焉。迨其既熟而證無上覺道。猶累丸既熟而承蜩若綴。也是謬之甚也。夫用志不分。乃疑於神。豈可以喻出世間法。我王庫內。無如是刀。夫既有所用之志。復有用志之所。是識神分別影事也。既有能神之技。又有神技之能。是業力假僞機關也。以識神分別影事。造業力假僞機關。以此爲筏。爲舟。渡清淨覺海。是猶駕火輪入火宅耳。方且末由至乎津涯。遑問彼岸。禾山方上堂舉拂子云。看看祇這箇。在臨濟則照用齊行。在雲門則理事俱備。在曹洞則偏正叶通。在潞山則暗機圓合。在法眼則何止於心然。五家宗派。門庭施設。則不無直饒。辨得個儻分明。去猶是光影邊事。若要抵敵生死。則霄壤有隔。學人觀禾山方之言。則魔忍所稱撥無宗旨者。若未度而焚舟。泥於名相者。若忘渡而戀筏之語。可以無惑矣。縱使於門庭施設處。個儻分明。透法忘法於無上覺道。有何交涉。此非乘筏渡海。直是階梯升天耳。或曰。五家宗派更換面目。接人古德爲人解粘去縛。慈悲方便。今日階梯升天。不其過歟。曰。無過

也。面前虛空。卽是昊天。無適而非天。知天者不移跬步而已。在天之中。不知天者。欲階梯以升天。雖累百仞而上。其蒼蒼之色。終不可得。而捫也是。故悟者隨舉五家宗派。皆是無上覺道。若魔忍者。雖於五家宗派。個儻分明。猶登百仞之梯。終不可得。而捫蒼蒼之色。爲其不知身在天中。而妄意階梯之可以升天也。世間固無上天之梯。而安得有證道之法耶。

魔忍曰。三峰先師欲求人於古人之中。見學者品器不端。輒謝去。冀渠洗心滌胃。而每每成怨。至有捏造種種相似言句。誣爲三峰所傳。人之喪心。固至於此。且三峰嫉滅法者。如仇。滅法者。嫉三峰亦如仇。天下共知也。使有言句傳爾。又肯擴爾以資讎敵乎。此稍知事勢者。不爲也。夫言句所以載道道。固不在言句。使道在言句。則得言句者。固得三峰之道矣。三峰求人若饑渴。又肯爲此不情之舉。擴汝得道。眞子乎。余觀佛果悟由有曰。盡其機用。祖皆不諾。况區區記持言句。妄謂得道。刪擴亦宜矣。尤不省過。而壞教傷義。使其稱讚三峰。相辱不乃甚乎。

虛空有仇乎。無有也。排之捫之。而虛空不知也。大地有仇乎。無有也。履之踐之。而大地不知也。虛空非不知也。排之捫之者。亦卽虛空。更且卽此虛空。無二虛。

空知在能排能捉之虛空邊不在所排所捉之虛空邊也。大地亦然。履之踐之者亦即大地。更且即此大地無二大地。知在能履能踐之大地邊不在所履所踐之大地邊也。其體自體其知自知不與萬物爲對。則不與一物爲仇矣。一人發真歸元。虛空大地悉皆消殞。淨裸裸赤灑灑。沒可把。豎窮三際。橫亘十方。何滅何起。何憎何愛。何取何捨。何是何非。何彼何此。何背何向。與天地同根。與萬物同體。方且不見有己而何人焉。方且不見有人而何仇焉。禮記子張問孔子居父母之仇如之何。居兄弟之仇如之何。居從父昆弟之仇如之何。孔子一一答其問。而不聞子張問居己躬之仇如之何。也不聞孔子言居己躬之仇如之何也。可知儒者之學固亦無仇矣。仇也者匹也。敵也。是以怨耦曰仇。而嘉耦亦曰好仇。至人無己。靡所不已。夫靡所不已。則絕對對待。既絕對對待。則何所仇。以儒門世法論之。猶且無仇。況乃出世間法乎。聞夫與人爲仇者矣。未聞與己爲仇者也。既已靡所不已。猶有所嫉之仇。豈非與己爲仇乎。夫靡所不已。猶不得有

己之見者存。況乃宛立一己。己外又宛立一法。己外法外又宛立一滅法之人。而嫉之仇之如此。爲法起見。眞乃愚甚癡甚。嫉人滅法。不知自己早已滅法了也。魔忍稱其師曰。先師嫉滅法者如仇。而滅法者亦視先師如仇。此二語。藏忍父子並未破參業。已自己分疏明白了。無可疑矣。夫起佛見法見。猶是二鐵圍山。若起嫉見。仇見。非現前黑暗地獄乎。雖然。魔藏父子所爲嫉滅法之人如仇者。猶是妄語。實則不過嫉名勝於己者如仇耳。至其所謂伊師魔藏並無言句傳人者。不過蓋覆魔藏言句之失。自知其爲妖血狐臊而欲一洗之。且以撥棄同參之人。顯己之爲嫡嗣。以誑惑當時士大夫。其卑鄙尤不足挂齒。

魔忍曰。金剛王劍佛祖不留。至虎邱應菴十有二傳。如器注器。當時有與臨濟先後出世者。如石霜多枯木衆。以勝妙境界作究竟。至首座化去。不會宗旨。徹九峰孰能反正之。厥後流爲默照邪禪。而眞淨五祖妙喜諸老宿痛斥其非。追勝朝此病熾作。雖沒量大漢不免從狐鼠蹊徑中來。賴是二老生鐵鑪成。終得正悟。雖悟後痛訴昔時之謬。往路之非。而學者耽著恬寂。卒不能捨。甚哉邪法入人之深也。緣是國初至今。多坐不語禪。南北甚行。牢不可破。天童三峰相並。

而出十餘年中。撲盡黑暗魔軍。窺曰。然而狂打潑罵。記名泥跡之弊。不旋踵而生。末世說法。其難如此。要當扇以淳風。威以至誠。驗以宗旨。擇以人類。復還馬祖百丈臨濟。興化已來之元氣。根本全機。大用非徒露露然口舌爭也。若夫雪巖父子。拈提濟上綱領。下刀發藥。去古人實有間。設使施之今日。獨不可以稱良劑乎。故曰。道藏也。聖人時也。

慶諸住石霜山二十年。學衆有長坐不臥。屹若株杌。天下謂之枯木衆。九峰虔爲侍者。石霜諸歸寂衆。請首座繼住。持虔白衆曰。須明得先師意。始可首座曰。先師有甚麼意。虔曰。先師道休去。歇去。冷湫湫地去。一念萬年去。寒灰枯木去。古廟香爐去。一條白練去。其餘則不問。如何是一條白練。去首座曰。這箇祇是明一色邊事。虔曰。元來未會先師意。在首座曰。但裝香來。香烟斷處。若去不得。卽不會先師意。遂焚香。香烟未斷。首座已脫去。虔擲其背曰。坐脫立亡。卽不無先師意。未夢見在。石霜導衆參學。精勤一時。稱羨而有枯木衆之號。其後首座坐脫而九峰明向上一路。不涉功勳。旣以能坐脫立亡示人。則是猶有這箇在。豈所謂生是不生之理。此不過石霜會中兩般故典。

與石霜沒交涉。在初非因枯木衆而有此首座。亦未見首座必是枯木衆中之一人也。且卽此枯木衆中。亦萬有不齊。其屹坐勤參。長年不會。作方來之福果者。固不無。安知必無發真。歸元洞明。廓徹而以四禪八定。作夢中佛事者乎。乃魔忍牽合附會。謂枯木衆以勝妙境界。作究竟。而九峰反正其弊。九峰還甘受。否且謂厥後流爲默照邪禪。然則達摩面壁九年。亦默照邪禪乎。卽以默照言。祇是弄精魂。漢尙不犯謗。大般若罪業。豈若伊未得。謂得。未證。謂證。捏造名相。瞎人眼目。妄稱宗旨。塗污慧命。何得轉將勤參力究。自求證入。不肯順朱填墨之道。流盡斥爲黑暗魔軍。狐鼠蹊徑。耶。魔忍自知以三頓棒。三撼門扇等。配三元。三要以爲宗旨。難逃明眼人一覷。於是。以天童之弊。在狂打潑罵。三峰之弊。在記名泥迹。若曰。三峰本無奇名異相。乃學徒記名泥迹之咎。以此回護。其計誠巧。豈知終難逃明眼者之一覷乎。且天童以一棒指人立地處。猶是本分草料。何嘗不是古德方便法門。乃以狂打潑罵。諺之使天下後世。將棒作打會。喝。

作罵會印定眼目。只這便是黑暗魔軍劫人法施矣。至其所稱扇以淳風。感以至誠。驗以宗旨。擇以人類。復還馬祖百丈臨濟興化已來之元氣根本。全機大用之說。益不知其是何等嚙語。入此圓宗。如斬一握絲。一斬一齊斷。說甚淳風澆風。至誠至偽。既云宗旨。則淨瓶便是古佛。何況同此眼耳鼻舌身意。誰則不是釋迦出世彌勒。再來而欲擇以人類。竊恐欲擇人類者。早非人類耳。從上佛祖昔亦無生。今本不滅。鉢盂裏拄杖頭常轉法輪。無斷無盡。後代兒孫。卽箇湮沒得他。可湮沒者。卽是邪法。復他何用。若不能者。何須言復。亘古亘今。亘上亘下。亘東亘西。亘南亘北。一切法門。無盡海同會。一法道場。中西天四七東土。二三到此說。同不得。何況於異。豈得馬祖百丈臨濟興化。別有什麼元氣根本。全機大用。若謂宗門至馬祖百丈臨濟興化。而後元氣全根本。固全機大用。著豈不裝誣煞馬祖百丈臨濟興化。況乎馬祖百丈臨濟興化。正如大珠小璣。賤瑤貴玉。何得連類並稱。足知伊有眼同盲。何苦強作解事。

辨異錄卷五

御製揀魔辨異錄卷六

魔忍曰。臨濟大法。後世得其自受用者。亦間有之。至於驅耕奪食。解粘去縛。應蕪華藏而下。能說者未必能用。能用者未必能全用。或有窮而未覓玩而弗精。故天奇諸老。不復拈起矣。近世遂以宗旨爲怪誕。實由漸而至著也。余述五宗救得失。必書之。非暴其所聞。以論先德蓋法之隆替。係此知而罪我又何憾焉。絕學無爲。閑道人只領取箇自受用。夫領取自受用者。非斷得乎自受用而領之也。斷得乎自受用而領之。則首越而之燕矣。雖然。非實有證。夫得無所得之元旨。斷不能得自受用。既得自受用。一生參學事畢。至於驅耕奪食。解粘去縛。亦只是自受用。若起箇人之見。卽便已不自受用了。也。學人只愁不作佛。不愁佛不會說法。驅耕奪食手段。古德謂之一時籍沒。伊家計。然後責伊納鈔。蓋不如是不能使人能所忘情。識盡是非。泯聖凡融。斷却命根。大死大活。良非得已。非以此自矜口頭滑利也。人果得自受用。後自然信手舉一莖草。皆能殺人。皆能活人。這個伎倆。豈從人得不見佛曰。空道自己。尙是冤家。從人得堪作什麼。

魔忍動稱臨濟大法考論宗旨源流卽此便是客作漢不二法門中何處安著夫爲人良非細事如金針刺眼豪髮若差眼便瞎却然而評論從上古德優劣專以能爲人解粘去縛與否有驅耕奪食手段與否爲斷却又爭得驅耕奪食解粘去縛又豈只在語句機緣種種假相邊卽作權巧施設會亦只如泛一葉輕舟於大海耳達磨西來九年面壁不說一字且道達摩爲人不爲人魔忍以此貶斥應菴華藏以下而於天奇尤多微詞應菴華藏天奇之爲人處魔忍又何能知得卽使應菴華藏天奇與魔忍父子一鼻孔出氣魔藏父子所捏造之大法小法種種奇名異相應菴華藏天奇於數百年前何由冥符默合耶乃以此刺譏伊祖却又自比於孔子之作春秋發知我罪我之歎何其狂悖

魔藏云興化既悟這兩喝又道曾學箇實主句則何待向歌言句中大悟中峰道大覺興化棒喝交馳豈容思議則二老既同鼻孔化何更待後語耶今之不識宗旨者每每藉口中峰有掃蕩宗旨藥病之言爲實法守住初悟不肯信有徹底實主等事若向這裏了去便不疑五家各闡祖師心印之妙也復猷云

兩既已明打豈不會兩度相掃無何復醉兩次說下又加粗黃栗也應百難碎堪笑兒孫逐隊多翻舊語

中峰本學問淵博文采高出道流迨後自領會得深歎尋行數墨泥名著相之害故其導引禪侶每以參須眞參悟須實悟自心自證不從人得諄諄訓示痛掃五家宗旨如云達磨西來單傳直指初無委曲後來法久成弊生出異端或五位君臣四種料簡三元九帶十智同眞各立門庭互相提唱雖則一期建立却不思賺他後代兒孫一箇箇渾身墮在參天荆棘中枝上攀枝蔓上引蔓但見葛藤遍地無有出期逗到頭白齒黃命根子欲斷未斷之際返思從前知解豪髮無靈甘赴死門悔將奚及近代叢林如斯參學者波蕩風靡十人而九矣中峰本此等言句平生不一而足至其拈古頌古不過翻騰公案欲學者知道箇不落是非不得於言句上起優劣想致墮情識中使古德解粘去縛機緣增粘添縛向生死海裏頭出頭沒識渠此意則渠拈古二十六篇頌古三十一篇本同一律其拈大覺兩打興化公案云二虎之下獸

不容蹄兩刃之間。人不容足。當大覺與化棒喝交馳之際。豈容心思擬議於其間。雖然。只如大覺云。脫下衲衣。痛與一頓。與化言下。大悟。又悟箇什麼。這裏見得。許你作臨濟半箇兒孫。中峰此語。正謂徹底賓主。猶是門庭施設耳。而魔藏轉欲牽合。將來作伊所捏造之宗旨。之證據。謂二老既同鼻孔。何必待後語始悟。意謂與化所悟。即悟這箇宗旨。造此黑暗魔窟。引人入穽。與化中峰二人。雖皆未究竟。然亦至何於此。極夫徹底賓主。若在名相上求。則向去初悟遠在。既得初悟。便不同如來行處。行豈肯信此紅紫亂朱之說。轉復癡狂外邊走。若果薦得古德賓主。則始終主之旨。則伊所捏造之宗旨。更容何處安放。而云若向這裏了。去便不疑五家各闢祖師心印之妙。不快漆桶如是如是。夫祖師單傳直指處。不得認自己精魂。以爲本性。是故不於心外別有信佛之心。亦不於自心之內。見自心有佛相。然則立一祖師之心。又立一自心。又立一五家之心。於是以心印心。以心關心。豈非全是心意識邊事業。識茫茫無本可據。

夫祖師有何心印。全是指點各人已躬下事。五家雖更換面目。接人無非導人自證自悟。何嘗有一實法與人。若道箇祖師心印。已屬捏目生華。又道五家各闢其心印。真乃古德所云。認驢鞍橋作阿爺領頰者矣。

魔忍曰。佛祖單傳之道。不言福德操行。要非無福德無操行者。所能傳持。但恐偏墜福德操行而入道不精耳。自應菴華藏以後。臨濟之道。日就浸溺。餘波未流。無所不有。欲求高峰之履踐。中峰千履之福智。以振起末運。烏可多得哉。三峰先師。據令獨行直取。置之沉痾。福德操行人類文章。非所云也。如宋學士製師塔銘。敘其末曰。源嘗往伏龍山。見師。師問曰。聞君閱盡一大藏教。有諸謙曰。然曰。君耳聞乎。目觀乎。曰。目觀也。曰。使目之能觀者。君謂誰耶。謙揚眉向之。於是相視一笑。縮爲方外友。以此言之。則臨濟正法眼藏。至師之世。已若大藥元酒。備而不用久矣。厥後天奇祖翁。只以一誰字誨人。至於廣通鑒。遂明目張膽。數淳池之法。爲奇名異相。法運之變。否亦甚矣。而天童之棒。三峰之宗。旨恰恰乎。激揚於是。豈徒然哉。

唯此一事。實餘二。即非真。是以佛祖云。善惡都莫思量。自然得入心體。又曰。諸行無常。是生滅法。宗徒因此。但取頓圓不尊戒行。不知實者權之實。真者幻之。

眞權者實之權。幻者眞之幻。膠立眞實之位。則見相橫前。仍沿此岸。不修權幻之行。則守愚空坐。卽是塵勞。果於一味的。旨不犯纖毫。必於萬善門頭。不捨一法。菩薩以無所得而爲方便。涉有而不乖空。依實際而起化門。履眞而不閤俗。常然智炬不昧。心光雲布。慈門波騰。行海遂得同塵。無礙自在。隨緣一切。施爲無非。佛事所爲。以虛空之心。合虛空之理。而無虛空之量者也。學人欲了生死。斷輪迴。非鼓波羅密之智。機駕大般若之慈航。越三有之苦津。入普賢之願海。豈能理事無礙。身心一如。如何厭幻。欣眞。簡權認實。用生死之根本。測圓頓之性宗。但有空花。終無妙果。魔忍謂佛祖單傳之道。不言福德操行。所謂鸚鵡學人。言依語失義者。佛祖單傳之道。何嘗如是不聞大集經云。捨離大慈而觀無生。是爲魔業。獸離有爲功德。是爲魔業。釋迦達磨。豈應有異旨耶。魔忍又謂但恐偏墜。福德操行而入道。不精益屬魔說。夫曰道則有情無情。全在裏許。悟者不入迷者不出。未得了悟而勤修福德操行。未嘗出於道外。既得了悟而勤修

福德操行。如何轉不在道中。夫此圓宗離四句絕百非。更無一法爲當爲對。豈得將福德操行與之爲當爲對。而云偏墜。福德操行據魔之見。不當偏墜。福德操行則當偏墜於道耶。夫有左右。則各有一偏。有中有不中。則有四偏。今將以道爲左。而以福德操行爲右。耶。抑以道爲中。而以福德操行爲偏。耶。若以道爲左。而以福德操行爲右。則不左不右之中。何物居之。若以道爲中。而福德操行爲一偏。則彼三偏者。又何物居之。得毋啞然自失否。又曰。自應菴華藏以後。臨濟之道。日就浸溺。餘波末流。無所不有。夫曰道。卽釋迦牟尼佛亦專擅不得。尙不得云釋迦之道。況可云臨濟之道乎。夫道無量無邊。輝騰照耀。威音那畔。爾勒當生。含蓋十方。超出三界。若有道可名。謂之釋迦之道。則何以異於西天九十六種外道乎。今魔忍動稱臨濟之道。裝認臨濟不少。如果臨濟別有道者。卽臨濟已是外道。又何怪夫餘波末流。無所不有。唯其本無有道可名。是以自證自悟者。從佛口生。爲佛眞子。既具正知正見。則能害所害俱消。自縛他縛同

解逢緣猶蓮華上之水。歷事若虛空中之風。尙不得以福德操行名之。何況非福德操行。後世宗門衰謝。只圖暖熱門庭。未得謂得。未證謂證。冬瓜印子。盲傳瞎受。展轉相欺。反覆自誑。此等宗徒。去勤修戒行。不敢妄說涅槃者。尙是千里萬里。其餘波末流。無所不有者。固其所耳。又何怪乎。雖然。原是一班俗漢。妄認臨濟子孫。原與臨濟沒交涉。在譬如古來曾讀六經四書。而於修齊治平之道。茫然無知。更且所爲之事。遺臭萬年者。其人亦多矣。與周孔有何交涉哉。藏忍父子。總總然自以爲臨濟後人。欲爲臨濟扶衰救弊。豈非疑衲爲鬼。剜肉成瘡。魔忍又推尊其師。謂三峰據令獨行。以砭道之沉痾。夫人則有沉痾耳。道安得有沉痾。道無受沉痾之所。而又安得有受砭之所。既無受砭之所。而自謂能砭。豈非妄施功。虛捏怪乎。乃謂千巖未能了徹。臨濟正法眼藏。舉金華宋濂揚眉一笑爲證。夫宋濂揚眉。千巖一笑。知千巖是何心行。歇後宋濂爲千巖作塔銘。欲自負作家居士錄入文中。豈得以此卽爲千巖。只認得箇昭昭靈靈之實據。

況乎正法眼藏。廣周法界。不於此外別有一法而得。安住一切諸法。含攝諸塵。圓裹三際。如何將正法眼藏專屬之。臨濟又如何可謂是臨濟正法眼藏。至千巖之世。如太羹元酒。備而不用。足知伊於臨濟。示寂垂語處。皆作十成死句會矣。念言語漢有甚了期。如作十成死句會。臨濟三聖尙何足道。直得諸方稱揚。流傳今古。今且不惜饒舌。略爲注破。臨濟云。我滅後不得滅。却我正法眼藏。喫官酒。販私鹽。三聖出云。爭敢滅。却將錯就錯。臨濟云。已後有人問你。向他道什麼。忽轟一聲塗毒鼓。三聖便喝。自起自倒。臨濟曰。誰知吾正法眼藏。向這瞎驢邊滅。却任爾雲雨翻覆。箇中不見不聞。所以古德或云。密付將終。全主卽密。或云。親承入室之眞子。不同門外之遊人。乃魔忍尙謂臨濟實有箇正法眼藏。眞所謂三家村裏漢。放下擔。商量今日中書堂裏議何事也。如此陋見。乃強作解事。妄謂千巖以來。正法眼藏若太羹元酒。備而不用。不知正法眼藏。千巖如何備。又如何用。塗污千巖。猶小其塗污。臨濟亦已甚矣。

魔忍記密雲悟與法藏付法悟由云三峰藏來參請
臨座示臨濟宗旨來源師舉至百丈再參馬祖黃檗
吐舌丈云子已後莫承嗣馬祖去麼檗云不然今日
因師舉得見馬祖大機之用且不識馬祖若承嗣馬
祖以後喪我兒孫故臨濟三度問佛法大意檗只棒
三頓後臨濟出世惟以棒喝接人不得如何若何只
貴單刀直入三峰出衆禮拜起便喝師云好一喝峰
又喝師云汝試更喝一喝看峰禮拜歸衆師乃顧峰
復舉僧問古德云朗月當空時如何德云猶是塔下
漢僧云請師接上塔德云月落後相見且道月落後
又如何相見峰便出

當日密雲於魔藏請示臨濟宗旨來源時便應痛棒
趕出院免令如何若何魔魅人家男女乃搬演雜劇
說恁麼百丈再參黃檗吐舌如此絡索何嘗是單刀
直入漢木心不正到底皆邪此却難爲密雲諱藏之
魔悟所啓也魔藏出衆禮拜起便喝悟曰好一喝峰
又喝悟曰汝試更喝一喝看藏禮拜歸衆眞成一雙
傀儡自起自倒悟乃復徵月落相見因緣詰藏以月
落後如何相見惹得魔子撮空弄虛却賺盲師認真
作實白雲千里萬里矣乃遂以源流拂子表信所爲
盡九州鐵鑄不得這一大錯

魔忍又記三峰問云齊上門庭即不問如何是堂奧
中事師曰汝即今在恁麼處峰云此猶是門庭邊事
師指云汝且坐峰云嘆未幾師以源流付之

說箇堂奧中事便是知解宗徒十方無壁落四面亦
無門何處分堂分奧分門分庭從上以接引初機善
權方便謂之門庭施設究屬強名豈爲眞實悟者即
門即庭即堂即奧不悟者道是堂奧不得道是門庭
亦不得盡大地無非這一著子若悟得這一著子則
說是門即是庭即是堂奧而無人是門行是庭升是
堂奧者若不悟道有是門庭堂奧是幻魔道無是門
庭堂奧是空魔夫以門庭堂奧言者法相也以進門
行庭升堂入奧言者人相也若取法相便不得進門
行庭升堂入奧若取人相便在門庭堂奧之中而捉
摸不著門庭堂奧且即人即法即法即人便是門
庭堂奧如何可言進門行庭升堂入奧且非人非法
非非人非非法人相法相兩不可得何得復有門庭
堂奧種種戲論直得大地平沉虛空消殞折合歸來
自然能將門庭作堂奧移堂奧作門庭又復分明順

序門庭是門庭堂奧是堂奧今魔藏橫一堂奧之見在胸中疑佛祖別有箇秘密法門正是所爲門外漢也密雲謂奧者主人之所安息卽漢月之立地處金錢不快刮眼添傷故曰藏之魔悟所啓也

魔忍曰寧可將身入地獄不將佛法作人情古德自晉語也借如關書所論則先師既不知自己立地處又不識舉一舉二之用處是一茫然無知之掠故漢子耳乃獨喜便出一事而付之源流豈不以佛祖慧命爲兒戲乎況不獨先師一人爲然也付法數人皆然也輒前是而後非之清淨法眼果安在哉先師嘗自頌前三則語曰舉一舉二出親言三番擲過有南泉七百年來起臨濟搥胸換手哭蒼天蓋傷夫傳持祖道者使學家三番擲過而不知也或者疑之曰三峰既以彼爲不識宗旨卽勿受源流可也既已受其源流矣亦何辨論之多乎此蓋不察弘法教弊者之心耳夫仲尼之仕魯孟軻之遊梁非求售也將微爾明堯舜之道而已也彼一聖一賢者豈以梁魯之君班堯舜而彼臣之哉庶幾可說以堯舜之道耳夫言不用卽去去而禁之曰終身勿失人臣之禮中士可能也去而禁之曰終身勿談堯舜之道雖孔子孟軻亦未能也不能而愈禁之獨無慨嘆乎夫三峰之受源流亦猶孔子孟軻事梁魯之君也三峰之不得於師亦猶孔子孟軻之不得於諸侯也古者臣有不得於君子有不得於父道亦窮矣或著書以明志或賦詩以寫哀怨小弁離騷之類是也三峰先師正百代之宗旨獨古抑今鬱氣懷慨實所以明上下之道使

◆突發異

不墜於地而已也獨無觸諱乎孔子蓋嘗作春秋矣夫曰常樂我淨曰極樂國土不二法門中古德言其樂者多矣雖樂亦情識中事實則不得有樂之可名然到得拈却炙脂帽子脫却鶻突布衫之時淨潔空堂堂光華明日月何以名之不名之爲樂不可矣此中那有傷心隕涕之聿師曰起無緣之慈發同體之悲如菩薩行願者要亦是夢中佛事尙安得有靜已之是斥人之悲謂世莫我知因而俯仰興悲之理魔藏曰舉一舉二出親言三番擲過有南泉七百年來起臨濟搥胸換手哭蒼天魔忍述其師之意曰蓋傷夫傳持祖道者使學家三番擲過而不知也豈非楞嚴所云悲魔入其心臍者乎乃託於小弁離騷之義以自粉飾夫小弁離騷在世間法已非中正之道若周公孔子當之必不如是況可以此論出世間法耶出世間法本自無諍如何斤斤然辨龜毛之短長議兎角之銛鈍中心怍怍憤悶不平至欲起臨濟於九原而問之一何癡至於此夫臨濟若是箇漢則昔本無生今亦不滅當伊握筆鼓舌說此寫此魔魅人家

男女塗污慧命語句之時。早在塵塵刹刹中發觀音大悲心。道苦哉。佛陀救伊不得。若非然者。臨濟卽是箇尿牀鬼。子問他何用。不見肇法師云。人則求古於今。謂其不住。吾則求今於古。知其不去。今若至古。古應有。今古若至今。今應有。古今而無古。以知不來。古而無今。以知不去。若古不至。今亦不至。古事各性住。有何物而可去。來然則卽魔藏七百年前起。臨濟一語可知。於不遷論義未明。既於不遷論義未明。可知於如來二字。尙未解得。方且算不得。箇義解宗徒。何得學人饒舌說甚舉一舉二。夫了知一萬事畢。實際地不立一塵。無有聖人法。如微塵許。而有異。亦無凡夫法。如微塵許。而有異。若乃放過一著。落在第二。則萬行門頭不捨一法。豈得五戒不持。放出業識。無明與師爭論。孰非孰是。甚乃至於捶胸換手。哭蒼天。能不你哭我笑。婆子哭蒼天。公案被伊如此引用。雖岐死禪和。如麻如粟。然婆子當時不料被魔藏塗污至此也。至於源流授受之間。引孔孟事梁魯之君。以爲解其悖道傷義。豈特佛法之所不容。且爲王法

之所必戮。夫君臣之義。猶父子然。天定之也。孔子爲魯之臣。豈孔子所得擇焉者哉。孔子卽不相魯。豈得曰非魯臣。孔子安得議魯君爲非。堯舜而不爲之臣。且堯舜之所以爲堯舜者。唯以君臣父子之義自堯舜而益明。萬萬世蒙其福。故孔孟言必稱堯舜。豈有包藏鄙非君父之心。而口述堯舜之道。以檢點之。若是者。正堯舜孔子之所必誅。而魔忍竟此以塗污孔子。以塗污堯舜。何其悖哉。至於戰國之時。天下橫分。君臣之義不墜。如錢孟子生於其時。較之孔子之時。抑又變矣。然其事梁齊之君。終不敢挾堯舜之道。以檢點惠宣也。不必孟子之賢。而始然也。其以堯舜之道陳於君前者。恥已之不能使其君爲堯舜。非檢點也。使以爲堯舜之道盡在已。而檢點齊宣梁惠。尙安得爲孟子哉。孟子之忠非淺夫之所知。孟子之孝則三尺村童所傳爲二十四孝中之一也。忠孝一心。君父一理。曾聞孟子以堯舜之道檢點孟母耶。今藏忍父子背叛其師。密雲悟自比於孔子。孟子之不得於梁魯之君。自稱得箇什麼。臨濟之道。挾之以檢點密

雲而自比於孔子之作春秋怪誕荒唐至於此極伊於孔孟之書曾未涉其津涯乃掠取村塾學究不通時文之講解矯誣聖賢污濁佛祖以眩惑一時無學無識之士大夫其與左道妖言曾何以異彼固不知堯舜之道爲何道彼亦不知佛祖之道又爲何道不過以密雲爲臨濟宗幻有傳之子希得其源流枝拂以便開堂聚衆用譽沽名密雲智眼未明爲其所惑一時付以源流迨後悔之無及救之不可而藏忍遂大肆厥詞公然與密雲爲讐謂密雲雖是臨濟子孫而不得臨濟之道自稱臨濟之道盡在已於此惑世誣民使天下謂密雲不如其弟子而伊爲實得臨濟之嫡傳者又恐無學無識之士大夫固不知臨濟之道是何物也於是就其在村塾中所聞什麼堯舜之道什麼孔子仕魯孟子仕梁之事依稀彷彿含糊影射以魔魅之將伊所謂臨濟之道者比之堯舜之道而以密雲比梁魯之君伊父子自比孔孟實爲憎上慢大我慢造大妄語墮無間獄自西天四七東土二三以來源流以父子言者聞之矣從未聞以君臣爲

此者也如以君臣爲比而以不得堯舜之君爲魔藏解則曷不念密雲當日又安得爲臣者盡如皋夔稷契而後用之耶當密雲嗣幻有傳之時宗門衰替日甚學徒中如魔藏輩或以其解路推求不爲無見或以其起信堅固求法懇誠一時獎賞鼓勵以待後日徐徐啓迪其後或因終隔重障而成棄置或因中止化城而加提持此亦師家常事乃魔忍將密雲平生整頓法藏處便實其何以前是而後非且曰不特魔藏爲然付法數人皆然清淨法眼安在如忍之意則必師家一經付法便終身不敢指斥弟子之非乃可自保護其清淨法眼耶佛門中亦有如是清淨法眼否密雲既於付法數人皆然正可見密雲不是盲傳瞎授其於諸人必皆有一長所取且不聞他人有如魔藏者可知密雲於他人尙未嘗甚失清淨法眼而於魔藏一關再關至於七關尙救得清淨法眼一半今魔忍轉以爲非則是謂法門中之辜孽稷契既不可得便應將渾沌窮奇樁枕鑿發不加誅殛盡嘉許而錄用之終身毋敢斥其非然後可乎且源流以父

子言者。猶是假世間之名。相表出世之真。傳實則父子雖至親。現是兩身。至於從佛口生爲佛真子。則從源出流。眞是一身。正如水焉。源亦此水。流亦此水。既已源流契合。則千里萬里之水。皆同。如有不同。則何源之有何流之。有今魔藏既傳密雲悟之源流矣。而又謂悟之道爲非道。然則所爲源流。是何源流。既無所爲源流。則又何所爲道耶。夫強名曰道。亦是教乘中借世法名義。以爲言其實。豈得與世教中所爲道者同論。世教中所爲道者。每日堯以是傳之舜。舜以是傳之禹。禹以是傳之湯。湯以是傳之文武周公。文王屬公以是傳之孔子。雖有此說。實無此事。數聖人者。何嘗一堂授記曰。我如是。爾亦如是。耶。不過後世之人。以數聖人德相若。心相同。以其時代計之。尊者曰授卑者。曰受前者。曰授後者。曰受謂之某傳於某云爾。若夫宗門一堂。啐啄如水。釋於水中。到得言語道斷。心行處滅。爾如是我。亦如是。入此地位。實無可以名言者。不得已乃以世間法名出世間法。謂之傳道。實則說箇道。卽不得說箇傳。更不得也。豈若堯

以傳舜。舜以傳禹之云。哉。如欲假是以爲比。直是佛傳於佛。經數百傳止。是一佛耳。如是乃可謂之源流。今魔藏父子之於密雲。何源耶。何流耶。而又何道耶。其始以密雲爲臨濟嫡支。而斬得其杖拂。既得其杖拂。又曰。百代之宗旨。非密雲所知。然則所謂源流者。同於世間之爵位。而密雲之源流。直是僞爵僞位。既以僞爵僞位視之。而又謂已之所得之百代宗旨。必須此僞爵僞位。乃可以闡揚。則不特出世間法所萬萬無有之理。亦世間法所萬萬無有之理矣。且夫源流杖拂。奚爲者哉。自世尊以金縷袈裟。囑付摩訶迦葉。轉授補處至慈氏下生。迨黃梅曹溪而下。衣止不傳。以杖拂表信。夫衣止不傳。而以杖拂表信。衣與杖拂。何以無二無別。且信者何。信杖拂。又何以。卽可表信。若於此顛預模糊。則佛祖以來相傳不絕者。豈不祇成戲論耶。疎山仁弄一木蛇。人問之。則曰。曹家女木蛇。何以是女。此女何以屬曹家。此木蛇與杖拂。是同是異。若也未明。宜乎將杖拂同於世間爵位矣。古德釋華嚴教所被機簡五種非器。首斥違真。何謂違

眞曰不發菩提心不求出離依傍此經求名求利莊飾我人經非彼緣故非其器。經云爲名利說法是爲魔業然則魔藏之求源流於密雲佛祖從千百年前早爲道破尙得謂之非魔業否。藏既屈身於密雲以誘得其源流既得之卽以豺狗視密雲而踐踐之此是何等心行具是心行則其說是何等妄說也。爲佛法害爲人心世道害得罪佛祖得罪堯舜周孔在佛法曰魔民在世法曰妖人其安可以不誅

魔忍曰六祖一日告衆曰吾有一物無頭無尾無名無字無背無面諸人還識麼神會出曰是諸佛之本源神會之佛性祖曰向汝道無名無字汝便喚作本源佛性汝向去有把茆蓋頭也只成箇知解宗徒此曹溪之本語也余觀拈花一宗流於震旦自初祖至六祖皆有旁出會公向無名無字上計本源佛性斥爲知解固宜是故五家各立宗旨專爲治此知解之病非厭故尙新者也如僧問雲門如何是諸佛出身處曰東山水上行僧問洞山如何是佛曰麻三斤臨濟曰一句中具三元一元中具三要若此則本源佛性之知解豈能生乎今關書以立宗旨爲知解是與六祖之言相反矣

此事直下無倚無侶無同無異無始無終無內無外是故不可以知知不可以識識是卽是不是卽不是

既是則無有纖毫之不是既不是則無有纖毫之是今謂拈花一宗流於震旦自初祖至六祖皆有旁出可知伊是箇記誦宗徒未可謂之知解宗徒也古德謂思而知慮而解鬼家活計日下孤燈今魔忍輩但能記誦而未能知解較知解更下一籌又何得依文學語檢點知解宗徒夫宗門之書若其意以正宗爲優旁出爲劣者卽皆不了之談挾私之見如宋景德時楊億奉勅刪定道原所作傳燈錄其中不可爲依據者甚多至其他記載源流之書作者亦非盡有岐視之見蓋子孫繁衍班班可考者自然依代列載其傳之不遠中間絕續無考者既不便敘入傳流有緒之中只得列之爲旁出此一時編纂凡例著書家強立名色非謂旁出之人皆不能得其師之全體較正派有優劣也魔忍何嘗知得解得且六祖曰吾有一物無頭無尾無名無字無背無面諸人還識否神會出曰是諸佛之本源神會之佛性而六祖呵之曰向汝道無名無字汝便喚作本源佛性向汝去有把茆蓋頭也只成箇知解宗徒六祖識得神會此語是思

而知慮而解雖識得箇無名無字無頭無尾無背無面者而執著箇無名無字無頭無尾無背無面便落在佛見法見邊故以此言提持之使之猛省設使爾時有人問六祖畢竟喚作什麼六祖何妨卽向伊道是諸佛之本源神會之佛性乎知解只是知解非知解只是非知解灼然灼然如是如是若因曾道箇無名無字而定不許喚作本源佛性則知解卽從無名無字邊起亦是箇徂公賦茅暮四朝三而掩耳盜鈴漢卽以此爲不存知解尙爲識得曹溪否魔忍又以東山水上行麻三斤三元三要等語句謂必如是然後本源佛性之知解不生而以此等語句謂可專治知解之病眞乃強作解事且雲門洞山臨濟三語如何可視爲一例白雲千里萬里去在人間雲門如何是諸佛出身處而曰東山水上行識得東山水上行定知盡大地是諸佛出身處矣人問洞山如何是佛而曰麻三斤正是一句中具三元一元中具三要果識得麻三斤是佛那更向三元三要尋討至於臨濟拈出箇三元三要無非鈎在不疑之地一期方便法

門安得據雲門洞山臨濟以檢點神會乃謂此等是五家各立宗旨處同爲專治知解之病其意蓋謂五家各造五種可解不可解話頭使人懺懼無從思議耳埋沒五家不少夫以不可解爲絕思議則卽其不可解處正是極易思議處又何由能治人知解如東山水上行如麻三斤如此實語如語不妄不誑語謂云不可解話頭可乎夫此圓宗諸佛列祖之所不能異同乃謂五家各立宗者五家既同此無頭無尾無名無字無背無面又如何肯自甘外道各立宗旨若有所立卽是魔說尙未得爲知解宗徒如何可用以治知解密雲以立宗旨爲知解之說謂之義有未盡則可豈得謂與六祖之言相反不知魔忍意中將六祖提持神會處作麼生會

魔忍曰余閱法華經諸菩薩發願於後五百歲忍苦弘經者咸曰娑婆世界懷增上慢教數見損余初以爲過慮以今觀之信其言之苦矣夫後五百歲非時也麟出非時世且怪之況學世難信之法寶乎三昧先師抱拳世難信之法出去聖絕遠之時忤增慢懷疑之耳故一拈香而人以爲怪怪奇奇而嗟虛映影之鏡銷骨鑠金之毀雖然而至亦其勢之固有也凡子圖於陳弟子有愠色子貢曰夫子之道至大故天

言說所以永明云說因緣自然皆屬世間言語談有無真俗悉是分別識心當見性之時豈留觀聽在發明之際焉落言思若然人之信與不信有何交涉人果自證萬難強之使不信人若不自證亦萬難強之使信卽或起信亦非淨信圓信而安有自謂諸佛列祖所傳世間難信之法實在已而欲強天下以共信之理不觀天地乎有目者見天見地而天地不問無目者不見天不見地而天地亦不問又何斤斤注意於其間哉況藏忍父子所捏造之宗旨種種惑世誣民之法又安可使舉世共信之耶夫冀人之信貪也怨人之不信嗔也其冀其怨皆癡也貪嗔癡尙未除一箇我字如油入麵如漆投膠如蠅沒酒如蛆在糞正無出頭之日又何暇學法華畢史記旁徵曲引以伸其說以沽其名以直己而曲人業識茫茫無本可據臘月三十日到來閻羅老子面前尙可巧言如簧說甚騰出非時忍苦弘經種種謬論否漆桶未脫漢且宜少看文字多一字卽多一障若魔忍亦只是箇可憐憫者其讚伊師魔藏曰乘有翼虎開萬鈞弩道

大時疑心勞志阻據重關則當仁不讓處尊貴卽御飯亦吐追千古以得師復五燈而續祖數語却是魔藏爰書鐵案揚雄法言之書斥酷吏曰虎哉虎哉角而翼者也蓋謂酷吏如虎生翼飛而食人之肉耳魔忍涉獵世間文字而未通曉乃奉其師以如是名目雖然謂魔藏乘有翼虎良信良信彼其捏造宗旨中人膏肓後代發心參學之侶未具正知正見者讀其書而惑其說直饒佛出世教不得則其斷人慧命非虎而翼者哉夫此圓宗卽邊而中故無法可比卽妄而真故無法可待豈更佛法待於佛法唯一絕待如來法界出法界外無復有法無所可待無所可絕所以古德云一葉落天下秋一塵起大地收一華開天下春一事寂萬法真見性之人頓了無疑譬如以針尖舉於棗葉尙不足以形容其易蓋針尖尙有一舉之能而棗葉尙有可舉之所也何所用其開萬鈞弩之力若以力言雖有阿修羅之力舉須彌山易舉這箇難舉這箇者卽這箇又將何力以舉這箇大涅槃經說一百句解脫諄諄開示人以解脫卽是如來如

來解脫無二無別蓋一切世出世間諸法悉皆無有。皆從知見文字出生。若無知見文字名體本空如妙明心中更有何物。故其有也。乃不有之有。且其無也。乃不無之無。不無之無。不住於無。不有之有。不住於有。有無皆不住。諸法悉解脫。安得有所爲道。大時疑心。勞志阻種種。捏怪彼其道也。外道之道。其心也。衆生之心。以衆生心住。衆生相以衆生相行。外道行其於不思議解脫法門。誠所爲首越而之。燕抱冰而求。蘇乃欲率天下而從之。時之疑也。志之阻也。乃正法之不終漸泯也。魔忍之意。必欲天下皆不疑。以快其魔志。豈非造魔業於無窮哉。重關如何可據。纔有可據。便失初地。何重關之有。藏忍父子並未踏著初地。是以心意熾然。妄見種種奇名異相。聞古德有所爲重關之說。實未知重關是何物。是以下箇據字。若實有箇要津隘口者。然亦可唾已。到得重關。山是山水。是水師住。師位弟子住。弟子位所爲王登寶殿。野老謳歌。菩提無作。而作萬行無修。而修。又安得所爲。當仁不讓於師耶。曹山法身偈曰。不食空王俸。復自

注曰。若遇御飯。直須吐却。蓋以明法身向上事。無佛無衆生。若起聖見。作第一人想。卽爲損法財。滅功德。故曰直須吐却。今魔忍曰。處尊貴則御飯亦吐。好箇掩耳偷鈴。漢既有尊貴想。早已嚙却御飯。如何又云御飯亦吐。且既作處尊貴想。早是噉糟咽糠了。也何由得見御飯。魔忍之意。謂其師已證至尊至貴之法身。其於曹山吐却御飯之語。直作輕鄙。侯王不屑食其食。解然則伊父子兩魔民。非卽亂民耶。夫既御飯亦吐。則是不輕衆生。不貴諸佛。宛作頓覺之人。并法不隨順面目矣。何以又云追千古而得師所爲吐却御飯者。安在蓋魔藏我慢貢高。恥爲密雲弟子。思天下謂密雲爲愈。已輒求所以抹煞之。妄攀高峰爲印心之師。覺範爲印法之師。一派魔言。魔語。魔心。魔行。而魔忍惑焉。津津稱道之。而不知其醜。所爲可憐憫者。夫師弟子之分。若無眞悟。仍只是世法名教。不得爲生無生身之父子。若法藏之於密雲。本不得稱爲父子。至於攀高峰爲印心之師。覺範爲印法之師。眞是脫空漫語。豈心外別有法耶。而法外別有心耶。既

已印心又須印法一人印心一人印法不知其將何者爲心何者爲法永嘉云心是根法是塵兩種猶如鏡上痕痕垢盡除光始現心法雙忘性卽眞然則魔藏所云印心印法者誠異乎永嘉之論矣永嘉教人心法雙忘魔藏乃將心法兩印高峰覺範雖甚驚下亦不收此不肖兒且法乳之恩必有所自若謂平生有得力處卽稱法乳則一切聖賢所垂語句利益後人皆可得力魔藏何不人人遙嗣之雖宗門父子不同世間父子然亦豈有揀擇一二佳父之理且古德上賢出類拔萃者代有其人盲眼不識高峰實爲中平覺範尤其下劣忽然揀得此二人奉以爲父誠可發一大笑維摩室中有一燈傳無盡燈之語後世遂以說法鼎盛者五家謂之五燈此不過後人之假名若謂五燈之外不容有六燈其五燈之燈各異其光分照分傳不可爲一燈則所爲五燈者皆爲妖火急應撲滅奚爲旣滅而復之哉且五燈法派雖有絕有續而五燈光明周徧三千大千世界雖經恒河沙劫而終無滅息之理何勞魔藏之復之且此燈非人之

所能撲滅而又豈人之所能復燃何謂復五燈而續祖誠可爲不識羞恥矣據此數讀語法藏之爲魔民豈非爰書成鐵案定乃魔忍一則曰若揭日月再則曰皇皇乎若日月之麗天何物么魔唐突孔子不已甚至唐突日月肆無忌憚至於此極又謂魔藏揭日月以耀人之過取嫉於世孰謂不宜夫此無是無非法門孰爲過孰爲非過密雲之有過無過姑不具論魔藏之於密雲旣經一日師資之禮而必揭其過於天下以此爲平生志願然則魔藏者尙可容於佛門否尙可容於世間否魔忍竭力爲魔藏掩覆豈知據款結案却成揭露其醜不遺餘力也

御製揀魔辨異錄卷六

御製揀魔辨異錄卷七

魔忍鉢伊師三峰藏事蹟曰臨濟第三十一世蘇州鄧尉山於密法藏禪師天童悟嗣梁溪蘇氏子年十五披剃於五牧之德慶菴未幾鄧所習因放游山水閒嘗語同輩曰吾四十當悟道六十歲死矣聞者異之二十九見高峰語錄隱隱若能記遂決志參禪是歲受戒於雲棲宏大師又十年受具於靈谷古心和尙又明年住海虞之三峰如是十餘年中費盡心力虛櫓破壁草屋蘿牆食豆萍次補綴不以爲苦嘗參萬法歸一一歸何處話目不交睫腦不至席夜中爲昏沉所罩師乃懸巨板於座側命徒衆分香爇板佛聲徹天每歎曰吾嘗言四十悟道若有可憑今三十有八矣而徒勞若是豈終負此語乎於是惶懼泣不自禁至萬曆壬子師年四十參究愈猛必以得悟爲期適峰中老宿朗泉者閑關師乘便求入方與老宿相拜下忽眩暈吐痰斗許放身一睡五日不知人事會憲外有二僧夾籬折大竹聲若迅雷師自枕中躍起頓得心空乃自念曰古人所爲前後際斷不可坐著乃盡力推究忽於青州布衫打失鼻孔凡祖師言句一時會盡自此觸處皆悟轉悟轉深尤於高峰落枕消息得大受用乃作偈曰一口棺材三隻釘聲聲斧子送平生自從蘊露悲歌斷贏得朝朝墓柏青又頌曰截斷洪波自往還新秋月印釣絲寒老漁持釣便歸去安得龍珠掌上看

龍牙遁因僧問古人得箇什麼便休去遁曰如賊入

空室。此語最善。形容悟後景象。然則賊當未入空室以前。自然妄計室中有金銀琉璃磚礪瑪瑙珊瑚琥珀珍珠等寶。是以竭力往偷。豈有預知之而預告人曰。我當於某年月日見此室中空無一物之事。且知得即便休去。既知之而又云。須及早鑿壁鑽籬去偷。有是理乎。魔藏捏造。悟由誑惑。當時而魔忍述之。謂於十五時。便自知四十當悟。道輒以語人。迫三十八不悟而涕淚悲泣。恐所言之不應。又謂一向若有可憑。今恐終負此語。恰年四十時。一睡五日。聞折竹聲而頓得大悟。如其十五歲時所言。然則其所爲悟者。果曾悟否。蓮池株示寂時。囑諸學徒曰。老實念佛。勿捏怪。蓋深有見於當日宗門中如魔民法藏輩塗污自己。塗污佛祖。至於此極。而不覺其言之痛且切也。總因實有未悟。妄意悟後實有所得。既得之。則名高一世。利在一身。而得與不得。並無證據。不妨自稱已得人。無知者如賊。竝未入室。不知其空。而欲以偷得異寶誇耀同夥。乃云我於十五歲時便知於四十歲上當偷得許多金銀琉璃磚礪瑪瑙珊瑚琥珀珍珠。

等寶及期果然如是說已。更搬出無數瓦礫糞土。給諸同夥稱是所得異寶。而諸同夥實未知室中果有何物。而亦未見金銀琉璃。磚磑。珊瑚。琥珀。珍珠等寶。是何等形狀也。於是展轉相給。終無休去之一日。亦可哀已。又魔藏父子最喜自比孔孟。孔子曰。吾十有五而志於學。孟子曰。我四十不動心。於是捏稱十五預知四十悟道。而四十果悟之說。以影射之。以蠱惑當時無學無識之士大夫。如此心行。豈非魔魅。魔藏謗其師密雲悟。銅官山頂情與無情。煥然頓現。謂是一箇眼花。乃自道悟由誑諸弟子。謂參明泉纒下拜。忽眩暈吐痰。斗許一睡。五日會窻外兩僧夾籬折大竹。聲若迅雷。乃自枕躍起。頓得心空。自念曰。古人所謂前後際斷。不可坐著。乃盡力推究。忽於青州布衫打失鼻孔。如此妄語。豈此一箇眼花。直是五日後夢猶未醒耳。渠固未知前後際斷是何的旨。而妄作境會。當是胸有一石痰止。吐斗許。尚有八九斗未吐。在前後際斷與坐著不坐著。何交涉。其意以未睡五日前爲前際。已睡五日後爲後際耶。足知伊未曾

薦取三際。一際一際。無際實際。在於此。尚未薦得。說甚青州布衫。且青州布衫。便是衲僧鼻孔。作麼生打失。且青州布衫。祇是箇青州布衫。悟者何用。推究不悟。則又豈盡力推究之所能。轉謗轉悟。轉深而不知其轉深。轉謗也。心思盡。將從上宗師如語實語。都作三元三要。閑家具。會件件說一說三。以爲臨濟宗旨。豈非業識茫茫。無本可據。何嘗得大受用。却取古人悟後景象。彷彿裝點。作自己事蹟。以欺天下後世。豈知此事。必不可裝點。徒使明眼人。嘆爲作僞心勞。日拙。魔忍爲之。頌曰。截斷洪波自往還。新秋月印釣絲寒。老漁持釣便歸去。安得龍珠掌上看。夫如來者。無所從來。亦無所去。故名如來。是故過去心不可得。未來心不可得。現在心不可得。若了是心。則知生死去來。畢竟無性。謂之前後際斷。前後際斷。則三際一際矣。前際已去。後際未萌。而正際又復不住。既無前後。即無中間。則一際無際矣。了了無際。而歷歷三際。歷歷三際。而了了無際。則此不無之無。卽爲不有之有。而無際實際矣。然則安得有所謂截斷洪

流自往還者耶。既有往有還。則未嘗截斷。既有往還之自。則已墮洪流。且此洪流。不舍晝夜者。正是不動。

道場若云截斷。卽爲外道。蓋洪流必無截斷之理。而不截原無不斷之流。於此未明。又復將何爲月。將何爲印。耶藏忍父子妄認古人前後際斷。大死大活等語。爲實法。於是以一睡五日爲大死。聞折竹聲驚醒。爲大活。將五日之前後爲前後際斷。豈知這一覺醒來。仍只是箇竹葉精靈。直饒一覺醒來。會得移星換斗。乘雲吐霧。種種神通。也只是箇竹葉精靈。在未會前後際斷也。乃漫疑密雲銅官山頂情與無情。煥然頓現。與此境界相似。而識密雲守住這箇境界。不求更進。不如魔藏得此之後。又學得三元三要等許多法門。故曰老魚持鰭便歸去。安得龍珠掌上。看此等魔說。實能斷絕慧命。果能前後際斷。縱使釋迦牟尼佛出世。親口傳與佛法。亦不肯要說。甚龍珠唯其人法兩空。是以前後際斷。豈有前後際斷之後。別去學甚元要法門之理。密雲老漁却已知真諦中。無一法可得。是箇滿船空載月。明歸并且未嘗持鰭去。而藏

忍父子造出無邊龍蜃樓臺。誇逞弄珠好手。正其所以爲魔也。

魔忍又記曰。後參三元要於兩堂。首座同喝處。忽爾符契。乃取覺範智證傳讀之。四百餘年。不分延促。如在室中。親受印記。遂欣然。奉高峰爲印心。覺範爲印法。且傷覺公無後意。欲遷嗣之。於是閉門高臥。惟以所得質之古人。研極五宗之妙著。五宗原。

藏忍父子曾記誦內外諸典。故剽竊摸擬。如鸚鵡能作人言。歷歷可聽。不知終是鳥語。未得人。身夫所爲四百餘年。不分延促。非時之謂耶。所爲如在一堂。親受印記。非法之謂耶。中觀論偈云。時住不可得。時去亦叵得。時若不可得。云何說時相。因物故有時。離物何有時。物尙無所有。何況當有時。永明曰。旣無來去之法。亦無住止之時。以因法明時。因時辨法。法旣無有時。豈成耶。世人認物爲己。背覺合塵。以動爲身。以動爲境。則顛倒行事。性心失。眞境實不遷。唯心妄動。雲駛月運。舟行岸移。若得證親涅槃。則法法各住。眞如之位。無有一物往來。亦未曾一念暫住。皆不相待。豈其或遷。然則果能證入不遷常住一心之道。則不

馳騁於古今。各性住於一世。豈得分區畫段。獨於覺範四百年間。不分延促耶。既明此不分延促之理。尙安有法可得。乃如在一堂。親受印記耶。然則所爲四百餘年。不分延促者。正如夢裏事。仍是心意識知。所造何嘗前後際斷。而其所爲。如在一堂。親受印記者。亦是饑人忽夢飯飢。溢未得真果腹。在乃彷彿天台及肇論。作此依稀似曲之論。正如鸚鵡學人言。不能達人意也。至於既稱前後際斷。又於三元三要。閑家具著。臨濟熟睡。則並未前後際斷。若高峰印心。覺範印法。岐心與法。而二之益爲妄謬。是則介葛盧所不能知。不特鸚鵡學人言矣。又曰。閉門高臥。唯以所得實之古人。夫古人何在。耶。今人是也。岐今與古。又是未嘗前後際斷之明證。如欲實之古人。何用閉門高臥。觀其閉門高臥。則未嘗一見古人可知。且既自謂有所得。則其漆桶未破。亦不必更實之古人矣。其奪弄精魂。輾轉業識中。已於言下灼然。又曰。研極五宗之妙。作五宗原。只一妙字。屈煞五宗魔藏。以所作五宗原。呈密雲密雲不視。以書曉之曰。目原之一字。恐

已成知解宗徒。蓋卽原得字。字不差。已成知解。況五宗各各如大火聚。近傍著卽燎却面門。作麼生原得。

魔忍又記曰。後聞天童悟和尚出世。金粟師策杖從之。甫至栗卽上堂告衆曰。漢公悟處。其實學大而名先出世於我。所以屈身來此者。爲臨濟源流耳。老僧從來不易安首座。今以栗溪公卽日請師爲第一座。師請聚上堂。栗舉百丈再參馬祖。黃檗接臨濟公案。師出衆問答。當仁不讓。一衆傾仰。自是居座。元察循循首衆。識者服師荷法之誠。而天童之遺亦自此愈尋矣。

事有相得而益彰。亦有相妨而並累。如鴻仰父子一堂。啐啄共闢元音。非所爲相得益彰者乎。若魔忍所記密雲上堂告衆語。祇是埋却密雲何嘗救得法藏。密雲作關。妄救詳載一默。漢月潭吉三人記。觀互異以見所言之誣。妄今亦不必左袒密雲。應斷藏忍。但使伊等所記果確。密雲果將臨濟源流作奇珍異寶。誇示法藏。則密雲卽非臨濟子孫。而其源流亦非佛祖源流矣。豈止靈龜負圖。自取喪身之兆。在密雲已不足言。何況受密雲付囑之法藏。如其不然。則妄捏密雲示衆語。并謂密雲之道。得法藏爲首座。而愈尊。

亦可爲詐而且愚矣。自在龔坑中頭出頭沒而牽連密雲一坑埋却豈非所爲相妨而並累者乎。且如密雲果有漢公悟處真實學大而名先出世於我之語。則密雲於法藏未到金粟以前業已將其平生罪案一語判盡。且其所以提持法藏使之撥轉念頭者亦已不遺餘力。奈伊不悟殃及兒孫轉奉此以爲美談。轉藉口以徵詰密雲轉坐密雲以兩舌誠司馬遷所云未可一二爲俗人道者也。夫法藏之病正以挾其平生解路推求所得。自謂悟處真實識得幾字。閱過世典自詡學大爲一時盲眼士人啞羊禪侶一人傳虛千人傳實。自負名高不知毗盧頂上常寂光中何處安著得。若聞密雲此語後愧念不甘。將此種入心熱毒盡情嘔却發猛利願力求本分相應。當不至始終落魔落外可憐未到金粟早被密雲淋頭一杓惡水全然不覺。且將此水愛玩不休。傳子傳孫此固密雲之所不料也。

魔忍又記曰。未幾請及堂與中事。衆不應。良久曰。宗旨太密。嗣續難乎其人不若已之。且先師不曾提起。師曰。不然。黃龍有言。學者欺詐之弊。不以如來知見。

之慧密而煨之何由能盡。且古人建立宗旨千辛百固。尚有乘虛接響者。混我真宗。若師家大法不明。無從辨驗。則胡喝亂棒羣然而起。吾宗掃地矣。遂辭去。魔忍述密雲告法藏之語。謂宗旨太密。嗣續難乎其人不若已之。且先師不曾提起。此數語其爲裝認密雲可以決定無疑。蓋密雲見地雖未至。處然觀其平生語句並未落於魔外。豈有將宗旨作虛密評量之理。這箇若言其密盛水不漏。未足爲喻。不居內外及中間說密者亦在密裏。無你下口贊密處。若言其非密正是爛柴斷索。何處尋討些些密意來。古德有云。這是什麼所在。容你說。麤說細總因魔輩以一棒爲麤。以齊文定旨逐語分宗爲密。既不一棒之密處。又何由識齊文定旨逐語分宗之非密乎。卽曰密甚。又與這箇有何交涉。若以此等密處傳子傳孫。成得怎麼閑家計。轉不若百工技藝之相傳。有濟世用。何可比兵農禮樂之專業。實裨治功。然則佛佛祖祖授記作人天眼目者。乃是一場笑具。耶欲得不遭無間業。莫謗如來正法輪。密雲之必不曾謗佛固可深信。密雲既不謗佛。則藏忍父子之破妄語戒所必然。

矣。至法藏答密雲曰：黃龍有言，學者欺詐之弊，不以如來知見之慧密而煨之，何由能盡黃龍此語？便是亂統夫了了知無所知了了見無能見而謂如來有知見之慧耶？若通如來有知見之慧，正是第一箇欺詐學徒。孟八郎漢夫學人欺詐，與如來知見翻手覆手只是一手在學人，一舉手翻覆之耳。若要師家出如來知見之慧煨學人欺詐之弊，恐海枯石爛未有盡時。何以故？鎔金須用火，斷無以金鎔金之理也。且既已欺詐，卽未曾起信，既未曾起信，卽是衆生如何稱得學人？如曰：吾有如來知見之慧，吾將以此密而煨之，則我見橫前，又是一箇衆生。安得有衆生度衆生之理？又曰：古人建立宗旨千年百固，尙有乘虛接響者，混我真宗。此言埋沒古人不少，未知伊於何處見得古人建立宗旨，又於何處見得什麼千年百固？若古人有如是建立者，卽是魔外古德，不云乎淨裸裸赤灑灑沒可把，然則何處著此千年百固之宗旨？耶？如曰：正此淨裸裸赤灑灑沒可把者，是箇千年百固之宗旨，則早已不曾淨裸裸赤灑灑，而亦有可把

了也。夫此真宗豎窮三際，橫亘十方，豈有一絲毫不在裏許？而曰乘虛接響者，混我真宗。此宗豈亦是世法宗族之宗？晉推王謝，唐推崔盧，甲乙門第，不許小姓混入大姓。耶？向大圓鏡裏鼓動心機，於無脫法中，自生繫縛，寧非癡甚？鴉鳴鵲噪，盡說菩提，竹翠花黃，咸明般若。若何處有乘虛接響之者？如曰：乘虛接響亦彼自乘虛接響，豈能混此真宗？不見鴉鳴鵲噪，竹翠花黃，曾經混却鴉鳴鵲噪，竹翠花黃，轉明得這箇圓融無盡，卽今藏忍父子，以邪魔外道乘虛接響，亦是伊父子自成邪魔外道耳。真宗豈曾被伊混却？且所爲宗者，何歟？請未論其宗，先除其我。今乃轉將此宗屬之於我，我相千年百固，而恐他人之乘虛接響，以混之。譬如將糞水洗旃檀，而欲去其塵垢，不知糞水之更污於塵垢也。乃欲以此辨驗學人，是又譬如以糞草之火燒旃檀，而欲辨其香之高下也。作麼生辨得總之此段公案，皆是魔藏住安隱後，以宗旨迷誤學人，魔魅外護密雲聞之，切加呵斥。伊遂背師滅父，欲必伸其說而後止。於是捏造誑語，揜飾受囑之由。

以爲受囑於密雲者。係密雲攀伊爲高弟。非伊心悅誠服。奉密雲爲眞師而已。天下後世明眼人。必不可欺。如果魔藏以此語對密雲。而翻然辭去。密雲定必不追。而授以杖拂。轉救却密雲。一生大過。而亦無此魔外。猛入臨濟源。流作倒戈相向之逆徒矣。前後所記俱仿此。

魔忍又記曰。粟手書源流信。拂親至蔡子穀居士靜室。面付師。師不受。起更衣。遂入舟中。侍者密收之。師覺叱曰。辭受之間。大故有違。何得草草。竟作書辭還之。曰。藏自折竹已來。十餘年。深究臨濟宗旨。畢竟無疑。乃敢雪頭行脚。實非掠虛。知解宗徒。只以口頭三昧。棒喝門頭。戶口了事而已者也。昨聞和尚。乃高峰正脉。特訪大法。於座下。深蒙法愛。感激非淺。復惠法源信物。如饑逢王膳。未敢即受者。無他。未得宗旨。相契。恐後返辱。和尚法門。伏乞和尚指示。三元三要。究竟是何等法。法若相符。方敢秉和尙拂接。和尚脉如或不契。九頓以辭。此係法門大事。諒和尚亦不以佛法當人情也。謹此詳復。惟大慈鑒此。碌碌之志。再賜曲折源流。姑完上以。俟宗旨明。早雪大舟。不能行。粟復舉三元問語。傳入舟中。云。自世尊與迦葉拈花微笑。有何偶爾相傳。只或拄杖拂子。以表信物而已。今汝索老僧頌三元三要。將謂別有實法。口耳相傳。實非吾家種草。汝試詳之。復問云。臨濟道一句中。具三元。一元中具三要。三要三元。卽且置。如何是一句師。

答以偈云。雪寒江水沍。此是第一句。團也。團不團。勢也。勢不破。浪倒牛角尖。無舌舌頭大。深深深處絕。古路若不行。是門戶。若要行。子非父。開取和尚道一句。粟又問。汾陽道三元三要事。難分如何。是難分處。師又書偈曰。若落難分處。顛頂未足談。若還分得。是依舊隔千山意。與言請過關。得而忘。是何顏。粘頭綴尾。倒翻掀大雪。滿湖天。粟又問。得意忘言。道易親。如何是得意忘言。處。師畫此。相解纔便行。粟後令僧傳到嘉禾。問云。此是圓相耶。三點耶。師復答書云。竊惟法門事大。任荷自心者。苟非深得祖宗的骨之髓。那可承虛接響。喪我兒孫。若於授受之際。稍涉鹵莽。如指南倒置。豈獨千里萬里之謬而已。此藏所以襄裳濡足於法門。故有臨岐至再之請。其中外洵洵議論何足知此血心哉。今去臨濟七百餘年之遠。而其堂奧之旨。猶未狼籍。藏嘗走問諸方。老宿無有能對其請者。蓋以法門建立之密。千古萬古不能撲破。宗旨未破。則臨濟猶生也。那可一時以舉揚之。不易承接之。無人便欲越過此宗。喜行平易。坦途。故覺範曰。此如衣冠稱孔門弟子。而毀易繫辭三尺童子。皆笑之言。猶在耳。寧不寒心。此又藏之決不可不請者也。伏惟和尚鑒此。至愚之誠。容其元要之法。俾後世有興起之人。確有定分之據。弗使狐狼野干。同獅吼。則佛祖幸甚。法門幸甚。子孫幸甚矣。使首座一默成公。齋書往見金粟。粟曰。我先師不見說起此事。彼既知此。彼自行之一默。既謝許行宗旨。拜受源流拂子。歸三峰。

此一段魔忍叙伊師不受密雲源流。至再至三密雲

強之令受亦至再至三必待密雲許行宗旨然後受其杖拂以見並非初終改易如是種種言說所爲欲蓋彌彰夫源流杖拂者不過爾如是我亦如是用以表信耳如人飲水冷暖自知此是爵位耶利祿耶木上座譚柄鑿尾者空王之節鉞耶乃如田家饋歲檀梨橘栗滿心欲喫而口中再三推却不受耶昔王莽曹操之受九錫也既諷其黨事事預定乃至受日再三辭讓此人間千古之所唾罵不謂出世間法乃亦有此王莽曹操受九錫之舉其爲污濁祖庭雖決江水之波流惡難盡矣魔忍謂經密雲親付又有蔡子穀爲之介紹而法藏卒不肯受至於託更衣以逃侍者密收之及覺將侍者痛斥作書付還以見法藏如此廉節如此高尚請問知寂不二之一心著得如許污濁否且如此作爲尙是直心直行否意欲爲之掩飾却不知已將伊一片詐僞心行和盤托出醜狀萬千令人欲嘔又魔藏與密雲書曰伏乞和尚指示三元三要究竟是何等法法若相符方敢秉和尙拂接和尙脉如或不契九頓以辭苦哉溥沱一宗被伊等

如此塗污牽連墮落鐵圍不見古佛傳法偈乎曰法本法無法無法法亦法今付無法時法法何曾法安得執著三元三要考問究竟是何等法若果有法可得何有吾宗若入此宗雖如來佛親口傳與妙法亦不肯要涕唾同是涕唾雖拾如來佛涕唾亦算不得箇堂堂丈夫蓋有法可得便是實法若實法者雖能算出恒河中所有沙數如是沙等恒河中所有沙妙於容成大撓是象數也非宗也雖能平天成地盡道明倫功在當時澤流萬世比於堯舜禹湯文武周公孔子是理行也非宗也雖能乘雲驅雷夷岳盈壑隱身變化同於天神地祇是神通也非宗也惟此百千萬億算數譬喻所不能及之法入此圓宗無欠無餘而不見有一法可得夫是之謂宗今乃舉三元三要考問究竟是何等法法若相符便爲宗旨相契豈非所爲認驢鞍橋作阿爺領額乎三元三要不出宗旨外然鉢盂鐘磬又何嘗出宗旨外若必將百千萬億算數譬喻所不能及者件件作箇頌說箇偈然後宗旨明則報身有盡宗旨無明得之日矣且即以實法

相傳論之亦必弟子得師之實法方爲受其實法於師若弟子却先知此實法轉要師家共明此實法然後肯受師之付囑則所爲傳者何傳乎所爲受者何受乎天下有此倒行逆施之事乎只緣魔藏誤會百丈贊黃檗有超師之見又謂見與師齊減師半德見過於師方堪傳授遂認黃檗見高於百丈而承百丈授記遂自己裝點捏造費盡一生心力欲令盲驢僧俗說伊高過密雲而承嗣密雲黃檗風規再見於世所爲愚而且詐詐而益愚若百丈此語如伊所會者則是釋迦付囑迦葉迦葉已過於釋迦迦葉付囑阿難阿難又過於迦葉溯而下之西天四七東土三三一代過於一代傳到密雲法藏輩便應高出無量今無論法藏愚陋至於此極卽密雲亦不如前代古德遠甚豈從來古德盡以佛法當人情耶且如所言則溯而上之一代不如一代到得迦葉釋迦尙成得箇什麼此三尺童子所知其必不然者旣必不然則百丈便是脫空謾語漢百丈必非脫空謾語漢則魔藏必是錯認定盤星矣總緣伊字字作實法會便欲說

向伊亦何從下口處乃自誇云藏自折竹以來十餘年深究臨濟宗旨畢竟無疑乃敢雪頭行腳實非掠虛知解宗徒只以口頭三昧棒喝門頭戶口了事而已者也不知亂統禪和如麻似粟雖亦玷辱祖庭然此等浮光掠影之徒自既不自信亦不能深惑他人旣不深自信尙有迴頭之一日旣不能深惑他人業力猶淺豈若伊之積十餘年功力於邪魔外道中自害旣深害人亦非淺鮮也密雲謂汝索老僧頌三元三要將謂別有實法口耳相傳實非吾家種草云云業已明明道破其後轉索渠作頌使渠自慙自愧其如魔藏卒不領悟亂統不休自貽千古笑柄又復作書再三懇乞密雲容其元要之法所爲謬中之謬使臨濟所傳漚沲的旨果止此三元三要則密雲業已不知漚沲的旨密雲便非臨濟子孫何必向伊懇乞如三元三要只是一期方便不可執指爲月臨濟宗風尙別有者則須及早改悔向已躬下自求證入何得固執謬見轉向師家懇乞相容耶據魔藏之言則是元要之法存而臨濟存元要之法亡而臨濟亡矣

夫元要之說創自臨濟如必明得元要始爲明得宗旨則自臨濟以前未有元要之說之時豈不慧命斷絕自四七二三以至百丈黃蘗俱是不識宗旨者耶若非然者果其元要存而臨濟存元要亡而臨濟亡臨濟又在四七二三三百丈黃蘗等佛佛授記祖祖傳心之外別開元要一宗臨濟豈不便是邪魔外道耶若謂從上相傳不曾分明說似至臨濟始明此元要點出光明照天照地去則元要高出拈花之上不知臨濟還肯受否乃謂何得超過此宗喜行平易坦途又舉覺範所言衣冠稱孔門弟子而毀易繫辭三尺童子皆笑之之語以見元要之法斷不可廢不知是何等墜語要知覺範即是墜語伊又是墜中述墜總由自心不會對面無覩見之期盡十方三界是摩訶般若光何處平易何處險巇何處坦途何處仄徑耶若猶有淺深高下夷險逆順是非內外等種種諸見種種識塵分別影事且莫問宗旨都討三元三要來信亦未成何論修證正如孔門弟子若不知進退存亡而不失其正之理徒向擊辭語句下拘又牽義正

爲得罪孔門耳況繫辭亦非孔子所作伊涉獵得幾卷外典便強作解事耶伏義畫卦而無辭文王乃於各繫之以辭則如初九潛龍勿用之類也孔子於文王繫辭下作傳謂之彖傳則如大哉乾元等文是也此於周公繫辭下作傳謂之象傳則如天行健等文是也此外孔子所作之易又有文言傳說卦傳序卦傳繫辭傳而其推本文王周公之繫辭以廣論易理者謂之繫辭傳秀才勿深考便謂孔子作繫辭不知繫辭乃文王周公所作孔子乃爲繫辭作傳耳如左邱明公羊高穀梁赤鄭氏夾氏各爲孔子春秋作傳然而春秋究係孔子所作豈得謂春秋乃五家所作耶覺範亦認爲孔子作繫辭而魔藏乃密雲智眼未能灼見爲禍之烈至於今日乃曰彼若知此彼自行之於是鼠輩得志接得太阿之柄轉以太阿擬密雲孟子曰是亦舜有罪焉正密雲之謂也

魔忍又記曰丙寅冬吳門北禪寺請師開堂師知衆以說宗旨爲難復上書請明之曰無上正法自威靈一團七佛交截四七二三雙頭獨結而馬駒脚下三頓棒頭橫開豎合實主之機愈元愈實所以有雪巖之英特高峰之出羣代智過於師震震火烈至今綿遠振起爲萬世法者師承法印之力所持然也藏夙緣何幸得獲上傳廿九歲揭高峰語錄宛若自語因發大心參禪自誓大徹之後當紹此宗萬楚千辛至四十歲於折竹聲邊捉得落地枕子那時心肯早已承嗣雙髻了也及參濟上元要實主深見祖道不

可草草愈入愈深。既透濟宗旁參四家。兼搜河洛因見寂音尊者著臨濟宗旨。遂肯心此老。願弘其法。自謂得心於高峰。印法於寂音。無復疑矣。乃復發願。比兩枝法脉。合起臨濟正宗。凡遇掃宗旨者。力爲靜之。不獨荷負滄茫。將使雲門。潯仰。曹洞。法眼四家。遙承近續。令五宗再燦。願世生生。爲接續斷脉之種。所以醞釀有年。搜披不滿。提持之暇。屈指諸家。知和尚乃高峰的骨。之傳。敢不一探堂奧。向於金粟山前。叨承委付。然後復攻苦力辨。往復數四。種種具諸語錄。兼復流布諸方。徘徊三載。舊願難忘。茲因吳門北禪之役。舊參新學。一時來集。兼之護法威勸。乘時拈出。不昧先宗。既不獲辭。謹以平生願力。披肝膽於侍者之前。倘和尚一棒血流。三翻火滅。藏敬將高峰一脉。與寂音臨濟佛祖威音并老。和尚向北禪堂前連瓣香炷。作一爐燒却。免見貽害。方來用報法乳之恩。不揣下愚。敬陳陋劣。伏惟大慈。照亮。不勝企仰之至。金粟客書。許行宗旨。兼送法衣一頂。於是北禪安隱相次說法。源流之案。自此定矣。

賓主二字不離人法。以人言之。賓人而主我。卽更互回換。而人我之見相。仍在也。以法言之。賓權而主實。卽更互回換。而權實之法相。仍在也。若離人法。則無賓主。卽到無賓主處。賓主歷然。猶是空拳誑小兒。未爲本分相應處。所爲假託名相。鑲繪虛空。惟自證自悟者。可以爲人解粘去縛。若不自證自悟。而執此爲

實法。則粘縛之中。又添一層粘縛矣。魔藏謂自威音一〇七佛交截。四七二三雙頭獨結。而馬駒脚下三頓棒。橫開整合。賓主之機。愈元愈實。則是執著賓主之說。以爲究竟。且謂四七二三上至七佛。俱是此賓主實法相傳。豈不塗汚佛祖高峰。卽屬中下之品。其語錄原不足數。魔藏卽真到高峰地位。亦猶登崑崙者。未可與語太山。況又何嘗親見高峰。而云廿九歲揭高峰語錄。宛若自語。亦顏之厚矣。且旣以高峰爲極。則而於未發心參禪之前。已宛若自語。則是已造高峰。極則地位。爾如是吾亦如是矣。又何發心參禪。自誓大徹之後。當紹此宗。直至萬楚千辛。至四十歲時。於折竹聲邊。捉得恁麼落地。枕子於是心肯承嗣。高峰豈非自相矛盾。且伊旣自謂捉得落地。枕子一場大徹。大悟則必不受天下老和尚舌頭。瞞何於臨濟元要。賓主又道是愈入愈深。耶。然則所稱捉得落地。枕子者。固是枕中見鬼也。無怪其又有旣透濟宗旁參四家之說。拾却一家涎睡不了。又過一家眞乃孟子所謂乞其餘不足。又過而之他者。如是旁參四

中所有沙數一目之羅亦安得有獲鳥之日哉至於兼搜河洛之語更可發一大笑若悟圓宗河洛亦在裏許若從河洛求圓宗則如求冰於火夫河洛者伏羲時龍馬負圖出於河馬身之文一六北二七南三八東四九西五十中是也神禹時神龜負書出於洛龜背之文戴九履一左三右七二四爲肩六八爲足五居中是也俗儒不解疑此中有神秘莫測之機不知伏羲以河圖演易神禹以洛書演範乃是聖人之神智有以通天地之文而極萬物之變與龍馬神龜何涉使龍馬神龜不遇伏羲神禹只是箇毛蟲介蟲而已天地間動植之物其文理數目與天地相合者甚多不獨龍馬神龜卽如人身五臟六腑九竅百骸何嘗不備天地之數耶伏羲既將河圖演易則其義已盡在易神禹既將洛書演範則義已盡在範儒家置易範不講而於一六北二七南三八東四九西五十中之圖戴九履一左三右七二四爲肩六八爲足五居中之書推詳研究別求其數譬如種禾成粒不肯養作飯喫而覆將禾稈咬嚼之豈能果腹耶魔藏

涉獵外典。見有河圖洛書之文。喜其是箇黑暗窠窟。於是牽圓常入河洛。媚當世無識見士大夫。牽河洛入圓宗。誑當日不識字禪和子。本無足深辨。今恐禪侶未知大易洪範之大旨。或猶謂河洛之有裨於圓宗。也不得不爲蛇足。一上天河圖之演而爲易也。天以一二三五七九爲生。而地以二四六八十爲成。生成相合。而有山澤雷風水火之六子。八者相生相成。而萬物備焉。天之體健。地之體順。山之體止。澤之體說。雷之體動。風之體入。水之體陷。火之體麗。八者相參相錯。而萬物之情該焉。人於其間。貌然有身。與兩大六子之氣相通。與兩大六子之體相涉。此身與家國天下相接。而萬事生。萬情起。夫制事者理也。而情不協。則理不得。聖人欲示人萬事之情。使之各中乎其理。而情有萬。不可以悉數。於是還以八者參伍錯綜示之。從八以至六十四。從六十四以至四千九十六。使人觀其象而喻其情。達其情而明其理。得其理以制其事。於是乎寡過。此易之大略也。洛書之演而爲範也。其疇雖有九。而其綱則惟三。一曰敬天。二曰修

身。三曰勤民。九疇之中。一四七敬天之道也。二五八修身之道也。三六九勤民之道也。一四七者。一曰五行。水火木金土。其實在地。而其精在天。此天地之身也。四曰五紀。歲月日星辰曆數。此天地之身之運動處也。七曰稽疑。龜卜五雨。霽蒙。驛克。蓍筮。二貞悔。凡以天地之身之運動處。必有心焉。天地之心不可得而見也。不敢以有情之類。有執有滯之意。識測之。而以無情之物之文與數測之。以求天地之心之果。以若何爲是。而遵而行之。則敬天之道盡也。二五八者。二曰五事。貌言視聽思貌恭言從視明聽聰而思睿。五者各協於極。則曰肅。又哲。謀聖外以治躬。內以治心也。五皇極。天子貌恭作肅。言從作又視明作哲。聽聰作謀。思睿作聖。則皇建其有極矣。自卿士以至庶民。胥以是爲歸依。以從天子之訓。而受天子之福。則大學所謂自天子以至於庶人。壹是皆以修身爲本也。八曰庶徵。雨暘燠寒風。自天子以至於庶人。其身之修不修。皆與天地之氣數相感。召如形有影。如響隨聲。其雨暘燠寒風之得其宜與不得其宜。皆人之

貌言視聽思之所爲。如人食則飽而不食則飢。并無彼此之別。故必雨暘燠寒風無一不得其宜。方知天下之人之各修其身。必天下之人各修其身。則一人修身之道盡也。三六九者。三曰八政。食貨祀司空司徒司寇賓師八者。所以綱紀天下之民事者也。六曰三德。正直剛克柔克三者。可以該天下之民風。與其土俗也。九曰五福。六極。善者以五福。嚮之惡者以六極。威之二者。所以平天下之不平。以底於平。而勤民之道盡也。此範之大略也。然則大易洪範雖從河圖洛書出。然龍馬之身神龜之背。雖具其文。列其數。而其義則由伏羲神禹而闡。今其義既備在大易洪範。何爲復從其文與數。別求耶。凡此大易洪範之義入此圓宗。正是見山是山。見水是水。可以爲六度萬行。空裏之妙花。四生三有夢中之佳事。與出世間法相較。正與毗尼相近。若欲於此求圓宗。正如煮砂成飯。作鏡磨磚。砂豈飯。因磚非鏡。體況乃魔藏之所爲。河洛者乃拾取俗儒尋文核數。弁本求末之浮言。詎詞而謂此中可悟圓宗。豈但迷頭認影。直乃取韓盧之

影以爲本。頭眞所爲不直一笑也。又復大言不慚。謂已不獨負荷。渾沌將使雲門鴻仰。曹洞法眼四家。遙承近接。令五宗再燦。願世世生爲接續斷脉之種。是何言歟。惟其將五家所有爲人解粘去縛。方便法門。盡作河圖一六北二七南三八東四九西五十中洛書戴九履一左三右七二四爲肩六八爲足五居中。之實數實法。會是以既將五宗岐而爲五。又將臨濟岐而爲二。以心屬之高峰。以法屬之覺範。而謂比兩支法脉可合起臨濟正宗。將此以爲宗旨。有不合於已者。卽與之爲仇。始而欲以誑人。既而自受自誑。如飲狂藥。卽以自己所捏造者。自己轉復深信不疑。以爲接續斷脉之種。豈知乃是斷絕慧命之根也。末乃以吳門北禪寺舊參新學。一時來集。聚集千百無識無知之啞羊。哄動一羣。有勢有利之外。護爲鷄爲鵝。列偏列伍。成却一箇宗旨。軍陣願與密雲鑿戰。要劫密雲。必令許行宗旨而後已。魔哉魔哉。不謂毗盧頭上常寂光中有此妖獠。禍水也。雖然。如是要劫如是肆狂。則所爲宗旨者是耶非耶。固亦不必深辨矣。

末後自覺羞慚。知終不免實法二字定論。乃以狂參知見。呵佛罵祖。將所心肯承嗣之高峰覺範。誣騙杖拂之密雲與四七二三。以至威音佛祖。欲作一爐燒却。謂免見貽害方來。以此爲報法乳之恩。欲以蓋覆自己。不知終難盡覆。徒將爲梟爲獍心行。一齊和盤托出。所爲有諸內必形諸外者。歟。魔忍乃謂密雲從此許行宗旨。而源流之案自此定。不知既是宗旨。如何向他人口中尋討著落。却是洗却密雲以源流。妄付法藏之恥。何得轉謂源流之案自此定耶。

魔忍曰。予侍先師最晚。嘗疑授受之際。不謹於初父子之間。變更於後。意者弘願大而舉止輕乎。何其言之多也。及搜其書。問則源流辭讓。至再三必許行宗旨。而後受金粟手自答書。一字一褒。燦若星日。現藏元墓山。可觀也。夫若是則今日之覺。何所從開。嗟嗟。上位而驕。不無護短。忠言通直。頗類矜高。是故譏口。醞釀於中。傍觀鼓蕩於外。織成文彩。張設禍機。貶道義爲人情。加刑名於佛法。蓋弘道之士。未察耳。取彼奸人。投於豺虎。發斯談者。豈避刀俎。

魔忍歷叙伊師與密雲諍論宗旨始末。訖乃謂密雲手自答書。一字一褒。又謂密雲晚年聽讒。遂與法藏爲難。而引小雅巷伯之章。欲取彼奸人投畀豺虎。更

欲以身殉之。不避刀俎。良爲可笑。可唾。可悲。可涕。圓宗至此。掃地盡矣。夫佛法無諍。諍即五戒不持。又何有宗。無論密雲之書。藏於鄧尉者。是真是贗。未定。即使有之。當作麼生會。二佛隨五祖。夜行各下一語。五祖獨許圓悟。乃曰。滅吾宗者克勤也。臨濟寂時許三聖曰。可惜我正法眼。藏向這瞎驢邊。滅却若密雲答書。應作一字一褒會。則五祖臨濟語句。應作罵會矣。又何怪伊棒作棒會。喝作喝會。拾得狐唾。狸涎。又作宗旨會。挾其所會。謂人不會。倅人不會。誇己能會。自墮輪迴。未有出期。法藏父子受密雲富頭一杓惡水。尙自不悟。轉實愛此一杓惡水。傳子傳孫。作丹書鐵券。苦哉。佛陀廣百論有云。若隨自覺。執有我者。豈不但緣無常身等。虛妄分別。執爲有我。所以者何。現見世間。但緣身等。前後隨緣分位差別。虛妄計度。我肥我瘦。我明我暗。我苦我樂。身等無常。可有是事。常住實我。無此差別。然則魔忍種種膠論。是執無常身等所見。盃中蛇影。橫生是非。妄計人我。唐突佛祖。向上邊事。豈非罪業。其指斥密雲處。無論全不知密雲心

行密雲本不如是。若曰密雲果如是，是密雲者一懣。僮俗漢尙何有毫釐許佛法可言？則魔藏父子，其所得於密雲之源流，又何源何流耶？而乃忿噉不休，要將伊宗旨向人爭箇爾，非我是正。如醉象入池，愈騰蹕而愈汨沒，癡雲何日得開噴火，何時得息耶？乃曰：作斯談者，豈避刀俎？夫宗旨是非，世法所不論，孰以刀俎加之？但謗佛之罪，閻羅刀山劍樹，則所不免耳。

魔忍曰：興化獎禪師初爲臨濟侍者，業有悟入。後於三聖大覺徹法源底，既出世拈香曰：此一炷香，本爲三聖師兄。三聖於我太孤，本爲大覺師兄。大覺於我太賒，不若供養臨濟先師。余謂興化辨香而濟北家風，固拈出近代知此法式者。先師一人而已，然而關書由此而發，覺際由此而生，言之難固若是哉。在我則曰：宗旨慧命之係也。吾師續佛慧命之人也。我不諍誰敢諍之？在彼則曰：三峰我徒也。徒勝師古之未有也。我不抑誰能抑之？加以信三峰者，訛其真而得其似。祖天童者，樂其易而就其名，苛意以責人容。侯以附已，而各各自謂弘護末法。譬夫同舟共濟於波濤險惡之上，而操戈自鬪，彼行路之人，猶且寒心而聞焉，不已者可謂智乎？

興化拈香，明出大覺三聖末後供養臨濟者在。興化只就自心所證言之，何嘗謂此可以爲萬世法式？魔

藏東施效顰邯鄲學步，明出高峰覺範末後供養密雲魔忍，遂謂近代知此法式者，先師一人而已。以此惑世誣民，不知明眼人前不值一笑。無論興化此舉本亦不足爲人法式，與濟北家風有何交涉？即興化法藏二事論之，二人心行天地懸隔，興化雖在大覺三聖處參學，然所云在三聖處學得賓主句，在大覺處折倒者，豈得索鴻爪於雪中，便謂興化得法於大覺？若此是得法者，即是得箇實法，即是孤負三聖大覺了也。其摸著鼻孔處，原因親近臨濟來，則拈出臨濟正是興化直心直行處。若魔藏自謂從高峰處得心覺範處得法，復向密雲證明而密雲不契，則是密雲與伊毫無法乳之恩。其受密雲杖拂，即同優孟衣冠。其所爲都盧供養密雲者，又何謂耶？其於密雲既無所爲法乳之恩，則其自謂得心於高峰，得法於覺範者，正所謂無師外道矣。夫宗旨固爲慧命所係，而師家固爲續佛慧命之人。但既爲慧命所係之宗旨，又與續佛慧命之人談宗旨，而曰我不諍誰敢諍之，是則宗旨有諍法耶？惟其有我是以有諍，若無我者，

阿誰能諍。惟其有法。是以有諍。若無法可得。又何所諍。夫法愛不盡。皆爲頂墮之人。圓證涅槃。猶是我見之者。法執難忘。最爲微細。立生死之根。原作衆苦之基。址障菩提之大道。斷解脫之正因。即使勤修聖果。歷劫多生。但名有爲。不證無上。何況魔藏父子。執雙頭獨結等。捏造之宗旨。是何等奇名異相。外道邪魔。乃父子相承。與其祖父。諍論斷人慧命。塗污法門。凡諸有情。思欲仰報佛恩。不肯令慧命斷絕者。自必辭而闢之。又況密雲親所授記。有此魔外之弟子。豈得不反覆深明。一關再闢。冀其迴頭。是岸塞其邪說。橫流既免。後世襲謬無窮。亦爲自己救取一半。魔忍乃謂密雲惡其徒勝師而抑之。眞所爲以小人之心。測君子之腹。如油入麵。有甚了期。杯水不能救車薪之火。阿膠不能止黃河之濁。當亦密雲所無可如何者矣。夫此涅槃妙心。清淨覺海。古德有云。此是何地。容你說。麤說細說。麤說細猶且不容。而乃譬之爲同舟共濟於波濤險惡之上。而操戈自鬪。何其塗污至此耶。夫既尙在波濤險惡之中。則是未脫輪迴生死萬

種苦業。在何謂宗旨。夫爲宗旨而操戈相鬪者。魔弟子耶。佛弟子耶。是宗旨耶。非宗旨耶。豈必明者始能辨之。

魔忍記法藏小參曰。機先一向是汝諸人安身處。先機一著。是汝諸人立命處。其間左之右之。或伸或縮。是汝諸人踏脚處。末後一句。是汝諸人出頭處。只這四句。若一一透過。如化一道清風。度荊棘林中。了無一點罣礙。若有一些子透不過。如著一領破絮襖。度荊棘林中。便有東兜西塔。無自由分。還有透得過者。麼。出來唱和良久。舉雲門大師參睦州。州見來。便問却門師曰。好箇消息。雲打門。州云。是誰云某甲州云。作怎麼。云。已事未明。乞師指示。師曰。好箇老實人。州開門。纔見。便問却門師曰。向這裏入。雲如是。三日打門。第三日。機開門。雲拶入。師曰。俊。經衡。衡州把住云。道道。雲無語。師曰。幾乎點額。州便推出云。秦時轆轤。便閉却門。損雲一足。雲即悟入。師曰。但解跳龍門。不知燒却尾州。指見雪峰。師曰。知心能幾人。雲到雪峰。庄見一僧。雲云。今日還上山去。那僧云。是雲云。寄一則因緣。問堂頭和尚。祇是不得道。是別人語。僧云。得雲曰。上座到山中。見和尚。上堂。衆纔集。便出。握腕立地曰。這老漢。頂上鐵枷。何不脫却。師曰。雪峰無出頭分。其僧一依雲教。峰見僧與麼道。便下座。師曰。陣雲撥轉卦象。抽爻。峰欄胸把住云。道道。師曰。猶是睦州鼻孔。僧無語。峰拓開曰。不是汝語。僧云。是某甲語。峰曰。侍者。將繩棒來。僧曰。實非某語。是庄上一浙中上。

座教某甲來道峰曰大衆去庄上迎取五百人善知識來師曰是賊賊是精識精識次日上雪峰峰纔見便曰因甚得到與麼地師曰也無出頭分雲乃低頭師曰抽交換象去也從此契合溫研積稔密以宗印授焉師乃云大衆且道既已推門折足悟得又到雪峰有如此作略雪峰已沒奈他何因甚又要溫研積稔纔以宗印印之何不向這裏窮究看又良久云大衆雪門這一著從睦州纔見便開門處來睦從黃檗吐舌處來藥從百丈馬祖大機之用處來且道如何是雲門這一著喫便下座

從上古德圓機無盡如珠走盤然其自利利他總與機無交涉譬如珠圓自然走盤若從盤上覓珠豈但失珠之體並且失珠之用矣欲得安身立命先須喪身失命若未大死大活尙從機前機後覓身覓命何由舉足下足皆在道場中何處許伊有出頭分魔藏謂機先一向是汝諸人安身處先機一著是汝諸人立命處請問伊之身命究從何處安立若道何處不是安身立命則又何得分機先一向爲安身先機一著爲立命也夫心是根法是塵根塵相對猶如交蘆此蘆旣倒彼蘆隨仆果其心法雙忘自然前後際斷何處更覓先機一向機先一著許多絡索機先一向

正不許物外安身先機一著正不許孤峰獨宿耳乃於六七議上忘記端由向根塵法中疆爲主宰漆桶子未破在然則其間左之右之或伸或縮自心皆成繫縛何曾踏著正脩行路自然步步入荆棘又道末後一句是汝諸人出頭處若道末後一句千聖無出頭分若自謂於此出頭又早埋頭入光影中了也復舉雲門參睦州睦州指見雪峰兩公案逐段著語將古德如語實語全成說置張綱實弄機鋒若將佛法作機鋒會真乃謗大般若莊周尙能說箇有機事者心有機心豈佛佛授記祖祖相傳者皆莊周所恥而不爲者耶又道雲門旣從推門折足悟得又到雪峰有如此作略雪峰已沒奈他何因甚要溫研積稔纔以宗印印之何不向這裏究看此數語即是魔忍所爲小悟之後有大悟又謂悟後方可學小法之大悟大法之小法種種謬論之根古德爲人雖知其人已屬法器自必久之又久觀其行解果否相應觀其解脫果否圓淨然後授記誠以得人之難匪可輕易況唐宋以降南能北秀機緣流布人間不同達摩初來

御製揀魔辨異錄卷八

魔藏五宗原曰。嘗見繪事家圖七佛之始。始於威音王佛。惟大作一○圓相之後。則七佛各有言詮。言詮雖異。而諸佛之偈旨。不出圓相也。夫威音王之外者。也。音者聲之外者也。威音王者。形聲之外。未有出載。無所考據。文字已前最上事也。苦龍樹所現。而仰上所謂無相三昧。然燈以前是也。

密雲以魔藏捏造一○爲千佛萬佛之祖。自悔座下有此魔外弟子。貽累方來。於是一關再關。以至七關魔忍後而救之作五宗教密雲復作關妄救以辨之。此篇蓋密雲法藏一段公案之緣起也。魔藏謂七佛之始。始於威音王佛。惟大作一○圓相之後。則七佛各有言詮。今且不必備舉。七佛偈旨。只舉第一毗婆尸佛偈第一句言之。佛不云身從無相中受生乎。魔藏一○獨非相乎。即魔藏自言亦未嘗不名之爲圓相。然則業已顯悖佛旨。不知魔藏何以自解也。又謂言詮雖異。而諸佛之偈旨。不出圓相。夫古德明。明道個不在內。不在外。不在中間。今謂諸佛偈旨。不出圓相。則是偈旨。在圓相之中。而圓相有內外及中間矣。

直指一宗。未盛於震旦之時。可以片語投契。即信其不爽。保無有拾人涕唾。學人弄泥團。偶爾陽貨貌似孔子之事。而可漫與授記乎。所以溫研積稔。然後以宗印印之者。良爲是耳。豈其既悟之後。復令鼓起無明業風。放出分別識想。苦思力索。諸方舉揚種種野狐涎唾。其始如秀才訓詁。逐字逐句評量。其後如市駟狡獪。眉邊睫邊能語。然後謂之宗旨明。然後以宗印印之耶。若如是者。箇箇成魔。宗門漸盡矣。魔藏謂雲門這一箭。從睦州纔見。便閉門處來。睦州從黃檗吐舌處來。黃檗從百丈馬祖大機之用處來。且道如何是雲門這一著。咦。只因雲門平生接人方便。顧著便鑒擬問。即咦。遂將這一箇咦字。草蛇灰線。一直推到馬祖大機之用。以明此圓宗。只是一箇機耳。以與伊所稱先機一向先機一著者。遙相影射。魔魅初學睦州雲門黃檗百丈在常寂光中。能不齊聲稱曰。冤苦永明云。齊文定旨。逐語分宗。於真如境上。鼓動心機。於無作法中。自生繫縛。實魔藏之謂矣。

御製揀魔辨異錄卷七

若圓相有內外及中間者。則威音王以前此圓相何處安著。威音王以後此圓相又何處安著。豈不成戲論乎。又謂威者形之外者也。音者聲之外者也。威音王者形聲之外。未有出載。無所考據。文字以前最上事也。夫形聲之外亦是今世門頭。豈是威音那畔。且威音二字如此依文解義。則正在文字之中。又何得謂文字以前。猶之形外有威。而威究從形起。聲外有音。而音究從聲出。則亦正在形聲之中。又何得謂形聲之外也。仰上所謂無相三昧然燈以前者。豈謂此形外之威聲外之音耶。若云兩儀未判以前。謂之形聲之外。如世儒之所云者。則尚未識如來二字。在又何從說起。威音那畔乎。夫去住同時。古今一貫。法華經云。我觀久遠。猶如今日。維摩經云。法無去來。常不住。故若了此無所住之真心。不變異之妙性。乃可從無分別中。疆分別個威音那畔。今世門頭。夫所為威音那畔者。豈太古鴻荒之謂哉。時因法立法。本自無所依之法。體猶空。能依之古今奚有。卽此今世門頭。便是威音那畔。若舉威音那畔不得。復舉今世門頭。

唯證乃知。非言可說。今法藏謂威音王佛惟大作一○。至於七佛。乃有言詮。然則當威音王住世之時。亦是威音王之今世門頭。又何所為無相三昧乎。則其所為大作一○者。卽便是威音王之文字。又何所為文字以前最上事也。依文解義。三世佛冤。凡世間生死出世涅槃等。無量差別之名。皆知見文字所立。若無知見文字名體。皆空本妙明心。更何所有。古德只爲世人迷真。棄本執相。徇名故於語言文字之外。別作方便示人。如○如●如◎等。皆是不得已而爲之。今乃復以語言文字之法爲之詮注。且謂西天七佛曾經詮注此一○。又謂此一○乃威音王佛所作。如伏羲畫卦者。然誠所爲癡人說夢也已。

魔忍曰。形聲之外云者。非定指法華所載之威音與授記釋迦之然燈也。仰上宗有三然燈。然燈前然燈後。正然燈是也。大作一○象示也。如太極圖以示天地萬物未形之際。非定執此圖爲太極也。關書謂先師妄捏一○以蓋釋迦。謂釋迦既出。然燈之後。此相不合在然燈之前故也。噫。是烏知仰上所謂然燈也哉。茲法中深旨。論之無益。姑論其淺者。以開先師之罪云。夫威音那畔。古德蓋累言矣。如曹山和尚有偈曰。威音王未曉。彌勒豈惺惺。又畫此○。今謂曹山妄

捏一●以蓋威音彌勒可乎。聞之曰。荷旃被毳者。難與道純錦之麗。密義藜含。模者不足與論。太宰之滋味。夫先師所示。皆臨濟德山共證之旨也。行周於魯人。且笑之。況行臨濟德山之道於後五百歲乎。

法華常不輕菩薩品。佛告得大勢菩薩。古昔過無量無邊不可思議阿僧祇劫。有佛名威音王。如來劫名離衰國。名大成。其威音王佛於彼世中說法。是威音王佛壽四十萬億那由它恒河沙劫。正法住世劫數。如一閻浮提微塵。像法住世劫數。如四天下微塵。其佛饒益衆生。已然後滅度。正法像法滅盡之後。於此國土復有佛出。亦號威音王。如來如是次第有二萬億佛皆同一號。此密雲所謂世尊法華所載威音王佛事跡也。法藏謂威音在七佛之前。然則世尊所說如是次第有二萬億佛皆同一號。且謂常不輕菩薩親見威音。豈異人乎。我身是者。盡屬齊諧之論耶。卽經一字。三世佛冤離經一字。卽爲魔說。今將法華所載威音事跡與七佛然燈釋迦彌勒編年紀月作佛國春秋。豈非卽經一字。三世佛冤。若謂非定指法華所載之威音。別有個威音王佛。又復大作一○謂之

象示豈非離經一字。卽爲魔說。畢竟世尊所說威音事跡。何以是如語實語。而非齊諧之論。於此尙未洞明。乃謂威音尙無文字。七佛已落言詮。杜撰妄談。如盲人說象。旣不知威音七佛究竟是何義旨。定不知授記釋迦之然燈。卽是仰上所言。然燈前然燈後。正然燈也。且釋迦牟尼佛於此經中。旣明明說。常不輕菩薩卽是釋迦。乃至他經所說。鵲髓鵲珠等。亦俱是釋迦。於此只作寓言。會取無怪。將仰上三然燈。謂非授記釋迦之然燈也。又引曹山威音王未曉彌勒。豈惺惺畫此●相公案。以解法藏謂威音王大作一○之失。然曹山何嘗謂威音彌勒作此一●也。曰未曉。曰豈惺惺而作此●相。以示則其爲曹山所作。明甚。豈若法藏妄謬捏造。謂威音王大作一○七佛各以言詮之也。魔忍又牽連周濂溪太極圖說。以附會外護。謂此一○象示如太極圖。示天地萬物未形之際。更爲鄙倍。夫威音那畔。並非天地萬物未形之際。不得作此解會。若可作此解會。卽說個天地萬物未形之際。便得何必說個威音那畔。且天地萬物未形之際。

威音王佛又如何大作一○且無天地無萬物之先。但有此一大○果孰聞之而孰傳之耶。今且姑勿置論。只以太極圖言之。天地萬物同一太極。各一太極。而此太極卽是無極。太極有也。無極無也。此有乃不有之有。故曰太極本無極也。此無乃不無之無。故曰無極而太極也。俗儒不會。乃言天地萬物未形之先。則有五行。五行未布之先。則有陰陽。陰陽未分之先。則有太極。太極未成之先。則有無極。不知此無極太極。陰陽五行。於天地萬物未形之際。於何安著耶。且天地萬物俱尙未形。人乃萬物中之一。而作此謬解者。又是萬萬人中之一。伊亦尙自未形。何由知得爾時有如許層次。如許絡索。乃大言不慚。作此判斷耶。一人傳虛。千人傳實。魔忍拾得此遺教。便以此說救法藏法藏。拾得此遺教。便以此說模擬威音七佛。所爲以違順想風。動搖覺海。貪癡愛水。滋潤苦芽。瞋目生華。轉用花爲目之自性。迷頭認影。又從影裏索取本頭。沒入深泥。自投叢棘。可憐憫者。莫過於斯矣。

魔藏曰。圖相出於西天諸祖。七佛偈出於達摩傳來。

蓋有所本也。密雲曰。漢月反抹殺世尊法華所載威音王佛事跡。謂未有出載。無所考據者。無根妄作一○相反以爲然。燈已前。既謂然。燈已前。豈可謂圓相出於西天諸祖。既曰出於西天諸祖。皆釋迦老子之後者。以何爲然。燈已前。耶。則漢月如是。自語相違。自相乖戾者。欲人不謂漢月妄作妄說。而老僧則不信也矣。魔忍曰。長沙岑大蟲曰。三世諸佛法界衆生。是摩訶般若光。光未發時。無佛無衆生。乃至尙無生佛消息。先師所謂無文字者。據已前。蓋此意也。東栢論華嚴。寂音論法華。諸經其間名號事跡。多以象示。豈刻舟求劍者同年而語哉。夫威音者。諸佛之母也。西天祖師。託圓相以示之也。屏山居士曰。天地未生之前。聖人在道。天地既生之後。道在聖人。斯可與象示之端矣。必規規然以先後之跡求之。不亦勞且惑乎。且關書自曰。威音者。一切衆生之容威。舉目了然者也。今無論其理之未當。姑就關書二說以問之。其一以爲衆生之容威。其一執定法華之事跡。亦自語相違乎。亦眼光之未定乎。古德曰。流泉是命。湛寂是身。千波競起。是文殊境界。一亘晴空。是普賢床榻。臨濟曰。無依道人。是諸佛之母。東栢以文殊配長卦。爲小男。普賢配震卦。爲長子。此等垂示。皆非經籍所載。豈獨疑三峯一○相爲妄捏乎。

古德云。若有一法可信。卽是邪見。一切不信。方成其信。夫一切不信。又成何信。豈古德又是自語相違耶。果其自證得徹。始成圓信。既成圓信。自然無一法可

信無一法可信。自然無一法可簡。若有一法可信。必有諸法可簡。既有簡有信。何成圓信。見相橫前。仍沿此岸。果能識得七佛。偈則○內○外都廬是摩訶般若。光奚問其有何所本。若有所本。即是邪法。若信爲本。即是邪見。即與西天諸祖所示七佛所傳。恰相違背。亦無須再論。○相之未必出於西天諸祖也。心是根法。是塵覓心。尙了不可得。何況對根之塵。緣心之法。若於此起法見。成法執。正所爲一向狗塵罔知返本者。法藏謂此○與偈蓋有所本。足見伊之迷本逐末矣。密雲斤斤與論威音事跡。載在法華。不得謂無所考據。○相既出西天諸祖。不得又謂在然燈已前。捨其大謬。關其小謬。固亦無足道者。而魔忍救之謂法藏之說。即是長沙岑三世諸佛法界衆生是摩訶般若。光光未發時。無佛無衆生。乃至尙無生佛消息之義。是則並未救得法藏。徒然塗汚長沙岑不少耳。長沙岑此語。豈謂摩訶般若光既發。則有文字可考。據摩訶般若光未發。則無有文字。無可考據耶。亘古亘今。亘上亘下。亘東亘西。亘南亘北。並是摩訶般若。

光將何爲未發。並無摩訶般若光。將何爲既發。會得則三世諸佛法界衆生是摩訶般若。光光未發時。無佛無衆生。乃至尙無生佛消息。會不得。道個摩訶般若。光便是法執。道個光未發時。更屬子虛烏有之妄論。何況將天地未生以前爲摩訶般若。光未發。天地既生以後爲摩訶般若。光既發。如此分疆畫界。去長沙岑更添冤苦。乃舉屏山天地未生以前。聖人在道。天地既生以後。道在聖人之語。以爲注解。轉見不堪。天地未生以前。如何爾時。便有個道裝載。聖人在裏。許天地既生以後。如何便將此道屬之聖人。而一切有情無情。不得而與不特與佛祖言教大相刺謬。卽與儒門所論性與天道亦大相刺謬。此明代天啓以後秀才時文中荒唐謬悠之論。乃亦取以救法藏滅密雲韓愈蝦蟆詩有云。無理祇取闢斯之謂矣。密雲因法藏捏造威音王大作一○故以法華事跡正之。又因法藏將威音王與七佛論長幼敘履歷。故以威音者衆生之容威。舉目了然者。曉之而魔忍遂謂其自相悖謬。何嘗會得密雲之意。密雲意尙未會得何。

況世尊法華所說威音王佛意古德云舉一不得舉二放過一著落在第二威音那畔卽是舉一放過一著落在第二則一正在裏許若一向舉一不特失却二并失却一故舉衆生之容威舉目了然者言之而威音卽在裏許此正法華所載之威音也而魔忍談之曰自語相違耶眼光未定耶執文泥字以刻責密雲密雲又有何說以解免又舉古德流泉是命湛寂是身千波競起是文殊境界一亘晴空是普賢床榻之語臨濟無依道人是諸佛之母之語棗栢以文殊配艮封爲小男普賢配震卦爲長男之說謂均與法藏所言一○相不殊今無論法藏一○相爲千佛萬佛之祖之說固不可與三說同年而語卽三說中又奚得渾同一致臨濟曰目前聽法無依道人是諸佛之母然則威音王佛不離衆生舉目了然處矣古德謂流泉是命湛寂是身千波競起是文殊境界一亘晴空是普賢床榻作此語句不特親見威音並且親見常不輕菩薩矣魔忍果能悟此數句定不執威音大作一○之謬見妄生議論至於棗栢震艮之說以

之論易尙且不可何況於宗蓋易義亦不得謂震中無艮艮中無震以義有分屬斯在艮言艮在震言震耳震動也艮止也無不止之動亦無不動之止止是不止之止動是不動之動今將以文殊爲止而以普賢爲動其又奚可內外教典兩處負墮奚得與前二說連類並觀耶

魔藏曰嘗試原之圓相早具五家宗旨矣五家各出一面然有正宗第一先出臨濟宗旨此相拋出直下斷人命根於一○中賓主親親直入首羅眼中所謂沿流不止問如何真照無邊說似他離相離名人不稟吹毛用了急須磨是也次則雲門三句一字關也潯仰圓相本於此也法眼談教義於六相之外曹洞分回互於黑白之交只一○中五宗具矣魔忍曰五宗各出一面謂各出一○相之一面以接人也如曹洞宗以五位回互或因偏以顯正或卽正以攝偏或兼至而背觸俱非或兼到而通身尊貴皆卽一面而通諸面者也至臨濟宗則直下拋出矣故以臨濟爲正宗非簡偏也猶曰五宗之長也圖書謂五宗各出一面則當分此○相爲五面既分爲五則臨濟安得而直下拋出耶觀其意是以此○相爲蠢然一物耳不知此○相出百千萬億面而相體不分百千萬億面入此○相而相體不狹法如是耳昔吉祥元寶禪師依天衣聰偶失笑喧衆衣擯之夜宿田里觀星月燦然有省曉歸趨方丈衣見之乃問五位君臣如何

話會實曰。我這裏一位也。無次令參堂。而謂侍者曰。這漢有個見處。奈不識宗旨。何入室。次次預令行者五人分鉢而立。實至俱召。實上座。實於是密契奧旨。述偈曰。一位纔彰五位分。君臣台處紫雲屯。夜明簾捲無私照。金殿重重顯至尊。知此者可與言。○相之開合矣。知相之開合。可與論諸宗之同異矣。噫。道固無爭也。而有爭之者。見不同耳。如實公之初悟。謂之無見可乎。謂之微見亦可乎。非天衣鉗錘之妙。是又與宗旨豈一勁敵矣。雖然。非嫉宗旨也。不知有宗旨也。不知焉而毀之。彼安得不自以為救世乎。夫七關之有近於理者。闢其所謂不知者也。三關之有近於理者。亦闢其所謂不知者也。此外則橫爭狠罵之辭矣。姑不備載。以存厚道云。

實際理地不立一塵。萬行門頭不捨一法。必於實際理地不立一塵。處得個消息來。然後可與向萬行門頭不捨一法中舉。足下足去。既在萬行門頭。自然無漸次中有漸次。無階級中有階級。若言實際理地則十方平等一道清虛。不落言思。豈容區別。今藏忍父子之論五宗。以臨濟爲正宗第一。先出而雲門次之。潯仰又次之。法眼又次之。曹洞又次之。圓宗有如是區別。相耶。不過欲推尊臨濟爲五宗第一。以見己爲第一宗之嫡子。至榮至貴。至尊至勝而已。此豈武將

論功秀才對策。而有甲乙之科目先後之殿最耶。據伊之說。則曹洞最爲末後矣。乃洞山云。這個猶不是。況復張三李真空與非空。將來不相似了。了如目前。不容毫髮擬。永明云。只如云。這個猶不是。豈況諸餘狂機謬解。然則所謂一○直下拋出。斷人命根。○中賓主輓輓。直入首羅眼中者。正洞山所爲。張三李四。永明所爲。狂機謬解耳。縱饒果是第一正宗。恰恰成得這個。猶不是。何得將張三李四。狂機謬解。區別四宗。橫分次第。魔忍自覺。所評五宗次第。難免明眼人檢點。於是回護其說。謂以臨濟爲正宗。非簡偏也。猶曰五宗之長也。將個鬚張三來換黑李四。宗若可以長幼論。則必幼不及其長明矣。其與宗旨偏正之說。何異五十步笑百步。宗尙不得以是非言。況可以長幼論乎。密雲謂五宗既各出一面。則當分此○相爲五面。既分爲五。則臨濟安得而直下拋出耶。只因我王庫內無如是刀。不勝捧腹而爲是說。究亦祇成戲論。而魔忍又謂此○相出百千萬億面。而相體不分。百千萬億面入此○相。而相體不狹。所爲紫色洧朱。

蛙聲亂耳。又引吉祥實五位君臣公案以回護之。不知既云此○相出百千萬億面而相體不分百千萬億面入此○相而相體不狹則臨濟雲門潯仰法眼曹洞諸古德不能與此○相分內分外分同分異亦明矣。又如何臨濟能舉此○相直下拋出其餘四家又如何能各出一面耶。如此○相可以直下拋出可以各出一面則除非實有是○相始得。既實有是○相則此○相直是蠢然一物。又何能出百千萬億面而相體不分百千萬億面入此○相而相體不狹乎。惟宗無相惟宗無體。今日相曰體即已非宗。惟宗無同惟宗無異。今日同曰異又已非宗。夫相與體同與異皆是世間言語。但有虛名而無實際。何得以不定之虛名欲定無名之妙性。欲以○相之開合論諸宗之同異。譬如取音聲而繪畫之音聲。何由肯受汝畫。夫臨濟曹洞二宗傳至於今不絕。而臨濟獨盛。雲門潯仰法眼三宗無人承嗣。此如世法門祚之盛衰。衰於宗旨有何交涉。若就雲門潯仰法眼曹山五人平生爲人機緣語句而論。皆優於臨濟。豈得以其子孫蕃

衍而遂居五宗之長乎。五宗亦出後人之強名。豈宗之果五同此不二法門。故稱爲宗。若其有五則是差別魔外矣。且如吉祥實云我這裏一位也。無此語亦何得謂非徹見天衣預令五人分敘而立同召實上座實於言下契旨。而述偈云云。究竟五人與實上座同是一位也。無何得從實上座偈語邊換却眼睛。便乃說一○五又成實法。又曰道固無爭也。而有爭之者見不同耳。夫見即是邪魔。爭即是衆生。既與見刺又起爭情。則五戒已破。尙何一乘之有。如是而欲明宗旨何異首越而之燕。抱薪而救火。又謂密雲七關三關其尙可救者皆關其所不知其餘則橫爭狠罵之辭。姑勿具錄。以存厚道云。更屬可笑。夫密雲七關三關正爲魔藏父子之多所知而失却正知。伊謂密雲不知密雲果何知耶。魔藏父子若能悔却平生如許邪知。即不爲所知之相縛。而能徧知一切折合歸來。如許邪知皆成正知。而亦無所知矣。其如執著無明所熏情識之知。轉以人所不知爲己所獨知。業識茫茫有何了日。夫既論宗旨則何者爲厚何者爲薄。

何者爲能厚能薄。何者爲所厚所薄。乃曰姑勿具錄。以存厚道。則全是衆生相。世間法矣。如果本分相應。卽橫爭狠罵。又那許作罵會。如不然者。橫爭狠罵。固不得甘言綺語。又爭免墮無間地獄耶。

魔忍曰。雲門於衲子。淘鑄聖凡。情見盡淨。不留絲忽。是故嗣其法者。七十餘人。臨生死若門開相似。率多坐脫。德山密洞山。初香山。遠巴陵。鑒四老。其超類者也。

世人情見熾然。業緣輪轉。愛河涌地。慢阜撐天。甘五濁而冥行。處重昏而罔覺。憎欣反覆。貪畏回環。就中欣而貪者。莫過於生。畏而憎者。莫過於死。祖佛楊葉止啼。苦塗斷乳。爲說生死事大。無常迅速。俾其從空無我得真如性。亦是先以欲鉤。牽後令成佛智耳。本無生死。又說甚生死文殊問菴提遮女曰。生以何爲義女曰。生以不生。生爲生。義殊曰。如何是生以不生。生爲生。義女曰。若能明知地水火風四緣。未嘗自得有所和合。而能隨其所宜。是爲生。義殊曰。死以何爲義女曰。死以不死。死爲死。義殊曰。如何是死以不死。死爲死。義女曰。若能明知地水火風四緣。未嘗自得

有所離散。而能隨其所宜。是爲死。義魔忍謂雲門弟子臨生死。若門開相似。率多坐脫。以爲奇特。以此歸功雲門。鉗錘之妙。埋沒雲門。不少雲門弟子。七十餘人。豈皆於地水火風四緣。自得有所離散。而不能隨其所宜者耶。生晝也。死夜也。雖貪生怖死。永墮輪迴之者。到此地位。那一個不門開相似。不了生死。而曰臨生死。若門開相似。以爲奇特。若奇特者。臨晝夜。若門開相似。亦奇特耶。天王悟臨終時。叫苦苦。又云。閻羅王來取我也。院主問曰。和尚當時。被節使拋向水中。神色不動。如今何得恁麼。地師舉枕子云。汝道當時。是如今是。古德慈悲。留此因緣。垂示後人。照天照地。乃猶向饑時。喫飯。倦時。睡處。作奇特商量。擬雲。慧日朦朧。有甚了期。不見洞山。份臨行。因衆戀慕。復開目示訓。並令營齋。衆故延之。七日而齋始成。价亦隨齋。乃云。此齋可名愚癡矣。夫戀慕者。衆生相也。於坐脫生奇特想者。外道見也。衆生許喫愚癡齋。外道則愚癡齋。亦不得喫。昔南方禪客。道此身卽有生滅。心性無始以來。未曾生滅。身生滅者。如龍換骨。蛇

蛻皮人出故宅南陽忠斥之曰若然者與彼先尼外道無有差別古德明訓灼然何得了不契悟流浪生死於此粗淺見處尙不分明何得妄談宗旨哉

魔忍曰予在萬峯參雲門折足公案有省作頌曰石處睜睛也大奇夢中翻轉髓和皮這回月向泉根出照見雲門跛阿師余門人利根見而驚曰奇字不可請易之余曰何謂也曰和尚最怪人說奇特元妙余笑曰不虛你先見和尚也嗟乎先師禁學者奇特解會使人畏憚如此因提濟上元要遂以元妙誣之無乃精靈未至耶

魔忍弟子利根畏法藏平生惡人言奇特而謂魔忍偈中奇字不可用魔忍舉以爲法藏並未說元說妙證且謂密雲之闢乃屬冤誣所爲欲蓋彌彰者夫心不負人面無慚色奇卽是常常卽是奇奇與常皆屬法相邊事與清淨妙覺有何交涉清淨妙覺中無一法可取無一法可捨今法藏畏奇特元妙如是必將以平常淺易爲歸耶捨奇特元妙而取平常淺易亦是失心況又實以奇特元妙魔魅學人而勒令不許說奇特元妙則非止奇特元妙之謬說直是機械變詐之奸謀矣且此正可以識其切中所忌內漸於心

而惡聞人言實則有何益處詐者必愚如是如是乃魔忍轉取以爲並未說元說妙之證譬如哺糟啖醢醉舞傲傲載叫載呶曰我平生禁酒甚嚴而人猶謂我酒狂耶其爲可笑何以異是且所作雲門折足頌何嘗窺見睦州雲門絲毫許而自誇有省石虎撐睛也大奇夢中翻轉髓和皮爲著語曰夜夢不祥題門大吉這回月向泉根出照見雲門跛阿師爲著語曰一箇眼花終身見鬼

魔忍曰睦州尊宿黃檗嫡子也識淖沱於陸沉之中接紹陽於門曰之內可謂克振家聲矣而生平接人多用言句關書曰臨濟三度問法黃檗只痛棒三頓故濟出世惟以棒喝接人是之謂的骨信斯言也是睦州不得在的骨之例耶且雲門既折足於睦州則當時時推門損人之足尙其形似可也何乃斤斤麻正布之語雪峰聞而喜之雪峰亦於德嶠棒下如桶底脫又不專用德嶠之棒而立三句如近代之論則睦州雪峰雲門三大老俱不得爲克肖之子矣昔俱胝和尚凡有問話但豎一指自曰我得天龍一指頭禪一生受用不盡有童子效之俱胝潛利刀斷童子指夫五家綱宗卽俱胝之利刀也今無論棒喝言詮真者如角似者如毛不以宗旨爲能盡斬其臂哉

密雲謂臨濟惟以棒喝接人故爲黃檗的骨蓋言臨

濟所謂三元三要四喝四賓主等皆屬門庭施設學
者不可於此著相分別。剝肉成瘡耳。今魔忍遂謂睦
州平生接人多用言句。豈便不是嫡骨。雪峰於德嶠

棒下透脫而立。函蓋乾坤。截斷衆流。隨波逐浪。三句
何嘗專一用棒。以此刻責密雲。其口頭固滑利矣。奈
破妄語戒。何棒喝言句。是同是異。於此未明。無怪言
句是言句。棒喝是棒喝。且棒喝亦非棒喝。言句亦非
言句矣。密雲接人亦何嘗不用言句。若不用者。卽今
所稱臨濟出世。惟以棒喝接人云云者。又是什麼。可
不謂之言句耶。睦州雪峰平生接人處。渠乃作言句
會。卽卽如所爲。雪峰三句。何以便不是棒喝。只今卽
與一棒。豈不函蓋乾坤。再與一棒。豈不截斷衆流。復
與一棒。豈不隨波逐浪。魔忍作麼生分別。若分別者。
早被東海鯉魚鱗甲裏。帶過新羅國去也。俱胝斷指
因緣。正是密雲證佐。若以密雲之棒。作童子豎指觀。
而以綱宗比。俱胝斷指者。則正伊所爲。雲門既折足
於睦州。則當時時推門損人之足者也。凡三元三要
四喝四賓主等。皆是推門斷指一般。偶爾成文。適逢

其會。今執之以爲宗旨。何異時時推門損人之足。時
時袖刀斷人之指耶。若云此異於彼。則是以斷人指
足爲重。而以斷人慧命爲輕矣。

魔忍曰。雪峰禪師有函蓋乾坤句。截斷衆流句。隨波
逐浪句。雲門生平用此接人。如風馳電轉。自非透明
大法。死盡全心者。難爲湊泊。蓋自家立地處。不漏絲
髮。故應機垂手。不期然而然。余出峽時。過夔門江邊。
有數堆亂石。傳云諸葛孔明所遺陣圖。今不知書者。
但以爲亂石。卽知書者。亦不過曰陣圖而已。既不遠
出生入死之門。擒縱變化之數。圖安所用哉。

雪峰三句。與臨濟四喝。同是門庭施設。雪峰鼻孔那
許。從三句中。摸著魔忍。於此眩轉。焚惑。謂非透明大
法。死盡全心者。不能湊泊。旣死盡全心。又湊泊這野
狐涎。作麼若有一法可得。雪峰卽是弄泥團。漢何得
以透明大法。塗污雪峰。縱饒不受天下老和尚。舌頭
瞞於行解。尙無交涉。在何況遇三元三要。卽被三元
三要。轉遇四喝四賓主。卽被四喝四賓主。轉遇三句。
又被三句。轉平生受臨濟舌頭。瞞不了。又被雪峰瞞
自飲狂藥。而狂又復以狂藥飲人。誠何苦耶。正如俗
儒不知八陣爲何物。見說天地風雲龍蛇鳥虎便道

風雲附天。蛇虎附地。龍與鳥在天地之中。作種種依文起義。不知天地風雲龍蛇鳥虎。不過如今之鑲黃正黃等八旗旗色。用以爲軍營之誌別耳。雖名天地風雲龍蛇鳥虎。而與天地風雲龍蛇鳥虎八者了無交涉也。魔忍自謂曾過夔峽。見武侯陣圖。而歎不知書者。以爲亂石其知書者。亦止以爲陣圖。無人知其出生入死擒縱變化之妙。以比宗旨。實有出生入死擒縱變化如武侯八陣圖者。非極靈一棒可以了事。此正魔忍自具供招承認謗大般若罪業處。正法眼藏中。豈以出生入死擒縱變化爲究竟也。只緣不知宗匠爲人。俱是如語實語。卽其門庭施設。亦是如語實語。其不可近傍處。皆由學人自將得來。擒者汝自擒。縱者汝自縱。種種變化。皆在汝邊。本分中有何絲毫許交涉。若先自辦個出生入死擒縱變化之機。以待學人之來。豈不自先失心。如何爲人。如此而曰爲人有何利益。只是與人舌戰耳。且凡物之圓而轉者。皆必無根。若有根如毫髮許。則從其毫髮許之根處。便不成圓。而此根如毫髮許。不斷亦便不能轉。不寧

惟是今既鼓動無明業識。講求所爲小法之大法。大法之小法。根牢蒂固。塵壅土埋。業已墮入大鐵圍山。豈能圓轉其所爲出生入死擒縱變化者。徒妄語耳。且使果能出生入死擒縱變化。以與天下人舌戰。則託諸空言。是一場利口見諸行事。是一片機心。尙何宗旨。尙何佛法。必如是。乃稱宗旨。明則是明於宗旨者。皆王法之所必誅者。耶。八陣圖之說。尤與宗旨了無交涉。且魔忍亦只取爲譬喻。本無足深辨。但其好以外典顛預一時。禪和子且以慢侮不識字之密雲。而實則自亦未嘗了了。今一併揭露。以消天下後世禪和子之惑。世傳諸葛亮八陣圖有三。一在夔州。一在新都。一在沔陽。而其在夔州。魚復浦者。水發則沒。水落復出。歷數千年不圯。壞世以爲神。蓋天地間物。如是不可思議者甚多。或亦亮精誠之所固結也。但所爲圖本非出自亮作。蓋入則虛中而成。方七則實中而成。圓此自然之數。非人力所能爲。而陣用八數。世傳出自風后。亮以前寶憲亦曾用之。則其非自亮始明矣。且此聚石爲圖。留示後人。又豈能使人知兵。

亮又豈好爲身後名而爲是無益之舉耶。蓋不過當時訓練士卒所立之綿叢耳。後之人思亮而奉爲召公之甘棠。則曰武侯陣圖。其中何嘗有出生入死擒縱變化之妙耶。譬如召公甘棠。學者欲於甘棠樹內求周南之美政。雖枝枝葉葉而索之。了不可得也。且入陣亦止是戰時士卒之行列守時營伍之位置而已。何所爲出生入死。然則魔忍所爲出生入死云者。惑於奇門休死傷杜開驚生景之邪說。謂敵若入死門則必死也。極爲迂愚可笑。且魔忍所爲擒縱者。蓋出亮征孟獲故事。亮欲大折孟獲之心。使其不爲內擾。故七縱之而七擒之。此與夔州魚復浦陣圖何涉。魚復浦卽永安宮。乃與劉先主圖吳時訓練士卒所立之綿叢。其在今日究竟是一堆亂石而已。魔忍認爲武侯用以七擒七縱孟獲者。恰與誤認雪峰三句作宗旨絕相似也。

魔忍曰。古之言悟者曰。如遽華開如夢忽覺。余於瀉山信然而百丈更爲說法曰。此是暫時歧路時節。若至云云。又曰。悟了同未悟。無心亦無法。方其深發得火慶快之際。心華發明。是故聞理最易深入。只此數

言之下一了百了。若待拋迷就悟。就成窠臼。雖百方磨治。卒難脫洗。是之謂法乳之恩也。若仰山者。懸應西天祖師付囑圖相之記。實果位聖人。猶曰得證於就源得用於瀉山。豈其智弗若今日歟。蓋不自瞞耳。父父子子交互增輝。開鑿人天眼目。以垂範百世宜乎。

瀉山云。從聞入理。聞理深妙。心自圓明。不居惑地。魔忍遂謂。方其深撥得火慶快之際。心華發明。是故聞理最易深入。此等言論。所爲如蟲蝕木偶。爾成文究竟蟲不識字。若瀉山當百丈撥火次。尙滯理境。則有何發悟之處。百丈何得顛預衆生妄爲印可。古之言悟者曰。如蓮華開如夢忽覺。如蓮華開則不立一塵。若尙有理竟之可深入。則蓮華尙在汚泥中。何嘗得開。如夢忽覺。覺後夢中所見之物。所行之事。究在何處。若尙有理境之可深入。則是夢中說夢。何嘗得覺。圓宗若可從理得者。祖師卽不道以心傳心。不立文字。釋迦卽不道佛語。心爲宗。無門爲法門矣。何則。理從言顯。言藉文彰。雖有甚深之理。必有甚顯之文。以發之。如文不能發明。自是文不至。文之所以不至。自是理之未曾透明。斷無有透明此理而無文字可以

達之者何得因噎廢食。因文不能明。遂乃不立文字。且理字之義。本借木之文理。以爲言。事物之有理如木之有理。理卽是木之竅隙處。雖緊密至極。循其理則斤斧可入。其入處卽其門也。既有理之可名。必有門之可入。百思不得。千思不得。萬思之畢竟心思斤斧能入。事理竅隙入其竅隙。卽開其扇。鑰何得謂無門爲法門。所以言語道斷而不立文字。心行處滅而無門爲法門者。佛祖豈屬虛語。夫此盡大地是門。而無門恒。河沙數劫。轉妙法輪。而無字者。尙從何處說個理字。耶。若果心華發明。卽已遍無所有。豈得轉入業識。復步昏衢。直因魔忍。自未心華發明。而卜度其境界。料應如是。遂乃妄判。瀉山豈非三家村裏漢。說中書堂內事。世傳永明爲彌勒。寒山拾得爲文殊。普賢以至近世。邛溪爲大通佛等。不一而足。奚止仰山爲小釋迦。若爲了徹者言。則是實有其事。纖毫不爽。若爲未了徹者言。可云皆爲捏怪。直是塗污諸古德。今魔忍執著其說。謂仰山懸應。西天祖師付囑圓相之記。實果位聖人。良屬夢墜。圓相既是西天

祖師付囑仰山。何以又焚却。若仰山平生只此九十七圓相。是者仰山則爲疑誤衆生。何足濟美。瀉山豈堪垂範百世。

魔忍曰。諸小者不可以懷大。綆短者不可以汲深。確乎先哲之言也。仰山爲沙彌時。一見此圖。卽能了然於心。又重錄一本。毫無差謬。豈初根淺識所能。而關書引執本二字。盡欲抹殺。是未辨就源在子。卽得之語矣。且本之存也。非有調詒言理。可以傳授。但欲學者提脫心。智於無門無縫處。更進一步耳。風穴曰。若立一塵。家國興盛。野老羣。屢不立一塵。家國喪亡。野老安貼。今人於無住本。強生節目。反以宗旨爲癢癢。譬夫患瞽之人。投藥而眩。不自咎其內熱諸病。而遺罪於黃帝虛扁之書。或益甚矣。

仰山不可及處。在一見就源。九十七圓相。卽便燒却。至於重錄一本。呈就源。毫無差謬。不過是伊能解。能會有何足重。且能此者。奚必仰山。當日就源。謂仰山曰。南陽國師。當時傳得。六代祖師。圓相共九十七個。授與老僧。乃曰。吾滅後三十年。南方有一沙門到來。大興此教。次第傳授。無令斷絕。我今付汝。汝當奉持。爾時仰山。若非眞實。慶快平生。了無一法。可得。尙有不生奇特想者。乃一見便燒却。則眞乃用得九十七

圓相也。至於一覽便知其意。重集一本不爽毫髮。古今聰明彊記之人。不但垂於記載。亦且著在耳目間者甚多。若以此爲小釋迦。始能佛法掃地矣。然與這個了無交涉。宋朝同時兩宰相。一則每日只食餅半個。卷作筆管。細啖過六分。卽不能復嚥。一則每日食不知飽。庖人竊記之。每食一器。飲一器。畢卽如數傾入大甕。凡傾數十器。大甕滿溢。流地而飲。啖自若不休。二人同相同壽。皆八十餘。夫搏食與壽。尙兩無交涉。何況法食正命耶。若言過目不忘之奇特。則古今之人不知其名始者多矣。略舉史冊所載如漢王充。魏荀悅。唐韋述。張巡。李嶠。宋胡松年。汪應辰。何涉。黃庭堅。元不忽木等。並能爲仰山之所爲。豈亦會受西天佛祖授記耶。至謂欲學者提脫心智於無門無縫處。更進一步亦屬強作解事。若欲起學者疑情。令於無門無縫處。更進一步。又何必九十七圓相。方可爲人作方便耶。又引風穴家國野老公案爲證。不知風穴平生敗闕。此段公案爲最。將家國與野老打成兩橛。既違世理。卽背真宗。別立一野老於家國之外。則

此野老卽是一塵。何云不立一塵。正所爲於無住本。強生節目者。早於無住處住著。堅固不拔。此等不了之談。深違佛祖之意。自未具眼。乃妄欲爲人投藥。卽是佛祖真詮。亦必化爲鴆毒。何況此等以謬傳謬耶。

魔忍曰。如金鑄器。鐘盂鼎彝。皆金而鼎不是。鐘盂不是。鼎所用異也。于將莫邪用在斬割。臨濟雲門近之。秦宮寶鏡用在兼攝。曹洞潏仰似之。而法眼則鼎也。易曰。鼎折足。覆公餗。蓋鼎三足而立。廢一則傾。巖頭謂。伊字三點。略似宗門法眼。以華嚴六相立爲宗旨。慮後世學者偏局於一。其意深矣。六相者。總別同異成壞是也。而總不是。別異不是。同互爲子母。以盡法界廣大之性。開合之變。如織錦迴文。詩一字百味。祖師之全體大用。至五宗各立。發揮盡矣。眼嗣地藏。琛琛嗣元沙。備備嗣雪峰。存存嗣德山。鑒鑒嗣龍潭。信信嗣天王。悟悟嗣馬祖。元沙宗旨有用處。不換機與六相義相爲隱顯。琛公善之。至法眼專以此機接人。故元沙之道。至眼始大。但學者未能細心研究。不數傳而宗鏡出焉。義解沙門。倚以爲說。可歎也。

凡有對待者。皆有所似。卽無所似。必有所反。惟有反也。則亦似也。易之所爲反類是也。如陰之與陽。欲舉何者爲似陰。何者爲似陽。而不可也。然而陰與陽正相反。則陰固反類乎陽。而陽固反類乎陰也。若此正

法眼藏涅槃妙心。則何有對待乎。無有對待。則何有似乎若舉其正。似雖以大海量墨。須彌聚筆。寫之百分不及一百千萬億分也。何也。蓋悉與此如也。若舉其反類。雖以大海量墨。須彌聚筆。寫之而亦百分不及一百千萬億分也。何也。又悉與彼如也。唯其悉與之如。而悉不與之一。是以總不可謂之相似也。今魔忍欲舉物類以喻宗旨。已屬愚甚。又況分臨濟雲門之宗旨。爲似劍瀉仰曹洞之宗旨。爲似鏡法眼之宗旨。爲似鼎。是果何等魔說耶。夫劍固利於斷割矣。而有活人劍。豈亦斷割之義乎。鏡固利於兼攝矣。而鏡無自性。誰爲兼攝者。至於華嚴六相。該攝一切。以消斷常之見。固是佛語。然不了無門爲法門。而執著六相義。卽落識心分別矣。況六相義如何可成三足。卽成三足。又何所見是鼎之三足耶。其牽合支離於語言文字。尙未圓成。在乃於不涉語言文字之真宗的旨。妄爲擬議耶。佛法廣大無量無邊。不可思議。雖釋迦牟尼佛說法四十九年。迦葉阿難從畢鉢嚴中。述佛所說多至三藏十二分。迨後西天四七東土二三

各述佛旨。垂示方來。以及歷代宗師。爲人機緣年歲既久。日益日多。象負之而難勝。龍藏之而不盡。然謂已足盡諸法門。則竊恐百分不及一百千萬億分也。若乃頓了自心。直達寶所。則古德有云。相逢不拈出。舉意便知有。永明下一轉語。曰。何待舉。意此則實乃圓明了知。不因心念大地全收。涅槃不二。是故若言其總祖師一語一默。並是全提。並無一塵一絲。尙有滲漏。何待五宗各立方。始盡其發揮。若言其別。雖至慈氏下生。並且盡賢劫千佛住世轉輪。亦不能盡其廣大五宗。雖皆古德。然豈能遠邁釋迦。預超慈氏。而其一時擎拳豎拂對機下語。便可誇爲無量無邊。不可思議之佛法於此發揮已盡乎。法眼傳韶國師韶國師傳永明壽禪師。永明平生行解相應。純粹以精。無少罅漏。而性地圓淨。如果日在空光明。普照豈特比之法眼。益天台韶實爲青出於藍。直是釋迦牟尼佛以後佛法入震旦以來第一導師。卽其生無緣之慈起同體之悲。合宗教律爲一貫。示天下後世學人正修行路。集天台賢首慈恩三宗上首共學三藏要

文的旨設爲更相問難編綴成書一百卷名曰宗鏡錄使學者於無上秘密法門舉目便見舉足便行如貧子之入龍藏信手拈來足富十世如病者之值神香隨風過去徹體康寧震旦所有宗門文字斯實最尊最勝魔忍何嘗開卷涉獵轉謂永明不能細心研空元沙之宗旨遂妄造宗鏡錄成義解沙門如此謗佛滅祖直是扶人天之眼目傷衆生之慈父斷如來之慧命焚醫王之藥庫矣盡世間惡業尙有大於此者乎永明宗鏡錄功德雖有阿難之無礙辨才盡其心力廣說譬喻所不能盡然則魔忍毀宗鏡錄之罪業亦雖有阿難無礙辨才盡其心力廣說譬喻所不能盡矣恒河中所有沙如是沙等恒河中沙數之猶尙可盡如是沙雖至多其數有定伊之罪業方來無窮本無定數奚可盡耶刀山劒樹鑊湯鑪炭鐵繩熱灰洞鼻無間種種地獄當亦與之無盡耳達摩從南天竺來雖以不立文字傳大乘一心之宗然亦以楞伽爲印楞伽云佛語心爲宗無門爲法門楞伽獨非文字乎佛語心者今語卽是心語心語卽是佛語達

是心語別無佛語永明不云乎文字性離卽是解脫纔得見性當下無心若迷一切諸法眞實之性向心外取法而起文字見者還以文字對治示其眞實若悟諸法本源卽不見有文字絲毫許發現方知一切諸法卽心自性則境智融通色空俱泯當此親證圓明之際入斯一法平等之時又有何法是教而可離何法是祖而可重何法是頓而可取何法是漸而可非耶夫如是則尙何義解之有今魔忍之意若有一文一字卽屬義解然而離文離字一棒不作一棒用則又曰極麤然則惟有伊師所捏一○爲千佛萬佛之祖者方爲蓋天蓋地乎正同瞎驢轉磨遶盤而走卽此一大妄語魔藏父子必墮無間阿鼻而無疑

魔忍曰單傳之道自大鑒已後裂爲五宗言登雖異未有不因事建立者據悟緣可考也師初見雲巖已悟無情說法之旨矣又於默然良久處沉吟不決非得其中而昧其全乎故雲巖宗旨曰如臨寶鏡形影相覩汝不是渠渠正是汝師後過水觀影方大徹作偈曰切忌從他覓迢迢與我疎我今獨自往處處得逢渠渠本不是我我今正是渠應須恁麼會方得契如如曹山亦有偈曰渠無我卽死我無渠卽餘渠如我卽佛我如渠卽驢父子祖孫立言垂教何其似與

近世老宿輒曰三峰扯盡三擎三撼以配元要若曹洞五位又安得五數而配之噫是自無目而廢天下視也晟不云乎重離六爻偏正回互疊而爲三變盡成五晟得法於藥山山得法於石頭石頭著參同契多明暗回互之旨晟實闡明之而洞山父子大彰其道師法淵源其來上矣

魔忍父子錯認定盤星。謂五家各立宗旨。遂謂大鑒以下裂爲五宗。蓋惑於一花開五葉爲五宗靈識之說。既被所愚。還以自愚者。愚人不知宗有五性。豈亦有五耶。一花開五葉。與五宗有何交涉。又謂五宗言詮雖異。未有不因事建立者。夫實際理地。不立一塵。豈有因事而建立宗旨之理。一事立一宗旨。何止五宗。百千萬億恒河沙事。卽有百千萬億恒河沙宗矣。然百千萬億恒河沙事。卽百千萬億恒河沙宗。轉是一卽一切。一切卽一。重重無盡之門。轉尙不爲無義。若謂因一事而建立一宗旨。五事建立五宗旨。五宗旣建。宗旨發揮。遂盡如是。謬論則自漢明帝世佛法入震旦以來。從未聞者。不但達摩西來。將直指人心。見性成佛之正法眼藏。涅槃妙心。明出以後。不容如是。駢睡作噉語也。又將雲巖洞山曹山所作我渠偈。

謂父子祖孫立言垂教相似以爲淵源師法尤爲嚙中之嚙若然則是五家宗旨如舉業家習詩經者之言賦比興習易經者之言彖象交耶然則亦可以五宗命題開科取士俾習臨濟者說元要習雲門者說鑒叟習法眼者說同異習漚仰者說圓相習曹洞者說黑白耶俗儒謂天有五星地有五行是以儒有五經今復恰有五宗相配法藏以三擊三撼配三元三要伊若作曹洞子孫亦當以此爲五位君臣配耶伊等謬見與此等實相伯仲何嘗了得自心徒然狂狗逐塊放出見聞覺知咬嚼語言文字猜詳卜度組織雕鏤不知五家同是無義味語若費心思作麼不如改業窮經尙可爲有益世間事何苦於野狐涎唾內妄加分別著意推求在宗門則緣木求魚畢生無分徒使儒門知其來寄廬下笑之齒冷佛祖宗風掃地盡矣密雲謂法藏扯盡三擊三撼以配元要若曹洞五位又安得五數配之實爲切中病根魔忍不肯捨其所執轉牽合雲巖晟語爲證豈不自己再加一重枷鎖夫雲巖寶鏡三昧詞魔忍何不向伊背觸俱非

如大火聚。但形文彩。卽屬染汚處。領會而向重離六爻。偏正回互。疊而爲三。變盡成五處。打之遶耶。

魔忍所著五宗教凡十卷。首列總論三篇。明伊師所捏一○爲千佛萬佛之祖等。魔說爲西天四七東土二三歷祖相傳之宗旨。次敘七佛以至黃檗。次敘臨濟宗。自臨濟以至法藏。凡三十一人。次標餘四宗。惟載雲門。滄仰。法眼。曹洞六人。其大意皆所以申法藏之魔說。而其最要眼目在臨濟爲五宗之長。而法藏爲臨濟之嫡骨。且使天下後世知伊又爲法藏之肖子也。密雲者。法藏所由得。臨濟源流之所自也。然而密雲關法藏則法藏之位不固矣。其勢不得不滅密雲。旣滅密雲。而仍奉密雲所得諸龍池以上者爲祖宗。則臨濟嫡骨之說。天下後世必有疑之者也。於是從東明海舟以下。卽爲微辭刺譏。而別奉高峰覺範爲法藏得心印法之師。以見伊父子所傳臨濟之道。別從高峰覺範得來。而其所以能從高峰覺範得來者。因伊師係果位中人。出自夙根。不可思議。用以魔魅當時無慧僧徒耳。食外護釣取後世名。正如王

莽僞作符命。雖漢兵舉火焚之。猶執玉斗按方位而坐。曰天生德於予。漢兵其如予何者也。二人者實爲空王之亂臣。密雲之賊子。世出世間法。並不可容者。雍正十一年四月初八日。特頒上諭。旣深著其罪狀矣。茲將五宗教中。擇其尤悖謬者。逐條指出。以發十方禪子之矇俾。誤飲其毒乳者。作大黃巴豆。猛下之。劑冀讀之者。毒盡而命乃徐蘇。或亦不無小補也。南陽忠國師云。禪宗法者。應依佛語。一乘了義。契取本原心地。轉相傳授。與佛道同。不得依於妄情。及不了義教。橫作見解。疑誤後學。俱無利益。縱依師匠。領受宗旨。若與了義教相應。卽可依行。若不了義教。互不相許。譬如獅子身中蟲。自食獅子身中肉。非天魔外道。而能破滅佛法矣。南陽忠此語。直從唐代早爲判定。楞伽經云。諸天及梵。乘聲聞緣覺。乘諸佛如來乘。我說此諸乘。乃至有心轉。諸乘非究竟。若彼心滅盡。無乘及乘者。無有乘建立。我說爲一乘。夫聲聞緣覺諸佛如來。乘尙須直了。無有建立。始明一乘之旨。何況魔忍父子。私自捏造之一○雙頭獨結之宗旨。橫

生分別之鑒。嘆我渠元。賓主之野。狐涎唾乎。況其所由。絕非爲佛。法利益於人。起見祇以誤於不知。而爲是擾擾。直因自己名利起見。以貢高我慢之心。爲壘斷居奇之術。假佛祖言句。逞胸臆邪思耳。如是謗大般若。塗汚慧命之魔外。何忍聽其邪說橫流。而不思迴狂瀾於既倒。是以辭而闢之。非好辨也。況護正法。以簡魔辨異爲本。亦朕報恩之所當爲者。用茲以示天下後世。

揀魔辨異錄卷第八終

宗範

清・錢伊庵

編

重刻宗範序

光緒丙戌歲聿云莫。葭灰既動。瑞雪盈尺。友人楊仁山郵寄是集來。吳同參靈虛道人招余往。勸余見其格律精嚴。取裁的當。不禁踴躍贊歎。曰。伊菴前輩。可謂先得我心矣。適有禪客在座。略顧冊目。便不啓閱。少頃詢曰。是篇何人所輯。已得正悟否。靈虛子答云。此公打破漆桶。於向上一著。親入密藏。深歎禪河。汜溢。後人無從問津。因於太虛空中。倏釘箇楔。有定據無準。則俾人由此契入。不致爲黑風。噩浪。吹入羅刹鬼國。是亦苦心士也。客曰。宗門下事。如電光石火。快便難逢。神龍天馬。尙難彷彿。範云。乎哉。余應之曰。然子言誠高矣。美矣。第徐六擔板。見尙未圓。誠能死盡偷心。深入堂奧。必不斥此篇爲贅語。客曰。何謂也。余曰。千七百則公案。古人判爲爛葛藤。但參學之士。咸如二祖一言契悟。卽證無生。匪特千七百可聿付祖龍。卽三藏十二部亦可投之巨浸矣。何則。脚跟下事。本無實法。只要灼破面門。立地搆取。則教網綱宗。皆爲靈龜跡耳。安所謂範乎。苟不如是。中下之士。智劣

心浮聞多。羅一言半偈。如蚊上鐵牛。及閱古德機緣。又復汗牛充棟。求其義嚴旨該。可以契入者。誠不可得。則是集如見角識牛。望煙知火。循類以求。因指見月。較之重溟浩瀚。欲渡無筏者。不啻霄壤矣。客曰。範之義敬聞命矣。終以貫教其旨云何。余曰。此更作者不得已之苦衷也。參學得悟。如夢裏拾金。緣無始氣習。頓難瀟淨。所謂風停波尙涌。理悟念猶侵也。若不經大冶洪鑪。鍛鍊淨盡。終是說食不飽。古雖有眼正不實。行履之說。亦祇一期方便。況今古相勘。豈只日劫百倍。如不假彌陀大願。生入蓮花國中。則他日一陰現。依舊落他圈。續故智。如永明尙有角虎之喻。古來禪德。末後歸重持名者。不可縑指。後人千萬弗及。安可一悟爲休。漫云我作得主。吾願同參上士。旣得正悟。正好借一句彌陀。消歸祕密藏中。他日與同志諸君。上品上升。泛駕於七寶池內。庶不負伊菴先生纂輯。是篇接引後進之苦心也。客於是唯唯。靈虛子曰。眞兄可謂語言三昧。引人入勝矣。盍不將此段因緣。載諸簡端。以爲鴻雪之一證乎。余應曰。諾。客退。爰

筆以爲之序

賜進士出身賞戴花翎補用知府特授浙江湖州府

安吉縣知縣黔筑悟真居士李宗鄴謹

序

琴軫失調則改弦而更張之教軌失馭則鑿機而疏通之不疏則運塞而通之道繫於變與時轉移救弊扶衰斯度生化法之大綱也佛教東流溯漢迄梁學者泥經語而不探心源達摩倡爲別傳妙心見性成佛之宗而天下景從此一變也然師資授受間心心相印不離文字語言每有以巧見浮心妄爲模擬者馬祖復截言句轉爲機用其接百丈也傳有野鴨公案再參一喝三日耳聾逆順莫測諸方同風不貴就體消停祇重從緣薦取此又一變也今夫覲面示機良馬則窺鞭而過馳井蛙則墮底而無路不聞以參究之方將何以策魯鈍之進繇是設一話頭塞斷意根工夫淹熟時至理彰話頭原無定則滄山之詰香巖則以父母未生前道一句來勘之死心之詰山谷

則以彼此死燒後何處相見勘之雪巖高峰相承則專於無夢想時主人公徹了之細則精搜深造閩奧三根普被一心洞透更無遺憾此又一變也易云窮則變變則通沿至明清宗師家上堂小參各語機鋒峻峭愈的愈奇而學人模稜揣竊爲生死心貌務聲名心熱依樣葫蘆擎拳豎指或拂袖便行或禮拜逕退竟不辨彼知有之實虛脫不落草盤桓再三撈搜則其見地清徹基脚堅牢又烏從而印之於此顛頂率許涇渭雜流通者將復爲塞此殆乘運而變之一時歟大慧杲云禪備衆體若祇愛擊石火閃電光謂說義理禪教壞男女豈知波瀾不闊生死命根不斷則不敢如此四楞著地爲人我伊庵先生知其然也編輯宗範一書自參學以竟離垢自利利他敘秩井然括引古德研究熏修各範模則多取婆禪盡力穿透略不覆藏毋論淺根薄質覽之均可依行發悟惟須就明眼人印證而已又以從朝至寢明了意識主事易雜昭靈窠臼專提無夢想時主公語導人入門體會人微匪孟浪郎君作略裨捧讀之鏡其苦心隨

喜其普願。謹揭化機變通之理。以抉韋編採集之幽衷。天下後世。其有同調者乎。無棄蕳蕳。證明斯偈。偈云。死後生前體。若何電光石火耳。要知無夢無思。主磕破酣眠野鴨過。

道光乙未臘月望。東川後學。訥諾庵槃談誤。

凡例

一。微參中無夢想。見聞主依稀解路甚多。一友於炮聲有觸。予曰。隣家放炮。與汝無夢想。主何涉。便無語。故得有見處者。或問彼時炮聲與現在對談。是同是別。或問炮聲此際在甚麼處。或問炮聲過後。汝正眠無夢時。更何處相見。此是落草勘驗。其有以擎拳下喝等機。及鼻直眉橫等語。祇對者。盡與掃除。要他將當時見處的實道一句。如真有印契。心有抓著癢筋話。方與點睛。否則重令參究。

一。綱宗中五家所建宗旨。儘足當機勘辨。後人毋須重添名相。

一。洞祖過水觀影悟徹後。安知不重見雲巖徹授寶。

鏡但錄中未及敘出耳。

一。示辨中諸祖辯語。今依原文摘錄。未敢擅更。然密祖追拂事。回生訣載其付法藏公。不慎於忍。祖前印後辯。可以類推。至藏忍二祖。非尋常禪流可企及。勿因辯語。率生輕忽。

一。湛祖枕子頌云。四大無我心。如風箇中誰是主人。公廓然撲落原無物。始悔從前錯用功。令補錄以便閱者對勘。至雲門瑞白位中。諸祖德隆望重。即腹脹吐血身亡。與疏山倒屣大慧發毒。同關報境。毋以意見有殊。妄存軒輊。

一。貫教中禪宗頓圓台宗妙圓。故知有後。兼須融會台宗。

宗範卷上

菩薩戒弟子 錢伊庵 編輯

稽首釋迦尊 十方三世佛 聖賢諸菩薩

摩訶聲聞衆 東西列代祖 第一最上乘

我依當代匠 究心無夢主 百日絕後甦

管窺豁一隙 歷參諸開士 慈愍予錯鈍

佛祖宗教理 廣搜具薄信 浮沈卅五年

忽忽死將至 深愧負師恩 見淺習復厚

兼思涉俗輩 彼此抱同病 知解不敵業

臘底空憶惱 因茲緝宗範 朝夕痛自策

願三寶加被 見者咸歡喜

妙心別傳分十章

一禪源 二微參 三調習 四入聖 五利人

六顯喻 七機用 八綱宗 九示辯 十貫教

原夫佛法東流自漢至梁經教廣布修契者代不乏

人達摩單以別傳妙心直指人人見性成佛畢竟以

何爲妙心耶故首之以禪源源既定矣學者從何而

契妙心循古軌則非參究不可故繼之以微參由參

而悟便與佛祖同一鼻孔然有無始習氣未消故申之以調習習消力宏眞如深契六祖曰終身不退者定入聖位故表之以入聖如上四章自行穩密然須運同體悲詎可斷佛種草故勸之以利人利他中古德有言句機用兩路故分別爲顯喻機用二門顯喻在前者初祖接機亦以言顯示迨三四傳而始轉爲機用故機用次之法久弊生多諸巧見建立宗旨以護正眼故受之以綱宗公案孔多後來諸尊宿各出手眼以評唱之其間權實示現淺深偏圓不無同中有異然均以成就來學佛知見故廣之以示辯如上九章皆禪宗本分草料第與諸經教不可置之不貫故終之以貫教自八至十雖列利人後而自利均須十科廣研也予自笑挈挈波波儼似跛足道人滿面慚惶說得行不得然利根之士脫能依此據起便行終身不退現世爲人師來生作佛祖當亦今時之第二健兒歟

禪源

燈錄始七佛偈本師傳則略採諸經公案次列二十

八祖授受因緣。迦述源流。體裁應爾。今則不遑徧敘。獨指佛生不二。別傳妙心。爲禪源。此宗旨。豎義於達摩。流行於諸祖。觀初祖接可。祖梁武。楊街之。諸人均以言句顯示。乃謂之不立文字。教外別傳者。良以學人滯於經教。卒未能印合妙心。立地成佛。故乘時而來。提唱頓宗。斯禪之源也。妙心者。何靈動含靈皆有佛性。而無始沈淪苦海者。不悟此心。當體是佛。背覺合塵。故全圓覺而成無明。迷而不返。然雖萬劫輪迴。而不動之天眞佛性。從無遷變。別記載初祖祇教可祖。外息諸緣。內心無喘。心如牆壁。可以入道。二祖種種說心性道理。祖總遮其非。不爲說。無念心體。可祖忽曰。我已息諸緣。祖曰。莫不成斷滅否。可曰。不成斷滅。了了常知。故言之不可及。祖曰。此是諸佛所傳心體。蓋息緣則外境相空。無喘則內尋伺絕。如牆壁則心行處滅。言不及則言語道斷。了知而無念。則寂照同時。心境不二。迷悟不二。生佛不二。其恰好處。心亦不可得。妙亦不可得。連不二兩字。亦不可得。不可得。亦不可得。非心非不心。非妙非不妙。放尿屙矢嬉笑。

怒罵莫非妙心。體現今姑立以妙心之名。而爲達摩禪宗之源也。須知安心者。安此究心者。究此悟心者。悟此調心者。調此入聖者。入此利人者。利此。乃至諸祖之顯喻機用。綱宗示辯。并圓頓諸經論。皆不離此心。別有所指也。在初祖證心之楞伽經。則謂之自覺境界。自覺聖智。自覺則靈光獨耀。迴脫根塵。常寂而照。故名爲自覺。智常照而寂。故名爲自覺境。其餘如來藏。自心。現不生不滅眞識。均可一一消歸。故初祖引證心宗。可祖凡說法。竟每日此經四傳。後變成名相。悲哉馬祖引楞伽云。佛語心爲宗。無門爲法門。三界惟心一法之所印。初祖旁出之慧滿師。常齋楞伽以爲心要。如說而行。極知悟心之後。必須消識功熏。乃今之禪客。徵特不依經說而行。且不知楞伽所說爲何語。亦不知初祖何以獨引此經。以證心置之不論。不議之列。可歎也。祇緣此經辭義古奧。數傳後幾致絕響。三祖信心銘中。標此妙心爲玄旨。眞如法界等名以顯之。四祖則令人念摩訶般若。五祖則兼令人誦金剛般若。經六祖聞客誦經。至應無所住而生。

其心遂得開了。五祖復徵其初悟。祖言下大徹。啓曰：一切萬法不離自性。何期自性本自清淨。本不生滅。本自具足。本無動搖。何期自性能生萬法。迨後開堂說法。第一會便演摩訶般若波羅蜜法。曰：此須心行不在口念。口念心行。心口相應。本性是佛。離性無別。佛摩訶是大心量大。如空無有邊畔。方圓大小青黃。嗔喜是非善惡。世人妙性本空。無有一法可得。然莫著空。有人空心靜坐。百無所思。自稱爲大。卽著無記。空此一輩人。不可與語。善知識世界虛空。能含依正。萬像性空。亦如是。自性能含萬法。是大萬法。在諸人性中。若一切善惡盡不取。捨亦不染。著心如虛空。故曰摩訶用。卽了了分明。應用便知一切。一切卽一。一卽一切。去來自由。心體無滯。卽是一切般若智。皆從自性生。不從外入。名爲眞性。自用一眞。一切眞口。雖說空不修此行。似人妄稱國王。終不可得。般若者。唐言智慧也。一切時處念念不愚。常行智慧。卽般若。行一念愚。卽般若。絕一念智。卽般若。若生。世人口說般若。若不識眞。空般若無形相。智慧心卽是。若作如是解。

卽名般若。智波羅密。唐言到彼岸。解義離生滅。著境生滅起。名此岸。離境無生滅。名彼岸。悟此法者。卽般若。若法修此行者。是般若。行不修。卽凡。一念修行。自身等佛。凡夫卽佛。煩惱卽菩提。前念迷。卽凡。後念悟。卽佛。前念著境。卽煩惱。後念離境。卽菩提。摩訶般若波羅密。最尊最上。最第一。無住無往。亦無來。三世諸佛從中出。當用大智慧。打破五蘊煩惱塵勞。如此修行。定成佛道。變三毒爲戒定慧。我此法門。從一般若生。八萬四千智慧。以人有八萬四千塵勞。若無塵勞。智慧常現。不離自性。悟此法者。卽是無念。無憶。無著。不起。誑妄。用自眞如性。以智慧觀照於一切法。不取不捨。卽是見性成佛。若欲入甚深法界及般若三昧者。須修般若行。持般若金剛經。卽得見性。當知此經功德無量。經中讚歎莫能具說。此法門爲最上乘。大智上根人。說須知本性。自有般若智。自用智慧常觀照。故煩惱塵勞。常不能染。卽是見性。善知識。內外不住。去來自由。能除執心。通達無礙。能修此行。與般若經更無差別。不悟本性。卽佛是衆生。一念悟時。衆生是。

佛故知萬法盡在自心。何不從自心中。頓見真如。我於忍和尙處。一聞便悟。頓見本性。將此教法流行。令學道者。頓悟各自觀心。見性。若自不悟。須覓大善知識。直示正路。若起正真觀照。一刹那妄念俱滅。識自本性。一悟即至佛地。善知識智慧觀照。內外明徹。識自本心。若識本心。即本解脫。即是般若。三昧。般若。三昧。即是無念。若見一切法。心不染著。是爲無念。用即徧一切處。亦不著一切處。但淨本心。使六識出六門。於六塵無染。來去自由。通用無滯。即是般若。三昧。自在解脫。名無念行。若百不思。常令念絕。即是法縛邊見。悟無念法者。萬法盡通。見諸佛境界。至佛地。得此頓法。終身不退者。定入聖位。然須傳授。不得匿其正法。是知摩訶般若。便是初祖的傳妙心。且知六祖所受五祖心印。盡在此篇發揮。罄盡無遺。苟能細心體會。則摩訶般若。一句即是絕好話。頭悟後。熏修精密。便是絕好調習功夫。又何必另覓話頭。別起爐竈耶。然此總在行人之便宜矣。又六祖最後開示。提唱般若經中。一相三昧。一行三昧。若悟一切處。不住相於

彼相中。不生憎愛。取捨不念。利益成壞等事。安閑恬靜。虛融淡泊。名一相三昧。若一切時行住坐臥。純一直心。不動道場。眞成淨土。名一行三昧。人具二三昧。依吾行者。決獲菩提。證妙果。此二三昧。出又殊問般若經。正是摩訶般若妙心體相。正是諸佛所傳無念而常知心體。正是楞伽經自覺境界。自覺聖智名異。而體同也。圭峰禪源證曰。若頓悟自心。本來清淨。元無煩惱。無漏智性。本自具足。此心即佛。畢竟無異。依此修者。是最上乘禪。亦名一行三昧。是一切三昧根本。若能念念修習。自然漸得。百千三昧。達摩門下相傳者。是此禪也。法運沿流。泯相歸性。故總以般若印心。六祖而後。雖立有五家之綱宗。千七百則之葛藤。或平實商量。或機鋒相見。乃至盡未來際。拈頌代別。徵判上堂。小參秉拂。普說千岐。萬派更無越乎摩訶般若。一相三昧之一源矣。源乎源乎。千山勢到巖邊止。萬派聲歸海上消。謂之教外別傳也可。謂之離教無禪也可。謂之不立文字也可。謂之無離文字而說解脫也可。

徵參

衆生妙心本無生滅而無始沈沒三界者以未知本體主公安身立命處也。知則一念回機便同本得靈光獨耀迴脫根塵體露真常。卽如如佛是則參究以求了知誠學者第一要矣。可祖種種說心性初祖祇遮其非可云已息諸緣初祖復將莫成斷滅勘之而後許證此卽究心發悟第一則榜樣然箇中消息悉以言通至禮拜而記得髓則離言而顯機靈用活別行一路矣。迨後懺罪竟之印誰縛汝之詰子何姓之問三更入室之談乃至什麼物什麼來之徵祖祖相授多於文字顯示蓋以列祖名振當時當機爲道心切一語點睛全身擔荷了無扭捏纒疑其間故不須多番勘驗照用以辯其真僞其旁出諸祖亦祇是臨時言接惟六祖接荷澤爲用棒始然指授仍不離言詮也。馬祖於問西來意便打則專以棒接而機用之門大闢矣。古德云從文字得力者弱從事上得力者強從緣薦取相應疾就體消停得力遲者是也。其時禪風大播千里同風知有後廣歷諸方叢席如趙州

臨濟輩指不勝屈然門庭旣別曲調難齊不無有淺深純雜之異矧夫虛妄浮心多諸巧見口頭弄滑以紫亂朱在學輩旣未能刻苦研窮而專唇舌爲師者不得不掃除言句而變機鋒全提棒喝塞斷咽喉電閃雷轟命喪真露一點再點鼻痛耳聾三打三拳得牛完馬智過師而野狐一掌斬勸衆而狸奴一刀百千鏡交光正中益正十八偏大悟純淨更純甚至逆流洞水勝祖強爺尊重已靈呵佛罵祖總冀白璧之無瑕不厭黃金之久燬然而利智上士把得便行鈍根阿師茫然莫措於是參尋同轍方便異門圓悟云釋迦最後徑截省要接最上機雖迦葉二十八祖少示機關多顯理致至付授際靡不直面提持如倒刹竿盤水投針運摩破六宗翻轉我天爾狗非擬議思量可測洎到梁魏顯言教外別傳逮曹溪詳示宗通說通具正眼大解脫宗師變革通途俾不滯名相不墮理性言說放出活卓卓地脫灑自由妙機遂見棒喝交馳以言遣言以機奪機以毒攻毒以用破用流傳七百年來枝分派別各顯家風然其歸著無出直

指人心心地既明。無絲毫隔礙。脫去勝負。彼我是非。知見解會。透到大休歇安穩之場。豈有二致哉。要須箇向上根器。具高識遠見。深入闢奧。徹底信得及。把得住。始可堪爲種草。又云。老僧熱病死。一日黑漫漫地。墮塵。遂驚生死事發。心訪道年許。只認得昭昭靈靈。向四大身中作箇動用。佛法上看。卽有世法上看。卽無。後白雲老師云。你總無見處。自此全無咬嚼分。後問演祖。覓心了不可得。話演曰。你須自參。始得者。好處別人爲汝著力。不得多來。參去。忽因舉。頻呼小玉。元無事。只要檀郎認得。聲如桶底脫。柏樹子。麻三斤。玄沙錯過。睦州擔板。諸公案。一一透過。黃龍示草堂清風。旛話久不契。龍曰。子見繡捕翼乎。目睛不瞬。四足踞地。諸根順向。首尾一直。擬無不中。子誠心無異緣。六根自靜。百不失一。師屏去閑緣。餘忽悟。龍曰。得道非難。宏道爲難。宏道猶在己。說法爲人難。既明後。在力行之。晦堂問南公曰。大事本來如此。和尚何得教人看話頭。爲伊搜尋。曰。若不令汝如此尋究。到無用心處。自見自肯。卽埋沒汝也。晦堂常舉拳問。

喚作拳。則觸。不喚作拳。則背。喚作甚麼。眞如院方師參。那那。惟看柏樹子話。此卽單研一句話頭。一則公案。一悟一切悟。樣式也。傳至大慧果。極力主張。參看一箇話頭。普說云。雲門尋常問學者。喚作竹筴。則觸。不喚作竹筴。則背。不得下語。不得無語。畢竟喚作甚麼。又恒舉狗子語。至無字。令學者參。云。經語祖語。諸方老宿語。千差萬別。若透得。過無字。一時透過。不用卜度。不用註解。不用要得分曉。不得作有無商量。不得作眞無之無。卜度不用。向開口處承當。不用向舉起處作道理。不用墮在空寂處。不用將心等悟。不用向宗師說處。領略不用。掉在無事甲裏。但行住坐臥。時時提撕。狗子還有佛性也。無無提撕得熟。口裏心裏。思不及方寸裏。七上八落。如生鐵。搬沒滋味。時切莫退志。得如此時。却是好消息。忽然打失布袋。不覺撒掌大笑。茶裏飯裏。喜時怒時。淨處穢處。妻兒聚頭。賓客酬酢。公私各處。都是第一等好做工夫。提撕底時。節從此禪流。無不參一箇話頭。爲入門話頭。不同以悟爲則。但激發得疑情起處。便是得力話頭。麻三斤。

乾矢橛一歸何處。無字誰字。父母未生前。死了燒了。向甚麼處相見。無夢無想。主人公在甚麼處。皆可參得天奇瑞。則單令人參誰字。以其切於日用。如行底是誰坐的。是誰語底。默底是誰聞見。嗅觸一一復各是誰。這要悟底。又復是誰處處追著。念念提撕。忽然磕著。便爾瞥地。近時禪者。多以念佛的是。誰爲話頭。由文字而機用。由機用而話頭。一變再變。還會適時。此本是置之一處。無事不辦法門。此門一開。萬古莫易盡。未來際當遵行之。於中根器難齊。受益不等。或有宜於全無義味。語入手者。如麻三斤。乾矢橛。青州布衫等話頭是也。或有宜似帶義路。藉以追搜。仍無罅隙者。如未生前本來面目。死了燒了。甚麼處相見。無夢無想時。主公等話頭是也。借徑不同。成功則一。然學人發悟。多有未能深入堂奧者。故曰。絕後再甦。欺君不得。若未到此田地。不道全無。終未了徹。或以在眼曰見。在耳曰聞。及只這如今。誰動口等語。強爲據證。遇有以法離見聞覺知。詞之者。反以爲移易惑人。且至有誤認昭昭靈靈以爲是者。此斷不可不辨。

◆ 歷歷歷

昔鴻山問香嚴曰。聞汝在先師處。問一答十。父母未生前。道一句來。而香嚴不能答。死心勘山谷云。死了燒了。向甚麼處相見。而山谷於此茫然。高峰於百年三萬六千日。反覆元來是這漢。領得拖死屍的。皮至問無夢想。主公蚊子上鐵牛。竟無下嘴處。是知高峰若不得雪巖追搜。焉有枕子徹悟境界。殷鑒不遠。古今同弊。以今時人根論。如以奇特等話頭。苦於茫無入處。又恐落無事甲裏。若只以誰字參取。又易於水乳不分。夾雜昭靈業識。不揣鄙見。總覺以無夢無想。主人公畢竟在甚麼處。安身立命。一箇話頭。著倒最爲妥當。不至生諸異見。以日用全是識情用事。略不親切。只是有夢有想。時明了意識。到得睡著。明了不行。復不作夢。直與死人一般。所云明了了。孤歷歷圓陀陀。光閃閃。等光影。全粘貼不上。斷不能認昭昭靈靈。亦不敢認此悶絕無知之昏住。爲是兩頭截定。既易起疑。參情結秀。隻眼迸開。自有推門落臼時節。故於別則話頭發悟者。多不脫盡識情。惟未生前面目。死了燒了。甚麼處相見。及無夢想。主公話頭。透出者。

必到絕後再甦境界方能徹透。向入識上。亞一刀然未生前。死燒後在世。諦尚非現在。境猶不及無夢想。是現前事。仍確與未生燒後無二。無別於此。觀破便信得未生面目也。恁麼安身立命。燒後主公也。恁麼安身立命。更不疑生疑死。心貼貼地。此外千萬則話頭。無不迎刃而解。但於古德所傳。淆訛公案。如入定產難野狐托鉢類。及五家綱宗言句。間有未能消歸。因此等公案。或全實相般若。或兼文字般若。宗旨故耳。此在後機鋒綱宗內發明。至參究之法。須將無夢想話頭。先行劃分清楚。我醒時時了意識。現前流露。可仗此明了。塘抵到睡著時。全體昏悶。絕無纖覺。竟與世間頑空不殊。一毫作不得主。我這主公畢竟在甚處。安身立命。不得向無事甲裏躲根。不得認此迷悶的頑空。便是不得作血脈不斷。所以能覺強爲消通。不得謂了無氣息。却好全體獨露。穿鑿不得。舉手下喝。將醒時知覺運動抵擋不得。道這裏誰求相見。却正好掃除悟迹爲極。則既一切不得。當此時我這主公畢竟在甚處。安身愈無理會。愈要搜求。豎起脊

梁卓起眉毛。反覆推尋。拚此生做箇碌漢工夫。緊密刻不放鬆。便有打成一片光景。或因此豁然入定。人法雙忘。然參看話頭。不貴長時。定境但可謂之善境界。定起後。即使如前抖擻精神。進入話頭。以期發悟。爲了當。或因此話頭并歸一念。外不知境界內不知身心。僅只一箇話頭。耿耿孤懸。亦不得認此一念爲是。此因心光逼緊。所現非本心也。本先師亦云。諸人眠熟。不知一切。若道那時有本來性。又不知一切。與死無異。若道那時無本來性。睡眠忽醒。覺知如故。還會麼。不知與死無異。眼開覺知如故。如是時是箇甚麼。若不會各體究取。私謂參話頭之弊。岐路有二。一說道理。二認光影。如參無夢想公案。忽然心中謂要人參究。不過令斷妄念。別無奇特。又謂既無夢想。那得主公。更以爲雖所參在無夢想。而實不在此悟之類。各各遊思。未能悉舉。此皆落說道理一邊。次則既無夢想。誰求相見。或謂心本不動。則夢與無夢不二。或謂夢與無夢皆幻。其非幻者是眞。種種說心說性。總是說道理窠臼。所收都不知有悟門。或當參情緊

壁壁壁

急忽覺得本心如紅日當空。或如孤燈獨照。或大彌虛空。或密入無間。或金光閃爍。或闔然空寂。或見大地平沈。或見佛菩薩像。或覺得本心非青黃。非大小種種一切影事。認為本心。豈知皆是認光影邊所收。亦復不是悟門。非本心也。大慧云。默照邪禪。自不證悟。而以悟為建立。為接引之詞。以悟為落第二頭。為枝葉邊事。自既不曾有證悟處。亦不信他有證悟者。一味以空寂頑然。無知為威音那畔空劫已前事。遇善知識與說本分話。反以為非此。即說道理。認光影之輩。絕此二途。死抱話頭。不使有第二念分岐。一切時。單提此無夢想。主公一句。結成疑團。打又打不破。捨又捨不得。正是得力時。切勿放鬆。改轍。這便是吞栗棘蓬。跳金剛圈。銅牆鐵壁。忽然因地。一聲不覺。死中得活。慶快平生。便能與從上佛祖把手並肩。同一鼻孔出氣。雪峰毬道。吾笏石鞏箭。祕魔叉。又是甚麼閑家具。到者裏方說得有夢無夢。不二。睡時醒時。不二。未生與已生。不二。未死與死後。不二。指東瓜。畫葫蘆。懸羊頭。賣狗肉。說鹿為馬。證龜成鼈。作家相見。你坐

我立勘驗。初機應時。及節逆行。順行。天地莫測。可謂我為法王。於法自在者矣。至參究之期。自百丈建叢林。來倡設禪堂。定香立課。積代相承。功程加密。近時中秋。加香十月。結制半枝。行香半枝。坐香至正月半。解期謂之結冬。圍爐取煨煉義。其中堂頭有警策。有追索。有考察。首座西堂。後堂堂主。輪流開示。有悟入者。入室請益。或許或不許。許則諮班首。各拈言句。勘辨不許。則令依前再參。復因人根淺鈍。約分本分重關。末後使之層層進入。必得三關齊透。方為了當。立法良密矣。鄙意當行香時。只須大步經行。不必過於催逼。大事因緣。原應各人痛念人命無常。誓取一了。辦若香板過緊。安能心念不分。反致打失話頭。且色力有強弱。脚步有大小。後面搶前。撞肩踏踵。甚至顛陪其坐。香時遇有昏沈。重則令其立。參輕則以板點肩。亦勿遽以香板重撲。恐致心驚血涌。犯吐紅症。或便中表堂。激發其慚愧心。為孚總之學。人不發勇猛大心。雖板如雨點。亦無濟耳。謹附錄於此。乞主法者裁取焉。若夫本分重關。末後之說。大悟有十八偏

原未必人人一脚便踏到底。然有三番悟徹者。亦有四五六七番始圓悟者。更屬無定總以徹透爲期。似不必概定人法。雙忘離念。泯絕處爲本分體。以從體所發一切諸用爲重關。更以鐵蛇鑽入金剛眼等句。不受人惑處爲末後。此雖慈悲之故。略設階級。然終當以開首話頭使之透頂透底契證。否則逼令再參。勿輕許可。遂至有顛預備。伺支離穿鑿之流弊可也。此是煅煉學人入手要事。乞來哲斟酌之。至悟後每有悟迹未圓。或於五根了徹。而意根邊猶是未清。便覺無念。則是動念。卽乖。或上禪牀則契接事便不相應。或心中明了一語。莫吐種種諸病。久久淘汰。自能純熟合軌。所謂祇愁不作。佛莫愁。佛不解語是也。昔兜率悅通所見於清素素曰。可以入佛。不可入魔。不見道末後一句。始到牢關。累日乃印可。戒曰。洞山文示子者。皆正知見。子離太早。不盡其妙。今點破。使子得大自在。兜率悅謂張無盡曰。東林旣印可。運使有少疑否。曰。疑德山托鉢語。悅曰。於此疑餘安得無疑。只如巖頭末後句。有耶無耶。張曰。有悅笑歸方丈。

閉門公一夜不穩。五更下牀。觸翻溺器。大徹叩門曰。捉得賊了。悅曰。賊在甚處。公無語。悅曰。都運且去來。日相見。悅乃謂曰。參禪只謂命根不斷。依語生解。如是之說。公已深悟。然至極微細處。不覺不知。墮在區字作頌證之後。張無盡得龍安悅末後句。語謂洪覺範曰。可惜雲庵洞山文不知此事。欲爲點破。及敘悅末後句。未卒。此老大怒罵曰。此吐血禿丁。脫空妄語。不得信。旣見其盛怒。更不欲敘之。洪笑曰。相公但認龍安口傳末後句。眞樂現前。不能辨也。公曰。老師果有此意耶。洪曰。疑則別。參公取所藏雲庵相贊之佛心。才參靈源。每揮淚曰。此事我見甚分明。只是臨機吐不出。源告以須是大徹方自在。未幾。觀僧讀藥山探薪歸。僧指刀曰。鳴剝剝。是箇甚麼。藥山拔刀作砍勢。師欣然。擲僧一掌。衝口曰。徹徹大海。乾枯虛空。迸裂四方。八面絕遮。攔萬象森羅。齊漏洩。此等諸人均有所見。祇以未得悟透。故有所滯。然悟得無夢想。主公後前云。諸訛公案及五家綱宗。或未盡了者。祇須提起。所悟本分。逐一朗照。心源細細尋研。不經久間。自能

一一融歸自己。其有文字不長者。當請益通文知識。點示亦得。薦取夫然後。古人陳爛葛藤。莫不一線穿却了。無疑礙。提撕來學。不致添人枷鎖。雖刻苦尋求。參數十年話頭。始得者。與乍經一句言下相應明了者。悟境無二。然既有話頭一門。後學必當於此入路。話頭起得。疑情者。雖皆可參。然當以無夢想主公一則入手。究取爲盡。善如人飲水。冷暖自知。未曾飲者。只認著有夢想時。識性不經明眼一剗。曾爲浪子。偏憐客刺刺不休。或有鑒我愚忱者乎。蓋無夢想主公。既得。薦取其餘公案。更無疑惑。透不過者。至於悟後。行住坐臥。只須就本分上。涵濡漸摩。其諸訛諸公案。性宗諸經教。自能一一時復契合。更不得別尋法門。惟遇諸善知識。須要虛心落草盤桓。不得強作解人。不受人煅煉得少。爲足。再廣參當今老寂。尙論古人淘汰盡絕了。無遺憾。是之謂徹參。

調習

悟門了當。徹見聖凡不二。迷悟不二。生死涅槃不二。有情無情不二。盡虛空徧法界十方三世諸佛於此。

安住盡虛空徧法界三乘六道。乃至細大蠢動含靈。於此安住。我自無始輪迴。至盡未來際。生生死死。亦於此安住。不特有情於此安住。卽十方三世微塵國土。無情依報。億兆品類。亦莫不於此安住。天然具足。更無剩欠。尙有何事。不了須修造修補。畫蛇添足耶。中峰云。住地無明。卽是諸佛不動智。我不知習氣爲何物。乃欲以佛知見治之。良以衆生無始。既全圓覺。成無明。今日開悟。便全無明。成圓覺。觀到本地風光。誠然如是。然在天台教中。謂之素身。佛判六卽中。祇是理卽佛。全無莊嚴。天龍之所忽劣。縱令開悟。亦但是名字。卽佛正須由名字而觀行。而相似。而分證。上至究竟。斯爲到家。至禪門中。極重此理。卽一念印契。立地成佛。然衆生無始結習。輕重不等。應須消盡。楞嚴經云。理則頓悟。乘悟并消。事須漸除。因次第盡。悟心後。當知有調習法也。初祖九年面壁。詔人以行解相應。又云。不觀惡生。嫌不觀善。動措不捨。智就愚不拋迷。就悟。此皆調習之說。二祖混迹酒肆屠門。曰。我自調心。何關汝事。三祖曰。不用求真。惟須息見。心若

不異萬法一如宗非延促一念萬年牛頭融問四祖既不許作觀境起時如何對治祖云境緣無好醜好醜起於心心若不強名妄情從何起妄情既不起真心任偏知汝但隨心自在無復對待即名常住法身無有變易六祖曰迷時師度悟時自度只合自性自度又答荷澤聽法頓中漸悟法漸中頓修行頓中漸證果漸中頓圭峰答蕭相公頓則萬行多方焉能一時圓滿語云眞理即悟而頓圓妄情息之而漸盡頓圓如初生孩子一日肢體已全漸修如長養成人多年志氣方立又答其若悟即同諸佛何不發神通光明之問云識冰是水藉陽氣以消鎔悟凡即眞資法力而修習冰消則水流潤方呈溉滌之功妄盡則心靈通始發通光之應修心外無別行門傳大士云欲得早成戒心自律心性雖空貪瞋體實莫言心王空無體性心性雖空能凡能聖是故相勸好自防慎利那造作還自漂沈南岳讓云修證則不無馬祖云汝等各信自心是佛達摩來此引楞伽佛語心爲宗無門爲法門印衆生心地夫求法者應無所求心外無

別佛佛外無別心不取善不捨惡淨穢兩邊俱不依怙達罪性空念念不可得無自性故三界惟心森羅萬象一法所印凡所見色皆是見心心不自心因色故有於心所生即名爲色知色空故生即不生了此乃可隨時著衣吃飯長養聖胎任運過時間如何修道師曰道不屬修若言修道修成還壞即同聲聞若言不修即同凡夫了得自性本來具足但善惡事上不滯喚作修取善捨惡觀空入定即屬造作若向外馳求轉疏轉遠但盡三界心量一念妄想即是三界生死根但無一念即除生死根即得法王無上珍寶前中後念念念不相待念念寂滅喚作海印三昧聲聞不知聖心本無因果階級心量妄想修因證果雖悟却迷若上根領會更不歷階級地位頓悟本性對迷說悟本既無迷悟亦不立衆生無量劫常在法性三昧中著衣吃飯言談六根運用盡是法性不解返源逐相造種種業若能一念返照全體聖心所以道不用修但莫汙染有生死心造作趣向皆汙染若欲直會平常心是道無造作取捨是非斷常凡聖經云

非凡夫行。非聖賢行。是菩薩行。只今行住坐臥。盡是道。卽法界建立。亦得。掃蕩亦得。盡是妙用。非離真有。立處立。處卽真。一切法皆佛法。諸法卽是解脫。行住坐臥。悉不思議。用不盡。有爲不住。無爲有爲。是無爲。用無爲。是有爲。依不住於依。故曰。如空無所依。迷爲識。悟爲智。悟自本性。一悟永悟。如日出。不與暗合。了心境界。妄想卽除。卽是無生法性。法性本有。有不假修禪。不屬坐。坐卽有著。若見此理。真正合道。隨緣度日。坐起相隨。戒行增熏。積於淨業。但能如是。何慮不通。百丈云。汝等先歇諸緣。休息萬事。善惡世出世一切法。莫記憶。緣念放捨。身心自在。心如木石。無分別心。空無所行。慧曰。自現如雲。開日出。相似。但歇一切攀緣。貪瞋垢淨。情盡對五欲。八風不動。不被見聞覺知惑。自然具足神通妙用。是解脫人。問對境如何。得心如木石。去師曰。諸法本不言空。言色亦不言是非垢淨。亦無心繫縛人。但人自虛妄計著。作若干解會。愛畏。但了諸法不自生。皆從已一念妄想顛倒取相。而有知心與境本不相到。當處解脫。一一寂滅。

當處道場。又本性不可名目。日本不是凡聖垢淨。空有善惡。若垢淨心盡。不住繫縛。不住解脫。無一切有爲。無爲縛脫。心量處於生死。其心自在。畢竟不與諸塵妄幻塵。蘊界生死諸入。和合迴然。無寄一切。不拘往來生死。如門開相似。人遇種種稱意。不稱意。事心無退屈。不貪名聞功德利養。不爲世法滯礙。苦樂平懷。衣。食。活。命。兀兀如愚。稍有相應。分若廣學。知解求福。智皆生死。却被知解。境界風漂。溺生死海。裏佛是無求人。理是無求。理求之卽乖。若著無求。無爲復同。有求有爲。若能一生心如木石。不被五欲八風所漂。卽生死因斷。去住自由。不爲一切有爲因果所縛。有漏所拘。他時還以無因。縛爲因。同事利益。以無著心。應一切物。以無礙慧。解一切縛。努力猛究。取莫待老。苦整手脚。不得但隨貪愛。重處業識。所引受生。都無自由。分問如何。得自由。分師曰。如今得卽得。對五欲八風不動。情無取捨。慳嫉貪愛。我所情盡。垢淨俱亡。如日月在空。不緣而照。心心如木石。念念如救頭然。亦如香象渡河。截流而過。更無疑滯。此人天堂地獄所不

能攝夫讀經教語言。皆須消歸自己。但一切言教。祇明如今。鑒覺自性。但不被有無諸境縛。是汝導師。能照破有無境。是金剛慧。卽有自由獨立分。但離一切聲色。亦離於離。亦不住於知解。是修行三乘教。皆治貪瞋等病。今若有貪瞋等。先須治之。不用求覓義句。知解知解。屬貪。貪變成病。今但離有無諸法。亦離於離。透過三句外。自然與佛無差。既是佛。何愁佛不解。語只恐被有無縛。不自由。以理未立。先有福智。被福智載去。如賤使賣。不如先立理。若要福智。臨時作得。常歎今所依命。不食飢死。無水渴死。欠一日不生。欠一日不死。被四大把定。不如先達者。入火不燒。入水不溺。要燒溺。便燒溺。要生。卽生。要死。卽死。去住有自由。分如今心。如虛空。學始有成。達摩云。心心如木石。三祖云。兀爾忘緣。曹谿云。善惡都莫思量。馬祖云。如迷人不辨方所。肇公云。閉智塞聰。獨覺冥冥。文殊云。心如虛空。故敬禮無所。觀甚深脩多。雖不聞不受。持今但有無諸法。都不見聞。六根杜塞。能與麼學。万有修行。分這箇語。苦口逆耳。與麼作得。至第二三生。能

向無佛處。坐大道場。成等正覺。又云。如人見火。但莫手觸。火不燒人。祇如今無十句。濁心貪心。愛心。染心。瞋心。執心。住心。依心。著心。取心。戀心。但是一句。各有三句。箇箇透過三句。但是一切。照用任聽。縱橫一切。舉動語默。啼笑盡佛。慧於一一境。不惑不亂。不瞋不喜。六根門頭。刮削併當得淨。是無事人。三句者。不住貪染。亦不依住。不貪染。亦無不依住。知解是名般若。黃檗云。佛與衆生。唯是一心。更無別法。此心無始。不曾生滅。無形相。不屬有無。新舊非長短。大小超過一切。限量名言。蹤跡對待。當體便是。如空無邊際。不可測。惟此心是佛。衆生著相外求。使佛覓佛。終不能得。不知息念忘塵。佛自現前。此心衆生不滅。佛不添。六度萬行。恒沙功德。本自具足。遇緣卽施。緣息卽寂。不信此是佛。著相修行。皆妄想。與道乖。此心明淨。如空。無一點相貌。動念卽乖。法體著相。無始無著。相佛修六度萬行。卽次第。無始無次第。佛但悟一心。更無少法可得。此卽眞佛。如虛空。日升不曾明。日沒不曾暗。明暗相奪。空性不變。今不悟此心體。著相修行。皆

惡法供養十方佛不如供一無心道人。無心者無一切心也。如如之體。內如木石不動搖。外如虛空不塞礙。無能所相貌。得失方所趨者。不敢入此法。恐落空無棲泊處。望崖而退。恒河沙者。珍寶馨香沙。不貪糞尿臭穢沙。不惡此。即無心之心。離一切相生佛。更無差別。但能無心。便是究竟。若不直下無心。累劫不成道。被三乘功行拘繫不解。脫然證有遲疾。有聞法一念。便得無心者。有至十地。乃得無心者。長短得無心。乃住更無可修。可證實無所得。一念得與十地得功用。恰齊。只歷劫枉辛勤耳。祖師西來。直指汝心。本來是佛。心心不異。名祖。見此頓超三乘。諸位問。現有種種妄想。何以言無。曰。妄本無體。是汝心起。若識心是佛。心本無妄。那得起心。更認妄。若不動念。自然無妄。曰。妄起時。佛在何處。曰。覺正是佛。若無妄。覺亦無間。今悟時。佛在何處。曰。問從何來。覺從何起。語默動靜。聲色盡是佛事。不可更頭上安頭。但莫生異念。山水僧俗。天地總不出汝心。問。若如此。何處是菩提。曰。菩提無是處。佛不得。衆生亦不失。菩提但一切衆生。即

菩提相。問云。何發菩提心。曰。菩提無所得。汝聞發菩提心。將謂學取。佛去任三祇修。亦只得報化。與本源真性。佛何涉外。求有相。佛與汝不相似。此本源清淨心。生佛世界。有相無相。平等圓明。徧照世人。不悟只認見聞覺知。爲心。爲見覺。覆不覩本體。但直下無心。本體自現。然本心不屬見聞覺知。亦不離見等。但莫於見等上起解。亦莫於見等上動念。亦莫離見等。覓心。亦莫捨見等。取法不取不著。縱橫自在。無非道場。心境雙忘。乃是眞法。忘境猶易。忘心至難。人不敢忘心。恐落空。無撈摸處。不知空本無空。只是一眞法界。問。佛空得無。明否。曰。無明是諸佛得道處。所以緣起。是道場。道場者。無所得也。問。無明者。爲明爲暗。曰。非明非暗。明暗是代謝法。無明且不明。且不暗。不明不暗。祇自本明人。但欲向明。不欲向暗。不愛無明煩惱。分明道佛。且不明。衆生不暗。法無明暗。故沙門果者。從息慮。成不從學。得古人心。利纔聞一言。便乃絕學。所以喚作絕學。無爲閑道人。今只欲多知解。翻成壅塞。但消融表裏情盡。都無依執。是無事人。我宗門。但

知息心便休。汝但除却凡情聖境。心外更無別佛祖。師直指人全體是佛。汝今不識執凡。聖向外馳求。還自迷心百種多。知不如無求最第一。也。這人是無事人。無事亦無。但無一切心。卽名無漏。每日行住語言。但莫著有爲法。出言瞬目。盡同無漏。如今禪者皆著一切聲色。何不心同虛空。去如枯木。石頭。寒灰。死火。去方少分。應但離有無諸法。心如日輪在空。光明自然不照而照。不是省力底事。到此無棲泊處。卽是行諸佛路。便是無所住而生心。此是你清淨法身。名阿耨菩提。古人道。爭似無爲實相門。一超直入如來地。若不會此縱學得多。知勤苦。草衣木食。不識自心。盡名邪行。今但學無心。久須實得。爲你力量小。不能頓超。但三五十年得箇入處。自然會去。法身從古至今。與佛祖一般。何處欠少。旣會是意。努力盡今生。去出息不保入息。告裴相云。卽心是佛。無心是道。問聖無心是佛。凡無心莫沈空。否。師云。法無凡聖。亦無空寂。法本不有。莫作無見。法本不無。莫作有見。有無情盡。宗門中只論息機忘見。問心旣是佛。更修六度萬行。

否。師云。悟在於心。非關六度萬行。諸度門中。佛心第一。但無生死煩惱等心。卽不用菩提等法。所以道佛說一切法爲度一切心。我無一切心。何用一切法。此意難信。達磨來只可師一人密信。自心是佛。身心俱無。是名大道。實無一法可得。名坐道場。道場者只是不起諸見。問何者是精進。師云。身心不起。是名第一。強牢精進。云如何。是出三界。師云。善惡都莫思量。當處便出三界。今但無中棲泊。卽是行諸佛路。衆生輪迴不息者。意緣走作。心於六道不停。致受種種苦。今但無心。頓息諸緣。但除人我憎愛勝負多種妄想。性自本來清淨。卽是修菩提。法佛等心如頑石無縫罅。一切法透不入。兀然無著。始少分應。卽此身心是自。由人達摩面壁。都不令人有見處。只論忘機。則佛道隆分別。卽魔軍熾。問若無心行此道。得否。曰。無心便是行此道。說甚得不得。且如瞥起一念。便是境。若無一念。便是境忘心。自滅無復。可追尋。問如何得不落階級。師云。終日吃飯。未曾咬著一粒米。終日行路。未曾踏著一片地。與麼時。無人我等相。終日不離一切。

事不被諸境惑。名自在。人念念不見一切相。安然端坐。任運不拘。名解脫。努力努力。此門千萬人只得三五箇。若不將爲事。受殃有日。在故曰。著力。今生須了却。莫教累劫受餘殃。臨濟云。學者要求真正知見。若得正見。生死不染。去住自由。不要求殊勝。殊勝自至。山僧指示人。只要你不受惑。要用便用。更莫遲疑。如今病在不自信。被萬境回換。不自由。若歇得念念馳求心。便與佛祖不別。欲識佛祖麼。只你面前聽法底。是人信不及。便向外求。約山僧見處。與佛祖不別。今多般用處。欠甚麼。一道神光。未曾間歇。如是見得。祇是一生無事人。你要與佛祖不別。但莫外求。你一念心上清淨光。是法身佛。一念心上無分別光。是報身佛。一念心上無差別光。是化身佛。此三種佛。卽今日前聽法底。祇爲不向外求。有此功用。你四大色身不解說法。聽法。虛空不解說法。聽法。是你目前歷歷底一箇形段。孤明是這箇解說法。聽法。如是見得。便與佛祖不別。但一切時。更莫間斷。觸目皆是。只爲情生智。隔想變體殊。所以輪迴受種種苦。道流心法無形。

通貫十方。在眼曰見。在耳曰聞。本是一精明。分爲六和合。一心旣無隨處。解脫只爲馳求心。不歇上他古人。閑機境。若眞道人。但隨緣消舊業。要行卽行。坐卽坐。無一念希求。佛果。古云。若欲作業。求佛。佛是生死大兆。你但隨處作主。立處卽眞。境來回換。不得縱有。五無間業。皆解脫。大海你欲得生死去住自由。卽今識取聽法的人。無形相。無根本。無住處。活潑潑地。應是萬種施設。用處。祇是無處所。號之爲祕密。問如何。是四種無相。境師云。一念心疑。被地礙。一念愛。被水溺。一念瞋。被火燒。一念喜。被風飄。若不被境轉。處處用。境達四大如夢幻。只你聽法者。不是四大。能用四大。如是見得。便乃去住自由。佛六通者。入色。聲。香味。觸。法。六界。不被惑。皆是空相。不能繫縛。此無依道人。雖是五蘊。陋質。便是地。行神通。佛現不喜。地獄現不怖。見諸法。空相。變卽有不變。卽無二界。惟心。夢幻。空花。何勞把捉。唯聽法底人。入火不燒。入水不溺。入地獄。如遊園觀。入餓鬼。畜生。而不受報。緣何如此。無可嫌底法。你若愛聖憎凡。生死海裏沈浮。不如休歇。無

事去已起者莫續未來者不要放起一念心歇喚作菩提樹。若念念歇不得。便上他無明樹。入六道披毛帶角去。你若歇得。便是清淨身界三界神通變化。意生身大珠云。心爲根本。問根本以何法修。師云。坐禪禪定。卽得忘念不生。爲禪。坐見本性。爲定。本性者是你無生心。坐者對境無心。八風不能動得。如是定者。雖是凡夫。卽入佛位。此頓悟門。無念爲宗。妄心不起。爲旨。以清淨爲體。以智爲用。無念者。無邪念。非無正念念。有無善惡苦樂冤親愛憎。皆邪念。不念一切。惟念菩提。名正念。菩提不可得。菩提無所念。無所念者。卽一切處無心。是無所念。得無念時。自然解脫。知二性空。卽是解脫。不空不得。解脫名爲智。二性空。卽體知。二性空。解脫名用。二性空者。不生有無愛憎等也。若自了了無心。不住一切處者。卽名了了見本性。這不住一切處心者。卽佛心。亦名無生心。經云。證無生法忍是也。未得如是時。努力用功。功成自會一切處無心。卽是會。但無愛憎心。卽二性空。自然解脫。問如何是常不離佛。答心無起滅。對境寂然。一切時畢竟

空寂。卽常不離佛。得如是見。是爲涅槃。證無生法忍。亦名不二法門。亦名一行三昧。何故不受愛憎。是二性空。是無所見。卽是真如。無得之理。如論究竟。解脫理者。只是事來不受一切處無心。永寂如空。畢竟清淨。自然解脫。一失人身。萬劫難復。努力努力。又真如之性。亦空。亦不空。以真如妙體。無形相。不可得名。空然空。無體相。中具足恒沙之用。卽無事。不應名。亦不空。如此功業。由行爲本。若不降心而入。取證。無是處。外不染聲等。內不起妄念。名證。不作證。想名。無證。亦不作。無證。想名。無無證。是名畢竟證。僧問南陽忠。曰。如何用心。卽得成佛。曰。無心可用。卽成佛。問。無心誰成佛。曰。無心自成佛。成佛亦無心。問人持刀取命。是有是無。曰。是無。痛否。曰。痛。亦無。問死後生何道。曰。無死。無生。亦無。道。問既得無物。自在飢寒所逼。若爲用心。曰。飢卽食。寒卽衣。問知飢寒。應有心。師曰。汝心作何體。段答。無體。段師云。旣無體。段卽本來無心。何得言有。問逢見虎狼。如何用心。曰。見如不見。來如不來。彼卽無心。惡獸不能加害。問獨脫無心。名何物。曰。喚

作無形段。金剛大士問有何功德。曰一念與金剛相應。能滅。燒伽沙劫生死重罪。得見。燒伽沙諸佛。其金剛大士功德無量。燒伽沙說不盡。問如何一念相應。曰憶智俱忘。即相應。問憶智忘誰見。諸佛曰忘即無。無即佛。問無何得喚作佛。曰無亦空。佛亦空。故曰無。即佛。問既無纖毫可得。名為何物。還有相似者否。曰本無名字。無相似者。世號無比。獨尊努力。依此修。無能破壞者。獨脫無畏。常有恒沙聖賢。所護。河沙天龍八部所敬。河沙善神來護。永無障礙。何處不得逍遙。問若為得成佛。去曰佛與衆生一時放却。當處解脫。問作麼得相應。曰善惡不思。自見佛性。問心有煩惱。否。曰煩惱性自離。問即心是佛。可更修萬行。否。曰諸佛皆具二嚴。豈撥無因果耶。南泉曰。眞理一如。潛行密用。無人覺知。呼爲無滲智。亦云無滲。不可思議。等空不動性。非生死流妙用。自足始與一切行處得自在。故曰於諸行處無所而行。亦云徧行三昧。普現色身。用處無蹤跡。不屬見聞覺知。眞理自通妙用。自足。大道無形眞理。無對所以不屬見聞覺知。如云不聞。

△是見

聞是大涅槃道。只箇物不是聞。不聞。問不屬見聞。如何契會。曰須會冥契。自通亦曰了因。非從見聞覺知。有見知。屬緣對物。始有者。箇靈妙不可思議。不是有對。故云妙用自通。不依傍物。所以道通不是依通事。須假物方得見。所以道非明暗法。離有無潛理幽通。無人覺知。亦云冥會眞理。非見聞覺知。故云息心達本源。故號如如。佛畢竟無依自在。人亦云本果不從生因所生。唯從了因所了。從上以來。祇教人會道。更無別求。若思量作得道理。盡屬句義。三乘五性義理。無不喚作行履處處受用。具足即得。若論道即不是。一向耽著被他識拘。亦云貪欲成性。所以云佛不會道。我自有修行。亦云正因了六波羅密。空即物拘我。不得祖師恐人迷著因果地位。故來傳法度迷。江西老宿云。不是心。不是佛。不是物。先雖說即心。即佛。黃葉止啼之說。如今多有喚心依佛。智爲道。是聞覺知。俱是道迷頭認影。設認得亦不是本來頭。寧作心師。不師於心。見聞覺知皆因緣照物。而有不可常照。所以心智俱不是道。且大道非明暗法。離有無數數不。

能及如空劫時。無佛名。無衆生名。與麼時。正是道。只是無人覺知他。數不及他。喚作無名大道。早屬名句了。也所以真理。一如更無思想。纔有思想。即被陰拘。便有衆生及佛名。佛出世。喚三界智人。未出世時。喚作甚麼佛。只令人會道體。非凡聖。喚作還源返本體。解大道。無量劫六道去來衆生。爲無了。因故生貪欲。名爲在纏。不得自在。暫時岐路。今既如是。會却向裏。許行履不同。前時爲了。因會本果。故了陰界。空六波羅密空。所以得其自在。若不向裏許行履。如何摧挫。得五種貪。二種欲。佛菩薩具福智。二嚴爲了。因了六波羅密空。體者箇受用。所以不存知見。始得自在。若有知見。即屬地位。便有分劑心量。喚作酬因答果。佛不得自在。今行六波羅密。先用了。因會本果。故了此。是方便受用。始得自由。去住自在。無障礙。亦云方便。勤莊嚴。亦云微妙淨法身。只是不許分劑心量。若無如是心。一切行處。乃至彈指合掌。皆是正因。萬行皆同。無作始得自在。所以魔外求我。不得喚作無住心。亦云無滲智。不思議妙用自在。故云性海不是覺海。

覺海涉緣。即須對物。他便妙。如今更別求建立義句。覓勝負。知解語言。言有佛教衆生。求佛菩提。皆貪欲。破戒與道懸隔。且法身無爲。不墮諸數。法無動搖。不依六塵。經云。佛性是常心。是無常。所以智不是道。心不是佛。今且莫喚心作佛。莫作見聞覺知。會者箇物。本無許多名字。妙用自通。數量管他不得。是大解脫。所以道人心無住處。蹤跡不可尋。故云無滲智。不思議智。又云。心如枯木。始有少分應向那邊會了。却來這邊行履。不證凡聖等位。實無少法可得。但是有因有果。盡屬無常生滅。但會取無量劫來性不變異。即是修行妙用。而不住。便是菩薩行。達諸法空。妙用自在。色身三昧熾然。行六波羅密空。處處無礙。處地獄如遊園觀。不可道伊不得作用。衆生無量劫不自了。體著於惡。欲不得自在。受種種苦。不自覺知。及至今日。會取從來性。與今日不別。無受師曰。學般若菩薩。如冰稜上行。臨終一毫凡聖情量。纖塵思念。不盡。隨念受生。向驢胎馬腹。托質泥犁。饒湯煮爇。從前記持見解智慧。都虛失。却依前爲螻蟻。雖是善。因而遭惡。

果且圖箇甚麼。只爲貪欲成性。二十五有。向脚跟下緊著。無成辦期。祖師惟傳心印。得者卽不檢凡聖愚智。直下便爾歇去。頓息萬緣。越生死流。設有眷屬莊嚴。不求自得。一聞千悟。得大總持。倘不如是。祖師來此土。非常有損益。有益者百千中。撈漉一箇半箇。堪爲法器。有損者如前明。從他依三乘教修行。却得三賢四果。有進修分。所以云了。卽業障本來空。未了還須償宿債。馬祖問石鞏曰。作麼生。牧牛答。一回入草去。驀鼻拽將回。曰。子眞牧牛。長慶安問百丈。何者是佛。丈曰。大似騎牛覓牛。問識得後如何。丈曰。如人騎牛至家。曰。始終如何。保任。丈曰。如牧牛人執杖視之。不令犯苗稼。安後云。三十年只看一頭水牯牛。若落路入草。便把鼻孔拽轉。纔犯苗稼。便鞭撻調伏。既久。可憐生受人言語。如今變作露地白牛。常在面前。終日露迥迥地。趁亦不去。汝各有大寶。從眼門放光。照山河大地。耳門放光。領一切音響。如是六門晝夜常放光明。名放光三昧。自不識取。石頭垂語云。言語動用。交涉藥山。曰。非言語動用。亦交涉石頭。曰。我這

裏針剗不入。藥山曰。我這裏如石上栽花。頭然之藥山曰。祖師祇教保護。若貪瞋起。切須防禦。莫教損。舡是你欲知枯木石頭。却須擔荷。實無枝葉。可得然不得。絕却語言。我今爲汝說這箇語。顯無語底。他那箇本來無耳目等貌。丹雲云。汝須保護一靈之物。不是你造作名邈。得更說甚。薦不薦。吾見石頭只教切須自保護。此事不是你談話得。各有一坐具。地更疑甚麼。你須自看。善巧方便。慈悲喜捨。不從外得。不著方寸。善巧是文殊方便。是普賢。你更擬趁逐甚麼。我此間無道。可修無法。可證一飲一啄。各有分。不用疑慮。若識得釋迦老。凡夫是。龐公臨終。告子相曰。但願空諸所有。慎勿實諸所無。惟宣師曰。凡夫無明。二乘執著。離此病。是曰眞修。不得勤。不得忘。勤卽近執著。忘卽落無明。此爲心要。趙州云。你被十二時使老僧使得。十二時無事。衣鉢下究理。好老僧行脚時。除二時粥飯。是雜用心。此外更無別用心處。不如是大遠在。鴻山祐曰。道人之心。無背無向。亦不閉眼塞耳。但情不附物。卽得。問。頓悟人更修否。曰。若眞悟。他自知。

時修不修是兩頭語。今初心雖悟。猶有曠劫習氣未
順淨。須教渠淨除現業流識。卽修也不可別有法教
修行。趣向從聞入理。聞理深妙。心自圓明。不居惑地。
縱有百千妙義。抑揚當時。此乃得座披衣。自作活計。
始得以要言之。則實際理地。不受一塵。萬行門中。不
捨一法。若單刀直入。則凡聖情盡。體露真常。理事不
二。卽如如佛德山曰。汝但無事於心。無心於事。則虛
而靈。空而妙。若毛端言之。皆自欺何故。毫釐繫念。三
途業因。譬爾情生。萬劫羈鎖。聖凡名號。總空名殊。相
劣形皆幻。色求之固累。厭之又成患。只要一切時莫
用他聲色。應是從前行履處。一時放却。頓脫羈鎖。一
念不生。卽前後際斷。無一法可當情。仰山問如何。是
眞佛行處。瀉山曰。以思無思之妙。反思靈燄之無窮。
思盡還源。性相常住。事理不二。卽如如佛。僧問洞山。
价教人行鳥道如何。曰。不逢一人。直須足下無私去。
直須心心不觸物。步步無處所。常無間斷。始相應。雲
巖寶鏡云。臣奉於君子。順於父。不順非孝。不奉非輔。
潛行密用。如愚若魯。但能相續。名主中主。僧問還有

不病者麼。洞山曰。有問不病者。還看和尚麼。曰。老僧
看他。有分看時。不見有病。曹山辭洞。問子向甚處去。
曰。不變易處。去問不變易處。豈有去耶。曹曰。去亦不
變易。曹山云。若承當處分明。卽轉諸聖。向己背後。方
得自由。一切羶重境來。皆作得主。不論天堂地獄。餓
鬼畜生。但是一切處不移易。元是舊時人。只不行舊
時路。若有忻心。還成滯著。若脫得揀甚麼。今人愛淨
潔路。此病最難治。世間羶重事。却輕淨潔。病最重。只
如佛味祖味。盡爲滯著。先師云。擬心是犯戒。得味是
破齋。佛味祖味。纔有心。便犯若無爲。無事淨潔。此乃
重無以加也。祖師出世。只爲這箇。鷲奴白牯。修行却
快。馳覓佛祖。菩提涅槃。幾時休歇。成辦乎。皆是生滅
心。不如鷲奴與白牯。兀兀無知。但飢吃草。渴飲水。若
能恁麼。不愁不成辦。不見道。計較不成。是以知有乃
能披毛戴角。始較些子。人人有坐具地。佛侵他不得。
恁麼體會修行。饒令成佛作祖也。只這是便墮三塗
地獄也。只這是須與他作主。始得若作得主。卽是不
變易。作不得。便變易也。問如何免得。曰。知有卽得用。

免作麼。但是菩提涅槃煩惱無明等。總不要免世間。麤重事。但知有即得。不要免。免即同變易去也。乃至成祖成佛菩提涅槃。此等殃禍爲不小。因甚如此。只爲變易若不變易。只須觸處自由。始得雲居膺云。直似一息不來底人。方與那箇相應。有少許說話行履。分暫時不在。如同死人。如人常在。愁甚麼事。不辦欲知久遠。只在如今。如歸家到。即是直得。頂上光燄。生亦不是。有一毫去不盡。即被塵累。況更多僧問龍牙。古人得箇恁麼。便休去。曰。如賊入空室。問。十二時中。如何著力。曰。如無手人。欲行拳。始得。玄沙備云。還識大悟麼。虛空猶從迷妄。幻生何處。有三界業。今道無尙誑語。豈況是有知麼。無門解脫之門。無意道人之意。動起生死。本靜墮昏沈。鄉動靜雙泯。即落空亡。動靜雙收。顛預佛性。必須對境如枯木。寒灰。臨時應用。不失其宜。鏡照諸像。不亂光輝。十方無影像。三界絕行蹤。不墮往來機。不住中間意。一段光明。未曾昏昧。體寂寂常的。的不動搖。朗然照法爾天真。不同修證。祇要虛閑不昧。作用箇中纖毫不盡。即魔眷屬。直饒

似秋潭月影。靜夜鐘聲。隨扣無虧。觸波不散。猶是生死岸頭事。道人行處。如火銷冰。終不却成冰。步步履空智識。不能到動。即失宗覺。即迷旨語。路心行處。絕若與麼現前。更疑何事。沒棲泊處。離去來。今本來真淨動用。更無欠少。不悟箇理。妄涉塵事。染著縱悟。則塵境紛紜。便擬斂念。破除遏捺。即落空外道。這裏本絕塵境。無位次。悟則縱橫不離本際。凡聖也。無立處動靜。揚眉是真。解脫塵劫事。都在目前。時人不遇良朋。不辨邪正。古德云。情存聖量。猶落法塵。已見未忘。還同滲漏。不可持齋持戒。觀空入定。便當去外道。入萬劫定。不免輪迴。蓋生死根不破。出家兒。真實明達。便同諸佛。寂照忘知。虛含萬像。放捨閑緣。歇却心識。方少許相親。不如是盡被識情帶去。有甚自由。分如今却不如無情木石。說法非常真實。只是少人能聽。具這箇真實發明。便向六道中。同於諸佛淨土。更懼何生死。此一門超凡聖因果。毗盧妙莊嚴世界。海超他釋迦方便門。直下承劫不教。有一物與汝作眼。見不可由汝用功。莊嚴得蓋爲識得。即大出脫大徹頭。

人莫祇長戀生死愛網。被善惡業拘將去。無自由分。饒汝鍊得身心同虛空。到精明湛不搖處。不出識陰。喚作如急流水。妄爲恬靜。盡出輪迴。不得何似博地。凡夫不用一毫功夫。便超拔去。肯麼。人如海中坐向人乞水。若根鈍。直須日夜忘疲。盡一生去。更得人荷挾。刻骨究竟。不妨易得。有一般說。昭昭靈靈。能見能聞。大賺人。今問爲甚。睡時又不昭。醒時認賊爲子。是生死根本。妄想緣氣。只因前塵色聲等法。分別有。若無前塵。汝此昭靈。同於兔角。仁者但識取汝祕密金剛體。山河大地。十方國土。色空明暗。及汝身心。乃至諸佛成道利生。莫非皆承汝圓成威光所現。汝有如是奇特。當陽出身處。何不發明。今若不了。後入驢胎。燒養去。此煩惱業。不是一兩劫。便休。直與汝金剛齊壽。又云。諸人見有險惡。大虫刀劍。諸事逼汝。身命生無限怖。如畫師自畫地獄。看了却生怖。不是別人與汝爲過。欲覺此幻惑麼。但識取汝金剛眼睛。若識得。不教有纖塵得露現。何處更有虎狼刀劍。解情嚇汝。直至釋迦如此伎倆。亦覓出頭處。不得。所以道沙門眼。

把定世界。不漏絲髮。何處更有一物爲汝知見。何不急究取雲門偈云。向你道。直下無事。早埋沒也。更欲尋言覓解。去道轉遠。故知一切有心。天地懸隔。然得的人道火。何曾燒口。終日著衣吃飯。未曾觸著一粒米。挂一縷絲。此猶是門庭之說。須實得。怎麼始得大靜。云。心念紛飛。却將紛飛心。究紛飛處。究之無處。則紛飛之念。何存。反究究心。則能究之心。安在。又龍照智本空所緣境。亦寂寂而非寂者。蓋無知寂之人。照而非照者。蓋無所照之境。境智俱寂。一性怡然。乃還源要道。行崇曰。欲得相應。卽如今立地。便證根思。遲鈍。日夜究將去。忽然覩見。更莫以少爲足。便能究竟。乃至淫坊酒肆。觸淨好惡。以汝所見。覩教。盡是此境界。方得圓修。翻擲自由。慧忠云。衆生不能解脫者。情累耳。悟道易。明道難。但脫情見。其道自明。明之言。信也。如禁蛇人。信其呪力。藥力。以蛇縮弄。搗懷袖中。無難未知。呪藥者。怖駭棄去。但諦見自心。情見便破。今千萬疑不得用者。是未見自心者也。圓頭問梁山家賊。難防時。如何。曰。貶向無生國裏。曰。莫是他安身立。

命處麼曰死水不藏龍問如何是活水裏龍曰興波不作浪問忽然傾湫倒嶽來時如何梁山走下把住云關黎莫教打失老僧袈裟角神鼎舉洞山曰貪瞋癡太無知賴我今朝識得伊行便打坐便鈍分付心王仔細推無量劫來不解脫問汝三人知不知神鼎不然貪瞋癡實無知十二時中任從伊行即往坐即隨分付心王擬何爲無量劫來元解脫何須更問知不知法眼益曰見道爲眼明道爲功便能得大智慧力若未得如此三界可愛底事儘教去盡纔有纖毫還未可慈明歌曰牧牛童實快活跳足披衣雙角關橫眠牛上向天歌人問如何牛未渴回首看家田關四方放去休攔遏八面無拘任意游要收只在索頭攬小牛兒順摩捋角力未完難提掇且從放在小平坡慮上高峰四蹄脫日已高休吃草捏定鼻頭無少老一時牽向圈中眠和泥看伊東西倒笑呵呵好不又將橫笛順風吹震動五湖山海島倒騎牛脫布襖知音休向途中討若問牧童何處居鞭指東西無一所奉先引古云聰明不敵生死乾慧豈免輪迴道

齊述達摩云楞伽可以印心經曰諸法無法體而說惟是心不見於自心而起於分別可謂大慈悲父如實極談我輩自不領受問見息遂斷分別乎師曰非然也如調馬馬自見其影而不驚以知影從自生出故以是知不斷分別亦捨心相也只目前如實而觀不見纖毫問鐘鼓本無聲如何信師曰如彼聲無有作者無有住處畢竟空故誑凡夫耳若鼓聲實有鐘聲俱擊應不相參所以立沙道鐘鼓不交參句句無前後若不當體寂滅如何得句句無前後耶蔣山元答王平甫云佛祖無異於人所異者能自護念耳滔天之源於盞觴清淨心中無故動念危乎甚於滔天其可動耶佛祖付授必叮嚀曰善自護持問佛法止此乎師云至言不煩願力行如何耳客來無實賤寒溫外無別語即斂目入定廚庫火師嘔噴自若食畢無所問師出狂人入寺殺一僧即自到尸相枕走報交武師歸過尸處未嘗視登巖危坐巖事側立巖處分師斂目竟不得請去芙蓉楷曰出家者求脫生死休心息念斷絕攀緣遇聲色如石上栽花見利

名如眼中著屑。無始來此等不是。不曾經歷。何須苦
苦貪戀。如今不歇。更待何時。能盡今時。更有何事。若
得心中無事。佛祖猶是冤家。一切世事。自然冷淡。方
始那邊相應。不見隱山至死。不肯見人。石霜置枯木
堂。與人坐臥。只要死了你心。投子使人辦米同煮。共
餐。要得省取你事。諸宿若無長處。如何忍得真淨文
云。今人多。是得箇身心寂滅。前後際斷。一念萬年去
休去歇去。古廟香爐。冷湫湫地去。便究竟。殊不知却
被此勝妙境。障蔽。正知見不現前。神通光明不發露。
或執平常心。是道為極。則天是地。地大盡三十
小盡廿九。此依草附木。不知不覺。一向迷將去。問我
手何似佛手。便道和尚手。我脚何似驢脚。便道和尚
脚。上座生緣。便道某州人。莫錯會。須要平常一路。為
穩當。更不敢別移一步。不見臨濟道我這裏是活祖
師。意把來便用立處。卽真他不說這語。得那語不得。
此蓋眼不開。百般忌諱。直饒與麼說。當下忽然見得
分明。也是棺材裏瞪眼。又云佛法至妙。無二。但未至
妙。則互有長短。苟至於妙。則悟心人如實知自心。究

竟本來成佛。如實自在安樂。如實解脫清淨。而日用
惟用自心。自心變化。把得便用。莫問是非。擬心思量。
不是也不擬心。一一天真自在。一如蓮花不著水。
所以迷自心。作凡悟自心。成佛今多不信。自心不悟。
自心不得。自心明妙。受用安樂。解脫心外。妄有禪道。
妄立奇特。妄生取捨。縱修行多落外道。二乘禪寂斷。
見境界。行偉師坐忘。夜旦謝絕交游。曰道業未辦。歲
月如流。大根器如雲門趙州。猶云我惟粥飯二時。是
雜用心。又云我豈有工夫閑處用。矧行偉曰劫相倍
者。詎暇清談乎。死心新示末後句。偈曰末後一句子。
直須心路絕。六根門既空。萬法無生滅。於此徹其源。
不須求解脫。平生愛罵人。只為長快活。靈源清。學
者未脫生死。病在偷心未死耳。古者言下脫生死。效
在偷心已死。然非學者自能爾。實師家鉗鎚妙密也。
如梁武見侯景。不動聲色。而景之心枯竭。無餘洪覺。
範引宗鏡錄云。雖然業卽是心。既從心生。還從心受。
如何治其業報。原答但了無作。自然業空。所以云若
無作惡業。一生成佛。又曰雖有作業。而無作者。卽是

祕密之教。又凡作業。悉皆自心橫計。外法還自對治。妄取成業。若了心不取境界。不自生。無法牽懷。云何成業。師釋曰。炷香供佛心。知獲福。操刀殺戮心。知入獄。或殺或供。一手之功。云何業報。罪福不同。皆自橫計。有如是事。是故從來。枉沈生死。雷長芭蕉。鐵轉磁石。俱無作者。而有是力。以不取境界。亦自寂。故如來藏。不許有識。又引羅什頂佛鉢念鉢甚大。即重下之。曰。我心有分別。故鉢有重輕。予以知一切。隨念念未生時。量同太虛。然今現行分別者。萬類紛然。何故靈驗不等。是皆心力。昧略劣故也。王祥臥冰。則魚躍耿恭拜井。則泉冽。蓋養之專。故靈驗之應速。如響。又引靈源曰。道人保養。如人病須服藥。藥之靈驗。易見。要須忌口。乃可不然。服藥何益。死生是大病。佛祖言教。是良藥。汙染心是雜毒。不能忌之。生死病無時損也。予愛其言。追念圓覺經曰。末世諸衆生。心不生虛妄。佛說如是。人現世即菩薩。法句經曰。若起精進心。是妄非精進。但能心不妄。精進無有涯。妙普曰。學道猶如守禁城。晝防六賊。夜惺惺。中軍主將能行。令不

動。干戈定。太平圓悟勤曰。絲密無間。寂照同時。歲月悠久。打成一片。而根本愈牢。密密作。用誠無出。此應當處處全真。則觸處皆渠。利利塵塵。皆在自大圓鏡中。愈密愈能轉換也。雲門道直得乾坤大地。無纖毫過患。猶爲轉句。不見一色。始是半提。更須知有全提時節。始得。所以德山棒。臨濟喝。皆徹證無生透頂。透底到大用。現前方能全身出沒。欲人全身擔荷。外退守文殊普賢大人境界。巖頭曰。他得底人。只守閑閑地。二六時中。無欲無依。自然超諸三昧。德山亦曰。但無事於心。於心無事。則虛靈寂照。此既已明。須當踐履。但只退步。愈退愈明。愈不會愈有力量。具念。總起。即猛割斷。令不相續。則智照洞然。步步踏實地。豈有憎愛違順。揀擇於其間哉。無明習氣。旋起旋消。悠久無力。能擾人也。古以牧牛喻誠。我要久長人耳。直截省要。最是先忘我。見使虛靜恬和。任運騰騰。一切法皆無取捨。向根根塵塵。應時脫然。自處孤運。獨照。體獨立物。我一如直下。徹底無照。可立如斬。絲一斬一切斬。便自會作活計。佛見法見。尚不令起。則塵勞

業識自冰消瓦解。養得成實如癡兀而峭。措佛祖位中收攝。不得那肯入驢胎馬腹也。趙州云。千億箇盡覓作佛。漢於中覓作無心。底難得。香林四十年。方一片涌泉。四十年。尙自走作。南泉十八年。能作活計。古人無不如此。密密踐履。但逢緣遇境。無不管帶。何止此生。窮未來際。證無量聖身也。未是他泊頭處。但一味退步。切莫作限量也。又曰。透生死。豈是小緣。當猛利如救頭燃。始有少相應。參士世智聰明。臘月三十。不得纖毫力。良由最初無正。因末後勞而無功。古德勸參涅槃堂裏。禪誠有旨也。處生死。良不易。惟大超證之士。奮利根。勇猛一徑。截斷則無難。此雖由自己根力。亦假方便於常時些小境中。轉得行打徹。不存解見。凜然全體現成。踐履將去。養得純熟。到緣謝時。自然無怖畏。只有清虛瑩徹。無一法當情。如懸崖撒手。棄捨得無留戀。一念萬年。覓生了。不可得。豈有死耶。古人坐脫立亡。行化倒脫。能得勇健。皆平昔淘汰得淨潔。香林四十年。成一片石霜。勸休歇去。永嘉云。體卽無生了。本無速。蓋兢兢岌岌。念茲在茲。方得無

礙自在。既捨身後。得意生身。隨自意趣。後報皆以理遣。不由業牽。所謂透脫生死耶。報緣未謝於世上。有如許參涉交互。應須到處使綽綽有餘裕。始得人生各有緣分。不必厭喧求靜。但中虛外順。雖鬧市沸湯。亦恬然安穩。才有纖毫見刺。便打不過也。又曰。利根一聞千悟。不爲難。要須脚跟牢實。諦當徹信。把得定。作得主。一切違順境界。差別因緣。打成一片。如太虛空。無纖毫障隔。湛湛虛明。無有轉變。雖百劫千生。始終一如。方得平穩。多見聰明。根浮脚淺。向言語上認得。轉變卽以世間無可過上。及至境界緣生。透脫不得。因成進退。可惜古人。直是千魔萬難。悉皆偏。雖七處割截。亦不動念。一往操心如鐵石。以至透脫生死。渾不費力。豈不是大丈夫超詣也。在家菩薩修出家行。如火中蓮。蓋名位權勢。意氣。卒難調伏。況火宅煩擾煎熬。除非自己直下。明悟本真。妙圓到大寂定。休歇之場。尤能放下。廓爾平常。徹證無心。觀一切法。如夢幻泡空。豁豁地。隨時消遣。將去卽與維摩詰傳。大士龐居士。裴相國。楊內翰。在家勝士。同其正因。隨已

力量轉化未悟。同入無爲無事法性海中。則來闊浮一遭。不爲折本矣。又曰。近如裴楊之儔。投誠放下。就宗師決擇。剗去浮塵。知見大徹。悟始能超軼。與老禪德抗行踐履。到臨合殺結角頭。自解撒手。克證大解脫。豈小事哉。惟此千劫不壞不移。易一切賢聖根本。是知宿世亦曾熏炙。遇緣而彰。然能自檢點二六時中學佛法。已是雜用心。則去却佛法。乃真淨界中行履矣。但依此一切不雜。卽純一洞然。無愛憎離取捨。亦不分彼我不作得失。一切法坦然。皆我家。不思議處。靜妙圓明。受用之物。爾須令此心常時現前。不墮昏沈。不生聰慧。入平等安閑寂靜境界。那有惡作業緣。識情干撓。得此本妙光明也。祇恐臨境界面前。都慮忘失。依前紛亂。則不堪也。古之修行。亦只以自所證入時中。照了截斷塵勞。教活卓卓地。悠久三二十年。這熱超出生死。不爲難。著力在行處。不重談說。說得一丈。不如行取一尺。蓋定慧之力。回轉業緣。正要惺惺地。勇猛果決。千百生中。常受用。其餘古人機緣語句。不必要會。但一著分明。則著著如此。千變萬化。

豈移變得渠力用哉。內心既虛。外緣亦寂。著衣吃飯。本自天真。不勞彫琢。若或立勝見負。我能卽禪事。切須照管。由是可入無我真實平等。如如不動不變淨妙清涼穩密田地矣。誌公云。不起纖毫。修學心。無相光中。常自在。又曰。作家宗師。唯許人捨知見胸中。不留毫髮許蕩然。如太虛空。悠久長養純熟。此卽本地風光。本來面目。到此亘古亘今之地。脫離生死。有甚難也。裴相國龐居士。直以信得及。便得力。受用自在。曹山道不變易處。去去亦不變易。蓋履踐深極。到無滲漏之至。然後羅籠不住。學道之士。無絲毫意思。想在塵緣直下。心如枯木朽株。如大死人。無些子氣息。心心無知。念念無住。千聖出來。移換不得。乃可向枯木上。生花發大機用。興慈運悲。乃無功之功。無作之作。豈落得失是非哉。纔留一毫毛。則抵牾於生死界。自未能度。安能度人。又云。如今照了本心。圓融無際。色聲諸塵。那可作對。迴迴獨脫。虛靜明妙。要須徹底提持。勿令浮淺。直須高而無上。廣不可極。淨裸裸圓梁梁。無漏無爲。千聖依之作根本。萬有由建立。應須

斗順回光令絕形段分明圓證萬變千化無改無移
謂之金剛王謂之透法身行住坐臥無不透徹物
頭頭靡有間隔喚作乾白露淨單明自心不可只麼
守之守住便落窠臼却須勇猛割斷十分棄捨轉捨
轉明轉遠轉近抵死打疊捨却命去始是絕氣息人
方解向上行履唯已自知知亦不立釋迦彌勒文殊
普賢德山臨濟不敢正眼觀著豈不是奇特事一棒
上一喝下一句一言一塵一細若色若香一時透穿
方稱無心境界養得如嬰兒相似純和沖淡雖在塵
勞中塵勞不染雖居淨妙處淨妙收他不住隨性住
緣飢餐渴飲善尚不起念惡豈可復爲所以道隨緣
消舊業更不造新殃又云道實無心禪絕名理唯忘
懷泯絕乃可趣向回光內燭脫體通透更不容擬議
直下桶底子脫入此大圓寂照勝妙解脫門一了一
切了只守閑閑地初不分彼我勝負纔有毫芒見刺
卽痛割之放教七通八達自由自在長養純密千聖
亦覷不見自己尙似冤家只求得遠離不限傍倘然
清靜虛而靈寂而照勇猛割斷徹底無纖毫撓胸次

王老師謂之作活計趙州除粥飯時是雜用心悠久
踐履使淳熟乃合從上來無心體道密密作用自見
工夫到下稍結角頭自然如懸崖撒手豈不快哉又
云要須最初入作便遇本色人直截根源退步就已
以鐵石心將從前妄想見解世智辯聰彼我得失一
時放却直下如枯木死灰情盡見除豁然契證從上
諸聖不移易一絲毫許見得徹此始爲入理之門更
須教一念萬年純一無雜才有纖毫起滅則落二十
五有無出離之期抵死護生咬教斷然後田地穩密
聖凡位中收攝不住始是如鳥出籠自休自了處得
座披衣眞金百鍊舉動施爲等閑蕩蕩地根塵生死
境智空妙如湯沃雪常自知時更無分外名無心道
人以此自修轉開未悟令如是踐履豈不爲要道哉
又曰當未起念百不干懷時圓融無際脫體虛凝一
切所爲皆無疑問謂之現成本分及至纔起一毫頭
見解欲承當作主宰便落在陰界裏被見聞覺知得
失是非籠罩半醉半醒一般相似透頂透底直下圓
成了無形相不廢功用不妨作爲語默起倒不是別

人稍覺纖毫滯礙。悉是妄想。直教灑灑落落。如太虛空。如鏡當臺。如日麗天。動靜去來。不從外得。放教自由。自在。不被法縛。不求法脫。盡始盡終。打成一片。何處離佛法外。有世法。離世法外。有佛法。是故祖師直指人心。金剛般若。貴人離相。如壯士屈臂。不借他力。如此省要好。長時自退步。體究令有箇落著諦實證悟之地。卽是念念徧參。無邊無量大善知識。又云。徹證無心。雖萬機頓起。豈撓其神。千難殊對。不干其慮。平時如癡兀。及臨事爲物風旋電轉。無不當機。素有所守也。如學射久久。方中。悟則剎那。履踐功夫。須資長遠。所以悟明之人。正要調伏。只如諸塵境常流於中。窒礙到得底人。分上無不虛通。全是自家大解脫。門終日作爲。未嘗作爲。了無欣厭。亦無倦怠。度盡一切。而無能所。況生厭憎耶。苟性質偏枯。尤當增益。所不能放教圓通。以漚和力。攝化開權。俯仰應接。俾高低遠近。略無差誤。行常不輕。行學忍辱。仙遵先佛軌儀。成就三十七助道法。堅固四攝行。到大用現前。喧寂一等。如下水船。不勞篙棹。混融合攝。圓證普賢行。

相乃世世世間大善知識也。諸處周旋。應變於中。虛寂靜覺。能不被靜縛。則隨所至處。皆我活計。唯中虛外順有根本者。雖然。非理相干。但退步自照。只與直下坐斷。如初不聞不見。久久魔業自銷。爾又曰。久久不移易。拈弄收放得熟。小小境界。悉能照破。割斷不留朕迹。至生死際。結角羅紋。不相參雜。湛然不動。條然出離。此臘月三十涅槃堂裏禪也。大慧杲曰。十二時中。隨緣處不得。惡念相續。或照顧不著。起一惡念。當急著精彩。拽轉頭來。若隨他去。相續不斷。非獨障道。亦謂之無智。人癡安云。一回入草。驀鼻拽回。制惡念。當如癡安之牧牛。則久久自純熟矣。此事許靈利漢擔荷。若使聰明。則無擔荷。分雖易入。而難保。蓋入處不深。力弱也。世間塵勞事。如鉤鎖連環。不斷得省處。便省爲無始來習得熟。若不力爭。不知不覺。日久入得頭。深臘月三十。卒著手脚。不辦要臨終不顛倒。今作事處。莫教顛倒。如今顛倒。欲命終不顛倒。無是處。俗人在火宅中。與貪瞋癡爲伴。作爲見聞。無非惡業。然於中打得徹。其力勝出家兒。千倍。應以宰官身。

度者卽現宰官身說法便是報佛深恩也。但念念不要間斷。莫管得不得。便今生未得徹。命終亦不被惡業牽於日用中。亦不被塵勞困。後世出頭亦得現成。受用。今生雖不悟。亦種得般若種子。生生不失。人身不落惡趣。況心花發明耶。又曰。往往利根得之不費力。生容易。心便不修行。多被現境奪。將去作主宰。不得日久迷而不返。道力不勝業力。魔得其便。定爲魔攝。臨終不得力。千萬記取。理則頓悟。乘悟併消。事則漸除。因次第盡行。住坐臥不可忘了。其餘古人差別言句。皆不可爲實。亦不可爲虛。久久純熟。自然默契。本心不必別求殊勝奇特也。又曰。剋正性除助因。違現業。此了事。漢無方便。修證中真方便。眞修證也。又曰。道家以妄想心尙能留形住世。況此心全在般若中。來生出頭。隨我今生願力。安在般若中。現成受用。此決定事。又答人曰。衆生顛倒。以日用境爲實。不知全體是夢。於中復妄分別。以想心繫念。神識爲實。夢殊不知。正夢中說夢。顛倒中又顛倒。杲嘗問先師。但以手指曰。住住休。妄想杲曰。某未睡時。佛讚依而行。佛

訶不敢犯。依師及自做零碎所得者。惺惺時都得受用。及上牀已作主。不得夢。金寶則喜。夢刀劍惡境。則佈念睡著已作主。不得。況四大分散。始著忙。師曰。待汝說底許多妄想。絕時。汝自到寤寐恒一處也。初未信。寤寐分明兩段。敢開大口說禪。後聞舉諸佛出身處。薰風自南來。去却礙膺物。方知夢時便是寤時。底寤時便是夢時。底佛言。寤寐恒一方。始自知拈出。呈似人不得。承問不覺實供來教。不是問禪。亦非見諸不免。以昔所疑吐露。願將老龐語提撕。但願空諸所有。慎勿實諸所無。先以目前境作夢。會然後將夢中移來目前。則佛金鼓孔子真極。決不是夢矣。又曰。見佛祖如生冤家。方少分應如此。做工夫日久。不著起心。牯牛自調。獼猴子自死。引經云。心不妄想過去法。亦不貪著未來事。不於現在有所住了。達三世悉空寂過去。不思量未來。不計較現在。逆順不著意。又曰。逆我意者。只須一忍字定省。少時便過順境。直是無迴避處。如磁石與鐵。不覺合作一處。無情尙爾。況現行無明。全身在裏。許若無智慧。不覺不知被他引入。

◆提提提

羅網要求出不亦難乎。所以入得世間出世無餘便是這箇道理。近失方便者。往往認現行無明爲入世間。便將出世間法強差排。作出世無餘之事。悲乎。除夙有誓願。即時識破。作得主。不被障引淨名。佛爲增上。慢說離淫怒癡爲解脫。若無上慢淫怒癡性即是解脫。若免此過逆順境無起滅相。方可作入得世間出世無餘已上。是妙喜昔經歷的。卽今日用只如此修願。趁色力健。亦入是三昧。又曰善牧牛者。索頭常在。手爭得犯苗稼。薰地放却。索頭鼻孔無撈摸處。慈明謂四方放去。休攔遏。要收只在索頭。撥木能如是。當緊把索頭。且與順摩。將淹浸工夫熟。自然不著用意。提防矣。急則躁緩則昏。懈俱錯過。普照師修心訣曰。空寂之心。聖不增。凡不減。佛祖所以異人者。能護念耳。凡夫無始至今。妄想顛倒。無明種習。久與性成。雖頓悟本寂。與佛無殊。習卒難斷。逢逆順境。瞋喜是非。熾然起滅。若不向般若著力焉。能對治無相得到大休歇地。如云頓悟雖同。佛多生習氣深。風停波尙涌。理現念猶侵。杲師曰。利根不費力打發。便生容易。

更不修治日久。依前流浪輪迴。則豈可以一期所悟撥置後修耶。故悟後常須照察。妄念若起。都不隨之。損之又損。以至無爲。方始究竟。牧牛行是也。雖有後修。因先悟妄念本空。心性本淨。於惡斷而無斷。於善修而無修。此乃真修真斷。故雖備修萬行。唯以無念爲宗。曹溪云。心地無亂自性定。心地無癡自性慧。任運寂知。遮照無二。是頓門雙修。定慧也。然障濃習重。觀劣心浮。無明力大。般若力小。於善惡境界。未免被動靜互換。心不恬淡者。不無妄緣。遣蕩功夫。又如云六根攝境。心不隨緣。謂之定。心境俱空。鑑照無惑。謂之慧。若掉舉熾盛。則先以定門稱理攝教。心不隨緣契乎本寂。若昏沈尤多。則先以慧門攝法。觀空照鑑。無惑契乎本知。以定治亂。想以慧治無記。動靜機亡。對治功終。則對境遇緣。心心契道。任運雙修。方爲無事人。何故此頓門機。有勝劣。雖先頓悟。煩惱濃厚。習氣堅重。被他昏亂。昧却寂知。常然者。卽借對治定慧。均調昏亂。以及無爲。雖借對治功。暫調習氣。以先頓悟心性本淨。煩惱本空。雖是漸機。所行於悟人分上可。

謂點鐵成金。願研此語。更莫狐疑。真心直說。中判真心息妄。云以無心法治妄心。非無心體。但心中無物。名無心。諸師說。做無心功夫。不同略明十種。一曰覺察平常。絕念提防。念起纔生。便覺破。後念不生。覺亦不用。妄覺俱忘。名無心。此息妄也。二曰休歇。謂不思善惡。心起便休。遇緣便歇。冷湫湫如癡兀。方少相應。此休歇妄心也。三泯心存境。謂一切妄俱息。不顧外境。但自息心。妄心已息。何礙有境。卽奪人不奪境。泯心存境。息妄也。四泯境存心。將內外境悉觀爲空寂。真心獨照。卽奪境不奪人。泯境存心。息妄也。五泯心泯境。謂內外心境俱寂。卽人境俱奪。泯心境。息妄也。六存境存心。謂心住心位。境住境位。心境相對。心不取。境不臨。心各不相到。是法住法位。世間相常住。卽人境俱不奪。存境存心。滅妄也。七內外全體。謂內身外器一切諸法。同真心體。湛然虛明。無一毫異。打成一片。此內外全體。息妄也。八內外全用。謂內外身心器界諸法。一切動用。施爲悉觀作真心。妙用一念纔生。妙用現前。此內外全用。息妄也。九卽體卽用。謂

空寂中靈明體。卽用靈明中。空寂用卽體。惺惺寂寂。是惺惺妄想。非寂寂。惺惺是寂寂。無記非此。卽體卽用。息妄也。十透出體用。謂不分體用。四面八方。只作一箇大解脫門。圓陀陀。地體用不分。通身打成一片。此透出體用。滅妄也。以上不須全用。但得一門功夫。成就其妄。自滅。隨根宿習。與何法有緣。卽便習之。此休歇妄心。法門最要。故偏多說。其判真心。出生死云。生死本無妄計。爲有知人病眼。見空中花。非實有也。今知無生死。不能脫者。功夫不到也。菴婆女問。明知生是不生之法。爲甚被生死轉。文殊答云。其力未充。其判真心。正助云。妄未息時。以無心息妄。爲正。以習衆善爲助。眞如之法。體性空淨。而有無量煩惱染垢。不以方便種種熏習。亦無得淨。故修一切善行爲對治。今人自恃天真。不習衆善。惡道尙不能免。況脫生死。其判真心。驗功云。如牧牛。雖調猶不敢放。鞭繩直待趁入苗稼中。不傷苗稼。方敢撒手。先將愛境。想在面前。若起愛憎。則未熟。不生則熟。又遇愛憎境。特起心令取愛憎不起。是心無礙。如露地白牛。不傷苗稼。

也。私謂宗門本分事盡在六祖云。何期自心本自清淨。本自具足。本不生滅。數語牛頭融亦云。河沙妙德。總在心源。悉自具足。一切煩惱業障。本來空寂。來哲須知。自性天真具足。諸法而當處寂滅。畢竟無所有。離四句。絕百非。斯爲不思議。海印無相。三昧馬祖云。非聖賢行。非凡夫行。是菩薩行。不取善。不捨惡。達罪性。空念。念不可得。無自性。故森羅萬象。一法所印。自性本來具足。但於善惡事上不滯。喚作修道人。取善捨惡。觀空入定。卽屬造作。一念妄想。卽是三界生死根本。但無一念。卽除生死根本。卽得法王無上珍寶。更不歷於階級地位。頓悟本性。總無餘事。祇緣衆生無始來病。在見諸法爲實。有所染執。著宿習。復有輕重不同。故諸祖於了悟後。總教人百不知百不會。終日永寂。如空念。念與本分相應。久久力量充足。本性所具。諸定慧神通功德。不期發而自發。不離此生。卽得解脫百丈云。只今如虛空相似。學始有所成。臨命終時。尋舊路行。若怕臨終。憚狂須如今。便自由。始得黃檗云。但離却有無諸法。心如日輪常在虛空光。

明自然不照而照。到此無棲泊處。卽是行諸佛路。是你清淨法身。爲你力量小。不能頓超。但得三十五年。須得箇入處。自然會去。祖師直指汝心。本是佛心。心不異名。之爲祖善惡都莫思量。當處便出三界衆生輪迴不息。生死者。意緣走作心。於六道不停。致受種種苦。汝今但學無心如癡人。頑石頭。一切法透汝心。不入始相應。不起一切心。諸緣盡不生。卽此身心是自由。人臨濟曰。現今聽法。無依道人。歷歷地分明。未曾欠少。你欲與佛祖不別。但如是見。心心不異名之。活祖諸法。無自性。亦無生性。但有空名。名字亦空。認他閑名。錯了也。設有皆依變境。有箇菩提。依涅槃。依解脫。依境智。依菩薩。依佛。依你。向依變中。覓什麼物。你若求佛祖。卽被佛祖魔縛。有求皆苦。不如無事。如上所引。皆悟後調心正行。此從圓頓宗中。圓空門入。若能依而行之。卽是行解相應。更得戒行交熏。不逾此生。定得深證。其疾如風。然根器不齊。或在家輩。不無俗累。其有習氣濃厚。雖得瞥地。而昏散貪瞋。屢照屢犯。不能處處作主。必須提起本分見地。中此昏散。

貪瞋是本來空寂否。是情迷始有否。是起卽爲起否。徹照當體寂滅本分。現前昏散諸妄。自貼貼地消除。矣。或尙不能休歇。更須痛念多生流浪。今生幸得這一著子明白。豈可再行隨逐墮落。苦自呵責。一回入草。猛與拽回。并擇其習氣最重者。先治之。以慈治瞋。以檀治慳。以禪治散。以慧治昏。以念佛治癡。以不淨治淫。欲種種法門。當詢知識。研經教。以消蔽障。重習一消餘習。隨盡百丈云。若有貪瞋等病。先須治之。沙門除貪瞋病不去。亦須教渠修禪學慧。南泉云。若不向裏許行。履如何摧挫。得五種貪二種。欲圓悟云。遵先佛儀軌。成就三十七助道法。卽七覺八正等修心訣中。亦令對治。定慧均調。昏亂於悟人分上。是點鐵成金。至於念念覺照。必須努力殷勤。空裏步盡。盡推爺向裏頭放下。又放下。二六時與空無撈漉。處凝結共。鬬長年行坐。刻不放鬆。庶疾得一生了。辦此須各人撫躬自揣。如悟後心光脫露。處處現前。不爲愛憎昏散所蔽。只須任運保養聖胎。便是一員無事道人。其或世緣勞重。宿習又濃。若不抖擻精神。種種善巧。訶斥調

治口口說空。步步行有。或以爲對治是教乘中事。宗家兒所不屑。或以爲煩惱卽菩提。遂爾肆意。隨逐醍醐上味。翻成毒藥。竟不念事須漸除。因次第盡之。囑爲何語。以致乾慧。不敵業力。空花還結。空果到臘月底。毫無靈驗。合論引無業師云。今解禪道。如恒河沙纖塵。不盡未免輪迴。絲念不忘。盡從淪墜。觀其發言。嫌他三乘菩薩。原其所習。不如五戒凡夫。臨終聖凡情量。不盡纖塵。絲念未忘。輕重五陰。向驢胎馬腹托質。鑊湯爐炭。煮燒從前記憶。見解一時失却。依舊再爲螻蟻蚊虻。雖是善因而遭惡果。此則聚三千大千世界之鐵鑄。不得這一箇大錯字。

入聖

悟心之人。自解作活計。翻轉本體。作工夫。終日使得十二辰。是之爲全性起修。全修在性。其間多生調熟。不離當生。便證聖位。六祖曰。終身不退者。定入聖位。大珠云。頓悟人不離此生。卽得解脫。卽修時。卽入佛位。修頓悟者。不離此生。卽超三界。又云。如此功業。由行爲本。若不降心而入。取證無有。是處自誑誑他。彼

此俱墜努力努力。然禪宗下客。但論見性。不論禪定。解脫在天台教中。亦云。人解不同。有言頓悟。即佛無復位次之殊。又有師言頓悟初心。即究竟圓極寂滅。眞如有何位次。然平等法界。尚不論悟不悟。孰辨淺深。既得論悟不悟。何妨論於淺深。乃至雖平等法界。無說無示。而菩薩行位。終是炳然。宗鏡錄問。一心成佛之道。還假歷地位修證否。答此無住真心。實不可修。不可證。不可得。非取果故。不可證。非著法故。不可得。非作法故。不可修。若論地位。卽在世諦行門。亦不失理。以無位中論其位次。不可起決定有無之執。經明十地差別。如空中鳥跡。若圓融門寂滅眞如有何次第。若行布門對治習氣。昇進非無。若得直下無心。量出虛空之外。何用更歷階梯。如未頓合無心一念。有異者。直須以佛知見治之。究竟圓融佛果。以是知宗門下客。斷不可偏執一見。掃除位次。甘墮籠統之病也。惟宗門人。水到渠成。超證十地等妙。有不期然而然之理。但宗門卽生證聖者。未可多得。初祖面壁九年。二祖曰。我自調心。四祖十四歲入道。脇不及席。

見天然。六祖云。悟時自度。從上老祖。莫不注意。纂修。未肯罷手。何況我輩後學。略得一知半解。便自爲撒手了當。以致臘月三十作主。不得祇自欺耳。皓月供奉。問長沙。岑天下善知識證三德涅槃也。未岑曰。大德問果上涅槃。因中涅槃。曰。問果上涅槃。岑曰。天下善知識未證功未齊於諸聖。曰。未齊何謂善知識。岑曰。明見佛性。亦名善知識。問。未審功齊何道名證大涅槃。岑曰。摩訶般若照解脫甚深法。法身寂滅體。三一理圓常。欲識功齊處。此名常寂光。曰。果上涅槃。已蒙開示。如何是因中涅槃。岑云。大德是須知見地了徹。直與佛祖把手同行。但得因中涅槃。其多生熾然之結習。須次第消盡。必至見思惑盡。方得超出三界。按天台教。乃藏羅漢位。圓教是七信位。我宗門人。佛亦不作。何況其餘。然無佛無衆生。正是一尊本然。自性天眞。佛漸摩純粹。麤垢先落。忽然到此界內。見思先盡。永超三界。便是圓教七信位。人百丈云。去住自由。黃蘗云。隨意而生。圭峰曰。中陰所向。天上人間。隨意寄托。卽是楞伽三種意生身。雖教中所判意生身。

有通決不同。若依三藏法數所引。乃通教第三四五地菩薩。修三昧得真空寂滅之樂。普入佛刹。隨意無礙。名三昧樂。正受意生身。通教第八地菩薩。覺了諸法自性之體。如幻化無有。以無量神力。普入佛刹。迅疾如意。無礙自在。名覺法自性意生身。通教第九十地菩薩。覺一切法皆是佛法。得一身無量身。一時普現如鏡中像。隨諸種類得俱生。雖現衆像。而無作爲。名種類俱生。無行作意生身。此三種意生身。惟初種三昧樂。尙未斷盡見思。然亦是須陀洹。向方能得之。大非易事。圭峰云。惺悟不由情。臨終能轉業。謂情中欲作而察理不應。即須便止。情中不欲作而察理相應。即須便作。但由是非理不由愛惡情。即臨命終時。業不能繫。隨意自在。天上人間也。但朝夕所作。被情塵所牽。即臨終被業所牽而受生。若所作所爲。由於覺智。不由情塵。即臨終由我自在而受生。不由業也。當知欲驗受生自在不自在。但驗尋常行心於塵境自由不自由。私謂制情順理。密行無間。臨終念念現前。則有之。然其力充者。方能轉業力未充者。似亦未

能受生。均不隨業也。文殊答庵婆羅未充語。此即確證。須知未悟之人。則實眼正。既悟之後。全重行履。是爲有頭有尾。若有頭無尾。古德謂之終是不實。永明四料揀云。陰境忽現。前警備隨他去。此中萬分危險。幸勿恃先入之言。不加細察。作安心丸也。山庵雜錄載僧末山既死。現夢鄒氏託生。其友亦夢之。既長。雖自知前身是僧。不喜與僧交。癡呆如木石。天目山叢斷崖見高峰得旨。既死現夢。託生吳興細民家。復爲僧。名瑞應。字寶曇。受人禮拜供養。無虛日。余山庵居天界寶曇在焉。察其所爲碌碌無異常人。間扣以己躬下事。但憶懼而已。二人前身皆非常人。胡乃頓忘如是古謂聲聞向昧出胎菩薩。猶迷隔陰。修行人可不慎歟。又載絕學誠公座下僧習禪有得。誠驗以三關語。其答如鼓應桴。早逝生民家。父母俱有夢。一日父攜入山見誠公。公問汝前身答我三轉語。記得否。進云試舉看。既舉。點首曰。是我語。誠囑其父保之。他寺僧因求爲弟子。習魚山梵吹多。得讚施。驛者不法。事無不爲之。誠因立三大願。勸學者大凡參禪人於

靜定中得箇歡喜處。乃塵勞暫息。慧光少現。未爲究竟。八識田中無明根本。尙在。喻如石壓草。去石再青矣。戒之雲棲法彙。記戒禪師後身爲蘇子瞻。青草堂後身爲魯公遜。長老後身爲李侍郎。南庵主後身爲陳忠肅。知藏後身爲張文定。嚴首座後身爲王龜齡。其次則乘禪師爲韓氏子敬。寺僧爲岐王子。又其次善師爲董司戶女海印。爲朱防禦女。甚而薦蕩僧爲秦氏子。檜造諸惡業。愚謂大願大力如靈樹生生爲僧。而雲門三作國王。遂失神通百世而下。如雲門者。有幾。況靈樹乎。爲常人爲女人爲惡人。則轉展下劣矣。卽爲諸名臣。亦非計之得也。又載隋梁州沙門慧全。徒衆中一人頗靈異。全素不錄。忽云得那含果。全疾其人。徑至榻前。門閉。如故。謂全曰。師命過當。生婆羅門家。全曰。我一生坐禪。何故生彼。答。師信道未篤。外學未絕。雖有福業。不能超詣。今時僧有學老莊者。有學舉子業經書者。有學詩騷詞賦者。在彼以禪爲務。但外學未絕。尙緣此累。道況恣意外學。而禪置之罔聞。不知其可也。又載南岳天台二師俱言。以領

衆損己一則止證鐵輪。一則僅登五品。愚謂權實非後學所能測。且莫問權姑以實論。聖師尙爾。況凡夫乎。彼大言不慚者。將超越二師。上乎可懼也。已私謂斷崖義五祖戒青草堂。見地何等超卓。其正念亦豈後學所能及。然受報輾轉。隔生難定。況其下乎。以是知見思未盡者。斷不超出三界。卽天上人界隨意寄托之說。亦須陀洹向果始能之耳。或問如子所論。則自梁陳迄今。凡傳燈指月會元。以及續燈諸錄。所載各祖師有幾人。已經入聖。有幾人已斷見思。不爲三界所縛。卽如鄧隱峰之倒立。而化衣皆順體。孚上座之講涅槃經。揮尺一下而去。嚴頭震之。預知大喝一聲。而逝。紫柏老之臨刑。園中自在而脫。如此等師。可決其出三界否。又如龐公之枕膝脫屣。靈照之我女鋒捷張相之擲枕作聲。楊傑之刻期坐亡。此等在家。又將作何定論。耶。答曰。此皆未可妄爲臆斷也。宗門下客。但論見性。不論禪定解脫。無三界可出。無衆生可度。亦不觀惡生。嫌亦不觀善。勤措凡聖。不立憎愛。兩亡。臨終諸聖來迎。也不欣惡境界。現也不懼。我王

庫中無如是刀。只是一念萬年靈光獨耀耳。然雖如是功熏所及。熱脫不等。但須返己自勘。外紛對五塵而了不迷逐。是謂思惑盡。相是圓。七信位人已超三界外。不對五塵而不起纏欲。是謂見惑盡。相是圓。初信位人。此出三界有分。若猶未也。雖無三界可出。而實未出三界。雖無衆生可度。而須方便度盡心內衆生。切勿自欺。亦不必妄測古德。要而言之。約分四階。第一等人。行解相應。見思惑盡。或三界貪瞋癡思惑雖未斷。而見惑已斷。此皆謂之入聖之流。得意生身。隨願度生。固無論已。第二等人。淨溫識尚未淨除。間復昏動。使知見惑未盡。而熏修得力。寂照現前。念念相續。始本合一。了知自性本自清淨。本不生滅。本自具足。見雖未盡。愈淘汰愈有力。量隨緣消舊業。更不造新殃。惟此一事實。餘二則非真。祇是任運過時。毫無纖疑立處。卽眞更不思前算後。臨命終時。也不計校業生意。生勘破本分心。不異不變易處。去去亦不變異。往來生死是依變之境。向依變中著迷作麼。如斯等人。隨其願力。定得世世出家。童眞入道。有進

無退成聖匪遙。此是禪宗相傳正脈行履也。第三等人。見地清徹。而夙習濃厚。貪瞋癡念時時現前。雖屢加覺照。智弱惑強。兼復境緣逼迫。二六時中。馴伏時少。打失時多。內照似寂。對境仍迷。若識慚愧力。與之爭久。久亦能隨順。由勉強入自然。若功用未足。猝遇臘底消息。或不得力。必須勇猛放下。萬緣死抱。主人翁仗此般若。正因願力強者。先事便得。後身童眞入道。再行參究發悟。熏修或出頭來。一聞千悟。此亦見地契證。功熏未齊。努力透關之行履正脈也。倘不如是踐履。口口說空。步步行有提起。古人公案。綱宗意識。卜度拈頌。也會勘驗。也會普說茶話法語。也會臨命終時。業識紛飛。乾慧不敵業力。隨業受報。未有了期。再出頭來。知在何日。雖本性原無變異。而隔世昏暗。依然博地凡夫。且前世業重。墮落三途。均未可定。古德云。雖善因而招惡果。思之思之。今時此等在家最多。出家中亦有之。昔日平侍者。而今黃秀才。我在大陽山。看你做出來。其或逆行示現。此無論已。均非禪宗正傳。臨末稍頭。一場懺懺。伊誰之咎。歟。第四等

人刻苦參學。或發心在晚年。未得瞥地。而大限已臨。或立志在少年。而壽命夭促。或參請雖多。載而未遇作家。遽爾時至。古德云。今生不悟來生參來生不了。後世再參。抱定一句死話。頭與之俱沒。千生萬世。決定期於了徹。而後已。亦須猛勇。決定仗此般若正。因願力強者。先牽後世受生。如願參禪。發悟。猶有插血之功。虎有起尸之德。只須志堅。勿疑。勿畏。此則宗門人未得悟。明臨終之行履正脈也。如上所約。自入聖以至未悟。盡未來際。宗門下客。不出四種之中。且多在後三四兩種內。今時之自命禪宗者。當如何善自護持。以期一生了當耶。

利人

無上甚深微妙法。百千萬劫難遭遇。若不傳法度衆生。決定無能報恩者。宗門客既了悟。已曠觀衆生。同具如來智慧。而從迷積迷。沈淪苦海。了無休日。其大慈愍心。不期發而自發出。於勢之不容已。內則普心滿運。外則人天共推。其間般若種熟。徹底掀翻。於諸祖言句。綱宗無不一一默契。三藏十二部大小經教。

無不一一消歸。接引來輩。應不失時。昨日定。今日不定。昨日是。今日不是。喝下儼如吼。師子棒頭敲出玉麒麟。宗教雙融。孤撐毒眼。逢尊宿。勘尊宿。逢作家。勘作家。逢老參。勘老參。逢新學。勘新學。逢講主。勘講主。逢士夫。勘士夫。有時官不容針。孤峻處。特地孤峻。有時私通車馬。婆和處。忒殺婆和。看人中毒。添把砒礪。見人疲眠。送箇枕头。方其入室。普說千言萬語。而不爲費詞。猝然覲面。當機十度九休。而不爲辜負。或剝盡核皮。與人下口。或抄盡家產。逼人納財。解行象隆。頭尾兩正。神用莫測。品德純全。伊何人歟。非乘願而再來者歟。我思其人。實獲我心矣。次則見地清徹。而文字稍有未長。於宗門則一線穿却。而教理則合轍未圓。既未能如六祖之一聽便了。亦未能如諸祖之取義斷章。若以三乘十二分教。接人自有諸講主在。我者裏單提這一著子。如靠一座須彌山相似。又如馬前相撲倒。便休參究。真實了悟。真實踐履。實一手擡一手捺。機靈句活。殺活同時。登寶王位。倒用橫拈。據師子牀。胡喝瞎棒。到處做得白拈賊。真不愧爲。

曹溪滴骨兒孫。渾身是箇賴皮精也。儘算得少林闡提種草。其下苦參切究。水到渠成。摸著老胡脚跟打失瞿曇鼻孔。然而河陽新婦子。眼目不道全無。其如木塔老婆禪。機用那能全活。此是自救不了之儔。豈勝出世爲人之任。祇以悲心彌切。明眼難逢。或遇一二有緣。但開示其參究軌則。逼割工夫。剷去種種邪解。引入坦坦正途。間有一粒豆爆。亦可以空印。空古德謂之單片子。本分在自己。正須常居學地。而所印之同流。尤須囑其親近高賢。以期得大自在。得大了當不至爲七青八黃之輩。作蝦蟆跳也。宗鏡錄云。祖佛正宗。纔有信處。皆可爲人。先以聞解信入。後以無思契同。若入信門。便登祖位。是也。如上所說。胥在宗師分上。分其淺深。大約有此三類。若就學者論。根器千差。造就匪一。隨機設化。因地置宜。既登寶華王座。緇白交參。魚龍雜列。或佈漫天之網。或垂一縷之絲。庶幾一雨所施。而大小草木咸蒙所潤矣。其間林林總總。初學爲多。當翦截其知解。與一無義味話頭。使之苦參力究。見有話頭。抱得住者。已得參情結秀。必

有悟境現前。時時提撕。俾使疾得相應。急不得緩不得。一氣呵成。本光透露。此全在師家鉗鎚之妙。密爾如或前人悠忽從事。話頭俟在倏忘。何能打成一片。須當激發其羞恥之心。以鞭策其進修之路。俾得翻然勃然。速見油然沛然而語頭緊峭。悟機流行也。或其人先已得有話頭。或全未親近師家。總當令其從參究進路。所有看過經論。及在前師家所說道理。通令拋擲。一箇元字脚不留。專研此話頭。朝夕莫放。話頭不一。但起得疑情者。便是有緣。不須更換。倘有依稀見處。隨與剷除。勿使剝根。則枝葉脫落。本真觀面。自有時至理彰之候。但勿輕易許可。必須勘得十成穩密。肯心自許。纔是施與點睛之時。蓋學者終身受用。全在本分清。楚與佛祖把手齊肩了。無纖疑微見。無死無生。無凡無聖。生死一如。聖凡不二。我本來自性天真。佛入天堂。與落地獄。不變異一毫。釐許然後到處一一踐履。將去歡喜煩惱境界。來到面前。不爲搖奪。惟此一事實。餘二則皆非。如此保任。纔密臨末稍頭。方得受用。萬勿急於羅籠。將就許可。誤會本分。

重關末後三關之說。且先印以本分再換話頭。令參重關。得重關後。再透末後言句。學者因此無不廉纖粘滯。彷彿依稀。甚至師家各私其私。均有三關密傳一定板印。此家許過末後者。換一門庭。連本分也。全未是易地同然。以至初學無所適從。其不肯虛心再參者。執定前師所許爲是。甘心作一門外擔板漢。了一此一生。其有良心未昧。重行究推者。陸續將各處零星所得。湊成一箇攪前脫後支離的西來祖印。一經明眼人追劄勘驗。或在本分處作窠窟。或於重關邊躲生涯。或肆無忌憚。亂統抵塞。以爲得大自在之末後句。宗風至今日。真有不忍言者。各人根器利鈍不齊。豈能人人三節打通。或有二三番。或有五六番。始得徹了。然最重是起手悟門。必須諦當清徹。寧可絕嗣。詎可亂許。是則最初爲人之要領也。學者既經知有之後。其般若夙熟者。於諸家公案言句。自然處處會歸。毋煩師家點撥。間有粘滯消不過之處。但令提起本分一默契。此則不妨略以言句消解。所謂落章之談是也。或有根器魯鈍。參究多年而不能相應。

者。此終由於話頭之不得力。總宜逼其苦究窮參。自得慧光透發。或值病體垂危。大命告盡。其有志者。正可藉以參涅槃堂裏禪。與之撕捥。努力透關。抱此話頭。以終再世。出頭便得悟徹。倘有於般若差別岐路。逗漏多番。一線未達。或可放一線道。以滿其苦參之願。而使臨終安穩密行。此則又在師家臨時之手眼矣。或有參情緊而正眼未開。忽有似是而非之見刺橫梗於中。屢拔不脫。此必所參話頭誤成窠臼。然終有消不過公案言句。必須將消不過之公案言句。改作話頭。再行參究。而後其刺可拔。正眼可開。余先參誰字話頭。後忽覺得本來人。更不外於不動念時明了之誠念。既不起。則言語道斷。心行亦滅。而一切普印寂然不動感而遂通。與宗門靈光獨耀。迴脫根塵。但離妄緣。卽如如佛諸言句。以及豎拳下棒諸機用。無不印合。惟於無夢無想。主人公會不過去。若非華藏老人。大慈手眼。令其改參無夢無想。主公話頭。則終身爲門外漢。所謂庵內人不知庵外事。及堂中事作麼生等語。一律支吾強解。那有聞樓梯上笑語聲。

一箇消息。窺見。枕子落地。脚跟失之毫釐。差以萬里。寄語來哲。切勿自欺。自足自滿。自畫而師。家作用亦必披根到底。方可印證也。學者既得知有。或經師家所造就。或先爲他師所印。可而本分清楚。手眼明白者。即將古德諸訛公案。及五家綱宗。一一拈勘。必令其一一消歸自己。再於如來一乘經論所說。一一契合。此真難得種草。再須察其習氣濃薄。示以牧牛功。熏刻不放手。此牧牛功夫。在教家謂之修。道位本分清徹。在教門謂之見道位。此依宗門人判斷消解。若教門見道。大小乘亦不同。小乘見道。已登須陀洹果。宗門家兒。何能及此。況圓教初信見道位。耶。然宗門行履。暗與圓教相合。行住坐臥。四威儀中。到處在不變異處。行履法華經云。佛子。住此地。卽入諸佛位。常在於其中。經行及坐臥。故無有異也。宗門有罷參之說。談何容易。惟佛一人。方可罷參。若等覺菩薩。猶有一分無明習氣。不得云罷參。何況我輩。略有微末。知解所云見道。岑大虫所謂。因中涅槃。與教中見道。小乘是初果位。大遠在全仗悟後消識。功。力。使此牯牛。

東西不犯苗稼。偏不附物。正不立玄。變成露地白牛。要之習氣輕得一分。真性露得一分。卽牯牛白得一分。然不過暫時而伏。若真白得一分。卽圓教初住位。破一分無明。證一分真。如方始說得。迨至無明習氣破盡。直至佛位。方得全身露地白牛。現前也。後輩略有知解者。大約終身是調習時。惟視其功行緊怠。爲臨終得力與否之左券。此過去諸祖及盡未來際。宗門人皆然所宜與入室種草深細盤桓者也。至於在家縉紳先生。及士女流輩。其有大志。必欲一生了辦者。其苦參話頭。搜索逼索。剗截知解。如遇話頭橫生。見刺改換。消不過公案。作爲話頭。拚命參究。種種軌則。與出家兒毫無有異。此爲最上根器者。說知有之後。嚴守在家戒律。萬行莊嚴。是佛四衆弟子之列。亦可接引有緣後輩。不爲分外。但當道士大夫有應酬俗務。倥傯。那能如禪和一心專辦。惟心志慕道。必欲得最上乘。知見兼之。出仕省分。朝齊暮楚。不能與善知識三五載常聚一方。既與有緣。察其參情結秀。知見已正。稍爲私通車馬。放一線道。使其得般若之味。

從此猛加功熏以求其極免致一無所得或至異日遇有別緣全行退失此等手眼於出家中氣質弱劣而志真切者亦可依樣葫蘆斯則全在明眼宗師之作用矣至於平等士女發心參尋在男衆則有一家生計之累在女衆則有家人撓阻之艱均須格外體恤若能參究苦切而竟未得窺其門戶者亦須稍與平實商量知令途路以不負其來意然決須正見正知方與點撥所謂能入佛而不能入魔者則可如晦堂之吾無隱乎爾者則可如西天老祖之識得喚作佛性不識喚作精魂者則可降此則斷斷未可也古德接人差別眼目各各不同今略引一二則以見大端云爾宗門燈燈相續佛祖慧命攸關乃負荷佛法者第一件事昔首山沒汾陽昭師閉關高枕契聰讓之曰佛法大事靜退小節風穴懼應識憂宗旨墮滅幸有先師今已棄世汝有力荷擔大法今何時而欲高臥耶昭矍然起握聰手曰非公不聞此語促辦裝吾行矣然則宗眼圓明者急思肩任佛法盡力爲人何可坐視宗風掃地而不爲之扶持提唱耶僧問汾

陽如何是接初機句曰汝是行脚僧問如何是辨辨僧句曰西方日出卯問如何是正令行句曰千里特來呈舊面問如何是立乾坤句曰北俱盧州長粳米食者無瞋亦無喜昭又曰總將此四轉語勘驗天下衲僧了也大愚芝曰先師將此驗衲僧仔細思量將此四句總被天下衲僧一時勘破妙喜曰諸人要識大愚麼三年無改於父之道可謂孝矣伊庵曰今日宗師有將此四語驗人者否祖禪不了殃及兒孫

顯喻

佛祖接人有平實商量語所謂以言顯無言也其緊要開示已分見於禪源微參調習入聖各門然初機發悟處處逢源古德提持片片是錦凡有關啓關悟門指示修功者略於此門節錄之世尊示隨色摩尼珠五方天各說異色世尊藏珠擡手云此珠作何色天云手中無珠何處有色世尊歎曰吾示世珠便說有青黃等色吾將真珠示便總不知天悉悟梵志擎花兩株供佛佛曰放下志放左右手花已佛更詔放下志曰兩手皆空更放下甚麼佛曰汝當放外

六塵內六根中六識一時捨却無可捨處是汝免生死處。志悟無生忍。異見王問波羅提曰。佛性在何處。提曰。性作用處有八在胎爲身。處世爲人。在眼曰見。在耳曰聞。在鼻嗅香。在口談論。在手執捉。在足奔運。徧現俱該沙界。收攝在一微塵。識者知是佛性。不識喚作精魂。古德別云。不識是佛性。識得是精魂。妙喜云。敢問諸人。那箇是佛性。那箇是精魂。初祖安心法門云。迷則人逐法解。則法逐人解。則識攝色。迷則色攝識。但有心分別計較。自心現量者。悉是夢若識心寂滅。無一切念處。名正覺。問云。何自心現量。答見一切法有。有不自有心計作。有見一切法無。無不自無心計作。無又若人造一切罪。自見法王。卽得解脫。從事得解者。力強事中見法者。卽處處不失念。從文字得解者。力弱卽事卽法者。深運爲跳跟。悉不出法界。若以法界入法界。卽癡人。凡有施爲皆不出法界。心心體是法界。故問世人種種學問云。何不得道。答由見已故。所以不得道。已者我也。至人若不憂樂不喜由不見已故。所以不知苦樂。由亡已故。得至虛。

無已尙自亡。更有何物不忘也。問諸法既空。阿誰修道。答有阿誰。須修道。若無阿誰。卽不須修道。阿誰者亦我也。若無我者。逢物不生。是非是者我自是。而物非是也。非者我自非。而物非非也。卽心無心。是爲通達佛道。卽物不起見。名達道。逢物直達。知其本原。此人慧眼。開智者。任物不任已。卽無取捨。達順愚者。任已不任物。卽有取捨。達順不見一物。名見道。不行一物。名行道。卽一切處無處。卽作處無作處。無作法。卽見佛若見相。時卽一切處見鬼。取相故墮地獄。觀法故得解脫。若見憶想分別。卽受鑊湯爐炭等事。現見生死相。若見法界性。卽見涅槃性。無憶想分別。卽是法界性。心非色故。非有用而不廢。故非無。又用常空故。非有。空而常用。故非無。可祖云。夫謂古與今。今異古。復離四大。更有法身解時。卽今五陰心。是圓淨涅槃。此心具足。萬行正稱。大定四相寂滅。夫欲識心定者。正坐時知坐。是心知有妄起。是心知無妄起。是心知無內外。是心理盡。歸心心既清淨。淨卽本性。無外。唯一心是智慧。相明了。無動名自性定。三祖云。

欲知法要。心是十二部經根本。唯有一乘法。一乘者。一心是。但守一心。卽心真如門。一切法不出自心。唯心自知。心無形色。諸祖只是以心傳心。達者卽可。更無別法。又曰。一切由心。邪正在己。不思一物。卽是本心。唯智能知。更無別行。摘三祖信心銘云。至道無難。唯嫌揀擇。但莫憎愛。洞然明白。莫逐有緣。勿住空忍。前空轉變。皆由妄見。不用求真。唯須息見。二見不住。慎莫追尋。纔有是非。紛然失心。一心不生。萬法無咎。繫念乖真。昏沈不好。不好勞神。何用疏親。欲取一乘。勿惡六塵。六塵不惡。還同正覺。得失是非。一時放却。心若不異。萬法一如。要急相應。唯言不二。一念萬年。萬年一念。十方智者。皆入此宗。六祖云。因何聞法。不自開悟。緣邪見障。重煩惱根。深般若之智。亦無大小。迷心外見。修行覓佛。未悟自性。卽小根。若悟頓教。不執外修。但自心常起。正見煩惱塵勞。常不能染。卽見性。無相頌云。煩惱暗宅中。常須生慧日。邪來煩惱至。正來煩惱除。邪正俱不用。清淨至無餘。菩提本無性。起心卽是妄。淨心在妄中。但正無三障。正見名

出世邪見名世間邪。正盡打却。菩提性宛然。此頌是頓教。悟卽刹那間。此法門無念爲宗。無相爲體。無住爲本。無住者。本性於世間善惡好醜。冤親言說。觸刺欺爭。時並將爲空。不思酬害。念念中不思前境。若前今後念。相續不斷。名縛於諸法。念念不住。卽無縛。此是無住。爲本外離。一切相名無相。卽法體清淨。此是無相。爲體於諸境不染。曰無念。自念常離諸境。不於境上生心。若只百物不思。念盡除却。一念絕。卽死別處受生。大錯云。何立無念。爲宗。迷人於境上有念。便起邪見。一切塵勞妄想。從此生。自性本無一法可得。若有所得。妄說禍福。卽是塵勞邪見。又云。無者。無何物。念者。念何事。無者。無二相。無諸塵勞。相念者。念真如本性。真如是念體。念是真如。用真如。自性起念。六根雖有見聞覺知。不染萬境。而真性常在。故經云。善能分別諸法。相於第一義而不動。云何坐禪。此法門無障無礙。於一切善惡境。心念不起。名坐。明見自性不動。名禪。何名禪定。外離相。名禪。內不亂。名定。若著相心。卽亂。離相心。卽不亂。本性自淨。自定。只爲

見境思境卽亂。若見諸境心不亂者。是真定也。於念自見本性清淨。自修自行。自成佛道。示智常云。不見一法存無見。大似浮雲遮日。面不存一法守空。知猶如太虛生閃電。此之知見。瞥然興錯。認何會解。方便汝當一念自知。非自己靈光常顯現。永嘉覺參遶師三匝。振錫而立。師曰。大德自何方來。生大我慢。覺曰。生死事大。無常迅速。師曰。何不體取無生了無速乎。覺曰。體卽無生了。本無速。師曰。如是如是。覺方禮拜。須臾告辭。師曰。返太速乎。覺曰。本自非動。豈有速耶。師曰。誰知非動。曰。仁者自生分別。師曰。汝甚得無生之意。曰。無生豈有意耶。師曰。無意誰當分別。曰。分別亦非意。師曰。善哉。時謂一宿覺。立策告智隍。大定曰。我師所說妙湛圓寂。體用如如。五陰本空。六塵非有。不出不入。不定不亂。禪性無住。離住禪寂。禪性無生。離生禪想。心如虛空。亦無虛空之量。隍謁六祖。師曰。誠如所言。汝但心如虛空。不著空見。應用無礙。動靜無心。凡聖情忘。能所俱泯。性相如如。無不定時也。師告薛簡曰。煩惱卽菩提。若以智慧照破。

煩惱者是二乘見解。明與無明。凡夫見二。智者了其性無二。無二之性卽實性。實性者。凡不滅聖不增。住煩惱不亂。居禪定不寂。不斷不常。不來不去。不在中間。及內外不生不滅。性相如如。常住不遷。名曰道我。說不生不滅者。本自無生。今亦不滅。欲知心要。但一切善惡都莫思量。自入淨心。體湛然常寂。妙用恒沙。偈云。有情卽解動。無情卽不動。若修不動行。同無情。不動若覓真不動。動上有不動。不動是不動。無情無佛種。善能分別相。第一義不動。但作如此見。卽是真如用。又曰。法性本無生滅。去來依此修。不失宗旨。偈曰。兀兀不修善。騰騰不造惡。寂寂斷見聞。蕩蕩心無著。吉州思云。卽言語是汝心。此心是實相。法身佛與空齊壽。若入三昧門。無不是三昧。若入無相門。總是無相。隨立之處。盡得宗門。語言啼笑。屈伸俯仰。各從性海。發故得宗。名相好之佛。是因果佛。卽實相佛。家用一切時中。更無一法可行。自是得法。不以得更得。是以法不知法。法不聞法。平等卽佛。佛卽平等。不以平等更行平等。故獨一無伴侶。迷時迷於悟。悟時

悟於迷迷還自迷。悟還自悟。無有一法不從心生。不從心滅。是以迷悟總在一心。南岳思云。學者先須通心心。得通一切法。一時盡通。聞說靜不生。靜念即是本自靜。聞空不取空。譬鳥飛空。若住空。必有墮落患。無住爲本。自性體寂。而生其心。是照用。卽寂是自性。定卽照。是自性。慧定卽慧。體慧卽定。用離定無別慧。離慧無別定。卽定時是慧。卽慧時是定。卽定時無有定。卽慧時無有慧。性是如。故如燈是光。體光是燈。用卽定慧。雙修不相去離。牛頭融絕觀論問何者是心。答六根所觀。並是心。問心若爲答。心寂滅。心爲體。爲宗。爲本。心性寂滅。卽定。常解寂滅。爲慧。問何者是智。答境。赴解是智。問何者是境。答自身心性爲境。問何者是舒卷。答照用爲舒。心寂滅無去來爲卷。舒則彌游法界。卷則空迹難尋。問何者是法界。答邊表不可得名。見法界。覺禪師云。眼見一切色。眼不屬一切色。是自性解脫。緣禪師云。如有石尋常坐臥。或作佛像。畏罪不敢坐。是意識自忙。亂石中本無罪福。安禪師云。直心是道。直想直用。更不觀空。亦不

求方便。經云。直視不見。直念不想。直受不行。直說不煩。智達師心境頌云。境立心便起。心空境不生。若將心繫境。心境兩俱盲。境心各自住。心境兩俱清。悟境心無起。迷心境共行。若迷心作境。心境亂縱橫。悟境心元靜。知心境本清。知心無境性。了境心無形。境虛心寂寂。心照境冷冷。甘泉師云。發心入道。先須識本心。未識者以信爲先。信者信心是佛。無始輪迴只是不敢信。自心是佛。心外無別佛。舉動施爲。更是阿誰。如是解者。一念相應卽名佛。石頭祖云。汝心體離斷常性。非垢淨。湛然圓滿。凡聖齊等。應用無方。三界六道。唯是心現。水月鏡像。有生滅耶。汝知之無所不備。諸聖述言。欲顯法身本寂。同歸根耳。宗鏡云。此宗如何相應。答向卽背。近卽離。一門深入而忘覺。知是心中自證。法門先德云。諸祖共傳諸佛清淨。自覺聖智。真如妙心。不同世間文字所得。曹山云。從緣薦得相應疾。就體消停得力。遲警起本來無處所。吾師暫說不思議。故知諸聖皆用此一念心起時了。不可得。是真不思議。離此決無別無殊勝。豈非疾耶。

問如何卽是答是則第二頭非則第三首心智路絕。現量情消住此之時自然洞鑒。問絕却見聞如何覺。悟答只謂強覺妄知而能障道。唯當脫粘內伏。發自靈知根塵。既消光明頓發。今爲昧性拘文者。假以言詮。方便開示。直指出六根現用。常住無生滅性。與佛無異。親證現知。分明無惑。今且指見聞二性者。當見時卽自性祖曰。眼門放光照破山河大地。又應眼時若干日。萬像不能逃影質。是知明暗自去來。靈光終不昧。楞嚴經佛告匿王。汝三歲見河時。至年十三其水云何。王答如三歲時。乃至今六十二無異。佛言。汝面雖皺。而此見精性未嘗皺。皺者爲變。不皺非變。元無生滅。云何於中受汝生死。此因國王示疑。寄破斷見。方便分別生滅不生滅二性。若不執斷常見。則皆是實相。無生滅卽相恒眞。方稱究竟聞性者。楞嚴云。譬如人靜居十方。俱擊鼓十處一時聞。此則圓眞實。隔垣聽音響。遐邇俱可聞。五根所不齊。是則通眞實。音聲性動靜。聞中爲有無。無聲號無聞。非實聞無性。聲無旣無滅。聲有亦非生。生滅二圓離。是則常眞實。

故知聲塵自有無聞性。非生滅又非唯聞性。無生返觀聲塵亦無生滅。以從緣起自體全無。如來勅羅睺羅擊鐘一聲。問阿難聞不阿難言聞。鐘歇無聲又問聞不答不聞。又擊問聞不。又言聞。佛言聲消無聞。若實無聞聞性已滅。鐘聲更擊汝云何知。自是聲塵或有或無。豈聞性爲汝有無聞。實云無誰知無者。如夢中間春播聲聞性不昏縱。汝形消命光遷謝。此性云何消滅。乃至若棄生滅守於眞常。常光現前則汝法眼應時清淨。云何不成無上知覺。是以若了聞性卽成正覺。斯豈不是因言悟道。今依祖教更有一門。最爲省要。所謂無心何者。若有心則不安。無心則自樂。古云莫與心爲伴。無心心始安。若將心作伴動卽被心瞞。心生種種法生。心滅種種法滅。但得無心。境自不現。旣無對待逆順何生。以迎境生。惱以順境。事愛能令心動不安。今若無心坦然無事。不了無心之旨。雖對治折伏。其不安相常現前。又無心有二。一澄湛令無則是攝念。獨消覺觀漸至微細。二當體本無則直了無生。以一念起處不可得。故經云一念初起無。

有初相是真護念問本自無生妄從何起答爲不了本自無心名妄知本無心卽妄無所起真無所得問何故有心卽妄無心卽無妄答以法界性空寂無主宰故有心卽有主宰卽有分劑無心卽無主宰卽無分劑無分劑卽無生死問爲當離心是無心卽心得無心答卽心得無心問卽心是有心云何得無心答不壞心相而無分別問豈不辨知也答卽辨知無能所是無心也豈渾無用始是無心如鏡照物豈有心耶當知衆生恒自無心心體本來常寂常用常寂實性自爾非自有心方始用也只爲衆生不了自心常寂妄計有心心卽成境以卽心無心故心恒是理不得心相卽是衆生不生卽理無理故理恒是心不動心相卽是佛亦不生聖凡常自平等法界也又無心者不得作有無情見將心作無此卽成有若一切處無心如土木又成斷滅皆屬妄識是以稱不思議宗者以有無情見不及故問既不得作有無解如何是正了無心答石虎山前鬪蘆花水底沈問衆生皆有佛性云何不悟答如水淡味恒然著甘草甜下黃蓮

苦心水亦然起妄染則凡冥真空則聖性未嘗變異又不覺故不知有以不信故不承當但起無明空成倒想問凡聖皆用一心眞性成佛云何見有前後答見雖前後性且不虧衆生以無明夢未破覺道方未具則佛性未現法身未圓豈是不具如來藏性問如何是菩提相答約究竟菩提體常冥寂淨名云寂滅是菩提離諸相故若以無相之相方便門中不無顯示令初發菩提心人分明無惑如云寂照無二爲菩提相如鏡無心爲體鑒照爲用合爲其相亦卽禪宗卽體之用是知卽用之體恒寂知寂不二爲心相問有念卽生無念卽佛云何聖凡一等答衆生雖起念不知念本無念與佛無念等妄墮有念中佛得無念知念本無衆生雖現在念中佛知念卽無念斯則佛無念與衆生無念義同又衆生不知念空於念成事似有差別若了念空則苦樂境不執以境從念生心空則境何有既無有境相縛自除能所俱空誰生取著既不取著生死自無圓覺云知是空華卽無流轉亦無身心受彼生死問卽心成佛之宗佛祖本懷如

今信不及人。謂不現證。答若親見無一人而非佛。若不信無一佛而非人。迷則常作佛之衆生。悟則現證衆生之佛。妄見成差。本性恒一。問如何是即今之佛。答今一念起了。不可得無有處。所是過去佛。過去不有。未來亦空。是未來佛。即今念念不住。是現在佛。但莫執莫斷。不取不捨。則三際無蹤。一念圓具十法界。非因果而因果之法。如是則念念相應。念念成佛。凡聖悉等。故云了了識心。是心是佛。欲得早成戒心。是律。除此心王。更無別佛。華嚴論云。不如一念緣起。無生超彼三乘權學等見。問一念成佛。只入信門。如何得目前了了分明。而見答目前無物。是真見佛。以一切法性寂靜。故如是通達六根。所對無非見自性。如佛矣。此名真見道。真供養契如理之心。無見佛之想了自法性。是真供養寶雨經云。如理思惟。即是供養一切。如來謂一切不思惟。是真思惟。以頓悟一心。無法可思量。故問云。何親自現證得見自心之佛。答若以智求智。則成解解。背圓宗。若起照心。照則立境。隨照失旨。皆影事。不契斯宗。若了真心。自然無心合。

道妙德啓口問不二忘言入理顯真宗。問禪宗云。今須知諸佛出身處。如何。答石牛生象子。木女孕嬰兒。諸佛從中出。最初成道時。見即便見。不在意思。人問大梅云。神性獨立。學人不識。答誰教汝問。又問。莫不問者。便是。答若不是。是阿誰。如是問問神性。非聲色。師所示神性。學人只識得聲色。不識真性。答如大空藏衆寶。皆具福德。人見直捉明月寶珠。逼人見銅鐵類。非藏中無寶。亦非主藏者不與我。向汝道。性汝只見聲色。如今揚眉動目。彈指響咳。喃喃問答。總是此性。喚作大道。常在目前。雖在目前。難親。若上根聞便會。更不作諸惡。喚作一受當寂然。中根數數聞說。還會下根千萬與說。元來不會。雖記少許。如破布裏珠。出門遺漏。却知麼。問即心即佛。祖佛同證。云何不說非心非佛。答即心即佛。是表證。令親證自心了了見性。非心非佛。是遮證。即破執奪情。見依通意解妄認之者。以心佛了不可得。此乃權立頓教。泯絕無寄之門。言語道斷。心行處滅。亦是一機入路。若圓教。即此情盡體露之法。有遮有表。非即非離。體用相收理。

事無礙。今時偏重遮非之詞。不見圓常之理。所以祖師云。是心是佛。如牛有角。非心非佛。如兔無角。並對待強名邊事。若豁悟本心。是非頓息。不一向離起絕言見。不一向即起執指。譏若實親證。自宗尚無能證智心。及所證妙理。豈況更存知解乎。問信入此門。還有退否。答信有二。若正信堅固諦了無疑理觀分明。乘戒兼急。則一生可辦。誰論退耶。若依通之信。觀力麤浮。習重境強。遇緣即退。乃至但於佛法中種於信心。謙下無慢。敬順賢良。於諸惡人心常慈愍。於勝已者。咨受未聞。所聞勝法。奉行無忘。所有虛妄。依教蠲除。於三菩提道。常勤不息。夫為人生之道。法合如然。若不長惡而生。何須慮退。信煩惱即菩提。本來是佛。更無所進。如在虛空。退至何所。問既是無言之道。絕相之真。如何徧引言詮。廣明行相。答非言何以知無言。非相何能顯無相。華嚴云。了法不在言。善入無言際。而能示言說。如響徧世間。淨名云。夫說法者。無說無示。又云。無離文字說解。脫斯皆以言顯無言矣。華嚴云。色身非是佛。音聲亦復然。亦不離聲色。見佛神

通力。金剛經云。若見諸相非相。即見如來。斯皆以相顯無相矣。問生佛同體。何故苦樂有殊。答佛性法性。自了心源。妄想不生。不失正念。我我所心滅。即不受生死。即究竟常寂滅。以寂滅故。常樂自歸。衆生迷自性。不達本心。種種妄想。不從正念。故即愛憎。以愛憎故。心器破壞。即受生死。諸苦自現。欲知法要。守心第一。若人不守心。得成佛者。無是處。引仰山云。頓悟自心。無相。猶若虛空。寄根發明。即本性具恒沙妙用。無別所持。無別安立。即本地。即本土。引安國云。如夢好惡。知牀上安眠。全無憂喜。即識心見性。今聞作佛喜。聞入地獄憂。不達心性。在菩提牀上安眠。妄生憂喜。引大梅云。各自明心。達本得本。末自至心。是本。但心不附一切善惡而生。即知萬法本自如。如宗鏡釋云。如六祖道善惡都莫思量。自然得入心體。湛然常寂。妙用恒沙。以諸佛是極善。邊衆生是極惡。邊以善惡收盡一切。法故云。若不思量。全歸心體。如寒山云。萬境俱泯迹。方見本來人。未必須泯。只謂衆生不達空花起滅。不復一心本源。故令泯絕。若入心體。唯是湛然。

不落斷滅。自然從體起用。用徧恒沙。引千頃云。十惡五逆法。並從如來藏中現。本來是佛。只謂眾生起念奔流至今。所以佛令滅意。根絕諸分別。一念相應。便超正覺。豈教多知解。擾亂身心。汝今但絕見聞覺知。境上莫生分別。隨時著衣吃飯。平常心是道。此法甚難。有問。夜後無燈時。如何答。悟道人常光現。前有什麼。晝夜引雲居云。世出世間。自一念妄心有念。即是境見。即是心觀。自一念動。即恒沙世界。一時動觀。自一念常定。即六道眾生。悉常定。若了一念體。即恒沙世界。常現。自心中迷一心。即境智胡越。又宗鏡錄云。雖前引後證。文廣義繁。何厭重說。如大論云。譬搖樹果熟者。前落未熟者。更須後搖。又捕魚前網不盡。後網乃得。種種因緣。重說無答。問如何得契斯旨。答境智俱忘。如何說契。問如是則言思道斷。心智路絕。答此亦強言。雖欲隱形而未亡跡。問如何得形迹俱忘。答本無朕迹。如何欲亡。問如是則如人飲水。冷暖自知。當大悟時。方合斯旨。答此中亦無迷悟。合不合道理。撒手似君。無一物徒勞。苦說數千般。古德云。盡十

方世界。覓一人爲伴。不得。又云。只有一人承紹祖位。終無二人。若未親到。徒勞神思。此法一切凡聖大捨身命處。不入此宗。皆非究竟。問如何踐履。答教誰踐履。問莫不成斷滅否。答尙不得常住。云何斷滅。問乞最後一言。答化人同。幻士谷響。答泉聲。欲達吾宗旨。泥牛水上行。歐陽修問。高僧臨生死。談笑脫去。何道致之。答定慧力耳。問今何無有。答古人念念在定。臨終安得亂。今念念散亂。臨終安得定。問雲居。因何佛菩薩不被生死所拘。凡夫獨繫。此苦答於清淨性中。計有能所。即墮生死。佛菩薩善知清淨性中。不落有無。即能所不立。問即有了不了。人答了尙不可得。豈有能了人乎。汝應念淨性中。無有凡聖。亦無了不了。人凡聖俱是名。若隨名生解。即墮生死。若知假名不實。即無有當名者。此是究竟極處。若云我能了。彼不能了。是大病。見有淨穢。凡聖亦大病。作無凡聖解。又屬撥無因果。見有淨性可棲止。亦大病。作不棲止解。亦大病。然淨性中。雖無動搖。且不壞。方便應用及與慈悲。如是慈悲。即今清淨性。可謂見性成。

佛矣。問大珠如何得大涅槃。答不造生死業。問如何是生死業。答求大涅槃是生死業。捨垢取淨有證有得及不脫對治門。均生死業。問如何得解脫。答本自無縛。何用求解。直用直行是無等等。黃檗云人多謂境礙心事礙。理常欲逃境安心。屏事存理。不知乃心礙境。理礙事。但心空境自空。理寂事自寂。勿倒用心也。人多不肯落空。不知自心本空。愚人除事不除心。智者除心不除事。趙州問南泉如何是道。答平常心是道。問還可趨向也。無答。擬向即乖。問不擬爭知是道。答道不屬知。不知知是妄覺。不知是無記。眞達不疑之地。如太虛廓然。豈可強是非。耶師悟理。僧問趙州學人乍入叢林。乞指示。師曰吃粥了未。答吃了也。師云洗鉢盂去。雲門云且道有指示無指示。若言有。趙州向伊道甚麼。若言無。這僧爲甚麼悟去。皓月問了卽業障本來空。師尊可祖爲甚。却償債去。長沙岑曰大德不識本來空。問如何是本空。答業障是問。如何是業障。答本來空是偈曰假有元非有。假滅亦非無。涅槃償債一性更無殊。岑喚竺尙

書。書應諾。岑曰不是本命。問不可離却。今祇對別有第二主人。岑曰喚尙書作至尊得麼。問恁麼總不祇對時。莫非主人。岑曰非但祇對與不祇對。無始劫來是箇生死根本。偈曰學道之人不識眞只爲從來認識神。無始劫來生死本。癡人喚作本來人。妙喜拈曰祇對者既不是。却喚甚麼作本來人。良久云我恁麼道。且作死馬醫。僧舉洞山云兄弟東去西去。直須向萬里無寸草處去。良久云只如無寸草處作麼生去。石霜問有人下語否。答無霜曰何不道出門便是。草僧回舉洞山洞曰劉陽乃有古佛耶。太陽云便不出。亦草漫漫地圓通云且道脚跟下一句作麼生若道萬里無寸草。許你見洞山若道出門便是草。許你見石霜若道不出亦草漫漫。許你見太陽若總道不得許你參見延聖何故。惟有好風來席上更無閑語。落人間石霜曰初機先須識取頭其尾。自至疏山問如何是頭。霜曰直須知有如何是尾。答盡却。今時問有頭無尾。答吐得黃金堪作甚麼。問有尾無頭。答猶有依倚在。問頭尾相稱。答渠不作這箇解會。亦未許

渠在後僧問九峰如何是頭答開眼不覺曉問尾曰
不坐萬年牀問有頭無尾答終是不貴問有尾無頭
答雖飽無力問頭尾相稱答兒孫得力室內不知
夾山云明不越戶穴不棲巢六戶不掩四衢無踪學
不停午意不立立竿頭絲線從君弄不犯清波意自
殊張拙云光明寂照徧河沙凡聖神靈共一家一
念不生全體現六根纔動被雲遮斷除妄想重增病
趨向真如亦是邪隨順世緣無掛礙涅槃生死等空
花洛浦云末後一句始到牢關鎖斷要津不通凡
聖向道任汝天下樂欣欣我終不肯欲知上流不將
佛祖言教貼在額頭上如龜負圖自取喪身之兆直
須劫外明宗莫向言中取則是以石人幾似汝也解
唱巴歌汝若似石人雪曲應難和雲門問密密處
爲甚麼不知有古德答只爲密密所以不知有問此
人如何親近答莫向密密處親近問不向密密處如
何答始解親近門曰諸諾乾峰曰法身三種病二
種光須一一透過始解歸家穩坐須知更有向上
一竅在雲門出問爲甚麼庵內人不知庵外事乾峰呵

時當作壁

呵大笑雲曰猶是學人疑處乾曰子是甚麼心行雲
曰也要和尚相委乾曰直須與麼方解穩坐門應諾
諸雲門曰古宿爲慈悲故有落草談若出草之談
卽無與麼如仰山問僧近離甚麼處曰廬山又問曾到
五老峰麼曰不曾仰曰汝不曾游山此卽慈悲之故
有落草之談風穴參南院機鋒峻峭南院亦未辨
得他次日只尋常問云夏在甚麼處答與廓侍者過夏
院問向你道甚麼答始終只教某一向作主院便打
推出曰這般納敗闕漢有甚用處穴服膺一日院問
南方一棒作麼商量答作奇特商量穴却問此間作
麼商量院拈杖云棒下無生忍臨機不見師穴大徹
風穴舉南院云欲得親切莫將問來問會麼問在
答處答在問處雖然如有時間不在答處答不在
問處汝若擬議老僧在汝脚跟底大凡參學眼目直
須臨機大用現前勿自拘於小節設使言前薦得猶
自滯殼迷封句下情通未免觸途狂見應是向來依
他作解明味兩岐一切掃却直教如師兒啼吼一聲
壁立千仞誰敢正眼觀著觀卽睹却渠眼法眼因

沙塞井泉。問泉眼不通。被沙礙。道眼不通。被甚麼礙。自代曰。被眼礙。汾陽昭見老宿七十一人。後至首山。問百丈捲席意。旨首云。龍袖拂開全體現。昭曰。師意如何。首曰。象王行處絕。狐踪昭大悟。拜起曰。萬古碧渾空。界月再三撈。漉始應知有。問見何道理。便爾自肯曰。正是我放身心處。圓悟請益濟臨四賓主。怎生演祖曰。也只箇程限。是甚麼閑事。我這裏却是馬前相撲倒。便休演。謂悟曰。你也儘好。只是有些病禪。忒多。只是尋常說話。時多少。好有僧問。因甚。嫌人說禪。演曰。惡情。慧球云。欲得省要。却是山河大地與汝發明。其道既常。亦能究竟。若文殊門入者。一切土木瓦礫。助汝發機。若觀音門入者。一切音響。助汝發機。若普賢門入者。不動步而到。以此三門方便示汝。如將一隻折箸攪大海水。令彼魚龍知水爲命會麼。茫沖謂圓通旻曰。某墮金紫行。與此事稍遠。通呼內翰公。諾通曰。何遠之有。公躍然曰。乞再垂示。通曰。此去洪都有四程。公佇思。通曰。見卽便見。擬思卽差。公有省。吳居厚謁圓通曰。前問訥老透趙州。

關事如何。訥曰。且去做官。今不覺五十餘年。通曰。曾明得透。關事麼。厚曰。未甚。灑脫通度。扇曰。請使扇。厚卽揮扇。通曰。有甚不灑脫處。厚忽省曰。便請末後句。通乃揮扇。兩下厚曰。親切親切。通曰。吉獠舌頭三千。里覷。問通曰。是法非思量分別所能解。如何湊泊。通曰。全身入火。聚公曰。畢竟如何。會通曰。薰直去。公沈吟。通曰。可更吃茶麼。公曰。不必。通曰。何不恁麼會。公契旨曰。元來太近。通曰。十萬八千。公占偈曰。不可思議。是大火聚。便恁麼去。不離當處。通曰。咦。猶有這箇在。公曰。乞再示。通曰。便恁麼去。錯。是鐵鑊。圓通舉楊岐三脚驢話。有道宗師家。無固必有問。隨答作乾。無事會不見楊岐用處。乃至祖師千差萬別。門庭如何消遣。又有只向佛邊會。却與自己沒交涉。古人道。凡有言句。一一須消歸自己。又作麼生。又有只作自己會。棄却古人用處。惟知明自己事。古人方便。却如何消遣。既消遣不下。却似抱橋柱洗澡。要且放手不得。此亦是病。又有却去脚多少處。會此病最難醫也。所以他語巧。妙處學人卒難摸索。纔擬心。卽差也。

前輩謂之楊岐宗旨。須是他屋裏人到恁麼田地。方堪傳授。這公案直須透頂透底。漢方了得。直須向威音那畔。覷著提起。便行捺著。便轉却向萬仞峰頭。進一步可以坐斷。天下人舌頭。今有麼如無聽一頌三脚驢子。弄蹄行直透威音萬丈坑雲。在嶺頭閑不徹。水流澗底太忙生。湖南長老誰解會。行人更在青山外。王蕭問大隨云。某有箇見處。被人問却。開口不得。過在甚處。隨曰。過在有箇見處。隨却問。幾時到任。曰。去年八月。隨曰。爲甚麼道開口不得。蕭契悟。滿堂謂大慧曰。我這裏禪你一時理會得。說也說得。拈頌普說也做得。只欠這一解在。因若不得這一解。惺惺思量時。便有禪纔睡著。便無了。如何敵得生死。杲曰。正是某甲疑處。堂病亟曰。有箇勤巴子。汝必依之。可了汝事後。見園悟舉。東山水上行語。杲呈四十九轉語。悟不肯悟。一日舉云。天寧卽不然。若問諸佛出身處。但向道。薰風自南來。殿角生微涼。杲豁然悟。察杲雖得前後際。斷動相不生。却坐靜艱艱處。曰。不易。你到這田地。可惜死了不能活。不疑言句。是爲大病。

不見道懸崖撒手。自肯承當。絕後再甦。欺君不得。須知有這箇道理。每舉有句無句。如藤倚樹。問之杲。開口便曰。不是飯時。杲把箸在手。忘下口。杲曰。這箇道理。如狗看熱油。鑊欲舐舐不得。欲捨捨不得。悟曰。喻得極好。這便是金剛圈栗棘蓬也。一日杲問和尚。曾問五祖。祖道甚麼。悟述祖云。描也描不成。畫也畫不就。又問樹倒藤枯時。如何。祖云。相隨來也。杲曰。我會也。杲既大徹。反於數禪客有疑。悟曰。我這裏禪如大海。你將箇大海傾去。始得。若將鉢盂盛得些。是你器量如此。能有幾箇得到你田地。悟語杲云。近諸方盡成窠臼。我與佛鑑。佛眼。參禪。今佛鑑下有一種作狗子。叫鶻鴟。鳴取笑人。佛眼下有一種觀燈籠。指東畫西。如眼見鬼一般。我這裏且無這兩般病。杲曰。鑿石火閃電光。引得無限人弄業識。舉了便會了。豈不是大窠臼。悟不覺吐舌。乃云。休管他。我只以契證爲期。若不契證。終不放過。杲曰。契證卽得。第恐恁麼傳將去。舉了便悟了。硬主張鑿石火閃電光。業識茫茫未有了。日悟深肯之。雪巖云。處州書記說這工夫不

濟事動靜二相打作兩橛。我被說著真箇坐便有這境。纔拈提放箸都不見了他道。參禪須起疑。大疑大悟。小疑小悟。不疑不悟。我便提箇乾矢橛封了。被脅不沾席。行坐只是昏散。膠擾霎時乾淨。不得淨慈七兄弟坐禪。有修上座不在數。只是獨行獨坐蒲團坐。如鐵橛行時。挺起脊梁。我要近他說話。二年不得我。因不倒頭。昏散輾一團。不覺流淚起鄉念。自此都放下。兩月後再來參假。却得這一放十倍精神。元來究明此事。不睡也不得。須中夜爛睡一覺。方有精神。一日見修問。去年要與你說話。只避我。他道。辦道人無翦爪工。更與你說話。在我末後道。今被昏散打併不去。他云是你不猛烈。須是高著蒲團。豎起脊梁。三百六十骨脊。八萬四千毛竅。併作一箇無字。我依他提得轉力。轉見又散。到此盡命一提。忽見身心俱忘。目前如一片銀山。相似清清三晝夜。修問我對云。辦道他云。你喚什麼作道。不能對轉。加迷悶。首座云。你但大開著眼看。是什麼道理。被這一提。纔上蒲團。面前豁然開如地陷一般。說似人不得。尋修兄便道。且喜

且喜我與他柳堤行一轉。森羅萬象向來所厭棄物。與無明煩惱昏散元來盡自妙明真如性中流出。半月餘動相不生。可憐不遇大手眼尊宿。與我打併不合向者裏坐住。謂之見地不脫礙。正知見於睡著無夢想。聞見地又打作兩橛。寤寐恒一之說。又透不過礙在。曾中十年後來。東天目見一株古柏。觸著向來所得境界。和底一時颺下。自此不疑生死。不疑佛祖。方始見徑山老人立處。高峰參雪巖。方問訊。即打出閉門。再往令看一話頭。忽一日問誰與你拖這死屍來。聲未絕。即打不知幾。偶憶一歸何處話。疑情頓發。三晝夜目不交睫。擡頭親演祖真蹟云。百年三萬六千日。反覆元來是遮漢。打破拖死屍。疑見欽問誰拖死屍到這裏。便喝欽拈棒把住云。今日打某甲不得。欽曰。爲甚打不得。拂袖便出一日。欽問日間浩浩時。作得主麼。答作得主。問睡夢中作得主麼。答作得主。又云。正睡著無夢想。見聞主在甚處。無語。欽囑曰。從今日去。也不要你學佛學法。但飢吃飯。困打眠。睡覺來。却抖擻精神。我這一覺。主公畢竟在甚處安身。

立命自誓云。拚一生做箇癡漢。決要這一著子明白。越五載。同宿友枕墮地作聲。大悟。語學人曰。今負一知半解。不能了徹者。病在甚處。只爲坐在不疑之地。被參徒下一喝。不能辨邪正。蓋從前得處。莽鹵也。直須參到大徹田地。明得差別智。方能勘辨人殺活人。此吃折脚鐺飯底工夫。做到如二人同時下喝。那有眼那無眼。那箇深那箇淺。還辨得出麼。應庵舉白雲端云。悟了須遇人。始得若不遇人。只是箇無尾巴。獼猴纔弄出。使人笑。深信此道者。萬中無一私謂歷祖乘大悲願出世爲人。開示言句。洵屬美不勝收。茲門所錄。重重透發。心宗體段大備。倘能精細研察。儘可藉以徹了本來。其有欲融會淹貫者。更須徧閱古今燈錄。愈淵博而愈廣大者也。然須知古德示人千言萬語。匪其要有二。一悟門。二保任。未悟之先。自初學至久。參總須以悟門徹契爲入手。所謂大疑大悟。只貴子見地。不貴子行履是也。既悟後。自破參至臘。終全在功熏績密爲正行。所謂行解相應。那邊明白了。來這邊行履是也。如以兩者相較。則悟後工夫。

當無不自重已。靈自慶知有。卽逢緣懈怠時。知抱慚。或不至如癡狂輩。肆無忌憚。依前甘作博地凡夫。以辜負唐喪此生。知見若未悟。前則全在師家鉗錘妙密。學人志量宏深。不到徹頭不肯歇手。脫有纖毫消不過處。拚著十年廿載。必求透徹而後休。方得隻眼孤撐。種智深入。與佛祖把手同行。其於古人千差萬別。公案機用言句。如觀掌紋。悉洞鑒明了。纔不枉來閻浮一番。是以悟門一著。尤爲吃緊。須看古人參究榜樣。何等刻苦。何等勇猛。如大慧在湛堂座下。拈提皆會於門頭戶邊消息。已是七穿八達。少此一因。則終不了。當必待薰風南來。句始剝去一層。又必待相隨來也。句方徹法源底。則今時人略有所得。頓爾不疑。言句自滿足者。奚翅萬里崖州。又如雪巖已得動相不生了。知萬象森羅。皆妙明性流出。而無夢想處。打成兩橛。若非肯自刻苦。那有觸著古柏徹底打併時節。雪巖是過來人。便將此藥頭炙高峰之病。蓋無夢想見聞之際。是昏悶地位。明了意識不行。全沒撈摸處。不獨雪巖高峰二尊宿透不去。大約盡未來際。

禪客或得見聞覺知光影者。於此總必打成兩橛。其無志氣者。或強作血脈。不斷消解。或強謂誰求相見。理會更不求通徹。打併此是古今學人通病。若高峰以先得元來遮漢見地。已透拖死屍主。更不拚此一生。做猓漢。那得有五載後。枕子落地。徹悟因緣。寄語來哲。須知未透此關。總是有夢有想時。夾雜昭靈業識。非眞白淨主公也。且於古德言句中。如百丈云。靈光獨耀。獨字臨濟云。歷歷孤明。孤字洞山所云。三更初夜月明前。之初字前字。又古所云。父母未生前。主公安身立命處。句死了燒了。向甚麼處相見。句身裏出門難。句堂中事。作麼生。句庵內人。爲甚麼。不知庵外事。句種種此類。皆是浮面依稀影響。支吾消釋。斷斷不能徹底。萬分親切契證。似此廉纖粘滯籠統。支離自救。不能如何勘驗得。學人邪正深淺。承嗣得佛祖慧命。五體投地痛哭頂禮。願與諸來哲。具第一等人志氣。具第一等人剛骨。具第一等人猛烈。具第一等人眼目。平氣處衷我之所悟。倘不與無夢想主公安身立命處相應。決不肯將就模糊放過罷手。不計

歲月與之苦切。撕捥庶幾思之思之。鬼神通之絕後再甦。欺君不得。慶快生平。證得本分。清楚眞不愧爲少林兒孫。此則得得西來。老古椎所深望於常寂光中者也。

宗範卷上

宗範卷下

菩薩戒弟子 錢伊庵 編輯

機用

賓主相逢。師資互印。各出一隻手。扶起破沙盆。自佛祖遞傳迄今。凡燈錄所載。何能徧收。殆不止萬七千則已也。茲則擇其尤要者。略掇於後。兼繫諸家拈頌評唱。少誌一班。以備勘驗。相見軌式。雖不免得一漏萬之譏。或亦同一贊全鼎之味云爾。城東老母與佛同生。不欲見佛。每見便避。然回顧東西。總皆佛還以手掩面。於十指掌中。亦是佛雪竇曰。他雖是箇老母。宛有丈夫之作。既知迴避稍難。不免吞聲忍氣。今

不欲見佛則許你切忌以手掩面何故明眼人覩著將謂雪竇教你老婆禪 一女近佛坐入三昧文殊云何此女得近佛坐我不得佛令覺女起問之殊遶女三匝鳴指一下乃托至梵天盡神力不能出佛曰假使百千文殊亦出女定不得下方過四十二恒沙有罔明菩薩能出女定須臾罔明從地涌出鳴指一下女從定出洪覺範引大愚芝問文殊七佛師爲甚出不得罔明下方至彈指便能出莫對自代云僧投寺裏宿賊打不防家子愛其語偈曰出定只消彈指佛法豈用工夫我今要用便用不管罔明文殊雲庵舉曰文殊罔明見處有優劣無若無文殊何故出不得今擊鼓同到座前與罔明出女定是同是別良久云欲識佛性義當觀時節因緣若見得出家事畢解脫安樂喝一喝下座偈曰佛性天真事誰云別有師罔明彈指處女子出禪時不費纖毫力何曾動所思衆生總平等日用自多疑妙喜曰一種商量針線工夫郎君子弟禪謂文殊無緣罔明初地有緣下語云冤有頭債有主又謂文殊有心罔明無心故出得下

語云有心用處還成錯無意求時却宛然又道文殊出不得杓柄在女子手裏罔明出得如虫禦木又云因風縱火又云爭奈女子何種種邪解甚者作女入定出定勢推一推彈指一下哭蒼天數聲伏維衲拂袖之類冷眼看來慚惶殺人頭曰出得出不得是定非正定文殊與罔明送却窮性命 調達誘佛生入地獄佛令阿難問答如三禪天樂又問還求出不答我待世尊來便出難曰佛是三界大師豈有入地獄分答佛既無入地獄分我豈有出地獄分湛堂偈曰可笑提婆達多入捺落十萬劫波雖然如三禪天樂吹布毛還須鳥窠 殃崛至長者家值婦產難問何法免崛曰待問佛返白佛曰我從賢聖中來未曾殺生崛疾往婦聞當時分娩徑山果請益湛堂答這話是金矢法不會如金會得如矢問豈無方便答有箇方便只是你不曾崛云我乍入道待問世尊未到佛座他生下如何崛持佛語未到他家他已生下又如何果茫然後讀華嚴菩薩登七地證無生法忍即得入不動地一切動心境想分別皆息菩薩心佛心

菩提心涅槃心尙不起。況復起世間心。杲豁然堂說方便。忽然現前。頌曰。華陰山前百尺井。井中有寒泉。徹骨冷。誰家女子來。照影不照其餘。照斜領。伊庵蒙罩華藏。老人開示於數則。公案有滯。曾請益女子入定。老人作彈指勢。托至梵天。勢剗地。不會。後請益產難。老人咽曰。甚麼難。產口裏七箇八箇生。從此透盡古人言句。較湛堂所說方便。何等快利。真難報之恩也。

二僧論風旛。一曰。風動。二曰。旛動。六祖曰。不是風旛動。仁者心動。雪竇云。龍頭蛇尾。好與二十棒。孚上座咬齒竇云。我與麼道。也好與二十棒。妙喜曰。要識孚上座麼。犀因玩月紋生。角要識雪竇麼。象被雷驚。花入牙有人。與巴陵作主。出來與雪竇相見。育王崇頌。非風非旛。無處著。是風是旛。無著處。撩天俊鶻。悉迷踪。踞地金毛。還失措。呵呵。悟不悟。令人却憶謝三郎。一絲獨釣寒江雨。天台韶曰。斯乃無上心印。合作麼會。莫道風旛不動。汝心妄動。莫道不撥風旛。就風旛通取。莫道風旛動處。是什麼。有云。附物明心。不須認物。有云。色卽是空。有云。應須妙會。如是解。與祖

意有何交涉。既不許合。如何這裏徹悟。何法不明。豈是今會一則。明又不會也。僧問馬祖。離四句。絕百非。請師直指西來意。祖曰。我今勞倦。不能爲說。問智藏。去問西堂。堂曰。我今頭痛。問海兄。去問百丈。丈曰。我到這裏。却不會。僧回舉祖曰。藏頭白。海頭黑。圓悟云。有謂之相瞞。有道相推過。過有三。人總識他。問頭。所以不答。拍盲將醒。翻著毒藥。這僧將一擔。懷懂換。箇不安樂。勞三尊宿。入泥水。却被這擔板。勘破。今只管向語上。作活計。白是明頭。合黑是暗頭。合不知古人一句。截斷意根。須向正眼裏。看始得。此事如當人。按一口劍。擬議則喪身失命。要會藏頭白。海頭黑。麼。五祖道封后先生。破竈墮。不知姓氏。嵩嶽有廟。殿惟一竈。祭宰牲命甚多。師以杖敲竈。三下曰。只是泥瓦合成。聖從何來。靈從何起。恁麼烹宰物命。又打三下。竈乃墮落。須臾一人衣冠拜曰。我竈神久受業報。今蒙說法。得脫生天。持謝師曰。是汝本有之性。神再禮而沒侍者。問某久侍不蒙示誨。竈神得甚。徑旨便生。天師曰。只向道是泥瓦合成。麼。答不會。師曰。本

有之性爲甚不會侍禮拜師曰破也破也墮也墮也。安國師曰此子會盡諸法無生難構伊語。脈問未審甚人構得。安曰不知者。南陽喚侍者三喚三應。師曰將謂吾孤負汝却是汝孤負吾。妙喜云三喚話叢林有一絡索惟雪竇見透云國師三喚點即到喜云灼然侍者三應到即到不點喜曰却不恁麼謂吾負汝是汝負吾。竇曰謾雪竇不得喜曰誰道召衆曰好箇謾雪竇不得雖然竇亦謾妙喜不得妙喜亦謾諸人不得諸人亦謾露柱不得玄沙云侍者即會竇云停囚長智喜云兩彩一賽雲門云作麼生是國師負侍處會得也是無端竇云元來不會喜云雪峰道底雲又云作麼生是侍負國師處粉骨碎身未報得竇云無端無端喜曰垛生招箭法眼云且去別時來竇云謾我不得喜云却是法眼會與化云一盲引衆盲竇云端的瞎喜云親言出親口玄覺徵云甚處是侍者會處僧云不會爭解恁麼應覺云汝少會在又云於此見得便識玄沙喜曰慚惶殺人翠巖芝云國師侍者總欠會在喜云猶較些子投子云抑逼人作麼

竇云垛根漢喜曰理長即就復云唯趙州多口阿師下箇注脚令人疑著州答僧云如暗中書字字雖不成文彩已彰竇便喝喜曰且道這喝在國師侍者分上趙州分上隨一喝云不是命根五色索斷如何透得過竇云若有人問雪竇便打也要諸方檢點喜曰作賊人心虎竇頌師資會遇喜非輕喜云此語有兩負門無事相將草裏行喜云普州人送賊負汝負吾人莫問喜云放待冷來看任從天下競頭爭喜云只今休去便休去若覓了時無了時復云若求玄妙解會只管理會三喚話那裏是國師負那裏是侍者負有恁麼交涉鵝王擇乳素非鴨類這箇便是國師用劍刃上事。南陽睡丹霞問侍者耽源云在否答在即在只是不見客霞云太深遠生答莫道上座佛眼也覷不見霞云龍生龍子鳳生鳳兒師起聞打三十棒趁去震聞云不謬爲南陽國師德山策云旣在爲甚不見客見得破非唯知耽落節亦見已出身路雖然如是莫將閑學解埋沒祖師心。紫璘供奉註經南陽盛一碗水著七粒米碗面安一隻箸問是甚麼

義奉無語師云老僧意尙不會何況佛義。瀉山果云纔見問只云草本不勞拈出。踢倒便行。饒國師通身是口也。無說處。百丈上堂有老人曰。過去迦葉佛時。因參人問大修行人還落因果也。無某對不落因果。遂五百生墮野狐。今請代一轉語。貴脫狐身。師曰。不昧因果。老大悟禮曰。某已脫住山後。乞依亡僧送。師令食後送亡僧。衆聚議師領至後巖。以杖挑出死狐火葬。黃檗問錯對一轉語。墮五百生狐。轉轉不錯。合作箇甚麼。師云。近前向汝道。檍近前打一掌。師笑曰。將謂胡鬚。亦更有赤鬚。胡司馬頭陀舉問。瀉山作麼生。瀉撼門扇三下。答太麤。生瀉曰。佛法不是這箇道理。僧問徑山杲云。前百丈不落爲甚。墮答逢人但恁麼舉。問後百丈不昧爲甚。墮答逢人但恁麼舉。或有問師未審向道甚麼。答向你道。逢人但恁麼舉。頌云。不落不昧。石頭土塊。陌路相逢。銀山粉碎。拍手呵呵笑一場。明州有箇愁布袋。雪峰云。圓師問。舉野狐話。一云不昧也未脫得。一云不落又何曾墮。圓釋然因詣積翠庵。渡澗猛省。見南公敘其事。涕交頤。南

令熟睡。圓起作偈曰。不落不昧。僧俗本無忌諱。丈夫氣宇如王。爭受囊藏被蓋。一條柳標甚縱橫。野狐跳入金毛隊。南助喜。百丈問瀉山。并却咽喉唇吻作麼生道。瀉曰。却請和尚道。丈曰。不辭向汝道。恐已後喪我兒孫。又問五峰。峰曰。和尚也須并却。丈曰。無人處。斫額望汝。又問雲巖。巖曰。和尚有也未。丈曰。喪我兒孫。雪竇頌。却請和尚道。虎頭生角出荒草。十洲春盡花彫殘。珊瑚樹林日杲杲。和尚也并却龍蛇陣。上看謀略。令人長憶李將軍。萬里秋空飛一鶚。和尚有也未。金毛師子不据地。兩兩三三舊路行。大雄山下空彈指。麻谷到章敬。遠禪牀三匝振錫。一下立敬曰。是雪竇云。錯又到南泉。亦遠三匝卓錫。一下立泉曰。是不是。雪竇曰。錯谷曰。章敬道是爲甚。不是泉曰。章敬即是。是汝不是。此風力所轉。終成敗壞。雪竇頌。此錯彼錯。切忌拈却。四海浪平。百川潮落。大策高風。十二門門。門有路空。蕭索非蕭索。作者好求無病藥。園悟曰。須明兩錯始得。雪竇要提活潑潑處。所以如此。若皮下有血。漢自然不向言中作解。有道代

麻谷下兩錯。有甚交涉。不知古人下語。銷斷要關。這邊也是那邊。也是畢竟不在這兩頭。慶藏主云。持錫遶禪牀。是不是。錯其實亦不在此。鴻山詰云。道是道。不是均落麻谷殼。中大漚不然。忽有人遶牀立。但道未到這裏好。與三十棒。陸亘云。肇法師也奇怪。解道天地與我同根。萬物與我同體。南泉指牡丹云。時人見此花如夢相似。陸罔測。雪竇頌聞見覺知非。一一山河不在鏡中觀。霜天月落夜將半。誰共澄潭照影寒。圓悟云。南泉小睡語。雪竇大睡語。雖然作夢。却作得箇好夢。前頭說一體。這裏說不同。若道在鏡中觀。方曉了。則不離鏡處。山河大地。莫將鏡鑑。若將鏡鑑。便爲兩段。只可山是山水。是水。法住法位。世間相。常山河不礙眼光。且道向甚處觀。會麼。到這裏向霜天月落夜將半。這邊與你打進了。也那邊你自相度。還知雪竇以本分事爲人麼。誰共照影爲復自照。爲復共人照。須是絕機絕解。方到這境界。今也不要澄潭也不待霜天月落。卽今作麼生。徑山杲云。若理上看。非但南泉謾陸亘。不得亦未摸著他脚跟。一毫。

若事上看。非但陸亘謾南泉。不得亦未夢見他汗臭氣。或道徑山說事說理。但向他道。只在理事上會取。頌云。天地同根伸一問。未曾擡步已亡家。無陰陽地。花重發。玉本無瑕。却有瑕。法昌遇與訥首座。修花壇。舉泉話。你見似甚麼。訥云。只是一株花。遇云。麼你也在窠窟裏。訥云。古人意作麼生。遇云。拈磚來。訥拈磚了。又問。遇曰。古佛過去久矣。兩堂爭。緇南泉云。道得救取。緇道不得。卽斬衆無對。泉斬之。趙州歸泉。舉似州脫履。頂頭上出泉。曰。子若在卽救得。又歸宗。割草以鋤。斷蛇。僧見曰。原來是。纍行沙門。師曰。你纍我。纍問如何。是。纍師豎鋤。問如何。是。細師作斬蛇勢。問與麼。則依而行。師曰。依行且置。你甚處見我斬蛇。來。其僧無對。眞淨舉此一則公案。云。赤眼斬蛇。道你纍我。纍古人見處。作麼生。舉拂云。今舉拂與斬蛇。是同。是別。良久云。人人有箇天真佛。妙用縱橫。總不知。今日分明。齊指出。斬蛇舉拂。更由誰。又云。南泉歸宗。有優劣。無優劣。且置。趙州頂鞋出。又作麼生。於此明得。德山呵佛罵祖。有什麼過。若不明。丹霞燒木佛院。

主鬚眉落所以禍福惟人自召。喝一喝下座。妙喜曰。斬蛇斬貓。多謂當機妙用。又謂大用不存軌。則豈是這箇道理。具眼者舉起便知。落處若大法不明。打瓦鑽龜。何時了。雪峰問斬貓意。德山便打。趁出。復召云。會麼。答不會。德云。我恁麼老婆心。猶自不會。鹽官尙問覺印。斬貓案印曰。須是南泉始得。詰之尙不能對。至僧堂大悟。古人道。從今去。更不疑老和尚。舌頭信然。偈曰。須是南泉第一機。不知不覺。驚頭錐。覲面若無青白眼。還如鷓鴣守空池。舉未絕印。豎拳曰。正當恁麼時。作麼生。尙掀倒禪牀。印遂喝。尙曰。賊過後張弓。圓悟云。斬貓話有道提起處。便是有道在。斬處且得都沒交涉。他不提起。亦匝匝地。古人有定乾坤底劍。且道畢竟是誰斬貓兒。只如南泉提起云。道得卽不斬。當時忽有人道得。且道南泉斬不斬。所以道正令當行。十方坐斷。不在斬不斬處。若向情塵意見上討。則孤負南泉。但向當鋒劍刃上看。是有也得。無也得。不有不無也得。所以道窮則變。變則通。不解變通。只管語上走。南泉恁麼提起。只教人自薦。各各自用。

自知不恁麼。會卒摸索不著。又云。子在救得貓。眞箇恁麼不恁麼。趙州頂鞋出。他參活句。不參死句。須是自己運出家珍。方見古人全機大用。南泉云。喚作如如。如是變也。今須向異類中行。歸宗云。雖行畜生行。不得畜生報。師曰。孟八郎漢。又與麼去。南泉問道。吾名甚麼。吾曰。宗智。泉曰。智不到處。作麼生。宗吾曰。切忌道著。泉曰。灼然道著。卽頭角生。後問智不到處。作麼生。行履。吾抽身入堂。泉歸方丈。雲巖問。吾爲何不對。吾曰。汝不妨靈俐。巖却問。泉智爲甚不對。泉曰。他却是異類中行。不見道。智不到處。切忌道著。直須向異類中行。巖亦不會。巖後問。藥山。藥云。子作麼生。會無對。藥大笑。巖復問。如何是異類中行。藥曰。今困倦。且待別時。巖曰。某爲此來。藥云。且去。巖出。吾聞巖不薦。咬指血。出問。巖去。問作麼生。巖曰。不與說。吾便低頭。趙州云。異卽不問。如何是類。泉以兩手拓地。州近前。踏倒。向堂裏叫悔。悔泉令僧問。悔甚麼。州曰。悔不更與兩踏。南泉語僧。夜來好風。問甚麼。風泉曰。吹折門前一株松。問是甚麼松。又語一僧。夜來好風。

問甚麼風泉曰吹折門前一株松問是甚麼松泉云一得一失又趙州到一庵問有麼有麼主豎拳州曰水淺不是泊船處又到一庵問有麼有麼主豎起拳州曰能縱能奪能殺能活便作禮團悟云有道舌頭在趙州口裏不知已性命已屬他人若能握向上綱宗與二庵主相見便可以定龍蛇別縉素正好著力還知趙州落處麼定山云生死中無佛即無生死夾山云生死中有佛即不畏生死定不肯後見大梅來問那箇較親梅曰一親一疏來復問梅曰且去別時來來明日再問梅曰親者不問問者不親凌行婆問浮盃盡力道不得的句分付阿誰盃曰浮盃無剩語婆曰未到浮盃不妨疑著盃曰別有長處不妨拈出婆斂手哭云蒼天中更加怨苦盃無語婆曰語不知偏正理不識倒邪爲人即禍生後僧舉似泉泉曰苦哉浮盃被婆摧折一上婆聞笑云王老師猶少機關在澄一師問婆怎生是南泉少機關婆哭云可悲可痛一問措婆云會麼一合掌立婆曰伎死禪和如麻似粟一舉似趙州州曰我若見問教口啞一

曰未審怎生問州便打一曰爲甚麼打某州曰似怎伎死漢不打更待幾時婆聞却云趙州合吃婆手中棒後僧舉似趙州州哭云可悲可痛婆聞合掌云趙州眼光燦破四天下州令僧問如何是趙州眼婆乃豎起拳僧舉似趙州州作偈曰當機覲面提覲面當機疾報汝凌行婆哭聲何得失婆以偈答哭聲師已曉已曉復誰知當時摩竭令幾喪目前機丹霞取水佛燒向火院主呵霞撥灰曰吾燒取舍利主曰木佛何有舍利霞曰既無更取兩尊燒主自後鬚眉墮落保寧勇曰院主鬚眉落且置丹霞眉毛還在也無若見得與古佛同參若不見切忌撥無因果真淨云丹霞燒木佛院主鬚眉墮拈杖云不是木佛擲下云誰敢燒你擬即鬚眉墮不擬又如何高聲云行者拈取拄杖天童華曰人說院主起疑以致斯禍不知院主買鐵得金一場富貴僧問志瑄院主鬚眉爲甚墮志曰一人傳虛萬人傳實曰恁麼則不墮也志云兩重公案曰不曉再請益志曰箇袁虔吉頭上插筆僧問趙州如何是西來意師曰庭前柏樹子曰莫將

境似人師曰不將境似問如何是西來意答庭前柏樹子法眼問光孝曰聞趙州有柏樹話是否曰無眼云皆謂有此語何道無答先師實無此語莫謗好徑山云道有蹉過覺鐵嘴道無又蹉過法眼若道兩邊都不涉又蹉過趙州直饒總不恁麼別有透脫一路入地獄如箭射畢竟如何舉拂子云會麼喝一喝客問雪竇覺言趙州無此語眼何以肯之顯曰宗門抑揚寧有軌則乎韓大伯匿笑去顯問韓曰笑知客眼未正頌曰一兔橫身當古路蒼鷹一見便生擒後來獵犬無靈性空向枯椿舊處尋顯結爲友後顯於雪竇唱道舉有問雲門樹影葉落時如何門曰體露金風雲門答這僧耶爲解說耶有宗上座曰待老漢有悟處卽說顯驚視曰非韓大伯乎曰老漢警地也顯因乞升座說法趙州問僧曾到此間麼曰曾到師云吃茶去又問僧曰不曾到師云吃茶去院主問爲甚都叫吃茶去師召院主主諾師曰吃茶去睦州問僧趙州吃茶意作麼生僧云只是一期方便睦曰趙州被你一杓屎便打睦問沙彌你這生彌拜睦亦打

僧問彌打你作麼答不是我師不打某雪竇云這僧將一杓屎撥他二員古佛若辨得非惟趙睦二州雪屈亦乃翠巖與天下老尊宿無過辨不得到處潑人未了在問狗子有佛性也無趙州曰無問有情皆有佛性狗爲甚無趙云伊有業識在又僧問狗有佛性無趙曰有問既有爲甚入這皮袋趙曰知而故犯僧問臺山路向甚處去婆曰鶯直去僧去婆曰好箇師僧又恁麼去後有舉似趙州州曰待我去勘過遂問婆臺山路向甚處去曰鶯直去州便去婆曰好箇師僧又恁麼去州謂僧曰臺山婆爲汝勘破也曾學士問雪竇曾與清老商量端的有勘破處麼竇曰清道甚麼曾曰又恁麼去也竇云清老且置還知天下禪僧出這婆圈續不得麼曾曰這裏別有箇道處趙州若不勘破婆子一生受屈竇曰勘破子也玄覺云趙州去亦恁麼道何處是勘破又云非惟被趙州勘破亦被這僧勘破僧問萬法歸一一歸何處趙州曰我在青州作一領布衫重七斤雪竇頌編辟曾經老古錐七斤衫重幾人知而今拋向西湖裏下載

清風付與誰。僧問如何是法身夾山曰法道無相。問如何是法眼答法眼無瑕道吾不覺失笑曰和尚未有師在乃至請往華亭船子處去船子纔見便問住甚麼寺夾山曰寺即不住住即不似船子曰不似似箇甚麼夾山曰不是目前法船曰那裏學得夾山曰非耳目之所到船曰一句合頭語萬劫繫驢橛船又問垂絲千尺意在深潭離鉤三寸子何不道夾山擬開口被一橈打落水纔上船又擬開口船又打山大悟點頭三下船曰竿頭絲線從君弄不犯清波意自殊夾山問拋綸擲釣如何船曰絲懸綠水浮定有無之意夾山曰語帶玄而無路舌頭談而不談船曰釣盡江波金鱗始遇夾乃掩耳船曰如是如是囉曰汝向去須藏身處沒踪跡沒踪跡處莫藏身吾在蘗山只明斯事夾山辭行頻顧船豎起橈曰汝將謂別有乃覆船入水逝後道吾復遣僧問如何是法身曰法身無相又問如何是法眼夾山曰法眼無瑕僧舉似吾吾曰這漢此何方徹芙蓉楷曰忽問老僧如何是法身羊便乾處臥如何是法眼瞋便濕處尿更問作麼是法身買帽相

頭作麼是法眼坑坎堆阜夾山學處不明闍闍物捨不得老僧若不當陽顯示後學難以知歸勸汝不用求真惟須息見諸見若息智鑑洞明會麼珠中有火應須信莫向天邊問太陽。靈雲見桃花悟道偈曰三十年來尋劍客幾回落葉又抽枝自從一見桃花後直至如今更不疑。潞山囑曰從緣悟達永無退失。玄沙拈曰諦當甚諦當敢保老兄未徹在沙問地藏汝作麼生會藏云不是桂琛即走殺天下人妙喜云一家有事百家忙。頌沙語云打破鬼門關日輪正當午一箭中紅心大地無寸土伊庵曾請益華藏老人答曰即釋迦老子也未徹在。潞山問仰山甚處去來仰曰田中鴻云多少人仰插鉢叉手潞曰今日南山大有人刈茅仰拔鉢便行玄沙云我若見即踏到鉢子僧問插鉢意如何鏡清云狗啣敕書諸侯避道問沙踏倒如何答不柰船何打破屎斗又問南山刈茅如何清云李靖三兄久經行陣雲居錫云且道鏡清此一判著不著僧問明招古人意在插鉢處叉手處招喚僧僧諾招云還曾夢見仰山麼。香嚴云論

此事如人上樹口啣樹枝脚不踏枝手不攀枝忽有人間西來意不對達所問對他便喪身失命當恁麼時作麼生虎頭招云樹上卽不問未上樹時請道麼呵呵大笑雪竇云樹上道卽易樹下道卽難老僧上樹也致一問來園悟云頂門具眼底不向對不對處作解未舉已知落處若擬議覲面錯過或不落二邊對不對都不是作麼生却得見古人落處僧到石霜舉洞山云兄弟東去西去直須向萬里無寸草處去良久云只如萬里無寸草處作麼生去霜曰何不道出門便是草洞聞云劉陽乃有古佛耶太陽延曰直道不出門亦草漫漫地且道合作麼生行履良久云莫守寒巖異草青坐却白雲終不妙圓通善云且道脚跟下一句作麼生若道萬里無寸草許你見洞山若道出門便是草許你見石霜若道不出亦草漫漫地許你見太陽若總道不得許你參見延聖何故惟有好風來席上更無閑語落人間大覺問興化云你道拄杖頭不曾撥著一箇會佛法底憑甚麼道理與麼道化便喝覺便打化又喝覺又打來日覺曰

我直下疑你昨日這兩喝化又喝覺又打化再喝覺又打化曰我於三聖處學箇賓主句總被折倒願與箇安樂法門覺曰這漢來這裏納敗缺脫下裙衣竊打一頓化薦得臨濟吃棒底道理興化謂克賓曰汝不久爲唱導師答不入這保社化曰會了不入不會不入答總不與麼化便打曰克賓維那法戰不勝罰錢五貫設飯一堂次日又曰克賓不得吃飯卽出院雲居舜曰大冶精金應無變色興化令嚴不是克賓大難承當若汎汎之徒翻轉面皮多少時也徑山杲曰雲居拗曲作直然要作臨濟兒孫直須翻轉面皮始得廣道者問雲蓋智打維那案智下禪牀展兩手以舌示之廣打一坐具智云此是風力所轉又問石霜珠云你意作麼生廣亦打一坐具珠曰好一坐具只是你不知落處又問眞淨淨云你意作麼生廣亦打一坐具淨云他打你亦打廣大悟淨因頌曰丈夫當斷不自斷興化爲人徹底漢已後從他眼自開棒了罰錢趁出院洛浦參夾山叉手立夾山曰雞棲鳳巢非其同類出去洛曰自遠趨風請師一接夾

曰目前無闔黎此間無老僧。洛便喝夾曰。住住雲月是同。溪山各異。截斷天下人舌頭。卽不無爭教。無舌人解語。洛佇思。夾卽打。因茲伏膺。一日問朝陽。已升夜月。不現時。如何。夾曰。龍啣海珠。游魚不顧。洛大悟。雪峰作飯頭。飯遲。德山托鉢下法堂。峰曰。鐘未鳴。鼓未響。托鉢向甚處去。德便歸。方丈峰舉似巖頭巖。曰。大小德山。未會末後句。德聞喚巖。問不肯。那巖密啓其意。德乃休。明日陞堂。與尋常不同。巖至僧堂。拍掌笑曰。且喜老漢會末後句。他後人不柰伊何。雖然只得三年活。德果三年示寂。徑山杲頌一搗塗毒。聞皆喪身在其中。總不知八十翁翁入場屋。眞誠不是小兒嬉。僧到雪峰。以手托庵門。引身出曰。是甚麼僧。亦云是甚麼。雪低頭歸庵。庵僧辭到巖頭。舉前話。巖曰。他道甚麼。答他無語。巖曰。當時悔不向伊道末後句。若向道人不柰雪老何。僧至夏末。請益前話。巖曰。何不早問。答未敢容易。巖曰。雪峰雖與我同條。生不與我同條。死要識末後句。只這是雪竇頌末後句。向君說明。暗雙雙底時節。同條生也。共相知。不同條死

還殊絕。還殊絕。黃頭碧眼須甄別。南北東西歸去來。
夜深同看千巖雪。僧問徑山杲爲甚低頭歸庵。杲曰。
疑殺天下人。又問巖頭末後句。杲曰。若不同牀睡焉。
知被底穿。又問同條生不同條死。杲曰。殺人須是殺
人刀。活人須是活人劍。保福問與麼與麼不與麼
不與麼作麼生。羅山召福。福諾。羅曰。雙明亦雙暗。福
後問如何是雙明亦雙暗。答同生亦同死。別有僧問
福。同生亦同死時如何。福曰。彼此合取狗口。僧曰。和
尙收取口吃飯。其僧却問羅山同生亦同死時如何。
羅曰。如牛無角。問同生不同死時如何。曰。如虎帶角。
問洞山蛇吞蝦蟆救則是不救則是。洞曰。救則雙
目不睹。不救則形影不彰。幻寄曰。洪州廉使問馬祖。
吃酒肉是不吃。是祖曰。吃是中丞祿。不吃是中丞福。
人問國一師。郵舍刴羊一人救一人不救罪福異乎。
國曰。救者慈悲不救者解脫。此三尊宿一人雷轟電
掃。却墮見滲漏。一人珠輝玉潤。却墮情滲漏。一人山
高水深。却墮語滲漏。若能辨出有目如盲。若辨不出
有口若啞。更或道一模脫出。無有參差。搥胸大哭有。

日在雲門問洞山。洞山曰：「近離甚處？」答：「查渡。」問：「夏在甚處？」答：「湖南。」報慈問：「幾時離彼？」答：「六月二十五日。」門曰：「放汝三頓棒。」初，明曰：「問過在甚麼處？」門曰：「飯袋子。」江西湖南便恁麼去。初，大悟曰：「他後向無人煙處，不蓄一粒米，接待往來。」盡與伊抽釘拔楔，脫却布衫。教伊作箇無事衲僧。門曰：「你身如椰子，大開得如許大口。」初，禮拜圓悟曰：「只爲雲門語好，拈他情解，便發得洞山悟處。」如臨濟破大愚，拈他情見，便會得。徹後僧問：「如何是佛？」便道：「麻三斤。」看他那裏是安排得來。祖師門下一覷，便見雖然點破綱宗，要且意在未屑。時明眼漢沒窠臼，所以巖頭道若論戰也，箇箇立在轉處。向未屑時，一覷便見廓大一路，相似靈俐。漢疑著處一點便會。五祖演曰：「如牛過窗櫺，頭角四蹄俱過。」因甚尾巴過不去？高峰妙頌曰：「等閑放出這牛兒頭角分明，學似誰若同尾巴尖上。」會新羅鷄子過多時，雪巖學梁武問初祖如何是聖諦第一義，答：「廓然無聖。」武曰：「對朕者誰？」答：「不識。」帝不契。祖至魏後，武問誌公。誌曰：「陛下識此人否？」曰：「不識。」誌曰：「此是觀音大。」

士傳佛心印。帝曰：「當遣使去。」詔誌曰：「莫道陛下合國人追他，也不回。」初，祖與武一挨一拶，如兩鏡相照，問不容髮。無端被誌公向明鏡上彩畫，虛空翻成瑕點。武問第一義，教有真俗二諦。第一義，卽眞諦。答：「廓然無聖。」且道是爲武帝說，答他話，畢竟廓然無聖，理作麼生？第一義，義何所宗？兄弟到這裏，也須著些眼目。揣摩始得，往往盡道武被祖當面熱瞞，殊不知武是作家君王，到他面前一點也用不著。隨口便問對朕者誰？好兄弟遮一句大親切。祖到這裏，未免露出本來面目。道箇不識，武不契。又是放開漫天鐵網了也。後問誌公也要此話，大行。誌曰：「陛下識此人麼？」臂肘不向外曲，曰：「不識。」達磨元來猶在誌云：「此是觀音傳佛心宗。」和聲便好。一時屏出武曰：「當遣使詔能縱能奪，能殺能活。」誌曰：「合國人去，亦不同。」若同堪作甚麼？此是祖師門下第一箇話。頭頌者拈者，古今不知多少。未免盡道武疑過祖，誠謂刀刀相似，一箭尋常落一鵬。更加一箭，已相饒。直歸少室峰前，坐梁主休云：「更去。」招是白雲端頭多，謂落一鵬頌，廓然無聖，加一。

箭是頌不識如是識情計較。討什麼端和尚也末後二句只尋常俗語。凡宗門語不說體便說用。不說事便說理。若向者兩句親見白雲方知一句全體一句全用理事。雙全白雲與祖同帝在楊子江心握手。却在鳳凰臺上相逢。雪竇頌聖諦廓然何當辨的對朕者誰還云不識者四句一時頌了爲他才寬又下箇注脚道因茲暗渡江。豈免生荆棘。兩句占了多少田地。合國人追不再來千古萬古空相憶。休相憶。清風匝地有何極。要緊是者一句透得千七百則許你穿却且道落在什麼處。裏有祖師麼。喚來與老僧洗脚。保寧勇頌煉得通紅打一鎚。周遭無數火星飛十成好箇金剛鑽。難向門前賣與誰。四句子却無你下口處。無計較處。且道落在達磨武帝誌公何人分上。須是參始得。訥亦有頌西來十萬路。迢迢智鑑當軒影。莫逃四海浪平龍睡穩。九天雲淨鶴飛高。圓悟云武帝不識與達磨道底是同是別人多錯會。達磨是答他禪武是相識之識。且得沒交涉。誌公恁麼問何不。一棒打殺免見糝糊。雪巖舉馬祖坐禪死水不藏。

龍讓祖問圖什麼打草驚蛇。馬云圖作佛妄想不少。讓取轆去磨垂絲千尺。馬曰作什麼上鉤了也。讓曰磨作鏡意在深潭。馬曰轆豈成鏡已是照天照地。讓云磨轆不成鏡坐禪豈成佛露出本來面馬云如何。即是把定咽喉也。讓云牛駕車不行打車是打牛是喝云若於此喝下承當去莫問打牛打車和讓師手內轆百雜碎直得寒光炯炯洞徹山河。讓又曰汝學坐禪禪非坐臥佛亦非定相於無住法不應取捨若學坐佛即是殺佛未達其理馬聞如飲醍醐古人根利一撥便轉今人何不也思量打牛打車畢竟作麼生當知者便是金剛圈栗棘蓬試咬嚼看等閒咬著方知磨轆眞箇成鏡坐禪斷不成佛。頌曰萬法俱忘百念灰等閒薰鼻拽將回鏡光一照明如日直得木人心眼開。雪巖舉百丈再參馬祖卽日恭惟馬豎拂尊候萬福。丈云卽此用離此用強生分別馬掛拂舊處依舊孟春猶寒馬却問汝後將何爲人不可更別有也。丈亦豎拂好兒終不使爺錢馬云卽此用離此用毫髮無差丈掛拂舊處總離者裏不得馬震。

威一喝醜舉止丈大悟直得三日耳聾真箇麼往往道喝下大悟不知阿魏無真黃金無假古今老和尚不辨青黃獨雪竇較些子道大冶精金應無變色汾陽頌偶因無事侍師前師指繩牀角上懸舉放却歸本位立分明一喝至今傳順朱墳墨不是好手真淨頌客情步步隨人轉有大威光不能見突然一喝雙耳聾那吒眼開黃檗面大力量人語默裏轉却妙喜頌馬駒脚下喪家風四海從今信息通烈燄堆中撈得月巍巍獨坐大雄峰說道理則不無要見馬祖百丈遠在兄弟欲承當箇事如奔流疾燄眨眼劍去久矣丈纔見豎拂便折作兩段尤較些子無端問即用離用鼻繩落他手也便被拖拽至震威一喝却道大悟耳聾三日大屈哉還識羞麼山僧路見不平與一頌一喝當頭雷電奔人聞說亦闍消魂看來何止聾三日直到如今海嶽昏雪巖云山青水綠晝明夜暗皆正法眼藏光頭頭顯露萬劫不變壞臨濟却道向瞎驢邊滅莫是顛倒語麼可惜三聖不與他絕盡對道爭敢滅却扶起濟醉後添盃道忽人問作麼

道聖也好一喝只是遲三刻致被濟太阿到持盡大地人至今亡鋒結舌山僧路見不平要爲伊剗削濟將遷化入地獄有分在吾去世後不得滅正眼聖云怎敢滅已是掃土也濟道忽人問作麼道待問即答聖便喝忙作麼濟云誰知正法眼藏向瞎驢邊滅腦後見腮汝等向者裏還見臨濟也無若見正法眼向瞎驢邊滅若不見正法眼向瞎驢邊滅且道諸謁在甚處保寧勇頌出門把手再叮嚀往往事從叮嚀生路遠夜長休把火大家吹滅暗中行今義學道路遠夜長句是頌向瞎驢滅莫謗保寧好佛鑑頌瞎驢滅却正法眼出得兒孫滿大唐須信茫茫遠煙浪灼然別有好商量且道商量箇甚麼我也有頌殺活縱橫得自由懸崖撒手覓冤讐瞎驢滅却正法眼射斗寒光夜不收雲巖舉南院道諸方只具啐啄同時眼不具啐啄同時用與麼話非但屈辱諸方抑亦鼓弄他家男子啐母啄正恁麼時喚同時用即是喚同時眼即是者僧不辨端由未免上他鉤線問如何是同時用被南院向咽喉一捻道作家不啐啄啐啄同

時失者僧也會道此猶是學人問處南院翻一箇滾頭道你問處作麼生僧云失鰕跳不出斗院便打終是老婆心切僧不肯後雲門二僧舉一云當時南院棒折那冷地不甘僧聞有省八兩元來是半斤後往省覲千里迢迢任去來院已遷化相見已了乃訪風穴因行不妨掉臂穴問莫是問啐啄同時話底麼面目現在僧云是還識羞麼穴問當時作麼會僧云我當時如在鏡影裏相似不但當時穴曰汝會也冬爪印子仰山不然諸方只具啐啄同時用不具啐啄同時眼忽問同時眼聽頌同時啐啄不同時石火電光猶較遲鎧影裏行今已會蹉跎非是落便宜雪巖學洞山有一物上拄天下拄地黑律漆是什麼物既是常在動用中爲什麼動用中收不得問泰道過在什麼處泰道過在動用中被洞撥退果卓泰得果吃不得吃五祖別泰語道來朝更獻楚王看與過在動用中相去多少大滙云諸人還知洞落處麼且道落在什麼處道若不知往往作是非得失會自是大滙作者見解滙又道者果子非但泰不得吃盡大地人也

不敢正眼觀看觀著則瞎雲蓋云洞山雖有打破虛空的鉗鎚且無補綴底針線杜撰不少蓋又云待伊說過在動用中但云請吃果子不勞拈出蓋又道泰首座若是箇衲僧吃了也須吐却特地一場愁五祖大滙雲蓋三人與麼說要見洞山大遠在山僧別行一路有一物拄天拄地黑律漆拈拄杖常在動用中收不得過在什麼處卓一下當時若下得者一卓縱盡大地是一枚果子也須粉碎聽頌樹頭金果鐵團圓千聖猶難著眼看莫道臨機曾撥退當陽托出已和盤雪巖學風穴云若立一塵家國興盛野老寧蹙山河大地不礙眼光不立一塵家國喪亡野老安帖盡大地要覓纖塵不可得於此明得闍黎無分全是老僧三世佛祖齊立下風於此不明老僧即是闍黎盡大地人仰望不及老僧與闍黎亦能悟却天下人亦能迷却天下人人貧智短馬瘦毛長要識闍黎麼這裏是四五百條花柳巷二三千處管絃樓要識老僧麼這裏是有意氣時添意氣不風流處也風流只如雲門道者裏即易那裏則難又作麼生却須參始

得山僧到此已是口裏膠生未免借古人鼻孔別資一路拈杖云卽此見聞非見聞無餘聲色可呈君箇中若了全無事體用何妨分不分如不然更聽頌且看雙放更雙收有底歡聲無底愁一切聖賢如電拂大千沙界海中漚雪巖舉興化打中間案又打克賓案且道相去多少辨得便見興化八萬四千毫毛孔孔皆透不然聽注脚問四方八面來時如何是甚麼人化云打中間的棒折了也僧禮拜徧地是刀鎗化曰昨赴村齋值一陣卒風暴雨向古廟裏禪得過七佛以前也未有這箇消息諸人聞舉有不甘者麼出來對衆證據如無聽頌阿師昨日赴村齋幾被他人一窖埋暴雨卒風迴避得也成平地露屍骸高峰舉僧問不慕諸聖不重已靈如何香巖云萬機休罷千聖不攜臘月扇子疏山作嘔曰是何言歟巖云不肯那疏曰是胡來胡現巖曰汝莫道得麼答道得平地干戈巖云試道看疏云須還師資禮始得赤眼遇著火柴頭巖乃禮拜問疏曰何不道肯諾不得全草賊大敗巖云直饒恁麼道也須倒屣三十年設使

住山無柴燒近水無水吃分明記取棒打石人頭曝曝論實事後住疏山果如前記二老互相屈辱山僧從頭解注還分優劣也無若謂不分因甚倒屣三十年若謂分漏逗在甚處縈素得出非惟截斷天下人舌頭釋迦彌勒與你作奴亦不爲差不然更聽頌洞徹是非如夢幻轉身未免墮深坑須知別有通霄路不許時人造次行中峰舉瀉山問香巖父母未生前試道一句看賊無種相鼓籠嚴嚴無對不欠一絲毫屢乞說破胡餅裏討甚汁我說底是我底不干汝事將謂將謂元來元來嚴乃焚棄文字結茅自處錯擊竹作聲有省邪法難扶遙禮瀉山面皮厚多少若爲我說破何有今日事如何是今日事一擊忘所知那裏學得來更不假修持遠在動容揚古路礙塞殺人墮悄然機未敢相許處處無踪跡要眼作麼聲色外威儀莫謗他好諸方達道者那箇是威言上上機承虛接響所以道向自己胃中流出蓋天蓋地不是知音徒勞側耳寶葉源請益虛堂德山末後句若有德焉得不曾若無嚴又道德未會堂曰問首座詣

閒極雲。值濯足。亟進水。舉叩雲。掬水澆潑。曰有甚末後句。源不契見。堂堂曰。那那。我向你道。他會得源頭旨。朱心圓居士云。有道源無端。被雲老澆一杓惡水。堂公更向虛空裏添箇楔。不道不是。但洗腳水有甚滋味。湛然澄舉鼓山赴閩王請。因緣曰。雪峰道好。隻箭射入九重城裏去。早是拋鉤釣釣。孚曰。待勘過盲龜跛鼈。納敗缺了也。孚趁至中路歸。舉似峰大似把髻投衙峰云。他有語在。須知不是好心。孚云。老凍膿。猶有鄉情在。祇知食程不覺蹉路。峰便休。無齒大虫傷人不知痛。顯聖與麼判。久參定知雪峰做處。若初機切不得向三人分上著。脚直須自己有箇活路。始得心圓道者。公案大慧捉得賊子。雲門捉得賊魁。各具一隻眼。畢竟事主分上少檢點。在鼓山若是箇咬人師子。待云。忽遇三軍圍繞時如何。學面便與一掌。且教孚老。頰上彫兩行金印。將甚面孔見人心。圓雖然截直提持。還有代孚老原罪底一語在不得錯舉。密雲悟舉高峰海底泥牛銜月走四句內。有一句能縱奪能殺活。簡校得出參學事畢。高峰不妨奇。

特只是不經簡校。古南門云。簡校不妨簡校。只是無甚奇特。南澗門云。高峰坐斷。獅殿天下人沒奈何。因甚到者裏。却又忍俊不禁。一場敗露。山僧將老臘陳年骨董。傾撥諸人面前。還有向箇裏著得眼者麼。靠枕云。得行便行。得坐便坐。大小高峰一狀領過。不退勇云。狗脚鎗。盡街前去。老鼠偷鹽。咳嗽歸露柱堂前。驚破夢。開門雪裏放烏龜。內有一句有權實。有照用。能縱奪。能殺活。若簡得出。許汝買草鞋行。脚速道速。道僧擬議。勇直打出伊庵曰。還識得這一句否。且道高峰是那一句不退。是那一句雲門澄問石。兩方曰。趙州道狗子無作麼生。方曰。和尚著棋。某處知。心圓別云。合取屎孔。伊庵別曰。問他作麼。門問他道。有又作麼生。圓云。但掩鼻而出。伊曰。太無厭生。方矢口頌云。家家有幅遮羞布。圓曰。何不遮却。伊曰。還是傳家之寶。放下便能當雨。露圓曰。何不放下。伊曰。天晴不肯走。直待雨霖頭。獨怪當年老趙州。圓曰。兩重公案。伊曰。這賊。擲却頭巾。頂却荷圓曰。更賣弄在伊曰。頂過的草鞋。拋在甚處。門大喜。付以斷拂一枝。故。

號斷拂圓曰頭頂破袴手擎斷拂有甚體面伊曰不風流處儘風流。磬山修上堂維那擬白椎玉林琇喝住曰待我問了白椎問昔日大唐無禪師今還有麼修拈杖作打勢曰看棒琇喝修亦喝琇復喝轉身云不是狂兒多意氣祇因曾透上頭關便出修喝一喝琇亦喝遙聞重白椎琇高聲云歎死氣修舉拂語琇云此拂收放自由特付與你琇竟出修乃懸拂牀角琇後有出山意作禮曰師龜毛拂前放之公所一任大眾觀瞻今思事無一向作偈收之修云偈響琇拈拂使打修笑曰兒大欺爺琇云不勞讚和連打兩拂而退如上所錄歷祖機用拈頌微別箇箇示人活潑潑地如水上捺葫蘆捺著便轉指西話東欺胡謾漢千差萬別萬怪千奇諸來哲如能一一契證消歸自己本分便時時見天真之佛處處有出身之途殺活同時透脫自在不爲古人話訛堪作後人眼目斯非今日之禪狀元歟

綱宗

綱者提挈衆目之主。腦宗者匯合萬流之朝歸。故拈

花微笑我佛之綱宗也。拜立得髓初祖之綱宗也。六代傳衣五家分派孰不奉此綱宗爲正脈。盡未來際豈可越此拈花拜立之玄旨而別奉綱宗耶。今爲仰雲門法眼三宗。閨寂無傳姑置不論。若臨濟家人法照用賓主四喝三玄要及洞家君臣王子內外紹明暗正偏等名祇是當機接衆有此施設爪牙而後人崇此以爲臨濟曹洞宗旨末矣。今就燈錄所載略爲集錄以存大概。俾來哲了然徹照融會貫通。微特於自己消識功熏淘汰琢磨深有益其於接勸後學暗合古人軌則復出自己機杼神出鬼沒妙用難思便是臨濟洞山兩尊宿復現世間不亦盡善也夫。世尊觀明星悟道古德頌云因星悟道悟罷非星不逐於物不是無情。世尊靈山拈花示衆迦葉獨破顏微笑世尊曰吾有正法眼藏涅槃妙心實相無相微妙法門不立文字教外別傳付囑摩訶迦葉。初祖命徒言所得道副曰不執文字不離文字而爲道用祖曰得吾皮尼總持云我今所解如見阿閼佛國一見更不再見祖曰得吾肉道育曰四大本空五蘊

非有我見處無一法可當情。祖曰得吾骨髓。可禮拜依位立。祖曰得吾髓。南嶽讓謁六祖。祖曰何處來。答嵩山。祖曰什麼物。什麼來。經八載。乃曰說似一物。即不中。祖曰還可修證否。答修證即不無。染汙即不得。祖曰只此不汙染。諸佛之所護念。汝既如是。吾亦如是。汝足下一馬駒。踏殺天下人。衡嶽道一師坐禪。讓問圖甚麼。一曰圖作佛。讓取韞磨。一曰磨甚麼。讓曰磨作鏡。一曰磨韞豈得成鏡。讓曰坐禪豈得成佛。一問如何。即是讓曰如牛駕車。不行打車。是打牛。是一無對問。如何用心。即合無相三昧。讓曰汝學心法如下種。我說法要如天澤。汝緣合故。當見其道。問道非色相。如何能見。讓云心地法眼。能見乎。道無相。三昧亦復然矣。問有成壞否。讓曰若以成壞見者。非見道也。偈曰心地含諸種。遇澤悉皆萌。三昧花無相。何壞復何成。野鴨過馬祖。問是甚麼。百丈云野鴨飛過去也。馬扭丈鼻痛。失聲罵曰又道飛過去也。丈有省。歸寮哭。同事問馬云是伊會也。汝自問他。同事問丈乃大笑。次日祖纔升座。丈出捲却席。祖便下。

座至方丈。問我未曾說話。爲甚捲席。丈曰昨被扭鼻痛。今又不痛也。馬曰汝深明。昨日事。丈侍馬祖視牀角拂子。丈曰即此用離。此用馬問。汝向後開兩片皮。將何爲人。丈取拂豎起。馬曰即此用離。此用丈挂拂。舊處馬振威。一喝丈直得三日耳聾。黃檗參丈。問巍巍堂堂。從何方來。檗曰嶺南丈。問爲何事。檗曰不爲別事。禮拜問從上宗乘。如何指示。丈良久。檗曰不可。教後人斷絕去也。丈曰將謂汝是箇人。一日舉再參。話曰老僧被一喝。直得三日耳聾。檗不覺吐舌曰。今因舉得見馬祖大機大用。然且不識馬祖。若嗣馬祖。已後喪我兒孫。丈曰見與師齊。滅師半德。見過於師。方堪傳授。子甚有超師之見。臨濟問佛法的大意。黃檗便打。三度皆然。告睦州。今且辭去。睦告檗曰後生甚奇特。已後爲一株大樹。蔭天下人在。濟辭檗曰參大愚。必爲汝說。濟問愚三度被打。不知有過無過。愚曰檗與麼老婆心。爲汝得徹。因更來這裏問。有過無過。濟大悟曰元來黃檗佛法無多子。愚攔住曰這尿牀鬼子。適來道有過無過。今却道佛法無多見。

◆就或作讓

箇甚麼道理。速道速道。濟於愚肋下築三拳。愚拓開曰。汝師黃檗。非干我事。濟回檗云。這漢來來去去。有甚了期。濟曰。只爲老婆心切。舉前話。檗曰。大愚饒舌。待來痛與一頓。濟曰。說甚待來。隨後便掌。檗曰。這風顛漢來。這裏捋虎鬚。濟便喝。檗喚侍者引顛漢參堂去。濟後謂普化克符曰。我欲於此建立黃檗宗旨。且成就我二人珍重下去。三日後。普化問三日。前說甚麼。濟便打。克符問。打化作甚麼。濟亦打。此是臨濟一枝歷代相承之大綱宗也。臨濟曰。有時奪人不奪境。有時奪境不奪人。有時人境兩俱奪。有時人境俱不奪。克符問。奪人不奪境。濟曰。煦日發生。鋪地錦。嬰兒垂髮白如絲。問奪境不奪人。濟曰。王令已行天下遍。將軍塞外絕煙塵。問人境俱奪。濟曰。并汾絕信。獨處一方。問人境俱不奪。濟曰。王登寶殿。野老謳歌。諸方目爲四料揀。濟又云。中下根來。我奪境不除法。中上根便境法俱奪。上上根便境法人俱奪。如出格見解人來。便全體作用。不歷根器。到這裏。學人著力處。不通風。石火電光。卽過擬心。卽差。若限定動卽。忍交涉。

◆提疑境

有解者不離目前。大慧杲云。此事決不在言語上。若在言語。因甚達摩却道單傳心印。不立文字。語言直指人心。見性成佛。因何不說傳玄妙傳言語。事不獲已。說箇心性已。狼藉也要拔生死根。縱饒念得一藏教。喚作運糞入。却被障正。知見不現。只管理會心性。禪道枉費精神。古人一言半句。設箇栗棘蓬。教透若英露者。栗棘蓬是甚弄獼猴家具。蓋你不能一念緣起無生。一向在意識邊。向宗師口討玄妙。却被倒翻筋斗。自家本命依舊不知。落處當時克符問。臨濟不知那裏得此閑言語。還會麼。煦曰。句是境。嬰兒句是人。符頌曰。奪人不奪境。緣自帶諸譌。有甚諸譌。擬欲求玄旨。思量反責麼。誣人之罪。驪珠光燦爛。仙桂影婆娑。何不早恁麼道。覲面無差互。還應滯網羅。又被風吹別調中。大概在驪珠兩句上。是境思量者。人蹉過。覲面被語網羅。乃存境而奪人。王令句。奪境將軍句。存人符頌。奪境不奪人。尋言何處真也。須閑處作提防。問禪禪是妄。究理理非親。好事不如無。日照寒光。淡山搖翠色。新貧兒思舊債。直饒玄會得。也是眼。

中塵自起自倒日照二句是境直饒二句奪了也并汾二句入境兩奪符頌入境兩俱奪從來正令行已落第二不論佛與祖那說聖凡情買石得雲饒擬犯吹毛劍還如值木盲識法者懼進前求妙會特地斬精靈前箭猶輕後箭深正令既行不留佛祖如吹毛劍不可犯其鋒王登二句符頌入境俱不奪思量意不偏會麼是法住法位主賓言不異世間相常住問答理俱全添減一毫不得踏破澄潭月猶有這箇在穿開碧落天勞而無功不能明妙用動著即錯淪溺在無緣却依舊處若要分明得但向垂示處看有時奪人不奪境奪境不奪人有人境兩俱奪人境俱不奪恁麼便是若理會便不是莫道諸人理會不得妙喜也會不得許你聞不許你會如上解註齊聞齊會了臨濟意果如是乎若只如是臨濟宗旨豈到如今若記著一箇元字脚是第一等惡口生死根本也真要參禪百不會虛却心來共你理會 臨濟云我有时先照後用有时先用後照有时照用同时有时照用不同時先照後用有人在三山來云 先用後照

有法在三山云指 照用同時驅耕夫之牛奪飢人之食敲骨取髓痛下針錐照用不同時有問有答立賓立主合水和泥應機接物若是過量人向未學前撩起便行猶較些子汾陽云先照後用且共汝商量先用後照汝是箇人始得照用同時作麼生抵當照用不同時作麼生湊泊三山云僧來問甚處人或甚處來先照待伊定動或棒或喝是後用僧來便打便喝先用一法隨云還會麼汝道是甚麼意是先用後照僧來棒喝看他如何承當下語即用即照僧來云汝來也或打一棒看他如何支遣應答再作商量不拘一格是照用不同時徑山杲云有不受瞞的漢來道者裏甚麼所在說照說用說賓說主拽下椎一頓也怪不得 臨濟云有時一喝如金剛王寶劍有時如踞地師子有時如探竿影草有時一喝不作一喝用作麼生會三山云劍言快利難當截斷學人情見獅謂不落窠臼一吼羣獸腦裂稍犯便遭爪牙吞噬探竿驗學人見地深淺邪正當面欺瞞不作喝用千變萬化最玄最妙向者裏轉得身方見臨濟用處 臨

濟云賓主相見。學人拈一膠盆。子主不辨境上作模樣。被學人喝不肯放。喚作賓看主。師家隨學人問處。即奪學人被奪不肯放。是主看賓。學人應一箇境。知識辨得拋向坑裏。是主看主。學人披枷帶鎖。知識更與添一重。學人歡喜彼此不辨。是賓看賓。所學辨魔。知其邪正。賓看主位中符云。慣折驪龍頭上角。學人有鼻孔。主看賓位中符云。驅耕奪食看臨時。學人無鼻孔。主看主位中云。棋逢敵手。兩家有鼻孔。賓看賓位中云。盲瞽相逢。兩家無鼻孔。此則與臨濟全同。僧問賓中賓。克符曰。倚門傍戶。猶如醉此。亦學人無鼻孔。問賓中主。克符曰。目瞽瞋神不出頭。埋頭人不識。指學人有鼻孔。問主中賓。克符曰。高提祖印。利物帶悲。此賓字指利物。邊非師家無鼻孔。問主中主。克符曰。橫按鐵錐。全正令。此主字指師家機用。莫測言僧問賓中賓。雪竇云。滿面埃塵。此上賓字指用下賓。指不能用。問賓中主。寶云。玄沙猛虎。主字指能用。問主中賓。寶曰。月帶重輪。又曰。溫故知新。此體用雙彰也。問主中主。寶曰。大千捏聚。此體用雙泯。與洞家但能。

相續名主中主。合此條賓主。師家學家皆可說得。天目晦有四賓主。辨歸示辨中細心參看。僧問真佛。眞法眞道。臨濟曰。佛者心清淨。是法者心光明。是道者處處無礙淨光。是三即一。皆空名無實。山僧見處。與佛祖不別。若第一句薦得。堪與祖佛爲師。第二句薦堪與人天爲師。若第三句薦。自救不了。問第一句。濟曰。三要印開。朱點窄。未容擬議。主賓分。問第二句。濟曰。妙解豈容無著。問漚和爭負。截流機。問第三句。濟曰。但看棚頭弄傀儡。抽牽全藉裏頭人。乃曰。大凡演唱宗乘。一句中須具三玄門。一玄門須具三要有。權有實有。照有用汝等諸人作麼生。會南院問第一句。三要。語風穴隨聲便喝。問第二句。妙解。語穴曰。未問已前錯。問第三句。棚頭。語穴曰。明破即不堪。院許之神鼎。謹曰。若問我第一句。蒼天蒼天。第二句。有什麼驢漢。第三句。近前來。向你道。纔近前。便打。怎麼會也不負西來意。佛法不是磨。稜合縫底道理。直是嫌佛不作嫌法不說。方可珍重。僧問首山第一句。答大用。不揚眉。棒下須見血。問慈悲何在。答送出山門外。

問第二句答不打恁麼。驅漢問如何接人答如斯爭。柰何問第三句答解問無人答問對者是誰答莫使外人知問和尚第幾句薦得答月落三更穿市過僧問汾陽如何是學人著力處答嘉州打大衆問學人轉身處答陝府灌鐵牛問學人親切處答西河弄師子乃曰若人曾此三句已辦三玄更有三要語在切須薦取頌云三玄三要事難分得意忘言道易親一句明明該萬象重陽九日菊花新又云汝還會三玄底時節麼直須會古人意然後自心明去更得通變自在受用無窮喚作自受用身佛不從他教便識得自家活計問什麼活計答兩隻水牯牛雙角無欄捲復曰若要於此明得去直須得三玄旨趣始得受用無礙頌曰第一玄法界廣無邊森羅及萬象總在鏡中圓第二玄釋尊問阿難多聞隨事答應器量方圓第三玄直出古皇前四句百非外閭氏問豐干者箇是三玄頌作麼生是三玄旨趣直教決擇分明莫妄道曾親近和尚與我說了誑嚇他人吃鐵棒有日在又曰一句中須具三玄三要賓主歷然所以道粉骨

碎身未足酬一句了然超百億 三山來載濟宗八棒一觸令支玄棒三山云如宗師置一令學人不知避觸犯當頭支離玄旨師便打是罰棒二接機從正棒宗師接人當打而打謂之從正三靠玄傷正棒學人務奇特靠玄妙反傷正理師打亦罰棒四印順宗旨棒師示宗旨學人相應師便打是印來機名賞棒五取驗虛實棒學人纔到或進語便打是驗虛實不在賞罰類六盲枷瞎棒不辦來機一味亂打此師家過七苦責愚癡棒學人不分曉十分愚癡師疊打他八掃除凡聖棒凡情聖解一並掃除道得道不得皆打斷學人命根乃上上提持用棒最妙者名爲正棒 玉林琇云第一須發心諦當必專爲生死始得第二須工夫諦當參一話頭一生不透一生參今生不透來生參第三須悟處諦當不認識神不陷空豁不疑生死不疑古今不强作主宰不以鹵莽承當爲有力量不以硬差排爲不疑不以癡放狂亂爲大機大用不以顛頂爲透脫無餘若竿頭宜進而不進言句應參而不參不煩穿鑿而穿鑿不可抹殺而抹殺入

門一蹉深可痛哭。第四須師承諾。當不蹉過師家。相爲處否。不孤負師。隨後深雖否。洞明從上綱宗。否不施爲。偏重瞎人眼目。否若無真正宗師爲之打瞎頂門眼。雖有實悟爲人。則禍生尙已見。既偏投師。又謬邪毒入心。如油入麪。更或不知認錯。漫云自肯不受。人究竟謂之不被他轉。此等何足挂齒。第五須末後諦當。不透末後關。而言得大機大用。具本分草料。鮮不爲蠱惡狂徒。不知有此關。於古人參悟與悟後重疑不移前作後指。悟爲迷者。鮮矣。誘先聖誤後人。皆由不知向上一關。可不懼乎。第六須修道諦當。自己覺察。是頓悟頓修根器否。是果地善知識否。打成一片。速於香林否。不走作過。涌泉否。現業流識淨盡否。事事無礙否。行解相應。名祖試看。是何標格。第七須爲人諦當。決要人真參實悟。悟後達向上關。振決以見性。謂之悟。不可於人認識之。謬云有省於人。向念未生時。認妄爲真。印云有省寧細。嗣勿亂傳。前六自錯後一錯。人山僧與麼訓。亦是憐兒不覺醜。曹洞宗青原思問六祖當何所務。卽不落階級。祖問曾作

怎麼來答聖諦。亦不爲問落何階級。答聖諦尙不爲何階級之有。祖深器之。思令石頭遷持書讓和尙。曰。速回有箇錯。斧子與汝住山。遷至未呈書。便問不慕諸聖。不重己靈。時如何讓。曰。子問太高生。何不向下問。遷曰。寧可永劫受沈淪。不從諸聖求解脫。讓便休。遷便回。思問書達否。遷曰。書亦不通信。亦不達。去日蒙許錯。斧子便請思垂一足。遷禮拜。雲巖晟造藥山。藥問百丈有何言句。晟曰。有時衆立以杖趕散。復召衆衆回首。丈曰。是甚麼藥。曰。今日因子得見海兄。晟頓省禮拜。洞山价問雲巖。無情說法。甚人得聞。巖曰。無情得聞。問和尚還聞否。巖曰。我若聞。汝卽不聞。吾說法。洞曰。某爲甚不聞。巖豎拂曰。還聞否。洞曰。不聞。巖曰。我說汝尙不聞。豈況無情說法乎。洞曰。無情說法。該何教典。巖曰。彌陀經水鳥樹林皆念佛。念僧。洞有省。又問百年後有人問。還邈得師真否。如何祇對巖。良久云。祇這是。洞沈吟。巖曰。承當箇事。大須審細。洞猶涉疑。後過水。觀影大悟。偈曰。切忌從他覓。迢迢與我疏。我今獨自往。處處得逢渠。渠今正

是我我今不是渠。應須與麼會。方得契如如。洞問曹山名甚麼。曹曰。本寂問那箇。潛答不名本寂。洞深契之。授洞上宗旨。復問子向甚處去。曹曰。不變異處去。問不變異處。豈有去耶。答去亦不變異。此即洞曹一宗歷祖相承大綱宗也。洞作正偏五位頌云。正中偏。三更初夜月。明前莫怪相逢不相識。隱隱猶懷舊日嫌。古轍云。正中偏。就初悟此理時。立理是正。悟是偏。三更初夜黑表理。然以月明前顯黑。是黑顯時。便有明。猶理必由悟顯。理顯時却好是悟也。天童覺於相逢不相識。句著語云。雖然同共住。到底不知名。私謂相逢而仍不相識。却好是初悟景象。一相識即漏入陰界矣。然人往往錯過。都由於隱隱地。總倚舊日明了識爲依靠。此則雖相逢而全不明。了故云。猶懷舊日嫌。無聞聰問笑巖曰。子之父母何在。答有則有。只是佛眼覷不著某目。亦不見。若見即非真父母。偈曰。本來真父母。猛劫不曾離。起坐承他力。寒溫亦共知。相逢不相見。相見不相識。爲問今何在。分明舉似師。是此句註也。如以不識作不知解。亦可但淺薄。

矣。偏中正。失曉老婆逢古鏡。分明覩面別無真。休更迷頭猶認影。古轍云。就見道後。用功時。立功熏偏理。是正。失曉老婆表偏。古鏡表正。由奉重力兒更親前。但未能造理。尙在影象。故迷頭認影。正中來。無中有路隔塵埃。但能不觸當今諱也。勝前朝斷舌。才古轍云。此位是得法身。亦即正位。前半分是轉功就位。後半分是轉位就功。中間即尊貴位。無中正也。路偏也。隔塵埃。以方轉身。尙未入俗隔也。尊不可犯。犯即汙染。須善回互。從旁顯有語中無語。無語中有語。故勝斷舌才兼中至。兩刃交鋒。不須避好手。猶如火裏蓮。宛然自有冲天志。古轍云。就功位齊彰時。立正既來。偏偏必兼。正作家相見。縱奪互用。目不傷鋒。犯手如火。蓮無損。乃他受用三昧。是透法身大機。大用洞山離三渗漏。臨濟具三玄要。俱不出此兼中。到不落有無。誰敢和人人盡欲分常。流折合歸來。炭裏坐。古轍云。就功位俱隱時。立無正偏。迹故不落。有無及盡。今時還源合本。故歸炭裏坐。如佛說究竟涅槃。義乃自受用三昧。雖大用繁興了。無朕迹。有謂正中偏。作

體中發用釋偏中正作從用歸體釋者非是。雲巖寶鏡中如世嬰兒五相完具不去不來不起不住婆娑和和有句無句終不得物語未正故古轍引涅槃經云不能起住去來語言名嬰兒行如來亦爾如來不著諸法不能來者如來身行無動搖不能去者如來已到大涅槃不能語者如來為諸衆生演說諸法實無所說今以例法中具五位也重離六爻偏正回互疊而為三變盡成五原宗辨謬云以初二為初疊以三四為二疊以五六為三疊以初二爻為初變以二三爻為二變以三四爻為三變以四五爻為四變以五六爻為五變錯然則吉不可犯忤古轍云離初九辭錯然敬之无咎言正中尊貴位當錯然敬之不可觸犯所謂不觸當今諱也外寂中搖繫駒伏鼠古轍云外觀似寂中實搖搖如繫駒不忘馳伏鼠偷心在也如虎之缺如馬之鼻古轍云虎食畜不至耳馬立時四足中必一足鼻不著地此以例語忌十成也五位功勳僧問向答吃飯時作麼生又曰得力須忘飽休糧更不飢即君視臣也吃飯句謂日用間不

可須與忘却得力二句即聖化無為義洞山頌云聖主由來法帝堯御人以禮曲龍腰有時鬧市頭邊過到處文明賀聖朝問如何奉答背時作麼生又曰只知朱紫貴辜負本來人即臣奉君識得背是合塵便知奉是合覺朱紫二句謂當全歸白淨識勿倚任六識功熏為極則也洞頌淨洗濃粧為阿誰子規聲裏勸人歸百花落盡啼無盡更向亂峰深處啼問如何功放下鋤頭時作麼生又曰撒手端然坐白雲深處閑翻轉本體作功夫故云功由前把鋤奉重今即放鋤禾苗任運滋茂端然二句契入正位有無為而治景象洞頌枯木花開劫外春倒騎玉象趁麒麟而今高隱千峰外月皎風清好日辰枯木開花是此位功義月皎風清所謂深處閑也問共功答不得色又曰素粉難沈跡長安不久居古轍云前功是一色諸法俱隱今一色消諸法俱現不復得一色也素粉二句亦指前一色不可久居也洞頌衆生諸佛不相侵山自高兮水自深萬別千差明底事鷓鴣啼處百花新問功功答不共又曰混然無諱處此外復何求古

轍云由前共今則不共聖法亦不可得理事混然無迹造道極致更何求哉此幾於不動地無功可言然視妙覺位尚有無功之功在故云洞頌頭角纔生已不堪擬心求佛好羞慚迢迢空劫無人識肯向南詢五十三迢迢空劫是甚麼境界還知否涌泉欣曰我四十九年尙有時走作若識不盡輪迴不出但盡却今時始得成立喚立中功轉功就他去亦喚就中功相續大難若不知有啼哭有日在洞曰辨驗三種滲漏一見滲漏機不離位實在毒海明安云謂見滯所知若不轉位即在一色二情滲漏滯在向背見處偏枯明安云謂情境不圓滯在向背取捨是識浪流轉直須離二邊不滯情境三語滲漏究妙失宗機昧終始濁智流轉明安曰滯在語句失宗當機暗昧須有語中無語無語中有語始得妙音密圓也問如何行鳥道洞答不逢一人直須足下無私去問莫便是本來面目否答因甚顛倒認奴作郎問本來面目答不行鳥道洞山賓主句洞問龍山如何是主中賓答青山覆白雲又問主中主答長年不出戶問賓

主相去幾何答長江水上波問賓主相見有何言說答清風拂白月後洞問僧主人公答現祇對次洞曰認驢前底爲自己賓中主尙未明況主中主僧問主中主答自道取問某道祇賓中主如何是主中主答恁麼道即易相續也大難古轍載僧問廣德義賓中賓答蕩子無家計飄零不自知問賓中主答茅戶挂珠簾問主中賓答龍樓鋪草座問主中主答東宮雖至嫡不面聖堯顓洞山綱要偈一敲唱俱行亦名金針雙日金針雙鎖備古轍作挾路隱全該寶印當風妙重錦縫開古轍云初句言偏正並用次句言正偏互挾雖隱而弗顯正偏無不全該三句言正中妙挾之印當衆生機感四句因機感而五位皆顯二金鎖玄路偈曰交互明中暗功齊轉覺難力窮忘進退金鎖網鞵鞵古轍云明喻功暗喻正初借功趨位明中暗次借位明功暗中明至於功位齊彰猶貴功位並轉若窮而不轉則事理迹未消聖凡情未盡是謂玄路之鎖三不墮凡聖偈曰事理俱不涉回照絕幽微背風無巧妙電火爍難追古轍云此明正偏雙泯回照

非特無迹。卽幽微亦絕。三句謂有當機則巧拙斯形。此機感不到之地。有何巧拙。聖凡哉。卽兼中到位。曹山云。正空界本來無物。偏色界有萬象形。正中偏理。就事偏中。正事入理。兼帶者。冥應衆緣。不墮諸有。非染非淨。非正非偏。故云。虛玄大道。無著真宗。推此位最玄妙。僧問。君答妙德尊寰宇。高明朗太虛。問。臣答靈樞宏聖道。眞智利羣生。問。臣向。君答不墮諸異趣。凝情望聖容。問。君視。臣答。妙容雖不動。光燭本無偏。問。君臣道合。答。混然無內外。和融上下平。又曰。不欲犯中。此吾宗法要。偈曰。學道先須誠。自宗莫將眞際雜。頑空妙明體。盡知傷觸力。在逢緣不借。中出語直教燒。不著潛行須與古人同。無身有事超岐路。無事無身落始終。按無身有事。卽知有功也。無事無身。卽雙泯也。偈師云。此挺出寶鏡中。君臣二字下箇注脚。不與洞山五位全合。曹山五位圖頌。此曹所立。今依曹列序。次黑白圈。亦酌立所附之頌。諸本不同。今依一本繫於圈下期於字。總而已。●君頌。渾然藏理事。朕兆卒難明。威音王未曉。彌勒豈惺惺。按此若

與洞山合。應配兼中到位。○臣頌。白衣雖拜相。此事不爲奇。積代簪纓者。休言落魄時。按與洞合。或配兼中至位。拜相亦臣。非尊貴位。卽落魄時。貧子衣珠。儼在故配。臣●君視。臣頌。子時當正位。明正有作在君。臣未離兜率界。鳥雞雪上行。○臣向。君頌。皇宮初降日。玉兔豈能離。未得無功旨。人天何太遲。皇宮君所居然既降矣。卽本覺轉爲始覺。不離於明。雖奉重終屬功。而淹留於人天。故配臣向。君若與洞合。上卽正中偏。此卽偏中正。圈則當以上黑多下白少爲君視。臣以上黑少下白多爲臣向。君似不當以白上黑下。倒圖爲字。○君臣道合。頌。燄裏寒冰結。楊花九月飛。泥牛吼水。面木馬逐風。嘶如與洞合。配正中來位。惟次序不同耳。曹山四禁。莫行心處。路不挂本來衣。何須正恁麼。切忌未生時。古轍云。心有所趨。雖極玄亦偏蔽。必須心無處所。方是衲僧行履。本來衣指法身法執。不忘墮法身邊。正恁麼。早不恁麼。擬之卽失認。著父母未生前。空寂境界。乃墮空外道。曹山曰。夫取正命食者。須具三種墮。一披毛戴角。是類墮。

二不斷聲色是隨墮三不受食是尊貴墮三山來云披毛帶角乃異類中行若若滯落異類中須異類中有出身故類亦須墮拈云雖行畜生行不得畜生報不斷聲色隨聲逐色也若若不了落聲色中要知聲不自聲色不自色聲色本無因心假立須聲色中有出身路故隨亦須墮拈云見色非干色聞聲不是聲受食是今時事不受食是那邊事若執那邊落尊貴中須知那邊了却來這裏行履虛却尊貴位故亦須墮拈云不裝珍御服來著破襤衫又云滯三者中是墮落義向三中有出身是墮除義若論披毛戴角是類墮三句字面墮落義爲是若論曹山須具三種墮之言則墮除義爲是如上所註二義兼該大約須明轉位始得應時而食不受食害名正命食古轍云大修行人本無所住然亦隨處自在如鏡含萬象豈有滯礙故此墮字乃借義非實義也石霜五位王子誕生云貴裔非常種天生位至尊古頌天然貴胤本非功德合乾坤育勢隆始末一期無雜種分宮六宅不他宗上和下睦陰陽順共氣連枝器量同欲識誕

生王子父鶴騰霄漢出銀籠古轍云最初知有如王嫡子初生卽得灌頂是誕生位頌中始末句言不雜外紹之功上和句言順於父銀籠是一色超出一色始見尊貴喻之爲父也朝生曰白衣爲宰輔直指禁庭中頌曰苦學論情世莫羣出來凡事已超倫詩成五字三冬雪筆落分毫四海雲萬卷積功彰聖代一心忠孝輔明君鹽梅不是生知得金榜何勞顯至勳古轍曰祇在外朝居臣位非宮中生也此子全事外紹之功是臣種名王子者所謂外紹王種姓也頌末二句言由學而至終在臣職不登王位何勞有此哉末生曰尋途方覺貴漸進不知尊頌曰久棲巖穴用功夫草榻柴扉守志孤十載見聞心自委一身冬夏衣縑無澄凝含笑三秋思清苦高名上哲圖業就巍科酬極志比來臣相不當途古轍云末生言用功久而成頌首二句專顧本來人也十載句不重見聞一身句不著塵緣澄凝二句言恰神清虛恬淡皆合本意末二句轉功就位不立臣位私謂朝生則心心奉重末生則十八界枝末均以久熟而泯然一色化生

專指利他邊化生曰政威無比。況神用莫能僂頌曰。傍分帝命爲傳持。萬里山河布政威。紅影日輪凝下界。碧油風冷暑炎時。高低豈廢尊卑奉。五袴蘇途遠近知。妙印手持煙塞靜。當陽那肯露纖機。古轍曰。傍分帝化轉位就功之子。頌三句無私照。四句清熱惱。碧油漢太守幢名五袴。漢民歌曰。廉叔度來何暮。昔無繻。今五袴。言蘇民於塗炭也。內生曰。重幃休勝負。金殿臥清風。頌曰。九重深密復何宣。挂敝由來顯妙傳。祇奉一人天地貴。從他諸道自分權。紫羅帳合君臣隔。黃閣簾垂禁制全。爲汝方隅官屬戀。遂將黃葉止歸錢。古轍曰。長在深宮之內。功之極與父無異。卽理智一如冥合。不分之義。頌首句言與父合體寂爾。無言末二句。雖是無爲。有時應機說法也。天童立三一色。大功一色者。由功力成就。猶存功力也。正位一色者。理境之空寂也。今時一色者。事境之潔白也。天童覺四借。一借功。明位。頌末風休夜未央。水天虛碧共秋光。月船不犯東西岸。須信篙人用意良。二借位。明功。頌六戶虛通路不迷。太陽影裏不嘗

機縱橫妙展無私化。恰恰行從鳥道歸。三借借不借。借頌識盡甘辛百草頭。鼻無繩索得優游。不知有去成知有。始信南泉喚作牛。四全超不借借。頌霜重風嚴景寂寥。玉關金鎖手慵敲。寒松盡夜無虛竊。老鶴移棲空月巢。三山來云。借借不借。借正中來位。雖借借而實無借。借體用一如也。全超者。不住理事玄妙。有無體用。雙忘兼中到也。瀉仰宗百丈問。瀉山撥爐有火否。瀉撥曰。無丈撥少火。曰。汝道無這箇。瀉發悟丈曰。善。自護持。次日作務。丈曰。將得火來麼。瀉曰。將得來。拈一柴吹兩吹。遞與丈。丈曰。如蟲禦木。司馬頭陀談瀉山之勝。丈曰。能下語。出格。當與住持指瓶。曰。不得喚淨瓶。喚作甚麼。華林曰。不可喚作木椀。瀉踢倒瓶。出丈笑曰。第一座輪却山子也。瀉遂往焉。瀉問仰山。是有主沙彌。無主沙彌。答有主。問主在甚麼處。仰從西過東立。瀉異之。仰問如何。是真佛住處。瀉曰。以思無思之妙。反思靈燄之無窮。思盡還源。性相常住。事理不二。眞佛如如。仰頓悟此。卽瀉仰宗相承之大綱宗也。摘茶瀉謂仰曰。祇聞子聲。不見子形。

仰撼樹。瀉曰：祇得其用。仰問如何。瀉良久。仰曰：和尚祇得其體。瀉曰：放子三十棒。仰曰：某棒教誰吃。瀉曰：放子三十棒。瀉問涅槃經多少。是佛說多少。是魔說。仰曰：總魔說。瀉曰：已後無人。李子何仰。曰：慧寂卽一期之事。行履在甚麼處。瀉曰：祇貴子眼正。不說子行履。瀉睡起曰：適來得夢爲我原看。仰取水與師洗面。香巖來。瀉曰：我一夢寂子原了。汝更原看巖點茶來。瀉曰：二子見解過於驚子。一僧問訊仰。山向東叉手立。以目視師。仰垂左足。僧過西邊叉手立。仰垂右足。僧向中間叉手立。仰收雙足。僧禮拜。仰便打僧騰空去。僧問仰識字否。答隨分。僧右旋一匝曰：是甚字。仰地上書十字。僧又左旋一匝曰：是甚字。仰改十作己。僧畫○相以兩字。拓如脩羅掌。日月勢曰：是甚字。仰畫⊗相。僧作婁至德勢。仰曰：如是如是。此諸佛所護念。善護持。僧禮謝騰空去。仰謂道者曰：此西天羅漢來探吾道。吾以義爲汝釋。此是八種三昧。是覺海變爲義海。體則同然。此義合有因有果。卽時異時。總別不離。隱身三昧也。幻寄曰：圓相卽拈花吹

毛一揆。直示全提。人天眼目。載圓相總六名曰：圓相。暗機義海。字海意語。默論有曰：④縱義⑤奪義⑥相肯⑦許相見⑧此爲舉函索。蓋答以△則函蓋相稱。○此抱玉求鑒。書某字答④此鉤入索。續於△字側。加ㄥ答成寶器相⑥已成寶器相。書土字答⑤此立印。玄旨相衆相不著。也是猶市賈私爲誌驗。謂入聖位者所建法幢。乃如是乎。又以三種生爲大圓宗旨。想生相生。流注生。此出楞伽經在。示辨中解。香巖本來照頌曰：擬心開口。隔山河。寂寞無言。也被訶舒展。無窮又無盡。卷來絕跡。已成多寂。照頌不動如山。萬事休澄。潭徹底。未曾流箇中正。念常相續。月皎天心。雲霧收常照。頌四威儀。內不曾虧。今古初無間斷。時地獄天堂。無變異。春回楊柳。絲如絲。仰山臨終偈曰：一二三子。平日復仰視。兩口一無舌。此是吾宗旨。龍潭智頌：一二三子⑨字清風起⑩來勘不就⑪乃爭綱紀。平日復仰視。兒孫還有異。未辨箇端倪。出門俱失利。兩口一無舌。止止不須說。西天僧到來。烏龜喚作鼈。此是吾宗旨。揚聲囉囉哩。鏡智出三

生吹到大風止。雲門宗龍潭信請示心要。天皇曰：汝擎茶。吾接汝行食。吾食汝和。南吾低頭。何處不示心要。信低頭良久。皇曰：見則便見。擬思即差。信開解問：如何。保任答：任性逍遙。隨緣放曠。但盡凡心。別無聖解。德山到龍潭曰：久懣龍潭。及到來潭。不見龍。又不理。潭引身云：子親到龍潭。德無語。一夕潭曰：更深何不去。德出復入云：外面黑。潭度紙燃與德。德撥接潭吹滅。德大悟。禮拜曰：從今更不疑天下老和尚舌頭也。雪峰問德山：從上宗乘。學人還有分也。無德打一棒曰：道甚麼。峰不會。請益德曰：我宗無語。句實無一法。與人峰有省。後鰲山阻雪。坐禪巖頭曰：每日牀上坐。似七郎土地。他時魔昧人家男女。在峰點。曾曰：這裏未穩。去頭曰：若實如此。據你見處。通來。是與汝證明。不是剗却。峰曰：聞鹽官舉色空。義得箇入處。頭曰：此去三十年。切忌舉著。峰又云：閱洞山過水。偈前四句有得。頭曰：若與麼自救。也未得。在峰又舉德山打一棒道：甚麼處。當時如桶底脫相似。頭喝云：從門入者。不是家珍。峰曰：如何。即是。頭曰：他後如。

欲播揚大教。一一從自己。臂中流出。與我蓋天蓋地。去峰大悟曰：今日始是。鼇山成道。僧問：如何是觸目。不會。道：運足焉知路。雪峰曰：蒼天蒼天。僧不會。問雲門。門曰：三斤麻。一疋布。僧曰：不會。門曰：更有三尺竹。峰聞喜曰：我常疑這箇布。衲。雪峰曰：南山有一條鼈。鼈蛇汝等。切須好看。長慶出曰：今日堂中。大有人喪身失命。雲門以拄杖攬向師前。作怕勢。真淨曰：雲門拽拄杖。攬作怕勢。爲蛇添足。此是雲門。宗相承大綱宗也。雲門曰：光不透脫。有兩般病。一切處不明。面前有物。是一三山來。云：聞聲見色。隨轉隨轉。驢糞從他。換眼瞞。此是物上。雖不分青黃長短。而即認此光爲自己之病。又透得一切法空。隱隱地似有箇物。相似。亦是光不透脫。前是著所邊。此則著能邊之病。又云：法身亦有兩般病。得到法身。爲法執。不忘己見。猶存坐在法身邊。是一直饒透得。法身去放過。即不可仔細檢點。將來有甚麼氣息。亦是病。妙喜曰：此是雲門據實而論。透過法身。今人爲極致。雲門反以爲病。不知透過法身了。合作麼牛。到這裏。如人飲水。冷暖。

自知不著問別人問則禍事也。雲門一字關問殺父母佛前懺悔殺佛祖甚處懺悔答露問了卽業障空二祖是了不了答確不備錄。雲門每見僧則顧卽曰鑒僧欲酬則曰咦以爲常故曰顧鑒咦密師抽去顧但頌鑒咦謂之抽顧頌曰相見不揚眉君東我亦西紅霞穿碧落白日繞須彌覺範曰今兒孫失其旨以怒目直視爲不認聲色名舉處使薦可悲可痛。雲門曰函蓋乾坤目機銖兩不涉世緣作麼生承當自代曰一鏃破三關密師離爲三句一函蓋乾坤句二截斷衆流句三隨波逐浪句圓悟曰本真本空一色一味非無妙體洞然明白函蓋句也本非解會排疊將來不消一字萬機頓息截流句也若許他相見從苗辨地隨波句也首山拈函蓋句曰普天匝地截流句曰不通凡聖隨波句曰有問有答。僧問如何是道巴陵鑒曰明眼人落井問吹毛劍答珊瑚枝枝撐著月問提婆宗答銀盤裏盛雪鑒不作副書將三轉語上雲門門曰他日老僧忌辰只消舉此三轉語作供足矣。雲門綱宗頌曰康氏圓形滯不明。

魔深虛喪擊寒冰鳳羽展時超碧漢音鋒八博瓊何憑一是機是對對機迷關機塵遠遠塵棲夕日月中誰有掛因底底事隔塵迷二喪時光藤林荒園人意滯肌底三咄咄咄力口希禪子呀中眉垂四上不見天下不見地塞却咽喉何處出氣笑我者多晒我者少五按此頌是大悲圓滿陀羅尼紫浮集人天眼目中略爲解釋似覺出自創論。法眼宗雪峰將三箇木毬一時拋出玄沙作斫牌勢峰曰汝親在靈山方得如是沙曰也是自家事一日峰輟出木毬沙捉來安舊處。玄沙問夾籬處有佛法也無峰撼籬一下沙曰某不與麼峰曰作麼生沙曰穿過籬頭來。玄沙以上根罕遇作綱宗三句曰第一句且自承當現成具足都汝心王所爲全成不動智於宗旨猶是明前不明後一味平實分證法身之量若知出格到手便轉不墮平懷之見是謂第一句綱宗也不著平常縱奪隨宜二理雙明不被二邊所動妙用現前是謂第二句綱宗也知有大智性相之本通其過量之見應用無方全用全不用方便喚作慈定之門是謂第

三句綱宗也。羅漢琛侍沙令侍者。閉却門問汝作麼生出去。琛曰。喚甚麼作門。地藏問法眼。山河大地與自己是同是別。眼曰。別。藏豎兩指。眼曰。同。亦豎兩指。便起去。雪霽辭藏去。藏曰。尋常說三界惟心。指片石曰。在心。心外眼曰。心內。藏曰。行脚人著甚麼來。由安片石在心頭。眼窘放包求決。日呈解。藏曰。佛法不恁麼。眼曰。某辭窮理絕也。藏曰。若論佛法。一切現成。眼大悟。此法眼宗相承大綱宗也。法眼三界惟心。頌曰。三界惟心。萬法惟識。惟識惟心。眼聲耳色。色不到耳。聲何觸眼。眼色耳聲。萬法成辦。萬法匪緣。豈觀如幻大地山河。誰堅誰變。華嚴六相義。頌曰。華嚴六相義。同中還有異。異若異於同。全非諸佛意。諸佛意總別何曾有。同異男子身中入定時。女子身中不留意。不留意絕名字。萬象明明無理事。人天眼目云。一心約攝諸法。得總名。能生諸緣。成別號。法法皆齊。爲同。相隨相不等。稱異。門建立境界。故稱成。不動自位而爲壞。僧問。如何是曹源一滴水。眼曰。是曹源一滴水。韶師聞大了悟。白眼曰。汝向後爲國

王師。韶國師四料揀。聞放三山頌。萬籟傳聲。無彼無此。放開耳門。都在裏許。聞不聞。收三山頌。猿啼鳥吟。落花流水。是聲非聲。歸真亦爾。不聞聞。明三山頌。剛到長松下。又從幽澗過。蹉跎泉石裏。逐處演摩訶。不聞不聞。唐三山頌。四方咸問道。覲面不通風。小軒^幹天地老。一枕夢周公。韶國師宗風。頌通玄峰頂。不是人間心。外無法。滿目青山。上錄五家綱宗言句。略示門風。切勿泥滯。師子兒。把得便用。踏毗盧頂上行。一槩頭。豈爲備。侗雜貨舖。誰道支離者。裏一也。無何有。於五家盡。從此中出。亦奚止。於五家也用。則與海龍王鬪。富不用不值半文錢。臨機設化。應用無方。盡未來際。請事斯語。

示辯

我佛爲一代法王。過去諸佛聖賢。或爲當機。或爲影響。現權現實。現正現邪。示圓示偏。示順示逆。權如觀音。文殊。逆如善星。調達。邪如長爪。殃幅。偏如緣覺。聲聞。甚至顯爲九十五種。外道逞其邪智。以與佛角。俾我佛圓頓止教。得以五時顯密。闡揚流通。其人皆不

得作實法會。宗門諸祖亦然。故有時云。卽心卽佛。有時云。非心非佛。有時翠竹盡是真如。有時黃花決非般若。莫非解粘去縛。點歸正轍。前則有初祖所化六宗。繼則有歷代不同諸判。如三玄要。則有古塔輩之偏詞。三峰輩之拈語。而洞下五位前後諸祖。評唱不同。無夢主公。濟洞兩家。拈提各異。雖有優劣不齊。要皆乘願示現。不有偏者。何以顯圓。不有異者。何以顯勝。來哲須感。示現之深心。不可萌攻擊之快。說學無常。師主善爲師。庶幾祖印高提。妙心徹透云爾。漢月藏云。粵自威音無象一。○爲千萬佛之祖。故七佛以雙頭獨結四法。交加勒成無文密印。飲光二十八代。無非以法印心。此法之不可滅沒也。重矣。達磨六傳後。旁出之徒。於法偈中。鑽出理路。密處成滲漏。馬大師拈出一機。一境絕盡。旁門單提向上。故正出爲重。遂有野狐三撼其門。百丈末後一喝。從前心法印定於此矣。黃檗有三頓痛棒。未聞有兩頓四頓之旨。此臨濟三玄要。所以發明佛祖之祕。以簡一槩頭相。似野狐涎爲萬世法也。天童斥曰。此漢月以三撼三

頓爲臨濟三玄要之據。試問若有威音卽不可謂無象。若無此。○從甚麼人畫出。又七佛但有偈。未見有雙頭獨結。又未聞釋迦有四法。交加勒四法。交加豈可謂無文密印哉。漢月靈芝庵拈花云。此法之本。本無法也。無法豈無本。有法也。無法而付。卽有法也。法何法。卽無法也。此有而無。無而有。不可有。無有無不可者也。此豈不是漢月於法偈。鑽出理路。配成四法。何曾夢見馬師一機。一境百丈一喝耳。響哉。雪竇頌雲門對一說。末云。別別韶陽老人。得一槩。夫一槩頭。豈容別有硬與不硬。相似與不相似耶。漢月加謗老僧。何曾夢見老僧一棒。直指一切人。本分正單提向上事也。藏公五宗原云。見繪家圖。七佛始於威音王。惟大作一。○相後則七佛各有言詮。而偈旨不出圓相也。夫威音者。形之外音者。聲之外。威音王未有出載。無考。據文字已前最上事。若龍樹所現而仰山謂無相三昧。然燈已前是也。圓相出西天諸祖。七佛偈達摩傳來。蓋有所本。嘗試原之。圓相早具五家宗旨矣。天童斥云。五宗原豈可以繪家圖爲原本。此

漢月捏造抹殺法華經載威音王佛出世事。妄說無有。唯作一○相。且仰初無無相三昧之說。但云不離隱身三昧。後王常侍寄書作一○相。為云千里有箇知音。仰云也是俗漢於地上畫一○。中書曰字以脚抹之。為大笑。可見種種圓相不出隱身三昧。脚抹豈非翻前隱身案耶。漢月如是妄說。妄作一○相。謂然燈前既然燈前豈可謂圓相。出西天諸祖既出西祖皆釋迦後。以何為然燈前耶。又謂圓相早具五家宗旨。五家各出一面。有正宗先出臨濟一宗。此○相拋出。直下斷人命根者。既曰五宗各出一面。當以一○相開為五面。且五面既從一圓相開。則當正則俱正。偏則俱偏。何獨臨濟先出為正宗耶。又豈可謂此○相全於臨濟。拋出直下斷人命根耶。此見漢月立一○相為五宗原。不可據。況能原五宗之旨耶。漢月云於一○中賓主輒輒直入首羅眼中。所謂沿流不止一偈者。益可笑。臨濟道誰知吾正法眼藏向者。瞎驢邊滅却正法眼。尚滅況有一○相。賓主首羅眼等名相遺害後世耶。又惟恐執名相為事故。以吹毛劍斷

他名相猶恐執吹毛為事故。曰急須磨也。然則漢月於本分未徹。故不見威音王佛威音者。即諸佛一切含靈共稟。舉目了然。不假思議。言詮所謂情與無情說法無盡者也。若不據五宗旨。悟由為宗旨。別立異端為五家宗者。則致後世妄造怪異穿鑿無根妄誕從漢月始。潭吉復作五宗救天童關妄救曰。潭吉謂臨濟於三段二打後。以四料揀明之。二打謂打於是玄要賓主。炤用等宗旨立焉。可見自迷頭。惟配合名相。凡有三者。引為三玄要。據如三擊三撼等頌百丈。贊甕曰。擊碓傳來三甕。即興化拈香亦拈為三。數臨濟三魔魅後。昆且三頓棒。漢月謂未聞有兩頓四頓之旨。潭吉又何得謂二打乎。喚作棒已逐塊。況認三段二打為定式。而以四料揀明之乎。又引漢月頌七佛偈云。無相身心。即有無有。無兩絕密交。盧迅雷不及掩雙耳。夢斷遙空月自孤。又作此偈相與。所謂不可有無有。無不可者。皆如彖繫以明一○之旨。不知一○已錯。更何論所繫辭耶。祇如夢斷遙空。不過似聞雷偈。默坐公堂。心源不動。意至一聲頂開。喚起

自家底則與不可有無妄說天地懸隔矣。五宗教曰黃梅亦以袈裟遮圍六祖。徵其前悟無住生心大徹以衣鉢付之先師。謂袈裟縷縷明示法數非苟然也。自一條至二十五。每條各五。各各四長一短。開闢變化默印廣大心體。圓融行布不滯一偏。始盡此心。此法之奧。非心外別有所謂密付也。如六祖菩提本無樹。偈豈非滯在淨處。於心法有未圓。若此便究竟。三鼓入室不應復有大徹。則偈旨之偏。盧公再出亦當首肯。今悟不及此。遂謂先師以宗旨定在衣上。此正顯潭吉不肯深思。前據衣縷爲示法數。謂非苟然。後曰宗旨不在衣上。自相矯亂。漢月誣六祖。偈謂斷見。潭吉改滯淨處。心法未圓。則世尊法本法無法。偈亦滯淨處未圓耶。又迦葉偈。法本法無法。無法非法。豈非本來無一物。何處惹塵埃乎。漢月潭吉向本來外說此心。此法之奧。反斥六祖。偈爲滯淨處。未夢見處處真塵盡。是本來人耳。救曰五祖亦未見性語。皎然明白。後世云故意不許可笑。天童云壇經載五祖云。吾思汝之見可用。恐惡人害汝。故不與言。

後見偈將糝擦了。曰亦未見性。衆疑息。故見五祖時。謂弟子念念不離自性。與後一切萬法不離自性。何期自性能生萬法等句。言雖廣略。理無二致。安可以未見性語爲實哉。則本來無一物之意。全是自性。豈離自性外別有一物。誣爲斷見。誘著淨邊。恐招謗法過盡未來劫。天童云一句語具三玄門。一玄門具三要。合當三玄九要。既不可以三字死配。又豈可以三玄要爲實。而謂自悟三玄要耶。臨濟以上無玄要言。不可謂自世尊至臨濟前斷無悟者。既有何關三玄要哉。覺範雖於兩堂同喝。賓主歷然。有見處。錯以爲三玄三要。未免識者笑然。有過汝處。云細看。卽是陷虎機。豈不徵玄要非實法哉。救中又道拈提玄要者。汾陽慈明覺範不下十數人。昭公號中興今之抹殺宗旨。何以稱焉。汾陽誠老僧二十四祖。所以道只須明古人意旨。然後自心明去。更得變通自在。受用無窮。喚作自受用身。此汾陽旨。卽臨濟旨。亦老僧據自受用身。一棒不作一棒用。直指人各各醒自身受用旨。漢月謂只得一槩頭硬。禪老僧辨論無非爲佛。

法故又云。潭吉謂漢月真炤無邊皆是悟處。不過似他而已。不爲無見。且問潭吉等多少。漢月有似他不似他。又有箇真他耶。又引香嚴一擊。忘所知。謂真炤屬知。故僅得似他。非真他也。此益顯未知香嚴真悟。嚴忘擊竹作聲之所知。正據嚴全體不假修持而有。所以道場古路用酬。瀉山未生前一句耳。老僧據爾我爲離一切名相之真炤。香嚴我有一機。瞬目視伊。非據爾我爲真炤乎。實上座夜明簾捲無私炤。金殿重重顯至尊。則真炤與尊貴同旨無疑。故老僧道似他者。舉似他也。人不稟離名相之真炤。則據全體大用。斷彼名相而悟爾我全體。潭吉錯認離相離名。引洞山呵云。認得箇不名不物。無是無非。底道理。正先炤後用。有人在者。且問離相離名。人不稟底人。汝作麼生銷。而可謂無有人在耶。又云。汾陽道會此三句已辨三玄。更有三要語在。切須薦取。索性道破。與臨濟汝等諸人作麼生會。一般汾陽雖順僧問。答三轉語。恐作實法會。故有切在薦取之屬。所謂急須著眼看仙人也。又云。風穴祖師心印狀似鐵牛之機。

去卽印住。住卽印破。乃至印泥印水。印空不留朕跡。老僧云。宗門三印。不知始何人。若到老僧。前恁麼判。一棒打折他驢腰。潭吉只據印字。紐合三印。殊不顧穴全語云。祇如不去不住。印卽是不印。卽是還有人道得麼。穴此語正覲面提人下座。據是則印空印水。曰當斷不斷。反招其亂。穴便下座。據是則印空印水。印泥愈彰朕跡。正所謂當斷不斷者。何曾夢見風穴汗臭氣。天童與藏公書云。汝舉百丈不落因果。因墮狐身。此破本無一物之外。道不昧因果。此破執身是菩提樹爲非者。汝墮無窮劫。無出期。本來分上無一物之名。可立只。因昧故。道不落致墮狐耳。豈非汝昧之甚者。若知極麤一棒落處。自不昧矣。又云。臨濟道無位。真人常在。面門出入。漢月何不自摸面上。有三有一有麤細。有人法四相。有小法大法。大法中大法。賓主玄要。料揀堂奧。花中脈脈。袈裟縷縷。星樹師法。柯枝花果。乃至我法。真子過去再來。法密道尊。新宗舊旨。威音一圈七佛。交截雙頭。獨結橫開。豎合。河洛理數也。無豈非逐名言塗。汙自家面門乎。又

云德山托鉢峰云托向甚處此峰偶爾成文德聞似言中有響便歸正將錯就錯一似曉他一似相見峰不薦巖頭曰未曾末後句一似點他一似忍俊不禁德喚頭密啓便休明日上堂不同頭笑曰且喜會雖然只活三年此頭明歸方丈泊與德山相見耳汝則謂被徒問著便托歸方丈及頭言未曾末後句喚頭問復休去未有巖頭強似德山未聞德山輒不中用味却德巖相見的意思皆爲賓主相見 三峰燈史載藏公立四殺雄云抹殺法中英雄者謂其能以舉一爲用也高峰聖云春風猶一枝梅驗盡法中英雄者謂其能以大機爲用也聖云雲收霧卷青天奪盡法中英雄者謂其能以抽爻遜位爲用也聖云換去乾上滿盡法中英雄者謂其能以前定不滿爲用也聖云紅日繞舒影青雲隨後遮又云竊悟一句一棒便無一法當情然此一棒正是實法繫人直須入三玄以銷盡出三要以了盡始得一句中三玄三要謂之小法中大法有句無句乃大法中小法兩不可缺有句無句又脫卸一重走在頂尖裏去三玄又脫卸二玄走在第三玄去三要

又脫卸兩要走在末後句裏去按此言句均似別出意見重添名相錄以備考耳華藏證云透盡差別智法如臨濟玄要賓主照用人境曹洞五位三墮雲門三句一字滄仰圓相法眼六相義五家宗旨一一透過而會歸德山托鉢公案止忘盡法見通身在裏許通身又不在裏許所謂透盡大法方可罵除大法向威音那邊更那邊任運過日去又五家臨濟最妙濟又四賓主最妙分六種機用乃祖師中之祖師也此亦創論錄以備考 三峰開發工夫中云菩薩正禪雙照礙雙遮雙遮礙雙照又不妨雙遮即雙照雙照即雙遮四法交加結角如錦文此如來禪結頂處均錄以備考 指月錄載覺範云古塔主誤認玄沙三句爲三玄但分三玄遺三要沙云眞常流注爲平等法但以言遣言理遣理死在句下若知出格量則不被心魔使到手便轉不坐平常見第一句也古謂句中玄同機轉位縱奪隨宜廣利一切此第二句古謂意中玄大用現前全用不全用此第三句古謂體中玄又薦福古云空劫自己是根今時日用自己是枝

三玄法門諸佛以度衆生令成佛。今言是臨濟門風。矣。汾陽三玄三要事難分總頌三玄得意句。玄或作意中玄萬象句。體中玄重陽句句。中玄僧乞標出古云。體玄句句。玄玄是佛祖正見。隨入一玄已具正見。僧問體玄古曰。會萬物爲己三界唯心。自心是佛。如此等方是正見。僧問如何語句。因緣是體。玄古曰。佛指地曰。此處宜建梵刹。帝釋將一草插曰。建刹竟。水潦被一踏起曰。向一毫識得根源。此等合頭語。直明體中玄。自無出身路。問何言句。明出身路。古曰。僧問維摩手擲大千世界於他方。如何。甘泉答。填溝塞壑。僧問一句道盡時如何。答百雜碎。此等語雖有出身路。未得脫灑。須知有句中玄。透脫一路。向上關。根本分事。祇對僧問何等是句中玄。古曰。佛答昨日定今日不定。祖答廬陵米作麼價。餅餅三斤。類此等句中悟入。體玄見解淨盡。便能與人去釘拔楔。然但脫佛法知見。見解猶在生死不自在。爲未悟道。故今以此爲極。則祖風歇滅。若要干涉言句。須明玄中玄。僧問玄玄古曰。如問有言無言。世尊良久。臨濟三問三

被打方便門爲玄極。若望上祖初宗。卽未可。僧問三玄見未圓備。有何過。古曰。得體玄未了。句玄有佛法知見。對答要合三乘具理。事道眼未明。眼有屑須更悟。句句玄也。若但悟句句玄。透得法身。反爲此知見。奴使並無實行。有憎愛人。我以心外有境。未明體玄也。學人縱悟一種玄門。又須明玄中玄。始得平穩。僧問三玄法門名。旣三法門。亦三語。各各不同。如何言一句具三玄。要古曰。空空法界。本自無爲。隨緣應現。經云。一切諸佛及三菩提法。皆從此經出。楞嚴曰。一毫端現寶王刹。維摩云。或爲日月天。梵王世界主。到此境者。一法一色。皆具含容。周徧。何疑一語不具三玄。要耶。問要一語具三玄。要意安在。古曰。諸佛言教出體玄。諸祖言教出句玄。佛祖心法出玄中玄。如巴陵鑒只悟言教。未悟道見。性問提婆宗。答銀碗裏盛雪。問吹毛劍。答珊瑚枝枝撐著月。問祖教同別。答雞寒上樹。鴨寒下水。云三轉語足報雲門恩。不作忌齋。豈可手覺範曰。古誤判三玄。要爲玄沙三句所言一句具玄。要臨濟所立百丈黃檗。但名大機大用。巖頭雪峰

但名陷虎却物古謂非濟門風必有據何不明書不然則是臆說三玄則分體句玄三要則不分方呵學者溺知見反引金剛楞嚴維摩證一語具三玄要非知見乎且教乘既具安用宗門古毀教乘爲知見自宗不通又引知見爲證此一失也巴陵眞得雲門旨所答三語起來機活句也古毀之二失也分二種自己不知聖人立言之難世尊偈曰眞非眞恐迷我常不開演立言之難也楞嚴一攀緣心二識精圓明然猶不問隔其辭慮於一法生二解古剏建兩種自己疑誤後學三失也覺範曰參同契但易玄要爲明暗首標明皎暗注又發揚之在暗則必分上中在明則須明清濁此體玄也本末須歸宗等此句玄也謹白參玄人二句道人不遺失時候眞報佛恩此意玄也法眼注恨不分三法一味作體玄解失石頭意又妙精圓明未曾間斷謂之流注眞如汾陽所謂一句該萬象也神而明之機用脫窠臼有語中無語所謂重陽九日菊花新也三玄之設本遣病貴知其意謂之不失時所謂得意忘言道易親也古喜論此道然三

玄則以言傳至三要未容無說自非親證莫能辨也曇珍曰淨名香積品羅什註曰如來說法其要有三一轉善語二剛強語三雜說讚善毀惡雜說也三要本此幻寄曰古分劈古人公案爲體玄句玄無論未達臨濟落處卽於一句具玄要文義亦戾甚寂音斥之良是而謂認沙三句爲三玄則誤與古同蓋沙未嘗有體句之名兩家俱以第三爲極則沙第一句盡十方祇是仁者等語已盡古體玄義音摘數語爲句玄復以沙第三句爲體玄淺深既倒置強合其所本二強析其所本一原古二種自己意謂體是教極則句是宗極則尙是今時自己言句邊必不涉言句契空劫始謂玄中玄其訶巴陵卽指廬陵米價等爲句玄未爲悟道也殊不知米價卽空劫已具三玄要佛佛相授燈燈相續卽此而已音謂古不識陵活句彼固識爲宗乘極則活語直未識卽空劫自己之分身與玄中玄無異耳古既不識此則玄中所列世尊良久等又何能窺藩乎於不二法強生二解佛祖無奈渠何矣音又引楞嚴罪古二種已楞嚴固有二種根

本古肯俛首乎古言空劫是根。今時是枝。何嘗截然二之。必以此罪。則真心妄心。本來識神。皆負罪哉。音太息立言。難不誣也。音引參同契。責法眼。更穿鑿。疊珍三要。乃古流裔。噴欲識三玄三要。句請看金色笑拈花。窺鞭良馬。今何處高樹扶疏。映晚霞清雍正間。河南睢州惠曇。感清人天。眼中列有玄要總頌。玄要旨訣。玄要決疑。均似創論。不錄。私謂臨濟三玄三要。或有所指。但既未確判。似亦不必苦搜薦福輩所判語。豈盡合濟意。天童謂臨濟前無玄要。語不失爲歷代大知識。良哉是言也。天目晦云。位中符謂臨濟屬機用。接人賓主。洞山屬功勳。本分自處。賓主豈濟機用。外別有所謂本分。洞本分外別有所謂機用乎。位又云。洞兼中至主中賓。此洞亦具相見賓主。若但言兼至。方是賓主。餘但虛設洞旨。豈如是乎。位云。浮山翠巖克符汾陽語。爲本分賓主。與臨濟所示無涉。位不識賓主落處。於看字逐塊。謂克符汾陽爲洞發。應取克符汾陽語。俱載洞賓主章。豈不以克符答主中主之橫按鎖鑰。全正令句。汾陽三頭六臂擎天地。

句俱濟賓主牽合理之本體。不涉於用。是洞主中主不得遂以三頭六臂句。改答主看主。汾陽並無四看問答。況主看主是兩家相見。主中主是主家全主。豈可妄改位公反妄謂古德或不曾細心。以機用功勳別之。不見首山頌識得賓全是主。主中賓賓中主更互用無差互。賓中賓主中主兩家用莫讓主把定乾坤大作主。不容擬議。斬全身始得名爲主中主。首莫也不會錯。翻題目頌了洞中字賓主麼。翠巖頌賓中賓出語不相應。未諦審思。惟騎牛過孟津。釋曰。頌學家眼未明。孟津深廣。便欲騎過。賓中主相牽日卓午。展拓自無能。且歷他門戶。釋云。頌學家具眼。雖是東拋西擲。探竿在手。且歷他門主中賓。南越望西。秦寒山逢拾得。擬議乙卯寅。釋云。頌師家眼觀東南意。在西北如寒拾相逢呵呵。若擬議則乙卯成甲寅。烏豆換矣。主中主當頭坐。須怖萬里涉流沙。誰云佛與祖。釋云。頌師家把定佛祖也。無著處。白巖謂與濟賓主無涉。不妨指出。按所釋頗醒錄之。晦祖答或問云。洞見學者祇認驢前爲自己。故云賓中主未辨。若向空

劫前識得便解從偏入。正辨得賓中主。更須盡却。今時無家可坐。無世可與。方是主中主。然濟施設在觀面。全提機用。卽是黃檗處所悟本分洞施設在我渠回互正偏。卽是垂手接人機用。故濟只示四看賓主。則四中賓主已具。克家種草舉著便知。故克符汾陽浮山翠巖。讓自然如空合空。又白巖摘珠中妄改諸大老語。如長沙游山歸案。雪竇頌大地絕纖埃。何人眼不開。始從芳草去。又逐落花回。羸鶴翹寒木。狂猿嘯古臺。長沙無限意。咄晦曰。首二句竇將本分道破。眼既開。是法住法位。所以道隨芳草逐落花。復翻羸鶴二句。若作游山會。未免羸鶴偏野。乃云長沙無限意。分明欲露長沙面目。柰描寫不就。遂云咄。昭覺云。大似作夢却醒。方知竇頌非言意可測。而長沙首座問答處。自不錯會。今白巖妄截去後三句。咄一喝如寶器被折半節。得不令人咬指。乎雲門厨庫山門案。竇頌自照列孤明。爲君通一線。花謝樹無影。看時誰不見。見不見。倒騎牛。夸入佛殿。晦云。首二句。頌雲門厨庫句。是放一線。將人人光明列出來。又恐錯認。復

云好事不如無花謝。二句謂無厨庫光在甚處。則花樹無所見。且道是誰不見。來末後倒騎牛。二句方知明中有暗暗裏有明。一段光明初無覆藏得此結束。始盡公案好處。頌亦意句俱圓。今白巖將誰不見。誰字作還字截去。見不見。二語使雲門公案好處不盡。竇頌意句不圓。無知妄誕。其過豈細。錄此以備後鑒。然伊庵現緝各章刪截古德原文甚多。總期簡省便覽。來哲如欲周知。切須徧閱。銷通切勿責其妄改。爲幸爾。別燈錄載紫浮云。瀉眼二老一主華嚴一主楞伽。故白巖偶言非之。此事尙不與教乘合。況以華嚴六相配法眼宗。晦云。華嚴經佛初發心時。便成正覺。正立地成佛。宗乘六相義與三玄五位三句同轍。法眼作頌定爲宗旨。集人天眼目者。收宗鏡六相義語於法眼宗。白巖錯會。宗鏡六相同。夢渡河語謂六相教乘尙未極。則不可爲法眼宗。紫仍其謬。因略釋宗鏡云。今依因門智照以喻明如舍。是總緣等。別緣等合作舍名。同互望非一名異。緣等多相成名。成各住自位。本不作名。壞此六相義。是初地觀能入法。

界之宗位。位卽佛階。堪宛然重重磨煉。本位不動。斯則同異具濟。理事不差。因果無虧。迷悟全別。若論大旨。六相還同。夢裏渡河。若論圓修。斷惑對治。習氣非無理。行相資缺。一不可釋。云未契入法界者。且以因門正智比量。舍喻觀見。非一非異之旨。初地見道位。證出障礙垢。眞如圓融境智。故有此觀。因果登高。自運迷悟。後勝前復。以論大旨。本始不二之究竟覺。拂盡行布迷悟階級。在教中不許因地有此不二之覺。惟別傳祖祖同證。然不二之覺。如果圓究竟安住。涅槃果海。如因中本始不二之覺。則理須頓悟。乘悟并消。事逐漸除。因次第盡。故曰圓修斷惑。對治非無。永明善說法要。以六相立掃自由還與三立五位同。乎異乎。初地至七地見道位。雖證眞如在法界量裏。未超心境。無功用道。故如夢渡河。若以六相合究竟位。六相卽無上菩提。妄言教尙未極。悲夫。法眼頌萬象明明。無理事。乃六相深旨。見徹禪教。皆在裏許。白巖以萬象之中。獨露身。謂是宗語。揭爲法眼宗旨。無理事。頌斥爲教乘。何異摸象雲峰。頌成壞總別同異。

帝網交參六義。以帝網喻六相。是事事無礙法界。白巖載雲峰頌。又謂六相非教極。則豈知雲峰旨乎。一主楞伽調鏡智三生也。瀉山云。我以鏡智爲宗。要出三觀想。相生流注生。楞嚴云。想相爲塵。識情爲垢。二俱遠離。則法眼明。成無上覺。想卽能思。心相卽所思。境微細流注。俱爲塵垢。若淨盡得自在。白巖云。至以三種生爲瀉山宗。可笑。不知鏡智爲宗之旨。依教僧祇劫滿入金剛定。成無上菩提。異熟識方轉。成大圓鏡智。宗門不歷階級。頓悟自心。卽契入鏡智之宗。李長者達無始無明爲大圓鏡智。與瀉語合。瀉引楞嚴正鏡智爲宗之旨。若達本忘情。賴耶根本識卽成鏡智。根身器界如像。想相流注俱成無上知覺。眞得佛祖心髓。瀉問妙淨明心。仰答山河大地。非鏡智爲宗之相生。乎瀉山原夢以驗仰嚴度水擎茶。非鏡智爲宗之想生。乎仰山答僧彼處樓臺。汝反思的還有許多否。及信位卽得人位。未在此語。此僧返照能思心無境落比量。祇成信解。若獲親證。現量契入鏡智人位顯矣。此非以想相流注三生令證現量契入鏡

智之宗乎。宗門極則。卽教極則。故爲眼鏡智六相爲宗旨。且重離六爻可爲宗旨。豈圓頓教詮反不如域中奇耦數乎。古轍載洞山賓主句。主卽正。卽體。卽理。賓卽偏。卽用。卽事。理之本體不涉。用者名主中主。如王居內宮。親從體發用者。名主中賓。如臣奉命出。在用中體。名賓中主。如闔市裏天子用與體乖。全未有主名賓中。賓如無父之兒。與濟不同。私按作此判。亦可。但晦公所判該廣耳。行策師云。洞宗三疊五變。諸師異說。當以初二爻初疊。三四爻二疊。五六爻三疊。內卦自受用三昧。外卦他受用三昧。五變喻顯法圖。列初二爻正中偏。二三爻偏中正。三四爻正中來。四五爻兼中至。五六爻兼中到。以配五變者是。亦與辨謬同。長行中以初爻爲正中。偏二爻偏中正。三四爻正中來。五爻兼中至。六爻兼中到者。參差未善。又曰。內卦自受用初爻。文殊根本智當發大心。二爻普賢廣大行當行。大行三爻圓證佛果。爲成道相當證大果。外卦他受用妙覺逆流回入生。死海若合祖意。不爲自了漢。作大佛事。以三爻是功窮位極之正。

此是轉位就塗之來。故合爲正中來。五爻道後普賢行當裂大網。六爻攝用歸體爲祕密。藏入涅槃相合。諸祖虛玄無著之宗。當歸大處。利他行滿。置諸子祕密藏中。我亦自住中也。至所配初二般若三四法身五六解脫者。是自受用無脫。他受用無智。當以覺自覺滿。覺他以配三疊也。覺範五變以中孚大過巽兌復亨五變。以震巽艮兌均出創論。綱要云。覺範收兼中至爲偏中至。未是至是兼的。這邊纔用著兼到是兼的那邊和兼也。放倒了。辨謬曰。至者周也。以行周沙界爲通塗也。到者墮也。卽尊貴墮也。私謂偏中至語醒而意單薄。原文既是兼當從原文。辨謬云。寶鏡變盡成五。發明涅槃經如來應世五相。洞山立五位。正偏石霜立五位。王子乃法王之子。以初位實智名誕生。以偏位權智名朝生。以圓證佛果最後一生名末生。以道後普賢行名化生。以功位齊泯心佛衆生等同一際。名內生。所謂誕生。王子父卽此也有謂此位同出根本智。何啻萬里。或謂化生將軍位末生羣臣位。朝生宰相子。誕生太子。乃至內紹外紹諸。

見均似偏說。私謂內生既稱王子。謂即誕生父恐未盡。然若配正偏五位。誕生以配正中偏。悟門知有朝生配偏中正。奉重功勳。末生配正中來。深入徹證。化生配兼中至利物機。用內生配兼中到。體用雙泯。頗合亦與石霜頌合。九峰謂若不知事極頭。祇得了事。喚作外紹爲臣種。知向裏許承當擔荷爲內紹。須見無承當擔荷底人。始得同一色。借爲誕生名。王種又內紹。灼然有承當擔荷。亦須得轉紹是功紹了。非是功轉功就位了。始喚作人王種。外紹全未知有且教渠知有外紹。不借別人家裏事。內紹推爺向裏頭問。孰親答臣在門內。王不出門。裏紹王種名。外紹王種姓。紹是功名臣是偏中正。紹了轉功名君是正中偏。古轍云。臣在門內。王不出門。俱指推爺向裏頭。此臣指王子。非外臣也。內紹只得王名。外紹只得王姓。必須紹了轉功方眞王子。紹是功指內紹。內紹未轉亦臣位。總是偏以知有是偏中正。紹了轉功方是王種名。君者在儲君位是正中偏。與洞山所立別綱宗云。傳燈石霜章。謂霜爲洞山五王子。作頌朝生末生

是外紹全未知有且教渠知有知有方爲內紹。然尙須轉正中偏配朝生。偏中正配末生。言向奉未敢言功承當擔荷始是功。正中來爲誕生。王種出自創論。假師因全未知有一語作如此配。九峰本以紹爲偏中正。紹了轉功爲正中偏。是偏中正應在前。今以正中偏在前。配朝生與九峰已不合。又以洞山前二位全未知有與古轍以正中偏爲悟門復不合。所配誕生亦然。須知洞山五位皆屬知有正中偏。悟門知有時正位一色大功一色。今時一色均相應。烏得不稱內紹與九峰外紹全未知有語斷不能強合。所云紹爲偏中正二語亦與洞之正中偏偏中正稍有不同。故偏中正列在前也。錄以質諸洞宗尊宿再爲定判。曹山五位以君臣臣向君君視臣君臣道合爲次會元指月。首白衣次子時次燄裏次王宮次渾然偈而不分配。三山來首王宮配誕生次子時朝生次燄裏末生次白衣化生次渾然內生。辨謬首子時配君視臣誕向次白衣配臣向君朝奉次燄裏配君末功次王宮配臣化共次渾然配道合內不共古轍依玄鑒

圖首白衣配正中偏次王宮配偏中正次子時配正中來次猷裏配兼中至次渾然配兼中到紫琿同諸師各有所見總以綱宗中所依古德列次較安錄俟後定曹山三種墮三山云有墮落墮除二義若論大陽枯牛類墮不斷聲色隨墮不受食尊貴墮則墮落義曹山須具三種墮則墮除義古轍云大陽與曹山義乖覺範不察收入僧寶傳詳之幻寄云僧寶傳述三墮語道尊貴智證傳以不斷聲色與隨墮分二遺類墮濟公獨載林間固有所擇也大陽直以墮爲墮落非曹山旨矣雪竇頌龍牙問翠微臨濟案云龍牙山裏龍無眼死水何曾振古風禪板蒲團不能用祇應分付與盧公是也僧寶傳謂寶以瞎龍死水罪之牙聞必笑所判恐未然三峰有十六問啓雲門湛第一問嚴傳寶鏡若是觀影前事爲甚未悟先傳堂奧後攫寧答云洞於無情說法處達本猶沈悟迹故臨行有末後重拈過水始釋述偈以明始末俱盡若大慧復至虎丘打失救產因緣與洞過水頓脫悟後影同天童關妄救云洞過水觀影大悟前此悟無

情說法而不薦祇者是非迷頭認影乎私謂洞山過水方大徹則前之未契如如不必諱却雲巖必了知洞山定得徹悟佛祖慧命寄在此人先傳寶鏡亦復何礙且謂寶鏡是堂奧事三峰之創論也至攫師引大慧比自謂確據其實未然蓋不了產難公案無礙佛知見圓悟所以有公案不必盡會之說而祇者是不薦本分收關然亦暫時岐路耳非全未知有也錄俟後定餘問非要載高峰枕子案徑山頌一捺捺倒爬不起渾身墮在濫泥裏枕子落地笑呵呵咄吃瓊瑤粥底不是你此頌最親切雲門湛作頌翻之天童作二頌正之而睦峒復作頌扶湛以撥童童復有判睦峒語最後出復徐一我書今摘復書略錄大旨此實宗乘正眼佛祖慧命繫焉閱者察之天童云雲門頌未盡了義教初發善心中破善後始明善經云若見諸相非相卽見如來以配雲頌只破善無後明善故某說未盡在後因瑞白謂某有主公在是雲所撥某據撥字責瑞云若爾益證雲門墮空則雲子孫證其墮空至某偈則因雲未盡念箇補闕眞言曰

四大無我無心。風箇中無二。主人公廓然撲落。非他物。十方世界現全容。乃據主以明善。無心風該初善。無我該破善。半偈已該三句。而現全容。謂即見如來也。居士將某主爲初。爲無主。爲次。破某。但知法非法。對待識神。主不知某。是超法非法過量主矣。百丈以杖趕散。復召衆云。是甚麼。此是別傳單提之旨。豈如雲無我。如風誰是主。元無物。其子孫死認撥主爲超方句。若爾。藥山何故道。因子得見海兄。而雲巖頓省。豈藥巖亦取法相耶。仰山囑高峰。惟爲主公安身處。峰如網跳出。只是舊時人。此正依舊山。是山水。故安邦定國也。而雲云誰是主。則茫無主。豈得安定。某謂。豈存四大無我。有我心。如風者。正謂雲頌與峰不相當。居士云。頌只要頭腦不差。便可兩存者。先當看仰囑峰悟的頭腦。清後看兩頌。誰當不當論。差不差。雲云誰是主。元無物。仰囑主安身處。頭腦不相當。無我如風云云。又與峰如網跳出。安邦定國。頭腦不相當。反與相違。相破其子孫。又死執撥主爲超方句。分明墮空落外。烏得謂頭腦不差。可兩存乎。某云。無

夢無想。主何處。白汗出身。念無起。枕子落地。笑呵呵。伸手元在縮手裏。四大無我無心。風一頌見前。直據仰囑峰悟。說念無起。正一念無爲。一念不生也。無心風。正外息諸緣。內心無喘心。如牆壁也。居士云。兒甫下地。便知飢。知寒。能視能聽。如西祖對異見王者。大不然。西祖收在一塵。即仰無夢想。主安身處。知是佛性。意喚作精魂。即居士兩知兩能也。且西祖不說在意。曰。知知能屬意識。以爲主。豈不以意識精魂爲佛性。又云。不管妙容色的。偉衣冠的一班。盡情叱逐。使堂中靜悄悄。主公靈然自在。既到處逢渠。何須叱逐。方道主靈然自在。豈鬧亂地。主便不在。耶。要之雲門不知主安身處。故云誰是主。元無物。瑞白歷然。不知主安身處。故死認撥主爲超。方居士不知主安身處。故云不可說有說。無某直據本分。主直是十方全現。唯我獨尊。還信麼。居士謂窮其差根。全在主公與身命。豈可列爲二致句。既十方全現的主。豈在身內。若認作身命。中則身命。去主隨去。此妄身心中。那堪認主。主別有在。居士斷然以主與身命爲二致。則是非

都在一致二致間。六祖答色身無常法身常云。據汝說。卽色身外別有法身。此非居士妄身外別有主。主與身命二致。現前一班。必須叱逐等見乎。而祖斥爲外道何也。南陽問僧返觀陰入界處有纖毫可得否。答。不見一物可得。居士請看有箇妄身心否。又問身心外更有物否。答。身心無外。豈有物耶。又問汝壞世間相耶。答。世間相卽無相。那用更壞。陽曰。若然。卽離過。請看離身外別有主否。可說十方現的主不在身內否。現前一班。容叱逐否。據某正是身心一如。身外無餘。居士正是於一法生二見。色身外別有法身。是誰差根邪。解據六祖國師言。居士正是先尼外道執神我斷常邪見。居士若信某言。摸取自家頭腦。自見某頌所論親切處。無夢無想二句。正某於身外別無所證的旨。後二句。正顯峰明得本身主。故得安身處。西祖在胎等語。豈非卽人卽身卽安立義。乃居士謂你真箇要將主公向何處安立。是某曾將主公安何處立何處乎。且仰唯爲峰不知主立處。特指睡時無夢想見聞識不起時以詰峰。正爲卽人卽身卽安立

的主本自呈露。不待識心計度。會得則常自作主。無識心夢想顛倒。故如網中跳出。從此安定太平也。居士謂豈真要他向睡時討箇安立處。正使他疑無所了。到虛凝湛寂真體安於無安立於無立者。則蹉過。仰爲峰徹困處。且依舊認識心夢想邊事。今問睡著無夢想見聞時。可見有虛凝湛寂否。此是峰前強作主差根。居士認作真體。又曰。立於無立有甚本據。已自墮於莽蕩。焉知主安立處。故必徹見卽人卽身卽安立。主全體獨露。方立無所立耳。且自不須用識心殷勤奉出。但乘自悟力行。自不於身外別作功用。是謂罷業忘功。乘自悟力。是謂無功之功。非莽蕩之無功。今居士不知主落處。謬計妄身外別有箇虛凝湛寂爲真體。既不到罷業忘功。妄言立於無立。是夢想顛倒的話。某謂收在微塵。卽無二主公立命義者。正恐夢想顛倒於身外別作功用。離當人而曰徧現。故收在無二處。始不被夢想所壓殺。十方現全容也。居士云。旣十方全現。豈在身內不知獨不現身。豈得云徧某念無起現全容。卽微而徧徧而不一微故。

伸在縮裏居士謂豈惟頭腦差和身子在他方世界某據渾身一箇主作頭本豈離身別有頭腦又十方現豈在他方居士未嘗摸著頭腦何知兩家頭腦差不差雲味頭腦撥主某據頭腦證主意相反豈有俱不差理且是非有無皆心風動起念分別有某本分主不干動念有何是非有無故無心風也峰安邦定國卽安立意某據身安立故汗出身念無起也居士何據以爲羣莽雲頌旣非峰安立旨豈有無身命的頭腦謂頭腦何嘗差耶汝引西祖及孩子知能來證已信主是有復以元無物爲頭腦不差何也若謂妄身心無主故曰元無物峰此時於妄身心外別認得主悔前作主者誤則今不是前何以道只是舊人不改舊行履頌而與相違安得謂不差混判兩家俱不差可乎且謂忘了主纔是真主古人道欲識佛性因緣時節若至如忘忽憶可見不忘主故常自作主知忘則莽蕩無本可據所以暫不在便不堪此是決定旨所謂那伽常在定無有不定時者某一眼覷定認定抱定故十方全現唯我獨尊居士謂斷乎無認無

抱的主正不知安立處便混說箇無所住爲安立處而以認不得爲主公此所以頭腦不清也無心風豈與四大無我同蓋見有我無我有妄有真皆心風無則心如牆壁可以入道雲謂如風豈不知其指妄心嫌他不據無二的主而存二見味峰悟意故直曰無心風救之耳居士謂箇中指妄身妄心那堪認主可見主別有在恐雲門亦未肯在凡所有相皆妄謂執著相是初句若見諸相非相破執是次句卽見如來謂衆生全體如來是三句如法眼謂若見諸相非相卽不見如來正見法眼耳卽見如來卽如來分上說耳居士以認主主却認不得認不得的纔是真主配三句此外道矯亂論卽配之亦止到次句認不得的是真主依舊取認不得的非相爲主若認不得的是有不可作二句是無不可作三句此外道妄計豈可與佛說並耶且真主豈可認不得旣認不得何知是真主此不曾親見暗中摸索若親見自能直據悟處說何須委曲作惑亂語成甚麼直指來惟不曾見混說忘了主真見主常不離主認不得主認不得的是

眞主且問既不離主又何可忘既忘了主說甚見主說甚眞見主既眞見主豈可認不得主既認不得主忘了主說甚常不離主此正茫然無主安得成主公義又引子思謂費中自隱不是另藏箇隱發時有未發不是先懸箇未發未會思旨思謂道費而隱蚤提出主也此正即人即身即安立義費是偏該沙界隱是收在一微造端夫婦伸在縮裏察乎天地十方現全容恁麼還說得費中有隱麼且先儒教人看喜怒哀樂未發前氣象居士云不是先懸箇未發則日用與喜怒打輓何曾夢見未發氣象要知未發氣象必慎其獨蚤提出主也永嘉幻身即法身大慧皮袋一靈則身外別有主正合外道神我斷常見又維摩觀身實相乃謂妄身無主維摩法離見聞覺知乃謂知饑寒是主正相反至玄策無師自悟屬外道語醫三種病一自爲悟實未悟必師點破方免自賺一自非不悟餘惑未盡不經師煅煉不徹源底一自非不悟不依眞師不識爲人的旨不堪爲則未免喪我兒孫玄策深識利害指破且自爲悟實未悟者如湛堂向

杲曰醒醒時有禪纔睡使無如何敵生死大慧是識好惡漢今居士說不得自以爲悟抵死不識好惡謂仰山豈眞要他向睡時討安立處豈非湛謂睡著便無之證正不得這一解在所執皆斷常見而以證雲門則雲亦是外道恐雲叫枉耳某初判雲只言未盡自瑞以撥證則墮空居士以妄身心外別有主則落外既引西祖證而爲雲解主公離身別有則爲身爲人六處作用之謂何乃謂全現的主豈在身內又引楞嚴海溫喻觀河見等皆是就機非了義語直至後生滅去來本如來藏妙眞如性乃了義耳居士謂極知淨染二途總出如來藏豈煩惱不是菩提無明不是大智然必見主後方得回轉大用者則知頭腦不清既知淨染出藏則現前惟如來藏更不見染淨煩惱即菩提無明即大智則不見有煩惱無明於此不識則淫怒癡即戒定慧亦不識乃云理自不差豈非約理推度且問若見淫怒癡不可說即戒定慧不見淫怒癡更說甚即戒定慧以故但認得主不忘主不待奉出回轉而主全體獨露更有甚麼菩提煩惱等

明大智淫怒癡戒定慧淨染等法。故從上只貴觀面。提人不以一毫意識措人分上。且孩子知能非意識。卽主公行令。請問孩子曾見主否。若以不慮不學而知能爲非意識。則見免悅聞罵怒。皆不慮不學是淫怒癡。皆良知能是主公。又何言迴轉乎。紫玉厲聲曰。于頔客作漢子變色。此亦不慮不學。玉曰。者便是黑風飄墮鬼國。則良知能與黑風鬼國同。不慮不學又作麼辨。而謂知飢寒能聽視者便是主乎。又云。船子語上句交付阿誰。不過以誰是主元無物是沒踪跡。意至藏身身字指甚麼。雲門何嘗有身字意。豈可單截沒踪跡證乎。且船子惟恐人以沒踪爲事。不以身爲事故。云沒踪跡處莫藏身。此尤身外別無所住之證。德山口挂壁上意。謂與認不得主同。不知更有一人呵呵大笑。正枕落笑呵呵無二主之人耳。又云。召衆衆回首有箇甚麼。正要恁麼思量是甚麼。此際更可想量否。一任疑著。更問如何是藥山見海兄及嚴省意指說得明。亦教天下後世見居士不說瞎話。又瑞謂古人行過於解。不知行過解。行爲邪行。解亦邪。

◆盲當作盲
下同

解滯問涅槃多少魔說案。以眼正則行履亦正大。慧曰。諸方先定後慧。非行過解。癡定乎者。裏无慧。後定悟了。方帖帖地。大慧以實悟爲見地。以帖帖地爲行履。皆據道所在。說瑞謂今時祇實行履。不實見地。分爲兩義。愈見瑞未悟到帖帖地。乃贊爲切中。今時膏盲不思衆生膏盲病。只爲忘了主。認不得主。故迷倒。瑞既撥主。已是病上增病。更說不實見地。實行履。誤人盲修。無出頭期。居士謂幻身心滅。故另有箇非幻不滅。諸幻滅盡。另有覺心不動等。此正離生滅求寂滅。外道見又道。真主不在妄身心內。是有箇真主。又有箇妄身心的。然二見真無生滅。妄有生滅。非南陽所訶半生滅。半不生滅。而何更謂識妄卽真。同經破妄還真。不知見有妄。可識真。可卽及妄。可破真。可還早已落了。二了若認得無二主。便全體主矣。南陽身心一如。下有身外無餘句。則全收那更分真妄內外。認國師空此身於真心內乎。此正執身外有真心。故刪身外句。仍落斷常見。豈曾夢見身心一如來。又淨名若行見聞覺知。是則見聞覺知非求法也。居士翻曰。

若捨見聞覺知。是則無見聞覺知。可爲求法乎。依舊在見聞覺知窠裏。何曾夢見通達無取捨來。又丟開不起。凡聖見不作。涅槃解單據平等。如幻夢判識爲妄。正以已夢想顛倒。方六祖不起。不作者爲妄。也要之迷悟。雖殊。皆夢耳。故不解六祖平等不起。正峰只是舊時人。始契國師身心一如。旨又疑認者不離見聞。抱者不離覺知。某認抱身命爲主。豈更有見聞覺知。可著說離不離。涅槃嬰兒行爲最者。豈可知能便是西祖對王語。身人本非兩物。六處總不離身。誠身外無餘旨。豈似說箇知飢寒能視聽。宛有兩知能乎。寶鏡正據五相完具的眼耳鼻舌身。爲渾然佛性。若完具外別有知能。屬流注意識矣。洞山過水偈。切忌二句。指水中影。我今句。指洞獨往處。處二句。指影因我。有我今句。唯指自爲獨往。故恁麼方契。不然。背雲巖祇者是矣。居士錯認逢渠影子。作逢渠解。惟不認抱身命主人。故迷頭至此。又仰睡時無夢想。見聞主在甚處。非真要明主公。畢竟是甚麼意。若不能指不唯不會睡著。旨要且向身命外別尋主人。不免夢想。

顛倒見聞覺知識。陰裏反覆也。至拖死屍消息。居士自未曾悟。故不知高峰實未曾悟。某曾向歷然道峰。不過認是者。漢反覆之能。日間認能見聞。夜間認能夢想。但於能上加力。故能作主耳。若果悟拖死屍。則死屍有甚見聞覺知。與睡著無夢想見聞的身命何別。而無對哉。不消道箇某拖死屍去也。日以死屍身命見聞。夜以死屍身命夢想。豈不萬象中獨露身乎。又謂無夢想見聞。外斷別尋不出主。則仰只消道睡著無夢想見聞便了。因甚更問主在甚處。豈不顯要他會有夢想與無夢想。兩不涉的主乎。又囑但只吃飯打眠。豈非指他吃飯的口。打眠的身乎。纔睡覺來。豈非指睡覺的身命乎。抖擻精神者。一覺主在甚處。正要他抖擻身命全體精神也。總之某絕後再甦。說認也得。說抱也得。居士無本可據。說妄也不得。說空也不得。無非識心測度而已。牧雲門曰。高峰枕墮悟徹主。腔峒聞鐘連主。不可得。烏得同然。腔峒無主。本雲門來徑山。一捺捺倒。頌即身命而主。公雲門別云。四大無我心。如風箇中誰是主人公。不惟忘自主。

且忘巖語主在甚處。又忘囑者一覺主在甚處。故頌全不出主公意。不惟不識徑山主。并不識峰浩浩作主之主。雲既別去。浩浩主又不出無夢想主。豈不無主墮空。天童正曰。無二主。嵯峒撥之不猶雲忘自主。并忘巖所語所囑主。歟。僧問。從來共住不知名。自古上賢猶不識。但以假名字。引導於衆生。嵯峒特撥主名字耳。答古賢不識不與昧者同。乃識自安立之主。凡聖伊不得。故曰不識實深識之也。所以聖凡皆假名耳。然有可破之名。有不可破之名。妄認之我可破。常樂之我不可破。主亦猶是雲。誰是主。亦破妄認。但一味破昧。四大卽常樂我童無二主。四大當體是常樂我。乃天童之確斷了義之正宗。佛祖實證之本體。斷不可撥也。又問。峒頌有主初進步。無主末後功。有無俱打脫。石女撞金鐘。或當乎答曰。峰無言可對。雖認箇主。未嘗實後。枕落實悟。全體主。未嘗無。既初未嘗有。末未嘗無。已覺顛覆。復云有無俱打脫。不知枕落徹悟。有甚有無情執。作是說道之。更曰。石女撞金鐘。不皆贅言了無涉乎。問泥牛鬪入海。須彌擊金鐘。

古說法有此式答。誠有之。正古人出身句。未聞以撥主也。峒語似古而非古。是脫空語。故據正旨。泥牛等句。更須一一棒過。始得。峒自謂不惜眉毛。頌出童曰。却請瑞摸取眉毛。試問瑞。眉初進步。有謂有主。初步耶。末後向甚處去。謂無主。末後功耶。又眉還曾向道。有主無主。初進末後。有無打脫。石女撞鐘耶。此童婆心。卽以眉提。撕石女撞鐘。乃向眉外描寫詞。而眉從本安然。豈受塗汙。此則峒眉也會自眉便會自主。峒既撥主。則無眉。此則峒不惟不識主。并不識眉爲何物。何得云不惜頌出耶。玉林云。瑞白因杜撰長老問。甚人拖你死屍來。此問話者。又是誰錯。會要識這。昭靈拖死屍的問話。的瞎做幾日。道忽然似手一提。這邊提過那邊。曉得這拖屍問話的。認識爲己。妄云峰初悟一般。頌云有主初進步。峰枕落如網跳出。亂道。峰方脫識。空連主沒有妄頌。無主末後工。妄認識神爲悟。主云有主。先成常見。亦知古呵。又以識空連主沒得爲究竟。謬云末後工。又成斷見。彼亦知未諦當。別曰有無俱脫。石女撞鐘。若然。峰應有第三番悟。

又成矯亂外道瑞半夜間一驚悟得主曉得拖屍問話的守箇昭靈故呵常見後打七忽身心脫落連主不可得墮空落斷故呵斷見又把非有無卽有無矯亂見足頌在後可瞞人隨問亂答得莫道生死來用不著一睡去就用不著了甚至云一切習氣總自心現無差別使人殺橫淫妄靡所不至飽肉談禪望被魔魅未招報者各各覺察及早懺悔莫待悔無及今瑞已死魔子離言迷謬狂妄竟敢謗峰上堂所述爲開發學人播弄倒橫等不可作實法會離言割愛辭親端的爲甚若欲做認識爲心外道祇消宗無爲教五部六冊謬引在眼曰見等語聚衆魔說何用冒在宗門夫瑞以曉拖屍問話的識神爲主根本既錯又著魔境墮無記空跏立佛前半枝香漸漸覺來口中亂云不可住著祇與酒醉病熱者昏迷時無主宰失心忘身百事不知打亦不痛許久纔醒等耳欲將魔外見謬解宗乘塗汗高峰謬改謬配轉見不堪峰未墮枕前祇於無夢想打成兩橛耳雲巖石女起舞與石女撞鐘矯亂語大有逕庭莫道你師自註過末後

工是頌枕落之悟有無打脫是說參人不可有無上作活計多種外見終不能逃強辨何益又曰中瑞魔輩邪毒善因招惡果者先舉湖州一僧一俗言歸安有居士福相豐厚英年向道奉戒持齋以淫習重爲媿求出生死誤入瑞魔網死魔子離言手以曉昭靈識神認拖屍的爲悟主然尙知淫妄爲非乃瑞云纔涉參情便有入路更云一切習氣總是自心發現何差別何羈絆教其信得這一著極則無有不汝無不解脫謬扯萬象中獨露身來恣其狂妄遂令自負悟道勘驗縈流破齋犯戒一切無礙誰知佛法大有靈驗前年七月半身冰冷不能轉側接父兄親戚集薦地躍起遮欄不住直至堂前言一菩薩執一軸手卷書其罪狀又一天大將軍執大鐵鎗令一發露若一字隱瞞則一大鎗嗟乎居士報未到時其不服善音容更甚今魔氣正甚輩誰知生死到來更不容僞甘伏死門如實供云第一重罪未得謂得第二鞭拷沙門第三妄刻語錄第四破齋犯戒把罪說過乃述苦報說受某等地獄報卽做其相說獄相畢云是

果報先應受花報。說數花報畜類形聲畢。驟云應先變豬。遂作豬鳴。奔房中撒臥。具眠草中。家人以被囊草必去。被曰。惟草爲安。慈父痛心。仁兄血淚。欲救無術。而居士說罪狀罪相。一一清楚。父兄令說懺悔二字。便懵然不知。嗟乎。到求懺悔時。不能何不於懺悔時。早自知非。而至噬臍無及。可爲今未得爲得者。殷鑑其兄親爲某說。某曰。令弟是瑞印的。曰。固是。而與離言更得。特請離到家。舍弟怒目視之。離見形色不好。不作聲。出舍弟厲聲曰。離言離言。三聲而終。此事湖州咸知。我姑就其兄述。又一白巖禪人。昔參先師。隨揚前曰。和尚肯印證。助和尚成叢林。化錢糧。被先師深責。無顏去。末幾在弁山付法矣。吳遜翁曰。白巖見人打一下。曰。會麼。要人曉得打的舉動的。胡亂承當。遂印爲悟弟。婦也被印證。近現報了。得異症。腹脹如蘿。等魔事甚多。滿屋皆鬼。白日出現。亂打亂叫。如是現報。方死。僧俗咸知。白巖現報如斯。其花報果報。同前居士斷然一毫不爽。至歷然吐血。亡現報不一魔輩。認識爲心。未得謂得。謗大般若。縱無現報入。

地獄無疑。又現報昭然。毫不驚惕。果如何爲心。乃魔子久默。謂伊兄曰。令弟招報雖苦。見地是好的。伊兄曰。舍弟見地不好。他現報時。親說未得謂得。且公子家縱欲者。多何如是。現報之甚。久默尙云。令弟祖師。關是透的。如此魔魅。福豈小哉。因知其兄外中毒者甚多。況他姓耶。其兄又述一人。到離言處。許三日悟道。頭一日開示。看舉手動足的是什麼人。第二日聽其自看。第三日謂你今日該承當了。你不承當。三更來敲我門。果然三更敲門。承當了。問是婦女。光天化日。下有如是魔精。哀哉。有居士謂離言師說。做幾日工夫。他點得會的。某云。點則可。點會則要人自會。弁山點得會。要人承當。識神耳。居士曰。他說舉動的。爲己知。西祖在眼。曰。見等某曰。彼是方便。示王從八處出現。時見性。非指見聞。覺知爲性也。執此等語。誤認則成認識。爲心外道矣。離言開示。唐祈遠認動作的。云。我明明說。你還不承當。唐曰。不敢承當。看現報樣。怕了。離言云。若說那居士不好。就不濟事了。嗟乎。地獄非小苦。何得那魅之至。瑞開示。莫不教承當。開口。

動舌眼見耳聞的爲本來隱願亦被迷曰蒙委曲開示信得極喪心哉然隱願尙以妄想流注爲疑瑞白竟不怕造地獄到底慣以坑陷居士的毒坑陷云汝喚甚作妄想謬解識得不爲冤語云曾非別人謬解是誰起滅語云當知妄想全體是箇自己邪人說正法正法亦成邪故我總提一冀魔輩懺悔二聽諸方共辯乃魔子不知負墮地獄豈是等閒誤人入地獄豈可兒戲何苦害無限好人入地獄 僧問崆峒頌高峰固不合報恩謂峰打破死屍句便實悟何如牧雲門曰疑嗣書謂雪巖誰與你拖死屍者指峰全體主也峰觀讀是者漢觸發拖死屍是阿誰也魂飛膽喪絕後再蘇如放百千斤擔者描邈參情極處境家也到南明納一場敗闕者相見機緣疑嗣書略過不敘也明得公案亦不受瞞及開口又渾日用尙不得自由如欠人債足見前所得未穩也睡著無夢想主在甚處無對此前雖會拖屍主實未悟全體主也峰不自欺發憤疑枕落如網跳出追憶前疑佛祖諸謁差別公案如遠客還故鄉只是舊時人不改舊行履

安邦定國十方坐斷者此徹悟向被詰主茫然不知今則觀體現前悟得自己立地處不改行履者未悟時吃飯打眠既悟亦同十方坐斷者前有浩浩有睡夢有作主今則全主觀體現前不煩舉念偏界不曾藏也若打破拖屍便實悟拌一生癡默五年發憤圖甚麼問峰云觸發拖死屍句直得虛空粉碎大地平沈物我俱忘如鏡照鏡野狐狗子布衫出定話驗之了了般若妙用信不誣矣非實悟歟答有疑嗣書無夢想透不得之後案知前未底實也問峰上堂何不舉末後了手語而舉前不了話只如空碎地沈俱忘鏡照有甚不到處答正要汝問峰觸發拖屍會處說向人蓋勉勵人像伊如是體究必有靈驗未嘗指此爲了手爲實悟虛空粉碎等話有人道得了事有道得不了事非話有差別爲悟有淺深而有了不了據後但會日間主未會無夢想主祇見空碎地沈物我俱忘未悟物我全主也如鏡照鏡未悟鏡來處也會得拖死屍未會死屍故無夢想打作兩橛不知落處卽疑嗣書云絕後再蘇亦參情逼極得箇活路非撒

手再蘇欺君不得也。至枕落地始是撒手。自肯再蘇時。野狐出定話亦隨所見之了。了解夏後開口又覺心渾則了。了何在。可知雖云了了。不實了了。行狀載詣南明相見。雖則機鋒不讓。不知機鋒轉語。有道德便了事。有道得仍不了事。不觀大慧未見圓悟時乎。然此機鋒疑嗣書不敘。自知前來做處不實。略之空碎地沈亦不敘。豈非峰自不將此爲究竟。妙問峰不能酬無夢想。別以見地不脫礙。正知見釋之類乎。答打破拖屍句。已五年爲甚無夢想。主無可對。安有實悟。不知主者正見虛而未實。何謂之有見地。雖喝也喝得袖也拂得。機鋒轉得。然會處不確。嚴不肯放過之峰。祇到得睡夢作得主。詰無夢主。便無對。因囑者一覺主在甚處。正欲峰實見主安立處。若將拖屍打破爲實悟。豈不致後輩有彷彿打破拖屍見者。便自謂實悟。高峰枕落一段話語。語語應著雪巖前指示的語語。翻却前自己作得主的嚴全提峰全體之主。峰供通實悟全體之主。謂之見地不脫云乎。哉。見地不脫非正旨也。私謂高峰打破拖屍句。固與瑞自有主

初步之見。兩殊然。不了無夢想。主到此是見而未徹。報恩亦云。對瑞師說。謂之大悟徹悟。若對後。枕子悟境。但謂之悟而已。然終以報恩所判。未墮枕前於無夢想。主打成兩橛。語却好。是峰拖死屍。觸發分量。天目晦有辨牧雲門語。不錄。報恩判魔費隱斥狂解。亦不錄。天童判朝宗說云。汝引石門。炤從上諸聖。總具三玄。要老僧敢道。炤亦無擇法眼。被濟玄要惑。濟道第一句。得與祖佛爲師。正據本來人爲祖佛師。故道衆生度盡。恒沙佛。第二句。得與人天爲師。亦據本來人。非人天。只因不自迴機。故枉輪迴。人天。第三句。得自救不了。亦指本來人。自不迴機。故自救不了。老僧唯據人。貫三句。不見三句名言。況有三要爲印。來如問第一句。老僧道。已第二句。濟云。三要印。開朱點。窄據朱點。指前人。分上首山大用。不揚眉。棒下須見血。初不見彼此之異。因問答。乃主賓故曰。未容擬議。主賓分風穴。隨聲便喝。據是則不容擬議。三要矣。既未容擬議。則舉目了然。豈更見佛祖主賓之異。三玄要之名。哉。亦惟據人人本來本具。本得。故指各各爲

一句耳。問第二句。濟曰。爭負截流機。非反截上問耶。所謂一句截流。萬機寢削。首山亦謂一言截斷。千江河。萬仞峰頭。始得玄。南院道亦肉團上。壁立萬仞。皆指赤肉團爲玄。所以道。炤未到本得。無擇法眼。故謂諸聖皆具三玄要旨耳。若悟本得見一切人。無不具本得赤肉團之旨。豈可以別法加人哉。問第三句。濟云。藉裏頭人。正唯據本來人。所以穴道明破不堪。汝謂三要印。卽眞佛眞法眞道。又計第一第二第三句有三門。此汝錯擬以三玄門配三句。及佛法道之三耳。故謂第三卽本於眞佛。二卽本法。一卽本道道者。佛法雙明。炤用無礙。故謂一與祖佛爲師。旣佛法雙明有佛矣。可與祖佛爲師哉。又謂祖卽法也。分爲二句。佛爲三句。且問汝三句中。得自救不了。佛自救不了耶。且不合濟云。佛心清淨。是法心光明。是道處處無礙淨光。是汝謂一句中具三玄門。卽一句具三句。權也在賓全正令也。旣謂權豈全正令。未夢見全正令旨。又云一句明明該萬象。此也以汝未明汾陽自爲一句。菊花正塵塵盡是汾陽。以曉人人該萬象塵。

塵盡本來人耳。又謂三句只一句。三玄只一玄。故一玄中具三要言。言不離本分實也。立主要須圓也。且問汝因甚道得意忘言。道易親耶。汾陽豈若汝不忘玄要名言。翻覆顛倒哉。又謂三玄只一玄。三要只一要。所以云四門通一要。一要具三玄。臨濟首山汾陽。先三要後三玄。實而權也。汝莫謗好。汝見一要具三玄。謂要實玄權。且問汝四門著落。然後判一要始見不亂說。首山云。恁麼來者是誰。一似指地。一似驗他。僧答某甲以名通來者。常在途中不離家舍。首云。莫道是別人。隱隱證他。僧禮拜。可知禮也。首云。見箇甚麼。便禮拜。又轉驗他。答今日大似因齋慶讚。果知禮也。首云。適來恁麼道。速須吐却。恐他以言語爲己事。不據自爲實也。答也。知和尚曲爲某甲果見己不可受委曲名言。首云。後有問向道甚麼。僧拂袖便出。若不出曲爲亦虛言矣。首召僧。又驗他。僧回首。首便喝。以喝不作喝驗。僧云。老賊得牛還馬。首乃以四門一偈示之。只如要須圓之要。汝作麼釋。汝謂濟立法首偈汾頌。先言三要後三玄。實而權也。濟一句語須。

具三玄門。一玄門須具三要。汝何所據爲一。要耶。汾三玄三要事難分。皆先玄後要。首四門通一要。據首一要。非濟汾三要。據首四門。非臨濟一句具三玄。一玄具三要。初法試配得恰好。則汝說不謬。又云其實元無先後三玄。卽三要。第以三要施之門庭。故謂三玄門四門通一。汝又作麼消。又謂總看玄權要實玄。用要。炤玄賓要主。汝既權先實後。則權實從人建立。來首問來者是誰。非炤用同時。僧答某甲。又非炤用同時。皆指人外。無別法之實哉。乃至首便喝者。老賊又非全體炤用同時乎。故在賓全。正令立主要。須圓耳。二人問答。何嘗有玄要二字。影子可見。四門一要三玄皆名言。而汝於名言顛倒妄作妄說。首山云。速須吐却。可有玄要名言。落賺汝等。何曾像汝云。細辨則玄中亦有實有炤有主。此賓中主所以立也。踞地師子第三句也要。中亦有權有用有賓。此主中賓所以立。探竿影草第二句也。玄要齊彰。此主中主所以立。金剛寶劍第一句也。所以首道把定乾坤大作主。不容擬議。斬全身方得名爲主中主。非謗首耶。旣不

容擬議。斬全身。正據全身。初不從擬議來。首賓主頌曰。悟了却從迷裏悟。汝敢於悟迷無二人分。上別以玄要等作一程。一程定限惑人。豈可謂迷悟從來無差。互始知本末。至於今古相承。無別路耶。又兩家用莫讓主。非臨機不見師耶。又不容擬議。豈非擬執玄要等名言。而不據全身以示人耶。汝謂棒下無生忍爲全賓。爲三玄。臨機不見師爲全主。爲三要。大不然。旣不見師。則師弟無異。各各本具全體平等。誰更與汝分賓主玄要。況三玄要哉。又謂只一句全提者。所以三玄要賓主。歷然不可分。卽三玄中亦賓主歷然不可分。第一第二第三三要。亦如之。如鼎三足。或縱或橫。則鼎不可立。老僧只據全體自在。誰與你來分縱橫哉。又云若儻侗則足無準的。不可立。此三玄要方爲一句。而難分濟云。三法混融。辨既不得。喚作茫茫業識。非指儻侗者。且問誰向汝道儻侗。謗老僧爲儻侗耶。只逐濟名言。不顧自全體。更問人皆兩足而立。直饒汝如鼎再生一足。只是箇怪物。非自辨不得業識衆生乎。又汝道三玄若可分。何以具一句三

玄可儻侗何爲一句具三玄是知權實雙行照用齊彰賓主歷然如大火聚非一草一薪火且問般若大智如大火聚擬則燎面門者是多少人共一般若而謂非一草薪哉非謗大般若而何從上以來並無玄要遞授汝謂三玄要非濟特創亦非黃檗特創非塗汙先聖乎汝謂諸人作麼生會者三玄也一句中之賓也權也報汝通玄士也下座者三要也一句中之主也實也棒喝要臨時也所以一句有三玄要賓主歷然也老僧道棒喝臨時只與作麼生會一般與下座了沒交涉濟道向未舉前撩起便行故某謂下座以全體獨脫抹殺三玄要也豈若汝更分開亂配哉如上所錄揀異示正深關宗乘隻眼略爲撮要用備探尋噫以不立文字之傳至於羣興辨駁語瑣詞繁得毋傷其已甚雖然若非彼此搜討安得歷祖公案綱宗言句見地如此毫分縷剖之明晰哉不是山僧遲人我有疑不決直須爭萬古碧潭空界月再三撈撈始能明來哲其撈漚之毋負從上古德權實示現之婆心也

貫教

禪是佛心教是佛口佛之心口決不相違古德云禪爲教外別傳教亦可爲禪外別傳誠哉斯言也宗鏡錄以百本經論引證契同廣大悉備茲不繁引惟舉東土創立講家所謂天台宗賢首宗唯識宗相沿至今與宗門各樹法幢以流衍於無窮者特爲疏通其同中異標示其異中同以合貫於我佛一乘之旨俾相得而益彰毋相攻而各是而終以淨土指歸爲宗教兩家千穩萬當一生成辦共由之正路焉其亦庶幾也夫唯識一宗裴師數傳後幾於絕響邇時皆台賢兩家兼講之唯識三十頌中立唯識行位有五其三通達位謂諸菩薩所住見道如實通達頌曰若時於所緣智都無所得爾時住唯識離二取相故謂真見道位於所緣境及無分別智都無所得爾時乃名實住唯識眞勝義性卽證眞如智與眞如平等平等俱離能取所取相故此在唯識家謂之眞見道位若在天台家是圓教初住位別教初地位破一分無明證一分眞如之相方之參禪上士卽是薦取本來面

目與本分相應。然教中乃實證真如是如來應佛成道。相禪宗是譬爾契悟天壤之殊。但所悟境相與所證境相了無差別。此正生佛不二之心源。宗門所謂與諸佛同一鼻孔出氣者。指此也。所謂三界唯心者。亦指此也。宗門人既相應。已時時任運。此境現前。消除二取習氣。或一生乃至數生。般若成熟。俟與教中實證相埒。斯則全在當人功熏之縣。密難以豫判。然以始合本。其疾如風。但令般若常現。正不必冀其速效。而無不速效者。較之唯識本宗。自初資糧位次。加行位。至三通達。須歷僧祇大劫。方得證真。再進而為四修習位。五究竟位。統須三阿僧祇。乃登佛果。其遲速蓋不啻天壤矣。天台唯識攝在別教。其兩家名相圓融。行布固可會通。然開解起行。門庭迥異。毋須曲會。賢首判唯識攝在始教。尚非終頓二教。況華嚴演華嚴宗。此則與台家自立專門。不須兼他宗者異也。求證唯識性菩薩。從發深固大菩提心。修六度勝資糧。觀名言我執二取空入手。與宗門一念回機。便

同本得。但離妄緣。即如如佛者。大相逕庭。不須和會。至因明論中立有現比非三量。釋現量云。此中現量。謂無分別。若有正智。起於色聲等義。邊離名言。種子等。以現現了。別而轉。故名現量。宗門人每以現量為本分當體。然以現根對現境。則有能現所現。與迴脫根塵靈光獨耀。宗旨顯然不同。須知宗乘悟門。不是現不落量。因地一聲撞倒。這沒面目漢。方是這一著子。獨尊正位。切勿爾莽認現量為本分也。祇如正睡著無夢想見聞時。以何為量。現箇甚麼。枕子落地消息。是未現起不落量時。節佛眼也。覷不著。豈可說現說量耶。總當以唯識見道位親證真如圓成實性。引為契同。可爾賢首家以法界為宗。分理法界事。法界理事無礙。法界事事無礙。法界禪宗則全攝四法界為悟門。即全攝四法界為一本分。泯絕四法界。全收四法界。言語道斷。心行處滅。不可思議。天真獨露。統謂之一真法界。不似賢首教之條分縷剖耳。故宗門客多喜賢首家經論。以其談說多與宗語相合也。賢首判宗為頓。如云。但一念不生。即名為佛。頓證

此理不列漸次故名頓教。別爲二類。離念機故。卽頓禪宗。而以華嚴經所說一位卽一切位。一切位卽一位。依普賢法界帝網重重主伴具足立爲圓教。若如所判禪宗。但是頓而非圓。不無抑揚之詞。私謂宗門謂之由頓而合乎圓。則可謂之但頓而全非圓。則不可。然華嚴諸祖。雖如此判。亦許禪宗爲圓。所攝圭峰云。若頓悟自心。本來清淨。元無煩惱。無漏智性。本自具足。此心卽佛。畢竟無異。依此而修者。是最上乘禪。一行三昧。是一切三昧根本。若能念念修習。自然漸得百千三昧。達磨門下相傳。是此禪也。頓同佛體。得卽成聖。疾證菩提。又云。眞理卽悟而頓圓。妄情息之而漸盡。頓圓如初生孩子。一日肢體已全。漸修如長養成。人多年志氣方立。當知無漏智性。本是具足。一行三昧。是一切三昧根本。及眞理卽悟而頓圓等語。皆是圓宗。非僅一念不生。離念之頓旨。不可妄與評論。至華嚴家開圓解後。諦觀事理圓融。無礙周徧。含容法界。處處開十義。而要歸於契心平等。以成止觀。如云。泯同平等者。爲未了者。令了自心。若知觸物皆

心。方了心性。故梵行品云。知一切法。卽心自性。則成就慧身。不由他悟。旣心境如。如則平等無礙。卽心了境界之佛。卽境見唯心。如來心。佛重重。而本覺性。一皆取之。不可得。則心境兩忘。照之不可窮。則理智交徹。註云。今人只解卽心是佛。是心作佛。不知卽境卽佛。是境作佛。以心收境。則心中見佛。是境界之佛。以境收心。則境中見佛。是唯心。如來心。佛重重者。置兩鏡照一佛。則一佛像重重。雙入心境。兩忘卽止。理智交徹。卽觀此與台家初心遮照同時相類。正是下手修持功。熏吃緊之處。與宗門知有後任運騰騰。但是無心於萬物。何妨萬物常圍繞。實際地不受一塵。佛事門中。不捨一法。行履相應。亦與濟宗無依道人。歷歷地孤明洞宗六戶。不掩四衢。無踪同此。是一路涅槃門。圓宗圓教。若合符節。所謂常觀涅槃行道是也。若華嚴家所演事事無礙法界。帝網重重主伴交互果位。方能全行印證。似非初學所能證入。宗門雖云自心本自具足。不須開如此解。亦毋須起如是觀。此則與賢首別。至於賢首依華嚴教判立賢聖五十

二位階次井然不同。唯識須歷三僧祇劫方能成佛。清涼有云。三生成佛。其疾可知。宗門雖不明立五十二位。而望空點跡。決定暗證。不可撥無。而終身不退。定入聖位。斯則速證全與相合者也。天台家依法華經。純圓獨妙。於法華經題開立名體。宗用教五重玄義。而以經中實相爲體。斯卽宗門所悟之本來面目。離實相無悟門。離實相無本分。所謂實境無相。無相亦無實智。無緣無緣亦絕。境離無相。常爲智緣。智雖無緣。常爲境發。非實非不實。非相非不相。遮照同時。正是宗門恰好正眼。但教下依言而顯。離言而契。宗下則全指離言而契。一邊耳。台家判我佛一代五時說法。初華嚴時二阿含時三方等時四般若時五法華時。判藏通別圓四教。雖不專論宗門。而判禪宗爲般若時所收。帶通別二教會歸於圓。以宗門得意者。全合於圓。其未得意者。或帶一別。或帶通別二開悟。有淺深致合教理。有純雜六祖宣演。摩訶般若勸誦金剛般若經。卽是其證。蓋以般若部中所談與宗門祖師指示多合故也。台宗自以法華純圓獨妙出前

四時外。以前四時是對待之圓。法華時是絕待之圓。立一念三千。空假中不思議境。起一念三千。空假中不思議觀。觀境不二。雙照雙遮。因該果海。果徹因源。佛子住此地。卽入諸佛位。了知心佛衆生三無差別。祇觀己心一念陰境。卽具凡聖十法界十如。假名一千五陰。一千國土。一千此一念三千法。一空一切空。一假一切假。一中一切中。所立境觀最爲圓妙。宗門客事來不受。一切處無心。與一空一切空合。轍不變異。處去亦不變異。卽與一中一切中合。轍唯台家入手觀妄不觀眞。實入手觀眞不觀妄。宗門亦然。故宗門與台家多不能會同。以台家只觀一念妄心。具一切法。卽空卽假。卽中。宗門先須滅盡妄心。方得眞心脫露。然無始來未曾離念。不獨起滅是妄。卽不起滅時亦無記妄念。所攝必待登圓初住。破一分無明。證一分眞。如始得眞如。觀面全彰。未登住前皆住地無明妄心耳。但離此住地無明。更無處覓取眞心。故李長者云。住地無明。卽是諸佛不動智。然則台家觀妄禪宗觀眞。均不外此住地無明。是以台家云山

外觀真却同觀妄山中觀妄却是觀真此對賢宗而說而禪宗可知蓋禪宗離妄顯真台宗即妄全真而同指此住地無明即諸佛不動智也了此則不必分禪分教分妄分真但認取隨緣不變之實相般若心不異即是諸佛不動智現前即與諸佛把手同行即是入諸佛位台宗亦判五十二位而一生可望登圓初住位斯與禪門終身不退入聖者同也古來未有不通教乘之大宗師故曰通宗不通教開口便亂道何能接人利物應不失機今略撮錄唯識賢首天台三家宗旨與禪門疏其同異和會一貫宗教雙通佛祖並印雖不中不遠矣然而法運際衰人根多鈍猛發大心以了當生死者固不乏人其間三登九上不得遇真正師承即不能得真正知見即或遇正師承得正知見而一知半解未到大徹了手境界臘月到來未免一場懺懺又或得正知見而習氣濃厚世壽短促又或在家二衆終歲塵勞未得行解純熟而一期報終未免半途而廢雖正念不失來生乘願再來定得滿其所願而隔陰可慮懷疑不消奪其正念

以致打失者有之今更爲斯輩設一徑捷千穩萬當方便俾人人得以此生超登彼岸則莫如禪淨兼修一門矣其未得悟門及未曾參禪專修事一心淨土者不復贅論茲所列者唯爲參禪已經知有而力量弱薄不能純藉自力超登聖位見地雖正餘習熾然日下孤燈常時失照那能打成一片斯則在家二衆此病猶多倘不仗彼佛力加被其能免於臨終生悔乎況自古來永明壽祖極力主張立四料揀以爲修禪者勸駕其餘歷代諸祖大事發明而發願往生樂土者不可勝數載入角虎集可考但宗家兒往往以唯心淨土自性彌陀爲指歸此則仍是自力薰修不合往生正因一錯百錯不可不知也往生正因者了知自心本自具足自心實相即是西方常寂光淨土自心般若即是西方常寂光彌陀念自心具足之彌陀寶號薰發自心具足之極樂西方今日修持如是因臨終決得如是果仗自力之願山投彌陀之願海願願交契事理圓成臘月三十到來自然有不思議之豫知時至自然有不思議之臨終佛現自然有不

思議之聖境現前。自然有不思議之上品往生。斯乃禪淨雙修之正軌也。宗門人那邊明白了。却來這邊行履說箇行履二字。便是臘月扇子。於本分事了無交涉。然却少他不得。今卽以常持六字。洪名爲行履念念。是始覺。念念是本覺。念念全本覺。作始覺。念念混始覺。歸本覺。本始合一。行願相資。帶業橫超。一生成辦。這柄臘月扇子。扇得透體清涼。飄飄送我入蓮胎。禪淨雙修事理該現。世人天標榜。就他生佛祖位中來。斯非千穩萬當至捷至徑之方便行履歟。私謂吾儕多劫飄蕩。苦海浮沈。今世幸得人身。痛驚生死。幸投佛門。幸聞一乘。又知宗門之別傳。更信橫超之淨土福智。兩足美滿。前程憶我無始劫來人天樂境。何處不曾安享。阿鼻苦報。億劫當亦備嘗。今生再不超脫。甘入輪迴。戀戀兒女恩愛。津津名利。纏綿何無志氣。沒剛骨如是之甚。我今普勸發心猛爲立志。始從參禪入手。了知本分。淘汰綱宗。繼則博會教乘。融貫宗門。如合水乳。毫無纖疑。然後合宗教以收歸往生淨土。成已成物。上求下化。發大心行大行。證大果。

起大化歸大處。盡未來際有能合如是軌轍者。真是古今來第一員無事道人。也。夫上來所集十門。無一門而非參學之要綱。無一門而非修持之正轍。仰酬佛師難報之恩。示茲物我共行之路。哀成兩卷。連綴三年首事於庚寅孟冬之朔旦。草就於癸巳季冬之新春。自知謬見多悖。禪宗愍此苦心。冀諸同志聊採愚者之一得。毋負葦草之三編云爾。伊庵於是合十。一心。頂禮盡虛空徧法界十方三世常住三寶。而作頌曰。一花五葉少室禪。紅雪埋脛開別傳。嫩桂兩株遠受記。濟洞兒孫燈絲絲。參情緊峭隻眼露。鞭撲生受牛馴眠。一生入聖只自了。菩薩發心利他先落草。之談拈胡餅大機之用。壓老拳融會綱宗。追正脈搜討辯論。匯大權宗說。雙貫中天日。行願穩趨上品蓮。吾聞其語人未見。五體歸投天中天。達磨僧伽同加被。見聞隨喜探斯篇。



宗範卷下終

項子秋蟾云。無夢想主公。話雪巖以己所中毒毒
高峰先生染華藏老人之毒。專提此毒。毒盡參禪
客俾與絕後再甦相應至矣。請自隗始。皓心嚮往
之。矧自研究以逮入鄺合教先生更爲之。列分十
門。統攝二利本末大備。語云。今人未必不如古人
焉。知來者之不如今是毒也。其流行於無盡際歟。

歸依三寶弟子項皓合十書後

大梵天王問佛決疑經

(一卷本)



大梵天王問佛決疑經

凡例

佛有小圖者
字在中而無
之者也

一斯經全軸二十四品名開于後軸今成兩本

一斯經三百有年來秘于某寺經函故文字多爲蠹魚蝕者圈兒充之間有紙葉脫者可歎惜矣

一斯經出處不敢分明說蓋付予人以秘藏故深誠說來歷讀人毋加穿鑿

一斯經震旦秘之御府不許流通故見者最希本邦幸有此本者實國家之寶也專賴有力弘通誠知王荊公未景瀛語不虛也哉

一斯經傳寫失譯人之名莫怪之

一斯經請益品一篇文相句義與涅槃經同但有中間處處文字增添耳然字蝕最甚依涅槃經全文則理顯著矣

一斯經梵王於涅槃會上別發問如來爲之重說故文身句體與涅槃經大同小異

一斯經予深秘五十年于茲時逢聖明今正流布

竊意五百年之嘉運者乎見聞諸師伏冀隨喜流通

一斯經始終爲台賢二師別頤判看至心熟讀則經旨精通無遺

一世說我國台嶺慈覺大師曾自大唐抄來斯經在于某國某寺欲親討校正老矣所不能也暫俟後賢
無著謹誌

大梵天王問佛決疑經目錄

卷上

初會法付囑品第一

梵王決疑品第二

梵王□悟密意品第三

比丘得道品第四

諸王得益品第五

諸國安靜品第六

佛告般涅槃品第七

正像末法品第八

略說邪正戒品第九

辨邪正□品第十

諸法實相品第十一

禪定品第十二

涅槃品第十三

如來病現品第十四

生死品第十五

梵王請益外道品第十六

卷下

劫末說法真偽品第十七

略說三寶品第十八

眞如□□品第十九

佛名義品第二十

降魔品第二十一

業識品第二十二

觀累品第二十三

四衆誓願品第二十四

大龍已下
藥牛餘脫

大梵天王問佛決疑經卷上

初會法付囑品第一

如是我聞。一時佛在王舍城靈鷲山中。與大比丘衆百億萬人。釋帝桓因。四大天王。自在天子。世主梵天王。尸棄大□□。大龍王。緊□羅□□。婆阿脩羅迦樓羅□。樹神。宮神。竈□。神火神。風神。水神。土神。天神□□。虛空神。一切邪神。一切閑神。野鬼神等。覓寐呪咀疾疫神。日月天子。星宿天子。六欲天□。色□。天子。四空處天子。三十三□□。淨居天子。凡有識類。悉皆□□。會地獄鬼。畜若干異類等。十六大國王。無量小國王。諸轉輪聖王等。此土他土。菩薩摩訶薩。遺闍遮默□□。而坐。肉髻光明。普照諸佛土□□。諸佛光明來入于佛口。大衆見是瑞而爲希有。復□頭□瞻視□□□□。槃爾時。世尊告大衆言。我今日背痛。涅槃日近。卽起座。舉足趣拘尸那大城。無量大眾。無量異類。無量菩薩。無量諸天。無量轉輪聖王等。同一驚戀。圍遶前後。到於佛所。皆坐一面。

爾時世尊四視而言。我今日涅槃時到。汝等有所疑

者一一可。勿遲滯。

爾□大梵天王。即引若干眷屬來。奉獻世尊於□□
羅華。各各頂禮。佛足退坐一面。

爾時世尊。即拈奉獻□色婆羅華。瞬目揚眉。示諸大
衆。是時大衆。默然。毋措□□有迦葉□破顏微笑。
世尊言。有。我。正。法。眼。藏。涅。槃。妙。心。即。付。囑。于。汝。汝。能
護持相續。不斷時。迦葉奉佛。勅頂禮。佛足退。

梵王決疑品第二

爾時大梵天王。起立合掌。白佛言。世尊。甚希有世尊。
甚希有。五十年中。如是□不有世尊□□有我心
疑□□在會亦然。唯願爲我等。兼在會之衆。及末世
求法者。決斷□□此心疑。而殷懃問我等□□蒙昧
世尊前說諸法實相。悉皆授記作佛。豈有遺餘耶。世
尊三密具足。四辯八音□□圓□說無不盡。聞無不
證。然世尊今也。拈華示衆□□尊即有付囑言。世尊
我及在會。不知其義趣。唯願爲我等在會決斷。此心
疑。

爾時佛言。善哉。梵王。爲汝在會兼末世作如是問。甚

奇特。諦聽。諦聽。我爲汝等。即決了□□知□□
疑□□速疾□□時大梵天王言。唯然。世尊。世尊。
願樂欲聞。

爾時佛告梵王言。□□諸佛出世。爲一大事。亦復爲
衆生也。諸佛同等。無妄語。諸佛巧便。□□隨衆機。諸
佛久遠。□□智難測。知諸佛以三密而莊嚴法身。終
難□□可知□□汝問前說實相授記。佛然。今
復拈華示衆。如是□□汝等諸佛。誠諦示勿□其
授記。佛諸佛應世法也。□□不諸佛密意。付囑
之大事。夫諸佛密意者。以言辭而不可測度。何以故。
是法非思量分。□□能解。即是唯佛與佛。究盡法。汝
等□□當知。以其言辭者。則每會隨宜之法也。不
隨宜之法者。則不可言說。是故有如是□□事。汝
等當知。如是法。不自法也。不他法也。復雖不離自他
法。衆生親證而得焉。一切諸佛。亦復然矣。而今付囑
如是法於迦葉者。迦葉久遠成佛。□□爲助諸佛
法現形於聲聞。是故□□於多子塔前分半座。而□
□令坐。如我今付囑□□前佛如□□爾後佛亦

復如是□□也□□應□□知□□□□□□□□
□□□□

梵王□悟密意□第三

爾時大梵天王踴躍歡喜言。希有世尊。我今日解。希有世尊。我今日始知佛旨。□□□□即脫□□□□頭頂華冠。奉於世尊。□□□□即言。我隨從於世尊已來。所說法會。□□無缺。爾如我今思忖。□□□□五十年中。□□□□豈無□密意。在會偏爲認佛所言。是故盲於佛旨。以是世尊有若干言。辭世尊大慈。我更有此少疑。□□□□其授記作佛者。衆生究竟地。住此□□□□外別有少法。而□□□□可修。可證。耶。世尊大慈。殷懃開我等蒙昧。

爾時世尊告梵王言。善哉。善哉。問焉。汝等諦聽。善思念之所言。密意者。如上所言。不可測度。強而宣其法體者。非因非果。非修非證。非自得。非他得。非自然得。非因緣得。□□□□得。□□□□畢竟。肯身心。自。知。不。思。議。得。□□□□此。□□□□我。昔。日。於。覺。樹。證。悟。此。旨。是。故。言。唯。佛。與。佛。究。盡。法。□□□□復。憶。念。久。遠。劫。有。空。王。

如來出現于世。我始發心。而即此義趣。□□□□始終已。

爾時梵王言。唯然。世尊。唯然。世尊。世尊如是。□□密意者。一切脩多羅心體也。一切脩多羅者。說是□□而脩多羅也。一切菩薩證是而成。正覺前說授記者。應世化法其實。□□□□證此作佛。中間八相得果。修儀世尊。日。兮。可。寒。月。兮。可。暑。正。法。眼。藏。終。無。二。語。佛言如是如是。如汝所言。梵王如是能護持。

比丘得道品第四

爾時百萬億大衆身心不覺動搖。不安所坐。□□同音讚歎。梵王曰。善哉。梵王爲我等作如是問。善哉。梵王爲我等導師。我等□□□□如宿酒醒。如暗得燈。三世心滅。表裏情盡。□□□□□□□□意無毫可疑。如是密意者。不如昔日或隱覆不顯。或隱語不發等。□□□□謂是諸佛甚深秘密心。如是密意。偏身口而不可說。偏身耳而不可聞。傾心。腸。不。可。慮。身。心。器。界。都。口。則。已。入。聞。聞。三。昧。而。無。說。身。心。器。界。都。耳。則。已。入。說。說。三。昧。而。無。聞。如。是。無。說。也。如。是。無。聞。也。今。證。成。

諸佛甚深三昧

諸佛甚深三昧。苦。密。世尊請聽。許所謂塵塵刹刹。是密意三昧。生生死死。是密意三昧。法法無住。是密意三昧。有。無意。是密意三昧。苦樂。因果。是密意三昧。是惡。是密意三昧。三乘四果。是。五逆障。是密意三昧。十二。是密語三昧。道。集。三昧。六凡四聖。是密意三昧。姪怒癡。是密意三昧。有記。記。是密三昧。無常。易。三昧。風柯浪聲。意。三昧。有漏。無漏。是密意三昧。邪見正見。是密意三昧。破戒持戒。是。淨穢。土。是密意三昧。愚癡賢智。是密意三昧。是非。非。是密意三昧。得失。是密意三昧。鳥獸。是密意三昧。屠戮梵行。是密意三昧。魔外行道。是密意三昧。治世暴行。是密三昧。亂心亂行。是密意三昧。劫奪慈行。是密意三昧。盲聾瘡啞。是密意三昧。胎脫殃死。是密意三昧。悟明昏暗。是密意三昧。眠情熱。是密意三昧。中陰幽冥。是密意三昧。妄想癡暗。是密意三昧。街賣女色。是密意三昧。戲男女。是密意三昧。飢渴飲食。是密意三昧。君臣世事。是密

出下疑處胎

意三昧。資生產業。是密意三昧。出定入定。是密意三昧。託胎出。是密意。羞辱榮枯。是密意三昧。病惱逼苦。是密意三昧。佛行生業。是密意三昧。舉足坐臥。是。驚動靜息。是密意三昧。呪咀咒魅。是密意三昧。濕病惱亂。是密意三昧。地獄逼苦。是密意三昧。不如意。意。是密意三昧。破法律法。是密意三昧。縛脫苦樂。是密意三昧。精進懈怠。三昧。諸大。三昧。諸大觀法。諸大神呪。諸國異法。諸佛法界異法。異術。欲色無色。靜慮。諸有識惡。因惡。果惡。口罵。惡法。惡行。善法。善行。五逆。順行。仙術。羽化。一切語言。一切經行。一切異類。形妄識。諸三昧。如上所說。乃至恒沙。諸法。生住異滅。一切有識。念念流注。等如。密意所攝。乃至諸說秘密真言。等乃至一切脩多羅。乃至一切魔外立法等。悉皆密意三昧之異說。異稱也。世尊唯願證明證據。爾時如來讚言。善哉善哉。實如汝等所言。當會末劫能護念。當令無失忘劫。末有情乾惠薄。識不堪法會。

掌毛衆生無信心時會上比丘歡喜忘所坐□□□□

諸王得益品第五

爾時十六大國王並無量小國王各各脫寶衣而奉
世尊。即同音白佛言。世尊。我等今日始識得佛。旨世
尊所付□□正法眼藏□□妙心者。即諸佛密意。諸
佛心印。諸佛脩多羅教。究竟實法□□□□實無
可疑。則一切有情佛性□□即我等本命真識□□如
□□其誰可疑。著耶。譬如大日輪午照賢愚共無可
昧。實如世尊所言。如是密意。非因得非。果得非。自他
□□□自然□□因緣等之所得。實不思議。得是故。
世尊拈華求□□□他承當有大智迦葉直下領佛
旨。世尊我等憶念昔日於唯佛知見。唯佛密意者。世
尊每所說變言異名。慇懃無不隨機。我等當時何其
愚耶。世尊未曾隱覆。隱言而不證者。我等愚□□□
□世尊當面滿口直說□□□□如梵王所言
一切脩多羅者。悉皆爲是經之異章異句。一切日月
星辰山河大地草木國土瓦礫□□棘等□□□皆

悉盡無不漏泄。如是密意。知見□□此□□意也。
是以一切脩多羅者。以此正法眼藏而爲佛法正印。
一切諸法者。以此涅槃妙心而爲實相印。更無餘蘊。
世尊我等如斯心解契聖旨。不世尊言如是如是。汝
等能護念勿失忘。

諸國安靜品第六

爾時大梵天王白佛言。世尊。今大小國王各各領佛
旨。實希有世尊爲現。未諸王說護國護法之義。而令
得其土安靜。其王心靜無魘魅害無魔波旬妨□□
□□三寶增輝。民間安樂□□各各□□穆□□□
爾時世尊告梵王言。善哉。梵王爲其國土諸王作如
此問□□□梵王爲人天□□便爲可說。可說諦聽
諦聽善思念之。即□□言。汝諸王□□各實□□應正
正法眼藏。正法眼藏正則爲魔外不被攝取。爲魔外
不被攝取。則日月星辰不失度□□□風雨寒熱
應節□□□禾稼乃熟□□□民間安樂三寶常□
汝諸王爲是安國養民法善思念之。汝諸王苟正法
眼藏不正。則父子不順。親族不和。百民□□□心叛。

百民心叛。則國土亂起。國土亂起。則王臣失處。百民離散。如此。則風火水災。漸漸交起。疫鬼入家。厄災流行。□□□□恐事。□□□□瀆。□□□□川流江湖。呈不吉祥事。□□□□貴鄙殃死。有三寶名救之。無術。我滅後末法時。世方如此。汝諸王各歸其國土者。如我所教。少時。□□莫遠。謂是護國心。印諸王。我滅後。若有□□四衆犯逆。我正法者。汝諸王速匡焉。莫言不吾所知。我滅後。法付囑汝國王大臣。能護持令佛意安時。諸王言唯然。世尊伏奉尊勅。

佛告般涅槃品第七

爾時大梵天王起立合掌。自佛言。世尊言我涅槃時。近世尊大慈何早。□棄我等天人。□□乃至□□止化入滅耶。夫世尊不三界有情之慈父耶。孤獨貧窮衆生。依止阿誰耶。世間慈父何不慮耶。世尊已超度生死於涅槃。不涅槃而尤自在。□□劫滅一劫。乃至半劫。□□度。□□海。□□邦。□□其後般涅槃。

爾時世尊告梵王言。善哉善哉。汝言然。今爲汝等略

說涅槃旨趣。梵王言唯願欲聞。佛告梵王言。諦聽諦聽。夫諸佛世尊。無有涅槃義。亦不涅槃義。本無有滅。亦□□不滅。滅不滅於□生。各各機前而見焉。不諸佛與彼外道。□□涅槃勿混亂矣。我前時在靈鷲山。因衆生機感而見佛現。前衆生機感止絕。今謂佛般涅槃。實無有涅槃。不涅槃。佛今日我涅槃言。最後密語。梵王神知矣。喻如日月宮常無去來。相依四洲見望。則見有去來相。□□見佛亦復如是。無滅度。然謂滅度。我常在靈山劫數有盡。如來終無不在時。

正像末法品第八

爾時梵王言唯然。世尊。我等今日聞末聞法。世尊前說正像末事。我等未能其說。□□殊爲未來世宣說。令無疑惑。

爾時世尊告梵王言。善哉。問汝諦聽。其諸佛妙法。常住無有古今盛衰相。我於空王佛所。初發心時。曾得聞如是法。已值無量恒河沙諸佛。聞法信解。空不過於一佛於其一。一諸佛亦復無有異法。□□□□而爲衆生說。我聞如是諸佛一偈一句。□□於久遠劫

初發心地□□佛□問一偈法終無□□異□
□如是法也。諸佛爲無量機莊嚴於言辭。或說頓說。漸或說偏。或□圓或十二六度或三乘五性等。或顯□□秘密或說聖位階差等□□諸說凡如是等言說章句經者俱對機□□而逐衆機必有盛衰於諸佛已證大法者豈有名言數句頓漸偏圓等品數殊三時經隔別耶。今我示寂止說後教行證果之言迹。教漸次衰行喻如迅流水□□夜刻刻□□末世法衰偏如是□□如□□豈□□理邪次焉亦復政國之法衰亦復然也。世出世法俱衰故亂臣賊士起於□□土常不安靜□□世□□衰末法時世如斯梵王言□□然世□□世尊言諸佛妙法常住而無古今是豈盛衰時世耶。世尊大慈開我等蒙昧而示微密觀。

爾時世尊告梵王言善哉梵王如是問應□□□者喻如天地流行氣凡十世十期之際有變化多端□□□□凶年飢饉或度十期了還復如故梵王諦聽夫天地元氣而□□有如是事邪是等之事元

氣以不專主宰而殊□□共耗是謂此天地劫末不思議變事也以自然天真豈有□爲作容言於其際梵王妙解卽微密觀照也然一國王者大臣□□預常存是於意則災厄事卽止息□□則□□於四天下都□無如是不祥□□如此□□也梵王我正法亦復如斯有法盛時有法衰時□□當時執法弟子常在法之中自取餓饉□□時鄙陋法本無盛衰相無今古相無變異相無常無常相當知法性無生無滅梵王認我言教而勿作常實見於如來真實勝義諦中□□□□夫我法者周沙界無生無滅無盛無衰無取無捨無眞無妄無修無證梵王勿取法相勿取非法相唯佛知見然矣但於隨機方便者有權有實有偏圓更無異言法□□就中若異計或言不可修或不可證法性從來法爾如是解似眞法義而謬法佛眞語卽魔外之說破滅我佛法梵王委悉思念之

略說邪正戒品第九

梵王言世尊末世四衆依何法住佛言應依四念處

□□同宜以戒□□戒者擁束身心之妙法□□
依□□內依念觀外依戒住則爲魔外不被誑惑
其戒者無量□□前□是之本根者乃十重禁是
□□則□即諸佛妙色身衆生無漏五陰身□□一
切衆生雖有佛性要因持戒□□則□□露□□
□佛性種子者戒之實性因見佛性而戒復全即得
成阿耨菩提梵王當知戒不內不外即無漏性戒也
凡有心情者悉皆無不住此性戒梵王此戒也露□
□□外此戒則邪戒也□□依此戒則作佛當得□
□□略說戒義如此汝等善思念之護持之歟

辨邪正□品第十

爾時梵王言唯然世尊世尊前言有魔外說末世衆
生□□眼□□魔說與佛說不可分曉其邪正差
別世尊唯願爲說令□□衆生不惑
爾時佛言善哉梵王爲末世眼目諦聽諦聽梵王應
知其學佛法者□□不□正□唯厭生死欣涅槃
退大菩提心小心帶慢則爲魔族□□故□□
大乘而□□□當知□□□□梵王當

知爲其執法害則三昧魔菩提魔即是也□□□
故梵王復有邪三寶如對迦葉大士說言或時魔說
三寶名義所說即邪法也受持者邪僧也是故迦毗
羅自謂爲佛也梵王應念慮矣又我滅後魔波旬漸
可壞亂我之正法譬如獵師身服法衣魔王波旬亦
復如是作四部像亦復化作須陀洹身乃至阿羅漢
身魔王以有漏形作無漏身壞我之正法又魔外爲
聖像□□聖人有漏□五□故□□又外道
□有六十四能故□毗謂倍□佛而誑新發意菩薩
或以滅善法造方等經我□不信如是等經是魔所
說如來先說九部法印如是九部法印印我經律初
不聞有方等經典一句一字如來所說無量經律何
處有說方等經邪如是等中未曾聞□□□有十
部經名若其有者當知必定調達所說□□□
也若有說言如來爲欲度□□衆生故說方等經
當知□是人眞我弟子□□若有不受方等經者
當知是人非我弟子不爲學佛法出家即是邪見外
道弟子如是經律是佛所說若不如是□是魔所說

或若有自說得過人法是則之人退人法是名波羅夷。梵王言云何過人法。邪佛言我□□前爲迦葉菩薩說言有比丘爲利養故爲飲食故作諂諛邪僞欺詐□□云何常令諸世間人定實知我是真乞士以是因緣令我大得利養名譽如是比丘多愚癡故□□□□長夜常念我實未得四沙門果□□□□當令諸世間人謂我已得復當云何令諸優婆夷等咸共指我作如是言是人福德真是聖人如是思惟專爲求利非爲求法行來出入進止安庠執持衣鉢不失威儀獨坐處如阿羅漢令世間人咸作是言如是比丘善好第一精勤苦行修寂滅法以是因緣我當大得門徒弟子諸人亦當大致供養衣服飲食臥具醫藥令多女人□□驚念受重若有比丘及比丘尼作如是事隨過人法□□□□也□□□故佛言梵王我前時因波斯匿王說言我法中不聽貯比丘不應受畜金銀琉璃波瓔真珠砗磲瑪瑙珊瑚琥珀珂貝璧玉奴婢僕使童男童女牛羊象馬驢騾鷄猪猫狗等銅鐵釜鑊大小銅盤種種雜色床敷

臥□□資生所須所謂屋宅耕由種植販賣市易自手作食□□自磨自舂乃至治身呪術□調鷹方法仰觀星宿推步盈虛乃至占相男女解夢吉凶是男是女非男非女□□當□□知□□覺□如是六十四能復有十八惑人呪術種種工巧或說世間無量俗事散香抹香種種華鬘治髮方術姦僞諂曲貪利無厭愛樂慣鬧戲笑談說貪嗜魚肉和合毒藥治壓香油捉持寶蓋及以革屐造扇□□種種盡僧積聚穀米大小麥豆及諸果蔬親近國王王子大臣及諸女人高聲大笑或復默然於諸法中多生疑或多語妄說長短好醜或善不善或好著好衣如是種種不淨之物於施主前躬自讚歎出入遊行不淨之處所謂沽酒淫女博奕如是之人我今不聽在比丘梵王諦聽如是輩應當休道何以故□□輩□□制隨順魔波旬說故梵王審細之譬如稊稗悉滅無餘□□當知是事經律所制悉是如來之所說也若有隨順魔所說者是魔眷屬若有隨順佛所說者即是菩薩□□梵王應令諸國王護念是義我今略說若欲

廣說者則言辭即盡

梵王言。誠如佛勅。誠如佛勅。今日得未聞法。但法眼不分明者。爭□□分曉焉。如是甚教。唯願我等與衆生。圓成種智。□□□是故。□□□梵王宜聽。復有說言。□四波羅夷十三僧殘二不定法三十捨墮九十一墮法四懺法衆多。□法七滅。□等無偷蘭遮五逆等罪。及一闍提若有比丘犯如是等墮地獄者。外道之人。悉應生天。何以故。諸外道等無戒可犯。此是如來示現怖人。故說斯戒。若言佛說也者。□□此處。□□□應知我諸比丘。若欲行姪。應捨法服。著俗衣裳。然後行姪。復應生念。姪欲因緣。非我過咎。如來在世。亦有比丘。習行姪。欲得正解脫。或命終後。生於天上。古今有之。□□□非獨我作。或犯四重。或犯五戒。或行一切不淨律儀。猶故得具真正解脫。如來雖□說犯突吉羅。如忉利天日月歲數八百萬歲。墮在地獄。是亦如來示現怖人。言波羅夷至突吉羅輕重無差。是諸律。□師安作是言。言是佛制。必定當知。非佛所說。如是言說是魔經律也。若復說言。

捨諸□□若犯小戒。乃至微細。當受苦報。無有齊限。如是知已。防護自身。如□□□若有律師復作是言。凡所犯戒。都無罪報。如是之人。不應親近。如諸佛所說。若過一法。是名妄語。不見後世無惡不造。是不應親近。是人於我佛法中。清淨如是。況復有犯偷蘭遮罪。或犯僧殘及波羅夷。而非罪耶。是故應當深自防護。如是等法。若不守護。更以何法。名為禁戒。我今經中亦說有犯四波羅夷。乃至微細。突吉羅等。應當苦治衆生。若不護持禁戒。云何當得見於佛性。一切衆生。雖有佛性。要因持戒。然後乃見。因見佛性。得成阿耨多羅三藐三菩提。九部經中。無方等經。是不說有佛性耳。經雖不說。當知實有。作是說。當知是人真我弟子。

諸法實相品第十一

爾時梵王言。世尊。□□也。□□相。□性實。□□□所謂諸法實相。爲末世我等說。如來真實義。普施於未來世。爾時世尊言。汝等應知。諸法實相。地獄餓鬼。乃至佛。

界苦樂相。卽眞實相。觸目思慮。共眞實相。長短方圓。遠近高低。諸眞實相。青□□黑。有色無色。有相無相。□□相短命長壽。具相不具相。眞實相賢□愚相。悵惜相□□明相暗相□□相曲直屈伸。方隅相。眞實□苦樂遍□淨穢相。眞實相外道魔波旬邪僻相。鷄狗寒熱邪行。眞實相橫相豎相禽獸□□色聲□□法相憂相喜相遊觀相狂相亂相逸相□實□持犯戒相。我我執相。我相慢相。無常相殺相害相。怨敵相。無慚無愧。眞實相飲食飢渴逼惱相□□寒熱苦惱病苦相。我人衆生壽命相。離相滅相解縛相。四向四果苦薩相。眞實相凡夫□□如來最勝相。眞實相五見四倒三科六大壞滅。無常相。眞實相如化如幻。生死幽冥中苦相。眞□煩惱纏縛業繫苦相□□老極耄衰。囑蹉欠吹相。眞實相辛苦艱難。漁獵殺生惡業相。眞實相盜相奪相。囹圄桎械枷鎖相。眞□父母愛子。子慕相。想眞□街賣女色情欲交世樂相。眞實相四種念觀。欲色無色三界相。虛空無邊顯色相。四洲中央須彌山相。眞實相一念

觀照法界相。智相愚相。解脫相。因相果相。一切性相等。悉如來眞實相。如是無量性相等。卽諸佛第一義眞實諦也。梵王勿作理相。勿作事相。勿作卽離理事相。勿作空假相。勿作諸法。法爾觀。勿作性具自然觀。勿作妄念所起觀。勿作緣起所生觀。如是眞實義相。不內不外。不中梵王。如是一事實。神會則是。何以故此是諸佛究盡法。故梵王衆生。而不能說盡衆生相。諸佛而不能說盡諸佛相。一念觀解。隔億劫。梵王絕思慮。處能思慮。梵王言世尊。如是圓極頓大之法。如大機迦葉頓領。佛旨世尊。如我等小機聞而始信。解佛言如是。梵王善思念之。能護持此是諸佛護念法也。

禪定品第十二

復次梵王起立合掌。白佛言。世尊前說無量三昧總持門。如是無量三昧總持門。有多許言說。耶世尊願爲末世說其要而令得三昧住。

爾時佛言如是。雖我說多許三昧總持而爲機之其實無費多許言辭。梵王諦聽□□夫三昧總持如

如來病現品第十四

爾時大梵天王白佛。世尊。聞。今迦葉菩薩所問。佛答諸佛。已離一切煩惱。然。今病現背痛者。□□。如世尊所言者。爲欲令一切衆生。如來。已知離生死。煩惱之引語也。耶。今依之而思之。唯恐如來無病。而現病無痛。而告痛。今大會聞如來密語之言。還惑所言。豈不強爲乎。耶。亦一切衆生。悉念焉。如來。今日欺誑我輩耶。臨涅槃。而何有如是所。□□。如世尊所言者。一切如來。已斷病根。如來。今日行持極所疑惑也。世尊。我今思忖。如來。舉身金剛。無煩惱法身。然。今現病臨涅槃。而無事終滅者。大會。若恐懷無心。土石滅。想此以現。此瑞耶。世尊。殷懃。示誨。除我等疑惑。爾時世尊。言善哉。梵王。發問。梵王。諦聽。審細。焉。如來。曾無欺誑於。□□。如來。終無戲弄。□□。有。□□。如來。已脫生死。殊拔病根。我。今日。現病背痛者。梵王。審細。焉。如來。最後密示也。如來。五十年。無等閑言。說無苟直。指示。梵王。我。今。現病背痛也。爲欲令。知。識。一切衆生。從無始。已。來。妄執。生死。幻病。幻苦。而不知。無病。無苦。偏

光一作九

讓諸佛。而謂。非我輩等。卑拙。故。梵王。以我。此背痛。而勿。比于衆生。幻病。幻苦。亦以我。此涅槃。而勿。混于外道。異計。則。十方微塵。國土。諸佛。諸菩薩。光滿。於。虛空。而訪我。現病涅槃。諸佛。已超涅槃。脫諸病。我。亦然矣。然。示有涅槃者。諸佛。同等密事也。梵王。審。知。如是。甚深秘密。義。以淺智。而莫。暗。如來。秘密。藏。是時。梵王。言。唯然。世尊。唯然。世尊。世尊。今。此。倚臥。背痛也。我等。淺識。暗。於。尊。言。諸佛。最後。甚深秘密。義。唯願。世尊。殷懃。說。示。佛。言。我。今。現病背痛者。但。除諸佛。而非。所餘。菩薩。所知也。梵王。言。唯然。世尊。願樂。欲聞。冀聽。如是。秘密。義。便解。四衆。疑惑。

爾時世尊。言善哉。善哉。梵王。諦聽。善。思念之。我。爲。汝。四衆。卽。說。秘密。無量。中。一。義。諸佛。已脫。世病。離。生死。我。今。現病也。非。因業。所感。亦。非。風寒。等。所犯。病。梵王。有身。則。有病。五陰。者。諸病。依託。處。亦。生。死。苦。處。今。我。背痛。與。衆生。病。苦。不。二。又。衆生。生。死。與。如來。涅槃。亦。不。二。又。衆生。五陰。與。如來。法身。亦。不。二。是。故。我。今日。背痛。涅槃者。如來。最後密示。梵王。善能護念。焉。梵王。

言未曾有世尊衆生諸佛無二。生死涅槃無二。於此無二中。求佛涅槃。不得求衆生。生死亦不得。若見不二相者。外魔法也。一切衆生。不知此義趣。無始劫來。迷五陰法性。昧卽法身理。依此不能脫幻病。幻苦幻生死。妄取流轉耳。梵王言。唯然。世尊。一切賢聖者。先得悟陰空。不得病苦耶。先知法無性。脫生死耶。佛言。如是何賢聖。已耶。謂其本知者。雖一切衆生。於得陰空者。與諸賢聖同等。何以故。所謂病苦者。則衆生因無始妄想迷謬。而自亂心亂性。如是亂心亂性。故不免有病苦。此以我前說一切衆苦。悉無始妄想所發。梵王譬如夢裏得善惡苦樂憂喜事。及其覺而終無所有。唯妄夢所轉也。若及其覺。昔則知覺夢不二。梵王言。唯然。世尊。最後密誨爲我等四衆劫末者。深細說。示令無轉腦回頭。佛言。梵王。諦聽。夫生死也。病患也。一切苦樂也。一切煩惱也。一切纏縛也。一切邪正也。一切怨親也。一切可樂不可樂也。流轉起滅。凡聖因果。無常幻化。三界三毒。六凡四聖。貴鄙優劣。世界變流。世出世諦。如是無數量等一切。有言說。

具一作異

諸法等。悉皆如如。佛性顯露秘密之現法也。卽見聞覺知。而非自非離見聞。而自巳他巳。如是法不可求。又不可不求。一切脩多羅。唯是此一法之分別三世。諸佛體於此。而如如法佛同耳。同目同鼻同舌。一而不一也。何具諸佛耳。於一切有識一切非識等。悉皆如如法相。法佛性之現行也。非內外中際卽離也。神會者。親焉。梵王。我往昔初發心時。悟此義。乃至極果之今。更無別法。梵王。我欲令汝等四衆輩。知此等義趣。故是故示無病於病。示無涅槃於涅槃。若無如是密示者。則安知涅槃。常住法身。如如佛性。梵王言。如是世尊。如是世尊。何因緣聞如是密誨。於報恩事盡劫。佛恩廣大。世尊如是教義。以何題號名焉。世尊言。善哉。梵王。號此大梵天王。問佛決疑經。又號梵王所問傳法經。又號付法正法眼藏。涅槃妙心經。梵王言。唯然。世尊。世尊。我等四衆誓奉持此經典。傳付此於末世。今法運與天地等其壽。爲此報恩事。

生死品第十五

復次梵王言。如來今日般涅槃。所謂涅槃。限于如來。而於九界種類者。無其分乎。世尊殷勤宣說。教我等。曉會佛言。汝所問涅槃者。則言辭轉換也。其如來則言涅槃。其衆生則言生死。共死之義也。梵王當知。如來本無涅槃義。又無不涅槃義。於何處乎。施涅槃言辭邪。但對於衆生之生死。則假施言辭。梵王當知。衆生生死本際也。其涅槃也。於外道而建立焉。勿混雜彼涅槃。應知衆生之生死之名義。卽如來涅槃之義也。□如來之涅槃。與衆生之生死。別而不別也。所以者何。如來八十年前。託生於王宮。而今日化緣止息。則死寂於雙林樹間。則如來之生死也。梵王言。我未知此之義。世尊殷勤宣說。除我等衆生疑結矣。佛言。梵王生死者。卽如來之義也。如來者。卽衆生之謂也。亦一切有情。非有情之義也。亦一切有情。非有情之義也。生死之外。別無有涅槃義。若別有焉。則外道法也。非如來所說涅槃也。梵王諦聽。其所謂生死法也。不可言不可窮。若略說者。所謂生也。顯義也。所謂死也。密義也。梵王應知。生死也。一法性之顯密也。卽如

來之一法身也。佛出現於世者。生之義也。化死止說者。死之義也。生也。入世之義也。死也。出世之義也。生也有念義也。死也。無念義也。生也有我義也。死也。無我義也。生也。出定義也。死也。入定義也。生死也。我此土經行義也。生也。無常義也。死也。有常義也。生也。無礙自在之法也。死也。自性安息之法也。生也。染污之義也。死也。清淨之義也。無量三昧者。生死法也。神通妙用等者。生死之機要也。讚歎禮拜者。生死之要機也。邪法正法者。生死之無性德也。八相作佛者。生死之自性身也。魔界佛界者。生死之無遮法也。念念生滅者。生死之如幻三昧也。天□長壽者。生死之無望礙法也。九想愛惡者。生死之究竟相也。等不等者。生死之自性德也。本無今有者。生死之無性法也。眞如法佛者。生死之卑陋身也。菩提涅槃者。生死之勞相也。成住壞空者。生死之變易三昧也。語默者。生死之了智也。應化者。生死之奴卽郎也。諸佛莊嚴身者。生死之無上三昧身也。坐臥經行者。生死之了了三昧也。夜暗晝明者。生死之表幟也。憂喜苦樂者。生

知下一有恒字

惡疑可作想

死之局量也。因緣果報。將生死之如相也。六度萬行者。生死之自性德也。四無量心者。生死之隨自意也。一念知河沙法者。生死之自性智也。諸佛知見者。生死之要機也。一切生死者。生死之生死也。□□□生之知識。乘於有數量。死之識智。零於無數量。生住異滅者。生死之常轉法輪也。生死者。一切諸法各具性也。一念遍法界之義也。死也。一念攝法界之義也。魔佛者。生死之異生身也。生死者。諸佛之持正命也。諸佛大法輪者。生死之大德也。三十二相八十種好者。生死之妙色身也。生也。無所住。不無所住。死也。無所去。不無所去。有記無記者。生死之質直心也。山河大地者。生死之骨肉血脉也。霹靂雷奔者。生死之忿怒心也。三途苦域者。生死之不思議變相也。三毒三德者。生死之知識三昧也。生也。全機現也。死也。全機現也。生也。貪也。死也。愚也。生也。嗔也。死也。怒也。梵王生死之法略說如是。汝等善思念之。當審細焉。勿認名相言辭矣。于時。地界闍王忽然湧出。卽頂禮佛足。而白佛言。世尊。希有世尊。希有世尊。我等歸依

于如來已來如是甚深法說。今日聞未聞世尊我等國界大震動。而獄中有情一時解脫。悉皆得無生忍。所有業火忽然變成金光。劒樹刀山一時開發。金華斷罪器具變成莊嚴。其所有地獄融會成寂光世界。世尊不思議妙音。我不起坐而得解語。世尊滅後。末法衆生不修三業。輩隨我國界來。我爲其解說。卽令獲解脫。梵王言。善哉。大王。實如是。能善護念。令末法流轉衆生止息。自作獄苦如是妙說。如來最後示誨也。閻王許諾言。梵王勿作慮矣。

爾時世尊重告梵王言。生死也。無命者。不無命者。無養者。不無養者。無使者。不無使者。無受者。不無受者。無知者。不無知者。無作者。不無作者。無見者。不無見者。無內相。不無內相。無外相。不無外相。無意。作不無意。作梵王應知。生死之外。無生。生死之外。無諸法。諸法之外。無生死。勿作生死之思。勿不作生死之思。梵王順衆生。則有生死之名。言順諸佛。則有涅槃之名。言實無二法。唯一法性之強名也。梵王其真如言法。言如來言法。身乃至鬼畜人天。天龍八部一切

駭一作驚

各各謬作厭惡。悲哉我□□□。佛言如是。汝等護念而施來世衆生。閻王奉尊□□。卽歸本土。

梵王請益外道品第十六

梵王復白佛言。世尊於劫末。澆世四部弟子。充滿世間。其四部衆。於所修所證法。有正有邪。耶云何。□□明。□□得不混雜於魔外之法。耶。世尊殷懃爲我等末世求法者。委悉宣說。佛言善哉。汝無疲倦。爲末法。□□□作如是問。諦聽。諦聽。夫劫初有外道名劫毗羅。有二十五諦所立法。乃彼云。廣爲二十五諦。束爲九位。云一冥性。云二大。云三我慢。云四五唯。云五五大。云六五知根。云七五作業根。云八心平等根。云九我知者。又成劫末人壽無量歲時。有外道而出。世名瞋。鬱迦。後有苗裔。立十句義。一實。二德。三業。四同。五異。六和合。七有能。八無能。九俱分。十無說。梵王彼等所立法。如斯略說。其外道強義末法。比丘敵對。不易苟於句義。不惑則與我正法。不可混雜。梵王言唯然。世尊。世尊。外道常說混雜。與佛所說混雜。其隔別云何。又佛前說一切諸法。因緣生。外道說有諸法。各

則諸法無常。故何。復言。汝。佛。法之因耶。五。耳鼻。云。十六法。無明。何如汝。無常果。常者有何等過婆。

羅門汝等法□□□□□故□□□□□

了因□□□□□言□□□□□

何□□□□□可令□□□□□

令了世□□□□□瞿曇婆羅

說□□□□□門□□□□□

何□□□□□從生□□□□□

如來名無二語□□□□□有無□□□□□

何□□□□□無差有同說□□□□□

語乃至意法□□□□□

爾時世尊卽□□□□□諦□□□□□若諦者□

聖一乃□□□□□世尊苦諦□

大□□□□□處得阿羅漢

果□□□□□衲衣□□□□□言□

身者□□□□□何以□□□□□

是故若言□□□□□而□□□□□身在□

性□□□□□說□□□□□

故知□□□□□世間□□□□□

五大性□□□□□若有一法□

從□□□□□更□□□□□

因□□□□□不□□□□□

任作車□□□□□

一切衆生亦復如是。爲故。
 故名爲一切自性。衆生其性名是。
 以故。是。
 等事。自然。
 亦而又也。
 復次。是。
 五塵是義不然。故。
 是故。
 不必從然也。
 如是。所觀。諸有。
 是故。各有。

有故。以二者無有。故。二法。不從因緣。
 佛言。汝所言。不是常若世間。事也。殊。
 諸有。佛。是故知。男子汝言。一切諸法。用。
 緣。滅。是故當知。木初生時。

者何。名流若水。水。知。爲水若是一。善男子。自性不住從。然何。言眼性見者。是故。是故。是義不然。五塵因緣惡覺。內因緣。是故汝言。善男子。具足諸根。則。不從因緣者。如是果報。巨富根具不具是。可。應具諸根。善男子。

何以故。若自性。分別五塵。啼。不應說。知。若一切法。何因緣佛言。善男子。煩惱業。爲我分別。如是梵志。解。二邊中無。世尊。及色解脫。知。依。此。善知二。業世尊。得阿羅漢果。梵志婆私吒。如是梵志。瞿曇。世間四種名之。二者已。一者。

無瓶三。無字牛中。應。名涅槃者。無若是無者。時。兔角同於異無。無牛亦不可。說。無涅槃。婆私吒言瞿曇。常樂我淨。有。二種無牛馬悉是。淨樂。云。善男子。淨如。世病。冷病。三種。病三藥。蜜能治之。善男子。風中。無油油中無風。有三種疾一者。

食二者瞋三者。不淨觀。藥觀因緣。除癡故。無三藥。三種病是故得稱。云何。無常解脫色。女人能觀色乃至。說。婆私吒。色是無常。善哉已報。佛言梵王。名先尼復作是言瞿曇。知。是故。默然第二。一切處是一作者瞿曇。答言。說一切智。

已下依涅槃
經題文限句
行脫百四十餘

光疑先

當品末章使
濕發經照見
脫紙五六帖
除也

此一章亦復
脫紙二帖餘
行

故何故從子出果
是如是也
光尼
佛言善男子汝說
法非法邊
何以炷真實
是故
明無差
一先尼言
佛復說善男子
善來比丘即時
具足清淨梵行證阿羅漢果
佛言梵王爲末世修道者慇懃問外佛紛亂正邪善
哉梵王諦聽復有外道作是言瞿
有邊無邊非

有邊非有邊
富那復言
二十五有
出家漏盡證得阿羅漢果佛復
言梵王諦聽我前對梵志如斯說汝爲末世重重請
解說是故重說夫外道聰明而不末世比丘所及如
斯外道若干來依彼宗義而問難我悉皆無不令
解脫則爲汝略說如斯矣梵王即起立合掌而白佛
言唯然世尊雖我等淺知不所及如來爲我等末世
如是慇懃重說誰之不銘心彫骨耶世尊更所冀者
佛說與魔說其差別何也末世衆生無識知必混雜
于法說唯願世尊慇懃說示令衆生不墮魔外惡趣
佛言汝問魔說佛說差別豈無有其差耶爲其說無
可比是於佛說佛法真義應審細焉
然魔聽我言教而動誑惑我四部弟子今略
說彼之口言梵王諦聽善思念之有若干魔引攝此
會阿難而即誑惑魔自身變爲如來像而有演說一
切諸法從因緣生或有言說一切諸法不從因緣
生或有言說一切因緣皆是常法因緣者悉是無常

或有言說□□□五陰是實□或說虛假入界亦爾。或言說□有十二□緣或有言說止有四緣或說諸法如幻如化如熱時燄或有說言因問得法或有說言因思得法或說言因修得法或復有說不淨觀法或復有說四念處觀或復有說三種觀義七種方便□□或復有說出息入息或復有說煖法頂法忍法世間第一法學無學地菩薩初地乃至十住或有說空無相無作或有說修多羅祇夜毗伽羅那伽陀優陀那尼陀那阿波陀那伊帝目多伽闍陀伽毗佛略阿浮陀達磨憂婆提舍或說四念處四正勤四如意足五根五力七覺八聖道或說內空外空內外空有爲空無爲空無始空性空遠離空散空自相空無相空陰空入空界空善空不善空無記空菩提道空涅槃空行空得空第一義空空空大空或有示現神通變化□□身出水火或身上出水身下出火□□身下出水身上出火左脅在下右脅出水右脅有下左脅出水一脅震雷一脅降雨或有示現諸佛世界或復示菩薩初生行至七步處在深宮受五欲時初出

有一作在

家修善行時□往菩提樹坐三昧時壞魔軍衆轉法輪時示大神通入涅槃。佛言梵王阿難見此事已作是念言如是神變昔來未見誰之所作將非世尊釋迦作耶欲記欲語都不從意阿難入魔胃故復作是念諸佛所說各各不同我於今者當受誰語世尊□□阿難今者授受大苦雖念如來無能救者以是因緣不來至此大衆之中佛言梵王諦聽上來無量外道來詣難問一一爲渠破令渠得道其無量之中略說如是梵王會中阿難因從先爲六萬四千億魔之所擾亂而我卽說陀羅尼使命文殊師利持行令救矣梵王如今現所見梵王諦聽魔王化現佛之神通如是誑惑阿難我在世如來況誑惑來世四衆如手翻覆尙易梵王我所說魔事略說如斯能持施未來世必勿違逸梵王言唯然世尊何有違逸梵王應知應如此說須分曉此末世四衆無擇法眼必爲被隨墮□知□□諸國王王子相紹勿昧正眼爲魔波旬勿奪國政□□如□□必□□示於異法預先以正法卽時匡此遲引

勿殘憂於子孫。是如來最後遺教也。汝等善能念之。
梵王言。唯然世尊。誠不世尊者。何人慇懃如此。☐☐
☐☐不知☐☐☐而☐☐☐知耶。☐☐☐☐☐☐解說
世尊末世四部衆。若爲衆生說法。必可有眞僞云何。
分曉焉。佛言善哉。略爲汝等說。

大梵天王問佛決疑經卷下

爾時梵王起立合掌言。唯願世尊。慍懃解說佛告梵王言。善哉。梵王爲汝末世四部弟子。作如是問。實梵王者。爲末世眼目。諦聽諦聽。我爲汝說善思念之時。世尊言。末世法說甚難事也。於我修多羅開實施權。更爲□□知□□則隱覆兩說。宣秘密藏。是此何之言。不正眼人者。終不可識得。梵王應知。法法本無二諦。喻如一池水也。引之令曲。曲得引之令向上。得令

卷下（劫末說法眞偽品第十七）

義□皆盡降歸□□何以如斯汝等應知如來密
義正法不魔外之所知故□□此□義□□若
依言教則魔外常所聽□□以□□此□□其
不可闕不可測者密意正法也梵王言唯然世尊又
或小乘師□□□毀□大乘師□□如是□□
□□其□立破互是非如斯闢諍決斷無其人佛言
如是者悉法滅相也梵王言□□又有假法魔波
旬得深宮之請而□□□□忤□□於皇女或現
五神通驚動衆生□□隨意說法盡入□□心
服或知國王大臣如其所思而說法或說天下威權
□□事□爲國土亂基□□國王法眼正則□□不
爲彼惑亂或有國王法眼不正則□□如斯遭
誑亂世尊入滅後後年中法危如斯復□□土
□治□□佛言如是如是斯輩徧其國土乃誑
惑其國政分曉之無正眼人此時衆生悉皆魔心□
□出□法□□魔著□□汝等梵王起護
國護法之願應勿令正法滅盡矣時梵王信受心服
唯然□□□□□□□□

此略說三寶
四字用略

略說三寶品第十八

梵王復言世尊前說魔佛邪三寶世尊聖□□我
等云何知其真實義世尊□□爲□□宣說佛言
善哉爲汝可略說□□有別體三寶□□寶
有同體三寶別體如見知同體各各所具佛性也卽
性靈覺佛性本寂法性無諍僧也彼□□者
泥塑木像等者佛寶所有修多羅者法寶著衣正戒
者僧寶□□梵王□□佛言雖同別二其無邊法
界三寶可知如是等三寶梵王善護□念之勿令斷
絕爾時諸國王言世尊如是三寶我等令合國三歸
世尊唯願垂護念世尊言□□如是□□如是□
□尊□□勿違逆矣□□□□

眞如□□品第十九

時梵王白佛言世尊有前時有情非情說所謂有情
非情者一法也耶二法也耶世尊前說一切諸法悉
皆眞如緣起也然則法界一相而從來無有色心二
相何有情非情區分說耶若因佛所言者心也有情
者乎色也非情者乎世尊慇懃指示披我等蒙昧

爾時世尊言。梵王。汝何懷異計。我終無區分說。梵王言。唯願欲聞。如來真實義。佛言。隨于諸機。則有有情。非情。說其義。則共呼於真。如法性言說也。因真實際而言者。則依義而有。色之言。依義而有。言其實。色心二法。名異體一也。唯有要究盡真實際耳。苟認真如理而確執焉者。見諸法各別。則當昧真實義。梵王其真如自體也。非知識。非不知。識非相。非不相。當知一切色心諸法。即非能非所當體。自如也。梵王言。如世尊所言。真如體相也。如馬而非牛。鬼而非畜。人而非天。衆生而非佛。陀走而非飛。色而非心。日月星辰而非土木瓦礫。木而非風火。而非地。瞋而非慈。動而非靜。生而非死。長而非短。男而非女。老而非幼。樂而非苦。辛而非甘。飢而非飽。賤而非貴。高而非低。鈍而非俊。危而非安。眼而非耳。舌而非鼻。意而非身。大而非小。遠而非近。明而非暗。密而非顯。因而非緣。無始而非令終。鈍滯而非端的。已起而非未起。算畢非始。一起念而非現今。自而非我。煩惱而非菩提。涅槃而非生死。如是真是真如自相。而一切諸法。

世上下恐有說文

互相涉入時。或明暗一時。或成住壞空一時。或須臾長劫。或圓而有欠。或牛而有鬚。或馬而戴角。或禽而有蹄。或鬼而具相。好或佛而未德。或衆生而滿德。或毒草而有藥德。或畜而有天相。或俊辯而咽啞。或盲而有天眼。或坐臥而步十方。或一言而一切言。或始劫而終劫。或捏法界而安眼等。如斯等真如不可思議自性。一法界相也。豈以互顯互隱而相劫奪耶。世尊如是等真如。不思議緣起三昧也。佛言如是如是。誠如汝所言。梵王言。世尊如是。執真如言相而認真如相分者。自己與真如其理各別。而能修所修互角而味真如。不思議自在知。唯無能無所起滅自在。則至真如緣起實際地。耶世尊於真如實際地。諸佛許可於了知而不許可於影像知。縱言說甚深。若不了了知者。喻如依畫圖而談其境界。或說天饌而無口實。世尊於耶世尊如吾輩測度諸佛境界也。假使言得諦當於其密意者。遂未能究盡焉。世尊所言實際地者。乃諸佛秘奧也。世尊一切諸佛顯密說者。不可說之可說也。真如法性理事之言不可。

名之。名也。又是爲衆生。第二義之說也。若實了知此一地者。一言盡十方。一塵究法界。頭頭我眞法身物。物我普現身也。世尊我今如是親證。願世尊垂證明。

爾時世尊言。善哉善哉。梵王誠當來慧命也。我法輪今付於汝。汝能護持。便轉授於諸天輩。而應令法壽永長。梵王言。世尊不以爲慮。我每七佛出世。於其最後會。而今如世尊乃被付囑。最後妙法輪也。不空尊勅。耶。我也。爾時十六大國王亦無量小國王起坐白佛言。世尊。善哉梵王。今得如是。被付囑於妙法輪。我現當以此正法輪而治我國土。而令正法長壽永傳。無魔外之障。爾時世尊言。善哉。汝等所言。時十六。歡喜踊躍。慎奉尊勅。

佛名義品第二十

爾時梵王言。來。前略說三寶之名義。世尊如等思惟。有佛而有法。法而有僧。其同別

之。寶佛性。爾功德也。中佛之名義。未能爲世。懃慈誨爾。如來少動紫。光聚身而微笑。默坐。威儀赫。最尊最勝。上最妙無此無等等。無上第一也。何緣而斯。無盡法界微塵刹土諸佛相好妙色。光輝統聚於我世尊一身。時梵王即拜伏而起立合掌。唯瞻仰。時摩迦葉尊者在座側。便向梵王而問言。梵王問於世尊。佛名義。世尊即微笑默生。誠如是。誠如是。梵王言。尊者我等。不曉會佛旨。幸尊者在。願爲我等。示喻迦葉言。梵王世尊觀面的示。不可思議。汝言不曉會。何之所。曉會。梵王言。我等愚昧。不知何處。那義趣。尊者請。懃示喻。迦葉言。諸佛之名義。不可思議。若其三身名義者。俱出世隨宜之佛也。梵王今此微笑默坐。佛者。梵王試謂焉。卽三身之佛也。耶。不卽三身之佛也。耶。是時梵王默然無言。迦葉言。此是諸佛最上。如如眞佛。梵王不涉思議。當面可神會。梵王言。尊者所言。則云何神證。迦葉言。唯不思議。知現前則神證焉。梵王言。其不思議。知云何現前。迦葉言。梵王何求于他。

注者不知仍
舊存之已下
微之

如此其不思議知也。一切衆生曠劫已來。昧此而以妄想是故。當令不能□□□□□見如是佛。不能見如是佛者。便由無始無明見習。由無明見習。故前示直當面差過如此等者。佛初轉法輪已來。從認隨宜權教。而以狼穿鑿而遂無半芥所得分。依此當知權教不尅體之說。縱讀誦前佛後佛滿藏理會。而窮得其立義。不知如是如真佛者。則所知之愚。還墮魔力之教坑。□□□於此梵王起坐而頂禮迦葉言。大智哉。迦葉爲我等當會衆末世如是。的示實如所言。依此我等頑心融解。始瞻仰如來真實相。如如紫金光聚身。如是相好。非因相非果。相謂佛最上。如如法身也。註勿作蓮花臺上尊者□□□如是眞法身。□□□於諸佛者。何之名義。依何之功德。所得拙哉。我等衆生。何時失亡終□□如是愚那迦葉言。善哉梵王。如其所言。夫諸佛名義者。因果不二之佛性。卽如如真佛之名義也。梵王如是眞佛。□□□實不可名之名義也。不可名之相。佛法身不可名之涅槃佛。不可名之出世佛。不可名之衆生不可名之。

有情不可名之非情。不可名之魔外。不可名之迷悟。不可名之五陰。不可名之佛性。如是無量恒沙不可名之功德。如來一身之具得也。如今世尊卽過未之諸佛如來。亦復如是。此謂是諸佛名義也。梵王何以故然也。耶。自性本覺。不可思議。識本無一切具名。故爲一切名之本。祖呼一切有非情名目也。卽呼如是如如真佛之名義也。見一切有非情諸相也。見如是如如真佛相好也。梵王□□□凡一切神通妙用。一切三昧一切奇特。一切可言不可言等事。縱入水不溺。入火不燒。其邪道正通入須彌於藕絲等一切佛事。一切魔事。一切所作業。一切見聞覺知。已起未起。法等悉皆此如如真佛大用德也。所以一切諸佛歎德言。或不可思議。或言語道斷。或不可爲算數譬喻。或一言盡十方。或不可說不可測等言。悉皆依無量性德無量妙義妙用而稱歎於其眞際者。雖言語道斷。無見聞覺知。其一切諸法之外大□□□王神□□□□□他事如是曉會焉。是諸佛名義也。梵王言尊者如是所言。我嘗聞諸佛最初求法動歷三

- 676 -

相者則曾不說正直。非因果法者則曾不說本來。非自然法者則曾不說忽有事非始終。法者則曾不說中際理非造作法者則曾不說巧機非漸理相者則曾不說次第義非頓者則曾不說端的非圓缺法者則曾不說融會相非增減法者則曾不說餘剩法非語嘿相者則曾不說尋思理非凡聖法者則不說階位義非緣起法者則曾不說法相法非出世法者則曾不說三乘法非縛著法者則曾不說解繫非生死法者則曾不說□□理非寂靜法者則曾不說止動義非菩提法者則曾不說發心事非佛果法者則曾不說修證理非魔□法者則曾不說降惡法非吾我相者則曾不說自他相非有爲法者則曾不說無爲非卽離法者則曾不說隔別相非無常法者則曾不說眞常理非尸羅法者則不說持犯非性具法者則曾不說事理法非眞諦法者則曾不說俗諦法非二諦雙照理者則不說一乘諦非定法者則曾不說惠法非迷瞋者則曾不說悟明非孤立法者則曾不說單複法非有語者則曾不說無語非觀解法者則曾

不說思性修。非三界法者。則曾不說出脫法。非二世法者。則曾不說過未。□非惡趣法者。則曾不說出離法。非三毒法者。則曾不說三脫法。非有念者。則曾不說紛擾相。非遲速法者。則曾不說待時。□非雜俗法者。則曾不說離五欲。非顯密法者。則曾不說二諦。非有所得法者。則曾不說無所得法。非障礙法者。則曾不說融。□法非空假法者。則曾不說中際法。非一切名相者。則曾不說法。非法非世法者。則曾不說佛法。非口說法者。則曾不說一切說之理。非明無明相者。則曾不說覺不覺義。非厭離法者。則曾不說淨穢土。非煩惱者。則曾不說菩提。非嫌擇法者。則曾不說法。如非分段法者。則曾不說五陰法。非法法者。則曾不說法身金剛體。非隱覆法者。則曾不說開示法。非變壞法者。則曾不說顯色形。非衰老相者。則曾不說苦果依身相。非大小法者。則曾不說衆機。非如幻法者。則曾不說本無。今有非思量法者。則曾不說不思議法。非法法者。則曾不說測度法。非法入世法者。則曾不說出世法。非法非離一切法者。則曾不說所顯思法。非法非

非上疑脫一

言說法者則曾不說巧便法。非無性法者則曾不說
各各性。非內空外空等諸空者則曾不說水冷火煖
等事。非四大諸法者則曾不說聚散法。非流轉法者
則曾不說到彼岸法。非六大法者則曾不說自爾理
非增損法者則曾不說得失法。非四倒法者則曾不
說違順法。非五陰無我法者則曾不說事理空相。非
一異法者則曾不說法性理。非理佛者則曾不說事
佛性義。非世相者則曾不說。如法非奇特法者則
曾不說。希有法非爭論法者則曾不說。言外法非厄
災法者則曾不說。持呪法非法相者則曾不說。理非
下智法者則曾不說。超□法非三寶法者則曾不說。
□三寶非離一切相者則曾不說。言□道□非即離
法者則曾不說事理法。非義法者則曾不說定法。
梵王諦聽我非八相佛者則曾不說覺樹道非權實
法者則曾不說機大小非下劣法者則曾不說最勝
法非超勝法者則曾不說。是此非彼非已分法者則
曾不說他分。□非容易法者則曾不說左右事。非難
解難入法者則曾不說。納氣沉思法非授記作佛法

者則曾不說現當。□成法非時節法者則曾不說已
起未起法。非親已疎他法者則曾不說各別理。非理
□法者則非一切相者則曾不說。□諸相非諸相外
者則曾不說。如是相非一切。□外者則曾不說。如是
性非本末法者則曾不說究竟法。非寂滅法者則曾
不說至靜法。非法非法者則曾不說。□法非福聚
法者則曾不說修德法。不世理法故能正於邪理。不
非法故能正於不是。不佛法故能知於作佛法。本法
改能治。□魔外有識依怙故愛於有情。如是法也。心
心是也。如是法也。身身親也。不可取無可捨出諸比
類。故不見聞覺知。□梵王神證焉我從來證如上所
說法。便三世諸佛同口同舌法也。□是□現法無
邊身或現千尺舍那相。或現一丈六身復其法說也。
或時說唯佛與佛密義。或時說對機法。或說出世本
願授記法。或唯佛一條付囑。經注不當。或示法身有病。
又示法身無病。或示不般涅槃相。今□現示太子相。
好法身則秘中秘。不思議中不思議。但除諸佛不普
薩事。梵王當知上來種種言。□至後後末世盡世出

心外見輪迴則輪迴魔起。心外求佛則魔佛現來。心外見持戒則律魔現起。心外見衆生則衆生魔起。心外修定則禪魔起。心外求法則聚魔競來。心外見國土山河則觸魔即爲魔鄉。心外見魔則魔族轉盛。梵王心外無得失。心外無是非。心外無貧富。心□無嫉妒。是故令降心魔。苟不知如是事而別求是者。狂亂顛倒。內外魔族競起爲惡。起導引作佛之事。永斷如是等則□□子□□恐□□則心目爲之眩眩而四識移動如斯等□□爲心魔所惑。苟降心魔則一切外魔皆悉歸降。而即侍左右。如是則佛界魔界不見其同。冀苟不降則佛魔各立。苟降則魔即順於正法。梵王汝等降伏佛魔二邊矣。是故心則諸修□□行法本也。苟不降則一切修多羅悉爲外魔所說也。雖□□法服讀誦悉魔法魔業。正注跟妙心。梵王諦聽。我發心已來覺樹道成時始降下焉。梵王心魔降則□□□□一切諸法一切有識悉順歸我。正法不二法佛也。梵王如來密意正法□□如是梵王言。唯然世尊。心魔者二邊心也。□□

□魔□□佛性□□不可修無可證者。□本來□密假法魔如是密說□□可□□也。

業識品第二十二

佛告梵王。言梵王。當知有生佛不二業。議我前時不開演所謂於有情言佛性於非情言法性二名□□似異一實性也。梵王言世尊。願樂欲聞。佛言。梵王諦聽。此是諸佛誠諦之極談也。汝□善思念之。其所謂不二業識者。一切衆生無始劫來生死流轉來者是也。其流轉相說不可盡。皆是妄想之所爲也。除之外別無有少法。其□□妄想之性若略說者。不過色心二法。且就內外言而說。□□如是□□如其憎死愛生□其是非親疎貪欲等凡所有善惡邪正等五蓋十纏或憂喜苦樂慟哭戲笑可事不可事顛倒逆罪劫奪無數量煩惱三途逼惱異類憂愁人天暫樂男女愛情有識浮沉幻化忽有都闕一切法見聞等者悉皆業識自妄想也。除此自妄想之外無有佛性。梵王相即而見佛性者。雜亂也。相離而見佛性者。二法也。見佛性難測也。唯就已見則一切諸法已者。

也。其國土山河遠近長短方圓青黃等諸法。都業識之自體相也。日月星辰天衆之身光等者。業識自性光也。一切有情無光者。業識無明性也。諸煩惱苦樂憂喜愛愁等者。業識自業相也。胎死百歲強弱老病等者。業識屈伸勞相也。或尊卑榮辱貧富等者。業識昇沉相也。或恐怖惡趣樂求天界慕小果求小解脫等者。業識小量也。無取無捨無憎愛期大果者。業識之大量也。六十二見鷄狗等邪修者。業識之邪量也。或不斷姪怒癡即是涅槃者。業識之自性量也。一切狂亂一切忽忙等者。業識不思議變態也。或智或愚或闢提或五逆或歸三寶或邪識邪學或懶惰或遊戲或博奕或狩獵漁獵一切吉事不吉事等者。業識不思議顯密三昧也。梵王劫石可盡。於業識功能未。或年月日時有限於有情數者無限也。悉業識之不思議變也。梵王若直說業識之自體者。其諸佛應世之法說者。悉屬戲論。梵王如諸佛出世者。雖不如衆生妄所引同是業識衆同分也。當知其應世之際。如三乘十二分教者。業識

之正知見也。或說事如或說理如分別智。總接三根等者。業識之自性悉檀也。或示託胎。身等者。業識之不思議。體也。諸佛不生而生不滅而滅者。業識不思議隱顯之相也。佛常生此三昧王三昧者。業識自住性德也。佛三乘權實種種異方便無量戒定慧等者。業識法門無源海之中之微塵許之說相也。諸佛出無量光明而化一切衆生於自土他土現不思議境界等者。即業識之不思議大用也。佛身應物無量身等者。業識無相真實相之所應也。諸佛應世之相。其有顯有密有權有實大小等說者。以有業識之自性麤細淺深之德。可規不可規。眞俗差合之不思議聖諦也。諸佛念處四神足五根五力七覺八聖道說者。於業識自性而有區分相故。諸佛之智一而一切智等者。業識之不思議靈覺智也。何以證焉者。以一切凡夫一切有識或時正智或時不正智出於其不意。故謂此無性智。又謂不昧靈智。又謂諸佛無上智。又謂五佛五智。又謂四佛知之智。又謂諸正徧知覺之智也。一切所有塵塵法法有

情非情。覺知不覺。知有相無相等者。此靈覺智之相也。梵王夫諸佛說法。外不放入。內不放出者。因業識摩訶衍之無表智也。諸佛者。一切衆生之所爲。無不爲。無不知者。以有業識。不思議解脫之智用故。又諸佛常驅魔外者。渠常以說常性故。一切衆生心見顛倒者。因業識無性知故。以無別一法可說理故。一切諸佛化盡後入滅者。業識自體本寂故。一切有非情。念念生滅。少時不留者。業識自性無常故。諸佛有甚深不可思議功德者。依業識自爾之性德也。梵王欲見業識之相貌者。須見衆生無常相。欲見諸佛相好者。當見業識之自性。梵王握一塵。拔一毛。足動法界。引他土。令自土移。此置於彼界等。分抹須彌。挹四海。移置地獄於他土。或脩羅。遮日光。或吞盡鹹海於一口。妙用恒沙。□□界一步。□□道。□□神奇。身上出水。身下出火等之神奇。或現大身滿虛空等。或現小身入藕絲孔裏如是等之事。千變萬化。盡無不因此業識不思議境界也。梵王法界無邊際。無量佛國土差別。悉皆無不業識分量。梵王法界雨。滴恒

河沙數。乃至法界國土微塵數。悉皆業識相分上數量。然皆盡一念可知焉。如此等說者。無數牛毛之一二毛而已。若欲廣說者。盡劫不可窮。梵王言。唯然。世尊。世尊。一切衆生者。妄業所生也。非于諸佛也。諸佛者。一切無等等也。不二之義。願樂欲聞。爲我等在會。殷懃說示。佛言。善哉。天王。所謂業識者。諸佛則紫金清淨光明身也。衆生則所謂煩惱垢穢身也。何以故。不二矣。我法自體不淨而現淨。不垢而現垢。喻如水順器曲。直梵王以名相而不可怪。所謂業者。佛性自體業也。識者。佛性自體識也。然也。則佛性業識一性二名也。梵王雖諸佛應世身。與衆生流轉身各別。共一佛性之異稱也。卽謂是業識身。也是不向上者。是不向下者。是故一切內外諸法。不過色心二法者。卽業識之自性相也。有情非情理事。□□□□□長短方圓。□□□□黑白明暗等者。此之名義也。眞如法性菩提涅槃如來藏等者。此之強名也。一切相一切名。都此之舉體浮虛名相也。梵王如□略說。□□□□一名義者。□□卽佛也。衆生也。比丘

也比丘尼也優婆塞也優婆夷也鬼畜也野鬼也地獄也乃至四向也四果也三乘十地等覺也□□□也□□□也□□□也煩惱也□□□也生死也□□□三界也佛土也無明也有□也無漏也空也假也□□也有相也無相也無記也有□也解脫法也八萬四千煩惱也八萬四千母陀羅臂也諸佛知見也衆生□□也得也失也四百四病也盲聾暗啞也我也無我也五陰身也貪瞋癡也五欲也纏縛也淨也穢也有礙也無礙也□□□諸法也出世法也我人等也四諦法也十二緣起法也僧也俗也男也女也若樂□□□五障□□遮無遮法也授記作佛法也因果法也業繫法也國土治亂法也善惡□□也慈悲喜捨法也親疎也怨敵法也愛愁憂喜也規則也放逸也迷悟法也毀譽等也語嘿動靜也二惡趣法也剎那法也留滯法也頓成法也變成男女法也三靜慮法也四無色法也一切諸佛無量藏也一切世間所有善法也轉凡夫法也一超入聖位法也知恒河沙數量也諸佛自在神力法也不思議變法

也不思議壞也。背則歷劫不已法也。合則自己法也。梵王如是諸異類悉皆無不業識之變體異相也。梵王現所見現所聞略說如是。梵王凡見一切諸法。知一切諸法自見知於他。他見知於自。夫善惡於一切善惡於自他也。外別無佛性說外別無諸法說。會則當體不改易不會則當體妄想也。別遲滯于觀心者相變當面差悞矣。梵王欲廣說者。歷劫不可說。梵王言唯然世尊。唯然世尊。今我不惑。諸法名相世尊生佛不二殷勤重說。我等在會願樂欲聞世尊現見世尊殊勝奇特。相衆生不然。我今思惟焉。作佛依善業也。衆生依惡業也。云何知其不二耶。佛言。凡見迷悟相則生佛各別也。所□業識不思議性從本無迷悟故。□□□知業識自性自有覺義不覺義於不覺顯發也。則見衆生相於覺顯發也。則見諸佛相。好梵王應知迷也悟也。業識自□分也。但依有其異見也。暗其不二相也。前時爲三乘說迷悟各別如諸佛別無有二不二言也。不思議業識性不俗智所測度。梵王應依正知見。若見移動者。悉造地獄業也。天王諸

一法性而各各住其位而不相混雜。法法涉入不一而不一也。唯此不一不二也。業識不思議差別妙用也。梵王獨一崑崙底物。勿謂成一之性。何以故。業識性相不一不異。故梵王有一諸法各各之自性。而勿謂互相各別性。何以故。諸法本不一異相。故梵王勿以在不在有無而見焉。何以故。此法也以離所住有無相。故梵王如此法也。過去法而即現在法也。現在法而即未來法也。未來法而即自他念念顯露法也。天王喻如明鏡無心而能照物像也能照不一而即不二也。然於鏡自性者不能照底知亦不有所照底物當知。明鏡照也。又如燈燭無心而破諸暗亦復如是矣。如金剛分折頑鐵。本同一性也。梵王愚者量偏局未知所照之物像即能破是故一切一切即一也。梵王所謂一何處在耶。一之體段何形模也。耶若認能照所照而不知所照之物像即是能縱雖知所照之物像即是能亦不知能所一而一亦不立。則似有性相各立之跡也。縱雖知能所照二共本地風光則亦

復有能明所明之智。不透達業識無性法源。天王故是故有指水火眼之言。所謂業識者不能智不所智不離不即不妄不眞不理不事。念念間諸法當體不是者也。苟達此不是諸法者則當相即是矣。天王勿作法空見。又勿作定實見。當知如是者無戲論之法也。即業識不思議法也。又業識即思議之法也。達此不思議者水洗水眼見眼等也如是。業識不思議妙用。言語道斷心行處滅法也。此色也心也互相涉入譬如帝釋殿網珠也。當知一切諸法我指也我水也我火也我眼也我指之我洗之我燒之我見之皆無不參識奇特無礙自在事。梵王言唯然世尊世尊若然則呼馬而作牛也是乎呼鳥而作魚也是乎握土瓦而作黃金也是乎是言是也不是也唯死汝分別心則把瓦礫而爲黃金呼馬牛鳥魚即作牛馬魚鳥也。皆業識無礙不思議知見力也。諸法亦性相自如法故法身大士恒如此天王雖一切

□□□□□時有如此作事汝等□□□天王唯於
不思議實際把證焉諸佛業識真空妙有塵劫說不
可盡天王說業識之功德亦塵劫不可盡天王說業
識之染污亦塵劫不可盡天王說業識之清淨亦塵
劫不可盡天王說業識之不思議解脫亦塵劫不可
盡天王宣說業識之甚深密義亦塵劫不可盡何以
故業識之自體相注別可深解也不在前際不在後際中間
何處在亦無前後中際言梵王以一切脩多羅經而
勿對向今此經一切脩多羅經之骨髓也其一切脩
多羅者今此經皮膚也天王勿作一異俱雙見如是
經也上天下地無藏處一切諸佛如是行持□□當
知一切衆生無始劫來慧目盲於如是經終不能讀
此不思議經妄業不思議流轉得與不得證與不證
諸佛悲愛有於此也天王善思念之夫法也不非也
能入事理而無跡思念焉

爾時大梵天王踊躍歡喜向佛而作是言曰世尊所
說業識名義今日始得聞焉實如世尊言業識自性
偏不說於佛偏不說衆生乃至一相一理寂滅染污

斷惑縛解真俗諸惡煩惱等於是等諸說擇機而
不斟酌亦不包密直示直言諸佛深旨實不可爲測
度當來衆生一度觸見聞者超脫其三毒三道即成
十身毗盧法界身如是生佛不二依正不二現行身
實不可疑世尊大慈爲我末世□□此示甚深秘密
法我等從來礙心之物一時融豁而心如降重擔我
等在世□粉骨碎身盡恒河沙劫豈報其一耶時世
尊言汝言然能護念焉一切諸佛同口一舌即十二
部經之心目也於末劫時雖八萬脩多羅藏滅此經
不滅何以故脩多羅經本法故若設文字經相滅於
心經法體者終不可滅喻如金翅鳥王雖衆報盡化
去其心骨如成如意珠此經亦然□□□一切有情
界如意珠也

囑累品第二十三

爾時世尊告梵王言梵王諦聽夫迦葉付囑密法者
諸佛甚深究竟正法也凡有血氣者無不各具雖各
具復不修者不證不證者不顯終日□□聲□語□
□□不他法注認奴勿作耶不知得者注有知得理者煩惱則煩惱也

爾時大梵天王若干眷屬並十六大國王衆無量小國王以如來付囑正法藏銘心護念各各項禮佛足信受奉行

大梵天王問佛決疑經卷下大尾

茲時享保十二丁未仲夏吉祥日

陸奧州南部花卷玉鳳山瑞興寺十八世隱野禪

無著靈光拜書時七十
八歲

右大梵天王問佛決疑經全軸分
爲二本東奧南部洞上

老隱無著光師五十年間所秘珍也親附凡例具

陳來由乃載
卷首今茲偶獲轉寫之本感喜無措手膽

寫焉皆享保庚戌解制日謹書

或曰相傳斯經本邦三所珍藏其一奧州平泉

光堂秀衡廟所
經堂今存其二濃州郡上長瀧天台
古刹其三

攝州水田三寶寺能忍舊跡
今作洞宗也未詳斯經存不

按洞老之所傳寫者正是光堂經本也耳更可

希求者郡上台刹號阿
名寺彼納宋朝渡來之名藏



二部近來刊行珍書多出斯藏因思斯經亦存不可測矣斯藏非守護金衆
許容不能輒窺我老不能搜求後來有台緣者上稟天台門主及依憑學頭僧正而須拜閱校整焉

東叔老禪寫本之末置此一紙

享保十七年子之二月實海的座元持此本而詣郡上長瀧寺依憑阿名院教聞坊大仁坊神主齋等而開經藏委悉拜閱終無斯經矣

大梵天王問佛決疑經

(一卷本)



◆ 目錄新作

大梵天王問佛決疑經目次

大梵天王問佛決疑經

序品第一

拈華品第一

月輪品第三

法界品第四

六大品第五

降魔品第六

往生品第七

序品第一

如是我聞。一時佛在大靈鷲山。與大比丘八萬人俱。尊者□尊者舍利弗。尊者摩訶目連。尊者摩訶迦葉。而爲上首。與菩薩衆八萬人俱。觀世音菩薩阿逸陀菩薩。行願普賢菩薩。文殊師利菩薩。而爲上首。諸大梵王。釋提桓因。毗沙門王大持國王。無量天衆。俱海龍王。夜叉王。阿修羅王。無量神衆。俱阿閼世王。波斯釋王。宰官波羅門。無量人衆。俱達多地獄焰口餓鬼金色師子六牙象王。無量非人。俱各禮佛。足退坐一面。爾時世尊從多寶佛入塔下。大衆圍繞。飛行東方百千里。程有一國土。名大七寶震旦。其國中央有一高山。名五寶臺。文殊師利常在說法。至於此山。告大衆言。昔於此國觀世音菩薩。化作三禪初梵王。化人間故沒梵宮。殿下生王宮。大德龍身。說示天理五行氣。變作吉凶法地沒還天。作春天主。觀世音菩薩化作初禪二大梵王。化人間。故沒天宮。殿下生王宮。火德

牛頭說示地利百藥醫毒助人間氣地沒還天作夏
天主觀世音菩薩化作帝釋化人間故沒天宮下生
王宮土德人質說示人倫心法大道身法五倫地
沒還天作土用主是三王者成強三才說人性德依
俗說法示第一義皆是觀音大悲應化故此國觀音
有緣末法世中我法流布餘佛緣滅唯存觀音化益
永世說是語已三王出現頂禮佛足而白佛言世尊
如今佛說如是

爾時世尊從座而起爲三王及大眾等亦行東方萬
里海上海中有國名大日發東西南北海中有國是
眷屬國世尊至於此國海邊告大眾言往昔劫初觀
世音菩薩化作色界第十梵王告初梵王汝下空中
欲界天界及下造地造觀世音菩薩化初梵王奉其
四禪大梵王勅王及妃供下下空中次第造天下造
大地最後造斯國及眷屬海中國山河草木有一天
女名妙辨財是亦觀世音菩薩無量劫來以女像作
大福田來爲王女卽成日輪及月光輪主四天下眷
屬無量住此國中或主或伴是故其國觀音有緣末

法世中我法流布餘佛緣滅唯存觀音化益永世說
是語已天女出現頂禮佛足而白佛言世尊如今佛
說如是

爾時世尊從座而起爲天女及諸大眾等亦行東方
於其海中有諸國土此國衆生質近畜生雖我正法
漸漸流布難有悟入但作結緣爲成佛緣

爾時世尊爲諸大眾還至本處靈鷲山頂敷座而坐
告諸大眾我不久當般涅槃諸大眾意有欲問法自
恣爲問時諸大眾默然而坐一切無聲

爾時世尊非現神而示妙相成就妙大方廣佛心眞
如蓮華成就五百□□劫前受用法身成就佛佛能
盡究竟諸法實相成就華嚴阿含方等般若一實及
多寶佛成法妙法蓮華證明眞如大願成就過去無
量劫前入滅不滅成就寶塔是法界塔常寂光土成
就分座是卽理智自他法身如是成就二躬世尊牟
尼如來面座靈鷲華藏世界多寶如來已還寶成就
寂光世界二土融通成就一土是卽開見凡夫心中
元有佛心凡夫成佛至大妙法是卽欲以此妙法藏

而付後師摩訶迦葉所由相也。爾時世尊不起法華妙道法座。

拈華品第二

爾時娑婆世界主大梵王名曰方廣。以三千大千世界成就之根。妙法蓮金光明大婆羅華。捧之上。佛退以作禮。而白佛言。世尊。今佛已成。正覺五十年來。種種說法。種種教示。化度一切機類。衆生若有未說最上大法。爲我及末世行菩薩人。欲行佛道。凡夫衆生。布演宣說。作是言。已捨身成座。莊嚴天衣。令坐如來。爾時如來坐此寶座。受此蓮華。無說無言。但拈蓮華。入大會中。八萬四千人。天時大衆皆止默然。於時長老摩訶迦葉。見佛拈華。示衆佛事。卽令廓然。破顏微笑。佛卽告言。是也。我有正法眼藏。涅槃妙心。實相無相。微妙法門。不立文字。教外別傳。總持任持。凡夫成佛。第一義諦。今方付囑。摩訶迦葉言。已默然。爾時尊者摩訶迦葉。卽從座起。頂禮佛足。而白佛言。世尊。妙哉。我念過去無量劫事。於燃燈佛。布說法處。發菩提心。從佛修行。亦復世尊。布說法於說法中。得漏盡智。

絕下總文然
見句語則似
無缺文也

今量下疑脫
劫字
法下缺文然
按一連

成阿羅漢。亦復聞說諸法。實相入菩薩道。不動先果。成大乘道。得近如來一切種智。如是妙智。從何處來。皆從凡夫久遠心來。其久遠心等諸佛心。是爲法身。是名成佛。得見是心。非在言教。理誨理解。文字之中。但在以心示中。不假三昧。不期感果。因緣熟時。凡夫卽見是故。佛道傳於凡夫人中。不絕。若無此法。唯有感果。賢聖得道。而無凡夫比丘比丘尼優婆塞。優婆夷。得佛道者。若然於末法濁惡世中。證果人者。千萬人中。無有一人。無證果。故佛道絕傳。唯有名字。無有道象。有此法。故傳佛道象。不結於末世。佛言。善哉。摩訶迦葉。如汝所言。七佛世尊。授法象然。七佛弟子。傳法象爾。我滅度後。以大法藏。今付於汝。能持傳傳弘通正法。尋嗣心道。令不斷絕。

爾時世尊從起。梵王以身爲座。妙嚴天座。著於本座。告大梵王。汝於過去無量中。修菩薩道。住高地位。能問是法。於末法濁惡世中。相續諸佛大道心。法令不斷。絕威。是所以依汝力也。尙有所以思。悉問之。如來爲汝演說正法。大梵王言。善哉。世尊。聽問。如是我

今下決文然
是一通

當問之。如來先經爲未說之爲未示之爲既示之。佛告大梵王。言我先已說爲既說之爲舍利弗。謂不可以言宣是也。時舍利弗面會此法。卽得當成華光佛。記亦復龍女以一寶珠無句上之。

龍女以一寶珠無句上之。如來又也速受寶珠無句受之。龍女又依此佛心道。卽得成佛。亦復是也。大梵王言。若如是者。今日如來以此一法爲最真實。佛言。如是。如汝所言。舍利弗者。過去劫來不離於我。今日亦然。我俱不久入於涅槃。不留我後。龍女已得他方成佛。非我弟子。其法不傳。皆如無耳。今日有獨摩訶迦葉傳眞道象。我滅度後。至於末法五濁惡世。後五百歲。不絕佛道。唯在迦葉。獨付傳中。是故名曰唯是眞實。大梵王言。如來先說後五百歲。其五百歲是何時也。佛言。夫其五百歲者。我滅度後。佛法住世。正法八百年。像法千二百末。法五千五百年。已去正法像法末法。後所有年五百歲是也。大梵王言。正法像法末法。及後五百歲者。是謂何世。何國然也。佛言。其世是人間世。而非天世及龍世也。亦復其國是閻浮中。

隨機諸國。非必一國。所以者何。天世龍世。是聖者世。而無年限。但有人世上。清下濁上。盛下衰是。故有限。亦復國國時改機變。或有天護。或有聖護。或無天護。或無聖護。或有神護。或有仙護。或無神護。或無仙護。人機無量。國隨人機。是故非必一國然也。梵王白言。世尊如是。如佛所說。國機不同。或有有緣。或有無緣。或有護安。或有護難。茲與彼廢。茲廢彼興。佛法東漸。後五百歲。留法不絕。利益衆生。

爾時大梵天王白佛言。世尊出世四十餘年。種種說法。云何有未曾有法耶。云何有及言語法耶。願爲世間一切人。天能示已。自言了金色千葉大婆羅華持。以上佛而退。捨身以爲床座。眞誠念願。

爾時世尊著坐其座。廓然拈華。時衆會中百萬人。天及諸比丘。悉皆默然。時於會中。唯有尊者摩訶迦葉。卽見其示破顏微笑。從座而起。合掌正立。有氣無言。爾時佛告摩訶迦葉言。吾有正法眼藏。涅槃妙心。實相無相微妙法。不立文字。教外別傳。有智無智。得因緣證。今日付屬摩訶迦葉。摩訶迦葉未來世中奉事。

諸佛當得成佛。今日亦堪爲世間師。佛告諸比丘。如來今者不久滅度。汝等比丘皆悉能依摩訶迦葉入大乘門。修行佛道。告摩訶迦葉。無有餘法。唯一心性。佛過去。諸佛現在。諸佛未來。諸佛已說。今說當入而已。一切諸佛。依一心性。已成。說佛道現成佛道。當成佛道。一切衆生。亦復如是。若謂餘法。尚有更一。諸佛成佛。衆生成佛。卽外道說。非七佛說。非十方佛說。迦葉。當知汝所付屬。八萬藏經。是諸教者。是卽乘一心器也。譬如世間牛車馬車。是爲諸法乘之渡於道路器也。所有教經。亦復如是。汝能奉持。

爾時摩訶迦葉歡喜踊躍。爲佛作禮。而白佛言。世尊。此法實難遭者。誠是直道。誠是妙道。我昔遇佛出家。修行偏厭生死。唯求涅槃。但修無爲。不求是法。但了空理。不知是法。難行苦行。多年作勞。得阿羅漢。思之誠難。今日如來。最上妙示。唯刹那事。非年非劫。非難妙。易令我成佛。無有疑惑。雖非實至劫數成時。三十二相八十種好。紫磨金色。妙覺成佛。實知法身。是心是佛。三世諸佛。一軀妙體。今思已前於多年中。難行

苦行。是勞無功。亦多年中求空。無爲皆虛假法。更非實法。今日見得。是真空法。其相正空。而性不空。其體無爲。而性圓滿。一切衆生。唯依是法。當得成佛。佛告摩訶迦葉。言如是如是。如汝所說。汝於未來當得成佛。如我今日是法。爾時世尊說此言已。卽從座起。還坐本座。無語。無動。衆會亦復寂莫。無聲。皆含妙氣。爾時大梵天王白佛言。世尊。善哉。世尊能快說之。世尊滅度後。世衆生云何入得。云何修行。願爲我入入得。修行精密法要。佛告大梵天王。天王諦聽。善思念說之。衆生機根種種無量。或聽理入。或禪定入。或因緣入。或持示入。不一般也。天王唯有信心。能入是最上道。云何起信。不依心性。他不成佛。所以者何。於心性外。無成佛路。如是了知。真實求者。能入是道。智慧如舍利弗。多聞如阿難陀。辨才如布婁那。解空如須菩提。持戒如優婆塞。神通如目犍連。天眼如阿那律。如是此輩。皆不成佛。所以者何。此輩皆得心性假用。未得心性真實體。故唯證性體。必滅佛道。如是了知。真實求者。能入是道。天王或有知見心性妙實體者。

已下字傍有
○者係字存
牛而稱之

知見之時。卽體妙理。無放無離。行住坐臥。心身融一。見聞覺知。根性融一。如是修行。卽行佛道。在家菩薩。出家菩薩。非異非別。唯以融一箇之道。我於卽時成。佛道已。世間出世修行。無咎。

爾時大梵天王問迦葉言。世尊往昔說種種教。其教理之今日。仁者從佛所受。心云何有所差別。語梵王言。仁者莫問如是此事。若有世尊已前所說教理。差於今日所受。心者。彼諸教者。卽是邪說。若有世尊今日所受。心差於已前所說教理。是此心者。卽是心一切教之此。一心理無有毛端所差別。所若有學人。謂諸教理與此心理有所差別。是卽外道天魔所說。非唯不知諸大乘經所說之理。亦不知我受一心理。若知心理。應知教理一理無差。但有所差。諸教理者。以雖有益。非眞。今此知見教。唯是實無二。雖設有他教。其益皆小。分不謂他無益。分性說一端。如星光日爲。

分光爲星光 不謂星無光 小端如無益
四諦十二緣 五戒及十善 念佛往淨土
具戒及坐禪 權大諸菩薩 皆是彼端小

言等一段書
于片紙不知
可置何處

白等一段疑錯簡

此教如日光 他教如星光 衆星雖□天
不謂之白晝 日光出現時 夜明天成晝
他教雖有世 不謂佛法者 衆生正諸佛
穢土是淨土 生死自涅槃 三世永一世
世法卽佛法 有爲實無爲 如是知見教
及其修行者 謂之佛法有 又謂我世有
佛說是語時 衆有百千人 皆了無上道
言教令悟心性理令成佛道傳心理者以心傳之得
心性理令成佛道教者漸入心者頓入心者遲速不
同理則一同譬如東國人指曰輪謂此曰輪從我東
天往彼西天西國人亦指曰輪謂此曰輪從彼東天
來我西天等雖異彼此往來之言不差謂曰日輪之
言與語曰東西理者不差如來教示亦復如是教傳
心傳示相不同於理一同
白言世尊此見性道應唯比丘行此道哉亦諸在家
可普行哉佛言天王心性之道出家在家天龍鬼神
皆悉具足何可限之比丘耳唯有在家出家行相於
相異非一其出家行

父事一段疑
文次上一連

父母已敎出父母家代父母事三世諸佛無主君故。代事菩薩布佛形家如生身佛有佛舍利如在世佛。出世俗故不禮國王不敬天仙不求財寶但持一鉢。不畜衣服但持三衣安住深山樹下岩洞清意淨身。身明了覺知自己本佛陀方佛身一躬法。

月輪品第三

爾時世尊造迦葉言摩訶迦葉七佛所說無有異路。諸佛成道無有異法唯以是一知見明見自己一心。形相性理即成佛耳若有他法令成佛者即是天魔。波旬邪法迦葉當知我座菩提樹下降魔成等正覺。當於其時盡見心形盡見心理我見心體如月輪形。諸佛出現即授印證令我成佛我者久遠無量劫中。修行成故現不成佛雖未即成佛身已我今印證此。人即見已身成本佛是知見佛我今授記此人來世。是不久當成果滿佛如今會中摩訶迦葉雖已知見。自法身了未滿六度劫數成故未得成佛妙覺法身。雖然如是知見自性佛法身體十方諸佛一體一躬。知成佛故得佛印證事於未來諸佛世尊當得成佛。

今下有空
生字

天王譬如世間月輪朔望晦月不現雖是月輪人。不言月朔月一分以日近故諸人不見雖俗不信知。者知月如初發心見性道人世俗不知道人知之三。日夕天現三分光雖未成輪世間知月如見性人能。微顯德諸人知之摩訶迦葉亦復如是雖今日未實。成阿耨多羅三藐三菩提已受未來當成佛記別名。見性佛云何道人心圓月輪有十五分。布施度者大慈悲用轉慳貪心饒益自德利澤衆生。戒律度者法儀性用轉邪惡心堅固自己保持衆生。堪忍度者大誠信心用轉瞋恚心守護自道安穩衆。生精進度者道理性用轉懈怠心勤修自己勸進衆。生靜慮度者大智慧用轉主放逸心接取自己接取衆。生智慧度者智藝性功轉愚痴心明徹自己明徹衆。生方便度者仁者智性功轉礙礙心易修自道易修。自道衆生誓願度者仁勇性功轉發失心成就自道。成就衆生任力度者智勇性功轉怯弱心任住自己。任住衆生知智度者大覺性功轉迷惑心悟了自己。悟了衆生所作智者應化覺德轉前五識成佛自己。

成佛衆生。妙觀智者。他受覺德。轉第六識。成佛自己。
成佛衆生。平等智者。自受覺德。轉我人識。成佛自己。
成佛衆生。大圓智者。自性覺德。轉含藏識。成佛自己。
成佛衆生。法界智者。法身覺德。轉無明識。成佛自己。
成佛衆生。覺轉無明。成法界性。是名如來法界體智。
是十五道元來性具。是名心性。是名佛性。十五圓滿。
不一可決。無首無尾。如環無端。但以方便。說示始終。
凡夫性者。雖有不現。猶如晦月。有輪無覺。初發心者。
始見性體。猶如朔月。現一分光。作修行人。智妄供有。
猶如弦月。半白半黑。聖者性者。智見修滿。猶如望月。
圓輪滿光。卽說偈曰。

凡夫未知見
暗如晦月輪
地前諸菩薩
光如朔月等
地中大菩薩
明如弦月成
地上覺菩薩
圓如望月滿
是此月輪者
是久遠成佛
名無量壽命
決定王如來
亦名法界宮
常寂光淨土
毗盧遮那佛
常住此月輪
十方諸如來
俱住於此殿
非因亦非果
三世常住者
凡夫行人者

勘天等七字

應觀如是理 端坐觀月輪 我身成本來
毗盧遮那佛 法身遍法界 頂有五佛冠
坐千葉蓮華 身著瓔珞衣 身色紫磨金
百福本具足 萬善莊嚴身 一念間知見
心性形月輪 一念間憶念 我身毗盧理
是人名眞實 修念佛行者 爲得大功德
東方阿閼佛 南方寶住佛 西方阿彌陀
北方不空成 如是等無量 恒河沙諸佛
稱常念名號 恭敬禮供養 經於百千歲
是諸功德者 知見之功德 能作比量者
是諸功德者 不及於見性 須臾之功德
百分亦千分 百千萬億分 不及於一分
何況常住體 自性之本佛 應用中於法
世間與出世 一面而度世 自度亦化他

天王出家菩薩者

爾時世尊說是偈已告大衆言已前多說空法衆義
是爲能破數多煩惱成清淨心已成清淨同佛空心
是名成佛是斯初位今說心月十五妙道入最上道

是未成佛時能至佛佛位是斯終位十五修行是名諸位因佛修行十五成就是名諸佛果成佛道一切衆生身行相應是十五道口意亦爾一切行行無惡但善一切時時無迷但覺如是行人一生即得成聖人身人天恭敬龍鬼供養十方遊行無有障礙無有怨敵一切安樂一切無爲

法界品第四

爾時大梵天王白佛言世尊我見法界諸佛無量衆生無量萬善無量萬惡無量以何法爲成是等本佛告大梵王言善哉善哉天王問之有七法界成就是等一者三法身法界二者五緣因法界三者四氣法界四者七大法界五者三世間法界六者四順逆法界七者十界法界是法界集會成就一切世間天王諦聽云何三法身法界一者等流二者智行三者成佛云何五因緣一者法性二者無明三者逢著四者執行五者後會云何四氣法界一者空氣二者陽氣三者陰氣四者生氣云何七大法界一者地大二者水大三者火大四者風大五者空大六者識大七

之根本

者根大云何三世間法界一者器界二者衆生三者五蘊云何四順逆法界一者五德二者十善二者四諦四者六度云何十界法界一者地獄二者非情三者鬼界四者畜生五者人間六者仙天七者二乘八者空界九者菩薩十者佛界云何等流法身法界普賢菩薩法身法界其法界理出生衆生無始無終非迷非覺是名等流法身法界云何智行法身法界觀音菩薩智慧法界其法界理命具衆生無始無終迷變覺成是名智行法身法界云何成佛法身法界毗盧遮那大薄伽梵大覺法界其法界理自然具足一切衆生無始無終轉迷開覺是名成佛法身法界云何法性因緣法界普賢法性等流之因自爾緣於觀音法性智行之緣觀音法性智行之因法然緣於毗盧遮那法性之果是爲衆生因緣根之是妙法性因緣法界云何無明因緣法界一切衆生一心之元是法性理於其法性妙真理中依衆生緣忽然出生一念忘心是爲衆生流轉之元是名無明因緣法界云何逢著因緣法界一切衆生同法性生法入同故自

然相逢而作逢著結生死緣生生世世如是結緣是性爲衆生流轉生死是名逢著法界云何執行因緣法界一切衆生相逢著故於著法中或生慈愛或生瞋恨或作善業或作惡業是名爲衆生生死業因是名執行因緣法界云何後會因緣法界一切衆生此生結緣依此緣故必得後生亦會造業是爲衆生生死永劫是名後會因緣法界

云何空氣成世法界無始無終大空之中無始無終有一妙氣是如來藏含諸妙理能爲成就世間之元是名空氣成世法界云何陽氣成世法界空氣變作主生動法一水北方三木東方五土中央七火南方九金西方如是數行成就世間是名陰氣成世法界云何陰氣成世法界陽氣變化主死寂法二火南方四金西方六水北方八木東方十土中央如是數行成就世間是名陰氣成世法界云何生氣父氣一月父母氣成衆生身分父氣一月成生腎母氣於時成生勝命母氣二月能成心絡父氣於時能成小膻父氣三月能成肝口母氣於時能成膽腦母氣四月能

骨下一有母

成肝口父氣於時能成胃二父氣五月成就肺口母氣於時成就大膜父氣六月成骨耳母氣七月盛血父舌父氣八月成眼母筋母氣九月成肉唇父氣十月成皮母鼻雖說同時熟有不同是名生氣成世法界云何地大堅實法界衆生支大骨肉質體皆是地大是名身分地大法界云何水大濕質法界衆生支體血液溫體皆是水大是名身分水大法界云何火大溫氣法界衆生支體君相溫氣皆是火大是名身分火大法界云何風大動搖法界衆生支體隨念動搖皆是風大是名身分風大法界云何空大法界一切衆生臟腑之間氣血通經皆是空大是名身分空大法界云何識大魂魄法界衆生心身眼耳鼻舌身意中有爲其處主知了靈識皆是識大是名身心識大法界云何根大明徹法界衆生身心眼耳鼻舌身意根處皆根大是名身心根大法界云何器界世間法界一切衆生所住之所天地境界是名器界世間法界云何衆生世間法界有情非情迷覺衆類是名衆生世間法界云何五蘊世間法界一切衆生身者

等流成空。金識根大。無量壽佛法身等流成。無始無終。無造無爲。是名如來藏。

云何七大成佛。佛言。娑婆世界中有千百億天地。其中有無量世界。其中有無數衆生。有智畜生。行五戒道。死而生於人間界。不受自行而成。庶人受持修行而成。大人有智人間行十善道。死後必生成人間王。受自行成小國王。受持不修行成大國王。是名菩薩。初行道者。十信菩薩成鐵輪王。十住菩薩成銅輪王。十行菩薩成銀輪王。十向菩薩成金輪王。初地菩薩成四天王。二地菩薩成忉利王。三地菩薩成夜摩王。四地菩薩成兜率王。五地菩薩成化樂王。六地菩薩成自在王。七地菩薩成初禪王。八地菩薩成二禪王。九地菩薩成三禪王。十地菩薩成四禪王。等覺菩薩住於內院。入中修盡無明。下生人間而成正覺。於內院是以最初修行故。

六大品第五

爾時舍利弗。即從座起。合掌向佛而作是言。世尊。我依如來神力。得大智慧。普知世間及出世間一切諸

法。上世之時。有轉輪王布於世間。治世正法。而說衆生身心。卽是木火土金水成也。如來所說異之。而說空風火水地所成也。何爲是乎。佛告舍利弗。汝善如來問之。如是彼上世時。轉輪聖王依大梵天大聖王說。唯說天地成後之法。七佛所說。見其未成天地時事。而說此法。未生衆生前。成大地。未成大地前。成諸天。未成欲天前。成陰陽。未成陰陽。有大氣。大氣者。是大空之有。空無始無終。茲有大法。亦此大法。無始無終。與空同元。當知此法是卽正理。猶爲空主。是名法性。名如來藏。依此法。故大空有氣。依此大氣。能作陰陽。依此陰陽。作上天。依上天。故亦作大地。成大地。故生諸衆生。衆生亦依彼法。成覺成大覺者。卽名諸佛。是故七佛說。六大法。所謂空風火水地識。是空者是卽氣。與一也是名金。行成肺主。屬風者。氣動是名木。行成肝主。屬地者。土成名土。行成脾主。屬火者。火行。成心主。屬水者。水行。成腎主。屬何故不謂金謂空大。謂金行則唯限實體。不通空處。謂空則通空。兼實故。何故不謂木謂風大。謂木行則唯限體支。不通用動。

謂風則通用兼體。故何故不謂上。謂地大地者土成。成以成大。依大成。故何故不謂五形。而謂爲六大也。謂五行則成天地後。唯當人間不當未成。謂六大者。天地前後皆攝。謂之何以故。聖者轉輪大王。唯謂天地不謂天外。轉輪聖王。唯治人倫不治外故。諸佛如來。知十界人業。因報果。此業力成。天地衆生。乃至成佛。謂始中終。故不同。說白佛言。世尊如佛所說。轉輪聖王。誤惑言耶。佛言不爾。轉輪聖王。依梵天說。但治世間上者。登天中者。化仙下者。治人不說出。世是不說。天地外法。三世諸佛。導世出世上者。成佛。次成菩薩。次成緣覺。次成聲聞。能出世間。能成聖位。中者登天。次登神仙。次治人間。能治世間。能成王法。下者脫於諸畜生界。次脫餓鬼。次脫地獄。能離苦界。能生善道。是故能說。天前天後。因果正法。白佛言。世尊大梵天王。長壽久存。七佛所說。面正聞之。云何不說。七佛說也。佛言善哉。如汝所問。雖然如是。七佛所說。久而斷滅。不傳人間。劫初輪王出世之時。大梵天王雖知此法。未成妙覺。故不盡知其因果法。能待後佛出。

世時說而不說也。過去諸佛現在我佛未來一切佛時。如是我法東漸東方諸國次第流布。其諸國法亦復如是。白佛言。世尊云何說空。佛言。空主。肺臟及主身分六腑六臟氣血通道九穴毛孔皆是空。大白佛言。世尊云何說風。佛言。風主。肝臟及主心身支大動作皆是風。大白佛言。世尊云何說火。佛言。火主。心臟及主身溫皆是火。大白佛言。世尊云何說水。佛言。水主。腎臟主。腎精心身支大血脈津液皆是水。大白佛言。世尊云何說地。佛言。地主。脾臟及骨肉堅體皆是地。大白佛言。世尊云何說法者持何道有。又有修行哉。佛言。六大皆如來藏。合於本元如來藏之正善覺聖。是名修行。是修行者。皆成佛道。背是修行。恣妄亂行。如是衆生皆隨生死。生生世世流轉受苦。無有盡期。如車輪迴。識可悲愍。

白佛言。世尊云何說識主魂魄及主命門一切精氣皆是識。大爾時舍利弗白佛言。世尊有情氣盡已命終時。地水火風空皆散盡。有何身分向其中。有亦向後生。佛告舍利弗。言如汝所問。衆生身分依果報。

限以天命。生受父母氣。成身分。故果報盡時。天命限。時至死期。而地水火風空大散滅。雖五大滅。識大不滅。何以故。識者不依果報。有故不命生。故不氣受。故無始無終。如來藏。故識以性理。地水火風空大爲身。空體以冥質。存俱依善惡業。因成生。今生業如其依業位。捨此地水火風空大。而亦受彼地水火風空大。亦生生時。以濕胎卵化生。隨其界而受相應生。隨其果報生。六道中。是名流轉三世諸位。悲此境界。出人間界。廣說是理。能令衆生歸於六大。如來藏理。日日六大時。時六大不捨不忘。如來藏理。能合是理。是名六大法身修行。

降魔品第六

佛告阿難。阿難當知。此經誠實。難信難行。非謂此經不相應人。無信無行。此經最上成佛直路。爲最上者。必有魔障。以是理故。難信難行。何爲魔事。有四種魔。大障弘通。一者天魔。作障魔。二者外魔。三者他魔。外道邪見魔。四者自魔。有如是障。誠是難行。真是難治。何爲天魔。依是經者。無不成佛。是故天魔常作障難。

雖至世間弘通之時橫遮不至其弘通時或雖世間有弘通人又令無伴侶者或令傍人爲誹謗難或招災難令中生苦或託於人告此經非七佛說或以說弘於世間令謂此弘人行邪道人或付天子國王三公令欲不弘此經於國悲哉此經爲魔被遮不廣於弘通流布我以佛眼見此難治唯不依經文字章句以此經理傳於心心廣令世間弘通流布又以方便令觀音等諸大菩薩能藏持之留此經卷同我護念不永斷絕阿難當知持傳此經是人卽是大力菩薩眞實行人何爲外魔當有二種一者歸氣斷滅魔見二者成神鬼界魔見何爲世學歸氣道人學世間教不知心造天地萬物善果惡果乃至十界解知天地五行萬物人間五虫皆是氣造元氣分散心亦分散成虛無心無後果報因果撥無當墮惡趣悲哉此人不知教起此教法者高地菩薩作轉輪王出於世間先見時節爲人間治設氣造教心造教者待起佛說雖此教宗不說無心無神無報後出外道以自凡心妄計妄解轉輪聖者所設聖教或失其傳私設無見

斷見等旨。妄立此宗。此國他國。乃至三千大千世界。劫初所出諸聖王者。皆是高地大菩薩。也是故所說一切教示。無有邪妄。皆是正教。以正以善。能治國土。依人民心。此國他國。今時後時。諸外道者。皆立私旨。破我聖教。豈唯破我所說說教。還破上世聖王所說說示教宗。如是長邪作妄。解故此人時見我知見徒。還作誹言。不知真理。妄迷顛倒。作無益行。大遮歸向。我知見門。一切人民。無此經道。何爲世學。成神道人。但守一世不慮後世。唯知人死成鬼成神。不知出離生死成佛。此教亦復。聖王所設聖教旨也。世下時遍遠聖者。故妄作此解。長記長才。妄學旨者。爲修心身。非爲才記。妄已不治。唯破他教。悲哉此人。亦復不知。此教本是聖王所設。而不差於如來所說。還見知見成佛道人。誹謂不解。天真本性。道無成佛。在法界宮。亦無佛居。十方淨土。亦無作惡人居。地獄皆是佛者。以妄語成。此知見人。不知是理。是甚愚人。遮歸向人。何爲釋中典會。魔當有四種。一者文字博學。見魔二等。愚痴要約。見魔二者。易行著相。見魔四者。難行著

相見魔。何爲文字博學。見魔著文沙門。於我所說諸大乘經。盡藏盡部分別文句。作解作傳。講之釋之。唯明文字章句義理。稱我大智。多聞強記。一切經義。通達無暗。不知其經真實道理。皆在已心。諸經言者。諸言者說。已心理非文字義。修學修才立我。立慢還滅我。教深入邪道。成魔伴侶。聞口說言。即是佛語。察意解理。即是外魔。悲哉此人。不知諸佛出世說法教化本意。若不開悟。佛知見道不修行。成修滅凡業。修成聖業。修滅凡氣。修成聖氣。而但應長多聞多才口。給辨如來出世說法何益。如是愚人。還見真實不立文字。知見心性。作佛道人。太作誹謗。謂是魔徒。大遮歸向於此經道。一切行如是。邪人識難治之三。世諸佛一切人菩薩。無有一佛亦一菩薩。唯解文字。唯持多聞。不覺心性。不修覺道。已成佛道。當成佛道。如是愚人。非我弟子。是爲魔徒。何爲要約。愚痴見魔。無智沙門。於我所說諸教經中。取一要文。深著其理。悉捨他教。甚深法門。非是真實。非是要道。擇是擇彼。一切廢捨。日日增信。自執妄見。時時增厭。諸佛廣道。強著強

是理故親罪親過親迷親妄親惡親邪疎父疎母疎君疎臣疎聖疎賢疎天疎命豈唯是自然廢聖道也彼邪沙門見此經知見道人甚大惡之誹謗而謂此修行人不知直路遠迷久惑留難行道知見道者難解難入濁惡世中絕不相應下愚人民千萬億人於中無迷□一成就此道誠可哈之此邪言流布於世大遮入於知見道人悲哉此人不知諸佛設方便旨諸佛設此方便路意欲先教之因是爲緣起信近佛漸漸增益一切佛種引入佛道開示悟入佛知見道令得成佛阿難當知念三寶者是爲至於知見寶處中路舟筏爾此愚人不知舟筏執此舟筏還遮寶處誠可悲之名非遮此佛知見道還遮自己念三寶道所以者何或是念佛或是念法或是念僧雖是皆實諸佛說法是愚沙門所念之心卽邪念故念三寶法卽成邪法修邪法故卽墮魔道自墮魔道故令他墮魔自墮他墮皆破佛法破佛法故破念三寶豈唯墮魔邪類中也終墮無間大火坑中無量無邊大劫數間受無量苦永絕佛種如是愚人誠難治之三世諸

佛一切菩薩無有一佛亦一菩薩不依此經佛知見道念一如來念一經句念一菩薩唯是一行已成佛道當成佛道如是愚人非我弟子卽是魔徒白佛言世尊如是愚人云何得脫魔法魔徒應還信佛佛言阿難如是愚人卽止慢心迴心還思應當思念我是愚人我是惡人當墮三塗火坑之中但有諸佛以大慈悲能設方便爲我等故說此易行念三寶道令我愚人永離三塗是尙慶餘應如是我往淨土者誠不思議我法方便更不應對他人勝道如是思念或念佛寶或法佛寶或念僧寶向其念寶一向專念無他思求依我劣根無由勝道唯歸如來方便之道於自他相無是無非不遮他道唯向自身拂心垢欲專念誦則衆魔退去其三寶現自無罪亦他無罪故卽成我教念三寶法若一念生自勝他劣增上慢心還作魔行亦離佛行諸佛真實知見道尙謂自勝他劣等者卽爲魔道何以故此佛知見者爲得作佛耳非爲見自勝他劣生慢心故何況於爲修佛方便劣行尙爾以自劣爲勝於他勝道也何爲難行著相見魔有

沙門我法中爲極惡人及極惡人亦極邪人亦諸闡
提生盲生聾諸佛神力諸菩薩力一切不及以佛方
便設一絕妙不思議術以神呪呪一切罪人令得解
脫於此呪術法爾自然有十種功何爲其十一者凡
夫轉成聖仙二者罪惡轉成善德二者闡授轉成解
脫四者流轉轉成往生五者魔障轉成賢業六者病
惱轉成治安七者中天轉成長壽八者天災轉成神
福九者怨敵轉成恩伴十者兵亂轉成靜平其餘尙
有無量神驗此呪術者難行苦行而面前現種種神
驗或有邪念上根愚人或利欲者爲世歸依或樂驗
者爲驗術故入於山林識濯木食種種難行得大神
驗出於世間驚一切人卽謂是法諸佛法中最上最
勝化諸人民引入邪道不知如來方便所設唯樂一
切奇怪妄事永沈邪見悉墮魔道終必當墮三塗火
坑豈唯自成奇怪邪徒自失正道還令諸佛大聖道
共成奇怪法無其正道誠可悲之阿難當知諸佛如
來設此方便神驗法者第一爲欲難救罪人能救令
入解脫門也是故諸佛以初五功爲眞實設第二亦

以慈悲心故。於現世生。欲天下平。萬姓安。故以後五功爲次。實設其餘有驗。皆是呪力。自然功驗。自然此愚人著其神驗。種種奇怪。無益名譽。忘失本意。成佛實驗。瀧水逆流。山嶽移他。呪縛鬼神。呪水爲湯。是事何益。但實得脫有道沙門。令損國水之逆流。令害人鬼。呪之縛者。是有益。故卽是佛事。除如是術。彼邪驗人時。見此經。知見道人。還作誹爲無功無德。謂道人愚痴。不知我有功德。修無功能。下劣淺道。大遮諸佛。眞實正法。如是愚人。誠難治之。三世諸佛。一切菩薩。無有一佛。亦一菩薩。不依知見。或佛正道。修無益驗。已成佛道。當成佛道。如是愚人。非我弟子。卽是魔徒。何爲知見。差路障魔。當有十類。一者禪坐。不得迷魔。二者辨達。不悟迷魔。三者凡聖。不別見魔。四者慮難。不發見魔。五者慮易。差路迷魔。六者知見。不修見魔。七者能修。不見迷魔。八者見空。不中迷魔。九者見滅。不實迷魔。十者心教。不同見魔。如是等有無量魔見。但以略示此十類魔。學士觀察。勿墮此中。何爲禪坐。不得迷魔。趣向知見。一乘道人。爲工夫故。修行禪定。

行道念文殊者得大智慧。念普賢者入大行。願念彌勒得者得大慈。悲智悲行者。佛道大綱。過去諸佛現在諸佛。未來諸佛。東西南北上下諸佛。及其大法。無一入悲智行佛法。無一如來非智行得成佛者。無一衆生非悲智行當成佛者。若說智悲行外有一成佛之法。是外道說。非七佛說。十方三世一切諸佛。一切菩薩。爲智悲行。難行苦行。度自化他。已成佛道。當成佛道。無有一佛及一菩薩不自修行智悲行道。而依他佛他菩薩力得成佛道。若說有不自修行功。依他力得成佛道者。是波旬說。非說佛說。白佛言。世尊何故修諸善功德及觀佛稱名往生淨土。其故云何。佛言。天王。初心菩薩及下根士。大忍於此娑婆國。行六度萬行。及修開悟佛知見道。或有倦勞。或有退轉。以佛方便。淨土成就。根力而還。此土欲令成滿萬善大行。而說此義。於如是類修行人中。有二種機。一者今生得利勝義。二者後生得利劣機。何爲今生得利勝機。初心中有利根。敏慧開見經道。卽解彼佛阿彌陀及我釋迦佛。建願示誨。勸往生者。是卽諸佛善巧。

所以不得止說其真實。爲令諸衆生修行普賢大道。是也不求往生。卽向普賢大道而行。卽成大根菩薩。或有菩薩爲往生故。觀佛身時。見已身了。是心是佛。悟是理時。頓知此土時。全是淨土。不轉是身。卽是佛身。應時知得成就。根力不借往生。眞行萬善。或有菩薩爲往生故。修行念佛者。不可得具十大心。念如已前。依彌勒菩薩問之所答。是十念者。一切菩薩修行本念。爲念佛故。常修十念。念念通徹於十念者。卽得成就菩薩大行。不借往生。直行萬善。或有菩薩爲往生故。修行三心。無暴無散。無亂無垢。無邪。是得至誠心。於其心相。無僞無欺。無焰無妄。無疑無貪。無瞋。是施是戒。是智是理。是慧入悲。是敬是讓。是義是理。是觀音心。是卽佛心。得大深心。於其心相。無亂無動。無散無亂。無卒無暴。無暗無迷。是忍是定。是慧是覺。是見是辨。是明是審。是慎是慮。是文殊心。入卽佛心得發願心。於其心相。無厭無倦。無懈無休。無退無轉。無放無遷。是進是方。是願是力。是勇是猛。是活是發。是格是致。是普賢心。是卽佛心。是三心者。菩薩眞行心。

心成就。即得大道。不借往生。直行萬善。或菩薩能知。佛慮能聞。佛說爲往生。故修往生行。聞說唯稱佛名。修有福者。皆得胎生。或宮殿中。或蓮華中。經五百歲。十二劫。不見佛身。不聞正法。若有開悟。五大智者。即得化生。阿彌陀佛。大菩薩衆。圍繞住所。寶座之上。即見如來。即聞正法。即發信心。速解五智。所謂佛智者。心佛衆生。圓通根本。普賢菩薩法界大智。不思入智者。菩薩所住。不思議解脫。□□菩薩大權方便。自在大智。不可言智者。真空妙空。文殊菩薩般若大智。無等無偏。最上勝智者。諸佛知見。觀音菩薩一乘大智。往生修行菩薩。欲得彼化生。故修行五智。阿彌陀佛。以本願力。加被開悟。如是五智。即證諸佛無上大道。不借往生。直行萬善。如是四輩。名爲今生得利勝機。何爲後生。得利劣機。若有下根愚痴菩薩。雖見如是。諸佛方便。不解不覺。不志菩薩大修行道。唯念著於彼佛國土快樂長壽。愚人是也。或有菩薩。唯稱名號。一向專念。無量壽佛。一心不亂。唯入此道。不見他人。是非好惡。不思他法勝劣。高下不對。住他行毀譽信。

忘疑惡或妄

不疑去

難不向他教遠近向背。唯恐自己罪咎邪惡。唯懺自己散亂。震動唯責自己。無道無法。唯愧自己。不正不和。修一心故。自然成善。忘欲亦忘邪見。及忘邪智。無罪無逆。自然作成孝養慈悲。柔和質直。安樂之心。命終時。至遠離諸執著。即離生死。往生極樂下品蓮華。胎生之中。無苦無惱。安樂歡喜。經多少劫。時開蓮華。即見彼佛。無上相好。即聞彼佛說一乘法。漸開聖悟。次得聖位。或有菩薩。強欲強惡。常作殺生。深著肉味。偷盜他財。大求富福。衣服殿屋。美色亂行。憂悲短命。強求長壽。欲無頂絕。不知世理。暗心迷倒。聖人下教。賢人示化。尚不云何。如是愚人。隨於其人。其性其意。聞說極樂世界妙事。百寶莊嚴。寶珠充滿。百味飲食。甘露湧敷。遊行自在。無不隨意。菩薩衆生。壽命無量。無數沙劫。神仙不及。人相好妙。美絕口天。女歡樂無盡。無晝夜。春秋不來。無寒無熱。如仙宮。年尚於彼宮。絕出無對。言語道斷。心行所滅。令諸愚人。欲所欲達。願樂往生。漸漸增進。佛境界。樂改惡行。善合於聖道。遠離邪毒。現世安樂。命終如願。即往極樂蓮華胎。

生時至開華見淨土相絕出人間仙宮天堂所願滿足修菩薩行終至菩提如是二輩名爲後生得劣機人相有如是等二種得利大利益故諸佛如來往生他方佛土唯除以自愚痴無智不知道理闇昧之心而忘了解聖教義理以自爲勝以他爲劣以私智教他人欲作自愚伴以此劣行爲勝於其最上勝行云何除之是謗正法背彼如來本願故云何背彼本願心也彼阿彌陀佛常說一乘常念一乘而唯欲令下方一切衆生等悟一乘妙道不以劣行爲其本意入守常護娑婆世界修行大道不以極樂住安修行爲其本意但發弘願令得往生一心愚人不堪於此修行成故爾不得止立往生願彼佛心念無隔娑婆安養之思娑婆安養一通平等此界他界更無有差彼佛心念無隔念念他之心何以故爾一佛衆佛衆佛一佛法身一體此佛他佛無有差故人間大君尙無我而念念他心不作差何況於果滿地如來梵王果報尙清淨而天上天下目不見差何況於果滿地如來爾時阿難白佛言世尊於已前說光明遍照念

佛衆生此事云何佛言阿難此光明照非有念我念他差別照之境界衆生能觀佛三昧三昧成見是心是佛解法身理通一乘道法身光明常照十方更無照彼照是差別自心合彼光明則自當於此光唯有彼佛因地本願取之不捨白佛言世尊菩薩成就觀佛十念三心五智其法何已成就一其菩薩永留此土定不可求往生淨土佛言阿難若菩薩在無佛世界戀慕如來欲得生他方淨土見佛聞法受法樂樂者謂於法中成就一者即得往生他方淨土及生都率於極樂者即得往生上品上生時見彼尊阿彌陀佛觀音勢至一切菩薩即遊他見一切佛即聞正法妙法華經華嚴般若一切大乘於都率者亦得往生四十九重摩尼寶殿親直見我牟尼佛阿彌陀佛阿閼寶生藥師佛等即見供養教主彌勒觀音菩薩普賢菩薩文殊地藏維摩詰及虛空藏等難見菩薩及見供養不動威德夜叉三世難見明王亦見供養辨才吉祥多聞王等菩薩大天亦復即見摩阿迦葉舍利弗等菩薩聲聞即聞大乘成佛法也白佛言世尊

入養都率以何爲難得安往生土。佛言阿難都率天宮是有漏土。一切凡夫修行十善念彼彌勒卽得往生。念藥師佛念觀世音普賢文殊一切亦然。諸佛常在於此宮中。一切凡夫常見諸佛。此土卽是三世諸佛補所土。故極樂世界淨瑠璃土有此宮中。譬如維摩斷取東方歡喜國土入其室中。阿閼如來在於室中。彼斷取故會畢時則其土還本是宮。卽是補所土。故三世常住不還本所依如是理。凡夫往生都率爲易。安養世界無漏土故未盡比丘亦不得往。何以故。爾雖已盡漏是小結漏道行。彼安樂土大乘土故以是爲難。但有往生一切凡夫依二生者云何。二生是此依彼阿彌陀佛本願力故。以方便功造作蓮華。其品分九華中。胎生上者一宿下者十二大劫。經中隨其功德大小多入。或其罪障輕重多少。蓮華開有少遲速不同。所謂二生。其一生者現生命終從此土生於蓮華中。此蓮華者雖有彼土蓮華中者亦非彼土。經多少劫自然合於諸佛大道。懺悔先罪罪已消滅。自然開悟修行大道是爲一生。大道行時蓮華卽開。

便是

其時實生安樂世界阿彌陀佛諸大菩薩圍繞住所是實往生爲是二生。亦有九品外有一生。此有四輩。一者修行六度開悟發智菩薩道人卽得直生彌陀佛前。二者漏盡大阿羅漢忽迴心發大乘道心亦修其道卽得直生阿彌陀佛前。三者雖未得盡諸漏亦雖未得六波羅密受持法華一佛乘典如說修行隨分達得於佛智見開示悟入卽得直生彌陀佛前。四者受持無上神呪毗盧遮那阿閼寶生不空成就阿彌陀佛三世諸佛一同總持神便呪術諸秘神呪諸佛秘呪所呪呪成是故能成非是諸佛私助私成是呪法成呪惡成善呪迷成覺呪罪成福呪凡成聖呪障成淨呪難成易於呪力者一切諸佛所不及力意念圓月中座五佛毗盧如來放黃色光阿閼青光寶生赤光阿彌陀白光不空紫光右手能作五色光印口誦神呪光明眞言呪自呪他卽成法身卽得直生彌陀佛前是呪往生一切不擇善人惡人智人愚人佛力不及但呪力成唯有一障於過去世不結緣者不殖因者不遇此呪者雖有遇呪不發信心爲失大。

利如是惡人五佛諸佛不云之何。白佛言。世尊。若有惡人聞此呪力。有如是功。以呪力故。還作惡行。爲云何之佛。言阿難。如汝所言。依其理。故諸佛秘之。不妄授人。唯有宿善得遇此呪。雖然如是。信心持呪。依三密力。自然忘惡。自然去罪。心身清淨。作善人也。白佛言。世尊。已前所說十念生。爲下品下生。今爲十念化生。往生云何。解之佛言。阿難。已前說者。臨命終時。依知識教。具足十念。日□惡逆。其時功少。是故往生下品下生。今所說者。常修十念。至十念道。道人是也。是故往生寶座之上。白佛言。世尊。如阿彌陀本願言者。除五逆生及謗法生。亦如下品下生人者。謗法五逆。皆得往生云何。如有差別也。佛言。阿難。如本願言。是皆彼佛成往生法。故除之耳。若彼如來念我佛故。曲今逆罪。惡人往生是不當理。若有爾者。阿彌陀佛。不成就願。不成佛道。應墮無理罪過之中。非是大聖。如彼下品下生人者。依智識教。至誠懺悔。先惡先罪。一切捨惡。改心清淨。卽成正心。具足十念。成改新人。當知是人正心無罪。而善人徒是自往生。非彼佛私。

三已下佚失
五百四十六
字

亦復如來加被力者。是人卽是善人之徒。云何彼佛不加被之。不論凡聖。於生一生。謂善人生。則爲都率天宮。是易爲安養。難亦論凡聖。於生二生。謂惡人生。則爲安養世界。是易爲都率。難唯於依呪三密行與行一乘道。佛知見者。安養都率。同共爲易。更無有難。白佛言。世尊。於三密行呪與印。下凡夫下愚。能堪修之於心月者。更所不堪。應云何行。佛言。阿難。眞言行人有四種。根上智行人三。

薄伽梵在楞伽山中。爲大慧菩薩等天仙大衆說極大乘法。佛告阿難。汝等人天實欲成佛。當直修如來眞實禪。治身治口治意。以其散亂者。能入自覺聖智境界。成就無上佛身。阿難當知其禪。那者以三種義成就其體。一者工夫法相法理。解除邪理。證致正理。二者攝取聖道。正心解治放心。證得道心。三者會感三昧覺道。解轉凡質。證成聖果。佛告阿難。是如來禪。有前方禪中得道。禪後眞實禪。云何方便。禪當觀毗盧遮那佛空理一道身。是此毗盧遮那如來法性虛空體。法界身遍一切界。佛告阿難。先欲觀如來虛空。

體當□觀得自己一切心體無相絕離寂滅空莫而無一毛我有所是一虛無佛法身觀之了令心爲絕空眞際體而得一切無動境是爲定或能入畢者離一切煩惱永無歸生死是名前方便禪亦名大乘初門入道觀佛告阿難云何中得道禪菩薩欲觀如來法界身當觀自己一箇心相元來妙理圓滿微塵藏海而自成自覺聖智體常樂我淨德此有五菩薩德當修行是如來禪道云何五菩薩德今思過去無數大劫於阿彌拏之阿彌拏劫前之阿僧祇之阿僧祇劫前出世阿彌拏之阿彌拏諸佛阿僧祇之阿僧祇諸佛於其諸佛有一毗盧遮那佛此毗盧遮那佛一躬分定慧身成二菩薩第一智慧身菩薩其名曰應聲菩薩是毗盧遮那佛右身分也第二禪定身菩薩其名曰普賢菩薩是毗盧遮那佛左身分也應聲菩薩依智慧本體分理智慧三體成三菩薩元身理法是應聲菩薩也右手智慧是空藏菩薩也左手慈悲是地藏菩薩也普賢菩薩依禪定本體分智行二體成二菩薩元身行願是普賢菩薩別身知見是文殊

手聲平

菩薩也應聲菩薩住行願西方主東方慈悲普賢菩薩住慈悲東方主西方願空藏菩薩住智慧行南方主北方儀業文殊菩薩住儀業北方主南方智慧地藏菩薩住誠信中央主四方德用故是一菩薩娑婆有緣菩薩此五菩薩法身自體周遍法界故等流而成人天衆生五理性心云何五理性心一釋迦理性心菩薩當觀自己元心有一箇大慈大悲心是諸佛心是諸天心世間有善人是天地順生人世能饒益世間爲是人生慈悲是自然理性具心也束諸心成愛和心束諸業成撫育業是心是業純善心純善業也世間有惡人是天地逆生人也會災厄苦害爲是人生悲心是自然理性具心也束諸心成惻憐心束諸業成救濟業是心是業純善心純善業也向父母成孝向子僕成慧是心最上善心也此心爲天之性而覆蓋育養萬物能練熟此心成常恒不變之位是爲定成二阿施理性心菩薩當觀自己心理有一箇義理堅固心爲是菩薩行是天衆道一切世間皆依義正手而立依道理而利是心是道心是理是道理

善人依之得利。非於義理心有。利心道理自有。利惡人爲焉。被尅非於義理心有。尅心道理自爲。尅是心向君主成忠。向衆倫成宜。此心爲天之體而堅。同保持能練熟。此心成常恒不變之位。是爲定成三尸迦理性心。菩薩當觀自己心理。有一箇敬儀節格心。是上天法是衆聖法。其體常不變。其用應於時大梵王。天定是法於天。金輪聖王定是法於地。諸佛定是法於法界。菩薩定是法於人。常是心是正心。是法是正法。是心能成世間方法及天地之尊卑上下位。能緣熟此心成常恒不變之位。是爲定成四般若理性心。菩薩當觀自己心理。有一箇智慧照明心。是諸佛光是諸天明世間有山原谿谷。河海橋船。無光明則何行往。云人間有物事是非。萬法迷悟。無智者則何執。行云多大小皆智慧之任。也能練熟此心成常恒不變之位。是爲定成五疊末理性心。菩薩當觀自己心理。有一箇誠信道源心。是薩埵德道人依世間出世失此誠信。則一切萬法無得其據。上四心皆得此地而爲位。能練熟此心成常恒不變之位。是爲定成

佛告阿難。所謂釋迦理性心。以大慧大智爲事。又有阿施理性心。制之而不敕。令釋迦理性心。恣慧。恣有阿施理性心。以尤成敗爲事。又有般若理性心。制之而不敕。令阿施理性心。恣成。恣敗。般若理性心。以廣計遠識爲事。又有尸迦理性心。制之而不敕。令般若理性心。恣計。識尸迦理性心。以專讓專節爲事。又有疊末理性心。制之而不敕。令尸迦理性心。恣讓。恣節。之而不敕。令疊末理性心。恣實。恣同。如是有互互制詰之理。而不敕。毛端之妄。佛告阿難。五理性心得其互制。居其本位。合本理而不亂。譬如轉輪聖王。城堀石石相疊。而互制之。互詰之以不散亂。墜落而城形堅固。德五理性心如是。互制互詰。不令過分。不令不足。於是釋迦居善。阿施居宜。般若居理。尸迦居眞。疊末居道。而各位矣。世間悉依之大保建立。佛告阿難。是此五理性心者。唯一心也。共有共無。唯其有以爲其成。又其無以得其善耳。如環無端。能觀其元體而成堅固。又其應用而成正明。以使物事無量。皆致善



也而已如是五理性心成就者下品在人間修賢聖
道利自利他令世界安樂導衆生於菩薩道中品入
神仙修菩薩道化龍鬼妖魅導佛道保護世界上品
生天宮修菩薩道保天鎮地利益衆生萬物最上品
不定或交地獄餓鬼畜生或住人間神仙天宮或住
他方諸佛淨土分身無量現形無數而行佛道自利
他益佛告阿難如是善心尙有制詰成眞善也沉於
惡心一切惡心皆爲五理性心被制詰不能生發佛
告阿難生發惡心惡事有二源一名善過源二名虛
無源云何善過源五理性心偏過於一以不五者並
在亦復一一長過不五者制詰則其佛性之理性爲
無明妄氣遂被漂侵爲妄過速成惡心其慈悲者成
愛著心其義理者成憎害心其智慧者成倭姦心其
敬儀成諂媚心其誠信者成偏頗心大損聖道譬如
癡病人服藥治病而過服以還病藥毒云何虛無源
以五理性心不至常成而忽放之則於其間隙卽生
貪悋瞋恨愚惑妄想等邪意若生此心則此心速成
就惡作身成殺害偷盜姦亂謾儀等邪業口成惡口

大梵六

兩舌妄語綺語等邪言生而破人損身耻名亡子孫
滅倒家門死而落地獄餓鬼傍生修羅終無離生死
輪迴憂悲苦惱汝等世如出世六通聲聞緣覺及世
間五通天神仙鬼等若見掌中安羅果始終森羅故
不可妄說如是悉觀世間微塵得一切無惑一切成
德位是爲成定是名中得道禪亦名大乘中中常修
道觀佛告阿難云何後眞實禪菩薩欲觀如來全體
成佛身者卽以應聲菩薩釋迦心修智禪離壽者相
得樂德盡心意識有爲至無量壽佛果證妙觀察智
住無緣慈悲以普賢菩薩阿施心修聖禪離衆生相
得常德盡阿羅耶有爲至阿閼秘佛果證大圓鏡智
住無作行願以空藏菩薩般若心修自禪離我相得
我德盡我我所有有爲至華開敷佛果證平等性智住
無得福德以吉祥菩薩尸迦心修覺禪離相人得淨
德盡五根大識有爲至天鼓音佛果證成所作智住
無相知見以地藏菩薩曇未心修如來禪離法非見
得波羅德盡無明惑有爲至大牟尼佛果證法界體
智住無漏覺果三世諸佛皆依此道轉因成果取正

禪海塔燈

民國・陳健民
撰



禪海塔燈 目錄

開場白 一

第一章 賸話先說 七

第一節 痛念無常 七

第二節 徹底出離 九

第一目 離俗 一〇

第二目 離欲 一二

第三目 離他力 一四

第四目 離言句 一七

第五目 離知見解會 二一

第六目 離戒定慧修持 二三

禪海塔燈目錄

二

第七目 離境身意識心……………二六

第二章 塔燈初層——入處……………二八

第一節 本層（入處）開示及公案選……………二九

第二節 本層（入處）悟道因緣例選……………四二

第三節 同案別層選……………四三

第一目 本層（入處）西來意案……………四四

第二目 本層（入處）家風案……………四五

第三目 本層（入處）牧牛案……………四六

第四目 本層（入處）拂子案……………四七

第五目 本層（入處）看經案……………四七

第六目 本層（入處）送書案……………四八

第七目 本層（入處）心案……………四八

第八目	本層（入處）身案……………	五〇
第九目	本層（入處）境案……………	五一
第十目	本層（入處）設齋還來否案……………	五一
第三章	塔燈二層——出處……………	五三
第一節	本層（出處）開示及公案選……………	五三
第二節	本層（出處）悟道因緣例選……………	七四
第三節	同案別層選……………	七五
第一目	本層（出處）西來意案……………	七五
第二目	本層（出處）家風案……………	七七
第三目	本層（出處）牧牛案……………	七七
第四目	本層（出處）拂子案……………	七八
第五目	本層（出處）看經案……………	七九

第六目 本層（出處）送書案……………七九

第七目 本層（出處）心案……………七九

第八目 本層（出處）身案……………八〇

第九目 本層（出處）境案……………八一

第十目 本層（出處）設齋還來否案……………八二

第四章 塔燈三層——用處……………八三

第一節 本層（用處）開示及公案選……………八四

第二節 本層（用處）悟道因緣例選……………一〇六

第三節 同案別層選……………一〇七

第一目 本層（用處）西來意案……………一〇七

第二目 本層（用處）家風案……………一〇九

第三目 本層（用處）牧牛案……………一一〇

第四目	本層（用處）拂子案……………	一一二
第五目	本層（用處）看經案……………	一一三
第六目	本層（用處）送書案……………	一一五
第七目	本層（用處）心案……………	一一六
第八目	本層（用處）身案……………	一一八
第九目	本層（用處）境案……………	一一八
第十目	本層（用處）設齋還來否案……………	一一八
第五章	塔燈四層——了處……………	一二〇
第一節	本層（了處）開示及公案選……………	一二〇
第二節	同案別層選……………	一二九
第一目	本層（了處）西來意案「缺」……………	一三〇
第二目	本層（了處）家風案……………	一三〇

第三目	本層（了處）牧牛案「缺」	一三〇
第四目	本層（了處）拂子案	一三〇
第五目	本層（了處）看經案「缺」	一三〇
第六目	本層（了處）送書案「缺」	一三一
第七目	本層（了處）心案	一三一
第八目	本層（了處）身案	一三一
第九目	本層（了處）境案	一三二
第十目	本層（了處）設齋還來否案	一三二
第六章	同案別層之總結附檢查表	一三三
第七章	一案多層選	一三五
第八章	禪病	一四〇

第一節	瑯琊五病·····	一四〇
第二節	曹山四禁·····	一四〇
第三節	曹山三墮·····	一四一
第四節	雲門四病·····	一四一
第五節	御選語錄所載某禪師三病·····	一四二
第九章	禪功證量·····	一四三
第一節	就公案中語句言所現證量·····	一四四
第二節	就傳承中懸記及師資關係言所現證量·····	一四五
第三節	就脫死象徵言所現證量·····	一四六
第十章	平實商量·····	一四八

禪
海
塔
燈
目
錄

八

禪海塔燈

攸縣陳健民作

東莞劉佛根校

開場白

誰教你開卷？你欠少箇甚麼？未開卷前早與三十棒。設使早自承當，遇著便嘔，放你一喝，免聾三月；直饒提起禪案，會却涅槃後句，畢竟事未在，三十棒自領去。

雖然如此，自古以來，棒喝下固然成全多少，也早已逃避多少；飄流到今，也須讓他得箇入處始得！狷者固然；狂者于今更多，不可不救者！是本書叨絮一場的動機。

本人慚愧，佛門鬼混二三十年，閉關時已占十五年，毫無證德可以貢獻讀者。所認識的是些佛門通病；淨土通病在乎苟簡，我爲此有造破苟簡論的計畫；密宗通病在乎冒濫，我爲此曾造密宗灌頂論，經香港李世華居士捐資印行；禪宗通病在乎狂妄，我爲此便寫成一部書。現在我將者書寫作經過，介紹於後：

禪宗黃金時代在唐朝，一花五葉，枝枝挺秀。無論是臨濟玄要也好，洞山君臣也好，滄仰體用也好，雲門三關也好，法眼六相也好，都以小乘出離爲基礎。那時教下研究四含者尙多，禪匠大都在開悟之後三十年、四十年住山不下，所以成就大德甚多。元明以後，雖也有中峯、楚石、紫柏、憨山、天童、玉琳等大德，然而或兼教下，或雜西方，已屬強弩之末；而狂妄之徒，冒充菩薩，戴着假面具，都做了過江名士，北山笑柄。既無證德，徒逞口頭。昔日巖處穴居，於今茶樓酒館；昔日尊崇四含，於今喝斥三藏；昔日眞智不露，於今狂慧彌彰。所以成德者稀，而造罪者衆。要對治此病，則有提倡出離，揭櫫證量之必要，本書卽依此宗旨而作。

自釋道原景德傳燈錄後，接著有李遵勗之天聖廣燈錄，釋維白建中靖國續燈錄，釋道明之聯燈會要，釋正受嘉泰普燈錄。其後宋釋普濟取此五燈，刪削冗繁，彙爲五燈會元，明費隱、通容等共撰五燈嚴統，匡正前五燈之訛謬，使法統不紊。如上七書，都以師徒傳統爲經，而以各師之公案爲緯。一師之下，公案雜陳，無有倫次。今欲標榜證量，此種通常編製，則不適用。所以本書別創新格，以答案所表證量爲經，而以各師公案爲緯；不論其爲何時代，何

系統，何家、何宗，都要受證量深淺之標準而選擇分列。我依據證量標準，喜歡將他排在先一點，他就先了；將他排在後一點，他就後了。全書所選公案，莫說一定是古人的現成，於今聽我編列，也莫說一定是我的註腳。

在祖師的作風，素來不談證量、神通、果位、地道，而其實所謂教外別傳，無異是說在義理的言教之外，別傳證量的身教。雖然不說，其聲如雷，古人也曾如此讚美過。因為古德不說，所以證量隱諱不明。記得六祖問南嶽讓禪師，還假修證也無？讓答曰：「染污即不得，修證則不無。」六祖雖只肯他染污不得，對於修證不無，也不否準。後世狂妄之徒，便乘機亂喊。所以如今有標榜證量，以救治狂妄之必要。關於古人證量之抉擇，有所謂初關、重關、末後牢關之說。清圓明居士對此三關解析，則曰：「識得七尺不過四大，徹底澄清，一絲不挂爲初關？破本參後，乃知山還山，水還水，無一物非我身，無一物是我己，色空無礙，得大自在，爲透重關；家即途，照即寂，體斯用斯，無明執著自然消落，爲踏破末後牢關。」黃肅方居士則曰：「大死一回爲初關，證見本來爲二關，洞明法相爲三關。」我認爲者些解析，全係教下之

物，與公案無關。公案所表證量，不應該依教下決定，當依公案本身決定。我在十餘年前，參禪看案時，發現有四層工夫：一是得箇入處，二是知箇出處，三是得箇用處，四是知箇了處。者入、出、用了四字，雖然是我發現的，卻都是公案本身的現成語，不是由教下蹈襲而來。同時本人由自己參禪經過，於此四處見地上，已有決定，毫無動搖；證量上也略有經驗，詳見本書第九章禪門證量中。然而在當時我卻不敢以公諸世人，自來印度閉關，借到張相誠先生景德傳燈錄，座餘溫習，對一般狂妄之徒，又大生悲憫，思欲依此四層證量，寫一禪書以救濟之，乃禱之達摩及東土諸祖，求其開許，光明中見有「馬祖心感」四字，即本書第一頁所題。因決意就每日下午五時以後，晚飯以前，約莫半小時，經過七年，寫成此書。

最初，就傳燈錄作一公案普選錄（一）。說也奇怪，有許多當被選的祖師，先日即在定中，光中或夢中現起。祖師大家都以為能被選入為歡喜。客居此間，禪書無多，只選了六百多案。每案安上一名，如迦葉笑花，編上號碼；以後其他各錄，被引各案，但標號碼，不寫公案，省卻多少重複。

我因爲要提倡出離，就專選一部古德出離陳例錄（二），及古德警策語選（三），者二錄便是本書第一章剩話先說之依據。

由前普選錄中，再依四層證量之標準，再寫四層各案分類選錄（四），者便是本書第二章至第五章，各章之第一節「本層開示公案選」之依據。

我又就案名相同，而各祖答案互異其辭，所表證量互異其層，乃別編一同案別層彙比錄（五），者就是本書第二章至第五章，各章之第二節「同案別層選」之依據。

其後又就一案中能包含四層證量者，別編一案多層彙錄（六），此即本書第七章之依據。此章公案雖不多，由此證明不分層而分層，分層而不分層之理。

又就諸祖所論禪病者，編一禪病語錄（七），此即本書第八章之依據。由此禪病，可以反照證量之正面。

我既標榜證量，其在公案中仍然隱諱。但由四層分列，標明深淺，其中具體證量，依然不明，所以就諸祖脫死象徵有真憑實據者，別編一脫死象徵彙錄（八），者就是本書第九章第

三節之依據。讀者看來，如今只是一書，回想所編經過，此一書實已包括如上所言八錄。末了，我就依古人「平實商量」陳例，寫成最後第十章，都是我的重要經驗話，和痛切的勸告語。讀者可在看完此開場白後，先看第十章，可得本書一大輪廓，了解四層證量之內容。然後再看第一章至第九章，方知所依四層標準，確中古人公案之肯綮。

我當在此開場白最後要聲明的呢，就是此例一開，日後必有人也依證量而分論公案。人之爲善，孰不如我，我當然是歡喜信受的；不過應當注意的是，文章千古事，得失寸心知，證量上的話，要是過來人，才可談到；本人雖未得大成就，對於證量，略有經歷。同時寫作之先，已取得馬祖許可。以後如有人另編，希望也取得此上兩個條件：一爲自己經歷，二爲祖師許可；如果此二條件不具，切不可孟浪爲之，致令後世把我罵作一箇始作俑者，便不敢當也。如或證量比古今人更深，而所提標準，又深得古人各案之意旨，本人惟有感激涕零，以奉讀之，以奉行之。

第一章 賸話先說

只爲汝未悟，從上祖師多出許多賸話，要知道者些賸語，并不能增加你甚麼；你果悟了，者些賸話，也不能減少你甚麼。你如果又未曾真參實悟，又嫌他老生常談，不肯切實捫心自問，那末便辜負祖師的一片婆心，要求悟也，驢年去！

第一節 痛念無常

黃檗曰：「莫容易持片衣口食，空過一生。但知學言語，念向皮袋裏，還替得生死麼？縱學得種種差別義路，終不代得，自己見解，畢竟著力，始得。」健民曰：「於今一般狂禪和，只教你休息去，不管你知不知道真箇休息處。黃檗卻教人莫空過，要著力始得。究竟什麼時候是你休息的？甚麼事是你著力的？我者書自頭至尾，把從上祖師指示的親耕田地，和盤托出。你讀完以後，才知道你自己究竟到了甚麼田地。於今且教你先行痛念無常，下面所引，都是者一類賸話。」

懷海曰：「努力猛作，莫待耳聾眼暗，髮白面皺，老苦及身，眼中流淚，心中惺惶，未有去處；到恁麼也如此時，整理脚手不得也，縱有福智多聞，都不相救，如心眼未開，惟緣諸境，不知自照，復不見佛道；一生所有罪業悉現于前，重處受生，都無自由分！」

智常曰：「今時之士，不能自成立，虛度時光，諸子莫錯用心，無人替你！」

玄沙曰：「忽然無常殺境到來，眼目壽張，身見命見，恁麼時大難支荷，如生龜脫筒相似，太苦！」又曰：「三界無安，猶如火宅，且汝未是得安樂的人，只大作羣隊，於他人世，者邊那邊飛走，野鹿相似。但知求衣爲食，恁麼爭行他王道！父母放汝出家，施主供汝衣食，土地龍神護汝，也須具慚愧，知恩始得。莫辜負人好，長連牀上，排行著地銷將去，道是安樂未在，皆是粥飯將養得汝爛冬瓜相似，變將去，土埋將去。業識茫茫，無本可據。如今若不了，明朝後日，看變入驢胎馬腹裏，牽犁拽耙，銜鐵負鞍，水火裏，燒煮去，大不容易受。是汝自累，知麼？若是了去，直下永劫，不曾教汝有者個消息。」又曰：「汝諸人如能一生如喪考妣，吾保汝究得徹去。」健民曰：「汝試自問是已得安樂的人？是未得安樂的人？口頭禪虛度一生，有甚用？」

處？」

文偃曰：「快與！快與！時不待人，出息不保入息。他日閻羅王面前，不取你口解說得好；若是得的人，他家依衆遣日；若也未得，切莫容易，大須仔細！」又曰：「直須看取！忽然一日，眼光落地，前頭將甚麼抵擬？莫一似落湯螃蟹，手足忙亂，無你掠虛說大話處。莫等閑空過，一失人身，萬劫不復，不是小事！」健民曰：「汝試自看，是得的人？是未得的人？汝如問如何便算得的人，我便知你的確是未得的人。既是得的人，還須問人嗎？大須自憐去。」

健民曰：「如今末法，一般冒充法師的居士，茶樓酒店，高談闊論，口耳四寸，無非記得些公案爛熟，何不自猛省，究竟到了甚麼田地？逢著真參實悟的人，都成笑柄，自欺欺人，無常一到，更難受也！」

第二節 徹底出離

無始無終，本不相干。何時未曾離也，頭頭是道，萬法無咎，離個甚麼？取一物不得，捨一物不得。拙撰反省錄性戒篇曰：「害其誰與乎？利其誰守乎？」若論祖意，說離也得，說不離也得；

還有汝分別執持分位否？說離，汝便以爲有可離處，有可就處；說不離，汝便以爲卽今便是也，要到者步田地始得。禪海塔燈裏全是無字經，無一點一鈎，可與汝心上思念的，手上把持的；還須汝當人反照自己面目，脚跟落地始得。說離，不可萬里無寸草去；說不離，不可拖泥帶水去。汝且好生自看，莫在者裏東猜西摸。在甚麼田地，說甚麼話。下面摘錄些古人現成話，只爲汝暫時還離不得也。與其爲汝說不離，不如先爲汝說離。要在汝當人把全書當作一個字看，把者一個字當作無字看。趙州一生看不盡的，莫作大乘看，者裏全無一乘，何況大小也；莫作小乘看，下面都是禪家有名祖師的榜樣。於今一班狂禪和談到出離，便喝爲小乘，大似數典忘祖。

第一目 離俗

天然禪師本赴京去考功名，遇著一位禪師，便勸他說：「赴選官場，不如赴選佛場。」設使當日一落功名利祿中，大權大勢的場所，便是大罪大惡的根源，還有悟道分否？還有跨聖僧頭上分否？

龐蘊，男不婚，女不嫁，所有長物，都棄在衡河中。他豈是比我們貪圖衣食的人還愚癡嗎？
梅山法常逐鹽官之請曰：「摧殘枯木倚寒林，幾度逢春不變心。樵客遇之猶不顧，郢人那得苦追尋？」

龍山和尚，深居不出，亦無通路。被洞山見後，燒屋，更入深山而隱。詩曰：「三間茅屋從來住，一道神光萬境閑。莫作是非來辨我，浮生穿鑿不相干。」

慧忠自受心印於六祖，居南陽白崖山，黨子谷四十餘年不下山。
利蹤住子湖四十五年不下山，詩云：「三十年來住子湖，二時粥飯氣力粗；無事上山走一轉，問汝時人會也無？」

從朗住婺州木陳，亦三十年不出雷池一步。詩曰：「三十年來住木陳，時中無一假功成，有人問我西來意，展似眉毛作麼生。」

慧朗住潭州招提寺，三十年不出戶一步。

大同住投子山三十年。桃李無言，下自成蹊，學徒麇集。

南泉自構禪齋於池陽，三十餘年不下。

景欽禪師曰：「我四十九年在者裏，尙有時走作！」

無業國師因唐穆宗強召，乃曰：「且前行，吾今別道去矣。」乃沐浴翦髮。中夜跣趺而逝，竟以死拒召！

第二目 離欲

清護禪師一生不服絹帛，唯衣紙布。

居海禪師麻衣草屨。

智封十年木食澗飲。

慧滿志存儉約，唯蓄二針。冬則乞補，夏則捨之。常行乞食，住不信宿，到寺則破柴製屐，有時宿古墓中，一生心無怖，身無蝨，睡而不夢。

靈祐初赴瀕山，猿獠爲伍，橡栗充飢。

南嶽玄泰上座未嘗衣帛，人謂之大布衲。誓不立門徒，各方來參，以友誼交之。臨死無一人

在臨時呼一人爲之舉火，有偈曰：「不用剃頭，不用澡浴，一堆猛火，千足萬足。」

懷海曰：「汝等先歇諸緣，休息萬事，不念名聞利養衣食，不貪一切功德利益，不爲世法之所滯。粗食接氣，補衣禦寒，足矣。」

無業國師曰：「如今天下解禪解道，如河沙數，纖塵不去，未免輪回。思念不忘，盡須沈墜。只如野逸高士，尙不赴徵。且看大德，得意以後，茅茨石室，向折脚鐺子裏煮飯，吃過二、三十年；名位不干懷，財寶不爲念。兄弟論實，不論虛，只者口飯身衣，盡是欺聖罔賢求得來。他心慧眼觀之，如吃膿血，死後依前，再爲螻蟻，從頭又作蚊蟲。如直下便休息去，頓息萬緣，始得；否則不如依二教法修行，不妨卻得四果三賢。」先德云：「了則業障本來空，未了還須酬宿債。」

健民曰：「如上的論已悟未悟，在不得妙用前，談不上和光同塵。既得用時，早已非俗無欲，卽彼妙用，也須離了，便許汝無功用運轉去。如今末世，多少口頭禪漢，虛度一生，十分可惜。記得我在民國丙子年，上峨嵋山閉關，在金頂寺之脚庵萬行莊一宿，聞某老禪丈高談闊

論，當時也只好隨聲讚歎。及出關下山，則彼已死矣。問死時象徵如何？那時果瑤法師尚在，據說叫天喊地，自白全無把握。果法師只好勸他回向生西。我說：『當時法師何不把德山宣鑒臨終答僧問：「還有不病者無？」曰：「阿爺！阿爺！」一案告他，使他在痛苦上參透過去；徒然教他回向生西，未免已離禪家作風。』果瑤法師說：『他平生功夫只在口頭，未曾心體力行，臨終何能透得過！』嗚呼！一生口頭，如此了結，可不是自欺欺人？如今像者一位老禪丈的，大有人在。他們題到出離，便認爲小乘，不知禪門大德，都異口同聲，如上提倡。何不反躬自問，自己功夫到了甚麼田地，比較如上祖師何如？』

第三目 離他力

此事原來現成，誰不能給你，誰不能奪你；說個空手行拳，猶是外行話。總無肯路，總無你著力處。從上祖師，三藏十二部，未曾說著一字，禪家祖師東拈西頌，五家各標宗旨，連甚麼六祖壇經，五位君臣，十二時歌，牧牛圖，都不能添你點甚麼；何況我者裏東說西說，有個甚麼把柄，給你咬著？拙著短笛集詩曰：「有意傳君無法取，將心學我也難成；回頭總是君多事，

撒手猶疑我薄情。」試看下面所選離他力公案，是高明祖師，誰肯遺害兒孫？是伶俐行者，誰肯築室道謀？

馬祖上堂良久，百丈收却面前席，馬祖下堂。如此作風，斯師也而有斯徒也。多少護念！多少咐囑！盡在此不言中。然而不是離自力的他力，教汝向何處覓他力去？

宣鑒上堂曰：「今夜不答話，問者三十棒。」新羅僧出拜，師乃打曰：「未問何打？」曰：「汝上船來此時，便好與三十棒。」

貞遽曰：「隔山見資福利竿，便回去脚跟，也好與三十棒，況還過江來乎！」

元安曰：「若是上流之士，不將祖佛見解貼在額頭，如靈龜負圖，自取喪身之本。」

玄安曰：「此一門超他毗盧莊嚴世界，超他釋迦方便門，直下永劫，不教有一物與汝作眼見。」

惟儼因僧有疑，約上堂決之時至，問請決者誰？僧出，師下牀，把卻，告大眾曰：「者僧有疑。」便托開，歸方丈。

僧問大顓曰：「其中人來如何？」曰：「早不其中。」曰：「其中者如何？」曰：「不作箇問。」

定山曰：「生死中無佛，無生死。」夾山曰：「生死中有佛，不迷生死。」同問其師法常：「何

說爲親？何說爲疏？」師約明日來，明日夾山獨來再問，法常曰：「問者不親，親者不問。」

善會曰：「勞持生死法，惟向佛邊求，目前迷正路，撥火覓浮漚。」

普願曰：「只如大德吃飯了，從東廊上西廊，不可總問人，得與不得也。」

楚南曰：「唯是著衣吃飯，不用讀經，豈不易耶！」

僧問智暉曰：「要路坦坦，如何履踐？」智曰：「我若指汝，東南西北去也。」

僧請慧恭指示，師曰：「指示卽屈汝。」僧曰：「教學人作麼生卽是？」師曰：「切忌是非。」

桂琛曰：「佛法不是隔日瘧，見我拈槌，便作意度；見我把帚，便各管照。汝尋常打柴，何不自顧？」

天然參古寺，值粥次。行者盛與師，又自盛，卻不與天然，天然乃自盛。行者曰：「五更侵早起，更有夜行人。」健按：「如此作風，始算男兒也。」

幼璋曰：「我曾參遍天下叢林，諸方無異說，只教當人歇卻狂心，休從他覓。」

第四目 離言句

無論師方利他，資方自悟，都不肯設施許多言句；讀者豈更可在者塔燈裏，想記著些油腔滑調？挑糞入坑去，徒增臭氣。舊有一些經論文字，都要拋棄；如今換些信心銘、壇經、燈錄，都不免以暴易暴之譏，務必吞灰滌腸，飲水洗胃，打掃得乾乾淨淨，方有少份相應。

玄沙上堂，良久不語，衆皆退。乃訶曰：「總是一樣，無一個有智慧。但見我開者兩片皮，盡來簇著，覓語言意度是；我真實爲他，卻總不知也。」

投子曰：「汝若問我，我便隨汝答對，也無玄妙可及於汝也，不教汝垛根；終不說向上向下，不敢欺誑汝，無表無裏可得。」

文偃曰：「舉一則語，直下教汝承當，早已是撒尿著汝頭上。」

慶諸曰：「我輩沙門，全無肯路，若分卽差，不分卽坐落泥水。」

圓智曰：「智不到處，切忌道著，道著卽頭角生。」智頭陀曰：「怎麼生？」師乃出去。雲居曰：

「切忌道著一語最毒，一棒打殺龍蛇。」

僧請義存指示，義曰：「寧自碎身，不可瞎卻一僧眼。」

茱萸問行者，曾看趙州否？曰：「和尚敢道否？」茱曰：「非但茱萸一人道不得。」曰：「和尚放某甲過。」茱曰：「者裏從前不通人情。」曰：「要且慈悲心生。」茱便打曰：「醒後來爲汝。」

僧問禾山，爲何不全道？曰：「盡法無民。」曰：「不怕無民，請師盡法。」曰：「爲知己喪身。」曰：「何故？」曰：「好心無好報。」

仲興隨道吾弔喪，問生耶死耶？曰：「生也不道，死也不道。」曰：「如何不道？」曰：「不道！不道！」曰：「如不道卽打。」道吾曰：「打卽任打，生也不道，死也不道。」仲乃打道吾。道吾令速去，免被人打。仲乃往石霜，請石道石曰：「汝不見彼道：『生也不道，死也不道。』」忽大悟，設齋懺悔。

打地和尙凡遇人問便打地，有人先藏其棒而後問，乃唯張口而已耳。

慧覺對僧問：「和尚何故似露柱？」曰：「啼得血流無用處，不如緘口過殘春。」

僧問志閑末後事如何？曰：「忌丈六口頭。」

靈觀因僧問，出舌示之。僧拜，師問見箇甚麼道理？曰：「謝和尚出舌相示。」師曰：「老漢近日舌上生瘡。」

曹山問靈觀，如何是毗盧師法身主？師曰：「我若道，卽別有也。」曹山告洞山，洞山曰：「好箇話頭，如何不再問？」曹山再問，靈觀曰：「若言我不道，卽啞卻我口；若言我已道，卽謾卻我舌。」洞山深肯之。

僧問大同曰：「千里尋師乞一接。」答曰：「老僧今日腰痛。」

菜頭請益於大同，師曰：「且去，明日無人時來。」明日再請，師曰：「近前來。」前已，師曰：「輒不得舉似於人。」

李翱問崇信，何謂般若？崇曰：「我無般若。」翱曰：「幸遇和尚。」曰：「此猶是分外之言。」僧問大同，一塵含法界時如何？曰：「早已數塵也。」

惟儼上堂聚衆。良久，復歸方丈，閉門。院主追問，師曰：「經有經師，論有論師，律有律師，爭怪得老僧？」

法眞上堂，作患風歪口勢。曰：「還有人醫得否？」僧各供除風藥後，師自擲口令正。曰：「如許多時鼓兩片皮，無人醫得。」

延沼曰：「設使言前薦得，猶是滯殼迷封；縱然句下精通，未免觸途狂見。」

陳尊宿問僧曰：「瀏陽老宿，佛法大意如何？」曰：「徧地行無路。」師曰：「實有此語否？」曰：「實有。」師乃打曰：「者念言語漢。」

良价爲雲巖設齋。僧問：「師初見南泉發迹，爲甚與雲巖設齋？」曰：「不重道德，不重佛法，只重不爲我說破。」

僧問寶蓋山約禪師曰：「寶蓋高高挂，其中事如何？請師言下旨，一句不消多。」答曰：「寶蓋挂空中，有路不會通，倘求言下旨，便是有西東。」

僧問玄沙，學人如何道不得？曰：「畱塞汝口，爭解道得？」

第五目 離知見解會

一般口頭禪漢，粗解義理，便東說西說，其實盡是些知解情見。經有經師，論有論師，禪家工夫那在口頭？若論機鋒快捷，轉語奇妙，有工夫的吐露自然不同。然而末世沒有工夫的，却正大在騙人，被識者看破，都是一場滲漏。換幾個禪家名詞，與一般經論有何差異？換湯不換藥而已，真是伶俐衲子，啐啄同時，要許多話語作麼？者個田地，連心都用不著，還有甚麼解會？解會且沒有，還能存知見麼？

玄沙曰：「沙門眼把定乾坤，函蓋世界，不漏絲毫，何處更有一物爲汝知見？」

義忠曰：「若馳求知解義句，卽萬里望關鄉去也！」

禪宗西天廿五代祖師婆斯舍多曰：「聖人說知見，當境無是非，我今真實悟，無道亦無理。」

慧朗問馬祖，何謂佛知見？馬祖曰：「佛無知見。」

趙州逢婆子，問：「師住何處？」趙州曰：「趙州東院西。」婆無語。趙州歸問僧衆曰：「那箇

西，是淒泊之淒，還是東西之西？」衆或答西，或答淒，趙州曰：「汝等只能作鹽鐵判官。」僧曰：「和尚爲甚麼道？」曰：「爲汝等總識字。」

桂琛問文益何往，曰：「行脚去。」曰：「行脚事作麼生？」曰：「不知。」桂曰：「不知最親切。」文益乃大悟。

僧問僧密曰：「『無何聞者真聽經』如何？」曰：「要會麼？」曰：「要會。」曰：「未解聽經。」僧問師護曰：「乍入叢林，乞師指示。」曰：「師未入前，我已指示了也。」曰：「如何領會？」曰：「不要領會。」

高亭有僧自夾山來頂禮，被打，再禮乃回。夾山曰：「汝會麼？」曰：「不會。」曰：「賴汝不會，會卽夾山口啞。」

滌山僧赴行者甘贄家化緣，甘問：「滌山舉拂子，上座作麼生會？」曰：「借事明心，附物顯理。」甘不供，而曰：「且歸滌山好。」健代僧曰：「有時挂起拂子，汝又作麼生會？」

璘和尚詩曰：「天地指前徑，時人莫強移，箇中生解會，眉上更安眉！」紹修曰：「具足凡夫

法，凡夫不知；具足諸佛法，諸佛不會。諸佛若會，卽是凡夫；凡夫若知，卽是諸佛。此兩語一理二義。」

第六目 離戒定慧修持

禪門單刀直入，不走彎路，不建立任何一路，全無行路，全無肯路。不去而到，到家在途，都是話分兩頭。者裏面無一物可捨，無一物可取。善惡是非情見，都不是禪門中事。三乘教法，特別人天基礎，諸惡莫作，衆善奉行，自是天經地義，然與禪家全沒交涉。既是善惡都不思量，便不須別立戒條，而自然合乎戒條；不須別立定功，而自然具有定功；不須別領慧旨，而自然具有妙慧。本具故，現成故，離功用故，任運故，稍著一分力，便千里萬里去也。有甚麼給你修？那一處不可行？故三祖曰：「大道無難，唯嫌簡擇。」

達摩祖師示楊銜之曰：「亦不觀惡而生嫌，亦不觀善而勤措。」

六祖傳惠明曰：「不思善，不思惡，誰是上座本來面目？」

本淨禪師曰：「捨惡送何處？取善令誰守？傷嗟二見人，攀緣兩頭走。」

慧忠曰：「善惡不思，自見佛性。」

法常曰：「心但不附善惡，而生萬法，本自如如。」

破竈墮曰：「善惡如浮雲，諸無起滅處。」

懷海曰：「不畏地獄苦，不愛天堂樂。」

石頭爲天然剃度已，初說戒次，天然掩耳而去。

馬祖習定次，南嶽讓磨石爲鏡。馬曰：「磨石何能爲鏡？」讓曰：「汝習定何能成道？」曰：「

如何？」曰：「車不行打牛則是？打車則是？」曰：「打牛。」

義玄（卽臨濟）睡次，黃檗敲牀三下，開目，見是黃，復睡；黃乃於席上敲三下。往見首座，正

在習定。曰：「下間後生却坐禪，汝者裏妄想作麼？」

圓智問雲巖曰：「菩提以何爲座？」雲曰：「以無爲爲座。」雲以問滄山，滄曰：「以空爲座。」

滄復反問圓智。圓曰：「坐也聽伊坐，臥也聽伊臥，有一人不坐不臥，速道！速道！」健代曰：

「不可作兩人也。」

石頭曰：「吾法門先佛所傳，不論禪定精進。」

大顓曰：「除却一切妄運想念，現量卽汝真心。此心與塵境，及守認靜嘿，全無交涉。卽心是佛，不待修治。」健曰：「你若是工夫到家，卽此妄運想念，也不待除卻他，自然現量去也。」良价曰：「直須心心不觸物，步步無處所。」

法常曰：「來莫可拒，往莫可追。」

道膺曰：「第一莫將來，將來都不似。」

智禪曰：「能所俱絕，名爲見性。」

惟寬曰：「本來無損傷，云何要修理？無論淨與垢，一切勿起念。」

天然曰：「吾此間無道可修，無法可證，一飲一啄，各自有分，不用疑慮。」

靈佑曰：「若眞悟得本，他自知時，修與不修，是兩頭話。」又曰：「不道別有法，教渠趨向也。」

明禪師曰：「若出三界，卽壞三界；若在三界，卽礙三界。不壞不礙，是出三界。」

慧忠曰：「凡聖兩流，都無少分起滅，便是出識。」

僧問雲居輕賤章句。對曰：「動卽應墮惡道，靜卽被人輕賤。」

僧問本寂，如何保任？答曰：「如經蠱毒之水，不得霑著一滴。」

僧問月輪，如何見本來面目？曰：「不勞懸石鏡，天曉自鷄鳴。」

西天二十六祖不如密多曰：「真性心地藏，無頭亦無尾。」

僧問元安曰：「供百千佛，不如供一無修者，未審佛有何過？」元曰：「一片白雲橫谷口，幾

多歸鳥盡迷巢。」

僧問惟儼，如何是戒定慧？對曰：「我者裏無此閑家具。」

第七目 離境身意識心

懷海曰：「汝等當先放棄身心，令其自在，心如木石，無所辨別。」

慧忠曰：「不垢不淨，寧用起心看淨境！」

慧南曰：「微有念生，便具五陰三界；輪回生死，是從汝一念所生。」

僧問惟儼曰：「已事未明，乞師指示。」師良久，乃曰：「吾爲汝道一句亦不難，只宜汝於言

下便見去，猶較好些，若便入思量，却成吾罪過。」

道虔曰：「莫向意根下圖度作解，盡未來際，也未有休歇分。」

桂琛曰：「佛法莫向意根下皮袋裏作測度。汝向何處下口？還有一法近得汝麼？還有一法遠得汝麼？同得汝麼？異得汝麼？汝爲甚麼却自艱難去！」

道膺曰：「學佛邊事是錯用心；若將有限心識，作無限中用，如將方木逗圓孔，多少差訛！」

僧問道膺曰：「如何是沙門所重？」曰：「心識不到處。」

景岑曰：「學道之人不識真，只爲從來認識神，無始劫來生死本，癡人喚作本來人。」

僧問水陸曰：「如何用心？」水答曰：「用心卽錯。」

文偃曰：「舉不顧，卽差互，擬思想，何劫悟！」

石頭上堂曰：「性非垢淨，湛然圓明；凡聖齊同，應用無方，離心意識。」

健民曰：「身境有淺深，意識有粗細，只爲汝步步執，所以道著著離。此上唯就大部份悟前粗分者說，以後四層，步步離却，始得乾淨。」

第二章 塔燈初層——入處

上文根本出離處，以後本章入處，次章出處，又次用處，最後了處，都無一處，也都無異處。爲著汝見解與行履，未及一口吞盡；同時足跟點地的人，也不肯囫圇吞棗，籠侗了事，所以也不妨作如是話語。汝若是念言語漢，就請放下，免得著者多一番罪過。汝若是過來人，這裏都是和你攜手同行的過程，句句都是契心契機的話，也句句都是多餘的費話——或廢話。

有一等人是本書所喝斥的，便是末世專逞兩片皮的口頭禪漢。他公案記得很熟，說來都頭頭是道，卻未曾足踏實地的行過。數千年、數千案、東說西說，究竟是甚麼一個田地？是甚麼一個境界？是甚麼樣的深？是甚麼樣的淺？爲甚麼一個公案有許多不同的答案？你敢說那一個答案是對的，那一個是錯的？憑他文字話頭斷定，你便十萬八千里去；憑他行履證量斷定，你又不是過來人，焉能知道？你既不知道，就不應胡說亂說。我者裏也不教你有個

墨守成規的疆界，也不容你漫無深淺的渾無疆界。從本章入處乃至了處，道是有個次第，卻不給你一個可執的繩墨；道是無一定次第，卻能指示你深淺。你若回頭，不再像從前胡說亂說，你應該好生慚愧，摸著心頭，反省一番，自己已到甚麼田地？切不可憑此兩片皮去欺騙他人，徒然辜負己靈也。

第一節 本層（入處）開示及公案選

僧問省念，如何得入？答曰：「雖聞曾帥投歸款，未見牽羊納壁來。」健曰：「汝諸讀者試想：者個入處，還消你帶一點東西麼？莫污穢他好。」

趙州聞沙彌喝參，乃向侍者曰：「教伊去。」沙彌便珍重去。趙州云：「沙彌得入，侍者在門外。」

大顛問石頭：「古人道有道無，如是二謗，請師除卻。」石頭曰：「一物也無，除個甚麼？請汝拼卻咽喉唇舌道來！」大顛曰：「無這個。」師曰：「如此，汝得入門。」健曰：「從上祖師有

那一箇許你將一物作可入之門？」

僧問正因，如何無事？義端曰：「直似虛空，方有少份相應，以虛空無鎖無壁落，無形無心眼。」

正原曰：「滄溟幾度變桑田，唯有虛空獨湛然，已到岸人休戀筏，未曾渡者要須船。」健曰：「虛空粉碎，是次章出處的境界，者裏還談不上。工夫不可自欺，見地許你高過於師，行履卻不可不步步踏實，脚跟點地始得。執著漢最初要貴他的見地明白，掠虛漢就不可專貴見地了；在甚麼地位，說甚麼話。」

西天七祖婆須蜜曰：「心等虛空界，示等虛空法，證得虛空時，無是無非法。」健曰：「虛空似乎是個入處，然而你若於萬法外別立一個虛空，去懸想一個入處，暗裏把持，正是自弄識神，若入禪門，卻驢年去也。當知者箇入處，不是有個別的場所，不是有條門，不是要移步踏進，不是在你的前途，也不是一個回頭岸。對未曾入的人，始終是說不清。若汝真是已得入處，也不用別說。要在矢心從第一章出離，毫不依倚一物。未入以前，帶著者個出離心，參

訪善知識，一日遇著與汝有緣的上師，一經相投，忽然使得個入處。那時汝自然知道，者是一個最平實的消息，我者裏透露給汝了。」

八祖佛陀難提曰：「虛空無內外，心法亦如此，若了虛空故，是達真如理。」健曰：「達真如理是一事，得箇入處又是一事，不可以爲見了便到了。」

十七祖僧伽難提問其弟子曰：「鈴鳴？風鳴？」曰：「非鈴非風，我心鳴。」問「心復誰乎？」曰：「俱靜寂故。」健曰：「從上祖師有幾箇，將箇有心以爲入路？讀者自忖看。」

達摩祖師開示曰：「外息諸緣，內心無喘，心如牆壁，可以入道。」健曰：「此也不得已之最初方便。既是心如牆壁，將誰作能入心？誰作所入道？參！」

二祖見達摩，謂心不寧，乞師安。曰：「將心來，與汝安。」曰：「覓心了不可得。」曰：「與汝安竟。」

六祖問南岳讓禪師曰：「甚麼物恁麼（恁麼意謂如此）來？」曰：「說似一物則不中。」健曰：「莫要中麼？求箇入路，驢年去（意謂無此時會也）他有甚麼中與不中？孟子曰：『

求其放心。』我者裏曰：『放其求心。』他自知中；要求他中，便十萬八千里也。」

普願送黃檗，指某笠曰：「長老身大，笠則太小生（生即古人語助詞）」黃曰：「雖然如此，大千世界總在者裏許。」普願曰：「王老師（其本人俗稱）何在？」檗便戴笠而去。健曰：「者時黃檗只在一層入處，所謂總在者裏許；普願卻有意指點他出去。讀者再看第三章出處便知。」

普化嘗於闐闐振鐸，自言覓個去處不得。道吾把住曰：「汝擬去何處？」普曰：「汝從何處來？」道吾無對，師掣手便去。

陳尊宿曰：「汝等諸人須得箇入路，入已莫辜負老僧。」時有僧出禮曰：「某甲終不敢辜負師。」曰：「早已辜負了也！」健曰：「若道有箇入路，早已辜負了也。須知所謂入處，只因爲你以前站在門外，東遊西蕩，若是真個入了，那裏有甚麼門內門外？你若是以爲你已經入了，眼見人家在你的門外，那便是未入，那便是辜負。」

僧問貞邃曰：「最初一句如何？」曰：「未具世界時，闍黎也在此。」

僧已到山下，問天然曰：「丹霞山向甚麼處去？」天然指山曰：「青黯黯處。」僧曰：「莫只者箇便是？」天然曰：「真獅子兒一撥便轉。」

僧問惟儼曰：「如何是戒定慧？」惟曰：「貧道者裏無此閑家具。直須高高山頂坐，深深海底行，閨閣中物捨不得，便爲滲漏。」健曰：「卽此高高山頂坐，我也認爲在本層中暫許如是；若是到了二層嗎，也不免爲閨閣中物了。」

僧問大同曰：「和尚之師是誰？」大同曰：「迎之不見其首，隨之不見其形。」健曰：「只者迎之隨之，大似墮入弟子數中，若是真個獅子兒，一入便不消再迎，再隨，才算真不辜負也。」

居遁問洞山曰：「學人未見理路，未免情識。」洞山曰：「汝還見理路也無？」曰：「見無理路。」洞山曰：「甚麼處得情識來？」曰：「學人實問。」洞山曰：「恁麼須向萬里無寸草處立。」曰：「無寸草還許立也無？」曰：「直須恁麼去。」健曰：「者在本層入處暫許如是。若論瑯琊四病，不可萬里無寸草去，乃是三層用處的田地。未到這田地的人，先須萬里無寸

草去始得。所以悟道無階次，行證有深淺，一點不許冒濫也。」

雪峯指一片地示玄沙曰：「好造無縫塔。」玄沙曰：「高多少？」雪顧視上下。玄沙曰：「人天福報，不如和尚；若是靈山授記，大遠在！」健代曰：「若論多少，便有縫也。此事只汝行人虛想一塔，無頂無底，隨時顧視，便以爲是。大錯！大錯！此事那在心目中建立起來？擬入的人，大須猛省！」

雪峯曰：「世界闊一尺，古鏡闊一尺；世界寬一丈，古鏡寬一丈。」玄沙指火爐曰：「此物闊多少？」雪曰：「如古鏡闊。」玄曰：「老和尚足跟未點地在。」健曰：「自懸一面古鏡，東照西照，正如前案虛想一座無縫塔一樣，便是大錯。更談不上足跟點地，早已是弄精魂漢也。玄沙一語罵盡禪海中一班具福報，而未全悟透之虛名漢也。不止雪峯當時一人，很多不負盛名，而具實德的人，却都被德山臨濟大聲譽下埋沒了。然而具眼人還是知道的。後世參訪的行人，切不可專步虛聲，要切身和一班真修實悟的人去求開示，始得碰着一個半個。」

可觀問一僧曰：「觀面事如何？」僧問請師鑒曰：「怎麼還當麼？」僧曰：「故爲不可。」可觀曰：「別是一著。」健曰：「徒然知『故爲不可』，依然有鑒有當，不得謂入處。『別是一著』離能鑒所當，方有少份相應也。」

僧問蘊禪師曰：「不過的事？」蘊曰：「聲前拍不散，句後覓無蹤。」

僧問澄和尚曰：「下堂一句如何？」澄曰：「閑吟唯憶龐居士，天上人間不可陪。」健曰：「真是得箇人處，還有甚麼與之對待，還能分箇甚麼是入處，甚麼是未入處呢？」

僧問永明曰：「如何是此經？」永曰：「長時轉不停，非義亦非聲。」曰：「如何受持？」永曰：「須用眼聽。」健曰：「古德雖常有剔起眉毛等字樣，切不可作照見會。如本案所謂眼聽，也不可作照見會。此事終不許有絲毫著力處。我的一位老友，他常用照字工夫，不得入處。」

自從我要他放下，不要再照，他却忽然入了。我在西康遇著一位紅教喇嘛，他也常用照見工夫，弄得滿眼通紅，無藥可醫。我要他放下，不要照，他的眼病便癒了。初修似乎總要想把者個照定了，方有把柄，其實照定了的那箇，却不是圓明的，是有對待的。所以古德常要你

看後面的是甚麼？試問你死死向前面照見，後面又如何照呢？古德因爲你尋聲步影用耳聽，所以教你用眼聽。你若是又用眼聽，死死執持，又要你放下。者事如同以玉箸挑嫩豆花，不著力反易於挑起來，一著力，豆花便碎了，終挑不起來。

大慧杲曰：「佛言：『若有欲知佛境界，當淨其意如虛空』；遠離意識諸取，虛僞不實妄想，亦如虛空。當知思量不行，計較不到，聰明伶俐無處安著；者個無討巴鼻處，便是自家放身命的時節。」又曰：「分別不生，虛明自照。」

僧璨曰：「得失是非，一時放却。」又曰：「止動無動，動止無止。」又曰：「一心不生，萬法無咎。」健曰：「者些言句，雖說是賸話，却能指示個相似的入處。你若是入了，才說是賸話。」荷澤曰：「無念無思。」又曰：「心本無作，道常無念。」

寶誌曰：「煩惱因心故有，無心煩惱何居？不勞分別取相，自然得道須臾。」

僧問六祖曰：「法眼授與何人？」祖答曰：「有道者得，無心者通。」健曰：「如上所引諸祖言句，無心二字，似乎是個入處，然而你若執著此無心，便又不得入也。試問起心動念，活潑

潑的不是禪，你者無心如水石一樣死的倒是禪嗎？然而工夫深淺有別。古人又忌坐在無事甲裏，又忌坐在死水裏，又說要大死一回方得；教後人何所適從？當知你若是未曾大死一回，你得先行大死一回，不怕不得活轉來。你若口頭上活得，心地上却死不得，或心地上死得，在機用上活不得，都不是真正祖意。所以古人道：『無心恰恰用，常用恰恰無。』是真好手。死活是同時并存的。如果不然嗎，我教你先行大死一回，以後再活好了。」

馬祖道一曰：「平常心是道。無有造作，是非，取捨，斷常，聖凡。」

關南長老獲珠吟曰：「但能萬法不干懷，無始何曾有生老。」

大珠曰：「莫尋思，莫求覓，常自現前；無可考慮，不隨聲色動念，不逐相貌生解，自然無事去。」

趙州曰：「且甚麼處著得？一心不生，萬法無咎，坐看三十年，若不會，截取老僧頭去。」健曰：「趙州如此老婆心切，爲後人保證，於今大都辜負他，在口脣上用功，不肯切實自看，更不肯相續三十年看下去，所以口頭禪多，真參實悟者少。」

師備曰：「滿目覷不見，滿耳聽不聞，此兩處不省得，便是瞌睡漢。若明徹得，坐却凡聖三界，無一物如針鋒許，爲緣爲對。」又曰：「仔細尋思至無著力處，自息諸緣去。」

外道問文佛曰：「不問有言，不問無言。」世尊良久，外道拜謝得入。阿難問彼如何得入？佛曰：「如世良馬，見鞭影便行。」健曰：「世尊這個良久，從上祖師都肯如此運用，有許多人，在良久中便得入，有許多還是當面錯過。不可把良久二字當作一個時間名詞想，不可把良久當作當時一種特殊態度有所暗示想，當知在那良久中，既無能示，也無所示，也非無所示，要當下契合，得個入處始得。」

僧問智常曰：「如何得入？」智曰：「觀音妙智力，能救世間苦。」曰：「智力如何？」智常乃敲鼎三下，曰：「還聞否？」曰：「聞。」曰：「我何不聞？」僧無語，智打之。健曰：「從聲得個入處者，古例很多。然而者聲也不是個入處。譬如門不是室，智常所謂不聞，如入室者，不復顧門也。」

本淨曰：「推眞眞無相，窮妄妄無形，反觀推窮心，知心亦假名。」健曰：「觀心不生是得個

入處的方法，如同參話頭一樣。然而非綿密觀透，弄得進退都不得時，終不會入。能死心觀去，寢饋不忘，直令視而不見，聽而不聞，食而不知其味，方能忽然碰箇消息。悠悠忽忽的觀心，縱令觀十年、二十年是無用處的。」

魚軍容問慧忠曰：「白崖山十二時中如何修？」師喚童子來，摩頂曰：「惺惺直然，歷歷直然，惺惺歷歷，直然歷歷，以後莫被人謾。」健曰：「先當知者箇惺惺的者段話，是入了以後的保任方法。」

通常曰：「向著佛不得處體取，時中常在，識盡功亡，瞥然而起，即是傷他，而況言句乎？」靈巖頌石鞏接三平曰：「解擘當胸箭，因何只半人？爲從途路曉，所以不全身。」者案與婆子請轉藏經案對看，便知入處。如果只一半，便不是個真入處。如同只照看前面的人，忘却後面一半，只爲他自己作障，站在中央，想得個入處，驢年去。」

守安詩曰：「南臺靜坐一爐香，終日凝然萬慮忘，不是息心除妄想，端緣無事可思量。」健曰：「息心除妄，不是勉強可行的。見地上確然知道者箇本來無事的，看得透徹，思量不思

量，轉沒交涉。普通習止的人，就教人先除妄想。者裏已入的人，妄想不妄想，都不相干。然而汝若未曾入嗎，能除妄想，也是好事。妄想多的人，自然比較不易入，者却不是說除了使得入。」

玄沙曰：「但識取汝祕密金剛體，如彼日光，世間所作經營養身活命，莫非承他日光。日體還有多般麼？還有心行麼？還有不周遍處麼？還有凡聖分別麼？有汝心行麼？不可道無，便得去也。」

雲門文偃曰：「只如雪峯和尚道：『盡大地是汝。』夾山曰：『百草頭上薦取老僧，鬧市裏識取天子。』」普樂云：「一塵纔舉，大地全收；一毛頭獅子，全身總是汝。把取翻覆思量，日久歲深，自有箇入路。若是有箇入路，眨上眉毛，高挂鉢囊，拗折拄杖，十年、二十年辦取徹頭，莫愁不成辦。」健曰：「讀者且莫誤會，以爲者箇翻覆思量，便是箇入路。且看文偃又說：『更有一般人，說箇休歇處，便向陰界裏，閉眉合眼，老鼠孔裏作活計，黑山下坐鬼趣裏，便謂得箇入路，夢見麼，只是箇掠虛漢。』」

寂照曰：「若從文殊入者，一切無爲，土木瓦礫，助汝發機。從觀音入者，一切音響，蝦蟆蟋蟀，助汝發機。從普賢入者，不動步而到。」健曰：「者些發機勝緣，不是讀者可追求的。著力的處，不是所入；不著力的處，倒是能入。這能入與所入，務必一致，才是真入了。」

明眞詩曰：「盲聾暗啞是仙陀，滿眼時人不奈何，只向目前須體妙，身心萬象與森羅。」健曰：「者首詩就是我上面批評照見工夫的註脚。玄沙曰：『盲聾啞三種人來接不得，佛法無靈驗。』於今一般狂禪和，口若懸河，全無半點實德。者三種人來，聾的不聽你的口頭禪，盲的不見你的拂子或舉或挂，啞的不能答話，你怎生辨他已悟未悟？徒然讀熟些公案，學得些手勢，有何伎倆教人入去？大好自己真參實悟去，不怕無人接也。」

本層最後入案者，義存問慧全曰：「汝得入處作麼生？」慧曰：「共和尙商量了。」曰：「甚麼處商量？」曰：「甚麼處去來？」曰：「汝得入處後，又作麼生？」慧無對，師打之。健代曰：「正好從此出去。」

讀者且莫思量人家的入處。讀完本章本層入處者一段以後，且莫往下章讀。也莫再往上

面讀，也不須你起身動步，也不須你揚眉瞬目，就這樣現成本地放下；這箇無始無終，不分聖凡，早已不會出過的，要個甚麼入處？

第二節 本層（入處）悟道因緣實例

香嚴依滄山問未出胞胎前本分事，香遍翻禪案諸方語句不能對，乃焚之而去。一日，山中以瓦礫擊竹作聲，失笑間，忽然省悟。詩曰：「一擊忘所知，更不信修治，動容揚古路，不墮悄然機；處處無蹤跡，聲色外威儀，諸方達道者，咸言上上機。」健曰：「看他一擊忘所知，便知并非因聲得悟，而是忘知得悟。此所謂忘知，并非口頭筆下，而是確確實實地忘知，汝欲得忘知去，包許你得箇入處。」

志勤見桃花而悟，曰：「三十年來尋劍客，幾回落葉又抽枝；自從一見桃花後，直至於今更不疑。」健曰：「無情說法，豈只桃花看下去！」

良价初參雲巖，話次，了無情說法。其後過水覩影而大悟。詩曰：「也大奇！也大奇！無情說法不思議！若將耳聽終難會，眼處聞聲方可知。切忌從他覓，迢迢與我疏，我今獨自往，處處得

逢渠，渠今正是我，我今不是渠，應須恁麼會，方得契真如。」

鑒真因閩王請，於清風樓坐久，舉頭忽覩日光，豁然頓悟。詩曰：「清風樓上赴官齋，此日平生眼豁開，方知普通（普通爲達摩到梁年號，公元五二〇）年遠事，不從葱嶺路將來。」讀者試看上面四例，竹、桃、水、日，何莫非悟道因緣？又何止此，屠家如那一處不見晴的；娼家如你既無心我也無；公案中例子很多，這裏未及枚舉。《論語》曰：「舉一隅不以三隅反，則不復也。」也同此意。

第三節 同案別層選

同一案却有多答。有的答意在初層入處，有的答意在二層出處，有的在三層用處；不是具眼的人，分不出深淺，往往辜負古人一片婆心。所以本書每層中分別選錄其屬於各箇本層之公案，以俾讀者分別彙比，始知一多同異的通攝作用。後後層可攝前前，前前層可通後後，同中有異，異中有同，要從同處會通，又要在異處分辨，不可囫圇吞棗，亦不可支離破碎。

第一目 本層（入處）西來意案

僧問仰山：「甚麼是祖師西來意？」仰山畫一圓相，中書『佛』字。健曰：「我當時若在，管教穿破者圓相，撇除這佛字，仰山却莫奈何也。然而在本層入處，却權教暫在；如果連圓相都沒有，則不算入處。讀者試參者圓相到底是個甚麼東西？如果不明白，且回頭讀惟儼答僧問如何是戒定慧一案。所謂『高山頂坐，深深海底行』從高山頂點到深深海底，畫個圓圈，是不是一個活圓相？我忽然憶起一個故事，寫在下面，與讀者一笑。羣鼠聚議，欲知貓來消息，僉謂以鈴繫貓頸，則其來也必有聲，吾輩可聞聲而遁矣。羣鼠皆以爲然。一老者曰：『請問誰可繫此鈴於貓頸者？』則皆瞠然無以對。吾今請問者滄海一粟的屍體，如何能從高山頂上，畫一圓圈到深海底下耶？參！」

僧問清幹，清對曰：「羊頭車子推明月。」

健每日在閉關功課座餘中，抽半小時寫書，客次也少有禪書，從張相誠居士借來一部景德傳燈錄；初步作一個普選公案錄，這同案別層彙比各案，即由此普選公案中再選，並未

經過全部的特選手續。所以同案別層中，或同案而別屬二層、三層者，或屬初層及二層者，不必同案而四層皆有之，這未爲專案別層作一個全部選錄的過程，是應該向讀者道歉。人之爲善，誰不如我？焉知來者之不足爲我補此缺憾耶？者裏僅僅舉二三例，讀者自可推知也。

第二目 本層（入處）家風案

僧問省念家風，省對曰：「少室巖前親掌視。」僧曰：「更請洪音和一聲。」省曰：「如今也要大家知。」又續曰：「言語斷絕千江口，萬仞巖前始得言。」健破曰：「太高生！」蓋用第二層出處意。若在本層，要假萬仞巖前一過，祖師云心如牆壁，固然耳。

僧問警玄家風，警答：「滿餅傾石出，大海無仇人。」

僧問天柱家風，崇慧對曰：「時有白雲來閉戶，更無風月四山流。」健曰：「太緊生，蓋用二層出處破之，非謂本層不宜如是也。」

本層家風公案尙多，恕未普選遍錄，下倣此。

第三目 本層（入處）牧牛案

石鞏在廚作務，馬祖問作麼？曰：「牧牛。」曰：「作麼生牧？」曰：「一回入草去，便把鼻拽回。」祖曰：「子真牧牛。」石便休。健曰：「試想王老師要人莫忘記銜一莖草來，又作麼生？讀者且向後翻到第四章三層用處。第二節第三目牧牛案，對此一看，始知功夫深淺不同。是個好牛，便解銜草；然而要做個好牧牛漢，最初要莫傷人家禾苗始得。馬祖豈不知王老師事？然而石鞏當時只能如此，馬祖明知彼必經過如此一階段，所以也讚歎他真是牧牛好手。如今一般狂禪和只教人銜草，語調雖高，其奈足跟未點地何！馬祖踏殺天下人，早經祖師懸記，其所以踏殺天下人者，謂其能應機說法，下根卽不妄投上藥，試讀大慧杲語錄全集，千篇一律，教人湯鑊中行，本人殊不敢同意也。」

大安問百丈，如何識佛？曰：「騎牛覓牛。」曰：「識後如何？」曰：「如騎牛到家。」曰：「始終如何？」曰：「如牧人執杖視之，不令犯人禾稼。」健曰：「者不令犯人禾稼，只能算始，不能說終。說終則當從普願（王老師）公案，見第三層（第四章）用處所引。然而教人在本

層入處用功，也不妨說始終如此，要在讀者善自體會。」

洞山良价看稻田，見朗上座牽牛，曰：「者箇牛須好看，恐吃稻去。」朗曰：「若是好牛，應不吃稻。」健別曰：「若是好牛，却解吃稻。」此意則屬三層用處。

尼僧問宗慧曰：「車住牛不住如何？」曰：「用駕車漢作麼？」健別曰：「車住牛正好休；却不肯住，自己生得賤，問我作麼？」

第四目 本層（入處）拂子案

僧問四十九年以前事，雪峯以拂子驀口打。

僧辭法真禮峨嵋山普賢去，法真舉拂子曰：「文殊、普賢總在者裏。」僧作圓相拋向後，乃禮拜。法真喚侍者曰：「取一盞茶與這僧。」健曰：「總在者裏，屬本層拂子案，其後則已撥於二層矣，見該章。」

第五目 本層（入處）看經案

神讚見其師看經，適有蜂在紙窗上鑽，乃曰：「世界如此廣大不肯去，鑽他故紙驢年去。」

其師乃請說法，方得箇入處。

僧問惟儼曰：「和尚不許人看經，如何自看？」惟曰：「只圖遮眼。」僧曰：「某甲學和尚還得也無？」曰：「若是汝，牛皮也須看透。」

第六目 本層（入處）送書案

玄沙遣僧送書雪峯，峯開之，則白紙三張耳。問來僧會麼？僧曰：「不會。」峯曰：「不見道君子千里同風。」其僧回舉於玄沙。沙曰：「者老和尚磋過也不知！」健曰：「峯所答在本層入處，沙所破意在三層用處。因代曰：『白雖白得一樣好，可惜張張無字。』則與第三層用處，意旨相合矣。玄沙是一位已得大機大用的禪匠，他不但對雪峯如此，有好幾位都會被他責爲足跟未點地，讀者讀到第四章三層用處便知。」

第七目 本層（入處）心案

法常聞馬祖『卽心是佛』卽得入處，住梅子山不下。馬祖乃令一僧問曰：「和尚得箇甚麼入處，便住山耶？」法答曰：「卽心是佛。」僧曰：「馬祖近日佛法又別。」法曰：「作麼生

別？」僧曰：「非心非佛。」法曰：「者老漢惑亂人無有了期，任汝非心非佛，我只管卽心卽佛。」僧回報馬祖，馬祖曰：「梅子熟也！」讀者試參馬祖憑甚麼許他梅子熟也？若是憑其能堅固執持卽心是佛嗎？就冤枉了馬祖。若是憑惑亂人未休一語？又像是毀謗了馬祖。石頭問大顛：「除却揚眉瞬目，將心來。」曰：「無心可將來。」曰：「元來有心，何言無心？無心盡同謗佛。」大顛言下大悟。異日，石頭復問：「何者是禪？」曰：「揚眉瞬目。」石曰：「除却此外，將本來面目呈看。」曰：「請和尚除了再鑒某甲。」曰：「我除了。」曰：「將呈和尚了。」曰：「汝既將呈，我心如何？」曰：「不異和尚。」曰：「不關汝事。」大顛曰：「本無物。」石曰：「汝亦無物。」大曰：「既無物卽是真物。」石曰：「真物不可得。汝心現量意旨如此也，大須將護！」健曰：「大顛當時所答無心可將，是一句口頭禪，由從上祖師蹈襲而來。石頭具他心，所以撥轉一句曰：『元來有心。』大顛在此無心上乃現量認識個真心。異日問答中所云：『無物卽是真物。』卽在此上悟來，屬於本層入處而已。所以石頭說個也大須將護。明知他暫時對於真物不可得不能承受，此屬二層出處故。所以有神通大德，才能量

體裁衣，不是像後人，一口說定一切人都要同時向湯鑊中去行。」

牛頭心銘曰：「一切莫顧，安心無處；無處安心，虛明白露。」健曰：「所謂入處，早經聲明，并非有個場合，所以說無處安心者，虛明自露，又明明說了一個虛明的處所，所以第二層的心案，就教汝出去。」

第八目 本層（入處）身案

毗婆尸佛曰：「身從無相中受生，猶如幻出諸形相。」

拘留孫佛曰：「見身無實是佛身。」

陸亘曰：「弟子從六合中來，彼中更有身否？」普願曰：「分別記取，舉似作家。」陸曰：「和尚到處，世界皆成就。」曰：「適來總是大夫分上事。」

僧問：「然大比丘尼，如何是古佛身？」曰：「世界傾壞。」曰：「何故？」曰：「寧無我身。」

天然見石頭，石頭令著槽廠去。天然執爨役三年。石頭白衆曰：「明日剗佛殿前草，大衆各備鋤鏝。」天然獨以盆盛水淨頭，胡跪；石頭見而笑之，便與剃度。

僧問令遵曰：「那吒析骨還父，析肉還母，如何是其本身？」令遵放下手中杖。

第九目 本層（入處）境案

僧問大茅境曰：「不露鋒。」問：「如何？」曰：「無有當者。」

僧問水陸曰：「狹路相逢如何？」水乃攔胸托一托。

僧問省念，如何是大安樂人？曰：「不見有一法。」曰：「如何爲人？」曰：「謝闍黎領話。」

僧問道閑曰：「前是萬丈洪巖，後是虎狼獅子時如何？」曰：「自在。」

僧問守珍曰：「迷悟不入諸境時如何？」守反問曰：「境從何來？」曰：「恁麼卽入諸境去。」

曰：「龍頭蛇尾漢。」健代曰：「誰與汝作境？」

僧璨信心銘曰：「能隨境滅，境逐能沈。」

第十目 本層（入處）設齋還來否案

僧問閑禪師，今日供養無染大師還來否？閑答曰：「本自無所至，今豈隨風轉？」健曰：「如此則真死了，大須推翻供養。然在本層，正宜如是。讀者可參看後來三處便知。」

保興與甘長老看鄭十三娘，才坐定，保問：「聞十三娘參見滄山是否？」曰：「是。」曰：「滄山遷化，向甚麼處去？」鄭起身，偏牀而立。甘曰：「閒時說禪，口如懸河，何不道取？」鄭曰：「鼓者兩片皮，堪作甚麼？」甘曰：「不鼓者兩片皮，又堪作甚麼？」鄭曰：「合取狗口。」健曰：「此猶是長老問處。因代曰：『近前來。』來已，復曰：『恭維滄山和尚萬福。』則在三層意旨中。然其本案則止於本層入處，甘長老欲令彼出去活用，鄭却未得也。」

第三章 塔燈二層——出處

入處並不爲汝建立甚麼地位，何況別有甚麼出處呢？只爲汝有條無路的門路，便黏着在者裏，假立名言，說箇出處，這不行而到的地位，只要你不執著，也就不舉步而出了。原來第一章所說出離之處，和第二章所說入處，與本章所說出處，并非有不同的場合；却只爲汝有不同的心執，執俗執欲，故說出離；與禪相應，故說入處；著禪成死海，故說出處。切莫誤會好，我者裏所說非有不同的場合，也不是圓圖吞棗，抹煞前後不同的境界。當知場合雖不會變異，然由禪功證德的深淺，却有不同的境界。試看第一節所選各案，再回頭與前章所選公案證量，便大不相同；再看本章第二節同案別層所選，與前比較，更有顯然的差別，一點不會顛預，一點不可模糊。

第一節 本層（出處）開示及公案選

雲門文偃上堂開示，忽然以拄杖畫地一下，曰：「總在者裏。」又畫一下，曰：「總從者裏出。」

去。」健曰：「第一畫卽是初層入處，第二畫便是本層出處。者出字是古人說的，也是我現在說的。」

船子告夾山曰：「直須藏身處沒蹤跡，沒蹤跡處莫藏身。」健曰：「後一句莫藏身，就是教汝虛此本位，便算是出處，并非別有出去而再行到達的新地帶。」

僧問範禪師曰：「靈臺不立，還有出身也無？」曰：「有。」曰：「有何出身處？」曰：「出。」健曰：「禪師每就問作答。僧問有何出身處，卽此一疑情展開，便正是個出處。」

神會來自曹谿，行思問曰：「曹谿意旨如何？」神會乃振身而立，行思曰：「猶帶瓦礫。」神會曰：「和尚此間莫有真金否？」曰：「設有，與汝向甚麼處著？」健曰：「從者案，汝便知振身而立，正是他的入處，行思說個設有，又說向甚麼處著，所以不教他有個出處可著，神會當下便把振身而立的屍體喪失了，者就算個正當的出處。」

如寶拈起蒲團曰：「諸佛及入理聖人，皆從者裡出去。」便擲下。

鼓山曰：「欲知此事，如一口劍。」僧問：「學人是死屍，如何是劍？」鼓山曰：「拽出者死屍。」

「僧應諾而出，山聞已去，乃曰：『好與拄杖。』」健曰：「死屍卽是初層入處邊事。若是文殊慧劍嗎，能令人死，亦能令人活。拽出者死屍，就是令人活的寶劍；者是本層出處邊事。但是爲甚麼又遭拄杖呢？者宗旨便應在下章三層用處。出去以後，若全無用處，不仍是一個行屍走肉的嗎？古人解出處而不解用處的，往往不免此杖，若是伶俐之機，就山門外摘一莖草回，向鼓山說：『汝劍何似此草耶？』便答在三層用處。」

普願到，慧忠問從何來？曰：「江西。」曰：「還將得馬祖真來否？」曰：「只者是。」曰：「背後底。」普願便休去。其後長慶稜曰：「大似不知。」福展曰：「幾不到和尚此間。」健曰：「某未曾展示前面，其實他轉身休去，已是連後面的都展示了。後人用照字功夫，往往向前面照了，便以爲是，看此案，便知不圓滿。古人云：『機在目前，不是目前機。』」

耽源問慧忠曰：「百年後有人問極則事，作麼生對？」慧曰：「幸自可憐生，須要護身符作麼？」

隱峯離馬祖，參石頭，馬祖曰：「石頭路滑！」隱曰：「竿木隨身，逢場作戲。」至則繞三匝，振

錫問曰：「是何宗旨？」石頭曰：「蒼天！蒼天！」隱無語歸。祖曰：「再去，待他說蒼天，汝便噓！」去如前問，石頭乃先自噓噓，隱又無語歸。祖曰：「向汝道石頭路滑。」健曰：「隱峯三匝，死在圓相中，屬初層入處邊事；石頭悲其死，故呼蒼天。馬祖救其出，故令噓噓。石頭固有通，先其噓而施以同樣之救濟，噓噓出氣也。」

僧問西堂曰：「不問不答時如何？」西曰：「怕爛却作麼？」懷海聞之曰：「我向來疑者老兄。」僧曰：「請和尚道。」懷海曰：「一合相不可得。」健曰：「不怕爛，便是常住一合相，不解出也。」

寶徹與天然同遊，見水中魚，以手指之！天然曰：「天然！天然！」明日，寶又問天然曰：「昨日意作麼生？」天然乃放身作魚狀，寶曰：「蒼天！」健曰：「天然當時死在入層。因代曰：『昨日見魚，別無他意。』便撥入用層中矣。」

僧問廣澄，如何是本來人？曰：「共坐不相識。」曰：「怎麼卽學人，禮謝下去。」曰：「暗寫愁腸寄與誰！」健曰：「初層只解共坐，不解不相識；不相識卽是瑯琊四病中所謂不挂本來。」

衣，寄與誰？也是者個意旨。」

普願嘗自云：「文殊、普賢，昨夜三更，每人與二十棒，趁出去也。」健曰：「試回頭看初層，文殊、普賢總在者裏許，便知初層入處，與本層出處的界限所在。」其弟子趙州聞趁出話，便反問曰：「教誰吃此二十棒？」普曰：「且道王老師過在何處？」趙州禮謝而去。健又曰：「趁出是普願二層出處得力處。趙州這一問，連他二層功用都要破除。其回答重心，不在禮謝，而在出去，出去意旨，已屬雙重，出去快入四層了處。本人對於趙州輒私淑不置，對於有大福德，擁大虛名，集大部衆的知名禪匠，倒不敢瞎捧。」

普願將赴田莊，土地預爲報夢於莊主，預辦齋供，翌晨果到，告之。

普曰：「修行無力，被鬼神覷見。」僧曰：「何以被覷見？」普曰：「土地前更下一分飯。」健曰：「者一分飯，正是與上案趁出文殊的工夫相同，不是供土地，而是在能被土地預知的執持心境上，努力空透，才算用功得力。於今一班淺學禪和，反以被土地預報爲榮，古人如此，何不檢討嘗讀日本祖師案，輒以此爲謂，大須努力。」

黃檗居第一座，見普願到，不起，普問：「長老甚麼年中行道？」黃曰：「空王佛時。」普曰：「猶是王老師孫在，下去！」健曰：「黃當時死在『空王佛時』，被王老師說破，不得不下去。」健別曰：「汝要識取他年麼？無汝分位在。」那末黃可獨占下去。

操禪師請米和尚飯，不設座，米展具禮拜，操下牀，米就操座，操乃席地坐。齋訖，米衆譏操被奪位，操曰：「三日後來可救。」三日後果來，曰：「前日遭賊。」健曰：「被賊竊去二層，留下初層，誰教汝死死坐在原位，不解出也。」

僧問會同參見普願後如何？會默然。僧曰：「和尚未見普願以前作麼見？」會曰：「不可更別有也。」僧回舉似景岑，景岑示一偈曰：「百丈竿頭不動人，雖然得力未全真；百丈竿頭重進步，十方世界是全身。」

從諗（趙州）作火頭，閉却門，滿屋煙火，大叫救火救火。衆到，則曰：「道得卽開門。」衆無對。其師普願將鎖從窗過，似從乃開。健曰：「趙州當時聊借此緣以啟示大衆，不可自行關鎖在初層裏。當時若我在大衆，當問他，是誰關汝，解鈴還是繫鈴人，我救不得汝。如此說去，

王老師從窗暗遞一把鎖是多餘的了。」

從諗過黃檗，黃閉門，從乃取火於法堂大叫救火救火，黃乃出，捉住從曰：「道道！」從曰：「賊去後張弓。」健曰：「者是兩重公案。」黃閉門欲示從諗初層入處，從諗却識破他的初層入處，於法堂呼救火，欲示黃檗須從此出去，黃出來，捉住從諗，催其速道，欲試彼是否知道個出處。誰知從諗早已知道，所以反責他是賊去後張弓。既已開門出去，已屬賊去也，何必別道耶？別道乃成後張弓矣！所以者公案是兩重，不僅是黃檗示從諗，當知是從諗示黃檗。讀者再回頭讀前案，則可了知出處是箇甚麼玩味。

從諗到寶壽，寶壽見到，乃背坐，從乃禮拜，寶壽下牀，從乃出。健曰：「從諗、寶壽兩人當時正都表示二層出處，寶壽之下牀，正如從諗之出去。讀者試回頭讀前米爭操座不下一案，便可對比也。」

僧問從諗，何謂玄中玄？從曰：「汝玄來幾時？」曰：「久矣！」曰：「若不遇老僧，幾被玄殺。」從諗托起鉢，云：「三十年後若見老僧，留取供養，若不見，即撲破。」一僧出云：「三十年後

道敢見和尚。」從乃撲破。健曰：「不是撲破不算真見也。若是健在座，要保留這鉢也不難。只說見與不見兩頭且置，三十年後借與我用也無妨。讀者可向後第四章第二節看從諗（卽趙州）拂子案便知。」

僧問從諗曰：「澄澄絕點如何？」答曰：「者裏不著客作漢。」健曰：「趁出者客作漢，要澄澄絕點作麼？」

僧問靈鷲閑禪師曰：「如何頓獲法身？」曰：「一透龍門雲外望，莫作黃河點額魚。」健曰：「上句尙在初層，下句卽本層出處。」

陸亘問普願曰：「古人瓶中養一鵝，漸大，出瓶不得；如今不得毀瓶，不得損鵝，和尚作麼出得？」普願呼其名曰：「陸亘大夫。」陸應諾，普曰：「出也！」健別曰：「被汝者一問，瓶子早破也。」

仰山問師弟香嚴見處，對曰：「去年貧未是貧，今年貧始是貧；去年貧無立錫之地，今年貧，連錫也無。」健曰：「此屬本層出處。其後仰山評曰：『汝只得如來禪，未得祖師禪。』則譏

其未起大機大用，則屬三層用處也。」

仰山問雙峯近日見處，對曰：「無一法可當情。」仰曰：「解在境。」雙峯曰：「兄意如何？」曰：「汝豈不知無一法可當情者？」健曰：「仰山所謂當情者，謂執此無一法當情之心也，併此心出去才是。」

志勤禪師觀桃花而有所悟，自云直至於今更不疑。滄山囑將護。玄沙則曰：「敢保老兄未徹。」玄沙又問桂琛，桂曰：「不是桂琛，卽走殺天下人。」健曰：「桂琛意謂，不是桂琛能自出去，便要走殺天下人。玄沙敢保未徹者，在志勤本人，明明有箇不疑者在，如何得徹去？此案前面也曾引過，在第二章第三節，可回頭再對看。」

僧問應天曰：「和尚佛性如何？」曰：「汝喚甚麼作佛性？」曰：「怎麼和尚卽無佛性耶？」曰：「快活快活！」健曰：「從此推知。二層出處法樂，有甚於初層入處遠矣。」

王常侍敬，初視事，米和尚來，王乃舉筆，米曰：「還判得虛空否？」王擲筆，入廳，不復出。米復遣人潛聽之。王曰：「獅子咬人，韓盧逐塊。」米乃大怒。健曰：「當時米執著虛空，自墮於韓

盧。」別代曰：「王法太嚴，無人守得，何不挂冠休去？」

法眞見僧禮普賢去，乃舉拂子曰：「文殊、普賢總在者裏。」僧作圓相拋向後，乃禮拜；法眞曰：「侍者取一盞茶與這僧。」健曰：「不是拋向後去，何堪受此一盞茶耶？」

僧新到，問慧覺曰：「遠相投，意如何？」慧曰：「官家嚴切，不許安排。」曰：「豈無方便？」曰：「且向火倉裏一宿。」健曰：「不許安排，是師方本層出處口調；自己要能虛此本位去。」

州曰：「無佛處急走過。」古人詠漁父詩曰：「祖佛位中留不得，夜來仍舊宿蘆花。」

竈上座來，日容禪師拊掌三下，云：「猛虎當軒，誰是敵者？」竈曰：「俊鶻冲天，阿誰捉得？」

日容曰：「彼此難當。」竈曰：「且休未斷者公案。」日容將拄杖舞歸方丈，曰：「死却者漢也！」健代曰：「我不騎你這死老虎。」

俱祇和尚處，尼到，戴笠執杖，繞師三匝，曰：「道得卽拈下笠子。」三問俱無對，尼便去。因問天龍和尚，天豎一指示之，乃大悟；自此凡有僧到，俱示一指接之，無別語。健曰：「此上皆指初層，非可答尼者。若健在，當別曰：『笠子下埋沒多少？』則屬本層也。」第二章第一節亦

有一個笠子案，讀者可回頭對比。

栽松次，黃檗問義玄曰：「深山裏栽許多松作麼？」曰：「一與後人作古記，二與山門作標榜。」道了以鑊打地三下。黃曰：「雖然如此，子已吃我棒了！」義又打地三下，作噓噓聲。健曰：「古記標榜，皆非活計，惟噓噓而出始得。」所以黃檗復曰：「吾宗到汝，此記方出。」本層所謂出者，此也。

陳尊宿聞一老宿難親近，乃入其方丈；老宿一見便喝，陳側掌云：「兩重公案！」老宿曰：「過在甚麼處？」陳曰：「者野狐精。」便退。健曰：「譏其不解出也。」

黃檗問楚南曰：「子未現三界影像時如何？」曰：「卽今豈是有耶？」曰：「有無且置，卽今如何？」曰：「非今古。」黃曰：「吾之法眼已在汝躬。」後住姑蘇報恩寺二十餘年，足不踰闕。健曰：「古人亦以知有爲重要條件，此中所謂豈是有耶，不以所入爲有而已；至若知有之有，屬第三層用處，以大機大用爲妙有也。」讀者可看第四章用處各案便知。靈觀汲水次，僧來參，卽以橫軸示之，僧便去。至暮，問僧，知已發去。靈曰：「只得一槩。」

僧問沼和尚，萬里無雲時如何？沼曰：「青天也須吃棒。」健曰：「坐在虛空中央，不解出去者，各自領棒去。然而汝若未經初層工夫，還不够有吃棒身份也。」

僧問妙濟曰：「千聖常行路，如何是此路？」妙曰：「果然不見。」

僧問寶壽曰：「踏倒化城如何？」曰：「死漢不斬。」僧曰：「斬。」寶乃打之。健別曰：「虛此本位，斬屬多事。」

僧問延沼，朗月當空如何？延曰：「不從天上輓，任向地中埋。」又曰：「不在團天，且居羗里。」

僧問道悟曰：「何謂玄妙之說？」道曰：「莫道我解佛法。」僧曰：「爭奈學人疑滯！」曰：「何不問老僧？」曰：「問了也。」曰：「去，不是汝存泊處。」健曰：「者最後句說得何等明透親切，然而少有能知音者。」

天然謁忠國師，問侍者曰：「在否？」曰：「在，即在，不見客。」天曰：「太深遠生！」侍者曰：「佛眼亦覷不見。」天曰：「龍生龍子，鳳生鳳兒。」健曰：「讀者試參：天然是譏笑他師徒，還

是讚美他師徒？深遠即是不曾出得之故。有其父必有其子，龍鳳却是譏諷他倆，所以其後國師睡起聞之，棒其侍者。」天然聞之，乃曰：「不謬爲南陽國師！」這一句才真是讚揚國師。

明日，天然復往謁，見已，便展坐具。國師曰：「不用！不用！」天然退步。國師曰：「如是！如是！」天然却前進。國師曰：「不是！不是！」天然繞國師一匝而出。國師曰：「去聖時遙，人多懈怠，三十年後，覓此漢也還難得！」健曰：「南陽慧忠國師嘗居白崖山，黨子谷四十餘年不下山。唐肅宗奉爲國師，距今已千餘年，三十年後云云，已過數百次矣；但云人多懈怠，却不云人欠聰明；於今一般狂妄之士，但逞口辯，不肯精進，早已不出國師所料。嗚呼！可悲！可痛！」

江陵僧謁大川，禮拜了，在一邊立。大川問：「何時發江陵？」僧乃拈起坐具。大川曰：「謝子遠來，下去。」僧便去。大川曰：「若不恁麼，爭知眼目端的？」僧撫掌曰：「苦殺人，幾錯判諸方。」其後，僧舉似天然，天然曰：「大川法道始得，我者裏不然。」曰：「如何？」曰：「猶較大川三步。」其僧禮拜，天然曰：「錯判諸方的甚多！」健曰：「讀者可并前案同參。」

僧問圓智，無神通菩薩爲甚麼足跡難尋？圓曰：「同道方知。」曰：「和尚知否？」曰：「不知。」曰：「爲何不知？」曰：「汝不識我語。」健曰：「此所謂不知，非凡愚無知者裏不許汝有絲毫知識，也不許汝有絲毫愚謬。」

洞山到明哲，明問近離何處？曰：「湖南。」曰：「觀察使姓甚麼？」曰：「不得姓。」曰：「名。」曰：「不得名。」曰：「還治事也無？」曰：「自有郎幕在。」曰：「豈不出入？」洞山乃拂袖出。明日，明哲曰：「日昨闍黎轉語不穩，今請道，若道得，卽開粥飯相伴過夏。」洞山曰：「太尊貴生！」明哲乃開粥飯。健曰：「看他豈不出入一問，逼得人死，當時洞山只能一出了事，下不得轉語。次日粥飯再逼轉語，脫口而出，果能不墮尊貴，運用靈活，則可趨入三層用處矣。」僧到仙天，便禮拜。仙天曰：「野狐鬼見了甚麼便拜？」僧曰：「老禿奴見了甚麼便怎麼問？」仙天曰：「苦哉！苦哉！仙天今日忘前失後。」僧云：「要且得終不補失。」仙天曰：「爭不如此？」僧云：「誰？」仙天乃呵呵笑曰：「遠卽遠矣。」健補之曰：「奈脚跟未點地何！」有等人執著個「甚麼」二字，或「誰」字，內外雙破，死在誰字疑情虛無渺杳中，不解出去，

更談不上脚跟點地的大機大用了。

僧參德山，德閉門。僧敲門，德問阿誰？僧曰：「獅子兒。」德乃開門，騎其項上而問曰：「畜生何去來？」僧無對。健代曰：「不騎自來！」言次掀德下，豈不痛快！良以不怕獅雄，只怕騎獅，不得下背！

僧叩大同曰：「抱璞投師，請雕琢。」大曰：「不爲棟樑材。」僧曰：「怎麼卽卞和無出身處也。」大曰：「擔帶卽伶俜辛苦。」曰：「不擔如何？」曰：「不教汝抱璞投師請雕琢。」健曰：「擔帶卽伶俜辛苦，道破出層之所以然。」

僧問大同曰：「天上天下，唯我獨尊，如何是我？」大曰：「推倒老師有甚麼過？」健曰：「往往有等禪師，示人高高山上立，深深海底行，皆欲以者天上天下之神我，害盡天下蒼生。一般瞎漢，死死執著者箇最難出也；打倒不惟無過，也且救他慧命，是釋迦真兒孫。」

僧問大同，達摩未來如何？曰：「徧天徧地。」曰：「來後如何？」曰：「蓋覆不得。」健曰：「當知者蓋覆不得，便不在天地之間。」

僧問如訥，一念不生如何？如曰：「堪作甚麼？」僧無對。如曰：「透出龍門雲雨合，山川大地入無蹤。」

良价曰：「直道本來無一物，猶未消得衣鉢，者裏下得一轉語，始得。」有僧凡下九十六次語皆不契，最後始得一語。另一僧欲得此語，給侍三年，未得，乃以刀逼之曰：「直饒將來，也無處著。」健曰：「此意在本層出處，姑許消得衣鉢；若就拙見，要想消此衣鉢，當知用處。徒然知空而不知有者，仍未消得衣鉢也。」健因別代曰：「謝和尚好意，我未曾讓他虛度。」

僧問雪峯，依佛剃度，何不認佛？曰：「好事不如無。」

僧問雪峯，寂然無依何如？曰：「無依猶病。」曰：「轉後如何？」曰：「船子下揚州。」

僧問元安，千般運動不異箇凝然時如何？曰：「靈鶴翥空外，鈍鳥不離巢。」

僧問元安曰：「學人歸鄉如何？」曰：「家破人亡，子歸何處？」曰：「怎麼卽不歸。」曰：「庭前殘雪日輪消，室內游塵遣誰掃？」

僧問：「香積飯甚麼人吃得？」元安答曰：「須知吃得的人，也須扶出。」

僧問本寂曰：「如何是常在的人？」曰：「適逢曹山暫出。」曰：「如何是常不在的人？」曰：「難得。」

僧問本寂，如何保任？本曰：「如經蠱毒之水，不得落著一點。」

僧問：「如何是法身之主？」本寂曰：「謂秦無人。」曰：「者箇莫便是？」曰：「斬！」

僧問本寂，常在生死海中，是甚麼人？曰：「第二月。」曰：「還求出離也無？」曰：「也求出離，只是無路。」曰：「出離人誰接得？」曰：「擔鐵枷者。」

僧問寶蓋，一個無漏舍，何人居之？曰：「無名不挂體。」曰：「還有位也無？」曰：「不處。」

僧問一箭射三關，文邃對曰：「放出關中主看。」曰：「怎麼卽知過必改？」曰：「更待何時？」曰：「好隻箭，放不著所在，便出去。」文邃召曰：「試爲某發箭。」乃良久而退。文邃打彼七拄杖，曰：「且聽箇亂統漢，心中疑三十年。」有人舉似同安，同曰：「雖發箭，要且未中的。」問：「如何中的？」同曰：「關中主是甚麼人？」健曰：「文邃明明說了放出關中主，主旣放出，無的何能中耶？」

鏡清問：「天不能覆，地不能載，豈不是？」師彥對曰：「是則被覆蓋。」健曰：「所謂出者，不但出第一層所入之境，亦當并能入之心亦出之，此案說得極明顯，可與本節僧問大同，達摩未來及來後一案同參。」

僧問：「千里作一息如何？」道閑曰：「送客遊庭外？」

僧問師備，如何是學人自己？師備曰：「用自己作麼？」

師備問皎然曰：「維摩觀佛，前際不來，後際不去，今則不住，作麼生觀？」曰：「請放皎然過，有商量。」師備曰：「作麼商量？」皎乃良久。師曰：「教阿誰委？」皎曰：「徒勞側耳。」師曰：「知汝向鬼窟裏作活計！」

玄沙（即師備）問鏡清，不見一法爲大過失，不見甚麼法？鏡清指露柱曰：「莫不是者箇法？」玄曰：「浙中清水白米從汝吃，佛法未會在。」健曰：「玄沙得大用禪匠，處處指破出處，教人跳出鬼窟，足跟落地，實爲第三層用處之代表人物。聞有玄沙專集，惜乎未曾入藏；坊間舊書肆亦屢訪未得。本人除凌婆趙州外，頗敬慕玄沙，這事且置。究竟不見甚麼法？」

者試參。玄沙不是說了，清水白米從汝吃嗎？這是三層用處意旨。若論本層，但須打倒此露柱便是。」

玄沙南遊，莆田排百戲迎之。異日，見小塘長老曰：「日昨許多喧鬧，向甚麼處去也？」小塘提起衲衣角，玄曰：「料掉勿交涉。」健別曰：「昨日今日甚麼語話，我不曾留戀。」

僧問：「學人便承當時如何？」興聖對曰：「汝作麼生承當？」法燈別曰：「莫費力。」健曰：「常見禪書內有許多承當字樣，都是初層中一期方便，在本層中便不許了。」

林泉謁慈光，光送之，扶林下階曰：「款款莫教踢倒。」林曰：「忽然踢倒如何？」慈曰：「更不用扶。」林大笑。健曰：「龐蘊倒，其女亦倒，問之，則曰：『特來扶。』此之扶以身，與彼之不用扶以言，正相同也！」

僧問昭化，孤峯獨宿時如何？曰：「閒卻七間僧堂不宿，阿誰教汝孤峯獨宿？」健曰：「回讀看第二章，高山上立案，萬里無寸草案，可以比較初層與二層深淺次第不同處。」僧問：「無佛無衆生如何？」懷惲對曰：「甚麼人如此？」

僧問：「吞盡百川水，方明一點心，如何？」冷珏對曰：「雖脫毛衣，猶披鱗甲！」健別曰：「何不將此一點心也吞盡？」

月輪問弟子桐泉曰：「卞和到處荆山秀，玉印從他天子傳，如何？」曰：「靈鶴不於林下憩，野老不重太平年。」

道匡問：「僧何處來？」曰：「劈柴來。」曰：「還有劈不破的也無？」曰：「有。」曰：「如何？」僧無對，道曰：「何不問我？」僧乃問道曰：「賺殺人！」

僧問：「一似兩箇時如何通？」香城對曰：「一箇賺殺。」健曰：「此案與前案兩箇賺字同一毛病，不肯出得。」

僧問：「十二時中常在的人，還消得人天供養也無？」守玘曰：「消不得。」曰：「何故？」曰：「爲汝常在。」

孚上座因鼓山赴大王，請雪峯門送，回到法堂，乃曰：「一隻聖箭直射九重城裏去也。」孚曰：「是尹未在？」孚曰：「渠是徹底人。」孚曰：「待某去勘過。」遂趁至中路，便問師兄向

何處去？曰：「九重城裏去。」孚曰：「忽遇三軍圍繞時如何？」山曰：「他家自有通霄路。」孚曰：「怎麼則離宮失殿去也？」山曰：「何處不稱尊？」孚拂袖便回。峯問：「如何？」孚曰：「好隻聖箭，中路折却了。」遂舉前話。峯乃曰：「有渠語在。」孚曰：「者老凍膿，却有鄉情在。」健曰：「識彼倆皆墮在尊貴，不解出得。」

陸大夫問南泉（即王老師）姓甚麼？南曰：「姓王。」曰：「還有眷屬否？」曰：「四臣不昧。」陸曰：「王居何位？」曰：「玉殿苔生。」曰：「玉殿苔生時如何？」曰：「不居正位。」健曰：「不居正位，即是本層出處主旨。」其後石林鞏頌曰：「玉殿苔生正不居，四臣無路納嘉謨，老農知是承誰力，風暖歌聲落野鉏。」

僧出禮拜，退後立。洪忍曰：「我不如汝。」僧應諾。洪曰：「無人處，放下著。」

僧問：「乾坤不著意，宇宙不留心，何如？」宗慧對曰：「峴山亭起霧，灘峻不留船。」

僧問：「古人自從認得曹溪路，了知生死不相關；曹溪即不問，如何是羅山路？」羅山義因乃展手。僧曰：「怎麼即一路通，諸路亦然？」義曰：「甚麼諸路？」僧近前，義曰：「靈鶴煙霄。」

外，鈍鳥不離巢。」健曰：「此與元安所答，同一口吻，見上文。」

夾山會下，一僧到石霜處，曰：「不審。」石曰：「不必。」又到巖頭處，亦曰：「不審。」巖曰：「噓！」僧回步。巖曰：「雖是後生，亦能管帶。」夾山曰：「石霜雖有殺人刀，且無活人劍。」健曰：「欲詳活人劍，且看三層用處。」

南泉收生飯，曰：「生飯。」智堅曰：「無生。」南泉曰：「無生猶是末。」

僧問：「既是喝河神，爲何却被水推大浪？」對曰：「隨流始得妙，倚岸却成迷。」健曰：「依岸成迷，是以必出，此爲本層要旨。若出之後，不是徒然，必也隨流得妙，此則已入第四章三層用處矣。故以此案殿於本層出處。」

第二節 本層（出處）悟道因緣例選

裴休入大安精舍，見壁上高僧像，問曰：「真儀可觀，高僧何在？」黃檗乃呼裴相公，公應諾，乃反問曰：「在甚麼處？」裴言下大悟。

僧謁華林，方展坐具，華曰：「緩緩！」僧曰：「和尚見箇甚麼？」華曰：「可惜許磕破鐘樓。」

僧乃大悟。健曰：「悟在破，不在樓，所以屬本層。」

德山宣鑒參龍潭曰：「黑龍。」龍乃點燭與德，德擬接；龍便吹滅，德乃禮拜。龍曰：「見甚麼？」德曰：「從今向去，不疑天下老和尚舌頭也。」健曰：「使當時德山接著，死在光明中，焉知黑龍之妙哉！」

樓子和尚因從街市過，經酒樓下，偶整襪帶少住；聞樓上人唱曲曰：「你既無心，我也無。」忽然大悟。

清豁於大章處得箇出處，睡龍爲集衆說其悟境。清豁拈香已，曰：「香已拈竟，悟卽不悟。」

第三節 同案別層選

第一目 本層（出處）西來意案

僧問素玄，如何是祖師西來意？對曰：「會卽不會，疑卽不疑。」又曰：「不會不疑的，不疑不會的。」健曰：「出層重在者不會不疑的。」

僧問道欽，對曰：「待吾滅後向汝說。」

仰山問滄山，對曰：「大好燈籠。」仰曰：「莫只者箇便是？」滄曰：「者箇甚麼？」仰曰：「大好燈籠。」滄曰：「果然不識！」

僧問龍雲臺禪師，對曰：「老僧昨夜欄裡失卻牛。」

僧問趙州，州下禪牀立。僧曰：「莫即便是？」趙州曰：「老僧未有語在。」

僧問廬山田道者，答曰：「甚麼處得箇問頭來？」

僧問義忠，答曰：「龜毛拂子，兔角拄杖，大德藏向甚麼處？」曰：「龜毛兔角，豈是有耶？」答曰：「肉重十斤，智無銖兩。」

僧問道膺，答曰：「古路不逢人。」

僧問居遁，答曰：「待石龜解語向汝道。」僧曰：「石龜語也。」答曰：「向汝道甚麼？」

僧問玄通，答曰：「咬骨頭漢出去！」

僧問永平，答曰：「不撒沙。」

僧問慶諸，慶曰：「空中一片石。」僧拜謝曰：「會麼？」答：「不會。」曰：「賴汝不會，會即打破汝頭。」

第二目 本層（出處）家風案

僧問如敏家風，對曰：「郎當屋舍沒人修。」

雲巖問圓智，對曰：「教汝指點著，堪作甚麼？」曰：「無這箇來多時。」曰：「牙根猶生澀在。」

僧問道匡，對曰：「寧可清貧自樂，不作濁富多憂。」

僧問延沼，對曰：「鶴有九臯難翥翼，馬無千里漫追風。」健曰：「此案與初層省念家風所對；萬仞巖前對看，即知工夫淺深，故健在該案破以太高生，讀者回頭再看。」

第三目 本層（出處）牧牛案

天游頌牧牛曰：「兩角指天，四脚著地，拽斷鼻繩，牧甚屎屁。」

僧問：「某甲愛殺牛，有罪否？」慧覺對曰：「無罪。」曰：「爲甚麼？」曰：「殺一箇，還一箇。」

健曰：「只怕殺一箇，死一箇。所以本層主旨在打破坐在死中的。所以古德云：『大海不停死尸。』」

第四目 本層（出處）拂子案

仰山參巖頭，巖舉拂子，仰展坐具，巖擲拂子於背後，仰收坐具，巖曰：「不肯汝放，只肯汝收。」健曰：「前半意在初層，後半在本層。巖頭只肯汝收，側重在本層，眼目極明顯。」

雪峯問江西來僧曰：「江西與此相隔多少？」曰：「不遙。」雪豎拂子曰：「還隔者箇麼？」曰：「若隔者箇卽遙。」雪峯便打。健曰：「打其不出者箇以外也。」健代曰：「雖不隔者箇，我卻不將者箇來。」則免除一頓打也。」

大覺到義玄，義舉拂子，大覺敷坐具，義擲拂子，大覺收坐具，入僧堂。大眾曰：「此僧莫非是和尙親故，不禮不被打。」師喚大覺曰：「大眾道汝未參長老。」大覺曰：「不審。」便自歸衆。此段不審，屬本層出處，然而不審之下，仍有吃棒分。何以故？若是健在，便責他曰：「審固任汝不審，也不輕可慢長老也。」此意則落在三層用處，大覺果是伶俐僧，則可答曰：「禮

也不難，爭奈人錯會著，好事不如無也。」仍可拂袖而去，則屬四層了處矣。讀者當先將全書讀完，然後將四層宗旨清白了，再向第二章至第五章四層各別所引同案，相對比看，自知工夫深淺，此事切忌含糊也。

第五目 本層（出處）看經案

仰山問善道，還假看教也無？曰：「分外之事，然若與他作對，亦是狂慧，未足爲道；若不與他作對，一事也無。」

巖頭看涅槃經，謂有三兩段似衲僧說話。又曰：「休休！」有僧請舉一段，則曰：「吾教意猶如塗毒鼓，擊一聲遠近皆喪云。」

第六目 本層（出處）送書案

新建因僧赴開元寺，曰：「我有一信付與寺主，汝將得去否？」僧曰：「便請。」新曰：「想汝也不奈何。」

第七目 本層（出處）心案

寶誌大乘讚曰：「煩惱因心故有，無心煩惱何居？不勞分別取相，自然得道須臾。」

南泉曰：「心不是佛，智不是道。」

臨濟曰：「心若不在，隨處解脫。」

西天五祖提多迦曰：「悟了同未悟，無心亦無法。」

慧滿曰：「諸佛說心，令知心相虛妄，今乃重加心相，深違佛旨！」

六祖曰：「一切無心自性戒。」又曰：「無念念即正，有念念成邪，有無俱不計，長御白牛車。」

慧忠曰：「不垢不淨，寧用起心看淨相！」

懷海曰：「不求佛，不求知解，垢淨情盡，不守此無求，亦不住盡處。」

二祖求達摩安心，達摩曰：「將心來與我安。」二祖曰：「覓心了不可得。」曰：「與汝安心竟。」

普願示衆曰：「王老師欲賣身，阿誰買得？」僧曰：「某甲。」普曰：「他不作貴價，也不作賤價，汝作麼買？」

僧問文偃：「萬機都盡如何？」答曰：「與我拈卻佛殿來，與汝商量。」僧曰：「豈關佛殿？」乃喝曰：「者謾語漢！」佛殿見前章第八目身案。

第九目 本層（出處）境案

僧問延宗潮山境，對曰：「不宿尸。」

夾山問佛曰：「子未到雲居前，在甚麼處？」對曰：「天臺國清。」又問：「天臺有潺潺之瀑，淥淥之波，謝子遠來，子意如何？」乃曰：「久居巖谷，不挂松蘿。」曰：「此猶是春意，秋意如何？」佛曰：「良久，夾山乃評之曰：『看君只是撐船漢，終歸不是弄潮人。』」健曰：「此案不挂松蘿，是本層意旨。至若弄潮人，夾山有意撥入用層，讀者可向第四章看下去。」

法眼問紹修曰：「萬象中獨露身，撥萬象不撥萬象？」紹對曰：「不撥。」法曰：「說甚麼撥不撥？」紹回地藏地曰：「子回未久，何以卻來？」曰：「有事未決，豈憚跋涉？」地曰：「汝跋

涉許多山川，也還不惡。」紹仍未喻。乃問撥不撥。地曰：「汝喚甚麼作萬象？」紹乃大悟。健曰：「見行在上，根能一致，中根則見每高於行，下根則見亦不圓滿。禪宗首當偏重見，故曰：『但貴子見地，不貴子行履。』見到行不到，則當真參實悟，務求見行不二。此案紹修不撥之說，蓋已有第三用層見地，然對撥不撥兩邊境上未曾得出去，故未經第二出層之行證，故經法眼一撥，仍未能轉；再經地藏一問，喚甚麼作萬象？始在出層悟入。是故行人當先取得出層證量，然後在不撥中遊戲，雖曰不撥，而早已先撥；雖曰先撥，而亦不廢遊戲。故總不在撥與不撥兩邊，身與萬象不作一箇，亦不作兩箇。」

第十目 本層（出處）設齋還來否案

僧問無學曰：「丹霞燒木佛，和尚爲何供羅漢？」曰：「燒也燒不著，供養也一任供養。」曰：「還來否？」曰：「汝每日還吃否？」僧無語。健曰：「一任供養有本層出處意味，還吃否則又撥入三層矣，僧更難了，所以無學曰：『少有伶俐僧。』」

第四章 塔燈三層——用處

禪不是死的，然而也要到這步活用的田地，始得大機大用；若是沒有到家，便和大慧杲禪師那樣勸一切人都向湯鑊中行；獅子跳處，教犬也跳去，那有不喪身的？古德教汝先行大死一回，然而有許多人一死不起，古今埋沒多少禪人，也大可惋惜！於今所以要汝解出離者死的以後，活轉過來，漸次調鍊，去使用他者個東西，水流花放，疴屎撒尿，何處不是他的活用？我者裏并不別標一箇甚麼用處，讀者切莫期待我這章裏面有個甚麼訣竅，叫做大機大用。只今問汝一句，現前你讀到這裏，有箇甚麼可咬嚼的給你？汝隨著字裏行間走去，又有個甚麼步影尋聲的作梗的東西在你心裏？天空中雲霞變現，似錦似絮，乃至油然沛然，都是一場遊戲；小兒觀電影一般，於汝何曾有個甚麼可執持、可把握的東西，去作大機大用？汝若是真個大死了一回，又真個解出去，也自然先在四威儀中便知個妙用，然後再如二祖一般，向賭場嫖院大煩惱窠中透過去，才算是湯鑊中行得；度生一切方便，便都有

了，火裏紅蓮，任憑你行去，若還未到者，步田地，切不可胡作亂爲。欺人容易，日後自己受報，却不容易，莫以爲見得到便行得去，不熟便不能生巧，在甚麼田地說甚麼話。」

第一節 本層（用處）開示及公案選

趙州寄拂子於真定帥，囑其徒曰：「若問何處來，便向他道，老僧用不盡者。」

趙州問：「死中得活時如何？」投子曰：「不許夜行，投明便到。」趙州曰：「我早候白，伊更候黑。」健曰：「諸方皆稱趙投得逸羣之用，信哉。彼二位大禪匠，皆有本集詳載問酬，健民惜未及見。然而天下烏鴉一般黑，讀者當於此案了知用處之唯一條件：『投明須到，不許夜行。』如果夜用無明，鮮有不同凡夫者矣！然亦不可夜中不用，用處正在夜中，夜明之珠，則在乎行人具眼也。」

雪峯問德山：「從上宗風，何法示人？」德山曰：「我宗無語句，實無一法示人。」巖頭聞之曰：「德山一條脊骨硬似鐵，拗不折，然雖如此，於唱教門中，猶較些子。」（猶云較之講經法師猶好一點。）健曰：「巖頭蓋譏其不得用處也。禪門中宗匠，頗有人能宣化一方，聲威遠

震，然其實際工夫，不必超出一切禪人；亦頗有人功力到家，然其福德不能流佈十方。世間人事，尚不可以榮枯論得失，矧禪門中耶！是以讀者當別具隻眼，不可忽略五家宗主以外諸大德。若健民本人所最私淑者，不在臨濟、德山、滄山、仰山、法眼，而在凌婆、趙州、投子、玄沙、巖頭、龐蘊、丹霞等。」

德山接人，多用棒打，臨濟派人接取，當胸一柱。德山歸方丈，臨濟曰：「我從來疑者個漢。」巖頭曰：「只據目前一木杖，佛來亦打，祖來亦打，爭奈較些子。」健曰：「此案正如前案。巖頭譏其不能辨別機用。健代曰：『好個知恩漢，且進來喝茶。』」德山晚年頗受巖頭之益，病時，人問還有不病者否？曰：「有。」曰：「如何？」德曰：「阿爺！阿爺！」此即健所引用告果瑤者，見十四頁。

僧問清慕，如何是白龍密用一機？曰：「汝每日用甚麼？」曰：「恁麼即徒勞側聆。」清乃喝出。

滄山曰：「者許多人只得大機，不得大用。」仰山舉似山下庵主。主曰：「更舉看。」仰正擬

舉主乃蹋倒。仰山因告滄山，滄山大笑。

明慧示衆曰：「日出卯，用處不須生善巧。」

慧可二祖或入酒市，或過屠門，或習街談，或隨廝役，問之，則曰：「我自調心，何關汝事？」

僧問文益曰：「浪子還鄉時如何？」曰：「將何奉獻？」曰：「無有一物。」曰：「日給作麼生？」

└

西天初祖摩訶迦葉曰：「法法本來法，無法無非法。」

西天十一祖富那奢夜曰：「迷悟如隱顯，明暗不相離。」

西天十二祖馬鳴大士曰：「隱顯卽本法，明暗原不二，今付悟了法，非取亦非離。」

西天二十二祖摩拏羅者曰：「心隨萬境轉，轉處復能幽；隨流認得性，無喜復無憂。」

法騫詩曰：「昨日相逢序起居，今朝相見事還如；如何欲覓呈心要，心要如何特地疏。」

馬祖曰：「心地隨時說，菩提也只寧，事理俱無礙，當生卽不生。」

南嶽懷讓聞馬祖在江西宏法，派人前往，候其上堂，問曰：「法師別南嶽來此作麼生？」答

曰：「自從胡亂後，三十年不曾闕鹽醬。」

洞山辭別道明，道曰：「廣作利益。」曰：「如何？」曰：「一物莫違。」健曰：「讀者試回頭看

上面浪子還鄉案，僧答無有一物，此旨在初層耳；此案一物莫違，則屬本層用處意旨。文益反問曰：『給作麼生？』卽是本案一物莫違理。」

僧問齊安，如何是本身盧舍那？齊安曰：「與我將那瓶來。」僧卽取來，齊云：「卻送本處。」送訖，復問，齊曰：「古佛過去久矣。」

龐居士參法常曰：「久嚮大梅，未審梅子熟也未？」法曰：「你向甚麼處下口？」居士曰：「與麼則百雜碎也。」法曰：「還我核子來！」健曰：「此意旨尙在二層出處。」健別曰：「酸。」法常將寂，告門人曰：「來莫可拒，往莫可追。」忽聞颺聲，乃曰：「卽此物非他物，吾今逝矣！汝等各自護持之。」

歸宗剗草次，某僧來參，值師見一蛇，以鋤便鏤。僧曰：「久嚮歸宗，却只見個粗行沙門！」歸曰：「汝粗？我粗？」僧問：「如何是粗？」歸豎起鋤頭，問：「如何是細？」歸作斬蛇勢，問：「與

麼則依而行之？歸曰：「依行且置。你何處見我斬蛇？」僧無語。健代曰：「只爲大細，我固不見。」此答二層意旨。又代曰：「只爲大粗，師也不必相謾。」則答在本層用處矣。

李刺史問歸宗曰：「大藏教明個甚麼事？」歸舉拳。李曰：「不會。」歸曰：「者個大拳也不會？」又曰：「遇人卽途中授予；不遇，卽世諦流佈。」健曰：「在二層出處意旨，則正好讚其不會。在本層用處，則師資相傳，卽此大拳。臨濟悟道一案，可以佐證。拙詩曰：『臨淵何必羨漁臺？結網還從舊路回。忍辱縱能跨下去，不如還手脇間來。』此則記臨濟還拳報恩事也。」兩堂爭貓，普願曰：「道得卽救。」衆無對，普乃斬之。趙州自外歸，聞前話，乃脫履安頭上出。普曰：「汝若在，卽救得。」

普願洗衣次，僧曰：「和尚猶有者個在。」普提起衣曰：「爭奈者個何？」健曰：「學人每提起衣就忘記洗。洗衣就忘記提起，所以體用不得同時。」

松山命龐蘊飲茶次，龐舉托子曰：「人人盡有分，爲何道不得？」松曰：「只爲人人盡有，所以道不得。」龐曰：「兄何以道得？」松曰：「不可無言也。」

道吾一日從外歸，裨樹問何處去來？曰：「親近來。」曰：「用鼓兩片皮作甚麼？」曰：「借。」曰：「他有從汝借，無有作麼生借？」道曰：「只爲有，所以借。」健曰：「不到道吾田地，誰能知有？」

仰山踢衣次，提起問滄山曰：「正恁麼時，和尚作麼生？」滄山曰：「我者裏無作麼生。」仰山曰：「和尚還見伊麼？」滄山曰：「汝有用無身。」至夏間，滄山忽問曰：「春間有話未圓，試道看。」仰曰：「正恁麼時，切忌勃塑。」滄山乃曰：「停囚長智。」健曰：「身用原不可分。特初機只能有身，不能出用；或雖起用，而已離身。不得身用同時，故切不可要初機起用，但得本，莫愁末。他日縱能起用，亦當知用在本身，非關他事。任運之用，非作爲之用；離能所用，非有對待之用。此案大可細參。」

曇照平生常稱「快活！快活！」臨終却叫苦曰：「閻王取我也！」院主曰：「和尚昔被節度使拋向水中，神色不動，如今何得恁麼？」曇乃舉起枕子曰：「汝道當時是，於今是？」院主無對。法眼代曰：「此時但掩耳出去。」健曰：「此案與上文所選德山喚阿爺案正相同。」

風吹石幢倒，僧問趙州曰：「作凡去？作聖去？」趙曰：「也不作凡，也不作聖。」僧曰：「畢竟作麼生？」趙曰：「落地去也。」健曰：「趙州自經王老師指點平常心是道，他便活用無盡。」庵主舉火筒示僧曰：「會麼？」曰：「不會。」曰：「三十年用不盡的。」曰：「三十年前用個甚麼？」庵主無對。健代曰：「火筒。」

座主念佛，小師呼和尚而白事，座主問三呼何事？小師曰：「和尚幾年喚他，即得某甲纔喚也。」法燈代座主曰：「咄叱！」健別代曰：「你道我喚他有甚麼事？」

僧辭趙州，州囑曰：「有佛處不得住，無佛處急走過；三千里外，逢人莫舉。」法眼代曰：「恁麼便不去也。」健別曰：「若是健民，無佛處也不住，有佛處急走過；三千里外，逢人便舉。」玄覺聞鳩鳴，問僧是甚麼聲？僧曰：「鳩鳴。」玄曰：「欲得不招無間業，莫謗如來正法輪。」健代曰：「你謗我謗？」就本層用處意旨，確是玄覺謗法；若就初層入處，則是此僧謗法也。僧謂趙州曰：「久嚮趙州橋，到來只見掠杓。」趙州云：「汝只見掠杓，不見趙州橋。」僧問：「如何是趙州橋？」趙曰：「過來！過來！」

僧問趙州，萬法歸一，一歸何處？趙曰：「老僧在青州作得一領布衫，重七斤。」

僧問趙州，和尚入地獄否？曰：「入。」曰：「何故？」曰：「不入，阿誰教化汝？」

僧問趙州高壽，趙曰：「一串念珠數不盡。」

僧問靈鷲閑，曰：「寂寂無言，如何視聽？」靈曰：「無縫塔前雨水多。」

雪峯來甘贄行者家，甘閉戶而召曰：「請入。」雪乃隔籬，掉過衲衣。甘便開門禮拜。

仰山隨滄山開田次，問曰：「耆頭恁麼高，那頭恁麼低？」滄曰：「水能平地，但以水平。」仰

曰：「水也無憑，和尚但高處高平，低處低平。」滄山然之。

雪峯問志勤：「古人道前三三、後三三如何？」對曰：「水中魚，山上鳥，意旨如何？」雪曰：「

高可射兮低可釣。」

僧問法真，法傳何人？曰：「露柱，火爐。」曰：「還受也無？」曰：「火爐，露柱。」

僧問陳尊宿教意提綱，曰：「佛殿裏燒香，山門外合掌。」

僧問：「以一重去一重，卽不問，不以一重去一重如何？」陳尊宿曰：「昨朝栽茄子，今日種

冬瓜。」

慧然謁德山，展坐具。德曰：「莫展炊巾，者裏無有餛飩飯。」慧曰：「縱有也無著處。」德以杖打之，慧接著，却推倒德山。德大笑。慧哭蒼天而出。健曰：「關於餛飩飯一案，尚有其他公案，可以證明徒然解出而不解用，不能到三層境地。」

有僧從西京來謁雲山，山問曰：「有書否？」僧曰：「不敢妄通消息。」山曰：「作家師僧，天然有在。」僧曰：「誰吃餛飩飯殘羹？」山曰：「獨有闍黎不甘。」其僧作嘔勢。山喚侍者扶出病僧，僧乃去。健曰：「果是解用，僧當謝師翻陳出新之恩於無盡也。」

僧問如寶，如何是衲僧急切處？如曰：「不過此問。」

僧問教和尚，如何著力？教曰：「春來草自青，月上已天明。」又問：「如何不著力？」教曰：「崩山石頭落，平川燒火行。」

寶應上堂曰：「諸方只具啐啄同時眼，不具啐啄同時用。」僧問：「如何是啐啄同時用？」曰：「作家相見不啐啄，啐啄同時失。」曰：「此猶是某甲問處。」曰：「汝問處作麼生？」曰：

「失。」應乃打之，其僧不肯。後於雲門聞人舉此語，方悟，却回參師，應已圓寂，遂禮其徒風穴曰：「某甲當時在燈影裏，照顧不著。」風穴肯之。健曰：「此用處正是在失處。所謂恰恰用心時，恰恰無心用；無心恰恰用，常用恰恰無。」

滄山上堂，僧曰：「請爲衆說法。」滄曰：「我爲汝得徹困也。」僧禮拜。雪峯曰：「古人得恁麼老婆心。」玄沙曰：「雪峯錯過古人事。」雪問之，玄沙曰：「滄山被僧一問，得百雜碎。」健曰：「玄沙解用，故如此云云。此正是滄山從出處才到用處之口調，大是滄山本人工夫，與老婆心何干？」

滄山冬月問仰山曰：「天寒？人寒？」仰曰：「大家在者裏。」滄山曰：「何不直說？」仰曰：「適來不曲，和尚如何？」滄曰：「直須隨流。」健曰：「『大家在者裏』，意旨只在初層入處，『直須隨流』才是本層用處。」

滄山睡次，仰山至，乃面向壁。仰曰：「和尚何得如此？」滄曰：「我得一夢，試爲原看。」仰山取一盆水與滄洗面，香嚴來，滄山亦請原。香送一碗茶。滄山曰：「二子見解，過於鶩子。」健

曰：「我若在旁聞此語，一口吐却。」

僧問：「離生死貧富不落五行，請師直道。」浮石答曰：「金木水火土。」健曰：「時人總以爲禪和別有一套祕密，別有一條終南捷徑；殊不知最直不如當體，最捷不如現成本地。若是存心離開五行，別謀一個不落五行者，便十萬八千里也。解用的人，五行正是好用處，有甚麼落不落？」

道吾舉劍，僧問劍從何來？乃擲於地。僧拾上，道吾反問：「劍從何來？」僧不能對。道吾拈劍而舞曰：「恁麼始得？」健曰：「讀此案，當知上案遊戲五行，亦復如是；劍有個甚麼來不來，要在當人任運遊戲耳。」

僧問：「隨緣不變，忽遇知音如何？」延沼曰：「披莎側笠千峯裏，引水澆蔬五老前。」健曰：「回頭看上面萬仞峯前一案，始知深淺不同。」

僧問臨機一句，延沼曰：「因風吹火，用力不多。」

僧問百了千當如何？延沼曰：「不許夜行，投明便到。」健曰：「此蹈襲投子語見前。」

僧問二時如何？延沼曰：「攜籬挈杖。」

麻谷問：「十一面觀音豈不是聖？」真應對曰：「是。」麻谷一擲，真應曰：「想汝未到此境。」健曰：「不到此境，誰敢答個是字？」

行思問石頭，有人道嶺南有消息。石頭曰：「有人不云。」行思曰：「犬小藏從何來？」石頭曰：「盡從者裏去，終不少他事。」行思然之。健曰：「就此案亦有深淺三層。嶺南有消息，卽是初層入處；有人不云，卽是二層出處；終不少他事，卽是本層用處。解出去卽可以用去，所以一案亦可多層；余爲此已另編一章，下詳。」

天然由石頭到馬祖處，馬祖問曰：「石頭路滑，曾踢倒汝否？」天然曰：「若踢倒卽不來。」僧問擬還鄉如何？惟儼曰：「汝父母偏身紅爛，臥在荊棘林中，汝歸何所？」曰：「怎麼卽不歸。」曰：「汝欲須歸，我示汝休糧方，二時上堂，不得咬破一粒米。」健曰：「不得咬破一粒米，却仍二時上堂，者意旨與趙州雖然一個牙齒，却粒粒咬著正相同。」

藥山惟儼派僧化緣於甘贄，甘問：「將得藥來否？」僧曰：「行者有何病？」甘乃供兩錠銀。

曰：「若有人卽送來，無人便休。」惟儼乃命送還，甘添銀再供上。健曰：「僧所答落在空邊，不假用處，有人送還，故得救，是以添銀供之，此供惟解用者堪受也。」

惟儼夜上堂，不燈，大衆黑集。惟曰：「我有一句待特（牛而大者曰特）生兒，卽道。」有僧曰：「特已生兒也，何不道？」惟呼把燈來，其僧藏身入衆。

石樓問僧曰：「漢國主人還重佛法否？」僧曰：「人尙不見，有何佛法？」石曰：「汝受戒多少？」答曰：「三十夏。」石曰：「大好不見有人。」乃打之。健曰：「打其不解用也。」

米倉坐次，僧到，繞三匝，敲牀三下，曰：「不見主人翁，終不下參衆。」米曰：「甚麼處情識去？」僧曰：「果然不在。」米打僧一柱杖。僧曰：「幾落情識，荷荷！」米倉曰：「村草步頭，逢著一個，有甚麼話處？」僧曰：「且參衆去。」健曰：「好箇伶俐僧。」

藥山齋次，自打鼓，高沙彌捧鉢作舞入堂，藥山便擲下鼓槌，云是第幾和？高沙彌曰：「第二。」藥山問：「如何是第一？」高就桶心舀一杓飯便出去。健曰：「此所謂第一、第二，與層數不同；第二指二層，擲下故；第一指三層用處，謂其高於二層出處也。尋常日用，大須努力！」

仰山別善道，善呼曰：「闍黎。」仰應諾。善曰：「莫一向去，已後卻回者邊來。」健曰：「此案極明顯，指點出後必知個用處也。」

平田來，茂源起身，平田把住曰：「開口便失，閉口便喪，怎麼時請師道。」茂源以手掩耳而已。平放手曰：「一步易，兩步難。」茂曰：「著甚麼死急！」平曰：「若非此箇，師不免諸方檢點。」健曰：「開口便失者，忘第一層入處之管帶也；閉口便喪者，缺第二層出處之救濟也；一步易者，掩耳也；徒出不能用；二步難者，出後之妙用也。然而果能在一歩上出得透關，自然不行自到，可以運用。著甚死急者，正救平田二步難之急也。古人如此互相勉勵，豈是後世狂慧禪人，所可比擬者哉！」

大眾集，光仁出方丈，將至禪牀，曰：「不負平生行脚眼目，致個問訊，將來還有麼？」既升牀，有僧出，師曰：「不負我，且從大眾。」便歸方丈。翌日，人問其旨，乃曰：「齋時有飯與汝吃，夜後有牀與汝眠，逼我作麼？」僧禮，師曰：「苦苦！」僧請直指，師垂足曰：「舒縮一任老僧。」健曰：「以三層用處，接一切衆，鮮得其機，誠然苦苦。至若後世但有三層見解，而本身全無

三層之證量，則更苦矣。」

僧問有漏，令遵曰：「筌籬。」又問無漏，則曰：「木杓。」

天臺韶來，約禪師問船來？陸來？曰：「船來。」曰：「還逢魚鼈否？」曰：「往往遇之。」曰：「遇時作麼生？」曰：「咄，縮頭去。」約大笑。健別曰：「咄，縮頭隨波去。」

洞山謂慶諸曰：「直須萬里無寸草去。」又曰：「無寸草作麼生去？」慶曰：「出門便是草。」

洞曰：「大唐國內能有幾人！」健曰：「從洞山之歎，可見雖在唐代禪風之盛，猶難得幾個知有知用的；其後宋朝大慧杲千言萬語，總以用處勉人，殊欠的當，從上古德所勉，猶在萬里無寸草處，行上不可不如此也；若在見上，則從入至出，從出至用，乃至了處，要在最先一眼看透也。健別有四句偈曰：『落路下草易，萬里無草難，萬里一草易，百草頭上難。』工夫不在口上而在足上，要不可自欺也。」

僧密與洞山過水，洞曰：「莫錯下脚。」密曰：「錯卽過不得也。」洞問：「不錯如何？」密曰：「共長老過水。」

僧問僧一曰：「如何是毘盧佛？」僧一曰：「不超越。」

僧問：「行到不思議處如何？」元安對曰：「春山常舉足，白日不移輪。」

僧問月輪，如何是道？月曰：「石牛頻吐三春霧，木馬嘶聲滿道途。」健曰：「禪書中常常用木馬、石女等喻，者就是前二層中事。這些木石發出用處，則屬本層；在行證中，根本不稀奇，讀者不可在字面上錯會。」

僧問道膺，如何是向上人行履？答曰：「天下太平。」

僧問居遁祖師是無事沙門耶？答曰：「若是沙門，不得無事。」又問：「何以故？」曰：「覓一箇難得。」

僧問：「如何是密室中人？」遁儒對曰：「纔生不可得，不貴未生時。」

僧問：「如何不落階級？」師彥曰：「排不出。」曰：「何故？」曰：「他從前無階級。」曰：「居何位次？」曰：「不坐普光殿。」曰：「還理化也無？」曰：「名聞三界重，何處不歸朝？」

道閑問定慧：「上庭從何處來？」曰：「遠離巴蜀，近發開元。」答畢，近前曰：「卽今作麼生？」

「道曰：『吃茶去。』」定不退，道又曰：『秋氣稍暖去。』乃出，歎曰：『今日擬打羅山寨，弓折箭盡也休休。』」

雪峯曰：『要會此事，猶如古鏡，胡來胡現，漢來漢現。』玄沙聞之曰：『忽遇鏡破如何？』曰：

「胡漢俱隱。」玄沙曰：『老和尚足跟猶未點地在！』健代曰：『胡漢現成。』

玄沙曰：『盲聾啞來如何接？』緊拂不見，共話不聞，口復啞啞，汝作甚麼商量？若接不得，佛法無靈驗。僧曰：『三種人還許商量否？』玄曰：『汝作麼商量？』其僧珍重出。玄曰：『不是！不是！』桂琛反問曰：『有眼耳如何接？』玄曰：『三種病人即今在甚麼處？』又一僧曰：『非惟謾他，兼亦自謾。』

僧問：『盡十方世界是一顆明珠，學人如何會？』玄沙曰：『用會作麼？』僧亦曰：『用會作麼？』玄沙曰：『明知汝向鬼窟裏作活計！』健曰：『玄沙蓋責其不解用也。』

韋監軍舉曹山甚奇特。玄沙曰：『撫州取曹山多少？』韋指旁僧問曰：『曾到否？』曰：『曾到。』韋問：『多少？』曰：『百二十里。』韋曰：『怎麼即上座不會到。』韋卻起禮師。玄曰：『

監軍卻須禮此僧，此僧卻當具慚愧。」健曰：「玄沙責監軍不解用處；此僧答在用層，然偶然如此，并非確知用處，并前入處，出處尙不及知，故當具慚愧也。」

韋監軍問曰：「日用不知如何？」玄沙拈起果子曰：「喫。」韋喫已，再問，玄沙曰：「只者是。」健曰：「日用不知，比比皆是，不經過出處，入處的人，以爲與凡夫無異也。」

僧問：「維摩、文殊對談何事？」悟真曰：「惟有門前鏡湖水，清風不改舊時波。」

僧問興聖曰：「如何是教外別傳的事？」曰：「吃茶去。」

靈照指半月間上座曰：「那一片甚麼處去？」對曰：「莫妄想。」靈曰：「失卻一片也！」

僧問：「點鐵成金如何？」靈照曰：「還知點金成鐵麼？」

僧問：「寂寂無言時如何？」弘湏對曰：「更進一步。」健曰：「古人所謂一步，與本書所謂一層，沒有甚麼分別。」

雪峯舉國師碑文『得之於心，伊蘭作旃檀之樹；失之於旨，甘露乃藜藿之園。』問僧曰：「一語須具得失兩意，作麼生道？」僧舉拳曰：「不可喚作拳也。」弘瑫亦舉拳，則曰：「只爲

喚作拳也。」

僧問：「向上一路，千聖不傳，未審和尚如何傳？」弘瑫對曰：「留口吃飯。」

從展命徒迎隆壽長老云：「莫將侍者來。」曰：「不許將來，焉能離得？」從曰：「大煞恩愛。」壽無對，從代曰：「更謝上足傳示。」

僧問潮山，延宗對曰：「不宿死尸。」又問山中人曰：「石上種紅蓮。」健曰：「前答不宿死尸，屬前第二層出處；後答石上種蓮，屬本層用處。要在種在石上也。石上要有不宿死尸的器量，才可種紅蓮。」

僧問太原孚上座：「何謂觸目菩提？」孚踢狗子作聲走。僧無對。孚曰：「小狗子不消一踢。」

僧問法義曰：「動念卽乖，擬心卽差，學人如何進道？」法曰：「有人常擬爲甚麼不差？」僧曰：「卽今如何？」法曰：「早成差也！」

僧問和尚還愛財色也無？奉璘對曰：「愛。」僧曰：「既是善知識，如何却愛財色？」奉曰：「

知恩者少，負恩者多！」

僧問：「諸聖收光歸源後如何？」清法對曰：「三聲猿屢斷，萬里客愁聽。」

僧問：「如何湊得古人機？」清法對曰：「好心向子道，切忌未生時。」

僧問瑠禪師曰：「古鏡未磨時如何？」曰：「古鏡。」曰：「磨後如何？」曰：「古鏡。」

僧問契如，如何同避生死？對曰：「符到奉行。」僧曰：「被生死拘將去也！」契曰：「阿爺爺！」

健曰：「此與上面德山呼阿爺正相同。」

僧問：「如何是沙門行？」道匡對曰：「非行不行。」

僧問：「正位中還有人成佛無？」興悟對曰：「誰是衆生？」曰：「怎麼總成佛去也？」曰：「

還我正位來。」曰：「如何是正位？」曰：「汝是衆生！」

僧問藏用曰：「法身受苦否？」曰：「地獄豈是天堂？」曰：「怎麼卽受苦去也。」曰：「有甚

麼罪過？」

僧問：「如何是平常心合道？」文欽對曰：「吃茶吃飯隨時過，看水看山實暢情。」

僧問：「碌碌地如何？」靈龕對曰：「試進一步看。」

大衆雲集，請文益決疑，對曰：「寮舍內商量，茶堂內商量。」

僧問辯隆，向上事如何？對曰：「腳底下。」僧曰：「恁麼卽尋常踐履。」曰：「莫錯認。」

丹霞參古寺禪師，粥熟，行者盛師，又自盛吃，不與丹霞，丹乃自盛。行者曰：「五更侵早起，更有夜行人。」丹霞問：「何不責行者無禮？」古寺曰：「淨地上莫點污人男女。」丹曰：「幾不問過者老漢。」

巖頭在甘贄行者家過夏，補衣次，行者過，巖頭以針作筍勢，行者整衣欲謝，其妻問作麼生？行者曰：「說不得。」妻曰：「也要大家知。」行者告之。妻曰：「此去三十年後，須知一回飲水一回噎。」其女曰：「誰知大地人性命被叢上座（卽巖頭）筍將去也。」

昔有一婆，建庵供一禪和，經二十餘年。令二八女子送飯給侍。一日，令此女抱彼而問曰：「正當與麼時如何？」禪和曰：「枯木倚寒巖，三春無暖氣。」女舉似婆，婆曰：「我二十年只供養得箇俗漢。」遂趁出，放火燒卻庵。健代曰：「急水灘頭好進篙。」此旨屬本層。禪和所

答則在初層，不僅是個俗漢，亦且是個死漢。

尼到趙州問密密意。趙州探其穴，尼曰：「和尚還有者個？」趙州曰：「某無者個，汝卻有者個。」

玄沙見僧到，自打普請鼓三下，乃歸方丈；僧具威儀了，亦去打普請鼓三下，卻入僧堂久住。侍者白玄沙曰：「新到僧輕慢和尚。」玄曰：「打鐘集衆勘過。」大衆集已，新僧不赴。玄沙令侍者去喚。新到僧才出僧堂，卻於侍者背上拍一拍，曰：「和尚喚汝。」侍者去玄沙處，僧仍歸僧堂久住。侍者問玄沙：「和尚何不勘新到僧。」玄沙曰：「我與汝勘過了也。」健曰：「賓主如此，方是機用，方是啐啄，方是啐啄同時失。」

普擇蕨次，南泉舉一莖曰：「這個大好供養。」智堅曰：「百味珍羞，他也不顧。」南泉曰：「雖然如此，個個須嘗他始得。」健曰：「智堅所答意旨，只在二層出處。」

閩王送玄沙上船，玄沙扣船曰：「大王爭能出得者裏？」王曰：「在者裏多少時也。」歸宗柔別曰：「不因和尚不得到者裏。」健曰：「王所答在第二層，歸宗別答欲出而不及用。健

皆不以爲然，因別代曰：『開船也，後會有期。』」

僧問老宿曰：「如何是密室中人？」老宿曰：「有客不答話。」玄沙曰：「何曾密？」歸宗柔

別曰：「你因甚麼得見？」健曰：「玄沙蓋消極否認其密，歸宗柔亦以密對密耳。」因別代曰：

『客來依舊寒暄。』當知密在尋常日用，方算真密；不顯奇特，方算真密。」

院主去石室，卻回雲巖，雲曰：「入石室看，如何便回？」院主無對，洞山代曰：「彼中有人佔了。」雲曰：「汝去作甚麼？」洞曰：「不可人情斷絕。」

第二節 本層（用處）悟道因緣例選

天皇侍者崇信問曰：「何不示我心要？」天皇曰：「自汝來，吾未嘗不示。」曰：「何處？」曰：「汝擎茶，吾接之；汝行食，吾受之；汝和南，吾點頭。」崇信良久，天皇曰：「見則直下便見，擬思卽差。」崇信當下開悟，曰：「如何保任？」曰：「任性逍遙，隨緣放曠；但盡凡心，無別聖解。」

善會之侍者無所用心，久別歸省，問曰：「和尚有奇特事，何不早教？」善會曰：「汝蒸飯，吾

著火；汝行益，吾展鉢；甚麼處辜負汝？」侍者言下大悟。健曰：「誰知奇特事，原在日用尋常間。」

第三節 同案別層選

第一目 本層（用處）西來意案

崇慧答曰：「白猿抱子來青嶂，蜂蝶銜華綠萼間。」

坦然問慧忠國師，答曰：「何不問自己意？」曰：「如何？」曰：「當觀密作用。」曰：「如何？」國師開合其目以示之。

行思答曰：「廬陵米作甚麼價？」

馬祖答曰：「卽今是甚麼意？」

僧問寶徹，寶以杖繞身一轉，翹一足，云：「會麼？」僧無對，寶打之。

僧問大梅，答曰：「西來無意。」鹽官聞之曰：「一個棺材兩具屍！」玄沙曰：「鹽官是作家。」健曰：「玄沙讚鹽官，謂其能了本層用處也。」

無業問馬祖，祖答曰：「大德正鬧在，別時來。」無業才出，祖呼曰：「大德！」無業回首，祖曰：「是甚麼？」無業便領悟禮拜，祖曰：「者鈍漢禮拜作麼？」其後雲錫曰：「甚麼處是汾州正鬧？」

僧問志勤，對曰：「井底種林檎。」僧曰：「學人不會。」志曰：「今年桃李貴，一顆值千金。」僧從虔州來，問如敏，對曰：「童子莫徭兒。」曰：「如何？」曰：「汝從虔州來。」僧問堯山，對曰：「仲冬嚴寒。」

涿水對曰：「還見庭前花藥欄否？」

奉師對曰：「東壁打西壁。」健曰：「此答理趣證量同時，非過來人不知，莫謂全是機鋒耳。」

僧敲門，侍者開去，僧人禮問，靈觀曰：「適來出者是甚麼人？」僧擬近前，師便托出，閉却門。僧問，文喜乃喚院主曰：「者僧患瘋癲。」

僧問，了悟乃舉拂子，僧曰：「莫者便是？」師放下拂子。

僧問，歷村乃舉茶匙子，僧曰：「莫者便是？」歷卻拋向火中。

演教對曰：「今日明日。」

僧問，翠微對曰：「待無人卽向汝說。」僧曰：「無人也，請說。」翠下牀，引入竹園已。僧曰：「無人請說。」翠指竹曰：「者竿得恁麼長，那竿得恁麼短。」僧大悟。

投子對曰：「不諱。」

仁本對曰：「還見庭前杉檟樹麼？」

師訥對曰：「可煞新鮮。」

悟空對曰：「汝道此土還有也無？」

第二目 本層（用處）家風案

法真答曰：「赤土盡簸箕。」曰：「何解？」曰：「簸箕有屑，米不跳出。」

國清院奉師答曰：「臺梓椅子，火爐窗牖。」

勝光答曰：「福州荔枝，泉州刺桐。」

豐德答曰：「觸事面牆。」又問本來事，答曰：「終不更問人。」

如寶答曰：「飯後三碗茶。」

眞禪師對曰：「杌爬鑊子。」

微禪對師曰：「山畚粟米飯，野菜淡黃齋。」曰：「上客來如何？」曰：「吃則從君吃，不吃任東西。」

昭化對曰：「隨處得自在。」

澄靜對曰：「門下平章事，宮闈較幾重。」

明達對曰：「一切處現成。」

僧問萬安家風，資化對曰：「苔蘚倉米飯。」問上客如何？曰：「飯後三巡茶。」

第三目 本層（用處）牧牛案

臨濟問杏山曰：「如何是露地白牛？」曰：「咩。」臨曰：「啞卻杏山口。」曰：「老和尚如何？」曰：「者畜生。」

雪峯問僧曰：「此水牯牛年多少？」僧無對。雪自代曰：「七十七也。」僧曰：「和尚如何作牛？」雪曰：「有何罪過？」

玄沙曰：「智者撩著便提取，莫待須臾失却牛。」健曰：「看他撩著便提，還有甚麼事不是的？須臾不失，還有甚麼時不是的？如今一般口頭禪和對玄沙平日所評語，足跟未點地一句，好生慚愧始得。」

南泉（即普願又自稱俗名王老師）將順世，第一座問何處去？曰：「山下作一頭水牯牛去。」曰：「某隨和尚還得也無？」曰：「若隨我即須銜取一莖草來。」健曰：「牧牛案初層切忌犯人苗稼，三層當知銜草工夫自有深淺，并非矛盾也。」

江南國主問老宿曰：「予有一頭水牯牛，萬里無寸草，未知向何處放？」老宿無語。歸宗柔代曰：「好放處。」健曰：「歸宗所代，仍在二層出處；若健在，當時必別對曰：『處處好放何曾虛度？』」

雲門潭州北智賢除夕小參，曰：「年窮歲盡無可與諸人分歲；老僧烹一頭露地白牛，炊黍

米飯，煮野菜羹，燒楮火，大家吃了，唱村田樂。何故？免見倚他門戶，傍他牆，剛被時人喚作郎。」下座歸方丈，至夜深，維那入方丈問訊曰：「縣裏有公人到勾和尙。」智曰：「作甚麼？」曰：「和尙宰牛，不納皮角。」智將帽擲於地上，維那便拾去。智下禪牀，擲臂擒住，叫曰：「賊賊！」維那將帽子覆智頂，曰：「天寒且還和尙。」智哈哈大笑，便出去。健曰：「露地白牛，是初層入處，宰之，是二層出處，納皮角和禦寒，是本層用處。」

第四目 本層（用處）拂子案

僧問靈雲，佛未出世？靈舉拂；又問，已出世？又舉拂。復問雪峯，峯初舉，次放，僧禮拜，雪打之。玄沙曰：「譬如有人賣一片園，四界都已入契，中心有一樹，猶屬我在。」健曰：「僧之欲禮，放拂者，正所謂有一樹也，雪峯故打之。實則靈雲之復舉，正屬本層妙用；雪峯苟放後不打，反落在第二層。不信余言，可看下案。」

雪峯上堂，舉拂曰：「這個爲中下人。」僧問：「上上人來如何？」雪復舉拂，僧曰：「這個原爲中下人。」雪乃打之。健曰：「初舉表一層，苟如前案放下，表二層出也；復舉，表本層用也。」

二舉雖相同，然前者表體，後者表用。中間曾經過一個大死一回，死去活來，乃有妙用。一般狂禪和總以掃蕩一切爲究竟，安能出此妙用耶！

僧問某禪和曰：「古人舉拂，還當宗乘中事也無？」對曰：「不當。」曰：「古人作麼生？」師舉拂子。

僧至，桂琛舉拂問之曰：「會麼？」曰：「謝和尚慈悲示學人。」曰：「見我舉拂，便謝示，汝見山見水，何不謝示？」又一僧至，桂琛亦舉拂，僧乃讚歎，桂曰：「那裏掃地舉掃帚，汝何不讚歎？」

趙州寄拂子於真定帥，曰：「若問何處來，便道老僧平生用不盡底。」健曰：「所以本層名用處，當知用的端底始得；這用字不是我杜撰的，唯是我發現的而已。」

第五目 本層（用處）看經案

惟儼看經次，李翱見之，曰：「見面不如聞名。」惟呼之，李應諾，乃曰：「何得貴耳賤目？」翱拱手謝。因問如何是道？乃指上下，曰：「會麼？」曰：「不會。」曰：「雲在青天水在瓶。」翱有

詩讚之曰：「鍊得身形是鶴形，千株松下兩函經。我來問道無餘說，雲在青天水在瓶。」健曰：「世多以青天爲道，而以雲爲妄念，有遮青天。不知解用的人，正好在天空中興雲作雨，普濟蒼生去也。是個無漏瓶子，焉能不貯水？解用的人，觸處是道，何獨經書不然？要到者步田地，方許看經耳。」

仰山榜門，看經次不得問事。有僧來侍立。仰山捲卻經，問會麼？僧曰：「某甲不看經，爭得會？」仰山曰：「汝以後會在。」僧以告巖頭。巖曰：「我將謂彼故紙裏埋卻，元來猶在。」

臨濟夏半上山，見黃檗在看經。臨濟曰：「我將謂是個人，元來是噉黑豆和尚。」黃打趁令去。臨行數里，疑此事，卻回終夏。健曰：「粗漢欠細緻。」

陳尊宿看金剛經，陳操問曰：「六朝翻譯，此當第幾譯師？」陳尊宿舉起經書曰：「一切有爲法，如夢幻泡影。」又一日，看涅槃經次，僧問看甚麼經？陳舉經書曰：「者個是茶毘品最末後。」健曰：「看經案答案最多，惟尊之對，直截了當。」

歸宗柔問僧看何經？曰：「寶積。」曰：「既是沙門，何看寶積？」僧無對，柔自代曰：「古今用

無極！」

第六目 本層（用處）送書案

石頭希遷代青原送書南嶽讓，未呈書，卽問：「不慕諸聖，不重已靈，時如何？」讓曰：「子問太高生，何不向下問？」遷曰：「寧可永劫受沈淪，不從諸聖求解脫。」懷讓便休，遷回曰：「信也不通，發時蒙和尚許個鋤斧子，便請取。」行思垂一足，遷乃禮拜，旋辭往南嶽。玄沙曰：「大小石頭被讓師推倒，至今起不得。」健曰：「只爲石頭墮在尊貴，但知向上，不能向下用處，所以當時行思批評曰：『未在』而以垂足啟發之，事後又被玄沙批評，然其後噓隱峯，概馬祖，不得謂爲不解用。」

百丈懷海問誰可傳語西堂？五峯曰：「某甲去得。」懷曰：「汝如何傳語？」曰：「待見西堂便道。」曰：「道甚麼？」曰：「卻來說似和尚。」

西堂爲馬祖送書於忠國師，師問汝師甚麼法？西乃從東過西立，曰：「只這個，更別有耶？」西乃過東立，師曰：「這個是馬祖的，仁者作麼生？」曰：「早已呈似和尚了也。」

道熙爲福保送書大王尉，尉曰：「和尚近日還爲人也無？」曰：「若道爲人，卽屈著和尚；若道不爲，又屈著大尉來問。」大尉曰：「道取一句，待鐵牛能嚙草，木馬解含煙。」曰：「某甲惜口吃飯。」大尉良久，又問：「驢來？馬來？」曰：「驢馬不同途。」曰：「爭得到此？」曰：「特謝大尉領話。」

第七目 本層（用處）心案

馬祖曰：「平常心是道，無造作，是非，取捨，斷常，凡聖。」

慧覺問閩王曰：「大王日應千差，是甚麼心？」王曰：「甚麼處得心來？」曰：「豈有無心者？」

王曰：「那邊事作麼生？」曰：「請向那邊問。」王曰：「禪師莫謾人卽得。」

龍牙禪師頌曰：「人情濃厚道情微，道用人情世豈知？空有人情無道用，人情能得幾多時？」

同安破無心曰：「須知本自靈空性，將喻紅爐焰裏蓮；莫謂無心便是道，無心猶隔一重關。」健曰：「無心屬二層，火裏紅蓮屬三層，卽所謂隔一重關。然未證無心者，談不上火裏紅

蓮。所以古人常說要到者步田地始得。若不能在二層無心中大死一回，只憑一點見地，便口談向湯鑊中去，徒是乾慧而已。」

牛頭曰：「恰恰用心時，恰恰無心用；曲談勞名相，直說無煩重。無心恰恰用，常用恰恰無，今說無心處，不與有心殊。」

僧問本來心，靈端答曰：「坐著毗盧頂，出沒太虛中。」健曰：「前句屬二層，出沒屬本層。」

僧問古佛心，省念對曰：「鎮州蘿蔔重三十斤。」

僧問：「如何是道？」居遁曰：「無異人心。若人體得，始是道人。除卻著衣、吃飯，無絲毫異於人心，無誑人心；若道我得、我會，則勿交涉。」

長慶問：「見色卽見心，還見船子麼？」從展曰：「見。」曰：「船子且置，作麼生是心？」從展卻指船子。

僧問古佛心，貞邃對曰：「山河大地。」

僧問一念未生，投子曰：「真箇謾語！」

第八目 本層（用處）身案

僧問投子曰：「如何是火裏藏身？」對曰：「有甚麼掩處？」

普願曰：「王老師賣身，阿誰買？」僧曰：「某甲。」普願曰：「他不作貴價，不作賤價，汝作麼生買？」僧無對。趙州代曰：「明日與和尚縫個布衫。」健別曰：「早晚時價不同，目下一言爲定。」

誌公曰：「每日拈香，不知身是道場。」玄沙曰：「每日拈香，不知真箇道場。」健曰：「畢竟點點沙玄。」

第九目 本層（用處）境案

僧問靈峯境，志恩對曰：「萬疊青山如釘出，兩條綠水若圖成。」僧問境中人，對曰：「明明密密，密密明明。」

第十目 本層（用處）設齋還來否案

僧問：「亡僧遷化何處去？」崇慧答曰：「灤嶽峯高長積翠，舒江明月色光輝。」

僧問景岑，南泉遷化何處去？景答曰：「東家作驢，西家作馬。」僧問：「此意云何？」曰：「要騎卽騎；要下便下。」

全付答曰：「長江無間斷，聚沫任風飄。」問：「還受祭祀也無？」曰：「不無。」曰：「如何？」曰：「漁歌舉櫂，谷裏聞聲。」

楊岐因慈明忌辰，設齋。衆才集，楊於眞前以兩手捏拳安頭上，以坐具畫一畫，打一圓相，便燒香，退身三步，作女人拜，首座曰：「休捏怪。」師曰：「首座作麼生？」首座曰：「和尚休捏怪！」楊曰：「兔子吃牛乳。」

第五章 塔燈四層——了處

上層用處雖然異於凡夫觸處成執之用，畢竟有些不乾淨、不純潔，原因就是隱隱有些功力在中運轉；者裏要你知道半點渣兒也須了卻，古德達到完全了卻的境地固然很少，就是在見地上能通達了處的人也不多，所以者裏也難選上許多公案。上面二層出處與本層了處，容易被入誤作一樣；其實他們相隔一層用處，所以相差很遠。出處才出離所悟境地，出離死水，出離不究竟、不圓滿的光明，出離所謂露地白牛，出離所謂光灑灑、圓灼灼、冷湫湫，那些幾乎等於弄精魂的鬼窟裏的東西。了處的能了、所了，都不是三界的四禪八定中的東西，也不是心意識的東西，實在者中間已無能了、所了；功力不到家的人，說來也不知道，已到家的人，不說也自然明白。我現在勉強來說，都只因爲有些狂禪和太籠統、太顛預，讀者切不可在此妄生執著，以爲有箇甚麼能了、所了了處也。

第一節 本層（了處）開示及公案選

寶誌曰：「欲施功，終不了！」

歸宗、智常與南泉將別，煎茶次，南泉曰：「從前與商量語句，彼此已知，此後人問畢竟事作麼生，如何答對？」歸宗云：「者一片地大好卓庵。」南曰：「卓庵且置，畢竟事作麼生？」智常乃打卻茶鉢便起，南曰：「師兄吃茶了，某未曾吃。」智常曰：「作者個語話，滴水也消不得。」健曰：「不是南泉不能拈出，不是智常不能了卻，歸宗卓庵只在上層用處耳。」

南泉住庵時，一僧到，南囑曰：「我上山去，齋時汝自先喫飯，再送一份來山。」少時，僧自吃了，卻一時打破家事而臥。南久候未來，便歸庵，亦一邊臥，僧乃起去。南泉後爲人道：「我昔住庵時，有一個伶俐僧，直至於今不見。」健曰：「嗚呼！燈錄而外，多少無名英雄，不是南泉具眼，并此無名之名，亦不見錄矣。」

石林向龐居士曰：「某將借問，請勿惜言句。」居士云：「便請舉來。」石林曰：「原來惜言句。」居士曰：「者個問訊不覺落地便宜。」石林掩耳而出，居士云：「作家！作家！」龐公師友皆一時禪門龍象，本層了處公案，多與龐公有關；蓋所謂棋逢對手也。讀者請再看下去，

白日挑燈看下去。

松山請龐公吃茶，龐舉托子曰：「人人盡有分，如何道不得？」松山云：「只爲人人盡有，所以道不得。」曰：「兄何以道得？」松曰：「不可無言也。」龐曰：「灼然。」松便飲茶，龐云：「何不揖客？」松云：「誰。」曰：「龐公。」松云：「何須更揖？」丹霞聞之曰：「若不是松山，被老翁作亂一上。」龐曰：「何不會取未舉起托子時？」健曰：「本案看到『不可無言也』則屬三層用處，所以在該章中已選取；此後『何須更揖』及『未舉托前』則屬本層矣。」當知未舉托前，法爾本了，既飲茶後，亦復本了也。」

浮盃與凌行婆茶次，婆問：「盡力道不得的句，還吩咐阿誰？」浮曰：「浮盃無剩語。」行婆曰：「某甲不恁麼道。」浮盃反問，行婆歛手哭云：「蒼天中間更添愁苦。」浮盃無語。婆曰：「語不知偏正，理不識倒邪，爲人卽禍生也。」南泉聞之曰：「浮盃爲老婆摧折。」婆笑曰：「王老師猶少機關在。」澄一問何故？婆乃哭曰：「可悲！可痛！」問澄一會麼？澄合掌而退，婆云：「伎死禪和，如麻似粟。」澄一舉似趙州，趙曰：「我若見者臭老婆，問教啞口。」澄一

問如何？趙州打澄曰：「者伎死漢不打待何時？」婆聞曰：「趙州似合吃婆手棒。」趙州聞之，亦哭曰：「可悲！可痛！」婆聞，歎曰：「趙州眼放光明，照破四天下也。」趙州遣人問婆：「如何是趙州眼？」婆乃豎拳，趙州聞之，乃頌曰：「當機直面提，直面當機疾；報汝凌行婆，哭聲何得失？」婆答以頌曰：「哭聲師已曉，已曉復誰知？當時摩竭國，幾喪目前機。」健曰：「此案中人皆禪門老宿，然除婆外，每易忘失第四層早已了卻的風度，稍涉轉折，便被婆喝斥；婆自己因此亦不免走作，如云：『趙州合吃婆手棒。』故亦被趙州痛哭，然無論趙州或行婆，彼此在者個了卻中間，亦別無法爲人，故只有悲痛，只爲者早已了卻的。只有行功到家的，人才知。然在地獄中人，對此也不少分毫，時間不離分秒，空間不離分寸，又疾又直。其實兩頌中早已說時遲，那時快，原用不著的；所以說是盡力道不得的，還吩咐阿誰？當時浮盃掩耳而出，則少卻者一番又長又臭的拖下這個公案來。」

僧問香嚴曰：「正因如何是無事？」香曰：「我不停留。」又云：「重重剝得淨盡無停留，權時方便，亦是爲人，若那邊事，無有是處。」健曰：「看他重重剝得淨盡無停留，可知要層層

了得乾淨始得。」

僧問婆子：「台山路何處去？」婆子曰：「驀直去。」僧便去，婆曰：「又怎麼去也。」其僧舉似趙州，趙州亦去問：「台山路何處去？」答如前。趙州歸院，謂僧曰：「我爲汝勘破者婆子了也。」

僧問趙州曰：「空劫中還有人修行也無？」趙州曰：「汝喚甚麼作空劫？」僧曰：「無一物。」趙州曰：「者只稱得是修行，甚麼是空劫？」僧無對。

僧問志勤曰：「如何是真常流注？」曰：「如鏡長明。」曰：「向上更有事否？」曰：「打破鏡來相見。」

黃檗與義玄同赴普請，義未帶鑊，黃問鑊頭在那裏？義曰：「有人將去了。」黃曰：「近前來與汝商量。」乃以鑊鑊地曰：「我者個天下人拈綴不起。」義乃就手掣起，曰：「爲甚麼卻在某甲手裏？」黃曰：「今日有人普請，我更用不著去了。」乃歸院。仰山云：「賊是小人，智過君子。」健曰：「義玄奪得用處，失卻了處。」

僧問陳尊宿曰：「觸途無滯何如？」陳曰：「我不恁麼道。」僧曰：「師作麼生道？」曰：「箭過西天十萬里，卻向大唐國裏等候。」健曰：「是個離功力漢，說個能觸所滯，已屬兩邊，更有何途程行處？」他古今隨時自了，中外隨處自了。」

陳尊宿以柑待長老，并問曰：「時中將何示徒？」長老云：「呈似柑已了。」

杉洋庵主被僧問曰：「見個甚麼道理，便住此庵？」庵主曰：「也欲通個消息，又恐被人檢點。」僧曰：「又爭免得？」庵主喝之，僧曰：「恰是。」庵主打之，僧大笑而出。庵主曰：「今日大敗！大敗！」健曰：「大抵見地初到四層田地，證量未及到家，對於對方工夫深淺，不能預知，所以多著一打。本來那僧所答其喝曰：『恰是。』已經不留在三層之『又爭免得』上，不必再打；那時反身歸庵內便是。多此一打，故被僧笑，庵主聞其笑，始知彼也自知了處，故自認爲大敗大敗。」

興化示衆曰：「若是作家，便單刀直入。」旻德禮後便喝，興化亦喝，旻德再喝，興化亦再喝。旻乃禮歸，謂衆曰：「今夜較卻興化二十棒，然雖如此，賴遇他一喝，不作一喝用。」健曰：「

興化初喝，喝破旻德之所喝；其再喝，則喝破旻德之能喝。此時旻德在證量上，必有能喝喪失之相，與前喝所得完全不同，故自作禮而讚之曰：『一喝不作一喝用』。此案爲一切喝案之了案。」

眞應爲慧忠侍者，慧在法堂眞入，慧放下一足，眞乃出；良久卻回。慧曰：「適來意作麼生？」眞曰：「向阿誰說即得？」慧曰：「我問你。」眞曰：「甚麼處見某甲？」慧曰：「百年後有人問極則事如何？」眞曰：「幸自可憐生，須要覓個護身符作麼？」健曰：「好箇護身符，也當了卻。」

眞應攜籃，內有青梅。慧曰：「將何用？」眞曰：「供養國師。」曰：「我不供養。」曰：「爲甚麼不？」慧曰：「我無果子。」健曰：「了卻能，自然了卻所。」

道吾介京口善會禮船子於江干。船子曰：「住何寺？」曰：「寺卽不住，住卽不似。」曰：「不似個甚麼？」曰：「目前無相似的。」曰：「何處學得來？」曰：「非耳目之所到。」船子曰：「一句合頭話，萬劫繫驢橛，垂絲千尺，意在深潭，離鈎三寸，速道！速道！」善擬開口，船子撞入

水中，因大悟。船子棄舟，入水而逝，曰：「莫謂別有。」健曰：「古今以身爲徒，示法斷疑，莫過此人。讀者且參善會，悟個甚麼？」

仰山問善會曰：「畢竟如何的當可信可依？」善會以手撥空三下，曰：「無恁麼事，無恁麼事。」

僧問投子末後一句，投曰：「最初明不得。」

僧問良价：「如何是鳥道？」良曰：「不逢一人。」曰：「如何行？」曰：「直須足下無絲。」曰：「莫是本來面目？」曰：「認奴作郎。」曰：「如何是本來面目？」曰：「不行鳥道。」

雪峯作飯頭於德山。一日飯遲，德山擎鉢下法堂，雪峯正曬飯巾，見曰：「鐘未鳴，鼓未打，和尚向甚麼處去？」德山卻歸方丈。巖頭拊掌曰：「大小德山，猶會末後句。」德山乃請教。異日上法堂，話異尋常。巖頭曰：「雖已會得，卻止三年。」三年後果化。讀者試參，若是巖頭，該如何答覆雪峯？健代介，拋卻鉢。

雪峯、文邃、巖頭同坐，文指水碗曰：「水清月現。」雪曰：「水清月不現。」巖踢卻水碗。雪二

層，文初層，巖四層。

文遽與巖頭，雪峯入茶店，文曰：「不會轉身通氣者，不得吃茶。」巖曰：「若恁麼，我定不得吃也。」雪曰：「某甲亦然。」文曰：「兩老漢皆不識語在。」巖曰：「甚麼處去也？」文曰：「布袋老鴉，雖活如死。」巖曰：「退後著，退後著。」文因問雪作麼生，雪以手畫圓相，文曰：「不得不問。」巖頭笑曰：「太遠生。」健曰：「巖頭所云我定不得吃茶，在文遽認爲是未了二層出處，不知巖頭早已由通身轉氣三層，而了卻其功用達到四層，文遽既聞『退後著』始知巖頭所謂『定不得吃』之宗旨。若雪峯也跟著說『某甲亦然』，然此所謂亦然，正是死在初層，未得出也；故經文復問，則答以圓相，此圓相卽墮在文所謂布袋裏，所以文認爲不得不問也。初層之當出，與三層之當了，深淺如天淵之別，此案甚明顯。」

師彥問其師巖頭曰：「如何是本常理？」曰：「動也。」曰：「動時如何？」曰：「不是本常理。」師彥沈思，巖曰：「肯卽未脫根塵，不肯則永沈生死。」師彥大徹。健曰：「肯則認爲動時非常理，則於根塵上不得了脫；不肯則以爲動時也同時實有一常理，於此常理上不得了。」

脫，則永沈生死。巖頭所謂動者，謂在此常理中起用也；所謂不是本常理者，謂此用上不守眞常之功用，而自然了卻此本常理也。此案雖屬示弟子之正見。而在巖頭本人，是已在行了卻工夫者，故有此徹底之開示，統觀以上巖頭數案，始知巖頭工夫之所在也。」

僧問證禪師曰：「如何是聲色中混融一句？」證答曰：「不辨消不得。」健曰：「此意蓋在三層。」僧又問：「如何是聲色外別行一句？」證答曰：「難逢不可得。」健曰：「此意即屬本層了卻，故不可得也。若是無前面三層所答，則此句本層不必屬四層，亦可誤作二層出處也。所以了處者，了卻三層之功用也，未經過三層工夫，談不上四層。」

惟儼問雲巖作麼？曰：「擔糞。」惟曰：「誰底？」雲曰：「在。」曰：「來去爲誰？」曰：「替他東西。」曰：「何不教并行？」曰：「莫謗他。」惟曰：「不合恁麼道？」曰：「如何？」曰：「還會擔否？」健曰：「此案『何不教并行』是指歸三層作用；所答『莫謗他』卻落在二層出處，惟儼最後修正曰：『還會擔否？』則從并行用處上，再行了卻，乃屬四層。」

第二節 同案別層選

第一目 本層（了處）西來意案——缺

第二目 本層（了處）家風案

僧問道吾家風，道下牀，作女人拜，曰：「謝子遠來，都無祇對。」

僧問鵝湖家風，對曰：「客是主人相。」僧曰：「謝師周旋。」對曰：「難下陳蕃之榻。」

第三目 本層（了處）牧牛案——缺

第四目 本層（了處）拂子案

石林豎拂子問龐居士，曰：「不落丹霞機，試道一句。」居士奪卻拂子，卻自豎拳。石林曰：「正是丹霞機。」居士云：「與我不落看。」石云：「丹霞啞，龐翁聾。」居士云：「恰是也，恰是也。」石林無語，居士云：「向道偶然恁麼？」石林仍舊無語。健曰：「此等無語非屬前三層事，早已從前三層經過了，此等無語，正是了處。」龐居士所云偶然，雖也已知此等偶然之無

語，恐非了處之常然。畢竟石林仍然無語，則不是偶然也，蓋已自然了卻矣。」

第五目 本層（了處）看經案——缺

第六目 本層（了處）送書案——缺

第七目 本層（了處）心案

普光見僧到，以手開胸云：「還委老僧事麼？」僧云：「還有者個在？」普乃掩胸云：「不妨太顯。」僧云：「有甚麼避處？」普云：「的是無避處。」僧云：「卽今作麼生？」普乃打本層了處心案，卽取此最後之一打，前此問答，皆在前三層也；此又爲本書各打案之了案。龍牙頌曰：「夫人學道莫貪求，萬事無心道合頭，無心始體無心道，體得無心道亦休。」健曰：「此中第二句無心屬第二層心案，第四句道亦休，則屬本層了卻此無心之道也。」

第八目 本層（了處）身案

則川摘茶次，龐居士問：「法界不容身，還見我否？」則曰：「不是老師，誰答公話？」龐曰：「有問有答，蓋是尋常。」仍摘茶不聽，龐曰：「莫怪昔來容易借問。」則川亦不顧，龐乃喝曰：

「者無禮漢，待我一一舉向明眼人在。」則川乃拋卻茶籃子，便入方丈。健曰：「前半有問有答，屬第三層，其後不答不顧，卻不離者，摘茶事功，亦不能令龐公了知彼之不答不顧爲已了却，爲未了却，最後拋卻茶籃，則已明明昭示了處。龐公雖敏銳，無可奈何矣；者不容身的法界，也當如此了卻也。」

第九目 本層（了處）境案

雪峯問皎然曰：「光境俱亡，復是何物？」皎然曰：「放某甲過有商量。」曰：「放汝過有甚麼商量？」皎然曰：「某也放和尚過。」健曰：「若某在座，才聞何物，便好與雪峯三十棒。」上節所選證禪師聲色外別行一句案，可作本層境案看。

第十目 本層（了處）設齋還來否案

僧問雲巖，供養佛還吃否？答：「有幾般飯食，一時下來。」雲復轉問曰：「下來後如何？」僧曰：「合取鉢盂。」雲肯之。雲所答在三層，僧所答正屬本層；但曰：「合取鉢盂。」不曰：「飯後經行。」可以知三四兩層不同處。

第六章 同案別層之總結

西來意案、指示對祖師禪之認識也、家風案、指示祖師之教導風範也、拂子案、指示直接教導方式也、牧牛案、指示行者自修之要旨也、看經案、指示對聖教量之印證與觀感也、送書案、指示行者日用尋常之風度也、身心兩案、指示內證德相之受用也、境案、指示對環境之透關與契合也、遷化案、指示了生脫死之究竟也；此十案能包括千七百則一切公案之精華，周遍圓滿。於此能參透，他案無有不能觸類旁通者。知西來意案，則知佛法大意案；知牧牛案，則知十二時中如何保任案；知身心兩案，則知如何是自己案、描真案、不見去處案、三喚侍者案；知境案，則知無縫塔案；知遷化案，則知設齋案。所難者，便是何以歷代祖師所答多不相同，如何了知其深淺，則有對比觀摩之必要。上來各章，以入、出、用了四層，把同案異答分別介紹了，茲爲讀者比較觀摩，便於檢查頁數，故特列表如次：

各章同案別層選各案所在頁數檢查表

案頁層		了層	用層	出層	入層
西來意案	缺	一〇七頁	七五頁	四四頁	
家風案	一三〇頁	一〇九頁	七七頁	四五頁	
牧牛案	缺	一二〇頁	七七頁	四六頁	
拂子案	一三〇頁	一二二頁	七八頁	四七頁	
看經案	缺	一二三頁	七九頁	四七頁	
送書案	缺	一二五頁	七九頁	四八頁	
心案	一三二頁	一二六頁	七九頁	四八頁	
身案	一三二頁	一二八頁	八〇頁	五〇頁	
境案	一三二頁	一二八頁	八一頁	五一頁	
設齋案	一三二頁	一二八頁	八二頁	五一頁	

第七章 一案多層選

者個大事，原來無事；分個層次，只爲汝狂妄性成，囫圇吞棗，落在顛頂籠統裏。實在者無縫塔，縫且沒有，那來的層次？然而古人道言語道斷，道不斷，無層次中卻不失層次；所以由第二章至第五章，說的是無層次中有層次；現在本章卻還要歸到有層次中無層次，所以往往有些公案，一案道盡四層，說層次歷歷亦得，說全無層次亦得。

僧問超悟曰：「魚未透龍門如何？」超對曰：「養性深潭。」此屬初層入處。又問：「透出如何？」對曰：「纔昇霄漢，衆類難追。」此屬二層出處。又問：「昇後如何？」對曰：「慈雲普覆，潤及大千。」此屬三層用處。又問：「還有不受潤者否？」對曰：「直杌撐太陽。」此處四層了處。要在一眼看透四層，那許歷多階次。

僧問元安西來意，元曰：「颯颯當軒竹，經霜不自寒。」再問，又續之曰：「只聞風擊響，不知幾千竿。」此首詩中，依次爲四層。當軒入層也，不自寒，出層也，擊響成趣，用層也，不識了層

也，都是說西來意，卻有深淺四層。

本師文佛付法於迦葉，頌曰：「法本法無法」入也，「無法法亦法」出也，「今付無法時」用也，「法法何曾法」了也。

南泉與麻谷歸宗去禮南陽國師，南泉於路上畫一圓相，曰：「道得即去。」歸宗坐其圓相中，此屬初層入處；麻谷作女人拜，是三層用處；南泉曰：「如此即不去也。」是二層出處，歸宗曰：「是甚麼心行？」南泉乃喚回不去，是四層了處。

凌行婆痛哭一案，也含多層，詳見第五章中。具了層見地的人很少，除趙州外，幾都在凌婆痛哭中。婆所問：「盡力道不得的吩咐阿誰？」他是直問了層，浮盃答的所謂無剩話，意在二層出處，所以婆反挑之曰：「某甲不恁麼道。」當時浮盃墮在他殼中，乃加反問，如果直接了卻，掩耳而出，何須再問？婆見他再問，所以知道他只知出處，不知了處，所以婆乃哭曰：「蒼天中間更添愁苦。」南泉聞之，便道浮盃被老婆摧折。婆乃曰：「王老師猶少機關在。」蓋譏彼雖知浮盃墮在二層，卻不能撥出他到三四層，所以說他猶少機關在。澄一問伊

如何南泉猶少機關？婆子乃哭曰：「可悲可痛！」者便是婆子的機關，哭他死在二層中，婆子再問澄一會否？澄一合掌而退，明明是不會，所以婆乃直斥曰：「伎死禪和，如麻似粟。」不但澄一而已，澄一舉似趙州，趙州曰：「我若見者臭老婆，問教啞口。」澄一問如何問？趙州打之曰：「者伎死漢，不打待何時？」者便是趙州的機關，便是三層用處，凌行婆還有一層了處，惟恐趙州不知，所以聞此，便曰：「趙州合吃我手棒。」趙州聞之，亦哭曰：「可悲可痛！」蓋趙州早已知道四層了處，凌行婆之棒仍是三層中物，所以也有痛哭之必要，哭其不能了卻此三層功用也。然而凌行婆早已知個了處，所以最後讚歎趙州曰：「趙州眼放光明，照破四天下也。」者所謂四天下者，無異說明本塔燈四層天下皆已照破了也。」趙州遣人問如何是趙州眼？婆乃豎拳，趙州聞之，乃頌曰：「當機直面提，直面當機疾，報汝凌行婆，哭聲何得失。」者明明說透四層了處。婆答頌曰：「哭聲君已曉，已曉復誰知？當時摩竭國，幾喪目前機。」者句幾乎連迦葉微笑一著，都已在可悲可痛中了。然而法緣多顯在用層中，若是直接了卻，禪門者一大路因緣都不會生起，對禪門本體雖是無傷，對付法因

緣上，卻有不得已者在。所以四層都在一層，一層不妨出四層，然而最後必歸到第四層，才是祖師禪正宗也。

仰山問：「者個月尖時，圓相甚麼處去？圓時，尖相甚麼處去？」長髭曠對曰：「尖時圓相隱，圓時尖相在。」健曰：「此答只在初層入處。」雲巖曰：「尖時圓相在，圓時無尖相。」健曰：「此答亦不出初層。」道吾曰：「尖時亦不尖，圓時亦不圓。」健曰：「此答在二層出處。」健別曰：「尖時尖中圓，圓時圓中尖，畢竟尖圓隱，無見亦無天。」前二句屬三層用處，後二句屬四層了處。

普化嘗云：「明頭來也打，暗頭來也打，四方八面來，旋風打，虛空來，連架打！」人問：「總不來，如何打？」普曰：「來日大悲院裏有齋。」健曰：「明暗之打，初層入；四方打三層用；虛空之打，粗打二層出，細打四層了也；大悲院裏有齋，仍屬三層用。」

還有一點當知，一案固可多層，而每層亦可各具餘三層；例如入層具有入層之出，之用，之了；出層具有出層之入，之用，之了；用層，了層，亦復如是，各層彼此相連環，前後相通攝，此中

未暇細拈，讀者自行參究可也。

禪
海
塔
燈

一
三
九

第八章 禪病

在一般僮侗漢看來，所謂一得永得，又所謂一悟百了，談不上禪病。在真參實悟的大宗匠看來，卻有不少的化城當推倒，不少的造作要消滅，不少的細執要掃清。讀者試看下列各節，各家所指禪病，及與本人所分四層之關係，便知悟後修持，各種問題還多多，不肯自欺的人，決不能輕輕放過他。

第一節 瑯琊五病

瑯琊五病：第一、不得張弓架箭，此屬入層粗病；第二、不得萬里無寸草去；第三、不得孤峯獨宿，此二指明必出此入層，屬一層之細微根本病；第四、不得物外安身；第五、不得滯於生殺，此二指明出已必用之理，屬二層出處之病，救治此病，則得妙用自在。

第二節 曹山四禁

曹山四禁：第一、莫行心處路，是指示入層須離心意識，而得箇入處；第二、不挂本來衣，是指示出層須離於入層本來清淨之執著；第三、何須正恁麼，明明指點出去，不可死住正恁麼中；第四、切忌未生時，則指示用層之機，卽在生時得用，不可專守未生時；未生不守，生時得用，便是大用。

第三節 曹山三墮

曹山三墮：第一、不斷聲色是隨墮，此屬初層入處；第二、作得一頭水牯牛去是類墮，此屬指明必出此入處之理；第三、不受食是尊貴墮，此屬指明出已必解用，解用卽是受食也。

第四節 雲門四病

雲門四病：第一、一切處不明面前有物，此是未入以前之通病；第二、透得一切法空，隱隱似有個物；第三、得到法身，已見猶存，坐在法身邊，此二病卽指入層之根本病，故有出去之必要；第四、直饒透得法身去放過，卽不可仔細檢點將來有甚麼氣息；此病言用處不任運，功

用未了卻，兼指三層、四層之微細病，而其總病，則爲光不透脫。

第五節 御選語錄所載某禪師三病

第一、惺惺地有個大圓光相似，或收或放，以爲操縱由己；第二、呆呆地無聲無臭，或隨或奪，以爲事到則應，事過不留；第三、見紅是紅，見黑是黑，胸中隱隱地似有物在。如上三病，在三關言，是未破重關邊事，在本書四層言，總是未得出處邊事。

關於如何得免如上各病去，可讀最後第十章平實商量便知，此中未及。

第九章 禪功證量

自來禪家作風，尚不講果位，何況講證量？者在直接離言絕照，澄澄絕點工夫中，正是一個重要戒條。在修道上，如果有心念及神通，便該吃棒。公案中有徑山婆子邀三禪和入室飲茶，盤內呈茶三杯，未遞先問曰：「有神通即吃。」三僧無對，蓋已被神通二字迷惑了，婆乃將盞傾茶而出。當時若是健民在座，先且飲了，當大門小便已，便行，管教消受了也。於今健民卻題出禪功證量來談，不也當被大方家詞斥嗎？記得隱峯因飛騰天空，調和兩方戰事，以爲顯露神通，有辱禪門宗風，即便涅槃；寧可以身教人平實，不可以神通衒人眼目，何等肅穆可敬！我者裏安敢敗我祖風，卻饒脣舌？又彼倒立而化，衣皆順體，無人推得他倒，獨是他姊姊訶斥在理，責他神通惑衆，便一推而倒；卻不是他姊姊氣力過人，只爲他罵中他要害，擊中他肯綮，見地與祖風暗合，所以能如此推倒他；於今我卻要大爲表彰，豈不違背祖意，敗壞門風？但是那些公案在當時是很對的，在如今末法，卻又有變化必要。末世禪門敗

類，學熟了一些油腔滑調，以爲搬柴挑水，無非神通，便以此爲躲閃他無有真參實悟的工具。於今要提倡真參實悟，首當表彰祖宗德相，揭穿狂和假面具，則有說明禪功證量之必要。所以讀者當知在主觀禪功上，不應該建立求神通，論果位等希冀或思念；但在客觀認識上，也當知道有這麼一回事。古人云：「要到者田地始得。」究竟所謂田地，除卻正功，他自心通達而外，者附帶出生的證量神通，也不妨說說。

第一節 就公案中語句言所現證量

公案中常見有所謂露地白牛，光灼灼，赤灑灑，淨裸裸，銀碗盛雪等，者明明是指入處的明空境相。所謂打光眼瞌睡，者明明是初修者定上的無念境相。東壁打西壁，橋流水不流，者是趨於用處的境界；我本人都會經過，敢爲讀者擔保，不是口頭禪理，不可當作語句看，或作機鋒看，或作話頭看，要切實證得，自然現量現前。記得有一次我在四川，遇著一位禪和，我問他何謂東壁打西壁？他說：「等你南壁打北壁時，才告訴你。」他者個答案，當然是從

上禪家慣技；然而我不相信他是已經經過的人，只一笑付之。假若有人問我，我如果不知他虛實，我自己首先要內存慚愧，其次要告訴他，說食數寶沒有相干，生死要自了始得，者是祖師的證量，不干你事，較之其他油腔滑調，顛預一時，不更好嗎？

第二節 就傳承中懸記及師資關係言所現證量

懸記中如路行跨水復逢樑，獨自悽悽暗渡江，日下可憐雙象馬，二株嫩桂久昌昌。又如一花開五葉；又如頭上養親，口裏須餐，遇滿之難，楊柳爲官；又如南嶽山下一馬駒踏殺天下人者，已是膾炙人口的。其餘如巖頭懸記，臨濟還有三年壽命；藥預言天下大事，至今流傳。至若師資關係中，臨濟三被黃打不悟，因上座之請，卻指令大愚處去，便言下大悟。苟黃不能觀其因緣所在，縱打十次百次，終不悟也。楚南參芙蓉，芙蓉一見便知，曰：「吾非汝師。」汝師黃檗。慧日欲師靈觀，靈觀曰：「我非汝師，汝師大安。」大安一見，便令往涅槃堂去；當時堂內有五百僧，皆染時疾，慧日一一以杖點之而癒，苟無神通證量，何克奏效？丹霞見馬

祖以手托幞頭額，馬顧視良久曰：「南嶽石頭是汝師。」道吾介紹善會於船子，乃大徹悟，船子入水而逝以保證之，此豈尋常人所能做得到？於今好爲人師者甚多，能觀機者卻少，可悲可痛！

第三節 就脫死象徵言所現證量

西天祖師不消說，涅槃前踊身虛空十八變，火光三昧，舍利無數等，自是家常便飯，數見不鮮。東土達摩隻履西歸，宋雲親見之，驗之於棺，別存隻履無異；其後二祖白血冲天，三祖立化於樹下，四祖坐化，明年面貌如生；六祖真身猶存，隱峯倒立而化，衣皆順體，無人能推倒他；神讚打鐘集衆，而以無聲三昧當衆示寂；普化飛昇，空中猶聞鐸聲；景通遍辭檀施，於積柴上，自秉燭發火，戴笠畫圓相，持杖作降魔勢，立化於火中；志閑行六七步，撒手正前而逝；丹霞戴笠策杖，納履垂一足，未及地而化；良价已逝，衆哭，復留八日，辦愚癡齋；巖頭大吼一聲而逝；遇安沐浴入棺，三日門人開棺，復起，責之，再入長往。善哉！諸祖之逝也，故佛號善逝。

元明而後，能如此脫死者很少。其主要原因，便是出離心不深切堅持。至於今日，狂和甚多，實悟更少，所以有提倡出離，標榜證量之必要。下章平實商量，當再痛切言之。余書至此，忽然地震，全屋上踊數次；意者地神歡喜踊躍之相歟！王老師若在，必向地神前再下一分飯，若余，則惜乎久已不復夢見王老師矣！

第十章 平實商量

初學禪宗，許多問題梗塞在心，看他許多大居士如龐蘊，如甘贄等，偌大智慧，在家修行，用不著住山閉關。然而有許多大禪匠，如普願三十年不出池陽，大同三十年不下投子山，利蹤四十五年不下子湖，慧忠四十餘年不出黨子谷，到底我如今應該出離，不應該出離呢？有的說要斷除一切善事，專心習定；有的說不要習定；有的說要大死一回；有的說不要坐在死水裏，我如今應該何所適從呢？

有的說要除妄想，有的說不要除；有的說，連達摩心如牆壁，六祖「不思善，不思惡」都是不對的，如今我應該取何態度呢？

同一公案，者個禪師者麼答對，那個禪師那麼答對，若都對嗎，如何又不同呢？若都不對嗎，如何又被著書者選錄了呢？若有對，有不對嗎，到底那個對，那個不對呢？

有的說只貴汝見地，不貴汝行履；有的說要足跟落地始得究竟。如何是真見地？如何是真

落地呢？

有的說不要個敲門瓦子，五家以前，並沒有甚麼話頭參；有的說小疑小悟，大疑大悟，不疑不悟，要參話頭，起疑情始得。我如今應該不應該參話頭呢？

假令一定要參話頭，有的說參「萬法歸一，一歸何處？」有的說參「父母未生我以前我是誰？」有的說我是中陰身，似乎也有道理，那末又有甚麼疑情呢？有的說參「念佛是誰？」有的說「佛之一字我不喜聞」，又如何去參呢？有的說只參個「無」字，究竟何所適從呢？古人又教人要得箇入處，究竟如何便算入了呢？又說要從此出去，從那裏出，到那裏去呢？如何出去法呢？又說要有大機大用，如何才算是大機大用呢？又常見古德答覆畢竟事如何的，往往打破者樣，打破那樣，到底他們弄些甚麼頑意呢？有的說要湯鑊中行，如何行法？有了甚麼工夫才能行去呢？

如上諸問題，寫在我筆下，梗在初修人心中，所以古德於棒喝啐啄之外，別出一個平實商量。一如淨宗所謂「老實念佛」，我們要如何「老實參禪去」？我現在不嫌拖泥帶水，攪

樗窩來；明知王婆婆的裹足帶，又長又臭，不免貽笑大方，爲利初修，也不得已也。

首先要下決心出離，不出離便是狂妄的根源。他口談高調，喝斥小乘，提倡火裏紅蓮，湯鑊中行，其實一點證量沒有，所談都是敷衍他不出離的假面具。吾人試反躬自問，究竟是何等根器？比較王老師如何？他尙且三十年不出池陽。上來第一章賸話中，所舉古人出離陳例，大都是唐代有大智慧有大成就的大禪匠，他們尙且如此出離，吾人智慧能比他毫髮許否？龐居士家產棄於衡河，惟依篋工養活家人，男不婚，女不嫁，個個都能說無生話，我們的家庭是否如此？假定真是如此，許你雖在家庭，也等於出離；何以故？朝夕琢磨砥礪，無非者個大事。甘贄行者妻女，亦復如是。雖在家庭，不爲俗事所礙。者種出離，更爲徹底出離。并非要汝離開世間，是要你能得個環境，用畢生精力，去參究此唯一大事，不要爲俗事分心，去間缺者個大事。如果汝在家庭，能與汝妻兒子女，日常互勉，你的家庭，便是個禪門的法堂，那末已算是出離了。如果不能照他們榜樣，柴、米、油、鹽上不能識得，鼠牙雀角上不能透過，河東獅吼，柱杖落手，王氏關門，吾知其意，石榴裙下活埋去。兒女債中牛馬去，衣架飯桶

混將去，行尸走肉忙下去，大不值得！大須猛省！

汝既不出離，那末汝究竟眷戀個甚麼呢？若是世間名纏利縛，擺脫不開，那末有甚麼參究分呢？汝對於輪回之苦，無常之速，人身之難得，佛法之難聞，一定還沒有看清楚。或被順境埋沒，天天在人家捧牛拍馬地八風中，笑哈哈的混過去，毫無一點警策的意樂，那末禪宗門下你決無分在。要知道者個順境，便是你的妖魔；如同牽牛赴宰，你以為帶你吃草去，不到刀上頸喉，還不知道。何不可憐自己。汝二、三十歲以前，大好光陰在八風中飄來飄去，如此混過了。人命在呼吸間，在陽世上天，你還有幾可以徘徊猶豫呢？末世死緣更多，隨時大戰可以爆發，原子彈、氫氣彈，連你那愛惜須臾不能離的妻兒子女，連你那愛惜絲毫不肯捨的財產田宅，連你那親愛寸步不能離的親戚朋友，連你那愛護頃刻不離的社會事業，不難頃刻完全消滅，剩下你者個帶著重罪的中陰身，孤自飄零在那中陰境界裏，飽嘗風雨雷霆的恐嚇，峭壁巉巖的危險，鬼王藥叉的追逐，大是難受！

直至得個墮落處，閻王問你何不生前出離參禪學佛？你還可把嬌妻年輕，兒女尚幼，父母

在堂，家產無多等等俗事相抵賴嗎？你若說我雖未出離，然也曾皈依佛門，該可饒恕。閻王便說你不是曾說要把釋迦老子打倒給狗子吃嗎？你又如何答對呢？經審判後，閻王把你丟下油鍋，見你受苦叫喊，再問你平生狂妄提倡湯鑊中行，如今大好拿出你的工夫來，你又如何答對呢？又或把你丟在兩山中間，夾逼欲死，閻王見你叫喊不休，再問你東壁打西壁的本領，如何不拿出來，你又如何答對呢？又或將你丟在寒冰地獄中，上下四方白生生地，閻王見你叫喊不休，再問你何不把銀碗盛雪的本領拿出來，你又如何答對呢？那時你丟在陽世上的妻子已經改嫁了，兒女也就各愛其對象了，田園也不是屬你的了，平日吹噓你的人都在罵你了，縱然有一二親戚朋友替你燒一棟靈屋，你能住下去嗎？替你燒些紙錢，你能用下去嗎？平生最痛快的順境積下的罪業，如今便是你最痛苦的因素結下的惡果，後悔已不及了，所以如今勸你及早出離，你還願麼？

從上祖師老婆心切，爲我們說了許多警策的話，固不待言。卽今我這藐乎小子，十年、二十年爲你閉關，巖處穴居也是爲汝，木食澗飲也是爲汝，拈香燃燈也是爲汝，頂禮啟白也是

爲汝傷心痛哭也是爲汝。至今猶在印度關房中，爲汝流了不少的淚。如今寫上者不得已一長篇，與汝作得箇善緣而已。請人哭父，終非孝子，汝須自憐自愛始得。汝若說出離也要個時節因緣，等我三年五載，料理家事，再行出離可也。請問你自己有何把握再活三年？閻王可準你請三年五載的假期否？切莫再行寬假自己，蹉跎歲月。古人云：「卽今休去便休去，欲覓了時無了時！」我者裏也向汝作最後忠告：

「下決心便是時節」

念無常不待因緣」

汝還願意頓然休下去麼？舉世都從忙裏老，誰人肯向死前休！好話祖師都說盡，吾今爲汝淚雙流！

若是確實出離了，心地必純潔，神經必清醒，時間必充裕，向道必懇切。有著者些德相，基礎就可穩固，魔難就可免除；然後可以訪道求師。在者時，一切善事仍不可廢，不過一一要回向者個開悟的大事。既是出離了的人，也不再回向到妻財子祿上去了，非得箇入處，善事

不可放鬆。既入之後，不要怕坐在死水裏；一切善事在此時暫可不作，一直到能得箇用處，再行恢復善事，所謂者邊悟了那邊修。至若看公案，在未開悟以前，未遇明師以前，也不妨參究。最低限度要能相信有教外別傳，有無情說法；知道教外別傳，才認識祖師身教之恩，勝於諸佛言教之恩，能挨打能受喝去。知道無情說法，才認識處處有個瞋著撞著，忽然大悟之機會，看前面各層悟道實例便知。又要知道古人句不停意，意不停玄，用不停機的作風，那末，看公案不爲公案所迷，悟話頭不爲話頭所障。至若那一個話頭好參呢？這無有一定的格式，要在你本人自己覺得那一個話頭，對你易生疑情。話頭不是求答案，而是生疑情，重在者疑情的上頭，展開者話頭。專注者疑情，二六時中，四威儀內，通身成一個疑情，晝夜成一片疑情，不雜其他外念；明頭來明頭打，暗頭來暗頭打，四方八面妄想來，四方八面打，虛空來連架打，總不來，一直疑下去，忽然一驚一撲，自有露地白牛現前，切不可預先求他。汝但心心如喪考妣，念念如救頭然，一日不悟，一日不休；但問耕耘，不問收穫，具足長遠心，自然水到渠成。

至若究竟如何便算是入了呢？者是古人不肯說的我者裏爲汝傾瓶瀉出。古人不肯說的道理應該先知道，此事自己真碰著自然知道，預先說的，只有箇相似情況反害得你胡思亂想。於今替你說，又是甚麼道理呢？因爲末世印證明師很少，狂妄禪人太多。此事雖不可預先說破，然有事後認可之必要；若遇著狂妄禪人，替你胡亂印證。你少許得點知見，便也跟著大爲狂妄，那就爲害終身，所以與其全然不說，不如說個相似的好。末世初修行人多懈怠無堅毅，如果無有印證條件，便易灰退，或得少爲足；所以我者裏不怕違背祖風，貽笑大方，替你說個相似的條件；指雖非月，然因指識月，與汝已經真正悟入的人，也不相妨害。第一、明相——比較以前未入時所見山河大地，一切事物，如同戴了一副水晶眼鏡，非常清淨，非常潔白。古人所謂露地白牛，就是者個；所謂淨裸裸，赤灑灑，光灼灼，也就是者個；所謂銀盤盛雪，也就是者個。普通修行人也未嘗無光明現前，或者眼角一閃，或者只見一片，或者只見一室，或者只在一時；者個明相是觸處皆明，隨時皆明，較日後只有厚薄之分；厚時如坐水晶宮裏，薄時如雨後初霽，極其潔白，無有一處不是的，無有一時不現前。

第二、無念——本來有念無念，是兩頭話，在見地上並不許無念才是，有念便非。但是初入之時，決定是無，何以故？初入悟力不强，只有在無念時得個機會現起，有念時不易現起；要到得箇用處時，才能在有念、妄念、雜念、惡念等一切念上現起。所以初入的人，隨時應注意除妄想，不除妄想要在得箇用處以後去。所以六祖云：「惠能無伎倆，不斷百思想。」然而者不是初入的人，所能做到的。

第三、心無能所——初入時，心雖明明白白，然而並不覺得我心是能入者，明相是所入者。此時之心已歸法性，但覺圓明周遍，一切處明明白白，又舒服，又恬淡，又坦蕩，其詳可讀拙著反省錄如也篇便知。

第四、氣離出入——本來禪宗連心都不談，何況談氣。然而在事實上，者個未死的人，決定是未斷氣的，不因爲汝修禪宗，就沒有氣了。在行功上不宜執著氣，在印證上却可作一考查的條件。所以達摩也說：「語無喘息。」者不是談氣嗎？者初入悟境的氣，是頓然停住了，既不出，亦不入，此悟境偶然現起，爲時不久，在其人當時也不知道氣是如何，在久住悟境

的人，事後追憶，自然知道此時之氣已離出入。我寫至此，想到打地和尚，他是一個深住入處的好例。他見人問西來意，便持杖打地；有人先將杖偷去，再問他，他只有張口而已。此時彼深入悟境，氣不行動，只有打地一法，以警醒他人，杖不在手，氣又不能行，只有張口而已。此種境界，也可證明禪師教人只以證量，不以言語。其他縱出言語，也屬身教之物，非是言教之物。打地和尚以入處教人，其餘噓噓出氣的作風，則是以出處教人，如石頭之教隱峯是也。又因爲氣離出入，此時身體重量完全喪失，極其輕安。

如上四者不是先後現起，而是同時現起；不是個人如是，是各個人都如是。

以上四點，除第一明相不易喪失外，餘三點皆易喪失；所以在悟入以後，保任此入處境界，有習定之必要。古人不許習定者，但指未悟以前，及既用以後也。未悟以前是不宜，既用以後是不必有等人誤解此理，以爲一悟永得，不必習定；散位中又不能管帶，實在可惜。何不思議。古德有四十餘年尚有走作者，汝有何本領不用管帶呢？至若精進的人，在此悟入以後，正好閉關。古人云：「不破初關不閉關，不破重關不住山。」此初悟入之士，便是已破初

關，正好努力大死一回去，一切善事在此時宜完全斷絕；所謂不廢善事者，在得大用以後事也。真正在入處大死一回的人，定功已深，悟境日進，神通也就開發一部分了，此時切不可被神通所誘，作其他世間上醫病去魔等不究竟利他的勾當；接著要做第二層的工夫。二層爲甚麼叫出處呢？既悟入了，經十年、二十年死透之後，其中常常有個執持此悟境的心。古人所謂隱隱的似有個物，或微微的有個主宰，者是一個生死根本，非根本把他消滅不可。所以古人教我們不要坐在無事甲裏，或說不要坐在死水裏，或說不要坐在鬼窟裏。古人又有所謂放出關中主，又有所謂重關，就是指者個東西。

要如何才能出去呢？坐上入處悟境之後，照定了，放下了，確切死透了，在者微細定功上仔細檢點，有無隱隱執持之心？有之，即將此心全部放捨，務令毫無半點留存，務令真如本性自空、自明、自顯，不由我心執持。前此悟境，因此微細執持之心亦已放捨，不惟不會忘失，而且因此明相更寬坦，心地更舒服，體重更消失，氣息并內息亦能停滅，脈搏及血液循環皆可停止，新陳代謝作用也已停止，附帶的延年却病的功能，也由此得，神通更較前開展。

出定後，不急於下座，先右顧而定於悟境，明相依然如故；次左顧亦然，各經二分鐘久，次散定印，而以右手向身前方略作施無畏印勢，而定於悟境，經二分鐘久，而其明相如故；次左手亦復如是；次垂右足，而以右手置右膝上，而定經一分鐘久，而其明相如故；次左足手亦復如是；然後徐徐下座，徐徐經行，縱不管帶，常覺明相不散，心田空蕩；然後於四威儀中，自然合道。此時則可坐可不坐矣。此時但住山，可已不必再閉關。前因專注定境，廢棄一切善事，此時宜速急恢復，而令每一善事，皆由悟境中出之，毫無執著；此時但可與一般善知識接近，不可急向煩惱中去。所謂湯鑊中行，此時還談不到，務必又住山十年，二十年，四威儀定，妄念顯定，功力增長，然後才趨入第三層用處。

用層者，利用煩惱以增長菩提。先且利用從瞋煩惱所生性妄之恐怖著手，務令二層所得悟境，與恐怖心理，能同時配合。此時當往寒林中多鬼怪處，或凶宅中，或大樹下，或魍魎魍魎所棲止之森林中，獨行獨坐，乘其鬼怪滋擾，恐怖生起時，務令與悟境空性相配合。此時悟境必因恐怖而更深入明徹，而彼鬼魅因悟境光明，亦得利益；此種逆境易修，順境則更

難。故在瞋煩惱中調鍊之後，當趨入貪煩惱中。或在賭博中，或在雀戰中，務令在得失心，利害心生起時，與悟境配合而定，則度生方便之力，亦可增長矣。再經過戲場中，電影院色聲極濃處調鍊，然後再向妓館中色聲上調鍊一番，再向內外觸上調鍊一番，即是婆子燒庵的故事所欲得的工夫，二祖所云我自調心，亦是此事。者中間就是極熱的一個湯鑊，不是工夫到家的人，寧可燒庵受辱，不可墮入穀中。若是上面各層工夫確切做到家了，不肯去更進一篙，也是個沒出息漢也，就是足跟未點地者。此時宜離鄉別井，遠走生疏地帶，佯爲瘋子，向禮教不重之邊地，如西康、西藏一帶，可得許多機會，既不會遭官家之刑罰，亦不會受士大夫階級之批評。此時已早有神通，康、藏一帶婦女，自知前來以身供養，工夫因此必大長進。此時切不可止於禮教範圍以內，但顧表面戒律，保全假面子，不肯向煩惱中用功，古今多少好漢，每每止於此地，不得大成就也，大可惜！若是工夫未到家，獅子跳處，小狗也跳下去，必定喪身失命，大須自審！不可自欺！

全若初入用處，加功鍛鍊之法，拙著讚頌集中有一勝照念王頌，介紹於下，以供參考。

勝照念王頌

敬禮

上師自心大圓滿無分前

雙運忽散時，蜜仍在花枝，蜂其採矣，勝照其憶起。
希冀神通時，利他欲有期，力自充體，勝照其憶起。
情思暴流時，一往深且攷，相知同里，勝照其憶起。
一心作事時，猶恐有所遺，就在者裏，勝照其憶起。
平常無事時，枯禪如死尸，意態活矣，勝照其憶起。
貪境現前時，鐵屑猝遇磁，順勢入體，勝照其憶起。
瞋心激動時，怒氣不可支，直下契矣，勝照其憶起。
癡夢纏綿時，昏迷不覺知，忽然入理，勝照其憶起。
慢心高揚時，無佛無祖師，向上更履，勝照其憶起。

疑妒滋蔓時，鬼影如在茲，叩空而喜，勝照其憶起。
俗務叢脞時，五馬以分尸，還在者裏，勝照其憶起。
議論紛騰時，偏執而固持，谷響一理，勝照其憶起。
妙樂極盛時，屢戰屢敗之，禪契歡喜，勝照其憶起。
無念寂住時，明空無雲絲，鞭辟入裏，勝照其憶起。
法喜充滿時，歌舞以自恣，有以有以，勝照其憶起。
嬉笑遊戲時，意態各種姿，卽此卽此，勝照其憶起。
情景變動時，花樣翻新姿，別別入體，勝照其憶起。
八風吹動時，豈能無所思？內外雙履，勝照其憶起。

右頌爲趨入自心進詣瑜伽者，或一味瑜伽者，最先學習而造，果已得一味之量，原用不著。大同禪師曰：「智者撩著便提取。」何用如此瑣屑言之耶！時在乙酉三月，造於攸東天龍巖。

者不過是初修用處的方便，真正初二層到家的人，順其證量，踏入用處，正如玄沙所云：「智者撩著便提取。」用不著許多方便也。

至若了處，本人並未取得此層證量，亦無經驗可以供獻；不過在見地上是已看透了。初學人也應該先行見到此層，然而見到不一定行到，行來則非經過此上三層不可，未經三層之了是假了，非是真了。其主要目的，在使三層機用運用純熟，純之又純，離於一切功用，則算真了了，細讀了層公案便知。

臨淵羨魚，不如退而結網；有志悟道的人，還是從出離下手。如今我請問：「何處不是禪？出離到那裏去？」試參看，如參不透，縱然離得也未在；如參得透，許汝不離而離，恕我一場叨叨！

丙申十二月初十日圓滿於印度噶倫堡五槐茅蓬